


四庫全書存目叢書編纂委員會編

齊魯書社



四庫全書存目叢書

集部
第四〇九冊

責任編輯：孫言誠 賀 偉

ISBN 7-5333-0615-5



2025/06

四庫全書存目叢書·集部四〇九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.5 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第四〇九冊目次

集部・總集類

漢詩說十卷總說一卷

〔清〕沈用濟 費錫璜輯評
遼寧大學圖書館藏清康熙刻本

..... 一

嶺南五朝詩選三十七卷

〔清〕黃登編
北京圖書館藏清康熙三十九年自刻本

..... 八四

漢詩說十卷總說一卷

〔清〕沈用濟 費錫璜輯評

遼寧大學圖書館藏清康熙刻本

附《四庫全書總目·漢詩說十

卷》提要

漢詩說序

成都費錫琮厚著撰

屈平後三百篇而賦離騷詩之大變也秦有仙真人詩而五言作漢代繼之不一人作者不一體孝武之世創立樂府而體制大備詔諸儒作為樂章間亦採風於士庶然當其時善五經者始能解說一經之士不能通曉漢樂府即漢人之詩也其不載入樂府者十九首及蘇李諸篇耳漢詩多不署作者之名故不能次其時代遞降而曹氏父子建安七子其體調又變焉再降而駢麗之辭則古樸之氣衰唐去漢未遠陳子昂已發道喪之歎況至今日沿習近體置六經典雅博奧之文於不講取漢古詞求之不得者或置之或以解近體者解之又樂工割裂詞章以就律呂或為刪易或取他詞竄入字句或雜以聲豔閒字傳之既久不能分晰說漢詩者愈說而愈失愈失而愈不可解不知者之議論與知者之言並傳既未合於古人實貽悞於來禩余與舍弟滋衡常持是以相砥礪而沈子

方舟與舍弟有同志乃前斷自秦後斷自魏上至郊廟下至雜曲謠諺畢取而陳說問難精究其旨趣求合於古人以顯示於學者原不與一時之人絮長量力誇詞逞鬪前有千祀後有方將能讀漢詩者自起而論定之

余初讀漢詩未能通其義後得交費子滋衡刀玉磨礱始漸有所入然未敢筆之書也已丑夏歸自京師訪滋衡於邗江見時流競趨新異六朝暨唐槩置不講何論於漢相與歎息夫詩不深入漢魏樂府破其闢輿而徒尋摘宋元字句之間是猶溯水而不窮其源登山而不極其巔宜乎去雅而就鄭見偽而不見真也正今之失非漢詩不可因各抒所見名漢詩說世之論樂府者曰不知樂不當作樂府考於古人作者未嘗歌歌者亦不能作為此言者非真知樂府者也樂府之聲亡而音未亡聲亡者歌伶之節奏無傳音未亡者文之纏綿悱慨終古長在也余學殖荒落未能窺測古人奧旨滋衡承屢世家學寢處此中者積數十年識力獨有所到故立說多本滋衡世有好學深思之士讀是書亦可知余兩人之用心矣錢唐沈用濟撰

五七言詩興於漢至梁陳乃衰陳子昂起而振之而唐詩以興至五代復衰歐陽脩起而振之而宋詩以興至元復衰李夢陽起而振之而明詩以興詩道興衰正變蓋亦多故矣舉其大則有是三者焉振之在人誠不可闕然有善者有未盡善者昔子昂賦感遇詩復漢魏風繼之者有李杜諸公聲雄而實亦茂骨健而味亦永開元天寶之作幾比隆於漢可不謂盛哉元祐間廬陵盛推太白臨川專尊少陵蘇黃別嗜昌黎數公之意多在盛唐不

漢詩說自序

四

甚稱漢魏以數公之才僅差勝於西崑才調獨成宋體而偏雜之氣亦所不免也空同大復則謂古詩必自漢魏近體必自盛唐此誠卓識然其入漢魏似不及入唐之深故氣雄而味實淺語健而致不深能守不能化未及百年天下掊擊而復衰唐振之最善宋明振之未盡善矣盡善者其詩於漢人遠未盡善者其詩於漢人疎也鼎革後詩無端宗漢魏唐宋人各有師互相譏訕先子中文先生常教諸門人及不肖兄弟詩必命之讀漢人錫璜

初讀不深解嘗雪夜泊舟洪澤湖十日冰不解行匣中惟携漢詩日夜讀之頗有悟入乃嘆向之言漢詩者多似是實非嘗欲說漢詩天下無和者錢唐沈子方舟聞予言獨深嗜之蓋方舟於此亦數十年矣乃酷暑入方舟寓樓網窓塵壁間共成此書嗟乎漢詩之廢千有餘年余兩人淹淪草澤無名位以張大之而欲此書之傳救一世流弊如蚊負山岳髮繫鈞石用力勞而不克勝矣雖然不可不罄吾所知以告天下也昔太史公傳五帝事曰

漢詩說自序

五

百家言黃帝事其文不雅馴薦紳先生難言之又曰書缺有間其軼乃時時見於他說非好學深思心知其意難為淺見寡聞者道是知上古之事文雖難言必好學深思心通其意烏可置而弗講乎余乃取馮維訥梅禹金李因篤諸前輩舊本稍加增益論次而傳之要皆發吾心思告學者從入之路不務詮解往往不同舊說知我罪我聽之天下也其所未備別見所著詩壇破的中成都費錫璜書

參閱姓氏

李 麟	陳 壇	朱 觀
<small>虬峰 昭陽</small>	<small>把蒼 皖江</small>	<small>新安 自觀</small>
黃振超	李 鏞	孫 勳
<small>休寧 非都</small>	<small>任丘 醒巷</small>	<small>子未 德州</small>
陳 炳	朱堪注	李孚青
<small>虎文 長洲</small>	<small>達泗 虔州</small>	<small>丹壑 合肥</small>
孔尚任	卓爾堪	佟 鉉
<small>東塘 曲阜</small>	<small>子任 東甌</small>	<small>遠陽 蘇村</small>
呂 磻	朱 直	吳陳琰
<small>遼陽 大風</small>	<small>金陵 少文</small>	<small>錢唐 寶崖</small>
塞音布	蘇勒太	王朝獻
<small>九如 長白</small>	<small>穎士 長白</small>	<small>精夫 西川</small>
張含章	汪文清	王夢鯨
<small>豐村 太原</small>	<small>絃亮 新安</small>	<small>魚山 含山</small>
王夢鯨	陳于王	曹善寶
<small>石嶺 含山</small>	<small>健夫 遠陽</small>	<small>千之 長白</small>
諸朝棟	金 綰	劉 震
<small>宇上 錢唐</small>	<small>姑蘇 蘇五</small>	<small>興周 茂苑</small>
洪天桂	何 圖	李 菱
<small>秋巖 長白</small>	<small>義文 遼海</small>	<small>唐思 江都</small>
徐 蘭	錢肇修	畢成璧
<small>芝仙 常熟</small>	<small>石臣 鐵嶺</small>	<small>亮四 新安</small>
沈鍾恒	程萬榮	法 葆
<small>冀瞻 錢塘</small>	<small>禹三 大興</small>	<small>商彝 長白</small>
釋一仁	顧嘉譽	程 鑿
<small>樂山 樂山</small>	<small>來章 長洲</small>	<small>藝農 新安</small>
閔奕佑	何鍾江	戴文英
<small>右誠 新安</small>	<small>赤岷 錢唐</small>	<small>延仲 新安</small>
黃天溥	嚴天佑	梁嘉稷
<small>猶農 新安</small>	<small>橋田 笠澤</small>	<small>五葉 關中</small>
方 朝	陳阿平	蕭 暘
<small>東華 番禺</small>	<small>獻孟 東莞</small>	<small>徵義 廣陵</small>
張鴻煦	孫孝標	釋登岱
<small>含貞 淮陽</small>	<small>美徵 錢唐</small>	<small>徽宗 歙縣</small>

漢詩總說

三百篇後漢人創為五言自是氣運結成非人力所能為故古人論曰蘇李天成曹劉自得天成者如天生花草豈人剪裁點綴所能仿佛如鑄就鐘鏞一絲增減不得解此方可看漢詩

詩惟漢詩最難學最難讀極頂才人到漢人輒不能措手輒不能解隻字有強解者多屬皮裏膜外止堪捧腹漢詩即贊歎亦難盡高古雄渾等語俱贊不着也然則將置之乎曰正於此要着一明眼

漢詩總說

讀漢詩不可看作三代衣冠望而畏之須看得極輕妙極靈活極風艷極悲壯極典雅凡後人所謂妙處無不具之即如陽關一曲唐人送別絕調讀李陵三詩知從此化出陌上桑董嬌嬈即張王李韓輕艷之祖也紅塵蔽天地十五從軍征李杜悲壯之祖也冉冉歲云暮賂賓王白樂天皆祖之郊祀諸詩顏謝韓昌黎皆祖之大抵六朝唐宋名家多祖漢詩不能盡述也
屈原將投汨羅而作離騷李陵降胡不歸而賦別

蘇武詩蔡琰被掠失身而賦悲憤諸詩千亡絕調必成於失意不可解之時惟其失意不可解而發言乃絕千古下此則嵇康臨終杜甫遭亂李白投荒皆能繼響前賢外此則吾未之見也

樂府有三等房中郊祀典雅宏奧中學難窺爲最上品陌上桑羽林郎東門行西門行婦病行孤兒行等詩有情有致學者有徑路可尋的是詩家正宗才人鼻祖爲第二品謠諺等作詞氣雖古未免俚質爲第三品

漢詩總說

二

學詩須從第一義着脚如立泰華之巔一切培塿皆在目中何謂第一義自具手眼熟讀楚騷漢詩透過此關然後浸淫於六朝三唐旁及宋元近代此據上流法單從唐人入手猶屬第二義況入手於蘇陸乎

齊梁間人喜言音調平仄互用不可紊亂訛前賢未覩此理然以沈約謝朓詩與十九首並讀勿問其他端言音調相去已遠蓋元氣全則元音足古詩惟十九首音調最圓子建嗣宗猶近之宋齊則

遠矣律詩惟沈宋音調最圓錢劉猶近之中唐則遠矣詞家秦柳最圓南宋則遠矣且國風惟二南最圓十三國似微有不同味之自見

讀書到不能解處正須沉思詩到不可學處正要追步方有出人頭地今人見漢詩輒畏阻見人稱漢詩樂府輒以爲不必爾此終無進境吾爲世人指出長安大路江河源頭一片苦心欲有志之士努力追步不惟古詩得力即律詩絕句亦得力也吾嘗論兩漢之文皆有六經氣味浸溢乎其中唐

漢詩總說

三

宋諸名家不過引經文爲証據耳其實氣味遠甚漢詩典質朴奧與雅頌相近豈晉宋以下所能況近代乎

四言長短有兮字歌是漢人古體五言是漢人近體詩到約以五言便整齊許多此語可爲知者道古詩有箴有戒皆警惕之詞漢詩結處多用之如努力崇明德皓首以爲期箴戒之辭也古詩有祝皆頌禱之意漢詩末句多用祝辭古諺古銘可訓可戒與經表裏惟漢詩尚存此意吾故曰漢人善

學古人

西漢自大風以下諸歌古奧遠過東漢若以燕王旦廣陵王胥與東漢趙壹酈炎較便有河漢之隔文章關乎時代豈不信然

讀漢詩須讀漢文漢賦會通其意始漸有解處淮南史漢太玄易林諸書不可不讀而楚辭尤爲漢詩祖禰

詩至宋齊漸以句求唐賢乃明下字之法漢人高古天成意旨方且難窺何況字句故一切圈點槩

不敢用亦不必用

漢詩總說

四

漢詩有絕不可解者如聖人制禮樂篇之類惟饒歌在可解不可解之間似不純是聲詞雜寫偶思得近似者附註於下非敢云必是也曹子建云漢曲訛不可辨在魏且然況今日哉

聖賢學問極歛約縝栗而萬物不能過周詩歛約之至縝栗之至惟漢詩尚存此氣味所以百世不逮晉宋漸入於文漸取清雅言之文實詩之衰也後世有志復古不深入漢人壁壘猶入室而不由

門也

羽林郎董嬌嬈日出東南隅行諸詩情詞並麗意旨殊工皆詩家之正則學者所當揣摩唐之盧駱王岑錢劉皆於此數詩中得力

漢詩有前後絕不相蒙者如東城高且長天上何所有青青河畔草未可強合亦不必以後人貫串法曲爲古人斡旋疑此等詩有前解後解之別可分可合如十五從軍征在古詩三首內則至淚落沾我衣爲一首在樂府則分爲數解十九首內分入樂府散爲解者甚多他如白頭吟塘上行或增或減多讀古詩自得之今小曲每割諸曲合唱亦是此意

漢詩總說

五

樂府之有解何也自是歌調中節奏如竹之有節合之則爲一竿分之則爲數節實是一竹十五從軍征本一詩也分四語爲一解謂四語爲一解則可謂四語爲一首則不可也如子夜等歌謂四語爲一首則可謂四語爲一解則不可也

鷄鳴相逢行青青陵上栢諸詩讀之見太平景象

人民熙皞上至王侯第宅下至平原北里皆優游宴樂爲盛世之音迄五噫於忽操等詩作遂多衰世之感漢詩至此不可讀矣

鏡歌今人多擬君馬黃將進酒戰城南殊不知上邪上陵皆絕妙好詞所當着眼

顏謝好寒澁雅麗昌黎好摳摭奇字險韻爲詩然漢郊祀鏡歌與衍弘博已開其先司馬子長所謂今上即位作十九章通一經之士不能知其詞皆會集五經家乃能講習讀之多爾雅之文是也

漢詩總說

六

樂府如鏡歌飲馬長城窟諸詩皆極頓挫工部於此最得手後之擬者多直說去便鮮意味

詩主言情文主言道詩一言道則落腐爛然詩亦有言道者陸機云我靜如鏡民動如煙陶潛云此中有真意欲辨已忘言杜甫云舜舉十六相身尊道何高各有懷抱至於宋人則益多如月到天心處風來水面時一陽初動處萬物未生時流入卑俗惟漢人二韋詩及瓜田不納履李下不正冠爲典則也

三代而後惟漢家風俗猶爲近古三代禮樂衰幾未衰吾於讀漢詩見之如陌上桑羽林郎麗人行始皆艷美終止於禮艷歌行流宕他鄉而卒守之以正東門行盜無斗儲而夫婦相勉自愛不爲非好色而不淫怨而不怒惟漢詩有焉

練時日華燁燁天門開多原於楚騷房中曲多原於雅頌

漢詩總說

七

東下何攢攢苦哉邊地人鳳凰鳴高岡諸詩雖僅六句四句而意已足詩乘疑爲有疑闕殆非也

樂府所歌多屬漢人識者自辨其氣味如氣出唱精列今作魏武帝然已見長笛賦艷歌何嘗行宋書作古辭樂府作文帝碧玉歌樂苑以爲宋汝南王而晉孫綽已有情人碧玉歌之語然按其文自是漢辭

漢詩如先秦文不可段落詩中所稱君字汝我妾等字皆不必順一人口氣

漢詩韻最奇焦仲卿妻詩多至二十餘韻有隔句用韻至江南可采蓮上陵蜀國刺乃無韻不可不知

漢人詩未有所爲而作者如垓下歌春歌幽歌悲愁歌白頭吟皆到發憤處爲詩所以成絕調亦不論其詞之工拙而自足感人後人絕命多不工何也只爲殺身成仁等語誤耳

十九首五首三首諸詩多非爲一人一事而作讀之久自能感人有能解此語者吾當與天下共推之

漢詩總說

八

世之說漢詩者好取其詩牽合本傳曲勘隱微雖古人托辭寫懷固當以意逆志然執辭指事多流穿鑿又好舉一詩以爲此爲君臣而作此爲朋友而作此被讒而作此去位而作亦多擬度失本詩面目余說漢詩先去此二病

詩文家不可重複說此最爲俗論如行行重行行下云與君生別離又云相去萬餘里各在天一涯又云道路阻且長又云相去日以遠在今人必訝

其重複昭昭素明月光輝燭我床曰昭昭又曰素又曰明又曰光輝滿歌行亦重叠言之他詩不可枚舉漢人皆不以爲病自疊床架屋之說與詩文二道皆單薄寡味矣

有謂東風搖百草秋草淒以綠已逗六朝門徑又有崇取古懽新心等字以爲生別不知古詩渾渾浩浩純是元氣結成若以字句求之直是囁語漢詩有參看法如乘佐四龍與入紫深宮中若以時俗法言之當作乘四位龍深入紫宮古法殊不

漢詩總說

九

爾參看自見

易林奇古亦漢四言韻語因有書故不錄魏晉樂府中多漢詩論之已詳漢詩中亦時雜周詩如今有人純歌楚詞短歌行直歌呦鹿薤露之曲見於宋玉飲馬長城窟中有秦詩一段此其尤著者也大抵龐厚永長周詩又在漢人上以漢五言詩與周詩並讀則如以唐律與古詩並讀耳常疑瑩篴引高出漢人或周詩之遺乎

前輩稱曹子建謝朓李白工於發端然皆出於漢

人試舉數句請學者觀之良時不再至離別在須臾携手上河梁遊子暮何之黃鵠一遠別千里顧徘徊北方有佳人遺世而獨立鷄鳴高樹巔狗吠深宮中天上何所有歷歷種白榆西北有高樓上與浮雲齊去者日以疎來者日以親紅塵蔽天地白日何冥冥上山採靡蕪下山逢故夫來日大難口燥唇乾日出入安窮大風起兮雲飛揚是豈六朝唐人所及太白輩將此等詩千迴百折讀之然後工於發端耳

漢詩總說

十

詩句之奇至顏延之謝靈運李白杜甫韓愈李賀盧仝至矣然不若漢人之奇試拈數句泊如四海之池徧觀是邪謂何水中之馬必有陸地之船飢不從猛虎食暮不從野雀栖呼兒烹鯉魚中有尺素書蟲來齧桃根李樹代桃僵垂露承帷張霄成幄腐肉安能去子逃奇絕奇絕至郊祀饒歌中奇語不可枚舉此非以奇語求漢人見漢人無所不有也不可忽略讀過

讀漢詩只如見前輩人格恭不敢置一語唯唯而

退不敢議之亦未嘗樂與之親作如是觀者此其人未嘗讀漢詩也

讀漢詩若有所解僅存數章以爲擬體之首作如是觀者此其人亦未嘗讀漢詩也

讀漢詩須手舞足蹈觸得妙境更不忍釋作如是觀者方謂之善讀漢詩

讀漢詩如登山造極溯水得源見衆山皆培塿江河皆支派一切唐宋皆屬雲仍覺語近而味薄體卑而格俚作如是觀者方謂之善讀漢詩

漢詩總說

十一

讀漢詩要見蘇李班張輩皆如在目前爲我兄事師事之人作如是觀者方謂之善讀漢詩
余說漢詩要在示人以法門使學者有入路有依據令其欲喜欲驚俾天下俱向此中尋索至所不能解者余不敢強解之非尋章摘句一味贊美作寬冒語也

錢塘 沈用濟 方舟 全述

成都 費錫璜 滋衡

蕭山 毛奇齡 大可

會稽 姚陶 次耕 論正

高帝

大風歌

大風起兮雲飛揚威加海內兮歸故鄉安得猛士
兮守四方

時高祖春秋已高韓彭輩皆誅孝惠仁弱不類

已而郡國洶洶人心未定故史稱作歌時慷慨

傷懷泣數行下人知此歌雄大之至不知中含

悲傷也

鴻鵠歌

鴻鵠高飛一舉千里羽翼已就橫絕四海橫絕四
海又可奈何雖有繒繳將安所施

武帝

瓠子歌二首

瓠子決兮將奈何浩浩洋洋兮慮殫為河殫為河

今地不得寧功無已時兮吾音魚下同山平吾山平今

鉅野溢魚弗鬱兮柏冬日正道弛兮離常流蛟龍

騁兮放遠遊歸舊川兮神哉沛不封禪兮安知外

為我謂河伯兮何不仁泛濫不止兮愁吾人齧桑

浮兮淮泗滿久不返兮水維緩

河湯湯兮激潺湲北渡回兮迅流難寧長筴兮湛

美玉河伯許兮薪不屬薪不屬兮衛人罪燒蕭條

兮噫乎何以禦水隕林竹兮捷石菑宣防塞兮萬

福來

秋風辭

秋風起兮白雲飛草木黃落兮鴈南歸蘭有秀兮

菊有芳懷佳人兮不能忘汎樓船兮濟汾河橫中

流兮揚素波簫鼓鳴兮發櫂歌歡樂極兮哀情多

少壯幾時兮奈老何

瓠子尚露雄武之氣秋風則婉惻秀細儼然文

士之作

蒲梢天馬歌

天馬徠兮從西極經萬里兮歸有德承靈威兮降外國涉流沙兮四夷服

李夫人歌

是邪非邪立而望之翩何姍姍其來遲

落葉哀蟬曲

羅袂兮無聲玉墀兮塵生虛房冷而寂寞落葉依於重高望彼美之女兮安得感余心之未寧

栢梁詩

日月星辰和四時帝驂駕駟馬從梁來梁王孝郡王武

漢詩說卷一

三

國士馬羽林材大司馬總領天下誠難治丞相和撫

四夷不易哉大將軍衛青刀筆之吏臣執之御史大夫倪寬撞

鐘伐鼓聲中詩太常周建德宗室廣大日益滋宗正劉安國

周衛交戟禁不時衛尉路博德總領從宗栢梁臺光祿勳徐

自平理清讞決嫌疑廷尉杜周修飾輿馬待駕來太僕公孫

賀郡國吏功差次之大鴻臚壺克國棄輿御物主治之少府

王溫陳粟萬石楊呂箕大司農張成微道宮下隨討治

執金吾三輔盜賊天下危左馮翊盛宣盜阻南山為民

災右扶風李成信外家公主不可治京兆尹椒房率更領其

材詹事陳掌蠻夷朝賀常舍其典屬國柱枅榑櫨相枝持

大枇杷橘栗桃李梅大官令走狗逐兔張罟罟上林

齧妃女脣甘如飴郭舍人迫窘詰屈幾窮哉東方朔

昭帝

黃鵠歌

黃鵠飛兮下建章羽肅肅兮行蹒蹒金為衣兮菊為裳唼喋荷荇出入蒹葭自顧菲薄愧爾嘉祥

淋池歌

秋素景兮泛洪波揮纖手兮折芰荷涼風淒淒揚

漢詩說卷一

四

棹歌雲光開曙月低河萬歲為樂豈云多

靈帝

招商歌

涼風起今日照渠青荷晝偃葉夜舒惟日不足樂有餘清絲流管歌玉鳧千年萬歲嘉難踰

趙幽王友

幽歌

諸呂用事兮劉氏微迫脅王侯兮彊授我妃我妃既妬兮誣我以惡讒女亂國兮上曾不寤我無忠

良兮何故棄國自決中野兮蒼天與直于嗟不可
悔兮寧早自財爲王餓死兮誰者憐之呂氏絕理
兮託天報仇

朱虛侯章

耕田歌

深耕穡種立苗欲疏非其種者鋤而去之

淮南王安

八公操

煌煌上天照下土兮知我好道公來下兮公將與

漢詩說卷一

五

子生毛羽兮超騰青雲蹈梁甫兮觀見瑤光過北
斗兮馳乘風雲使玉女兮含精吐氣嚼芝草兮悠
悠將將天相保兮

燕刺王旦

歌二首

王歌

歸空城兮狗不吠雞不鳴橫術何廣廣兮固知國
中之無人

華容夫人歌

附

髮紛紛兮寘渠骨籍籍兮凶居母求死子兮妻求
死夫喪回兩渠間兮君子將安居

廣陵厲王胥

瑟歌

欲久生兮無終長不樂兮安窮奉天期兮不得須
臾千里馬兮駐待路黃泉下兮幽深人生要歟何
爲苦心何用爲樂心所喜出入無怵爲樂亟蒿里
召兮郭門閼歟不得取代庸身自逝

廣川王去

漢詩說卷一

六

望卿歌

背尊章嫖以忽謀屈奇起自絕行周流自生患諒
非望今誰怨

修成歌

愁莫愁生無聊心重結意不舒內第鬱憂哀積上
不見天生何益日崔隤時不再願棄軀歟無悔

東平憲王蒼

武德舞歌詩

於穆世廟肅雍顯濟俊乂翼翼秉文之成越序上

帝駿奔來寧建立三雍封禪泰山章明圖識放唐
之文休矣惟德罔射協同本支百世永保厥功
戚夫人

春歌

子爲王母爲虜終日春薄暮常與歿爲伍相離三
千里當誰使告汝

薄至也迫也謂春至暮也後人遂以薄暮爲日
暮矣

烏孫公主

漢詩說卷一

七

悲愁歌

吾家嫁我兮天一方遠託異國兮烏孫王穹廬爲
室兮羶爲牆以肉爲食兮酪爲漿居常土思兮心
內傷願爲黃鵠兮歸故鄉

趙飛燕

歸風送遠操

涼風起兮天隕霜懷君子兮渺難望感予心兮多
慨慷

班婕妤

怨歌行

新裂齊紈素皎潔如霜雪裁成合歡扇團團似明
月出入君懷袖動搖微風發常恐秋節至涼飈發
炎熱弃捐篋笥中恩情中道絕

漢詩說卷一

八

漢詩說卷二

錢唐 沈用濟 方舟

全述

成都 費錫璜 滋衡

湘潭 陳鵬年 北溟

論正

淮海 許志進 念中

樂府古辭

郊廟歌辭

漢郊祀歌十九首

練時日

漢詩說卷二

一

練時日候有望熒燭蕭延四方九重開靈之旂垂
惠恩鴻枯休靈之車結玄雲駕飛龍羽旄紛靈之
下若風馬左蒼龍右白虎靈之來神哉沛先以雨
般裔裔靈之至慶陰陰相放惠震澹心靈已坐五
音飭虞至旦承靈億牲蘭栗粢盛香尊桂酒賓八
鄉靈安畱吟青黃徧觀此眺瑤堂衆嫔竝綽奇麗
顏如荼兆逐靡被華文厠霧縠曳阿錫珮珠玉俠
與挾 嘉夜蒞蘭芳澹容與獻嘉觴

帝臨

帝臨中壇四方承宇繩繩意變備得其所清和六

合制數以五海內安寧興文臣武后土富媪當作媼

昭明三光穆穆優游嘉服上黃

青陽

鄒子樂

漢書載此名

青陽開動根亥以遂膏潤并愛跂行畢逮霆聲發

榮燬處頃讀曰傾聽枯槁復產廼成厥命衆庶熙熙

施及天胎羣生嘒嘒惟春之祺

朱明

鄒子樂

朱明盛長專與萬物同讀為通生茂豫靡有所訕數

漢詩說卷二

二

華就實既阜既昌登成甫田百鬼迪嘗廣大建祀

肅雍不忘神若宥之傳世無疆

西顥

鄒子樂

西顥沆瑒秋氣肅殺含秀垂穎續舊不廢姦偽不

萌祆孽伏息隅辟讀曰辟越遠四貉咸服既畏茲威

惟慕純德附而不驕正心翊翊

玄冥

鄒子樂

玄冥陵陰蟄蟲蓋藏草木零落抵冬降霜易亂除

邪革正異俗兆民反本抱素懷樸條理信義望禮

五嶽籍歛之時掩收嘉穀

惟泰元

惟泰元尊媪神蕃釐

讀曰嬉

經緯天地作成四時精

建日月星辰度理陰陽五行周而復始雲風雷電

降甘露雨百姓蕃滋咸循厥緒繼統共

讀曰恭

勤順

皇之德鸞路龍鱗罔不胥飾嘉籙列陳庶幾宴享

滅除凶災烈騰八荒鍾鼓竿笙雲舞翔翔招搖靈

旗九夷賓將

天地

漢詩卷十

三

天地竝況惟子有慕爰熙紫壇思求厥路恭承禋

祀緼豫爲紛黼繡周張承神至尊千童羅舞成八

溢

與侑同

合好効歡虞泰一九歌畢奏斐然殊鳴琴

竿瑟會軒朱璆磬金鼓靈其有喜百官濟濟各敬

其事盛牲實俎進聞膏神奄畱臨須搖長麗前揆

光耀明寒暑不忒况皇章展詩應律銷玉鳴函宮

吐角激徵清發梁揚羽申以商造茲新音永久長

聲氣遠條鳳鳥鵷神夕奄虞蓋孔享

日出入

日出入安窮時世不與人同故春非我春夏非我
夏秋非我秋冬非我冬泊如四海之池徧觀是耶
謂何吾知所樂獨樂六龍六龍之調使我心若嘗
黃其何不徠下

費軒記曰十九章皆嚴練獨日出入稍覺放縱

似饒歌此武帝望仙之詞言日出入萬古靡窮

而人壽不能與之同故四時皆與我不相繫泊

如句言人生無歸着處徧觀是耶謂何已是禪

家宗旨六龍日之御下迎黃帝上昇者心若嘗

漢詩卷十

四

黃不寧之貌望六龍徠下以昇天也如此方謂

之神奇匪夷所思

天馬

太一况天馬下霑赤汗沫流赭志倣儻精權奇籥

浮雲晻上馳體容與逝萬里今安匹龍爲友

天馬徠從西極涉流沙九夷服天馬徠出泉水虎

脊兩化若鬼天馬徠歷無阜

即草

經千里循東道天

馬徠執徐時將搖舉誰與期天馬徠開遠門竦予

身逝昆侖天馬徠龍之媒游閭闔觀玉臺

郊祀歌惟天馬二章何也按元狩中得渥洼神馬作太乙貢兮歌後大初中遣李廣利伐大宛得天馬其後一章乎故曰從西極也史與樂府差今字益知今字可有可無

天門

天門開詠蕩蕩穆竝騁以臨饗光夜燭德信著靈寢平而鴻長生豫太朱涂廣夷石爲堂飾玉梢以舞歌體招搖若永望星留俞塞隕光照紫幄珠煩黃幡比陂回集貳雙飛常羊月穆穆以金波日華

漢詩說卷一

五

燿以宣明假清風軋忽激長至重觴神衷回若留放殣冀親以肆章函蒙祉福常若期寂謬上天知厥時泛泛溟溟從高旂殷勤此路臚所求佻正嘉吉弘以昌休嘉磬隱溢四方專精厲意逝九閼紛云六幕浮大海

景星

景星顯見信星彪列象載昭庭日親以察參侔開闔爰推本紀汾睢出鼎皇祐元始五音六律依章饗昭雜變竝會雅聲遠姚空桑琴瑟結信成四典

遞代八風生殷殷鍾石羽籥鳴河龍供鯉醇犧牲百末旨酒布蘭生泰尊柘漿析朝醒微感心攸通脩名周流常羊思所并穰穰復正直往甯馮螭切和疏寫平上天布施后土成穰穰豐年四時榮

齊房

齊讀曰齊

房產草九莖連葉宮童効異披圖案謀玄氣之精回復此都蔓蔓日茂芝成靈華

后皇

后皇嘉壇立玄黃服物發冀州兆蒙祉福沈沈四

漢詩說卷二

六

塞假狄合處經營萬億咸遂厥宇

華燁燁

華燁燁固靈根神之游過天門車千乘敦昆侖神之出排玉房周流雜拔蘭堂神之行旌容容騎沓沓般從從神之徠泛翊翊甘露降慶雲集神之愉臨壇宇九夷賓夔龍舞神安坐鵲吉時共翊翊合所思神嘉虞申貳觴福滂洋邁延長沛施祐汾之阿揚金光橫泰河莽若雲增揚波徧臚驪騰天歌

五神

五神相包四鄰土地廣揚浮雲托嘉壇椒蘭芳璧
玉精垂華光益億年美始興交於神若有承廣宣
延咸畢觴靈輿位偃蹇驤并汨臆析奚遺淫淥澤
湮然歸

朝隴首

朝隴首覽西垠雷電寮古燎字獲白麟爰五止顯黃
德圖勾虐熏鬻極開流離抑不詳賓百僚山河饗
掩回轅鬚長馳騰雨師灑路陂流星隕感惟風籟
歸雲撫懷心

象載瑜

七

象載瑜白集西食甘露飲榮泉赤鴈集六紛員音云
殊翁雜五采文神所見施祉福登蓬萊結無極

赤蛟

赤蛟綏黃華葢露夜零晝掩蓋百君禮六龍位勺
椒漿靈已醉靈既享錫吉祥芒芒極降嘉觴靈殷
殷爛揚光延壽命永未央杳冥冥塞六合澤汪濊
輯萬國靈禔禔象輿輶栗然逝旗逶蛇禮樂成靈
將歸托玄德長無衰

郊祀歌極謹嚴莊重饒歌便稍肆蓋郊祀以對
上帝體宜祇肅饒歌出軍之樂體可稍肆郊祀
歌與安世樂微不同安世樂肅穆敦和郊祀少
加奇譎蓋武帝好尚乃爾

鼓吹曲辭

漢饒歌十八曲

朱鷺

朱鷺魚以烏路訾邪鷺何食食茄下不之食不以
吐將以問誅者

漢饒歌卷二

八

此辭舊無解楊升菴嘗解之而未確余嘗反覆
求之二十年後讀禽經曰朱鷺不攫肉朱鷺不
吞鯉乃悟漢曲朱鷺禽之至仁者如麒麟鳳凰
故王者畫于鼓朱鷺二字爲句魚以烏鳥古顧
字言魚顧鷺也路即上鷺字篆文八分多因上
作省文考漢碑可見訾邪訾筭也言鷺籌筭欲
食之狀鷺何食食茄下茄舊訓荷宜同蓮荷葉
也下音互言朱鷺但食水中荷藻之類不之食
之猶此也謂魚不以吐凡鷺食魚吞而復吐乃

食朱鷺亦不以吐此蓋比王者征伐有罪不殘殺其民但問誅有罪而止故曰將以問誅者者音渚

思悲翁

思悲翁唐思奪我美人侵以遇悲翁也但我思蓬首狗逐狡兔食交君梟子五梟母六拉沓高飛暮安宿

思悲翁謂戰士之可悲者漢詩多自鑄語如平林東之義公義公兩字亦自鑄出唐思奪我美

漢詩說卷一

九

人唐猶突也突思奪我美人言欲掠我婦女也侵以遇悲翁也蓋侵我而即遇悲翁惟我悲翁能禦寇也但我思蓬首言首如飛蓬也狗逐狡兔食交君言翁之禦寇如狗之逐兔狗得兔不食必交與主悲翁獲賊亦必獻之君也梟子五梟母六拉沓高飛暮安宿言寇既敗則巢穴不保母子俱不能全如穴蟻欲何逃之意

艾如張

艾而張羅夷於何行戍之四時和山出黃雀亦有

羅雀以高飛奈雀何爲此倚欲誰肯矇室

艾而張羅言艾刈草木而張羅網夷于何夷創戮也言當于何處刈草木而傷禽獸乎仁德之深於此二語可見矣行戍之四時和言王政仁及草木禽獸大化有成天時當和順雨暘以時也山出二句言鳥高飛則不取爲此二語言當此熙熙皞皞之時宜縱情行樂不必坐困一室猶蕩滌放情志何爲自結束之意

上之回

漢詩說卷二

十

上之回所中益夏將至行將北以承甘泉宮寒暑德游石關望諸國月支臣匈奴服令從百官疾驅馳千秋萬歲樂無極

回中在安定所中益言其中有益於人夏將至行將北言王者順時適宜夏至而北行也以承甘泉宮甘泉本以避暑言尚不及回中暑甚則由甘泉而之回中承猶繼也寒暑德言寒暑能因乎地之宜有德于侍從之臣然猶非第避暑也所以威服四裔亦在於此

翁離翁一作雍
一作雍

擁離趾中可築室何用葺之蕙用蘭擁離趾中

戰城南

戰城南死郭北野死不葬烏可食爲我謂烏且爲
客豪野死諒不葬腐肉安能去子逃水深激激蒲
葦冥冥梟騎戰鬪死驚馬徘徊鳴梁築室何以南
何以北禾黍不獲君何食願爲忠臣安可得思子
良臣良臣誠可思朝行出攻暮不夜歸

戰城南與思悲翁相表裏思悲翁思善戰之翁

漢詩說卷二

士

戰城南悲戰歿之士中惟梁築室何以南何以
北三語俱不可解前輩謂亞夫以梁委七國事
謂築室禦寇或南或北不得耕種似近之

巫山高

巫山高高以大淮水深難以逝我欲東歸害梁不
爲我集無高曳水何梁湯湯回回臨水遠望泣下
沾衣遠道之人心思歸謂之何

上陵

上陵何美美下津風以寒問客從何來言從水中

央桂樹爲君船青絲爲君竿木蘭爲君櫂黃金錯
其間滄海之雀赤翅鴻白鴈隨山林乍開乍合曾
不知日月明醴泉之水光澤何蔚蔚芝爲車龍爲
馬覽遨遊四海外甘露初二年芝生銅池中仙人
下來飲延壽千萬歲

將進酒

將進酒乘太白辨佳哉詩審博一作博放故歌心所
作同陰氣詩悉索使禹良工觀者苦

將進酒乘大白謂大杯在下小杯在上以酒浮

漢詩說卷二

士

之唐人謂之連臺拗倒故曰乘乘謂浮于上也
辨佳哉謂語言明辨佳麗也詩審博所賦之詩
既審且博也放故歌心所作放舊歌以侑酒皆
心所作也同陰氣詩悉率陰氣主鬼神言酒非
惟樂人亦以樂神山川靈異詩無不悉率之古
有蜡蜡索也索百神以祀之如九章天問皆索
鬼神之詩也禹一作萬萬舞名也今當從之良
工指當時俳優侑酒之時疑有俳優作鬼神狀
而歌楚詞使觀者心悲也蘇子瞻曰八蜡三代

之戲禮也非倡優而誰爲葛帶榛杖子貢觀蜡而不悅蓋爲是也若有人兮山之阿載在樂府益信漢時猶歌楚詞

君馬黃

君馬黃臣馬蒼二馬同逐臣馬良易之有驪蔡有赭美人歸以南駕車馳馬美人傷我心佳人歸以北駕車馳馬佳人安終極

淮南子佳人不同體美人不同面二者並稱不礙君馬黃佳人美人並稱亦猶是耳必分如何爲佳人美人亦不必子書每稱至人神人聖人其實亦無大分別也

君臣古人上下通稱不必解到忠被謗信獲疑上去當是離別相思之辭先輩謂芳樹爲被讒有所思爲淫奔雉子班爲招隱擁離爲離宮聖人出爲巡幸上陵爲仙人來遊巫山高爲將士思歸遠如期爲蠻羌朝貢石流爲武帝且戰且求仙皆屬後人臆度之說恐非古人本意也

芳樹

芳樹日月君亂如於風芳樹不上無心溫而鵠三而爲行臨蘭池心中懷我悵心不可匡目不可顧妬人之子愁殺人君有他心樂不可禁王將何似如孫如魚乎悲矣

有所思

有所思乃在大海南何用問遺君雙珠玳瑁簪用玉紹繚之聞君有他心拉雜摧燒之摧燒之當風揚其灰從今已往勿復相思相思與君絕雞鳴狗吠兄嫂當知之妃呼稀秋風肅肅晨風颼東方須

吏高知之

雉子班

雉子班如此之千雉梁無以吾翁孺雉子知得雉子高蜚止黃鵠蜚之以千里王可思雄來蜚從雌視子趨一雉雉子車大駕馬騰被王送行所中堯羊蜚從王孫行

聖人出

聖人出陰陽和美人出遊九河佳人來駢離哉何駕六飛龍四時和君之臣明護不道美人哉宜天

子免甘星巫樂甫始美人子含四海

上邪一作雅

上邪我欲與君相知長命無絕衰山無陵江水爲竭冬雷震震夏雨雪天地合乃敢與君絕

此盟詛之辭極渾含極奇警較車笠詞有雅俚之別矣

臨高臺

臨高臺以軒下有清水清且寒江有香草目以蘭黃鵠高飛離哉翻關弓射鵠令我主壽萬年收中

漢詩卷五

五

吾

與虎賁射鳥詞意同收中吾疑曲調之餘聲

遠如期

遠如期益如壽處天左側大樂萬歲與天無極雅樂陳佳哉紛單于自歸動如驚心虞心大佳萬人還來謁者引鄉殿陳累世未嘗聞之增壽萬年亦誠哉

石流一作留

石流涼陽涼石水流爲沙錫以微河爲香向始谿

一作蘇冷將風陽北逝肯無敢與于揚心邪懷蘭志金安薄北方開留離蘭

漢詩卷五

六

漢詩說卷三

錢唐 沈用濟 方舟

成都 費錫璜 滋衡

姑蘇 汪穀詒 迎年

江都 張師孔 印宣

論正

樂府古辭

相和歌辭

相和曲

箜篌引

漢詩說卷三

公無渡河公竟渡河墮河而死當奈公何

只四語千迴百轉萬古絕調四言斷句此為第

一朝見黃牛次之即此可悟作絕句法必語短

意長方妙

江南

江南可採蓮蓮葉何田田魚戲蓮葉間魚戲蓮葉

東魚戲蓮葉西魚戲蓮葉南魚戲蓮葉北

東光

東光乎一作平蒼梧何不乎蒼梧多腐粟無益諸

下同

軍糧諸軍遊蕩子早行多悲傷

薤露歌

薤上露何易晞露晞明朝更復落人死去何時

歸

蒿里曲

蒿里誰家地聚歛魂魄無賢愚鬼伯一何相催促

人命不得少踟躕

十九首賢聖莫能度此言聚歛魂魄無賢愚使

人意氣都盡要是漢人作詩語皆斷絕千古不

漢詩說卷三

使後人更有可加凡詩使後人有可加處詩便

不至

雞鳴

雞鳴高樹巔狗吠深宮中蕩子何所之天下方太

平刑法非有貸柔協正亂名黃金為君門璧玉為

軒堂上有雙樽酒作使邯鄲倡劉王碧青甃後出

郭門王舍後有方池池中雙鴛鴦鴛鴦七十二羅

列自成行鳴聲何啾啾聞我殿東廂兄弟四五人

皆為侍中郎五日一時來觀者滿路傍黃金絡馬

頭頻頻何煌煌桃生露井上李樹生桃傍蟲來語
桃根李樹代桃疆樹木身相代兄弟還相忘

首言太平之世法不可犯中叙家世之盛末誠
兄弟相尤却用引喻出之高絕

烏生

烏生八九子端坐秦氏桂樹間啗我秦氏家有遊
遨蕩子工用睢陽彊音強蘇合彈左手持彊彈兩
丸出入烏東西啗我一丸即發中烏身烏死魂魄
飛揚上天阿母生烏子時乃在南山巖石間啗我

漢詩說卷三

三

人民安知烏子處蹊徑窈窕安從通白鹿乃在上
林西苑中射工尚復得白鹿脯啗我黃鵠摩天極
高飛後宮尚復得烹煮之鯉魚乃在洛水深淵中
釣鈎尚得鯉魚口啗我人民生各各有壽命死生
何須復道前後

此言鳥獸不能遠害被人烹脯人亦自戕其生
壽命難保也妙在離奇錯落

平陵東

平陵東松柏桐不知何人劫義公劫義公在高堂

下交錢百萬兩走馬兩走馬亦誠難顧見追吏心
中惻心中惻血出漉歸告我家賣黃犢

陌上桑

日出東南隅照我秦氏樓秦氏有好女自名為羅
敷羅敷善蠶桑採桑城南隅青絲為籠係桂枝為
籠鈎頭上倭墮髻耳中明月珠細綺為下裙紫綺
為上襦行者見羅敷下擔將髭鬚少年見羅敷脫
帽著幘頭耕者忘其犁鋤者忘其鋤來歸相怒怨
但坐觀羅敷解一使君從南來五馬立踟躕使君遣

漢詩說卷三

四

吏往問是誰家姝秦氏有好女自名為羅敷羅敷
年幾何二十尚不足十五頗有餘使君謝羅敷寧
可共載不羅敷前致辭使君一何愚使君自有婦
羅敷自有夫解二東方千餘騎夫婿居上頭何用識
夫婿白馬從驪駒青絲繫馬尾黃金絡馬頭腰中
鹿盧劍可值千萬餘十五府小史二十朝大夫三
十侍中郎四十專城居為人潔白晳鬚鬚頗有鬚
盈盈公府步冉冉府中趨坐中數千人皆言夫婿

殊三
解

日出東南隅照我秦氏樓起句便有容華映朝
日之意惟太白善用此法自名為羅敷句奇絕
此婉變美名非父母命之他人號之而羅敷自
名之奇妙青絲六句粧扮出一箇絕色佳人令
人想見妙絕行者八句人皆消魂奪魄是旁寫
倒映法所以起使君句試觀數行詩曾有一句
寫羅敷肌膚眉目乎細叅之使君遣吏問復叙
羅敷姓名年齒如此方委曲盤旋而不直迫此
詩家三昧羅敷對使君之語只說夫婿而自已
之不可犯使君之冒昧更不必言結法高絕此
詩開無限法門

費軒記曰但坐觀羅敷坐作為字解何用識夫
婿用作以字解

同前

楚辭鈔

今有人山之阿被服薜荔帶女羅既含睇又宜笑
子戀慕予善窈窕乘赤豹從文狸辛夷車駕結桂
旗被石蘭帶杜衡折芳拔茝遺所思處幽室終不
見天路險艱獨後來表獨立山之上雲何容容而

在下杳冥冥羌晝晦東風飄飄神靈雨風瑟瑟木
復復思念公子徒以憂

吟歎曲

王子喬

王子喬參駕白鹿雲中遨參駕白鹿雲中遨下遊
來王子喬參駕白鹿上至雲戲遊遨上建逋陰廣
里踐近高結仙宮過謁三台東遊四海五嶽上過
蓬萊紫雲臺三王五帝不足令令我聖朝應太平
養民若子事父明當究天祿永康寧玉女羅坐吹
笛簫嗟行聖人遊八極鳴吐銜福翔殿側聖主享
萬年悲吟皇帝延壽命

平調曲

長歌行

青青園中葵朝露待日晞陽春布德澤萬物生光
輝常恐秋節至焜黃華葉衰百川東到海何時復
西歸少壯不努力老大徒傷悲

同前二首

仙人騎白鹿髮短耳何長導我上太華攬芝獲赤

幢來到主人門奉藥一玉箱主人服此藥身體日
康彊髮白復更黑延年壽命長

岩岩山上亭皎皎雲間星遠望使心思遊子戀所
生驅車出北門遙觀洛陽城凱風吹長棘天天枝
葉傾黃鳥飛相追咬咬弄音聲竚立望西河泣下
沾羅纓

君子行

君子防未然不處嫌疑間瓜田不納履李下不正
冠嫂叔不親授長幼不比肩勞謙得其柄和光甚
獨難周公下白屋吐哺不及餐一沐三握髮後世
稱聖賢

清調曲

豫章行

白楊初生時乃在豫章山上葉摩青雲下根通黃
泉涼秋八月山客持斧斤我關何皎皎梯落關

根株已斷絕顛倒巖石間大匠持斧繩鋸墨
齊兩端一驅四五里枝葉自相捐關會

爲舟船燔身在洛陽宮根在豫章山多謝枝與葉

何時復相連吾生百年關自關俱何意萬人
巧使我離根株

董逃行

吾欲上謁從高山山頭危險道路難遙望五嶽端
黃金爲闕班璘但見芝草葉落紛紛解一百鳥集來
如烟山獸紛綸麟辟邪其端鳴雞聲鳴但見山獸
援戲相拘攀解二小復前行玉堂未心懷流還傳教
出門來門外人何求所言欲從聖道求一得命延
解三教教凡吏受言採取神藥若水端玉兔長跪擣

漢詩說卷三

人

藥蝦蟇丸奉上陛下玉梓服此藥可得神仙解四
服爾神藥莫不歡喜陛下長生老壽四面肅肅稽
首天神擁護左右陛下長與天相保守解五

相逢行

相逢狹路間道隘不容車不知何年少夾轂問君
家君家誠易知易知復難忘黃金爲君門白玉爲
君堂堂上置樽酒作使邯鄲倡中庭生桂樹華燈
何煌煌兄弟兩三人中子爲侍郎五日一來歸道
上自生光黃金絡馬頭觀者盈道傍入門時左顧

但見雙鴛鴦鴛鴦七十二羅列自成行音聲何囀
囀鴛鳴東西廂大婦織綺羅中婦織流黃小婦無
所爲挾瑟上高堂丈人且安坐調絲方未央

長安有狹斜行

長安有狹斜斜斜不容車適逢兩少年夾轂問君
家君家新市傍易知復難忘大子二千石中子孝
廉郎小子無官職衣冠仕洛陽三子俱入室室中
自生光大婦織綺紵中婦織流黃小婦無所爲挾
琴上高堂丈人且徐徐調弦詎未央

瑟調曲

善哉行

來日大難口燥唇乾今日相樂皆當喜歡一解經歷
名山芝草翻翻仙人王喬奉藥一九自惜袖短
內手知寒慚無靈輶以報趙宣三月沒參橫北斗
閨干親交在門饑不及餐四解歡日尚少戚日苦多
以何忘憂彈箏酒歌五解淮南八公要道不煩參駕
六龍遊戲雲端六解

隴西行

天上何所有歷歷種白榆桂樹夾道生青龍對道
隅鳳凰鳴啾啾一母將九雛顧視世間人爲樂甚
獨殊好婦出迎客顏色正敷愉伸腰再拜跪問客
平安不請客北堂上坐客羣艷能清白各異樽酒
上正華疏酌酒持與客客言主人持却畧再拜跪
然後持一杯談笑未及竟左顧敕中厨促令辦麋
飯慎莫使稽留廢禮送客出盈盈府中趨送客亦
不遠足不過門樞取婦得如此齊姜亦不如健婦
持門戶亦勝一丈夫

步出夏門行

邪徑過空廬好人常獨居卒得神仙道上與天相
扶過謁王父母乃在太山隅離天四五里道逢赤
松俱攬轡爲我御將吾天上遊天上何所有歷歷
種白榆桂樹夾道生青龍對伏跌

折楊柳行

默默施行違厥罰隨事來末喜殺龍逢桀放於鳴
條一解祖伊言不用紂頭懸白旄指鹿用爲馬胡亥
以喪軀二解夫差臨命絕乃云負子胥戎王納女樂

以亡其由余璧馬禍及號二國俱爲墟三夫成
市虎慈母投杼趨卞和之刑足接輿歸草廬四
昔人謂紂袴不餓死儒冠多誤身爲一篇之主
此詩首言默默施行違厥罰隨事來後十數句
皆應此二語工部實本此

西門行

出西門步念之今日不作樂當待何時一夫爲樂
爲樂當及時何能坐愁悵鬱當復待來茲二飲醇
酒炙肥牛請呼心所歡可用解愁憂三人生不滿

漢詩說卷三

士

百常懷千歲憂晝短苦夜長何不秉燭遊四自非
仙人王子喬計會壽命難與期自非仙人王子喬
計會壽命難與期五人壽非金石年命安可期貪
財愛惜費但爲後世嗤六

出西門步念之今日不作樂當待何時逮爲樂逮
爲樂當及時何能愁悵鬱當復待來茲釀美酒炙
肥牛請呼心所歡可用解憂愁人生不滿百常懷
千歲憂晝短苦夜長何不秉燭遊遊行去去如雲
除弊車羸馬爲自儲

東門行

出東門不顧歸來入門悵欲悲盎中無斗儲還視
桁上無懸衣一拔劍出門去兒女牽衣啼他家但
願富貴賤妾與君共鋪糜二共鋪糜上用倉浪天
故下爲黃口小兒今時清廉難犯教言君復自愛
莫爲非三今時清廉難犯教言君復自愛莫爲非
行吾去爲遲平慎行望君歸四

漢詩說卷三

主

家但願富貴賤妾與君共鋪糜上用倉浪天故下
當用此黃口兒今非嗤行吾去爲遲白髮時下難
久居

出東門不顧歸來入門悵欲悲言已出復歸一
入門而心已悲悲其無食無衣也拔劍出門去
言發憤而之四方欲有所爲也兒女牽衣啼一
作兒母妻也以下皆妻言他家但願富貴賤
妾與君共鋪糜言當安貧也上用倉浪天言天
不可欺故下爲黃口小兒指其兒女言今時清

廉難犯教言言法令不可犯也君復自愛莫爲
非言當以禮持身不可爲非不欺其天以佑我
兒女也又重言以諄囑之行吾去爲遲遲遲其
行留戀不舍也平慎行望君歸純是勸勉屬望
之意與鷄鳴昧旦相同漢風之隆也

婦病行

婦病連年累歲傳呼丈人前一言當言未及得言
不知淚下一何翩翩屬累君兩三孤子莫我兒饑
且寒有過慎莫筮筮行當折搖思復念之亂曰抱

漢詩說卷三

七

時無衣襦復無裏閉門塞牖舍孤兒到市道逢親
交泣坐不能起從乞求與孤買餌對交啼泣淚不
可止我欲不傷悲不能已探懷中錢持授交入門
見孤啼索其母抱徘徊空舍中行復爾耳弃置勿
復道

孤兒行

孤兒生孤子遇生命獨當苦父母在時乘堅車駕
駟馬父母已去兄嫂令我行賈南到九江東到齊
與魯臘月來歸不敢自言苦頭多蟣虱面目多塵

大兄言辦飯大嫂言視馬上高堂行取殿下堂孤
兒淚下如雨使我朝行汲暮得水來歸手爲錯足
下無菲愴愴履霜中多蒺藜拔斷蒺藜腸月中愴
欲悲淚下漉漉清涕累累冬無複襦夏無單衣居
生不樂不如早去下從地下黃泉春氣動草萌芽
三月蠶桑六月收瓜將是瓜車來到還家瓜車反
覆助我者少啗瓜者多願還我蒂兄與嫂嚴獨且
急歸當與校計亂曰里中一何譊譊願欲寄尺書
將與地下父母兄嫂難與久居

漢詩說卷三

七

鴈門太守行

孝和帝在時洛陽令王君本自益州廣漢蜀民少
行宦學通五經論一明知法令歷世衣冠從溫補
洛陽令治行致賢擁護百姓子養萬民二外行猛
政內懷慈仁文武備具料民富貧移惡子姓篇著
里端三傷殺人比伍同罪對門禁釐矛八尺捕輕
薄少年加笞決罪詣馬市論四無妄發賦念在理
寬敕吏正獄不得苛煩財用錢三十買繩禮竿五
賢哉賢哉我縣王君巨吏衣冠奉事皇帝功曹主

簿皆得其人六臨部居職不敢行恩清身苦體風

夜勞勤治有能名遠近解所聞七天年不遂早就奄

昏爲君作祠安陽亭西欲令後世莫不稱傳八解

豔歌何嘗行二首

飛來雙白鵠乃從西北方十五五羅列成行妻
卒被病行不能相隨五里一返顧六里一徘徊吾
欲銜汝去口噤不能開吾欲負汝去毛羽何摧頽
樂哉新相知憂來生別離躊躇顧羣侶淚下不自
知

漢詩說卷三

五

念與君離別氣結不能言各各厚自愛遠道歸還
難妾當守空房閉門下重關若生當相見亡者會
黃泉今日樂相樂萬歲期延年

豔歌行

翩翩堂前燕冬藏夏來見兄弟兩三人流宕在他
縣故衣誰當補新衣誰當綻賴得賢主人覽取爲
吾組夫婿從門來斜倚西北眇語卿且勿眇水清
石自見石見何纍纍遠行不如歸

賢主人蓋謂主婦也夫婿主婦之婿也語卿客

語夫婿也

同前

南山石嵬嵬松柏何離離上枝拂青雲中心十數
圍洛陽發中梁松樹竊自悲斧鋸截是松松樹東
西摧持作四輪車載至洛陽宮觀者莫不歎問是
何山材誰能刻鏤此公輸與魯班被之用丹漆薰
用蘇合香本是南山松今爲宮殿梁

楚調歌

怨詩行

漢詩說卷三

七

天德悠且長人命一何促百年未幾時奄若風吹
燭嘉賓難再遇人命不可續齊度遊四方各繫太
山錄人間樂未央忽然歸東嶽當須盪中情遊心
恣所欲

大曲

滿歌行

爲樂未幾時遭時嶮巇逢此百罹伶丁荼毒愁苦
難爲遙望極辰天曉月移憂來填心誰當我知戚
戚多思慮耿耿殊不寧禍福無形惟念古人遜位

躬耕遂我所願以茲自寧自鄙棲棲守此末榮暮
秋烈風昔蹈滄海心不能安攬衣瞻夜北斗闌干
星漢照我去自無他奉事二親勞心可言窮達天
為智者不愁多為少憂安貧樂道師彼莊周遺名
者貴子遐同遊往者二賢名垂千秋飲酒歌舞樂
復何須照視日月日月馳驅軼軻人間何有何無
貪財惜費此一何愚鑿石見火居代幾時為當懽
樂心得所喜安神養性得保遐期

為樂未幾時遭世險熾逢此百罹零丁荼毒愁懣

漢詩說卷三

七

難支遙望辰極天曉月移憂來填心誰當我知一
戚戚多思慮耿耿不寧禍福無形唯念古人遜位
躬耕遂我所願以茲自寧自鄙山棲守此一榮二
暮秋烈風起西蹈滄海心不能安攬衣起瞻夜北
斗闌干星漢照我去自無他奉事二親勞心可
言三窮達天所為智者不愁多為少憂安貧樂正
道師彼莊周遺名者貴子熙同熾往者二賢名垂
千秋四飲酒歌舞不樂何須善哉照觀日月日月
馳驅軼軻世間何有何無貪財惜費此何一愚命

如鑿石見火居世竟能幾時但當歡樂自娛盡心
極所嬉怡安善養君德性百年保此期頤

舞曲歌辭

雜舞

淮南王篇

淮南王自言尊百尺高樓與天連後園鑿井銀作
牀金瓶素綆汲寒漿汲寒漿飲少年少年窈窕何
能賢揚聲悲歌音絕天我欲渡河河無梁願化雙
黃鵠還故鄉還故鄉入故里徘徊故鄉苦身不已
繁舞寄聲無不泰徘徊桑梓遊天外

漢詩說卷三

六

此警誡列國之辭當以淮南王為鑒前言其尊
大次言其侈借次言與八公之徒為亂為可悲
自我欲渡河以下漢詩常有之恐亦分合之辭
耳

鐸舞歌詩

聖人制禮樂篇

昔皇文武邪彌彌舍善誰吾時吾行許帝道銜來
治路萬邪治路萬邪赫赫意黃運道吾治路萬邪
善道明邪金邪善道明邪金邪帝邪近帝武武邪

邪聖皇八音偶邪尊來聖皇八音及來儀邪同邪
鳥及來義邪善草供國吾咄等邪鳥近帝邪武邪
近帝武邪武邪應節合用武邪尊邪應節合用酒
期義邪同邪酒期義邪善草供國吾咄等邪鳥近
帝邪武邪近帝武武邪邪下音足木上爲鼓義邪
應衆義邪樂邪邪延否已邪鳥已禮祥咄等邪鳥
素女有絕其聖鳥鳥武邪

巾舞歌詩

吾不見公莫時吾何嬰公來嬰姪時吾哺聲何爲

漢詩說卷三

九

茂時爲來嬰當恩吾明月之士轉起吾何嬰土來
嬰轉去吾哺聲何爲土轉南來嬰當去吾城上羊
下食草吾何嬰下來吾食草吾哺聲汝何三年鍼
縮何來嬰吾亦老吾平平門淫涕下吾何嬰何來
嬰涕下吾哺聲昔結吾馬客來嬰吾當行吾度四
州洛四海吾何嬰海何來嬰四海吾哺聲煬西馬
頭香來嬰吾洛道吾治五大度汲水吾意邪哺誰
當求兒母何意零邪錢健步哺誰當吾求兒母何
吾哺聲三鍼一發交時還弩心意何零意弩心遙

來嬰弩心哺聲復相頭巾意何零何邪相哺頭巾
相吾來嬰頭巾母何何吾復來推排意何零相哺
推相來嬰推非母何吾復車輪意何零子以邪相
哺轉輪吾來嬰轉母何吾使君去時意何零子以
邪使君去時使來嬰去時母何吾思君去時意何
零子以邪思君去時思來嬰吾去時母何何吾吾
散樂

俳歌辭

俳不言不語呼俳喻所俳適一起狼率不止生拔

漢詩說卷三

十

牛角摩斷膚耳馬無懸蹄牛無上齒駱駝無角奮
迅兩耳

古今樂錄梁三朝樂第十六設俳伎兒以青
布囊盛竹篋貯兩趺子負束寫地歌舞小兒二
人提沓趺子頭讀俳云云按此詞世人多不解
蓋兩小兒讀以嘲兩趺子之辭言布囊篋中之
俳不能言語呼俳喻所一作澀所蓋言其窻窳
之聲後言狼牛馬駝言其四足露于外似此狼
牛馬駝而實非也

古艷歌

孔雀東飛苦寒無衣爲君作妻中心惻悲夜夜織
作不得下機三日載疋尚言吾遲

焦仲卿妻詩載在漢詩按其詩意實本此爲起
興後人入魏詩蓋非

漢詩說卷四

錢塘 沈用濟 方舟

全述

成都 費錫璜 滋衡

當湖 陸奎勳 聚緱

論正

天都 胡豐祖 來章

項羽

垓下歌

力拔山兮氣蓋世時不利兮騅不逝騅不逝兮可
奈何虞兮虞兮奈若何

四皓

采芝操

皓天嗟嗟深谷逶迤樹木莫莫高山崔嵬巖居穴
處以爲幄茵曄曄紫芝可以療饑唐虞往矣吾當
安歸

紫芝歌

莫莫高山深谷逶迤曄曄紫芝可以療饑唐虞世
遠吾將何歸駟馬高蓋其憂甚大富貴之畏人今
不若貧賤之肆志

韋孟

諷諫詩

肅肅我祖國自豕韋黼衣朱紱四牡龍旂彤弓斯
征撫寧遐荒總齊羣邦以翼大商迭彼大彭勲績
惟光至于有周歷世會同王赧聽譖實絕我邦我
邦既絕厥政斯逸賞罰之行非繇王室庶尹羣后
靡扶靡衛五服崩離宗周以墜我祖斯微遷于彭
城在予小子勤唉厥生阨此嫚秦耒耜斯耕悠悠
嫚秦上天不寧乃眷南顧授漢于京於赫有漢四

漢詩說卷四

二

方是征靡適不懷萬國攸平乃命厥弟建侯于楚
俾我小臣惟傳是輔矜矜元王恭儉靜一惠此黎
民納彼輔弼享國漸世垂烈于後迺及夷王克奉
厥緒咨命不永惟王統祀左右陪臣斯惟皇士如
何我王不思守保不惟履冰以繼祖考邦事是廢
逸游是娛犬馬悠悠是放是驅務此鳥獸忽此稼
苗烝民呂匱我王以媮所弘匪德所親匪俊唯囿
是恢唯諛是信踰踰諂夫譌譌黃髮如何我王曾
不是察既藐下臣追欲縱逸嫚彼顯祖輕此削黜

嗟嗟我王漢之睦親曾不夙夜以休令聞穆穆天
子照臨下土明明羣司執憲靡顧正遐由近殆其
怙茲嗟嗟我王曷不斯思匪思匪監嗣其罔則彌
彌其逸岌岌其國致冰匪霜致墜匪嫚瞻惟我王
時靡不練興國救顛孰違悔過追思黃髮秦繆以
霸歲月其徂年其逮耆於赫君子庶顯于後我王
如何曾不斯覽黃髮不近胡不時鑒

在鄒詩

微微小子既耆且陋豈不幸位穢我王朝王朝肅

漢詩說卷四

三

清唯俊之庭顧瞻余躬懼穢此征我之退征請于
天子天子我恤矜我髮齒赫赫天子明哲且仁懸
車之義以泊小臣嗟我小子豈不懷土庶我王寤
越遷于魯既去禍祖惟懷惟顧祁祁我徒戴負盈
路爰戾于鄒鬚茅作堂我從我環築室于牆我既
遷逝心存我舊夢我瀆上立于王朝其夢如何夢
爭王室其爭如何夢王我弼寤其外邦歎其喟然
念我祖考泣涕其漣微微老夫咨既遷絕洋洋仲
尼視我遺烈濟濟鄒魯禮義唯恭誦習絃歌于異

他邦我雖鄙考心其好而我徒侃爾樂亦在而

東方朔

誠子詩

明者處世莫尚于中優哉游哉於道相從首陽爲
拙柳惠爲工飽食安步以仕代農依隱玩世詭時
不逢才盡身危好名得華有羣累生孤貴失和遺
餘不匱自盡無多聖人之道一龍一蛇形見神藏
與物變化隨時之宜無有常家

霍去病

琴歌

四夷旣護諸夏康今國家安寧樂無央今載戢干
戈弓矢藏今麒麟來臻鳳凰翔今與天相保永無
疆今親親百年各延長今

司馬相如

封禪頌

自我天覆雲之油油甘露時雨厥壤可游滋液滲
漉何生不育嘉穀六穗我穡曷蓄非唯雨之又潤
澤之非唯徧之我祀布護之萬物熙熙懷而慕思

名山顯位望君之來君乎君乎侯不邁哉般般之
獸樂我君圃白質黑章其儀可嘉旼旼穆穆君子
之能蓋聞其聲今觀其來厥塗靡蹤天瑞之徵茲
亦於舜虞氏以興濯濯之麟游彼靈時孟冬十月
君徂郊祀馳我君輿帝用享祉三代之前蓋未嘗
有宛宛黃龍興德而升采色炫燿燿炳輝煌正陽
顯見覺悟黎蒸於傳載之云受命所乘厥之有章
不必諄諄依類託寓諭以封巒

琴歌二首

鳳兮鳳兮歸故鄉遨遊四海求其凰時未遇今無
所將何悟今夕今升斯堂有豔淑女在閨房室邇
人遐毒我腸何緣交頸爲鴛鴦胡頡頏今共翱翔
鳳兮鳳兮從我棲得托孳尾永爲妃交情通體心
和諧中夜相從知者誰雙翼俱起翻高飛無感我
思使余悲

蘇武

詩四首

骨肉緣枝葉結交亦相因四海皆兄弟誰爲行路

人況我連枝樹與子同一身昔爲鴛與鴦今爲參
與辰昔者常相近邈若胡與秦惟念當乖離恩情
日以新鹿鳴思野草可以喻嘉賓我有一尊酒欲
以贈遠人願子畱斟酌敘此平生親
結髮爲夫妻恩愛兩不疑歡娛在今夕燕婉及良
時征夫懷往路起視夜何其音基參辰皆已沒去去
從此辭行役在戰場相見未有期握手一長歎淚
爲生別滋努力愛春華莫忘歡樂時生當復來歸
必當長相思

漢詩說卷四

六

黃鶴一遠別千里顧徘徊胡馬失其羣思心常依
依何況雙飛龍羽翼臨當乖幸有絃歌曲可以喻
中懷請爲遊子吟泠泠一何悲絲竹厲清聲慷慨
有餘哀長歌正激烈中心愴以摧欲展清商曲念
子不得歸俛仰內傷心淚下不可揮願爲雙黃鵠
送子俱遠飛

燭燭晨明月馥馥我蘭芳芬馨良夜發隨風聞我
堂征夫懷遠路遊子戀故鄉寒冬十二月晨起踐
嚴霜俯觀江漢流仰視浮雲翔良友遠別離各在

天一方山海隔中州相去悠且長嘉會難再遇歡
樂殊未央願君崇令德隨時愛景光

李陵

與蘇武詩三首

良時不再至離別在須臾屏營衢路側執手野踟
躕仰視浮雲馳奄忽互相踰風波一失所各在天
一隅長當從此別且復立斯須欲因晨風發送子
以賤軀

漢詩說卷四

七

辭行人難久畱各言長相思安知非日月弦望自
有時努力崇明德皓首以爲期

嘉會難再遇三載爲千秋臨河濯長纓念子悵悠
悠遠望悲風至對酒不能酬行人懷往路何以慰
我愁獨有盈觴酒與子結綢繆

良時不再至只此五字已足泣鬼神矣蓋陵與
武一別終身不再見且子歸成名我留受辱此
一別自是千秋關係故發而爲言與平常不同
所以五字後字字痛心超絕千古蓋天地間當

開五言詩遂有蘇李之事自是而還四言之風漸微而五七言遂至于今皆此數詩開之學者不從此透關終非絕頂此良時五字尤宜着眼

別歌

徑萬里今度沙漠爲君將兮奮匈奴路窮絕兮矢刃摧士衆滅兮名已隕老母已死雖欲報恩將安歸

李延年

歌一首

漢詩說卷四

北方有佳人絕世而獨立一顧傾人城再顧傾人國寧不知傾城與傾國佳人難再得

傾城傾國甚之之詞深一層法寧不知句作一折接云佳人難再得方是正意令人銷魂奪魄矣漢詩正意多在末句

楊惲

拊缶歌

田彼南山蕪穢不治種一頃豆落而爲其人生行樂耳須富貴何時

韋玄成

自劾詩

赫矣我祖侯于豕韋賜命建伯有殷以綏厥績既昭車服有常朝宗商邑四牡翔翔德之令顯慶流于裔宗周至漢羣后歷世肅肅楚傳輔翼元夷厥駟有庸惟慎惟祗嗣王孔佚越遷于鄒五世曠僚至我節侯維我節侯顯德遐聞左右昭宣五品以訓既考致位惟懿惟與厥賜祁祁百金泊館國彼扶陽在京之東惟帝是畱政謀是從繹繹六轡是

漢詩說卷四

九

列是理威儀濟濟朝享天子天子穆穆是宗是師四方遐邇觀國之輝茅土之繼在我俊兄惟我俊兄是讓是形於休厥德於赫有聲致我小子越畱於京惟我小子不肅會同嬭彼車服黜此附庸赫赫顯爵自我隊之微微附庸自我招之誰能忍媿寄之我顏誰將遐征從之夷蠻於赫三事匪俊匪作於蔑小子終焉其度誰謂華高企其齊而誰謂德難厲其庶而嗟我小子于貳其尤隊彼令聲申此擇辭四方羣后我監我視威儀車服唯肅是履

戒子孫詩

於肅君子既令厥德儀服此恭棣棣其則咨予小子既德靡逮曾是車服荒嫚以隊明明天子俊德烈烈不遂我遺恤我九列我既茲恤惟夙惟夜畏忌是申供事靡愆天子我監登我三事顧我傷隊爵復我舊我既此登望我舊階先后茲度漣漣孔懷司直御事我熙我盛羣公百僚我嘉我慶于異卿士非同我心三事惟薌莫我肯矜赫赫三事力雖此畢非我所度退其罔日昔我之隊畏不此居

漢書卷四

十

今我度茲戚戚其懼唯我後人命其靡常靖共爾位瞻仰靡荒慎爾會同戒爾車服無靖爾儀以保爾域爾無我視不慎不整我之此復惟祿之幸於戲後人惟肅惟栗無忝顯位以蕃漢室

二韋詩翼翼恭恪可訓可戒大儒之言也自劾詩有思過之心歟戒子孫詩其補過之言歟寅恭抑畏安不忘危與雅頌爭烈矣

絕命詞

玄雲決鬱將安歸兮鷹隼橫厲鸞徘徊兮矰若浮焱動則機兮叢棘棧棧曷可栖兮發忠忘身自繞罔兮冤頸折翼庸得往兮涕泣流兮萑蘭心結帽兮傷肝虹蜺曜兮日微孽杳冥兮未開痛入天兮嗚呼冤際絕兮誰語仰天高兮自列招上帝兮我察秋風爲我唵浮雲爲我陰嗟若是兮欲何留撫神龍兮攬其須游曠迴兮反亾期雄失據兮世我思

唐山夫人

漢書卷四

十

安世房中歌

大孝備矣休德昭清高張四縣樂充宮庭芬樹羽林雲景杳冥金支秀華庶旒翠旌七始華始肅倡和聲神來晏娛庶幾是聽粥粥音送細齊人情忽乘青玄熙事備成清思聊聊經緯冥冥我定歷數人告其心敕身齊戒施教申申乃立祖廟敬明尊親大矣孝熙四極爰臻王侯秉德其鄰翼翼顯明昭式清明邇矣皇帝孝

德竟全大功撫安四極

海內有姦紛亂東北詔撫成師武臣承德行樂交
逆簫勺羣慝肅爲濟哉蓋定燕國

大海蕩蕩水所歸高賢愉愉民所懷太山崔百卉
殖民何賢賢有德

安其所樂終產樂終產世繼緒飛龍秋游上天高
賢愉樂民人

豐草萋女羅施善何如誰能回大莫大成教德長
莫長被無極

漢書卷四

主

雷震震電耀耀明德鄉治本約治本約澤弘大加
被寵咸相保德施大世曼壽

都荔遂芳宵宸桂華孝奏天儀若日月光藥玄四
龍回馳北行羽旄殷盛芬哉芒芒孝道隨世我署
文章

馮馮翼翼承天之則吾易久遠燭明四極慈惠所
愛美若休德杳杳冥冥克綽永福

磴磴即即師象山則嗚呼孝哉案撫戎國蠻夷竭
歡象來致福兼臨是愛終無兵革

嘉薦芳矣告靈饗矣告靈既饗德音孔臧惟德之
臧建侯之常承保天休令問不忘

皇皇鴻明蕩侯休德嘉承天和伊樂厥福在樂不
荒惟民之則浚則師德下民咸殖令問在舊孔容
翼翼

孔容之常承帝之明下民之樂子孫保光承順溫
良受帝之光嘉薦令芳壽考不忘

承帝明德師象山則雲施稱民永受厥福承容之
常承帝之明下民安樂受福無疆

漢書卷四

主

漢家累代廟號皆首孝字安世房中歌首言大
孝備矣後又言大哉孝熙皇帝孝德嗚呼孝哉
孝德隨世反覆稱之數百年家法皆自此詩開
之與成周比隆庶幾無愧

虞美人

答項王楚歌

漢兵已畧地四面楚歌聲大王意氣盡賤妾何聊
生

卓文君

白頭吟

皚如山上雪皎若雲間月聞君有兩意故來相決
絕今日斗酒會明日溝水頭蹀蹀御溝上溝水東
西流淒淒復淒淒嫁娶不須啼願得一心人白頭
不相離竹竿何嫋嫋魚尾何篸篸男兒重意氣何
用錢刀爲

皚如山上雪皎如雲間月聞君有兩意故來相決

絕一平生共城中何嘗斗酒會今日斗酒會明日

溝水頭蹀蹀御溝上溝水東西流二郭東亦有樵

漢詩說卷四

古

郭西亦有樵兩樵相推與無親爲誰驕三淒淒重

淒淒嫁娶亦不啼願得一心人白頭不相離四竹

竿何嫋嫋魚尾何離篸男兒欲相知何用錢刀爲

齒如馬噉箕川上高士嬉今日相對樂延年萬歲

期五

郭東亦有樵采薪曰樵無青則不能樵所以兩

樵推與也草木無青尚何嬌乎以喻遊子無親

爲誰驕此已露子夜歌法

王昭君

怨詩

秋木萋萋其葉萎黃有鳥處山集于苞桑養育毛
羽形容生光旣得升雲上遊曲房離宮絕曠身體
摧藏志念抑沈不得頡頏雖得委食心有徊徨我
獨伊何來往變常翩翩之鸞遠集西羌高山我戕
河水泱泱父兮母兮道里悠長嗚呼哀哉憂心惻
傷

漢詩說卷四

古

漢詩說卷五

錢唐 沈用濟 方舟

全述

成都 費錫璜 滋衡

武陵 楊緒 朗溪

論正

古歛 吳曜 星聚

馬援

武溪深行

滔滔武溪一何深鳥飛不度獸不敢臨嗟哉武溪多毒浮

梁鴻

五噫歌

涉彼北芒兮噫顧瞻帝京兮噫宮闕崔巍兮噫民之劬勞兮噫遼遼未央兮噫

適吳詩

遊舊邦兮遐征將遙集兮東南心悵怛兮傷悴忘非非兮升降欲乘策兮縱邁疾吾俗兮作讒競舉枉兮錯直咸先佞兮嗹嗹固靡慙兮獨建冀異州兮尚賢聊逍遙兮遨嬉纘仲尼兮周流儻云覩兮

我悅遂舍車兮即浮過季札兮延陵求魯連兮海

隅雖不察兮光貌幸神靈兮與休惟季春兮華阜

麥舍英兮方秀哀茂時兮逾邁愍芳香兮日臭悼

我心兮不獲長委結兮焉究口囁囁兮余訕嗟惟

惟兮誰留

思友詩

鳥嚶嚶兮友之期念高子兮僕懷思想念恢兮爰集茲

班固

明堂詩

於昭明堂明堂孔陽聖皇宗祀穆穆皇上帝宴饗五位時序誰其配之世祖光武普天率土各以其職猗歟緝熙允懷多福

辟雍詩

乃流辟雍辟雍湯湯聖皇蒞止造舟爲梁皤皤國老乃父乃兄抑抑威儀孝友光明於赫太上示我漢行洪化惟神永觀厥成

靈臺詩

乃經靈臺靈臺既崇帝勤時登爰考休徵三光宣
精五行布序習習祥風祁祁甘雨百穀蓁蓁庶草
菁蕪屢惟豐年於皇樂胥

寶鼎詩

茲修貢兮川效珍吐金景兮歆浮雲寶鼎見兮色
紛溫煥其炳兮被龍文登祖廟兮享聖神昭靈德
兮彌億年

白雉詩

啓靈篇兮披瑞圖獲白雉兮效素鳥嘉祥阜兮集

漢書卷五

王

皇都發皓羽兮奮翹英容潔朗兮於純精彰皇德
兮侔周成永延長兮膺天慶

郊祀靈芝歌

因露寢兮產靈芝象三德兮瑞應圖延壽命兮光
此都配上帝兮象太微參日月兮揚光輝

詠史

三王德彌薄惟後用肉刑太倉令有罪就遠長安
城自恨身無子困急獨嚔嚔小女痛父言死者不
可生上書詣闕下思古歌雞鳴憂心摧折裂晨風

揚激聲聖漢孝文帝惻然感至情百男何憤憤不
如一緹縈

傳毅

迪志詩

咨爾庶士迨時斯勛日月逾邁豈云旋復哀我經
營膂力靡及在茲弱冠靡所樹立於赫我祖顯于
殷國貳迹阿衡克光其則武丁興商伊宗皇士爰
作股肱萬邦是紀奕世載德迄我顯考保膺淑懿
績修其道漢之中葉俊乂式序秩彼殷宗光此勳

漢書卷五

四

緒伊余小子穢陋靡逮懼我世烈自茲以墜誰能
革濁清我濯漑誰能昭闇啓我童昧先人有訓我
訊我誥訓我嘉務誨我博學爰率朋友尋此舊則
契聞夙夜庶不懈忒秩秩大猷紀綱庶式匪勤匪
昭匪壹匪測農夫不怠越有黍稷誰能云作考之
居息二事敗業多疾我力如彼遵衢則罔所極二
志靡成聿勞我心如彼兼聽則溷於音於戲君子
無恒自逸徂年如流鮮茲暇日行邁屢稅胡能有
迄密勿朝夕聿同始卒

崔駰

安封侯詩

戎馬鳴兮金鼓震壯士激兮忘身命被光甲兮跨
良馬揮長戟兮鼓強弩

張衡

怨篇

倚倚秋蘭植彼中阿有馥其芳有黃其葩雖曰幽
深厥美彌嘉之子之遠我勞如何

同聲歌

邂逅承際會得克君後房情好新交接恐慄若探
湯不才勉自竭賤妾職所當綢繆主中饋奉禮助
蒸嘗思爲莞弱席在下蔽匡牀願爲羅衾幃在上
衛風霜灑掃清枕席鞿芬以狄香重戶結金扃高
下華燈光衣解巾粉御列圖陳枕張素女爲我師
儀態盈萬方衆夫所希見天老教軒皇樂莫斯夜
樂沒齒焉可忘

寫私熟事極溫麗男女歡態皆如畫出列圖列
秘戲圖也儀態盈萬方言變態多也古人筆力

必寫到真處方足與秘辛飛燕外傳並工今人
作無題詩不能直寫真處而但以荳蔻丁香簾
釘燭鈿等字對待稱工堪發一噓吾嘗謂今世
豈但無善學古人者即無題一體亦無善學者
附論于此衣解巾粉御楊升菴作巾粉卸近是

定情歌

大火流兮草蟲鳴繁霜降兮草木零秋爲期兮時
已征思美人兮愁屏營

四愁詩

并序

張衡不樂久處機密陽嘉中出爲河間相時國
王驕奢不遵法度又多豪右并兼之家衡下車
治威嚴能內察屬縣姦猾行巧劫皆密知名下
吏收捕盡服擒諸豪俠遊客悉惶懼逃出境郡
中大治爭訟息獄無繫囚時天下漸弊鬱鬱不
得志爲四愁詩效屈原以美人爲君子以珍寶
爲仁義以水深雪雰爲小人思以道術爲報貽
於時君而懼讒邪不得以通其辭曰
一思曰我所思兮在太山欲往從之梁父艱側身

東望涕霑翰美人贈我金錯刀何以報之英瓊瑤
路遠莫致倚逍遙何爲懷憂心煩勞

二思曰我所思今在桂林欲往從之湘水深側身
南望涕霑襟美人贈我金琅玕何以報之雙玉盤
路遠莫致倚惆悵何爲懷憂心煩傷

三思曰我所思今在漢陽欲往從之隴阪長側身
西望涕霑裳美人贈我貂襜褕何以報之明月珠
路遠莫致倚踟躕何爲懷憂心煩紆

四思曰我所思今在鴈門欲往從之雪雰雰側身

漢詩卷五

七

北望涕霑巾美人贈我錦繡段何以報之青玉案
路遠莫致倚增歎何爲懷憂心煩惋

思立詩

天長地久歲不畱俟河之清祇懷憂願得遠度以
自娛上下無常窮六區超踰騰躍絕世俗飄飄神
舉逞所欲天不可階仙夫稀栢舟悄悄客不飛松
喬高時孰能離結精遠遊使心攜迴志竭來從立
謀獲我所求夫何思

李尤

九曲歌

年歲晚暮時已斜安得力士翻日車

關

朱穆

與劉伯宗絕交詩

北山有鴟不潔其翼飛不正向寢不定息饑則木
蠶飽則泥伏饕餮貪汚臭腐是食填腸滿臆嗜欲
無極長嗚呼鳳謂鳳無德鳳之所趨與子異域永
從此訣各自努力

王逸

漢詩卷五

八

琴思楚歌

盛陰修夜何難曉思念糾戾腸摧繞時節晚莫年
齒老冬夏更運去若頽寒來暑往難逐追形容減
少顏色虧時忽晦晦若驚馳意中私喜施用爲內
無所恃失本義志願不得心肝沸憂懷感結重歎
噫歲月已盡去奄忽亡官失祿去家室思想君命
幸復位久處無成卒放棄

桓麟

答客詩

邈矣甘羅超等絕倫伊彼楊烏命世稱賢嗟子春
弱殊才偉年仰慙二子俯媿過言

客示桓麟詩

附

甘羅十二楊烏九齡昔有二子今則桓生

高彪

清誠

天長而地久人生則不然又不養以福使全其壽
年飲酒病我性思慮害我神美色伐我命利欲亂
我真神明無聊賴愁毒於衆煩中年棄我逝忽若

漢書卷五

九

風過山形氣各分離一往不復還上士愍其痛抗
志凌雲烟滌蕩去穢累飄邈任自然退修清以淨
存吾玄中玄澄心剪思慮泰清不受塵恍惚中有
物希微無形端智慮赫赫盡谷神綿綿存

蔡邕

答對元式詩

伊余有行爰戾茲邦先進博學同類率從濟濟羣
彥如雲如龍君子博文貽我德音辭之集矣穆如
清風

答卜元嗣詩

斌斌碩人貽我以文辱此休辭非余所希敢不酬
答賦誦以歸

樊惠渠歌

并序

陽陵縣東其地行輿土氣辛螯嘉穀不植而涇
水長流光和五年京兆尹樊君勤恤民隱乃立
新渠曩之鹵田化爲甘壤農民怡悅相與謳談
驅畔斐然成章謂之樊惠渠云其歌曰

我有長流莫或闕之我有溝澮莫或達之田疇斥

漢書卷五

十

鹵莫修莫釐饑饉困悴莫恤莫思乃有樊君作人
父母立我畎畝黃潦膏凝多稼茂止惠乃無疆如
何勿喜我壤既營我疆斯成泯泯我人既富且盈
爲酒爲釀蒸彼祖靈貽福惠君壽考且寧

飲馬長城窟行

青青河邊草綿綿思遠道遠道不可思宿昔夢見
之夢見在我傍忽覺在他鄉他鄉各異縣展轉不
可見枯桑知天風海水知天寒入門各自媚誰肯
相爲言客從遠方來遺我雙鯉魚呼童烹鯉魚中

有尺素書長跪讀素書書中竟何如上有加餐食
下有長相憶

翠鳥

庭陬有若榴綠葉含丹榮翠鳥時來集振翼修形
容回顧生碧色動搖揚縹青幸脫虞人機得親君
子庭馴心托君素雌雄保百齡

琴歌

練余心兮浸太清滌穢濁兮存正靈和液暢兮神
氣寧情志泊兮心亭亭嗜欲息兮無由生踔宇宙
而遺俗兮眇翩翩而獨征

趙壹

疾邪詩二首

河清不可俟人命不可延順風激靡草富貴者稱
賢文籍雖滿腹不如一囊錢伊優北堂上骯髒倚
門邊

勢家多所宜欬唾自成珠被褐懷金玉蘭蕙化爲
芻賢者雖獨悟所困在羣愚且各守爾分勿復空
馳驅哀哉復哀哉此是命矣夫

酈炎

見志詩二首

大道夷且長窘路狹且促修翼無卑棲遠趾不步
局舒吾凌霄羽奮此千里足超邁絕塵驅倏忽誰
能逐賢愚豈常類稟性在清濁富貴有人籍貧賤
無天錄通塞苟由已志士不相卜陳平敖里社韓
信釣河曲終居天下宰食此萬鍾祿德音流千載
功名重山嶽

靈芝生河洲動搖因洪波蘭榮一何晚嚴霜瘁其

柯哀哉二芳草不植泰山阿文質道所貴遭時用
有嘉絳灌臨衡宰謂誼崇浮華賢才抑不用遠投
荆南沙抱玉乘龍驥不逢樂與和安得孔仲尼爲
世陳四科

仲長統

述志詩二首

飛鳥遺跡蟬蛻亡殼騰蛇棄鱗神龍喪角至人能
變達士拔俗乘雲無轡騁風無足垂露成幃張霄
成幄沆瀣當餐九陽代燭恒星豔珠朝霞潤玉六

合之內恣心所欲人事可遺何為局促

大道雖夷見幾者寡任意無非適物無可古來繚
繚委曲如瑣百慮何為至要在我寄愁天上埋憂
地下叛散五經滅棄風雅百家雜碎請用從火抗
志山棲游心海左元氣為舟微風為柁翱翔太清
縱意容冶

二詩飄然凌雲之氣實曹左太白之先聲

孔融

離合作郡姓名字詩

漢書

上

漁父屈節水潛匿方

離魚字

與昔進止出行施張

離日字

呂公磯釣闔口渭傍

離魯字

九域有聖無土

離口字

不王

離或字

截隼逝鷹揚

離或字

好是正直女回于匡

離或字

海外有

未彰

離或字

蛇龍之蟄俾也可忘

離或字

六翮將奮羽儀

美玉韜光

離或字

無名無譽放言深藏

離或字

按

響安行誰謂路長

離或字

合或舉

離詩二首

巖巖鍾山首赫赫炎天路高明曜雲門遠景灼寒

素昂昂累世士結根在所固呂望老匹夫苟為國
世故管仲小囚臣獨能建功祚人生有何常但患
年歲暮幸托不肖軀且當猛虎步安能苦一身與
世同舉厝由不慎小節庸夫笑我度呂望尚不希
夷齊何足慕

呂望指楊彪輩管仲指操故曰幸托不肖軀且
當猛虎步猛虎亦謂操也後言夷齊安足慕蓋
北海不存小節志在復漢也漢詩至趙壹孔融
骨氣已露與西漢微異酈炎之靈芝生河洲蔡

漢書

上

邕之庭前有若榴漸着色澤開魏晉風格矣

遠送新行客歲暮乃來歸入門望愛子妻妾向人
悲聞子不可見日已潛光輝孤墳在西北常念君
來遲寒裳上墟丘但見蒿與薇白骨歸黃泉肌體
乘塵飛生時不識父死後知我誰孤魂遊窮暮飄
飄安所依人生圖厚息爾死我念追俛仰內傷心
不覺淚沾衣人生自有命但恨生日希

臨終詩

言多令事敗器漏苦不密河潰蟻孔端山壞由微

允渭渭江漢流天窓通冥室讒邪害公正浮雲翳
白日靡辭無忠誠華繁竟不實人有兩三心安能
合爲一三人成市虎浸漬解膠漆生存多所慮長
寢萬事早

六言詩三首

漢家中禁道微董卓作亂乘衰僭上虐下專威萬
官惶怖莫違百姓慘慘心悲

郭李分爭爲非遷都長安思歸瞻望關東可哀夢
想曹公歸來

漢書卷六

七

從洛到許巍巍曹公憂國無私滅去厨膳甘肥羣
僚率從祈祈雖得俸祿常饑念我苦寒心悲

失題

歸家酒債多門客粲幾行高談滿四座一日傾千
觴

東漢尚氣節讀朱穆趙壹酈炎孔融諸公詩見
骯髒不平之氣直書胸臆不加婉曲回護諸公
能清不能濁能伸不能屈漢運至此元氣已漓
黨禍已成悲夫

漢詩說卷六

錢唐 沈用濟 方舟

成都 費錫璜 滋衡

海昌 楊守知 次也

陽美 陳履端 求夏

秦嘉

述昏詩

羣祥既集二姓交歡敬茲新昏六禮不愆羔鴈總
備玉帛交交君子將事威儀孔閒猗兮容兮穆矣

其言

紛彼婚姻禍福之由衛女與齊褒姒滅周戰戰兢
兢懼德不仇神啓其吉果獲令攸我之愛矣荷天
之休

贈婦

曖曖白日引曜西傾啾啾雞雀羣飛赴楹皎皎明
月煌煌列星嚴霜悽愴飛雪覆庭寂寂獨居寥寥
空空飄飄桂帳熒熒華燭爾不是居帷帳何施爾
不是照華燭何爲

留郡贈婦詩三首

嘉爲上郡掾其妻徐淑寢疾還家不獲面別

贈詩云爾

人生譬朝露居世多屯蹇憂難常早至歡會常苦
晚念當奉時役去爾日遙遠遣車迎子還空往復
空返省書情悽愴臨食不能飯獨坐空房中誰與
相勸勉長夜不能眠伏枕獨展轉憂來如循環匪
席不可卷

皇靈無私親爲善荷天祿傷我與爾身少小罹榮

漢詩卷六

二

獨既得結大義歡樂苦不足念當遠離別思念敘
款曲河廣無舟梁道近隔丘陸臨路懷惆悵中駕
正踟躕浮雲起高山悲風激深谷良馬不迴鞍輕
車不轉轂鍼藥可屢進愁思難爲數貞士篤終始
恩義不可促

蕭蕭僕夫征鏘鏘揚和鈴清晨當引邁束帶待雞
鳴顧看空房中髣髴想姿形一別懷萬恨起坐爲
不寧何用敘我心遺思致款誠寶釵好耀首明鏡
可鑑形芳香去垢穢素琴有清聲詩人感木瓜乃

欲答瑤瓊媿彼贈我厚慙此往物輕雖知未足報
費用敘我情

徐淑

答秦嘉詩

妾身今不令嬰疾今來歸沈滯兮家門歷時兮不
差曠廢兮侍覲情敬兮有違君兮奉命遠適兮
京師悠悠兮離別無因兮敘懷瞻望兮踴躍竚立
兮徘徊思君兮感結夢想兮容暉君發兮引邁去
我今日乖恨無兮羽翼高飛兮相追長吟兮永歎

漢詩卷六

三

淚下兮沾衣

應亨

贈四王冠詩

永平四年外弟王景系兄弟四人竝冠故貽
之詩曰

濟濟四令弟妙年踐二九令月惟吉日成服加元
首人咸飾其容鮮能離塵垢雖無兕觥爵杯醺傳
旨酒

本古成王冠頌及士冠辭意來

辛延年

羽林郎

昔有霍家奴姓馮名子都依倚將軍勢調笑酒家
胡胡姬年十五春日獨當爐長裾連理帶廣袖合
歡襦頭上藍田玉耳後大秦珠兩鬟何窈窕一世
良所無一鬟五百萬兩鬟千萬餘不意金吾子娉
婷過我廬銀鞍何煜燦翠蓋空踟躕就我求清酒
絲繩提玉壺就我求珍肴金盤鱠鯉魚貽我青銅
鏡結我紅羅裾不惜紅羅裂何論輕賤軀男兒愛
後婦女子重前夫人生有新故貴賤不相踰多謝
金吾子私愛徒區區

宋子侯

董嬌嬈

洛陽城東路桃李生路傍花花自相對葉葉自相
當春風東北起花葉正低昂不知誰家子提籠行
採桑纖手折其枝花落何飄颻請謝彼姝子何爲
見損傷高秋八九月白露變爲霜終年會飄墮安
得久馨香秋時自零落春月復芬芳何時盛年去

懽愛藝文作好永相忘吾欲竟此曲此曲愁人腸歸來
酌美酒挾瑟上高堂

請謝彼姝子二句是問詞高秋八九月四句是
姝子答語秋時自零落四句又是答姝子之詞
正意全在吾欲竟此曲數語見懽日無多勸之
及時行樂耳

羽林郎董嬌嬈二詩選詞溫麗對仗精工儼入
唐調而氣味自是東漢猶過秦論獄中上書雙
出雙入而氣味自是西漢次山古體昌黎十操

立意古奧氣味只是唐人甚矣氣味不可強也

虎賁郎

射鳥辭

烏鳥啞啞引弓射洞左腋陛下壽萬年臣爲二千
石

本左傳投壺辭意來

白狼王唐叢

祚都夷歌三章

遠夷樂德歌

大漢是治與天合意吏譯平端不從我來聞風向
化所見奇異多賜繒布甘美酒食昌樂肉飛屈申
悉備蠻夷貧薄無所報嗣願主長壽子孫昌熾

遠夷慕德歌

蠻夷所處日入之部慕義向化歸日出主聖德深
恩與人富厚冬多霜雪夏多和雨寒溫時適部人
多有涉危歷險不遠萬里去俗歸德心歸慈母

遠夷懷德歌

荒服之外土地墮穽食肉衣皮不見鹽穀吏譯傳

漢詩說卷六

六

風大漢安樂攜負歸仁觸冒險狹高山岐峻緣崖
磻石木薄發家百宿到洛父子同賜懷抱匹帛傳
告種人長願臣僕

蔡琰

悲憤詩二首

漢季失權柄董卓亂天常志欲圖篡弑先害諸賢
良逼迫遷舊邦擁主以自彊海內興義師欲共討
不祥卓眾來東下金甲耀日光平土人脆弱來兵
皆胡羌獵野圍城邑所向悉破亡斬戮一作戮無子

漢詩說卷六

七

遺尸骸相穿拒馬邊縣男頭馬後載婦女長驅西
入關迴路險且阻還顧邈冥冥肝脾爲爛腐所略
有萬計不得令屯聚或有骨肉俱欲言不敢語失
意幾微間輒言斃降虜要當以亭刃我曹不活汝
豈復惜性命不堪其詈罵或便加捶杖毒痛參并
下旦則號泣行夜則悲吟坐欲死不能得欲生無
一可彼蒼者何辜乃遭此厄禍邊荒與華異人俗
少義理處所多霜雪胡風春夏起翩翩吹我衣肅
肅入我耳感時念父母哀歎無窮已有客從外來
聞之常歡喜迎問其消息輒復非鄉里邂逅徼時
願骨肉來迎已已得自解免當復棄兒子天屬綴
人心念別無會期存忘永乖隔不忍與之辭兒前
抱我頸問母欲何之人言母當去豈復有還時阿
母常仁惻今何更不慈我尚未成人奈何不顧思
見此崩五內恍忽生狂癡號泣手撫摩當發復回
疑兼有同時輩相送告離別慕我獨得歸哀叫聲
摧裂馬爲立踟躕車爲不轉轍觀者皆歔歔行路
亦嗚咽去去割情戀遙征日遐邁悠悠三千里何

時復交會念我出腹子胃臆爲摧敗既至家人盡
又復無中外城郭爲山林庭宇生荆艾白骨不知
誰從橫莫覆蓋出門無人聲豺狼號且吠熒熒對
孤景怛咤糜肝肺登高遠眺望魂神忽飛逝奄若
壽命盡旁人相寬大爲復彊視息雖生何聊賴託
命於新人竭心自勗厲流離成鄙賤常恐復捐廢
人生幾何時懷憂終年歲

此詩序董卓之亂宛然在目數語括盡不可增
減與史記同工序被擄贖歸語語真篤不讓離

漢詩說卷六

八

騷此千古一篇序事言情大文字焦仲卿妻詩
細膩纏綿此詩正當簡括各極其妙即如工部
北征亦堪追繼此詩但起首便單刀直入中間
序行路及到家一段雖歷歷如畫便點景設色
雖筆力超絕千古終覺遜此大方此漢人唐人
之分也

詩數謂悲憤詩詞氣直促此強作解事語耳

嗟薄祐兮遭世患宗族殄兮門戶單身執略兮入
西關歷險阻兮之羌蠻山谷眇兮路漫漫眷東顧

今但悲歎冥當寢兮不能安饑當食兮不能餐常
流涕兮皆不乾薄志節兮念死難雖苟活兮無形
顏惟彼方兮遠陽精陰氣凝兮雪夏零沙漠壅兮
塵冥冥有草木兮春不榮人似禽兮食臭腥言兜
離兮狀窈停歲聿暮兮時邁征夜悠長兮禁門扃
不能寐兮起屏營登胡殿兮臨廣庭玄雲合兮翳
月星北風厲兮肅泠泠胡笳動兮邊馬鳴孤鴈歸
兮聲嚶嚶樂人興兮彈琴箏音相和兮悲且清心
吐思兮胃憤盈欲舒氣兮恐彼驚含哀咽兮涕沾

漢詩說卷六

九

頸家既迎兮當歸寧臨長路兮捐所生兒呼母兮
啼失聲我掩耳兮不忍聽追持我兮走熒熒頓復
起兮毀顏形還顧之兮破人情心怛絕兮死復生

胡笳十八拍

我生之初尚無爲我生之後漢祚衰天不仁兮降
亂離地不仁兮使我逢此時干戈日尋兮道路危
民卒流亡兮共哀悲煙塵蔽野兮胡虜盛志意乖
兮節義虧對殊俗兮非我宜遭惡辱兮當告誰笳
一會兮琴一拍心憤怨兮無人知

戎羯逼我兮爲室家將我行兮向天涯雲山萬重
兮歸路遐疾風千里兮揚塵沙人多暴猛兮如虺
蛇控弦被甲兮爲驕奢兩拍張絃兮絃欲絕志摧
心折兮自悲嗟

越漢國兮入胡城亡家失身兮不如無生羶裘爲
裳兮骨肉震驚羯羶爲味兮枉過我情鞞鼓喧兮
從夜達明胡風浩浩兮暗塞營傷今感昔兮三拍
成銜悲畜恨兮何時平

無日無夜兮不思我鄉土稟氣含生兮莫過我最

漢詩說卷六

十

苦天災國亂兮人無主唯我薄命兮沒戎虜殊俗
心異兮身難處嗜欲不同兮誰可與語尋思涉歷
兮多難阻四拍成兮益悽楚

鴈南征兮欲寄邊聲鴈北歸兮爲得漢音鴈飛高
兮邈難尋空斷腸兮思惜惜攢眉向月兮撫雅琴
五拍泠泠兮意彌深

冰霜凜凜兮身苦寒饑對肉酪兮不能餐夜聞隴
水兮聲嗚咽朝見長城兮路杳漫追思往日兮行
李難六拍悲來兮欲罷彈

日暮風悲兮邊聲四起不知愁心兮說向誰是原
野蕭條兮烽戍萬里俗賤老弱兮少壯爲美逐有
水草兮安家葺壘牛羊滿野兮聚如蜂蟻草盡水
竭兮羊馬皆徙七拍流恨兮惡居於此

爲天有眼兮何不見我獨漂流爲神有靈兮何事
處我天南海北頭我不負天兮天何配我殊匹我
不負神兮神何殛我越荒州製茲八拍兮擬俳優
何知曲成兮心轉愁

天無涯兮地無邊我心愁兮亦復然生倏忽兮如

漢詩說卷六

十一

白駒之過隙然不得歡樂兮當我之盛年怨兮欲
問天天蒼蒼兮上無緣舉頭仰望兮空雲煙九拍
懷情兮誰與傳

城頭烽火不曾滅疆場征戰何時歇殺氣朝朝衝
塞門胡風夜夜吹邊月故鄉隔兮音塵絕哭無聲
兮氣將咽一生辛苦兮緣離別十拍悲深兮淚成
血

我非貪生而惡死不能捐身兮心有以生仍冀得
兮歸桑梓死當埋骨兮長已矣日居月諸兮一作日月

居諸在戎壘胡人寵我今有二子鞠之育之今不
羞恥愍之念之今生長邊鄙十有一拍兮因茲起
哀響纏綿兮徹心髓

東風應律兮暖氣多知是漢家天子兮布陽和羌
胡蹈舞兮共謳歌兩國交懽兮罷兵戈忽遇漢使
兮稱近詔遣千金兮贖妾身喜得生還兮逢聖君
嗟別稚子兮會無因十有二拍兮哀樂均去住兩
情兮難具陳

不謂殘生兮却得旋歸撫抱胡兒兮泣下沾衣漢

漢詩說卷六

主

使迎我兮四牡駢駢號失聲兮誰得知與我生死
兮逢此時愁爲子兮日無光輝焉得羽翼兮將汝
歸一步一遠兮足難移魂消影絕兮恩愛遺十有
三拍兮絃急調悲肝腸攪刺兮人莫我知

身歸國兮兒莫之隨心懸懸兮長如饑四時萬物
兮有盛衰唯我愁苦兮不暫移山高地闊兮見汝
無期更深夜闌兮夢汝來斯夢中執手兮一喜一
悲覺後痛吾心兮無休歇時十有四拍兮涕淚交
垂河水東流兮心是思

十五拍兮節調促氣填胸兮誰識曲處穹廬兮偶
殊俗願得歸來兮天從欲再還漢國兮懽心足心
有懷兮愁轉深日月無私兮曾不照臨子母分離
兮意難任同天隔越兮如商參生死不相知兮何
處尋

十六拍兮思茫茫我與兒兮各一方日東月西兮
徒相望不得相隨兮空斷腸對萱草兮憂不忘彈
鳴琴兮情何傷兮別子兮歸故鄉舊怨平兮新怨
長泣血仰頭兮訴蒼蒼胡爲生兮獨罹此殃

漢詩說卷六

主

十七拍兮心鼻酸關山阻修兮行路難去時懷土
兮心無緒來時別兒兮思漫漫塞上黃蒿兮枝枯
葉乾沙場白骨兮刀痕箭瘢風霜凜凜兮春夏寒
人馬饑餓兮筋力單豈知重得兮入長安歎息欲
絕兮淚闌干

胡笳本自出胡中緣琴翻出音律同十八拍兮曲
雖終響有餘兮思無窮是知絲竹微妙兮均造化
之功哀樂各隨人心兮有變則通胡與漢兮異域
殊風天與地隔兮子西母東苦我怨氣兮浩於長

空六合雖廣兮受之應不容

自離騷來九懷九歎九思等作詞竝高古沉鬱然皆是學楚詞獨至十八拍直將身之所遭歷歷寫出更覺真摯感動人心所以詩貴真也

十八拍起首二句七言第十拍四句七言第十八拍二句七言何也蓋今是曲音中停過處此詩起處收處及第十拍偶作急促音漢人所謂趨也試以三處加兮字讀之即與上下文法同耳漢人七言詩其實一句是兩句深於漢詩者

漢詩說卷六

古

自能知之今有人山之阿皆刪落今字學者於此可信

合讀悲憤二詩十八拍各見其妙與其子別一段皆寫得真摯沉痛不忍讀而嗟薄祐一首即以別子結高絕

周策銘曰十八拍中多懈句畢竟不類文姬

蘇伯玉妻

盤中詩

山樹高鳥鳴悲泉水深鯉魚肥空倉鵲常苦饑吏

人婦會夫希出門望見白衣謂當是而更非還入門中心悲北上堂西入階急機絞杼聲催長歎息當語誰君有行妾念之出有日還無期結巾一作帶長相思君忘妾未知之妾忘君罪當治妾有行宜知之黃者金白者玉高者山下者谷姓者蘇字伯玉人才多知謀足家居長安身在蜀何惜馬蹄歸不數羊肉千斤酒百斛令君馬肥麥與粟今時人知四足與其書不能讀當從中央周四角

漢詩說卷六

古

盤中詩出於蘇伯玉妻迴文詩作於寶滔婦饋

面詞製於崔氏三詩可謂人巧極天工錯譬如翦綵組繡女紅之能事也今人喜作反覆集句藏頭雖巧麗動人壯夫不爲也

寶玄妻

古怨歌

熒熒白兔東走西顧衣不如新人不如故

別寶玄詩

棄妻斥女敬白寶生卑賤鄙陋不如貴人妾日以遠彼日以親何所控訴仰呼蒼旻悲哉寶生衣不

厭新人不厭故悲不可忍怨不可去彼獨何人而居斯處

此雖是書實四言詩也悲怨悽惋使不忍讀

崔瑗

座右銘

無道人之短無說己之長施人慎勿念受施慎勿忘世譽不足慕惟仁爲紀網隱心而後動謗議庸何傷無使名過實守愚聖所臧在涅貴不淄曖曖内含光柔弱生之徒老氏誠剛強行行鄙夫志悠

漢詩說卷六

去

悠故難量慎言節飲食知足勝不祥行之苟有恆久久自芬芳

龐德公

於忽操 三章

於忽乎不可以爲其又奚爲離婁之精夜何有於明師曠之耳聾者亦有爾東王良之手兮後車載之前行險旣以覆今後逐逐其猶來雖目盼而心駭兮顧其能之安施委繩墨以聽人兮雖班輸亦奚以爲

於忽乎不可以爲其又奚爲椽櫨桷榱之累重顧杜小之奈何方風雨之晦陰行者艱而莫休居者坐而笑歌不知壓之忽然兮其謂安何

於忽乎不可以爲其又奚爲謂雞斯飛誰得而羈謂豕斯爰何取於縛是皆以食而得之吾於饑而後噫雞豕兮死以是兮

諸葛亮

梁甫吟

步出齊城門遙望蕩陰里里中有三墳累累正相

漢詩說卷六

去

似問是誰家墓田疆古冶子一作氏力能排南山文

能絕地紀一作里一朝被讒言二桃殺三士誰能爲

此謀國相齊晏子

秦宓

遠游詩

遠遊何所見所見邈難紀岩穴非我鄉林麓無知已虎則豹之兄鷹乃鷂之弟困獸走環岡飛鳥驚巢起猛氣何咆哮陰風起千里遠遊長太息太息遠遊子

錄漢詩以秦宓終者何以漢之統歸蜀也宓與
七子同時七子自屬魏宓自屬漢觀宓之對吳
使知統所在故以大風始以遠遊終焉謠諺仙
詩附錄而已

漢詩說卷六

漢詩說卷六

六

漢詩說卷七

錢唐 沈用濟 方舟 全述

成都 費錫璜 滋衡

射州 成永健 乾夫 論正

江都 許迎年 荔生

樂府古辭

雜曲歌辭

蜨蝶行

蜨蝶之遨遊東園奈何卒逢三月養子燕接我首

漢詩說卷七

一

荀間披之我入紫深宮中行纏之傳構檻間雀來

燕燕子見銜哺來搖頭鼓翼何軒奴軒

雀來燕語不可解按趙整諫歌不見雀來入燕

室但見浮雲蔽白日益此曲先謂燕啄蝶而不

知巢中子爲雀所據猶宴然安之蓋警詩也

傷歌行

昭昭素明月輝光燭我牀憂人不能寐耿耿夜何

長微風吹閨闥羅帷自飄揚攬衣曳長帶屣履下

高堂東西安所之徘徊以徬徨春鳥翻南飛翩翩

獨翱翔悲聲命儔匹哀鳴傷我腸感物懷所思泣涕忽沾裳佇立吐高吟舒憤訴穹蒼

悲歌

悲歌可以當泣遠望可以當歸思念故鄉鬱鬱纍纍欲歸家無人欲渡河無船心思不能言腸中車輪轉

前緩聲歌

水中之馬必有陸地之船但有意氣不能自前心非木石荆根株數得復葢天當復思東流之水必有西上之魚不在大小但有朝於復來長笛續短笛欲今皇帝陛下三千萬

漢詩說卷七

二

首言馬在水中船在陸地處非其所雖有意氣而不能前行也心非木石言心非無知也荆根株數得復葢天言木有根株時至亦復遮天也當復思又進而思也東流之水必有西上之魚水皆東流魚獨西上大謂水小謂魚但有事君向闕之心自能通也長笛言樂後乃頌禱之詞

古詩爲焦仲卿妻作

并序

漢末建安中廬江府小吏焦仲卿妻劉氏爲仲卿母所遣自誓不嫁其家逼之乃沒水而死仲卿聞之亦自縊於庭樹時人傷之爲詩

云爾

孔雀東南飛五里一裴徊十三能織素十四學裁衣十五彈箏篴十六誦詩書十七爲君婦心中常苦悲君旣爲府吏守節情不移賤妾畱空房相見常日稀雞鳴入機織夜夜不得息三日斷五疋大人一作人故嫌遲非爲織作遲君家婦難爲妾不堪

漢詩說卷七

三

驅使徒畱無所施便可白公姥及時相遣歸府吏得聞之堂上啓阿母兒已薄祿相幸復得此婦結髮同枕席黃泉共爲友共事三二年始爾未爲久女行無偏斜何意致不厚阿母謂府吏何乃太區區此婦無禮節舉動自專由吾意久懷忿汝豈得自由東家有賢女自名秦羅敷可憐體無比阿母爲汝求便可速遣之遣去慎莫畱府吏長跪告伏惟啓阿母今若遣此婦終老不復取阿母得聞之槌牀便大怒小子無所畏何敢助婦語吾已失恩

義會不相從許府吏默無聲再拜還入戶舉言謂
新婦哽咽不能語我自不驅卿逼迫有阿母卿但
暫還家吾今且報府不久當歸還還必相迎取以
此下心意慎勿違吾語新婦謂府吏勿復重紛紜
往昔初陽歲謝家來貴門奉事循公姥進止敢自
專晝夜勤作息伶俜縈苦辛謂言無罪過供養卒
大恩仍更被驅遣何言復來還妾有繡腰襦歲鞋
自生光紅羅複斗帳四角垂香囊箱簾六七十綠
碧青絲繩物物各自異種種在其中人賤物亦鄙

漢詩說卷七

四

不足迎後人畱待作遺施於今無會因時時爲安
慰久久莫相忘雞鳴外欲曙新婦起嚴粧著我繡
袂裙事事四五通足下躡絲履頭上玳瑁光腰若
流紈素耳著明月璫指如削葱根口如含珠丹纖
纖作細步精妙世無雙上堂拜一作謝阿母阿母怒
不止昔作女兒時生小出野里本自無教訓兼愧
貴家子受母錢帛多不堪母驅使今日還家去念
母勞家裏却與小姑別淚落連珠子新婦初來時
小姑始扶牀今日被驅遣小姑如我長勤心養公

姥好自相扶將初七及下九嬉戲莫相忘出門登
車去涕落百餘行府吏馬在前新婦車在後隱隱
何甸甸俱會大道口下馬入車中低頭共耳語誓
不相隔卿且暫還家去吾今且赴府不久當還歸
誓天不相負新婦謂府吏感君區區懷君既若見
錄不久望君來君當作盤石妾當作蒲葦蒲葦紐
如絲盤石無轉移我有親父兄性行暴如雷恐不
任我意逆以前我懷舉手長勞勞二情同依依入
門上家堂進退無顏儀阿母大拊掌不圖子自歸

漢詩說卷七

五

十三教汝織十四能裁衣十五彈箜篌十六知禮
儀十七遣汝嫁謂言無誓違汝今何罪過不迎而
自歸蘭芝慙阿母兒實無罪過阿母大悲摧還家
十餘日縣令遣媒來云有第三郎窈窕世無雙年
始十八九便言多令才阿母謂阿女汝可去應之
阿女含淚答蘭芝初還時府吏見丁寧結誓不別
離今日違情義恐此事非奇自可斷來信徐徐更
謂之阿母白媒人貧賤有此女始適還家門不堪
吏人婦豈合令郎君幸可廣問訊不得便相許媒

人去數日尋遣丞請還說有蘭家女承籍有宦官
云有第五郎嬌逸未有婚遣丞爲媒人主簿通語
言直說太守家有此令郎君既欲結大義故遣來
貴門阿母謝媒人女子先有誓老姥豈敢言阿兄
得聞之悵然心中煩舉言謂阿妹作計何不量先
嫁得府吏後嫁得郎君否泰如天地足以榮汝身
不嫁義郎體其住欲何云蘭芝仰頭答理實如兄
言謝家事夫壻中道還兄門處分適兄意那得自
任專雖與府吏要渠會永無緣登即相許和便可

漢詩說卷七

六

作婚姻媒人下牀去諾諾復爾爾還部白府君下
官奉使命言談大有緣府君得聞之心中大歡喜
視曆復開書便利此月內六合正相應良吉三十
日今已二十七卿可去成婚交語速裝束絡繹如
浮雲青雀白鵠舫四角龍子幡婀娜隨風轉金車
玉作輪躑躅青驄馬流蘇金縷鞍齎錢三百萬皆
用青絲穿雜綵三百疋交廣一作市鮭珍從人四
五百鬱鬱登郡門阿母謂阿女適得府君書明日
來迎汝何不作衣裳莫令事不舉阿女默無聲手

巾掩口啼淚落便如瀉移我琉璃榻出置前牕下
左手持刀尺右手執綾羅朝成繡袂裙晚成單羅
衫唵唵日欲暝愁思出門啼府吏聞此變因求假
暫歸未至二三里摧藏馬悲哀新婦識馬聲躡履
相逢迎悵然遙相望知是故人來舉手拍馬鞍嗟
歎使心傷自君別我後人事不可量果不如先願
又非君所詳我有親父母逼迫兼弟兄以我應他
人君還何所望府吏謂新婦賀卿得高遷磐石方
且厚可以卒千年蒲葦一時紉便作旦夕間卿當

漢詩說卷七

七

日勝貴吾獨向黃泉新婦謂府吏何意出此言同
是被逼迫君爾妾亦然黃泉下相見勿違今日言
執手分道去各各還家門生人作死別恨恨那可
論念與世間辭千萬不復全府吏還家去上堂拜
阿母今日大風寒寒風摧樹木嚴霜結庭蘭兒今
日冥冥令母在後單故作不良計勿復怨鬼神命
如南山石四體康且直阿母得聞之零淚應聲落
汝是大家子仕宦於臺閣慎勿爲婦死貴賤情何
薄東家有賢女窈窕藍城郭阿母爲汝求便復在

旦夕府吏再拜還長歎空房中作計乃爾立轉頭
向戶裏漸見愁煎迫其日牛馬嘶新婦入青廬菴
菴黃昏後寂寂人定初我命絕今日魂去尸長留
攬裙脫絲履舉身赴清池府吏聞此事心知長別
離徘徊顧樹下自掛東南枝兩家求合葬合葬華
山傍東西植松柏左右種梧桐枝枝相覆蓋葉葉
相交通中有雙飛鳥自名為鴛鴦仰頭相向鳴夜
夜達五更行人駐足聽寡婦起彷徨多謝後世人
戒之慎勿忘

漢詩說卷七

八

孔雀東南飛五里一裴徊只兩句便截斷十三
能織素便陟接是古人法先秦如荀子文往往
一句截斷陟接陟轉此法詩家不講久矣
此詩乃言情之文非寫義夫節婦也後人作節
烈詩輒擬其體更益以綱常名教等語遂惡俗
不可耐觀府吏見新婦時新婦云自君別我後
人事不可量果不如先願又非君所詳我有親
父母逼迫兼弟兄以我應他人君還何所望若
在他人新婦一見府吏便作必死語不應作爾

一語也且朝成繡袂裙晚成單羅衫亦不應爾爾
矣蓋情到婉轉纏綿不言節義而節義自見直
寫節義便僞父面目

此詩處處作兩層所以愈曲愈妙自府吏得聞
之至遣去慎莫留為阿母欲遣新婦第一層自
府吏長跪告至會不相從許為必遣第二層自
府吏默無聲至慎勿違吾語為留新婦第一層
新婦不許以至出門至誓天不相負為留婦第
二層婦始許之婦還家阿母怒為第一層阿母

漢詩說卷七

九

悲為第二層縣令遣媒新婦不許為第一層太
守郎君議昏阿兄逼迫新婦許之為第二層府
吏復會新婦言逼迫不獲已為第一層兩人誓
死為第二層府吏還家阿母勸其勿死為第一
層聞婦死乃死是第二層

新婦議郎君昏時云府吏聞此變新婦死時云
府吏聞此事變在意外事在意中

此詩多閒處着筆入情入理如新婦初來時小
姑始扶牀八句何等閒逸何等情至而為婦之

久與奉姑之有禮其小姑之不無讒言新婦之
怨而不怒於此可見新婦起嚴粧一段不寫在
初嫁時而寫在被遣後見新婦容止之姣艷衣
飾之光麗府吏情何能割青雀白鵲舫一段不
寫在府吏定婦時而寫在郎君定婦時見新婦
不以豪華動其心終與府吏結磐石之誓爲至
情也

枯魚過河泣

枯魚過河泣何時悔復及作書與魴鱖相教慎出

漢詩說卷七

十

入

樂府

行胡從何方列國持何來醴醢毳毼五木香迷迭
艾蒿及都梁

首二字謂西域入貢之人也

雜歌

晨行梓道中梓葉相切磨與君別交中繡如新繡
維一作裂之有餘絲吐之無還期

按磨同礪原有靡音與下維期叶韻書偶闕耳

猛虎行

饑不從猛虎食暮不從野雀棲野雀安無巢遊子
爲誰驕

上畱田行

里中有啼兒似類親父子回車問啼兒慷慨不可
止

上畱田古今註李白詩皆作地名謝靈運以爲
曲中聲艷如日重光之類此爲近

古八變歌

北風初秋至吹我章華臺浮雲多暮色似從崦嵫
來枯桑鳴中林絡緯響空階翩翩飛蓬征愴愴遊
子懷故鄉不可見長望始此回

古歌

上金殿著玉樽延貴客入金門入金門上金堂東
厨具肴膳推牛烹猪羊主人前進酒彈瑟爲清商
投壺對彈碁博奕並復行朱火颺煙霧博山吐微
香清樽發朱顏四坐樂且康今日樂相樂延年壽
千霜

古歌

秋風蕭蕭愁殺人出亦愁入亦愁座中何人誰不
懷憂令我白頭故地多颶風樹木何修修離家日
趨遠衣帶日趨緩心思不能言腸中車輪轉

艷歌

今日樂上樂相從步雲衢天公出美酒河伯出鯉
魚青龍前鋪席白虎持榼壺南斗工鼓瑟北斗吹
笙竽姮娥垂明璫織女奉瑛琚蒼霞揚東謳清風
流西飮垂露成帷幄奔星扶輪輿

古咄咄歌

東下何攢攢榮華各有時東欲初赤時人從四邊
來衆適今日賜誰當仰視之

言榮瘁之故咄咄而變與世說咄嗟便辨意同
此等詩與江南可采蓮里中有啼兒晨行梓道
中如海中島嶼荒昧高古又如千尺孤桐竝無
附枝孟東野常希心此種而力有未逮亦時代
爲之耶

古歌銅雀詞

長安城西雙員闕上有一雙銅雀宿一鳴五谷生
再鳴五谷熟

古樂府單辭

單初何得端來得鮒小者如手大者如履孝子持
歸遺我公姥安得此魚適與單迕從今以後但當
求鮒

蜀國刺

狗吠何喧喧有吏來在門披衣出門應府記欲得
錢語窮及請期吏怒反見尤旋步顧家中家中無

可與思往往鄰貸鄰人以言遣錢錢何難得令我

獨顛顛

漢詩說卷八

錢唐 沈用濟 方舟

成都 費錫璜 滋衡

關中 孫繩武 芷田

天都 張紹基 漢甌

論正

無名氏

古詩十九首

行行重行行與君生別離相去萬餘里各在天一

涯道路阻且長會面安可知一作期胡馬依北風越

漢詩說卷八

鳥巢南枝相去日已遠衣帶日已緩浮雲蔽白日

遊子不顧返思君令人老歲月忽已晚棄捐勿復

道努力加餐飯

青青河畔草鬱鬱園中柳盈盈樓上女皎皎當窓

牖娥娥紅粉粧纖纖出素手昔為倡家女今為蕩

子婦蕩子行不歸空牀難獨守玉臺作枚乘

一人問空牀難獨守其意是能守之貞婦乎抑

不能守之蕩婦乎曰不必爾但言難守而意已

足若必定其為貞為淫則蛇足矣

青青陵上柏磊磊澗中石人生天地間忽如遠行

客斗酒相娛樂聊厚不為薄驅車策駑馬游歲祀

與洛洛中何鬱鬱冠帶自相索長衢羅夾巷王侯

多第宅兩宮遙相望雙闕百餘尺極宴娛心意戚

戚何所迫

今日良宴會歡樂難具陳彈箏奮逸響新聲妙入

神令德唱高言識曲聽其真齊心同所願含意俱

未仲人生寄一世奄忽若颺塵何不策高足先據

要路津無為守窮賤軼軻長苦辛

漢詩說卷八

西北有高樓上與浮雲齊交疏結綺牕阿閣三重

階上有絃歌聲音響一何悲誰能為此曲無乃杞

梁妻清商隨風發中曲正徘徊一彈再三歎慷慨

有餘哀不惜歌者苦但傷知音稀願為雙鴻鵠善作

鳴奮翅起高飛玉臺作枚乘

涉江采芙蓉蘭澤多芳草采之欲遺誰所思在遠

道還顧望舊鄉長路漫漫浩同心而離居憂傷以

終老玉臺作枚乘

明月皎夜光促織鳴東壁玉衡指孟冬補註云衆當作秋

星何歷歷白露霑野草時節忽復易秋蟬鳴樹間
玄鳥逝安適昔我同門友高舉振六翮不念攜手
好棄我如遺跡南箕北有斗牽牛不負輓良無磐
石固虛名復何益

玉衡指孟冬或以爲冬字當作秋又以爲漢初
孟冬仍是秋然古人詩何嘗鑄定時日如今人
鍼線乎

冉冉孤生竹結根泰山阿與君爲新婚兔絲附女
蘿兔絲生有時夫婦會有宜千里遠結婚悠悠隔

漢詩說卷八

三

山陂思君令人老軒車來何遲傷彼蕙蘭花含英

揚光輝過時而不采將隨秋草萎君亮執高節賤

妾亦何爲

樂府載此○文心雕龍曰孤竹一篇傳毅之辭

庭中有奇樹綠葉發華滋攀條折其榮將以遺所
思馨香盈懷袖路遠莫致之此物何足貴但感別

經時

玉臺作枚乘

迢迢牽牛星皎皎河漢女纖纖擢素手札札弄機
杼終日不成章泣涕零如雨河漢清且淺相去復
幾許盈盈一水間脉脉不得語

玉臺作枚乘

迴車駕言邁悠悠涉長道四顧何茫茫東風搖百
草所遇無故物焉得不速老盛衰各有時立身苦
不早人生非金石豈能長壽考奄忽隨物化榮名
以爲寶

東城高且長逶迤自相屬迴風動地起秋草萋已
綠四時更變化歲暮一何速晨風懷苦心蟋蟀傷
局促蕩滌放情志何爲自結束燕趙多佳人美者
顏如玉被服羅裳衣當戶理清曲音響一何悲絃
急知柱促馳情整巾帶沉吟聊躑躅思爲雙飛燕

漢詩說卷八

四

衍泥巢君屋

玉臺作枚乘

東城高且長至衍泥巢君屋原是一首張伯起
離爲二首殆未深究漢法今仍其舊以見古本
不可妄爲分合也

驅車上東門遙望郭北墓白楊何蕭蕭松柏夾廣
路下有陳死人杳杳即長暮潛寐黃泉下千載永
不寤浩浩陰陽移年命如朝露人生忽如寄壽無
金石固萬歲更相送賢聖莫能度服食求神仙多
爲藥所誤不如飲美酒被服紬與素

去者日以疎來者日以親出郭門直視但見丘與墳古墓犁爲田松柏摧爲薪白楊多悲風蕭蕭愁殺人思還故里問欲歸道無因

生年不滿百常懷千歲憂晝短苦夜長何不秉燭遊爲樂當及時何能待來茲愚者愛惜費但爲後世嗤仙人王子喬難可與等期

凜凜歲云暮螻蛄夕鳴悲涼風率已厲遊子寒無衣錦衾遺洛浦同袍與我違獨宿累長夜夢想見容輝良人惟古歡枉駕惠前綏願得常巧笑攜手

漢詩說卷八

五

同車歸旣來不須臾又不處重闌亮無晨風翼焉能凌風飛眄眄以適意引領遙相睇徙倚懷感傷垂涕沾雙扉

曰錦衾曰同袍曰獨宿曰夢想曰巧笑曰攜手曰重闌似懷昵友非懷良友之辭非懷昵友者賦之爲懷昵友者賦之也阮籍繁華子本此

孟冬寒氣至北風何慘慄愁多知夜長仰觀衆星列三五明月滿四五蟾兔缺客從遠方來遺我一書札上言長相思下言久離別置書懷袖中三歲

字不減一心抱區區懼君不識察

客從遠方來遺我一端綺相去萬餘里故人心尚爾文彩雙鴛鴦裁爲合歡被著以長相思緣以結不解以膠投漆中誰能別離此

明月何皎皎照我羅牀幃憂愁不能寐攬衣起徘徊客行雖云樂不如早旋歸出戶獨彷徨愁思當告誰引領還入房淚下沾裳衣

漢詩說卷八

六

漢雜曲多奇語惟十九首爲正音蓋名賢之至言中和之極則而透露處泣鬼驚天後人一毫不能措手蓋英雄而不聖賢者有之未有聖賢而不英雄者也

十九首中如棄捐勿復道努力加餐飯空牀難獨守無爲守貧賤輶軻長苦辛憂傷以終老蕩滌放情志何爲自結束不如飲美酒被服紵與素皆透過人情物理立言不朽至今讀之猶有生氣每用於結句蓋全首精神專注末句其語萬古不可易萬古不可到乃爲至詩也

古詩五首

上山採薜蘿下山逢故夫長跪問故夫新人復何如新人雖言好未若故人姝顏色類相似手爪不相如新人從門入故人從閣去新人工織縑故人工織素織縑日一匹織素五丈餘將縑來比素新人不如故

四坐且莫誼願聽歌一言請說銅爐器崔嵬象南山上枝似松柏下根據銅盤雕文各異類離婁自相聯誰能爲此器公輸與魯班朱火然其中青煙颺其間從風入君懷四坐莫不歡香風難久居空令蕙草殘

漢詩說卷八

七

悲與親友別氣結不能言贈子以自愛道遠會見難人生無幾時顛沛在其間念子棄我去新心有所歡結志青雲上何時復來還

穆穆清風至吹我羅衣裾青袍似春草長條隨風舒朝登津梁山褰裳望所思安得抱柱信皎日以爲期

蘭若生春陽涉冬猶盛滋願言追昔愛情款感四時美人在雲端天路隔無期夜光照玄陰長歎念

所思誰謂我無憂積念發狂癡

古詩三首

橘柚垂華實乃在深山側聞君好我甘竊獨自雕飾委身玉盤中歷年冀見食芳菲不相投青黃忽改色人儻欲我知因君爲羽翼

十五從軍征八十始得歸道逢鄉里人家中有阿誰遙望是君家松柏冢累累兔從狗竇入雉從梁上飛中庭生旅穀井上生旅葵烹穀持作飯采葵持作羹羹飯一時熟不知貽阿誰出門東向望淚

漢詩說卷八

八

落沾我衣

新樹蘭蕙葩雜用杜蘅草終朝采其華日暮不盈抱采之欲遺誰所思在遠道馨香易銷歇繁華會枯槁悵望何所言臨風送懷抱

古詩一首

步出城東門遙望江南路前日風雪中故人從此去我欲渡河水河水深無梁願爲雙黃鵠高飛還故鄉

古詩一首

行行隨道經歷山陂馬啖柏葉人啖柏脂不可長
飽聊可過饑

擬蘇李詩十首

李陵錄別詩八首

有鳥西南飛熠熠似蒼鷹朝發天北隅暮聞日南
陵欲寄一言去託之牋綵繒因風附輕翼以遺心
蘊蒸鳥辭路悠長羽翼不能勝意欲從鳥逝駕馬
不可乘

爍爍三星列拳拳月初生寒涼應節至蟋蟀夜悲

漢詩卷八

九

鳴晨風動喬木枝葉日夜零游子暮思歸塞耳不
能聽遠望正蕭條百里無人聲豺狼鳴後園虎豹
步前庭遠處天一隅苦困獨零丁親人隨風散歷
歷如流星三萍離不結思心獨屏營願得萱草枝
以解饑渴情
寂寂君子坐奕奕合衆芳溫聲何穆穆因風動馨
香清言振東序良時著西庠乃命絲竹音列席無
高唱悲意何慷慨清歌正激揚長哀發華屋四坐
莫不傷

晨風鳴北林熠熠東南飛願言所相思日暮不垂
帷明月照高樓想見餘光輝玄鳥夜過庭髣髴能
復飛褰裳路踟躕彷徨不能歸浮雲日千里安知
我心悲思得瓊樹枝以解長渴饑

玄鳥夜過庭言鳥之色黑者不必指燕

陟彼南山隅送子淇水陽爾行西南遊我獨東北
翔猿馬顧悲鳴五步一徬徨雙鳬相背飛相遠日
已長遠望雲中路想見來圭璋萬里遙相思何益
心獨傷隨時愛景曜願言莫相忘

漢詩卷八

十

鍾子歌南音仲尼歎歸與戎馬悲邊鳴遊子戀故
盧陽鳥歸飛雲蛟龍樂潛居人生一世間貴與願
同俱身無四凶罪何爲天一隅與其苦筋力必欲
榮薄軀不如及清時策名於天衢

鳳皇鳴高岡有翼不好飛安知鳳皇德貴其來見
稀

紅塵蔽天地白日何冥冥微陰盛殺氣淒風從此
興招搖西北指天漢東南傾嗟爾穹廬子獨行如
履冰短褐中無緒帶斷續以繩瀉水置瓶中焉辨

潘與渾巢父不洗耳後世有何稱

別錄八首獨紅塵蔽天地英氣凜凜已露越石
一派巢父洗耳用事不必確核

蘇武答詩二首

童童孤生柳寄根河水泥連翩遊客子於冬服涼
衣去家千里餘一身常渴饑寒夜立清庭仰瞻天
漠漠寒風吹我骨嚴霜切我肌憂心常慘戚晨風
爲我悲瑤光游何速行願支荷遲仰視雲間星忽
若割長帷低頭還自憐盛年行已衰依依戀明世

漢詩說卷八

七

僂僂難久懷

雙鳬俱北飛一鳬獨南翔子當留斯館我當歸故
鄉一別如秦胡會見何詎央愴恨切中懷不覺淚
沾裳願子常努力言笑莫相忘

古詩二首

採葵莫傷根傷根葵不生結交莫羞貧羞貧友不
成

甘瓜抱苦蒂美棗生荆棘利傍有倚刀貪人還自
賊

古絕句四首

碣石今何在山上復有山何當大刀頭破鏡飛上
天

碣石舊解作夫字義似未妥疑葉艸也碣石也

合成若字猶言若今何在如黃絹幼婦體也李

碩夫曰若字從右按李說極核然此詩是古人

游戲之文非典則之文出字從草亦不從二山

日暮秋雲陰江水清且深何用通音信蓮花玳瑁

符

漢詩說卷八

七

菟絲從長風根莖無斷絕無情尚不離有情安可

別

南山一樹桂上有雙鴛鴦千年長交頸歡慶不相

忘

古歌

高田種小麥終久不成穗男兒在他鄉焉得不憔

悴

古樂府

蘭草自然香生於大道傍腰錄八九月俱在束薪

中

古五雜組詩

五雜組岡頭草往復還車馬道不獲已人將老

古兩頭纖纖詩二首

兩頭纖纖月初生半白半黑眼中睛
兩頭纖纖青玉玦半白半黑頭上髮
兩頭纖纖落落向曙星

初鳴磊磊落落桃初結

冰裂磊磊落落桃初結

昭武舞歌

昭武舞歌

漢書卷八

三

矛俞新福歌

漢初建國家匡九州蠻荆震服五刃三革休安不

忘備武樂脩宴我賓師敬用御天永樂無憂子孫

受百福當與松喬遊蒸庶德莫不咸懽柔

弩俞新福歌

材官選士劒弩錯陳應桴蹈節俯仰若神綏我武

烈篤我淳仁自東自西莫不來賓

安臺新福歌

武功既定庶士咸綏樂陳我廣庭式宴賓與師昭

文德宣武威平九有撫民黎荷天寵延壽尸千載
莫我違

行辭新福歌

神武用師士素厲仁恩廣覆猛節橫逝自古立功

莫我弘大桓桓四國爰及海裔漢國保長慶垂祚

延萬世

按昭武四詩皆漢樂府特以魏尚歌之故入魏

樂耳其詩皆美漢功德識者辨之

從軍行

漢書卷八

古

苦哉邊地人一歲三從軍三子到燉煌二子詣隴

西五子遠鬪去五婦皆懷身

此當為漢人本辭後人擬者悉依此首句法起

且高古非魏晉以下氣味

蘇武妻答蘇武詩

一作魏文帝
一作徐幹

與君結新昏宿昔當別離涼風動秋草蟋蟀鳴相

隨冽冽寒蟬吟蟬吟抱枯枝枯枝時飛揚身體忽

遷移不悲身體移當惜歲月馳歲月無窮極會合

安可知願為雙黃鵠悲鳴戲清池

卷八終

漢詩說卷九

錢唐 沈用濟 方舟

全著

成都 費錫璜 滋衡

秣陵 程九萬 周籍

論正

荻城 潘尚仁 似山

樂府古辭

雜歌謠辭

歌辭

平城歌

漢詩說卷九

平城之下亦誠苦七日不食不能殼弩

畫一歌

蕭何爲法較若畫一曹參代之守而勿失載其清

靜民以寧一

淮南民歌

一尺布尚可縫一斗粟尚可舂兄弟二人不相容

衛皇后歌

生男無喜生女無怒獨不見衛子夫霸天下

鄭白渠歌

田於何所池陽谷口鄭國在前白渠起後舉錫如雲決渠爲雨涇水一石其泥數斗且溉且糞長我禾黍衣食京師億萬之口

潁川歌

潁水清灌氏寧潁水濁灌氏族

匡衡歌

無說詩匡鼎來匡說詩解人頤

牢石歌

牢邪石邪五鹿客邪印何累累綬若若邪

漢詩說卷九

五侯歌

五侯初起曲陽最怒壞決高都連竟外杜土山漸

臺西白虎

樓護歌

五侯治喪樓君卿

尹賞歌

安所求子死桓東少年場生時諒不謹枯骨後何

葬

上郡歌

大馮君小馮君兄弟繼踵相因循聰明賢知惠吏
民政如魯衛德化鈞周公康叔猶二君

張君歌

桑無附枝麥穗兩岐張君爲政樂不可支

朱暉歌

彊直自遂南陽朱季吏畏其威民懷其惠

涼州歌

遊子常苦貧力子天所富寧見乳虎穴不入冀府
寺大笑期必死忿怒或見置嗟我樊府君安可再

漢詩卷九

遭值

或問此詩有何佳處曰直寫真怒真怨更不添
一語堅樸是東漢本色與酈炎趙壹詩同六朝

唐人必不能到此

費冕記曰力子強而有力者蓋指所怨之人

董宣歌

袍鼓不鳴董少平

郭喬卿歌

厥德仁明郭喬卿中正朝廷上下平

鮑司隸歌

鮑氏聰三人司隸再入公馬雖瘦行步工

通博南歌

漢德廣開不賓度博南越蘭津度蘭倉爲他人

廉范歌

廉叔度來何暮不禁火民安作平生無襦今五袴

喻猛歌

於惟蒼梧交趾之域大漢唯宗遠以仁德

陳臨歌

漢詩卷九

蒼梧陳君恩廣大令死罪囚有後代德參古賢天
報施

又

蒼梧府君惠及死能令死人不絕嗣

黎陽令張公頌

公與守相駕蜚魚往來倏忽遠熹娛慰此屯民寧

厥苦

魏郡興人歌

我有枳棘岑君伐之我有蝨賊岑君遏之狗吠不

驚足下生釐含脯鼓腹焉知凶災我喜我生獨丁
斯時美矣岑君於戲休茲

范史雲歌

甑中生塵范史雲釜中生魚范萊蕪

劉君歌

悵然不樂思我劉君何時復來安此下民

董逃歌

承樂世董逃遊四郭董逃蒙天恩董逃帶金紫董
逃行謝恩董逃整車騎董逃垂欲發董逃與中辭

漢詩說卷九

五

董逃出西門董逃瞻宮殿董逃望京城董逃日夜
絕董逃心摧傷董逃

賈父歌

賈父來晚使我先反今見清平更不敢飯

皇甫嵩歌

天下大亂今市爲墟母不保子今妻失夫賴得皇
甫今復安居

洛陽令歌

天久不雨烝人失所天王自出祝令特苦精符感

應滂沱下雨

崔瑗歌

上天降神明錫我仁慈父臨民布德澤恩惠施以
序穿溝廣漑灌決渠作甘雨

吳資歌

習習晨風動澍雨潤禾苗我后恤時務我人以優
饒

又歌

遠望忽不見惆悵當裴徊恩澤實難忘悠悠心永

漢詩說卷九

六

懷

爰珍歌

我有田疇爰父殖置我有子弟爰父教誨

高孝甫歌

巖然不語名高孝甫

襄陽太守歌

美哉明后雋括惟巖陶廣乾坤周孔則是文武播
暢威振遐域

隴頭歌二首

隴頭流水流離四下念我行役飄然曠野登高望
遠涕零雙墮

隴頭流水鳴聲幽咽遙望秦川肝腸斷絕

此是漢隴頭曲既見梁橫吹又見秦川記夫復
何疑予論六朝樂府多漢人辭於此益信

匈奴歌

失我焉支山令我婦女無顏色失我祁連山使我
六畜不蕃息

謠辭

漢詩話卷九

七

武帝太初中謠

三七末世雞不鳴犬不吠宮中荆棘亂相繫當有
九虎爭爲帝

元帝時童謠

井水溢滅竈烟灌玉堂流金門

長安謠

伊徙鴈鹿徙菟去牢與陳實無賈讀曰價

成帝時燕燕童謠

燕燕尾涎涎張公子時相見木門倉琅根燕飛來

啄皇孫皇孫死燕啄矢

成帝時歌謠

邪徑敗良田讒口亂善人桂樹華不實黃爵巢其
顛昔爲人所羨今爲人所憐

鴻隙陂童謠

壞陂誰翟子威飯我豆食羹芋魁反乎覆陂當復
誰云者兩黃鵠

王莽末天水童謠

出吳門望緹羣見一蹇人言欲上天今天可上地

漢詩話卷九

八

上安得民

更始時南陽童謠

諧不諧在赤眉得不得在河北

後漢時蜀中童謠

黃牛白腹五銖當復

城中謠

城中好高髻四方高一尺城中好廣眉四方且半
額城中好大袖四方全匹帛

會稽童謠

棄我戟捐我矛盜賊盡吏皆休

同前

城上烏鳴哺父母府中諸吏皆孝友

河內謠

王稚子代未有平徭役百姓喜

順帝時京都童謠

直如弦死道邊曲如鉤反封侯

桓帝初小麥童謠

小麥青青大麥枯誰當穫者婦與姑丈夫何在西

漢詩說卷九

九

擊胡吏買馬君具車請為諸君鼓隴胡

城上烏童謠

城上烏尾畢逋公為吏子為徒一徒死百乘車車

班班入河間河間姪女工數錢以錢為室金為堂

石上慊慊春黃梁梁下有懸鼓我欲擊之丞卿怒

桓帝初京都童謠

游平賣印自有平不辟豪賢及大姓

桓帝末京都童謠

白蓋小車何延延河間來合諧河間來合諧

桓帝末京都童謠

茅田一頃中有井四方纖纖不可整嚼復嚼今年
尚可後年饒

鄉人謠

天下規矩房伯武因師獲印周仲進

任安二謠

欲知仲桓問任安

又

居今行古任定祖

漢詩說卷九

十

桓靈時童謠

舉秀才不知書察孝廉父別居

又

見抱朴子

舉秀才不知書舉孝廉父別居寒素清白濁如泥

高第良將怯如鼃

泥音涅
鼃音箋

靈帝末京都童謠

侯非侯王非王千乘萬騎上北芒

二郡謠

汝南太守范孟博南陽宗資主畫諾南陽太守岑

公孝弘農成瑨但坐嘯

太學中謠

天下忠誠竇游平

大將軍槐里侯扶風平陵武

天下義府陳仲

舉太傅高陽鄉侯汝南平輿蕃

天下德弘劉仲承

侍中河間樂成淑

右三君

天下模楷李元禮

少傅潁川襄城府

天下英秀王叔茂

司空

山陽高平

天下良輔杜周甫

太僕潁川陽城密

天下冰凌朱

季陵司隸校尉潁川

天下忠貞魏少英

尚書會稽上虞朗

好交荀伯條

潁川陰翬

天下稽古劉伯祖

大司農博陵安平祐

漢詩說卷九

主

天下才英趙仲經

太常蜀郡成都典

右八俊

天下和雍郭林宗

有道太原介休泰

天下慕恃夏子治

太常

陳留

天下英藩尹伯元

尚書令河南鞏

天下清苦羊嗣

祖河南尹太山平陽陟

天下珤金劉叔林

議郎東郡發儒

天下雅志

蔡孟喜

冀州刺史陳國項衍

天下卧虎巴恭祖

潁川太守渤海東城肅

天下通儒宗孝初

議郎南陽安衆慈

右八顧

海內貴珍陳子鱗

御史中丞汝南召陵翔

海內忠烈張元節

衛尉山陽

海內謇諤范孟博

太尉掾汝南細陽

海內通士

檀文友

高平令

海內才珍孔世元

洛陽令魯國昱

彬彬范仲真

太山太守渤海重合康

海內珍好岑公孝

太尉掾南陽棘陽

陽

海內所稱劉景升

鎮南將軍荊州牧武城侯山陽高平表

右八及

海內賢智王伯義

少府東萊曲城商

海內修整蕃嘉景

郎中

魯國

海內貞良秦平王

北海相陳留已吾周

海內珍奇胡母

季皮

侍御史太山奉高班

海內光光劉子相

太尉掾潁川陰翬

海內

依怙王文祖

冀州刺史東平壽張考

海內嚴恪張孟卓

陳留相東

漢詩說卷九

主

平壽

海內清明度博平

荊州刺史山陽湖陸尚

右八尉

京兆謠

我府君道教舉恩如春威如虎剛不吐柔不如愛

如母訓如父

獻帝初童謠

燕南垂趙北際中央不合大如礪唯有此中可避

世

獻帝初京都童謠

千里草何青青十日不得生

興平中吳中童謠

黃金車班蘭耳開閭門出天子

建安初荊州童謠

八九年間始欲衰至十三年無子遺

恆農童謠

君不我憂人何以休不行界署焉知人處

閭君謠

閭君賦政明且昶蠲苛去碎以禮讓

漢詩說卷九

京都謠

欲得不能光祿茂才

漢詩說卷十

錢唐 沈用濟 方舟

全述

成都 費錫璜 滋衡

會稽 胡開運 晴初

論正

邗江 徐化慶 竺村

無名氏

諺語

楚人諺

得黃金百不如得季布諾

漢詩說卷十

逐彈丸

苦饑寒逐彈丸

紫宮諺

一雌復一雄雙飛入紫宮

路溫舒引諺

畫地爲獄議不入刻木爲吏期不對

崔寔引里語

州郡記如霹靂得詔書但掛壁

東家棗

東家棗樹王陽婦去東家棗完去婦復還

鄒魯諺

遺子黃金滿贏不如一經

諸葛豐

間何闊逢諸葛

三王

前有趙張後有三王

五鹿

五鹿嶽嶽朱雲折其角

漢詩說卷十

谷樓

谷子雲筆札樓君卿喉舌

張文

不欲爲論念張文

楊伯起

關西孔子楊伯起

憤如屋

莽頭禿憤如屋

投閣

惟寂惟莫自投於閭爰清爰靜無作符命

杜陵蔣翁

楚國二龔不如杜陵蔣翁

竈下養

竈下養中郎將爛羊胃騎都尉爛羊頭關內侯

南陽諺

前有召父後有杜母

戴侍中

解經不窮戴侍中

漢詩說卷十

井大春

五經紛綸井大春

劉太常

難經伉伉劉太常

楊子行

說經鏗鏘楊子行

許叔重

五經無雙許叔重

馮仲文

道德彬彬馮仲文

江夏黃童

天下無雙江夏黃童

白晢

馬氏五常白晢最良

魯國孔氏

魯國孔氏好讀經兄弟講誦皆可聽學士來者有聲名不過孔氏那得成

胡伯始

漢詩說卷十

四

萬事不理問伯始天下中庸有胡公

避驄

行行且止避驄馬御史

考城諺

父母何在在我庭化我鴉梟哺所生

朱伯厚

車如雞栖馬如狗疾如風朱伯厚

太常妻

居世不諧爲太常妻一歲三百六十日三百五十

九日齋一日不齋醉如泥旣作事復低迷

縫掖

徒見二千石不如一縫掖

荀氏八龍

荀氏八龍慈明無雙

公沙六龍

公沙六龍天下無雙

帳下壯士

帳下壯士有典君手把雙戟八十斤

漢詩說卷十

五

郭君

郭君圍塹董將不許幾令狐狸化爲豺虎賴我郭君不畏強禦轉機之間敵爲窮虜猗猗惠君實完疆土

柳伯騫

得黃金一笥不如爲柳伯騫所識

繆文雅

素車白馬繆文雅

許偉君

殿上成羣許偉君

王君公

避世牆東王君公

時人語

人中有呂布馬中有赤兔

相里諺

相里張多賢良積善應子孫昌

袁文開

事不諧詣文開

漢詩說卷十

六

五門

苑中三公館下二卿五門嚶嚶但聞豚聲

賈偉節

賈氏三虎偉節最怒

作奏

作奏雖工宜去葛龔

李鱗甲

難可狎李鱗甲

戴良

關中大豪戴子高

諸葛諺

死諸葛走生仲達

古諺

雖有神藥不如少年雖有珠玉不如金錢

劍銘

直千金壽萬歲

龍爪薤語

洞冥記烏哀國有龍爪薤長九尺色如玉煎之有膏和紫桂爲

丸服一粒千歲不饑

漢詩說卷十

七

薤和膏身生毛

仙詩

漢初童謠

著青裙入天門揖金母拜木公

張麗英石鼓歌

石鼓石鼓悲哉下土自我來觀民生實苦哀哉世事悠悠我意我意不可辱今王威不可奪余志有鸞有鳳自歌自舞凌雲歷漢遠絕塵羅世人之子其知我何暫來期會運往即乖父兮母兮無傷我

懷

西王母宴漢武帝命法嬰歌玄靈之曲

大象雖廓寥我把天地戶披雲沉靈輿倏忽適下
土空洞成玄音至靈不容冶太真噓中唱始知風
塵苦願神三田中納精六闕下遂乘萬龍椿馳騁
眇九野

玄圃遏北臺五城煥嵯峨啟彼無涯津汎此織女
河仰上升絳庭下遊月窟阿顧盼八落外指招九
雲遐忽不覺心榮豈吾少與多撫璇命衆女詠歌
發中和妙暢自然樂爲此玄雲歌韻盡至韻存真
音辭無邪

上元夫人歌步玄之曲

昔涉玄真道騰步登太霞負笈造天關借問太上
家忽過紫微垣真人列如麻淥景清飈起雲蓋映
朱葩蘭宮敞朱闕碧室啟瑤沙丹臺結空構曄曄
生光華飛鳳躡霓峙燭龍倚委蛇玉胎來絳芝九
色紛相挈挹景練仙骸萬劫方童牙唯言壽有終
扶桑不爲查

西王母又命侍女田四妃答歌

晨登太霞宮挹泚把玉蘭夕入玄元關采藥掇琅
玕濯足匏瓜河織女立津盤吐納挹景雲味之當
一餐紫微何濟濟瑤輪服朱丹朝發汗漫府暮宿
勾陳垣去去道不同且各體所安二儀設猶存奚
疑億萬椿莫與世人說行尸言此難

茅山父老歌

茅山連金陵江湖據下流三神乘白雀各在一山
頭佳雨灌畦稻陸田亦復周妻子保堂室使我無
百憂白鶴翔青天何時復來遊

陰長生古詩

維予之先佐命唐虞爰逮漢世紫艾重紆予獨好
道而爲匹夫高尚素志不事王侯貪生得生亦又
何求超跡蒼霄乘飛駕浮青要承翼與我爲仇入
火不灼蹈波不濡逍遙太極何慮何憂遊戲仙都
願憫羣愚年命之逝如彼波流奄忽未幾泥土爲
儔馳走索死不肯暫休

予之聖師體道知真昇騰變化松喬爲隣維予同

學一十二人寒苦求道歷二十年中多怠惰志行
不堅痛乎諸子命也自天天不妄授道必歸賢身
投幽壤何時可還嗟爾將來勤加精研勿爲流俗
富貴所牽神丹一成升彼九天壽同三光何但億
千

維予垂髮少好道德弃家隨師東西南北委放五
經辟世自匿二十餘年名山之側寒不遑衣饑不
暇食思不敢歸勞不敢息奉事聖師承悅顏色面
垢足胝乃敢哀識遂傳要訣恩深不測妻子延年
咸享無極黃白既成貨財千億役使鬼神玉女侍
側予得度世神丹之力

長安中謠

見乞兒與美酒以免破屋之咎

丁令威歌

有鳥有鳥丁令威去家千歲今來歸城郭如故人
民非何不學仙塚壘壘

赤雀辭

安公安公治與天通七月七日迎汝以赤龍

蘇耽歌

鄉原一別重來事非甲子不記陵谷遷移白骨蔽
野青山舊時翹足高屋下見羣兒我是蘇仙彈我
何爲翻身雲外却返吾居

衛羅國王女配瑛靈鳳歌

杳杳靈鳳綿綿長歸悠悠我思永與願違萬劫無
期何時來飛

諸仙詩氣格多不類兩漢道流僞托也然皆六
朝高手所擬靈廻深厚妙於言道麗藻鴻辭非

後世可及

老卧山中去城四十里便不能晉接未免悵惋間
別許久未見新著承示漢詩論隲一卷知我兄近
作定當詣極今人日把宋詩即三唐亦未窺及敢
言漢耶少觀李滄溟樂府似全未講究視諸樂題
爲金匱曲子牌名可笑孰甚今得鍾嶸暢言之品
目之中力闡奧義此卷一行庶長安高髻藉之小
減末流之挽應不在魯陽揮戈下矣何日圖晤念
之念之弟毛奇齡頓首

漢詩說序

嘗謂旨隱詞微詩之教也白香山使老婢能解尚
有詩乎宋人以香山爲宗以易解耳且夫風人之
詞亦何難解顧言近指遠未易窮也六義變化無
方體也楚騷因之以極其變豈老婢能解者哉後
代近古者莫若漢六朝氣骨雖漓作者自能追古
唐人體格雖變初盛尚有流風中晚乃漸減耳宋
人率晚唐流弊今之宗宋不過以其易解使人讀
吾詩者亦欲其易解不知初盛何論風雅吾子與
滋衡發漢詩之蘊以示人識高論確上之可溯楚
騷下之不失初盛之規真救時之良劑後學之津
梁也但老婢之學痼蔽已深若不悉蹊徑門戶直
達堂奧以示之恐人之心解旁通聞一知二者亦

漢詩說序

圭

弟王源頓首



漢詩說十卷

浙江巡撫
採進本

國朝費錫璜沈用濟同編錫璜字滋衡吳江人自署
曰成都蓋其父費密自成都避亂家於江南錫璜
猶署其故里也用濟字方舟錢塘人是編因馮惟
訥詩紀梅鼎祚詩乘所錄漢詩略爲評釋卷首有
凡例持論似高而所說殊草草如漢人饒歌鼓吹
諸曲沈約宋書樂志明言聲詞合寫不可復辨本
無文義可推而必求其說以通之遂橫生穿鑿又
本詞與入樂之詞截然有別如白頭吟中郭東亦
有樵諸句乃伶工增入以諧律亦曲爲之解更嫌
附會至鐸舞曲之聖人制禮樂篇不過以字記聲
亦錄之以爲詩式又不考據宋志明其句讀尤進
退無據其中因仍馮氏詩紀梅氏詩乘之謬皆不
及訂正於辨證尤疎也

嶺南五朝詩選三十七卷

〔清〕黃登編

北京圖書館藏清康熙三十九年自刻本

附《四庫全書總目·嶺南五朝

詩選三十五卷》提要

序

余自丁卯休致歸里
於今十年親友強半
廣州故十年之中客
遊廣州者居其五廣
州文章禮義自昔稱
優士君子尚風雅喜
交遊尊賢重道雖五

嶺南五朝詩選

序

尺童子觀壁上扇頭
古今詩文皆能吟哦
諷詠尋其旨趣蓋風
俗化移不自一日而

嶺南五朝詩選

序

二

然也余樂得廣州士
君子而與之遊廣州
士君子亦不鄙棄而
樂與余遊惟與黃子

積菴遊最晚而相得
較遲積菴頽然而長
體貌豐偉器識惟淡
內養精神不使外揚

嶺南五朝詩選

序

三

年雖老而力學不倦
家雖貧而安遇自娛
余造其廬環堵蕭然
花樹茂密圖書滿架

編刊未已古所稱市
隱者其斯人乎抑好
學深思之士也積菴
乃盡出生平著述以

嶺南五朝詩選

序

四

示余嘉言有功於名
教合璧足資夫風雅
見堂一刊則積菴之
感於心而形於詠也

宦遊詩選現在剗劂
五朝詩選則自唐宋
元明以及

本朝爲五其詩則皆粵

嶺南五朝詩選

序

五

東之名公才士也積
菴欲余一言以序之
顧諸君子之敘琳瑯
滿紙矣余復何贅然

不得辭歸寓細閱本
集其選始自唐唐以
曲江爲宗古近體共
三十七首降而邵而

盧而莫共十一首唐
以詩取士今亾而存
四人亦可慨矣宋自
余靖以至陳應辰共

九人合得詩二十三
首元則僅有王景賢
陳穎慶二人人詩一
首而已夫南海浩蕩

五嶺寵從其秀俊汪
洋之靈鍾而爲人人
之性情見之於詩必
有一種驚人佳句無

古無今者以廣州之
崇尚風雅唐宋元三
朝之詩百不存一如
此良可慨也向使三

嶺南五朝詩選

序

八

朝篇什俱存積菴得
而選之積菴好學得
窺嶺南三朝之全豹
合明而上及

本朝詎非宇宙之大觀
乎雖然嶺南三朝之
詩不可復得矣

本朝勝國篇什浩繁積

嶺南五朝詩選

序

九

菴殫一已之心思最
諸家之吟咏流之天
下傳之後世心非慕
名意非射利誠哉好

學深思之士也粵東
先輩賴積菴而傳粵
西亦嶺南也他置不
論近世若蔣文定呂

嶺南五朝詩選

序

十

文簡事業詩文一時
千古子孫衰微無好
學之士錄而存之表
而彰之幾經滄桑之

後隻字無存觀乎此
而益歎積菴之好學
有功於先輩非淺淺
也

嶺南五朝詩選

序

十一

康熙歲次丙子季春
賜進士出身中憲大夫
通政使司左通政
經筵侍班官前右通政

翰林院提督四館太
常寺少卿通政使司
左右叅議

內府光祿寺少卿年家

嶺南五朝詩選

序

袁

眷會弟昭潭袁景星
題於羊城旅次



叙

今之人皆言詩矣狀
必上下千百年間于
古人之詩取材也富

嶺南五朝詩選

序

一

而操鑑也精辨其正
僞別其醇疵體裁風
格剖析毫芒而後可
與之作詩亦必已之

詩窮幽挾隱凌顏轢
謝搜索錦囊推敲驢
背至於髮白齒脫亦
經營慘澹抒所獨得

嶺南五朝詩選

序

魯

二

而後可與之論詩予
嘗執是說以求今之
人而邈乎其寡儔也
粵東黃子俊升瓌瑋

士也抱道著書歷有
年所余稔其名而未
之見適晤雲間陳子
山農遂得悉覽所著

嶺南五朝詩選

序

魯

三

其歷代嘉言旣萃聖
賢仁義道德之語爲
天下後世法而唐詩
合璧一選採掇精華

總歸風雅不襲舊選
家蹊徑而手眼一新
其五朝詩之選則又
搜羅聞見淘汰平蕪

五朝詩選

序

四

成嶺南一大觀予讀
是三選而知黃子之
能詩也最後閱黃子
見堂集格律蒼老聲

調雋永凡山川景物
煙霞月露風雨晦明
之狀草木鳥獸之靈
悉收吮咏符於自狀

嶺南五朝詩選

序

五

李西崑所謂太虛無
狀太賁無色誠哉正
始之音元酒之味也
先輩有云人靜則氣

清而思幽讀書多則
學贍而力厚交遊皆
賢者則見聞廣而不
泛三者黃子有焉故

嶺南五朝詩選

序

卷

六

其詩華實並著復有
空靈之神情景交深
更多清脫之致根之
以性情敷之以學問

復益之以友朋探討
詩安得不工哉其自
序云年四十始解聲
律此二十餘年之學

嶺南五朝詩選

序

卷

七

益亦深矣昔高渤海
五十始工詩遂與嘉
州輞川襄陽並驅齊
譽子謂黃子堪媲美


渤海矣夫黃子之立
言有本固不獨以詩
名也亦無不可以詩
名讀其詩益以知其
人昔之稱汪汪千頃
者非與故余必謂如
黃子者而後可與論
詩而後可與作詩也

矣

康熙庚辰蒲月會稽

魯 超題于粵東薇

署



序

郡士俊升黃子曰選粵詩

蒐遺網遙闡幽發潛由唐

迄

嶺南五朝詩選

序劉

今代名曰嶺南五朝詩選

予時督創廣州鎮海樓

成登臨賦詠聞於四遠予

榮而識之名曰鎮海樓詩

選黃子不以予為俗吏出

其五朝詩選請序於予先

是屈子翁山亦以廣東文

選請訂於予、覽文選於

嶺南五朝詩選

序劉

二

古者最多近代次之

國朝差少而屈子已赴玉樓

之召予覽詩選於古者固

多近代愈多

國朝益盛前仕宦次紳衿後

僧媛无音送舊音已成徑尺

之書而復有加蓋已黃子

之心其百年如是乎夫吾人

嶺南五朝詩選

序劉

三

周流海內片言隻字凡有

以於心者既無可語之人

復無可藏之地自今有黃

子則風人足跡更誰不思

至粵予惟願黃子壽且

欲其雲仍風雅相繼則

是書治謀也不為選政

之符哉獨鎮海樓梨棗

嶺南五朝詩選

序劉

四

予將來裝出嶺後有珊

瑚當在黃子鐵網中或

有以示予則又不負引領

天南望魚雁矣噫予與黃

子同時而各有所選也可
不為相得之慶而亟叙之
哉

廣州郡守羊家弟楚

嶺南五朝詩選

序

五

黃劉茂溶頓首拜撰



序

自五嶺而東渡鬱水溯
雙流以望羅浮之嶽而歎
其情波洄瀾奇峰積

嶺南五朝詩選

序

秦

翠靈氣所鍾丹砂赤貝
珊瑚之枝明月之珠不
以考之也必有詞人學士
激昂青雲吐納於禁光

休寧者始之以崇山川之
靈異焉余奉

命作宰番禺樂其民風之近

古與其賢士大夫遊而知

嶺南五朝詩選

序

二

其風雅者自來矣蓋自
有唐以迄

今代其間才士接踵相繼余

吏治之所嘗欲考其遺文

而殘編斷簡散逸山林欲
生求之不可得其後得黃

子俊升所刻五朝詩選

搜而閱之其間縉紳名宦

嶺南五朝詩選

序

三

閭秀縉紳爵里詳明姓

氏昭晰而所選諸體又能

獨出眼光不與時書為取

舍誠善本也昔馬達夫

五十始學詩年為少陵所
推今黃子耆年好學日
有事於選場又能不惜芟
荷之囊以繼老梁之業黃

嶺南五朝詩選

序

四

子其為在夫之派亞與余
讀其書益想見其為人
奈何黃子悉撫所選造
余且請為之序余謂黃

子之書奚藉余言以傳而
黃子之四請不倦或共雅
音之勸聊復為之說曰
顧黃子老而益壯選事

嶺南五朝詩選

序

五

日多則窮山絕谷之謳吟
皆得傳於萬古不致與
木冰霜而於世豈不足
成一書之而藏之名山傳

之其人哉昔揚子雲謂後

世復有揚子雲者必有

知我者吾知子百世下倘復

有黃子俊升其人則必有

嶺南五朝詩選

序秦

六

以知黃子俊升矣是書之

本為推璧也寧有既耶

文林郎知番禺縣事

加一級年家弟晉陽

秦桂頓首拜撰



嶺南五朝詩選

序秦

七

序

余昔與諸子賦詩於岳陽樓獲訂交歐陽子偉人於今十有餘歲矣今

嶺南五朝詩選

序

春來粵日過歐陽子得其全詩而讀之偶於案頭見序稿未就因問之歐陽子曰吾友黃子俊

升吾粵高士也今選粵詩由唐宋元明以迄

今代凡有風雅曾已梓而

板災兵燹者與未梓而

嶺南五朝詩選

序

二

藁束寒齋者咸加意蒐羅識爲一帙壽之棗梨名曰嶺南五朝詩選吾嘉其雅懷樂爲之序子

亦能弁一言以藉光可
乎余曰子之友卽余之
友而况黃子之才之義
而顧靳茲一言哉但余

放廢烏足爲世重烏足
爲黃子重又烏足爲黃
子所選之詩重然余雖
未荆識黃子聞而敬之

慕之者以黃子於余實
有同心也余白下諸子
亦多能詩其間近體古
體之不同顯隱出處之

各異洵彬彬乎大雅之
音然有力能梓者十僅
三四焉不能梓者十嘗
六七焉余久欲彙而選

之以公諸海內乃積思
二十年而力竟不逮因
歎天下事成與不成詩
之傳與不傳者亦自有


時與數於其間也今黃
子能愜然於全粵已未
梓之詩而彙成全集以
十載之校讎成五朝之

風雅其好義彰善爲何
如與粵固海邦鄒魯詞
章炳炳代多異人自今
有黃子則珊瑚盡歸鐵

網滄海盡聚明珠矣是
粵之人士幸而吳之人
士猶有待而未遇於余
也

古吳年家眷弟王

士楨拜題



嶺南五朝詩選

序王

七

序

粵有詩始自唐張曲江然
史稱周武王十八年越裳
入貢陳詩觀樂以歸則粵

嶺南五朝詩選

序梁

一

有詩又當昉自周乃孔子
刪詩於十五國之風獨楚
無詩粵爲揚州之域在戰
國時屬楚楚已無詩粵安

得有詩論詩以孔子爲斷
粵之詩在周時者既不傳
則詩以曲江爲溯源矣自
是由唐宋而元明迄今凡

五朝千載遼邈有能臚列
人物爵里氏族以爲考鏡
得失之林已難其人何況
搜奇剔幽取其人之風雅

而甲之乙之以鼓吹一國
者鼓鐘天下傳之今日者
傳之異時其欲不朽夫人
之心爲不可及也哉黃君

積菴之爲五朝詩選也殆
欲不朽夫人之心也然欲
不朽今人之詩能自
傳者業已傳之矣其不朽

猶易言也欲不朽古人古
人之詩不能自傳者竟不
傳矣其不朽人之心不易
言也蓋小人以選詩爲市

利見今之達官貴人則過
爲揚詡至卑寒之士雖驚
才絕世亦必黜而沒其名
古人之名位重當時其子

孫尚賢者亦存之否則棄
而弗顧此無他其意在人
不在詩也積菴隱居不求
聞達故其選詩之心爲至

公上自車騎下逮蓬華與
夫高僧羽流名媛閨秀莫
不表而出之殆又忠厚長
者之道也積菴常謂詩以

自然爲宗以平澹爲旨貴
雅而黜浮故是選率類此
初予與積菴結識修琴社
於苛林也積菴時裘馬少

年耳抽絃劇棋擊劍飲酒
俠事韻事欲以一人之身
任之已而避地江鄉閉門
讀書著古今嘉言善行錄

爲一集已而選唐人詩復
有茲選予於是嘆積菴老
而好學不徒用心使人不
朽已也抑積菴常刻見堂

詩行世其將以不朽夫已
者因推以不朽夫人也歟
然則讀是選者雖粵詩不
盡乎此卽謂無不盡乎此

可也

同里梁佩蘭誤



嶺南五朝詩選

序

梁

八

叙



五嶺之南山川盤鬱別為
結構廣邈其都會也西
江發源滇桂道輻柯數千

嶺南五朝詩選

序

陳

一

里占東北二江匯而南入於
海於地理家為南龍之外
支石与中土山川同其流峙
如其人大抵尚間逸而薄

聲利每於天下所羣趨者

必居人後而其所自守者

亦往之執而不移地氣使

然也詩所以自寫其性情而

嶺南五朝詩選

序

陳

二

無與于得喪榮瘁之數

者也故不以時代而升降吾

粵作者自張曲江而下源流

相接代有其人矩矱不遠

余童年侍先大夫讀書於

雲淙公寫葉山房觀所積

粵中前輩詩集自唐以

下凡千有餘家大半為

嶺南五朝詩選

序

陳

三

抄本丁亥之後與刻本俱

燼矣繼以庚寅之屠城濱

海之遷撤故家文獻零落

殆盡而平生友好讀書博

古之士五十年來者死若
六者十而八九益無餘聚
其離散致其同異使不至
終於湮沒每用歎息積菴

嶺南五朝詩選

序

四

黃君獨奮壯以為己任萃
其所得古今詩為五朝嶺
南詩刻其選於世所共看
者則嚴之於幽隱僻遠則

寬之所以存其人于千載
用意良厚粵之為郡十
而地綿二千里積菴不能
家至戶索唯隨得隨選隨

嶺南五朝詩選

序

五

刻者心之士將必出其所藏
与之共訂以成大觀向所
見前輩千餘家庶幾因
此而獲究乎積菴年近七十


喜其能不以編輯為勞而
用心於遠且厚如此故亟
為序之

羅浮陳志尹序

嶺南五朝詩選

序

六



聖

序	詩	繼	人	言	備	宮	天
始	始	鼎	之	坐	歷	風	子
唐	唐	商	離	大	宋	雅	右
虞	虞	周	騷	唐	元	日	文
之	之	之	漢	而	明	盛	尚
賡	賡	雅	人	各	以	矣	詩
歌	歌	頌	之	體	迄	今	雖
而	而	楚	五	兼	今		未

嶺南五朝詩選

序

不	飲	於	風	鉅	粵	不	以
與	於	干	流	卿	朱	興	此
天	蠹	戈	狀	辭	逢	起	課
下	腹	而	已	章	與	而	士
共	日	未	梓	炳	今	工	而
見	遠	梓	若	耀	之	詩	天
誠	年	若	半	文	名	焉	下
可	深	徒	羅	采	公	吾	莫

嶺南五朝詩選

序

歐陽

二

為	羅	璧	選	士	坐	於	慨
專	全	大	歷	林	各	而	也
書	粵	行	代	雕	體	好	吾
十	五	於	嘉	重	兩	學	多
載	朝	卅	言	復	壽	其	黃
校	風	喆	唐	梓	棗	百	子
讐	雅	復	詩	其	梨	著	俊
不	誌	菓	合	手	為	見	升

嶺南五朝詩選

序

歐陽

三

辭	寒	暑	卷	凡	十	六	得
詩	三	千	各	奇	如	逸	公
明	珠	全	歸	合	浦	從	此
而	炎	爭	日	月	聲	振	營
絃	功	業	百	當	然	傳	不
朽	矣	後	有	采	風	君	子
又	奚	不	於	諸	集	而	是
賴	哉						

嶺南五朝詩選 序 歐陽


四

同	里	弟	歐	陽	集
偉	人	氏	誤		

嶺南五朝詩選 序 歐陽

五

序



吾粵風雅自曲江先生

而後人懷荆玉家為隋

珠即黨塾少年以玉竹

嶺南五朝詩選

序郭

一

院蓬舟征人淋如莫不音

流肺腑思入風雲足稱

盛矣然高者之士性每

敦龐行吟至老不求聞

遠近至身後殘編斷簡

百不存一謬諸中括世無

歐陽即才美子瞻山谷輩

不不知希之感故摘軒強

嶺南五朝詩選

序郭

二

傳采風之標而銜玉終惶

求佳之善欲窺全豹強

夏之年難矣者今奔去應

三事如火燎原不可緬途同

里三子間為之倡而志之

士栖神澹泊終不易心豈

非中有所主而一切浮華

視之若浼然嗟乎球璧

嶺南五朝詩選

序

三

琬琰粲然注目瑤珠水羽

翠陸離繽紛乃意韜藏

山巔水涯間不與天下共

見諒亦吾心者所同慨也

吾友黃積菴先生寢食

風騷老而彌篤薦紳先生

敬之慕之吟而喜慨然

發刻嶺南五朝詩選拾

嶺南五朝詩選

序

四

明珠乎滄海采美玉於崑

山書使吾粵士者之傳聞

存者逸者棧然共著於

今日先生之功誠鉅矣予

近見選家假風雅為利
數冒浮名為口實是舛
誤既舍游移流連至此何
可終窮而先生獨解清

東坡五朝詩選

序郭

五

東坡閣揚古今非若以文章

為性命者孰能如是選事

將竣問序於予予自顧不

出蓬蒿名不聞貴顯先生

月有所取而之致言
焉辭不獲已師綴數言
於篇末而枯木寒巖觸之
成聲耳烏足言哉

東坡五朝詩選

序郭

六

西樵同學弟郭詒

南耕氏好誤



序

士君子無讀書論世
之識雖汗牛充棟炫
博矜奇未有能上下

嶺南五朝詩選

序

古今而出己見以爲
論定者也吾友黃子
俊升杜門著述酣吟
之暇旁輯百粵諸詩

繇唐宋元明以迄

當代命曰嶺南五朝詩

選譬之聚百川於龍
門而使觀水者有莫

嶺南五朝詩選

序

二

盡汪洋之歎攬萬卉
於華嶽而令尋芳者
有莫窮叢鬱之思蓋
誠可與讀書論世者

歟今海內詩名之士
辭論意旨各自爲家
文采風流互徇標榜
黃子獨於爭長妒技
之日公善好義毅然
以闡揚風雅爲己任
且當斷簡殘篇風遙
人遠求什一於千百

之中紀姓名於湮沒
之後顯藏今古靡不
遐稽選美玉於崑山
因重連城之價拾遺
珠於滄海愈識照乘
之奇其已傳者至此
日而益彰其未傳者
待此日而始著此則

黃子之挾持者大而
意量甚高遠也彙選
既成自此漢魏三唐
之作不得專美於前

嶺南五朝詩選

序李

五

十五國之風謠知吾
粵爲最盛其所藉以
備輜軒登

清廟播當時而傳後世

者不但咸頌黃子之
力於不衰且將以觀
諸邦之校讎相繼而
起則近代元音可拭

嶺南五朝詩選

序李

六

目而見之天下也是
爲序

昔

康熙歲次癸酉重陽

同里弟李長華

東園氏拜謨



嶺南五朝詩選

序李

七

嶺南五朝詩選

凡例

一名宦風雅從志中訂者多是省郡名勝之作從原集訂者則各體並錄不區區於嶺吟也

一敘宦途品秩自須次第詳明然在任同時斷無紊亂之患倘後先遙遠則隨詩郵至編列不能尊卑取次也

一宗門風雅俱從先後次第編之若名分不及考也

嶺南五朝詩選

凡例 名宦

一

一仙道唐只司馬退之宋只胡衍俱各附名宦之末不另分卷

見堂黃登識男

學華
學錦
學元

編錄

嶺南五朝詩選卷一 目錄

唐名宦

杜審言 二首

沈佺期 一首

宋之問 六首

張說 四首

賈至 一首

劉禹錫 一首

柳宗元 四首

嶺南五朝詩選 卷一 目錄

韓愈 三首

李德裕 三首

許渾 九首

李羣王 三首

胡曾 一首

皮日休 一首

曹松 三首

司馬退之 一首

嶺南五朝詩選卷一

番禺黃 登俊升氏訂定

唐名宦杜審言

字必簡襄陽人擢進士神龍初坐交通張易之流峯州廣東通志云常寓南海遊白雲至亂石山賦詩往來交廣久之入爲修文館直學士與李嶠崔融蘇味道爲文學四友集十卷

石門

石門千仞斷迸水落遙空道東懸巖外橋欹絕澗中仰攀人屢息直下騎隨通泥擁奔馳徑雲霾伏獸叢

嶺南五朝詩選 卷一 唐名宦 杜審言 沈佺期 一

星躔牛斗北地脈象牙東開塞隨行變高深觸望同江聲連驟雨日氣抱殘虹未改朱明律先含白露風幽貞深不憚險澁諒難窮有異登臨賞徒爲造化功

沈佺期

紀事云字雲卿相州內黃人上元二年登進士第累遷給事中考功郎會張易之敗流羅州中宗立復詔入拜修文館學士集十卷

遊峽山

覽遍名山境無如此峽山兩峯支碧漢一水抱清灣松老龍猶在波澄勢自還烟波籠佛座風月伴僧閑

騷客吟無盡良工畫想艱奇哉全福地千古鎮人寰

宋之問

紀事云字延清弘農人弱冠知名武后召與楊炯分直習藝館集十卷

發端州初入西江

問我將何去清晨泝越溪翠潮懸宿雨丹壑飲晴霓
樹影梢雲密藤陰覆水低潮迴出浦駛洲轉望鄉迷
人意長懷北江行日向西破顏看鵲喜拭淚聽猿啼
骨肉初分愛親朋忽解攜路遙竟欲斷身辱理難齊
疇日三山意于茲萬緒睽金陵有仙館卽事尋丹梯

嶺南五朝詩選

卷一

唐名宦宋之問

二

越王臺

江上越王臺登高望幾回南溟天外合北戶日邊開
地溼烟全起山晴雨半來冬花掃蘆橘夏果摘楊梅
蹟類虞翻櫓人非賈誼才歸心不可見白髮重相催

至端州見杜五審言沈三佺期間五朝隱王

二無競題壁慨然有懷

逐臣此地承嚴譴謂到南中每相見豈意南中岐路
多千山萬水分鄉縣雲搖雨散各翻飛海濶天長音
信稀處處山川同瘴癘自憐能得幾人歸

廣慶寺

香岫懸金利飛泉屈石門空山唯習靜中夜寂無喧
說法初聞鳥看心欲定猿寥寥隔塵事何異武陵源

端州別袁侍郎

合浦塗未極端州行暫臨淚來空溼臉愁至不知心
客醉山月靜猿啼江樹深明朝共分手之子愛千金

過蠻洞

越嶺千重合蠻溪十里斜竹迷樵子逕萍匝釣人家
雲暗交楓葉門香覆橘花誰憐在荒外孤賞是雲霞

嶺南五朝詩選

卷一

唐名宦張說

三

張說

字道潛雒陽人永昌中對策第一任鳳閣舍人後魏元忠爲張易之所謂誣說爲助后怒流說欽州說在嶺外帝賦詩以見志中宗立乃召還累官中書令封燕國公

度大庾嶺

東漢興唐曆南河復禹謀寧知瘴癘地生人帝王州
雷雨蘇蟲蟄春陽放鵲鳩泗沿炎河畔登降粵山陬
嶺路分中夏州源得上流見花便獨笑看草卽忘憂
自始居重譯天星已再周鄉關絕歸望親戚不相求
棄杖枯還植窮鱗涸更浮道消黃鶴去運啟白駒留

江安晨吹黍津童夜擢舟盛明良可遇應返洛陽遊

遊峽山

流落經荒外逍遙此梵宮雲峰吐日月石壁滄烟虹
寶塔靈山湧懸龕造化功天香涵竹氣虛壩引松風
簷牖飛花入房廊激水通猿唱知山靜魚躍辨江空
靜默將何有所貴心境同

嶺南送使還京

秋鴈逢春返流人何日歸將予去國淚灑子入鄉衣
饑狄啼相聚愁猿喘更飛南中不可問書此示京畿

嶺南五朝詩選

卷一

唐名宦
賈至

四

高州別高六

異壤同羈窺途中喜共過愁來時舉酒勞罷或長歌
南海風濤壯西江瘴癘多於焉復判手此別傷如何

賈至

字幼鄰洛陽人玄宗拜起居舍人與父會
兩朝掌制詔歷中書舍人至德中坐小法
貶岳州司馬賈至初部復原官卒
贈禮部尚書諡曰定集二十卷

送協律之端州

越井人南去湘川水北流江邊數杯酒海外一孤舟
嶺嶠同遷客京華即舊遊春心將別恨萬里共悠悠

劉禹錫

字夢得中山人貞元進士監察御史尋貶
播州後徙連州官終禮部尚書集四十卷

羅浮山夜半見日

海黑天半曉星辰來逼人言羅浮上容易見九垓
漸高元氣壯涵湧來翼身陰陽迭用事乃俾夜作晨
呶啞天雞鳴扶桑色昕昕赤波千萬里湧出黃金輪

柳宗元

字子厚河東人貞元九年舉博學宏詞科
進士授校書郎累遷監察御史權禮部員
外郎王叔文得政引入內禁與計事叔文
敗坐貶永州司戶復徙柳州刺史卒于官

嶺南五朝詩選

卷一

唐名宦
劉禹錫柳宗元

五

登城樓寄封州刺史

城上高樓接大荒海天愁緒正茫茫驚風亂颭芙蓉
水密雨斜侵薜荔墻嶺樹重遮千里目江流曲似九
迴腸共來百粵文身地猶自音書滯一方

韓愈

字退之南陽人擢進士第爲刑部侍郎諫
迎佛骨貶潮州開衡山之雲化鯉魚之暴
轉刑部侍郎史讚文起八代之衰天下仰
之如泰山北斗官終吏部侍郎卒年五十
七贈禮部尚書諡曰文理宗
立加贈昌黎伯從祀孔子廟

左遷至藍關示姪孫湘

一封朝奏九重天夕貶潮州路八千欲爲聖明除弊
事肯將衰朽惜殘年雲橫秦嶺家何在雪擁藍關馬
不前知汝遠來應有意好收吾骨瘴江邊

答張十一功曹

山靜江空水見沙哀猿啼處兩三家篋簪競長纖纖
笋踴躍閒開艷艷花未報恩波知死所莫令炎瘴送
生涯吟君詩罷看雙鬢斗覺霜毛一半加

皇岡山

明時遠逐事何如遇赦移官罪未除北望詎令隨塞

嶺南五朝詩選

卷一 唐名宦 李德裕 六

鴈南遷纔免葬江魚將經貴郡煩留客先惠高文謝
起予暫欲繫舟韶石下上賓虞舜整冠裾

宣溪

韶州南去接宣溪雲水蒼茫日向西客淚數行元自
落鷓鴣休傍耳邊啼

李德裕

字文饒贊皇人蔭補校書郎晉御史中丞
大中元年黨人李咸斥其陰事貶潮州司
馬徙崖州司戶參軍尋召復門下侍郎同
平章事卒封衛國公贈尚書左僕射有會
昌一品集二十
卷姑蘇集五卷

嶺南道中

嶺水中分路轉迷枕椰烟樹暗蠻溪愁衝毒霧逢蛇
草畏落沙蟲避燕泥五月畚田收火米三更津吏報
朝雞不堪腸斷思鄉處紅槿花中越鳥啼

水南村

珠厓風景水南村山下人家林下門鸚鵡巢時枿結
子鷓鴣啼處竹生孫魚鹽家給無墟市禾黍年登有
酒尊遠客杖藜來住熟却疑身世在桃源

望闕亭

嶺南五朝詩選

卷一 唐名宦 李德裕許渾 七

獨上江亭望帝京鳥飛猶是半年程青山也恐人歸
去百匝千遭繞郡城

許渾

字仲勝睦州人太和六年進士任太平縣
令降監察御史常祇命南海在廣州多所
題咏有丁卯集二卷

越王臺

月流高岫宿雲開萬里歸心獨上來河畔雪飛楊子
宅海邊花發越王臺瀧分桂嶺魚難過瘴近衡陽鴈
却回鄉信漸稀人漸老只應頻向北枝梅

新興道中

芙蓉官渡失官金折獄無功不可尋
初挂海帆逢歲暮却開山館值春深
波渾未辨魚龍迹霧暗寧知蚌
鵲心夜傍歸舟望漁火一溪風雨雨巖陰

韶州驛樓宴罷

檐外千帆背夕陽歸心杳杳髮蒼蒼
嶺猿羣宿夜山靜沙鳥獨飛秋水涼
露墮桂花棋局溼風吹荷葉酒瓶香
主人不醉下樓去月在南軒漏更長

送黃隱君

嶺南五朝詩選

卷一

唐名宦
許渾

八

瘴霧南邊久寄家海中來往信流槎
木藏鸕鷀多殘筍樹過腥腥少落花
深洞有雲龍蛻骨半巖無草象生牙
知君愛宿層峯頂坐到三更見日華

朝臺送客有懷

趙佗西拜已登壇馬援南征土宇寬
越國舊無唐印綬蠻鄉今有漢衣冠
江雲帶日秋偏熱海雨隨風夏亦寒
嶺北歸人莫回首蓼花楓葉萬重灘

祇命南海至廬陵逢表兄軍倅奉使淮海別

後却寄是詩

盧橘花香拂釣磯美人猶舞越羅衣
三州水淺魚行少五嶺山高鴈到稀
客路晚依紅樹宿鄉關晴望白雲飛
交親不念征南吏昨夜風帆去似飛

送嶺南廬判官罷職歸華陰山居

曾事劉琨鴈塞空十年書劍似一作任飄蓬
東堂舊有移山志南國新畱煮海功
還挂一帆青海上更開三徑碧蓮中
關西舊友如相問已許滄波伴釣翁

南海府罷南康阻淺行侶稍稍登陸主人讌

餞至頻暮宿東溪

嶺南五朝詩選

卷一

唐名宦
許渾

九

晴灘木落漲虛沙灘去秦吳萬里賒
馬上折殘江北柳舟中開盡嶺南花
離歌不斷如畱客歸夢初驚似到家
山鳥一聲人未起半床春月在天涯

韶州韶陽樓夜讌

待月西樓捲翠羅玉杯瑤瑟近星河
簾前碧樹窮秋密牕外青山薄暮多
鸚鵡未知狂客醉鷓鴣先讓美人歌
使君莫惜通宵飲刀筆初從馬伏波

李羣玉

字文山澧州人大中開元間上表語頗訐
直宰相崔胤集其詩三百篇聲譽大著會

休入相首薦之詔以處士授弘文館校書郎後東歸寄遊嶺外訪五仙遺跡集十卷

將遊羅浮登楞伽臺訪羽客

清遠登寺臺晃朗縱覽歷濯泉喚仙風於此薄靈魄
冷光邀遠日百里見海色送雲歸蓬壺望客滅秋碧
波瀾收日氣天月回澄寂百越入掌中十洲點空白
身居蜚鳥去口誦玄元籍飄如出塵龍相望吹簫客
冥冥人間世歌嘯不足惜竭去羅浮頂披雲煉瓊液
謝公雲岑興可以躡高跡吾將抱瑤琴絕境從所適

送隱者歸羅浮

嶺南五朝詩選

卷一

唐名宦
李肇玉胡會

十

春山杳杳日遲遲路入雲峯白犬隨兩卷素書雷貫
漉一柯樵斧坐看棋蓬萊道士飛霞札清遠仙人寄
好詩自此塵寰音信斷山川風月永相思

越王臺

一逕松株踏石梯步窮身在白雲西日銜赤浪金車
沒天拂蒼浪玉宇低高鳥散飛驚曉旆長風萬里捲
秋聲玉鉤挂海笙歌合朱履三千半似泥

胡曾

字秋田邵陽人咸通中登進士及第嘗爲
漢南節度從事有詠史詩安定集行世

遊峽山

乘舡浮鷁下貞水絕境方知在嶺南蘿薜雨餘山似
黛兼葭烟盡島如藍旦遊蕭帝新松寺夜宿嫦娥舊
桂潭不爲篋中書未報便來此地結茅菴

皮日休

字逸少隱鹿門山自號醉吟先生咸通八
年登進士第爲毘陵副使有晉臺文藪諸
集行世

題羅浮軒轅先生居

亂峯四百三十二欲問徵君何處尋紅翠數聲瑤室

嶺南五朝詩選

卷一

唐名宦
皮日休曹松

士

釋真檀一炷石樓深山都遺負沽來酒樵客客看化
後金從此謁師知不遠求官先有葛洪心

曹松

字夢徵衡陽人嘗南遊廣州山水勝處必
雷連竟口後北還昭宗天復初舉進士與
王希羽劉象柯榮鄭希彥同榜皆年
七十餘時號五老榜各授校書郎

西樵山

百花成實未曾歸未必歸心與事違但把壺觴資逸
詠盡教風景入清機半川殘霧籠寒樹一道晴霓雜
落暉遊子馬前芳草合鷓鴣啼歇又南飛

越王臺

憶歸休上越王臺歸思臨高不易裁爲客正當無鴈處故園誰道有書來城頭早角吹霜盡海裏殘潮蕩月回心似百花開未得年年爭向被春催

書羅浮逸人壁

海上亭臺山下烟買時幽邃不爭錢莫言白日催華髮自有丹砂駐少年漁釣未歸深竹裏琴尊猶戀落花邊可能更踐無人境知是羅浮第幾天

司馬退之

嶺南五朝詩選

卷一

唐名宦

士

字河內人博覽工詩若長安爲道士玄宗命往羅浮採藥住冲虛觀嘗賦洗心詩爲人傳誦久之得藥乃還京師

人羅浮

不踐名利途始覺塵土腥不味稻粱食始覺神骨清羅浮奔走外日月無短明山瘦松亦勁鶴老飛更輕逍遙此中客翠髮皆長生草木多古色鷄犬無新聲君行出俗心不貪英雄名傲然脫冠帶改換人間情去矣丹霄路向曉雲冥冥

嶺南五朝詩選卷二

目錄

宋名宦

寇準 一首

陳堯佐 二首

包拯 一首

秦觀 四首

王安石 六首

蘇軾 十一首

孔平仲 七首

嶺南五朝詩選

卷二

目錄

唐庚 八首

李綱 二首

黃公度 七首

陳與義 二首

胡銓 三首

朱熹 六首

楊萬里 四首

雷正 一首

林光朝 一首

文天祥

鄭玠

戴復古

胡衍

嶺南五朝詩選

卷二

嶺南五朝詩選卷二

番出黃登俊升氏訂定

宋名宦寇準

字平仲華州人登進士真宗時拜相澶淵之役在任時為主戰若所請罷知陝州後再入相為丁謂所阻貶相州再貶道州司馬真宗崩謂復誣準朋黨再貶雷州司戶參軍卒歸葬西京道出荆南人皆設祭於路世傳植地植紙錢焚之踰月枯竹盡生贈中書令追諡文忠公謚忠愍

曹氏園亭

野靜長原迥亭開夕吹清登臨時一望海樹與雲平

嶺南五朝詩選

卷二

一

陳堯佐

字希元開中人咸平初以潮州通判權知惠州治以誠信事從省約吏民化服嘗手植荔枝於治東人不忍傷比之甘棠焉

遊西湖

惠州有西湖

附郭水連山公餘獨往還疎烟漁艇遠斜日寺樓閒

繫馬芭蕉外移舟菡萏間天涯逢此景誰信自開顏

韓山

侍郎亭下草離離春色相逢萬事非今日江山當日

景多情直擬問斜暉

包拯

字希仁廬州合肥人天聖五年進士除
事調天長令有異政權端州蒞事明察不
遺隱伏人稱神明端產視前守緣供貢卒
取數十倍以事權責拯命制者止足貢數
歲滿不持一視歸拜都
御史謚孝肅人名宦第

題端州郡齋

清心爲治本直道是身謀修幹終成棟精剛不作鈎
念充燕雀喜草盡狐兔愁往牒有遺訓無貽來者羞

秦觀

字少游揚州高郵人登進士第除秘書正
字兼國史院編修紹聖初坐黨籍出判杭

嶺南五朝詩選卷二

宋名宦
包拯秦觀

二

州徙雷州呂居仁云少游過嶺後詩愈嚴
重高古自成一家當時金稱秦晃晃以氣
勝則顯衍而新端泰以韻勝則追珠而淳
私其體格在伯仲間云著有淮海集行世

海康書事

白髮坐鉤黨南遷海瀕州灌園以餬口身自雜蒼頭
籬落秋暑中碧花蔓牽牛誰知把鋤人舊日東陵侯

雷陽書事

一笛一腰鼓鳴聲甚悲涼借問此何爲居人朝送殤
出郭披蒼莽磨刀向猪羊何須作佳事鬼去百無殃

答曾存之

環堵蕭然汝水隈孤懷炯炯向誰開青春不覺書邊
過白髮無端鏡上來祭竈請鄰聊復爾賣刀買犢豈
難哉故人休說封侯事歸釣江天有舊臺

次和裴仲漢先輩

汝南古郡寡參尋兀兀長如鶴在陰支枕星河橫醉
後人簾風絮報春深青山未落詩人手白髮誰知國
士心多謝名郎傳綠綺愧無佳句比南金

王安石

字介甫一字荊公臨川人擢進士第爲相
行青苗助役保甲保馬新法神宗日爲今

嶺南五朝詩選卷二

宋名宦
秦觀王安石

三

之古人宋室傾
危自安石始焉

送潮州呂使君

韓君揭陽居戚嗟與死鄰呂使揭陽去笑談面生春
當復進趙子詩書相討論不必移鱸魚詭怪以疑民
有若大顛者高才能動人亦勿與爲禮聽之汨彛倫
同朝叙朋友異姓接婚姻恩義乃獨厚懷哉予所陳

欲歸

水漾青天暖沙吹白日陰塞垣春錯莫行路老侵尋
綠稍還幽草紅應動故林留連一杯酒滿眼欲歸心

壬辰寒食

客思似楊柳春風千萬條更傾寒食淚欲漲冶城潮
巾髮雪爭出鏡顏朱早雕未知軒冕樂但欲老漁樵
奉寄子思以代別

南北蹉跎成兩翁悲歡邂逅笑言同全家欲出嶺雲
外匹馬肯尋山雨中趨府折腰嗟踽踽聽泉分手惜
匆匆寄聲但有加食飯才業如君豈久窮

示長安君

少年離別意非輕老去相逢亦愴情草草杯盤供笑

嶺南五朝詩選

卷二

宋名宦
王安石

四

語昏昏燈火話平生自憐湖海三年隔又作塵沙萬

里行欲問後期何日是寄書應見鴈南征

潮陽道中

火輪升處路初分雷鼓翻潮脚底聞萬竈晨烟熬白
雪一川秋穗割黃雲嶺茅已遠無深瘴溪鱸方逃畏
舊文此若有田能借客康成終欲老耕耘

蘇軾

字子瞻眉山人嘉祐二年進士第爲學士
夜直禁中上賜金蓮賜歸院紹聖初御史
論軾所作制命以爲譏斥先朝貶官惠州
徽宗立移廉州改封州團練副使徙永州

更三大教還提舉玉局觀復朝奉郎
建中靖國元年卒於常州年六十六

戲贈鄧守安道士

一杯羅浮春遠餉采薇客遙知獨酌罷醉卧松下石
幽人不可見清嘯聞月夕聊戲山中人飛空本無跡

寄何道者

溪泉解娛客琴筑鳴空山佳人劍公孫遊戲暫人間
忽憶笑雲侶賦詩留玉環林深不可見霧雨靈鬢鬟

梅花村

羅浮山下梅花村玉雪爲骨冰爲魂紛紛初疑月桂

嶺南五朝詩選

卷二

宋名宦
蘇軾

五

樹耿耿獨與參橫昏先生索居江海上悄如病鶴棲
荒園天香玉斂肯相顧知我酒熟詩清溫蓬萊宮中
花鳥使綠衣倒挂扶桑瞰抱松窺我方坐卧故遣啄
木先敲門麻姑過君急洒掃鳥能歌舞花能言酒醒
人散山寂寂惟有落蕊粘空尊

春日與黃燾僧曇穎過問何道士宗一疾

安心守玄牝閉眼覓黃庭問疾來三士澆愁有半瓶
風松時落葉病鶴不梳翎樽空我歸去山月照君醒

北寺

唐初傳有此亂後不畱碑畏虎關門早無村得米近
山泉自入甕野桂不勝炊信美那能久應先學忍飢

新年

曉雨晴人日春愁連上元水生挑葉渚烟濕落梅村
小市人歸盡孤舟鶴踏翻猶堪慰寂寞漁火亂黃昏

宋叔達家聽琵琶

數絃已品龍香撥半面猶遮鳳尾槽新曲翻從玉蓮
瑣舊聲終愛鬱輪袍夢回只記歸舟字賦罷雙垂紫
錦絛何異烏孫送公主碧天無際鴈行高

嶺南五朝詩選

卷二

宋名宦
蘇軾

六

連雨江漲

越井岡頭雲出山牂柯江上水如天牀牀避漏幽人
屋浦浦移家蛋子船龍卷魚蝦并雨落人隨雞犬上
墻眠祇應樓下平塘水長記先生過嶺年

庚辰歲人日作

老去仍棲隔海村夢中時見作詩孫天涯已慣逢人
日歸路尤欣過鬼門三策已應思賈讓孤忠終未赦
虞翻典衣剝買河源米屈指新荔作上元

寄蘇伯固

并序

昔在九江與蘇伯固唱和其畧曰我夢扁
舟遊震澤雪浪橫空千里頃刻自覺來滿眼是
廬山倚天無數閣青壁蓋實夢也昨又夢
伯固手執乳香嬰兒示余覺而思之是南
華賜物也豈復與伯固相見於此耶今得
來書知伯固已在南華相待數日矣感歎
不已故先
寄此詩

仙舟震澤定何時滿眼廬山覺又非春草池塘惠連
夢上林鴻鴈子卿歸水香知是曹溪口眼淨同看古
佛衣不向南華結香火此生何處是真依

蒲澗

不用山僧導我前獨尋雲路出山泉千章古木臨無
嶺南五朝詩選卷二蘇軾孔平仲七

地百尺飛濤瀉漏天昔日菖蒲居士宅後來薺荀祖

師禪而今只有花含笑笑道秦王欲學仙

孔平仲

字毅父臨江新喻人武仲弟至聖四十八
代孫登進士第由秘書出爲江東轉運判
官紹聖中以元祐黨人屢謫部惠英三
州長於史學著有平仲清江集行世

乞巧

衆人喜乞巧我以巧爲憂言巧多欺佞行巧多邪柔
學巧競穿穴文巧多彫鏤巧不令如此宜吾之耻求
我欲守拙性浩然鎮輕浮盡窳衆巧門化與孔與周

此志尚未遂感激在初秋南顧問牛女汝實能巧否

使紙甚費

家貧何所費使紙如使水親交或見遺自買不知幾
置之几案間數軸俄空矣作字本不工學書非不喜
不知何故盡疑若有神鬼若云隨置郵性復懶展啟
間或強爲之皆出不得已橫斜若幅脚齟齬如鴈齒
數易謹能成紛紛多費委敘致失輕重慎畏防觸抵
往往已緘封時時又刪洗遂令巾衍竭大半或緣此
昔無褚先生云自蔡倫始假令行竹簡禿野未供使

嶺南五朝詩選

卷二

宋名宦
孔平仲

八

人生有智慧不若愚且鄙古來取卿相未必皆經史
誰教識點畫空耗五斗米拙嗟爲此詩又是一張紙

落花

嶺南冬深花照灼比至春初花已落乘閒攜酒到西
園鳥散蜂歸春寂寞江南此際春何如紅杏海棠開
正多歸期不及春風日猶見池塘着綠荷

寄題蕭文照閣

虛明敞高閣清淺對方塘軒冕忘懷久江湖萬興長
紅藥開細雨白鳥下殘陽不往人間事逍遙自一鄉

冬曉

城上猶吹角官廳已罷更粗疎知我性懶惰亦人情
八被嚴霜冷橫牕半月明翻身更甘寢雞鳴第三聲

晝睡望夢

百忙之際一身閒更有高眠可詫君春入四支濃似
酒風吹孤夢亂如雲諸生弦誦何妨靜滿席圖書不
廢勤向晚欠伸徐出戶落花簾外自紛紛

和朱君况卜居

吾身常老此園中世路崎嶇幾萬重且飽稻粱隨鴈

嶺南五朝詩選

卷二

宋名宦
孔平仲

九

鷺盡將雲雨付蛟龍求閒有志終須得招隱何人肯
見從可愛莆田朱處士比鄰先種七株松

唐庚

字子西眉州丹陵人善屬文紹聖中舉進士爲博士張商英薦提舉常平商英罷相庚坐貶安置惠州日遊羅浮諸勝以觴詠自娛會赦復官歸蜀道病卒著有惠遊草

世行

泊頭望羅浮

何處不堪老浮山傾蓋親湖田無惡歲酒國有長春
草木疑靈藥漁樵或異人近前端有約丞相不須噴

越王臺

崎嶇走上方浩蕩耿秋光臺上經慘女江天入夜郎
華彝憑檻遠興廢引杯長泉脈來何處中含定慧香

扶胥海

建國今塵跡遊人昔賦詩廢臺樛木後遺井鮑姑時
客去通星漢僧來度月支憑君黃木口爲問海神碑

秋夕書懷

疊疊歲華侵垂垂老境臨時光自風雨寒色到衣衾
萬竅號秋杪孤燈照夜深蛩聲亦清苦唧唧伴人吟

嶺南五朝詩選

卷二

宋名宦
唐庚

十

九日獨酌

登高無老伴引滿自高歌歡意天邊少重陽野外多
黃花空歲月白首尚關河他日龍山興吾今在網羅

晚春寄友人

眼底春愁惱殺儂楊州往事總成空風流只合稱狂
客衰颯何堪作病翁水國春深梅子雨江天日暮鯉
魚風何時執手同尊酒收拾清歡笑語中

書新堂

蔓茅重葦一堂新設榻聊安簿領身落枕不知鶯樹

曉汚書長苦燕泥春嶽官何預青苗事野意新便白
葛巾能向此間時得趣何須分外拜車塵

舍弟已到有作

武陵倉卒記他時我獨南翔子北飛覲過幾多歸後
事相看仍是別時衣匪躬老矣惟心在便腹依然但
髮稀尚有苦吟三十載與君同飽蜀山薇

李綱

字伯紀邵武人政和二年進士累官大常
少卿晉尚書右僕射後爲張俊劾買馬招
軍之罪詔罷之許翰言綱忠義太學生陳
東言綱不可去潛善伯彥不可任上怒殺

嶺南五朝詩選

卷二

宋名宦
唐庚

十一

東罷翰落網職居鄂州復徙萬安行至
德豐抱病自號梁溪病叟多所題詠

香山豁然亭

渺渺烟波疊疊山玉簪羅帶白迴環雨餘嵐翠濃如
滴地轉江流巧作灣蟠磴迴臨飛鳥道片心聊與白
雲閒橋南有此佳山水畫出賢侯几案間

天寧寺閣提花

冰雪風姿照座寒炎方相遇且相寬紵衣縞帶平生
事正念幽人尚素冠

黃公度

字師憲，莆田人。紹興八年進士。第一人。通
川學。慶府。縣南恩。守治事之餘。以讀書作
文爲樂。所著有漢書第
誤及知錄集等書行世。

包公堂

華堂傳繪事，昭代得儀型。迹與蒔苔古，名爭蘭茝馨。
清風無遠近，喬木未凋零。今日斲泥手，依然瘦鶴形。

披雲樓

飛樓跨危堞，雲霧曉披披。形勝供臨眺，公餘來燕宜。
江橫睥睨闊，山入綺疏奇。風月本無價，君侯況有詩。

送鄭察推叔友罷官之潮陽

嶺南五朝詩選

卷二

宋名宦
黃公度

主

官達身何補，才名陸未沈。不妨吾道在，休較吏文深。
城郭春將暮，風雲晚更陰。相看炎海闊，竟斷欲分襟。

又

春草故人去，落花離渚多。芙蓉少顏色，薏苡盡風波。
塵土非長策，功名一醉歌。周南暫畱滯，莫改歲寒柯。

贈泉守趙表之

扁舟昔艤浙江邊，曾醉王孫玳瑁筵。竹杖芒鞋晚城
上金銀燭，夜堂前宦遊我輩只如此，聚散人間亦
復然。誰料天涯今八載，青燈相對各華顛。

春日宴共樂臺

高棟朱甍插紫清，連山帶水自行縈。閭閻高下魚鱗
比，田畝縱橫棋局平。花發鳥啼春耐事，夜闌客散月
多情。寸陰自古千金重，一笑人間萬慮輕。

恩平燈夕憶上都舊遊呈座客

千尺鰲燈面紫宸，豪華曾見夾城春。至今覓夢鈞天
奏，投老宦遊窮海濱。隨分尊疊奉佳客，記時燈火照
嚴闔。年來大覺歡情減，聊與風光作主人。

陳與義

嶺南五朝詩選

卷二

宋名宦
陳與義

主

字去非，一字簡齋。汝州龍興人。登上海甲
科。歷大學博士。南渡後避亂襄陽。轉湖南
諭。嶺南。紹興中，累官翰林學士。知制
誥。卒。年四十九。著有簡齋詩集行世。

年華

去國頻更歲，爲官不救饑。春生殘雪外，酒盡落梅時。
白日山川映，青天草木宜。年華不負客，一一入吾詩。

度嶺

年律將窮天地溫，兩州風氣此橫分。已吟子美湘南
句，更擬東坡嶺外文。隔水叢梅疑是雪，近人孤嶂欲
生雲。不愁去路三千里，少住林間看夕曛。

胡銓

字邦衡臨陵人舉進士高宗時任樞密院編修職官和議之非請斬秦檜王倫係近上怒編管新州新守張頴許鈗與客唱酬謗訕怨望再謫吉陽軍日以經書爲樂檜死量移衡州乾道中起爲資政殿學士卒謚忠簡

登陽江望海樓

君恩寬逐客萬里聽歸來未上凌烟閣聊登望海臺
川爲翠浪湧潮拓碧天開目斷雲飛處終身愧老萊

熙春亭

井邑峯巒繞郡城新臺高峙見南溟海雲浩蕩連天

嶺南五朝詩選

卷二

宋名宦

西

自江水奔流徹底青日月往來雙羽箭乾坤今古一
郵亭年年不改長春景遙想蓬山作畫屏

買愁村

北往常思聞喜縣南來怕入買愁村區區萬里天涯
路野草荒烟正斷魂

朱熹

字元晦婺源人中紹興進士第事高孝光寧四朝官至煥章閣待制致仕卒年七十
一理宗贈太師封信國公從祀孔夫子廟
公所至生徒雲聚人謂歲寒松柏斯道棟
樑者各經書垂世

夜坐有感

秋堂天氣清坐久寒露滴幽獨不自憐茲心竟誰識
讀書久已懶理郡更無術獨有憂世心寒燈共蕭瑟

南安道中

曉澗淙流急秋山寒氣深高蟬多遠韻茂樹有餘音
烟火居民少荒溪草露侵悠悠秋稼晚寥落歲寒心

奉酬圭父末利之作

玉蕊琅玕樹天香知見薰露寒清透骨風定遠香芬
爽致銷繁暑高情謝曉雲遙憐河朔飲那得醉時聞

嶺南五朝詩選

卷二

宋名宦

圭

次晦叔寄弟

聞道君歸湘水東經行長在白雲中詩成天柱峰頭
月酒醒朱陵洞裏風舊學難酬香一瓣流年誰管髮
雙蓬書來爲指諸訛處不涉言詮不落空

白鹿講書次卜丈韻

宮牆蕪沒幾經年祇有寒烟鎖澗泉結室幸容追舊
觀題名未許續遺編請爲洞主不報青雲白石聊同趣謂洞公
霽月光風更別傳謂藻侯珍重箇中無限樂諸郎
莫苦羨騰鸞

題揭陽鄭進士覽勝亭

梯雲石際羊腸遠轉壑飛泉碧玉斜一落風烟春淡
薄數聲雞犬野人家

楊萬里

字廷秀吉州吉水人紹興進士歷官太常知漳州常州提舉廣東常平茶鹽官終秘書監著有江湖剡溪西歸南海朝

已丑上元後晚望

雪裏晴偏好寒餘暖尚輕山烟春自起野燒暮方明
又是元宵過端令病骨驚遣愁聊覓句得句却愁生

嶺南五朝詩選 卷二 宋名宦 楊萬里 七

新除廣東常平之節感恩書懷

已愧雙旌古晉陵更堪一節古羊城偶逢舊治年頻
熱忽署新銜手尚生山與君恩誰是重身如秋葉不
勝輕向來百鍊今繞指一寸丹心向日明

南海東廟浴日亭

南海端爲四海魁扶桑絕境信奇哉日從若木山頭
轉潮到占城國裏來最愛五更紅浪沸忽吹萬里紫
霞開天公管領詩人眼銀漢星槎借一來

春盡感興

春事匆匆掠眼過落花寂寂奈愁何故人南北音
少野渡東西芳草多筍借一風爭作竹燕分數子別
成窠青燈白酒長亭夜不勝孤舟兀綠波

雷正

字仲志永春人紹興進士授陽江尉官至觀文殿大學士以光祿大夫致仕封魏國公卒年七十六郡民立祠祀之

天漢橋

霏霏細雨溼芝田短短桃花照水妍可惜洞門關不
住彩虹天外着飛泉

嶺南五朝詩選 卷二 宋名宦 雷正林光朝 七

林光朝

字謙之莆田人隆興元年進士任袁州司戶參軍知永福縣歷著作佐郎國子司業出提點廣東西刑獄官至國子祭酒

吏部尚書林公梅卿挽詞

白紙梅花賦聲名出渚東向來惟李賀勝處是楊雄
遶屋看書帶逢人說刺桐尚書舊時履只合依舊步
春風

九日同出珍珠園

來自清源葛已覃君王問獵我猶堪百年耆舊如重

見九日登臨得縱談才子不知汾水上仙人長在大
江南明珠照夜應無數要是斜波更好探

文天祥

字宋瑞一字文山廬陵人理宗親拔進士
第一擢湖南提刑官至丞相封信國侯元
兵至募士勤王挾二王入閩廣兵敗被執
拘燕三年坐卧一小樓足不履地作正氣
歌臨刑向南拜曰吾事畢矣與張世傑陸
秀夫爲宋三大忠臣匡海郡城各有祠宇

望南華寺

北行近千里迷復忘東西行行至南華匆匆如夢中
佛化知幾塵患乃與我同有形終歸滅不滅惟真空

嶺南五朝詩選

卷二

宋名宦
文天祥

六

笑看曹溪水門前坐松風

過淮河

北征垂半年依依只南土今晨渡淮河始覺非故宇
江鄉已無家三年一羈旅胡朔在何方乃我妻子所
昔也無奈何忽已置念慮念茲日已近使我涕如雨
我爲綱常謀有身不得顧妻分莫望夫子兮莫望父
天長與地久此恨極千古來生業緣在骨肉當如故

別謝愛山

君今拂衣去我獨枕書眠一片過林雨數聲當戶蟬

情長空有恨吟苦不成篇後會知何日西風老鴈天

曉起

遠寺鳴金鐸疎牕試寶熏秋聲江一片曙影月三分
倦鶴行黃葉痴猿坐白雲道人無一事抱膝看回文

改題萬安縣凝祥觀

古道松花空翠香風前鬢影照滄浪飛泉半壁朝雲
濕啼鳥滿山春日長須信神仙原有國不知蠻觸是
何鄉道人橫笛招歸鶴坐到斜暉上璧璫

注璧璫以玉爲緣頭

閒居和雲屋道士

嶺南五朝詩選

卷二

宋名宦
文天祥

九

一尊聊共此時心文字追隨落醉吟仙子樓臺修竹
外行人冠蓋盡橋陰一年芳草東風老五月空江夜
雨深且作蘭亭歡喜集更論誰後又誰今

過金陵

草舍離宮轉夕暉孤雲飄泊欲何依山河風景原無
異城郭人民半已非滿地蘆花和我老舊家燕子傍
誰飛從今別却江南口化作啼鵲帶血歸

過零丁洋

辛苦遭逢起一經干戈落落四週星山河破碎風飄

絮身世浮沉雨打萍惶恐灘頭說惶恐零丁洋裏嘆
零丁人生自古誰無死畱取丹心照汗青

鄭玠

字太玉汝陽人入太學淳祐甲辰
釋褐出爲博羅令官至大府寺丞

白雲菴

羅浮山頭老松樹中夜長吟送風雨病夫幽獨枕書
眠靜聽松聲默無語壁間畫像對書燈耿耿殘油下
饑鼠夢覺踟躕不成寐要伴禪和聽二鼓

丹竈

嶺南五朝詩選

卷二

宋名宦
鄭玠戴復古

二十

靈迹曾傳葛稚川至今丹竈尚依然誰云碧海三山
島別是朱明一洞天龍出玉京成往事鶴來華表是
何年塵埃勿嘆空回首到得仙山亦有緣

戴復古

字式之天台黃巖人爲人負奇尚氣慷慨
不羈嘗南游既歸北窺吳越逾梅嶺窮桂
林匡廬五嶽歷覽殆盡以詩鳴江湖者五
十年嘗爲大儒君子之所稱許著有石屏
詩集行世

舟中小酌

獨立秋風裏悵然思故鄉街頭沽美酒艇上作重陽

離菊一枝瘦溪魚三寸長客中聊爾爾亦可慰淒涼

感寓

自覺心無愧何須座右銘人將金作塢吾以石爲屏
年老醫難療天寒酒易醒菊花香到死不肯就飄零

小園

小園春欲半老子作兒嬉正喜花開早還愁客到遲
詩當得意處酒到半酣時蜂蝶來無數無知却有知
貧作負恩人爲何宏甫作

九陌塵中事三生石上身任爲好詩客貧作負恩人

嶺南五朝詩選

卷二

宋名宦
戴復古

三十

十載江村別扁舟塗水濱音書久不至得夢往來頻
見名園荒廢有感

喬木無畱影殘花尚假妍荒池蛙叫噪破屋燕周旋
富貴偏多事風流得幾年牆東有寒士書種世相傳

山中夜歸

落盡一林月山中夜半歸驚行羣犬吠破暗一螢飛
舉我赤藤杖敲君白板扉興來眠不得吟到曉星稀

宿農家

宿此屋頭閣瓦牕通月明夜深鷄鳴噪人靜枯樹聲

村落有古意田園關客情儒衣成底事所得是虛名

夜宿田家

登筮相隨走路岐一春不換舊征衣曉辭山下黃茅
峽夜叩田家白板扉身在亂蛙聲裏睡竟從化蝶夢
中歸鄉書十寄九不達天北天南鴈自飛

杜門自遣

世事茫茫心事灰衆人爭處我驚回閉門不管花開
落避俗惟通燕往來富貴在天求不得光陰轉地老
相催平生任達陶元亮千載神交共一杯

嶺南五朝詩選

卷二

宋名宦
戴復古

三

讀王幼學上殿劄子

才到朝廷被論歸孤忠幸有九重知神醫能識未蘇
病國手難翻已敗碁四海爭傳治安策諸君如在太
平時老夫懷抱綠何事未到秋來早自悲

謝史石臆送酒并茶

遣來二物應時需客子行廚用有餘午困正須茶料
理春愁全仗酒消除不勝歡喜拜嘉惠無限慙動作
謝書君既有來何以報一牀蘄簟兩淮魚

秋日病除

桂子吹香風露深老夫吟了聽蟬吟秋來賸有行山
興病後全無涉世心詩苦積成雙白髮酒豪輕用萬
黃金平生意氣今如許獨抱傳家一破琴

題梅嶺雲封

東海邊來南海邊長亭三百路三千飄零到此成何
事結得梅花一笑緣

又

鑿破青山兩壁開石頭路上踏塵埃梅花自與白雲
笑幾見夷齊出嶺來

嶺南五朝詩選

卷二

宋名宦
戴復古

三

又

南遷過嶺面無慙前有東坡後澹菴兒輩欲知當日
事青山鮮語水能談

論詩十絕

文章隨世作低昂變盡風騷到晚唐舉世吟哦推李
杜時人不識有陳黃

又

意匠如神變化生筆端有力任縱橫須教自我胸中
出切勿隨人腳後行

又

陶寫性情爲我事雷連光景等兒嬉錦囊言語雖奇絕不是人間有用詩

又

點夢憂國杜陵老感寓傷時陳子昂近日不聞秋鶴唳亂蟬無數噪斜陽

又

曾向吟邊問古人詩家氣象貴雄渾雕鏤太過傷於巧朴拙惟宜怕近村

嶺南五朝詩選

卷二

宋名宦
戴復古

五

又

詩本無形在窮冥網羅天地運吟情有時忽得驚人句費盡心機做不成

胡衍附

俗稱胡六真人廬陵人宋初行醫至博羅遂家焉蔡仙道喜與施煉藥爲三千杵成八百丸號胡氏寶丹治疾疫存活者衆卒之日以火解得舍利三十六大如菉豆色黃紫藏之金盒子二長日椅次曰礎椅避亂懷舍利至蘇州驛私金盒棄舍利夢廟潭每暴雨晴化金龜出曝石上人果有見之者

宿冲虛觀

鐘靜日已久塵緣謝驅役琪枝鶴爭定山空萬籟寂

明月散庭除寒光照牀席花鳥竟夢間相見曾相識

五更仙鹿鳴聲近在籬隙曉來問童子石逕無行跡

鐵橋

是鐵不是鐵非空却似空到得方知得何勞說異同

朝斗壇

不見銅龍何處飛空餘芳草舊苔基月明風冷琴聲碎疑是真人佩玉時

嶺南五朝詩選

卷二

宋名宦
胡衍

五

嶺南五朝詩選卷三 目錄

元名宦

范梈 八首

賈煥 一首

王翰 八首

曾留遠 一首

周伯琦 一首

杜本 三首

張子壽 一首

嶺南五朝詩選 卷三 目錄

嶺南五朝詩選卷三

番禺黃 登俊升氏訂定

元名宦范梈

字亨父一字德機臨江清江人薦爲左衛教授遷翰林院編修出爲嶺海廉訪司

秋日海康齋居

吟事久已落茲辰遇高秋泠泠空中籟襲我書帷幽
如何寒暑疾徑與大江流江流不復轉歲月已還周
遊子去京華邈在天盡頭胡鴈不踰嶺眷眷非良謀
排雲挹飛觀金爵露光浮在遠心所仰胡爲滯滄洲

嶺南五朝詩選 卷三 元名宦 范梈

茅屋足花草洵美久難留苟能一吾志斯道將何憂

登石城驛亭

南遊未是謫北行不當歸今日陟崇岡飄飄風吹衣
始我在京時雙闕凝秋暉別來守窮海故國音書稀
竊祿滋愧負何時覩紫扉胡不依白日去卽能如飛
驛樓俯平川其下白雲圍雨餘足稻梁可以信豐飢
云去道路遠王事母稽違

贈別李教授亭赴五羊先往餘饒省親

行色動西風鄉心去住同諸生五嶺外之子江東

且羨還家鶴無愁度海鴻逢天上使書計思恩

發雷州過徐文大驛候役者不至留二日

久約歸吳弄釣舟海天羈思復悠悠誰知樹底春生
川獨坐人間地盡頭粉壁舊題分醉讀瓦罍新酒接
花筵邊鴻固是南來絕絕爲雷城信滯留

曾教授赴韶州

荔子紅邊五月初廣文去住定如何報恩豈戀將軍
馬治盜聊迂太守車多近藤蘿安吏舍少憑椒葛附
音書到官定有佳聲薦瘴雨蠻烟細祓除

嶺南五朝詩選卷三元名宦 范梈

二

將赴雷陽送羅提舉之任廣東

松滋暫泊薊門船復指番禺路幾千茉莉香深和酒
露枕椰葉暗煮茶烟齊人舊算無遺策漢使新藏有
賸錢莫爲遐荒心力怠珠崖更在海南邊

遊南臺閩粵王廟

海角釣龍人杳杳雲間待鴈路迢迢若爲借得山頭
石每到高秋坐看潮

渡端州峽

權郎得便泝清流急報舟前曉霧收蠻語酬人翻白

苦好山不敢問何州

賈煥

字

官至副使

峽山

五嶺雲霞簇萬峰峽川風月浩無窮兩山矗起排神
劍一水中流走玉虹古剎飛來仙跡在妖猿化去世
緣空歸舟却訝重陽近林下黃花識退翁

王翰

字用文靈武人先世本齊人沒於西夏元
初賜姓唐元氏從下江淮以領兵千戶鎮

嶺南五朝詩選卷三元名宦 王翰

三

廬州家焉尋改福州路以同知轉理問綜
理承福羅源二縣擢江西福建行省郎中
陳有定提守全閩敬且憚之表授潮州路
德管陳氏敗屏居永福觀獵山自號友石
山人與漁樵雜處者十年詩書再至歎曰
豈可又適人哉賦詩云昔在潮陽我欲死
宗嗣如絲我無子彼時我死作忠臣覆祀
絕宗良可耻今年辟書忽到門丁男屋下
三人存寸亦在手顧不惜一死却了君親
恩遂自引決年四十六時洪武戊午二月
也用文將家子有古節臣
風著有友石山人遺稿

送別劉子中

執手寒江濱慷慨難爲別豈無楊柳枝零亂不堪折
鴻鴈西北來嗷嗷唳晴雪陽和忽已暮旅况轉凄切

誰憐蘇子卿天涯持漢節

途中

萬物皆有托我生獨無家
蔓草野多露眇眇天之涯
親戚不在旁更與奴僕賒
落日下長坂悲風卷驚沙
林依避猛虎郊行畏長蛇
封狐逐野鼠跳踉當吾車
村墟四五聚索莫集昏鴉
方投異鄉跡又悲遠城笳
撫劍向夜起中心鬱如麻
微軀焉足惜天道良可嗟
雲漢念乖阻道路日已遐
去去復何極爲君惜年華

題菊

嶺南五朝詩選

卷三

元明宦王翰

四

我憶故園時繞籬種佳菊
交葉長青恩餘英吐芳馥
別來三十載粲粲抱幽獨
豈無桃李顏歲晚同草木
及茲覩餘芳使我淚盈掬
離披已欲摧瀟灑猶在目
雨露豈所偏歲月不可復
歸去來南山食英坐空谷

挽柏僉院

柏君挺挺英雄姿出佐薇省
丁時厄愁聞兩浙已瓦
解江南民命猶懸絲樓船
一旦下江水殺氣兵氛壓
城壘大臣夙駕思棄城戰
士魂銷將心死臣雖力困
肝膽存臣當殺身思報恩
誓將一水支頰更肯堅降

幟登轅門人生恩愛豈不顧
詎忍貪生負天子半空
烟漲接宇紅盡室竟飛劍
光紫嗚呼氣分光岳臣道
衰賁降授節紛陸離巍巍
廊廟已如此扶持世教非
公誰扶持世教非公誰

送陳同僉

馬首出城東將軍膽氣雄
旌旗明苦日笳鼓動悲風
早雪三邊恨寧誇百戰功
相期春草色處處凱歌同

山居春暮偶成

水氣淹蒼扉蘿香織翠微
洞迴雲到少地僻客來稀

嶺南五朝詩選

卷三

元名宦王翰

五

野鳥傷春去楊花作雪飛
祇因飄泊久對此也沾衣

遊鴈湖

在觀獵山之頂
群鴈所栖集處

鴈去湖空野水深秋風吹客上
遙岑丹楓盡逐孤臣
淚黃菊空憐處士心
雨後諸峯浮夕靄霜前一葉送
寒陰停車欲問當年事
尺素何由到上林

春日雨中卽事

京洛繁華事已違懷人竟日掩空扉
望迷楚岫聞啼
鳩思入秦川怨落暉
野館蕭條芳草合寒江寂寞暮
雲飛落花片片隨流水惆悵關河淚滿衣

曾雷遠

字

湖光巖

大風吹送入閩船來結游湖未了緣一徑僅容飛鳥
過四山如護老龍眠禪心秋月寒潭外客思孤雲夕
照邊却笑梁谿元不到清吟空記斷碑傳

周伯琦

字伯溫饒州人集賢待制應極子幼隨父
宦遊京師入國學以陰補南海簿三轉爲
翰林修撰至正間令南士得居省臺除兵
部侍郎與貢師泰同提監察御史官至南

嶺南五朝詩選

卷三

元名宦

曾雷遠周伯琦

六

行臺御史所著有六書正譌
說文子原及詩集文集行世

過太行山

太行蒼翠插秋旻巖嶺重關自昔聞戰國東西分晉
趙中原南北帶河汾帝王都邑青青草豪傑勳名點
點墳烏道盤空頻立馬便從高處望飛雲

行部潮陽

潮陽壯縣海之濱海上風濤旦夕聞遺老衣冠猶近
古窮邊學校久同文鹵田宿麥翻秋浪樓船飛帆瘴
暮雲聲教東漸無限量楊清便欲滌朱垠

杜本

字伯原臨江清江人博學善屬文江浙行
省丞相得其上所上救荒策大奇之力薦上
召至京適武宗晏駕至正三年丞相脫脫
以隱士薦授翰林待制兼國史編修官行
至杭州又以疾歸歸所著有四經表義
六書通編十原等書學者稱爲清碧先生

和何得之歲暮見寄

籬下菊斑斑猶能傲歲寒春風誰主宰客夢自清安
此老憐才乏何人惜夜闌管寧如可友浮海竟誰歎

秋興

兩峯高聳並秋霄雙澗分流送晚潮月冷誰家頻搗

嶺南五朝詩選

卷三

元名宦

杜本張子壽

七

練風清何處細吹簫七閩荔子丹砂顆五嶺梅花玉
雪標黃鵠不來空悵望自歌雅曲和漁樵

廉州阻風

白因三宿致綢繆豈爲狂風滯客舟鄉國十年思舊
雨山河千里記前遊黃雲釀雪禾將刈綠霧籠霞橘
漸收離別不堪成悵望鴈孤飛起白蘋洲

張子壽

字

廣東御史

化樂臺

蒼崖巖嶮速奔流玉節招搖漾綵舟雲鎖千年清寺
古霜清白尺瘴江秋白猿一去空長嘯聽馬南來得
壯遊聞道遐方歌帝力家家麥飯老林丘

嶺南五朝詩選

卷三

元名宦

八

嶺南五朝詩選卷四

目錄

明名宦

王 儼 三首

徐 賁 五首

解 縉 七首

俞貞木 二首

金幼孜 一首

李東陽 一首

王守仁 五首

嶺南五朝詩選

卷四

目錄

一

陳 章 二首

趙 寬 二首

嶺南五朝詩選卷四

番禺黃 登俊升氏訂定

明名宦王傳

字孟陽其先東阿人弱冠領鄉薦毋設歲
蔡六年大宋即位近臣爭言孟陽聘至京
待詔閣下自陳願退處學使即日有詔授
國史院檢討充大興副總裁英國公張輔
征交附奉命參軍還守故
官後坐與籍黨下獄死

曲江謁張文獻祠

停舟曲江潯吊古謁遺祠嚴嚴始與公遺澤芬在斯
堂傾風雨萃碑斷苔蘚滋芳春莫行旅落日歸文狸

嶺南五朝詩選

卷四

明名宦
王傳

一

唐宮昔全盛衡鑑方獨持弼諧展嘉猷讜論非詭隨
誰誰胡陽鳳榮榮補袞絲側聞卧病後九廟炯塵飛
漁陽突騎來中華混羣彘信知砥柱功用舍同安危
昭陵鐵馬空仙李祚久移惟餘蘭菊存千秋恒若茲
我來薦微誠再拜當前堦顧瞻廊廟間風度猶可希
武溪何滔滔蓉峯亦巍巍只今相業隆孰與前修期
臨風一長嘆山雨來霏霏

送李校尉致仕還江左

雄劍委龍鳴關河白髮生功成百戰後老去一身輕

夜月桓伊笛秋風驟騎營燕歌何處寫曲罷有餘情

楊秀才幽居

楊子幽居處開牕面遠空水喧明鏡裏雲落畫屏中
捲幔留明月揮絃送遠鴻何人問奇字載酒野橋東

徐 賁

字幼文其先蜀人由昆陵徙居吳郡為十
才子之一洪武七年用薦召授給事中轉
監察御史出按廣東官終河南左布政使
以出師缺稿勞下獄死者有北郭集行世

獨坐懷鄉中友人

獨坐荒山暮相親是酒杯人從鄉裏別秋在客中來

嶺南五朝詩選

卷四

明名宦
徐賁

二

倦鳥須臾去幽花次第開離心自多感不為歲時催

詠妓

出閣初含笑臨筵復理粧蘭膏分鬢綠蕊粉間眉黃
掩扇羞嗔小褰裳舞恨長不知座中客若箇是盧郎

丁未六月廿八夜作

西風作雨未能休卧起園齋夜更幽天黑露華涼不
下雲疎河影淡還流陰蟲齊響渾忘夏落葉頻飄預
報秋亂後俄驚時節異却將何計為消憂

登廣州城樓

五嶺南來瘴海深秋風格葉尚陰陰安期一去家遺
鵲陸賈重來橐有金門限虎頭潮上下城開鴈翅客
登臨清時不用頻興感萬里惟存向關心

送日本僧

萬里扶桑曉色微海天空濶去人稀木杯不用隨潮
渡金策惟應向日飛路去徧食中土飯到家重著故
鄉衣國人應問如來法帶取西天貝葉歸

解 縉

字大紳吉水人洪武戊辰進士初授庶吉
士轉翰林學士兼春坊大學士為高煦所

嶺南五朝詩選

卷四 解縉

三

恨出為廣西參議經廣東遍遊山水名勝
李主剛劾其怨望志遊改交陸復為高煦
所誣竟逮死獄中洪熙元年官其子禎中書舍人

厓山吊古

厓山雲寒海舟覆六載孤臣老燕獄東風杜宇三月
三五陵望斷春蕪綠揚帆昔走宜真船手持鰲柱擎
南天間關嶺海血灑檣回首家國隨飛烟六宮粉黛
黃埃裏漢火無光吹不起全軀肯學褚淵生嚼舌甘
為某卿死蘇門草色春萋萋高官不換西山薇哀吟
一曲肝腸斷勁氣萬丈蛟龍飛當年恨殺葛嶺賊恨

不割心食其肉堂堂忠義行宇宙白日青天照遺墨
落花寒食風雨時展卷如對龍虎姿再拜酹公金屈
卮有酒不讀蘭亭詩

送劉繡衣按交趾

虬髯石舄繡衣郎馳馬南巡古越寰城郭新開秦郡
縣山河元是漢金湯天連銅柱蠻烟黑地接朱崖海
氣黃莫說炎荒冰雪少須令六月見飛霜

蒼梧卽事

蒼梧城北繫龍洲水接南天日夕流水井鱷池春草

嶺南五朝詩選

卷四 解縉

四

合火山蛟室夜光浮千家竹屋臨沙嘴萬斛江舡下
石頭伏枕夢回霄漢遠珮聲猶在鳳凰樓

七星巖

桂水東邊度石橋酒帘村巷見漁樵叢祠歌吹祈春
社古道穹窿應斗杓附郭有山皆積玉傍星無路不
通霄日長衣繡過阡陌行樂光輝荷聖朝

峽山吟

清遠峽山高萬丈仙人曾此刻雄文褰衣直上和光
洞望見京華五色雲

又

繞澗木犀冬着花上方樓閣類烟霞雲迷石室和光洞猶是軒轅帝子家

皇岡山

千里來尋故相家曲江南畔夕陽斜鈞天此日開韶樂步上皇岡望翠華

俞貞木

貞木初名楨字貞木後以字行更字有立元季不仕洪武初以薦知樂昌縣後改都昌乃罷官

嶺南五朝詩選

卷四

明名宦俞貞木金幼孜 五

題倪雲林畫

栖神山下玄元館華表巍然鶴未歸寂寂小亭人不見夕陽雲影共依依

題趙仲穆畫馬

房星方隨墨池中飛出蒲梢八尺龍想像開元張太僕朝回騎過午門東

金幼孜

名善以字行新陰人建文元年進士授戶科給事中靖難後入內閣改檢討歷文淵閣大學士有北征集行世

韓龍

重泛仙槎憶舊遊酒酣乘興獨登樓隔溪好鳥啼烟樹兩岸殘陽送客舟懷古山川多在望憑高天宇暗生愁昌黎勝槩今何在惟有寒瀧東自流

李東陽

字實之茶陵人登天順進士官至宰相卒贈太師諡文正東陽初稱神童五歲能運筆作大字景帝召入殿命給紙筆書龍鳳龜麟十餘字進上大嘉親抱置膝賜上林珍果及內府寶鏤歸六族八歲復兩召之

匡門吊古

嶺南五朝詩選

卷四

明名宦李東陽王守仁 六

國亡不廢君臣義莫道祥興是靖康奔走耻隨燕道路死生惟着宋冠裳天南星斗空淪落水底魚龍欲奮揚此恨到今猶不極匡山東下海茫茫

王守仁

字伯安餘姚人父華成化辛丑及第第一守仁生有異徵已未會試第三廷試二甲六名授刑部主事轉南嶺都御史定宸豪之亂封新建伯間住嘉靖起為都御史總督兩廣軍務招徠撫字一方晏然嘗講明聖學甘泉湛若水往來議論守仁稱為聖人之徒方獻夫何遜諸人師事之卒謚文成萬曆初從祀孔夫子廟

謁增江祖祠

海上孤忠歲月深舊墳荒落杳難尋風聲再樹逢賢
令廟貌重新見古心香火千年傷旅寄蒸嘗兩地嘆
商參鄰祠父老皆仁里從此層城是故林

別希顏

後會難期別未輕莫辭行李滯江城且畱南國春山
興共聽西堂夜雨聲客路終知雲外去晴湖想見鏡
中行好尋洞裏幽棲處還有峰頭雙鶴鳴

登閔江樓

絕頂樓荒舊有名高皇曾此駐龍旌險存道德虛天

嶺南五朝詩選

卷四

明名宦
王守仁陳章

七

暫守在蠻貊豈石城山色古今餘王氣江流天地變
秋聲登臨授簡誰能賦千古新亭一愴情

用寶夫韻

詩從雪後吟偏好酒向山中味轉佳巖瀑隨風雜鐘
磬水花如雨落袈裟

西樵山送方叔賢歸

西樵山色遠依依東指江門石路微料得楚雲臺上
客久懸秋月待君歸

陳章

字一夢華亭人成化十四年進士授明倫
主事歷郎中出知高州移貴州以勸事請
雷州病

卽席贈趙栗夫

菜市街西新卜居荳棚瓜蔓共蕭疎胸中富有書千
卷誰信家無儋石儲

雨中過匏菴先生園居

海月菴前景自清更看疎雨快吟情紅芳落盡還堪
賞綠樹黃鸝三五聲

趙寬

嶺南五朝詩選

卷四

明名宦
趙寬

八

字栗夫吳江人成化辛丑進士第一歷官
刑部郎中出爲浙江提學副使轉廣東按
察使有牛

題蘆溝曉月圖

銀河半落長庚明城高萬戶皆雞聲長橋卧波鱗皆
露上有車馬蕭蕭行蒼烟淡接平蕪迴沙際朦朧見
人影舉頭一望天宇高殘月蒼蒼在西嶺

行臺日暮偶成

何處蕭蕭暝色侵海雲將雨過寒林間關旅鴈天涯
路寂歷啼蜚歲暮心槁木嗒然聊隱几飛蓬搖盡不

勝簪松門深掩黃昏靜惟有爐熏對苦吟

嶺南五朝詩選

卷四

明名宦

九

嶺南五朝詩選卷五

目錄

明名宦

黃瑜

三首

方太古

二首

祝允明

九首

顧夢圭

三首

魏浣初

二首

徐穎

八首

方以智

三首

嶺南五朝詩選

卷五

目錄

陶汝鼐

九首

嶺南五朝詩選卷五

番禺黃登俊升氏訂定

明名宦黃瑜

字南城人領景泰鄉薦出知四會邑
知府竭力撫字盜息民安秩滿加參政俸
滿任在雷溢政最久惠澤殊深著有雷政
錄行世

悲井澳

宋末童謠云江南破白鴈過又識云逢
厓則止後伯顏破杭遂至厓山而亡

江南破白鴈過更無一寸土可坐白鴈入廣隨波流

嶺南五朝詩選

卷五

明名宦黃瑜

一

氛塵暗天天亦愁黃蘆蘆岸風颼颼上有深井下有
仙女溷漁舟不住御舟到風吹御舟力排募嗟嗟悲
哉誰與告誰與告兮悲復悲逢厓則止會有時星星
之火奚滅為君不見青苗行時不敢語大事已逐黃
龍去又不見金牌出時不可回殺氣先隨白鴈來舒
王生鄂王死宋家刑賞乃如此嗟嗟井澳徒悲爾

梅花水

早春適川上興隨流水長時有白雲至遠帶梅花香
口誦文山詩目送孤鴻翔悠悠宇宙間是非兩亡羊

七星巖

峭壁千尋獨倚空天開一室玉玲瓏丹爐火冷幽局
合龍井雲深小竇通安石山中淹沛雨醉翁亭上挹
高風不知洞裏春多少漫把榆花訪葛洪

方太古

字元素蘭溪人少受經於章楓山年十八
走南海謁陳公甫歸而靜究天人之學越
五年復游吊公甫於江門洗彭蠡自贊一
壺生凡出遊遇大風雨衣履翛然不泮人
疑其有異術焉

南海道中歸解石山雜題

嶺南五朝詩選

卷五

明名宦方太古

二

山高日出遲雲重天寒早源遠斷人烟木落驚啼鳥
南斗鴈峯切北極玉欄杪下界隔中天陰陽別昏曉
夜坐喜晏伯謙談禪

海月未出山清宵起烟燭草坐皆道流談禪暢幽獨
雲巖一何深道遠境自足冷然忽成悟風吹隔牕竹
趙不易

以名行
南海人

隋堤柳

千樹垂楊繞汴堤錦帆去後草淒淒迷樓粉堞俱塵

土野鳥逢春空白啼

祝允明

字希哲長洲人弘治壬子舉於鄉連試禮部不第除興寧令稍遷通判應天府公善書學若篆隸真行懷素狂草猶臻妙子續舉進士官終布政使刻其遺文曰祝氏集畧他書如簾衣罪知錄野記凡數百卷行世

龍川山中早行

朝雲山腰生我在雲中行只恐雲載我飛上白玉京
世塵邈已隔天鷄猶未鳴須臾微風發東極金烏升

題湯三城南莊子

嶺南五朝詩選

卷五

祝允明

三

嘉樹夾茅屋城南十畝莊竹牕遙列岫花樹密圍牆
鬼提且施路魚肥筍在梁每來無世事祇覺道心長

丹陽曉發

京邑到來熟曉行如赴家月明人渡水星散樹驚鴉
燈影依依店茶聲遠遠車蕭騷兩秋蟬無處定生涯

循州春雨

物候逢春好春來悶轉深山城十日雨家國百年心
海吹饒生冷蠻雲易結陰循州本謫地何待此愁吟

縣齋

縣齋孤坐獨澄懷漸覺飛光兩矢催夜雨鄉關歸夢
渺夕陽門巷壯心灰豈因傲吏偏違俗且喜微邦稱
不才坐起忽驚詩景入西南山色隔城來

早春江行

五十六年行役身又漂萍葉及初春相燈向壁吟殘
句江雨敲牕夢故人鶯囀上林空倚醉月生南浦幾
傷神還家想得兒童笑毛髮蒼蒼綠綬新

閒居秋日

逃暑因能暫閉關未須多把古賢攀并拋杯勺方爲

嶺南五朝詩選

卷五

祝允明

四

懶少事篇章恐礙閒風墮一庭鄰寺葉雲開半面隔
城山浮生只說潛居易隱比求名事更艱

廣州戲題

生世投閒四十年瘴江班頂試鳴絃今朝也是爲官
日白日青天閉戶眠

重九戲題

行年四十壯遊腸幾把他鄉作故鄉萬里一身南海
畔客牕獨看兩重陽

顧夢圭

字武祥，號山人，嘉靖癸未進士，授刑部主事，擢廣東參議，歷福建按察使，陞江西右布政使，上疏請致仕。

擬古

離離雲中鴈，八月徂南方。念彼北風來，怛然懷稻粱。九月氣已凄，十月繁冰霜。生來毛羽單，高飛不成行。君門有鐘鼓，聽之徒自傷。

雜擬

妾在越江邊，江花照顏色。清晨下機杼，日晏不停織。繡出雙鴛鴦，鄰媼增歎息。采蘭以自衣，撥柑以自食。嶺南五朝詩選卷五 明名宦 顧夢圭魏浣初 五

裴葛行

夏月行部至雷州，思製一葛且復休。冬月行部至廉州，思製一裘且復休。故衣雖穿尚可補，秋毫擾民民亦苦。先朝不有軒尚書，墮水忍寒却新襦。千縑萬緡人私索，碩鼠碩鼠心何如。

魏浣初

字仲雪，常熟人，萬曆丙辰登進士，授廣東學政，卒于官。

次曲江令張午卿韻留示禪堂諸衲

六時鐘梵肅羣譚，大會靈山願不還。世法有身因有累，空門無住即無家。敲開石髓誰非火，喚到枝頭已是花。莫道伊蒲容易饗，英雄擔不起袈裟。

飛來寺

巖嶂當門擁碧青，玉環金鎖自通靈。幻成香國踰三島，拂取精藍費五丁。法相去來元不住，江聲潮汐幾曾停。空巖風雨孤僧共，幽壑魚龍解誦經。

徐穎

嶺南五朝詩選卷五 明名宦 徐穎 六

字巢友，蘇州人。

望匡廬

遠風吹欲動，百里見嵯峨。小割崑崙尾，西當彭蠡波。神光非海市，瀑影亦天河。三日無青翳，小牕青奈何。

度庾嶺

高深若蔥嶺，源自東西流。草樹又一變，風烟如十洲。石磨車馬跡，天關古今愁。絕勝梅花國，無兵兼有秋。

羅浮飛雲頂

一峯持地角，此外版圖空。黃鶴歸無路，南溟多颶風。

夜光通大澤人影入鴻濛信有盤瓠國纍纍積氣中

宿陳秋濤宗伯雲淙書院

滿樓海氣近南溟可惜名泉外水經欲采禹糧貽所
好時云仙字蝕無靈深松遠見濤烟白絕壑長甯天
地青如此山川歸未得石牀明月伴人醒

黃村探梅花

送臘迎春凡幾日小樓花際兩年登過牆新水浴眠
鶴壓屋冷雲驚定僧香澤掃空枯樹賦月華暮入土
元燈愁心百結多懷實腸斷娥眉嫁未曾

嶺南五朝詩選

卷五

明名宦
徐穎

七

又

川出玲瓏水底看思君無路寄長安竹雞未叫樹方
靜蝴蝶欲來香又乾貧士一生多負氣美人半臂不
知寒東皐小景如曾夢落落茅亭曲曲闌

又

呵凍重摹四壁新攜燈自笑畫難真浮生何暇計明
日不見翻憐恨古人前代名闌爭異姓東家高本賣
西鄰荷鋤我亦爲傭作香雪蒙頭過一春

又

遠道何人載寢輿西園銀鑰字層層杳無長笛吹荒

夜時有飢禽喙古水騎馬折多遊俠子隔牆看殺渡

江僧六朝花緒難尋繹昔日行宮今孝陵

方以智

字密之桐城人崇禎庚辰進士歷官終翰
林編修明季雲遊南粵爲人器度魁偉言
笑風流落落襟期不營於世與先叔都華
公同年少時得觀揮灑藏有諸作失去

尋梅

變調驚逢開口難寄生幸在水雲端一枝有意當籬
發三徑何人抱病看飛去可令天地白吟成自覺古

嶺南五朝詩選

卷五

明名宦
徐穎方以智

八

今寒早知出世同霜雪那怪芳林百卉殘

木末亭拜方學正先生

松陰遺像淚縱橫日對鍾山曉霧平九族可憐忘姓
字三楊終不是功名遙看江上烽煙色應厭亭傍歌
舞聲此地竟無能拜者六朝風俗壤書生

卧病初起有以范蠡載西施歸湖圖索詩者

爲題之

扁舟還顧闔閭城夢裏招魂病後驚莫笑東方飢欲
死且憐西子面如生有官到處還能富破國隨人亦

薄情昔日若從貧賤老五湖遊遍不成名

陶汝鼎

字仲調一字密菴長沙寧鄉人崇禎癸酉鄉薦丁丑癸未會副初授廣東新會學博歷待詔尋擢簡討國朝退居林下著有榮木堂詩文四十卷行世

游僊詩

八索散元氣三洲浮岱輿鴻濛日月間攬轡凌紫虛
雲中拾虹草光映綠字書左右軒轅電靈藥皆棄餘
餒我白鳳皇溟滓遊太初從來羣玉山頑仙不得居
愚哉竇先生惻然食飛魚

嶺南五朝詩選

卷五

國朝
陶汝鼎

九

軒轅臺懷古

軒皇非貴壽天地難鴻濛雲英化金石物命趨五銅
騎龍下寶山乃在湖水中張樂蒲洞庭託言師崆峒
千載鼎湖上元氣翔八風

月夜偕方虞伯李天玉載酒渡君山

入舟遙見君山紫蘭漿聲隨白鷗起中流風細波不
已箇裏梅花隔煙水水清沙碧隱瓊樓明月船迴杜
若洲巴陵之酒滿雪甌手中影落青浮丘

梅嶺逢陳秋濤大宗伯赴行在走筆呈贈

日月不沒天地歆繁星向海光離離中原夜旦那得
知請看輦上乘臯夔紅雲度嶺舉幃帷三光四岳增
羽儀蒲輪無塵人語低乾坤正繫公安危十年讀易
齊陰史龍潛龍見衆莫窺風雷久發金縢緹袞烏新
開元祐碑半壁山河將相資廓清何弟組王師溫公
人相婦孺嬉白麻字照尊與爨元氣茫茫赤手摘沐
浴日月還其規周宣石鼓文如螭更續清風吉甫詩
吾生猶得逢昌期

雲淙

陳宗伯別業去羊城十五里

嶺南五朝詩選

卷五

國朝
陶汝鼎

十

白雲山不斷一壑更流雲飛觀邀珠女疏泉避石君
谷聲啼鳥變春氣雜花聞最是孤亭上斜暉弄碧紋

龍中

桂嶺在天際銀河落不平挽舟浮石過觸浪接雲行
疏鑿通奇想艱危損勝情可憐巖壑上遙羨一牛畊
吳門別羅叔度人都兼寄考功侯令丘年丈
與君岐路似飄蓬亂後無家感慨同栩栩一床歸夢
蝶依依雙槳背飛鴻漢軍大拜驚沙上齊士微聞蹈
海東但使帝京能宴定故人應得薦楊雄

飛來寺寄朱惟四時纂出峽志

大谷臨溪絕壑通黃初先有讀書宮曲江澄淨紫如
線雙峽青冥上若空風雨每疑歸鹿苑杉松應見別
猿公相期采竹爲長笛吹向瀟湘明月中

嶺南五朝詩選

卷五

明名宦

十一

嶺南五朝詩選卷六 目錄

國朝名宦

王庭 五首

黎民貴 六首

錢朝鼎 一首

張惟赤 一首

陸世楷 二首

吳盛藻 八首

陶寅 二首

嶺南五朝詩選卷六 目錄

沈鉞 四首

曾粲 四首

李繩遠 二首

周有德 一首

蔣伊 四首

王令 三首

朱四輔 二首

金光 二首

戴夢賜 四首

韓允嘉 四首

孫廷鐸 四首

曹溶 四首

梁清標 七首

高以永 九首

嶺南五朝詩選

卷六 目錄

二

嶺南五朝詩選卷六

番禺黃登俊升氏訂定

國朝名宦王庭

字言遠嘉興人順治己丑進士任廣州知府官終山西右布政著有秋閒草二西草漫草理學辨行世

喜程周量過

旅舍還相近乘閒即徑來非關人事數要使客懷開
仕宦常謀道文章未棄才紛紛輕薄者翻覆正堪哀

答和趙韞退大參端州見寄

嶺南五朝詩選

卷六 國朝名宦

一

昨說南州遠帝鄉端州回望路偏長曾將片石留官
供可有千金助客裝城郭雨連山氣白旌旗日上海
雲黃竹廳公暇懷人處北鴈初飛一夜霜

感懷

飄零此日嘆萍踪老大依人意自慵信有歌魚彈客
劍肯將乞食問僧鐘愁添白髮當千丈夢過青山已
萬重野水西風秋乍好褰裳我欲采芙蓉

經飛來寺

曾聞丹嶂有人開不信花宮度嶺來一室諸空留寶

座別峯相見識仙臺雲霞靈境藏幽壑風雨禪心盡
死灰杜宇年年啼帝子門前江水碧於苔

老去

老去形容亦可傷十年雞骨強支牀朱顏入夢驚今
昔白髮於人話短長拙計肯嫌干祿薄浮生應謝著
書忙山中道士多相問昨日遙傳不死方

黎民貴

字天錫安慶人
明經廣州知府

鎮海樓

嶺南五朝詩選卷六國朝名宦黎民貴 二

天半霞標迴海濱畫棟崇濤翻千里白日映五更紅
翠幙浮青靄危欄落彩虹村春雲樹外成堞島烟中
羊石神仙跡虎門旌旆雄遠思酌水日每憶上皇風
貢雉歸仁主馴鷗狎海翁珠還川自媚鱣徙浪爲空
莫訝滄洲遠元規興未窮

別友人歸里

江干今日送把酒驪歌前老友難爲別空囊更可憐
君行能計日子去在何年白首他鄉意平安子細傳
相江釣臺

偶到南山下扁舟重溯洄馮君今載酒吳子肯登臺
鳥語溪頭樹霞飛席上杯曠懷期共醉一任夕陽催

峽山

縹緲芙蓉帝子居踈鐘遙響紫煙虛空山自種黃鍾
竹遠古誰爲綠字書壁上曲吞銀浪湧人前忽暗岫
雲舒白猿已化虎狼去一讀穹碑意自如

壽實行

皈依香辦每相尋幽梵聲聞過碧岑蜃海潮音喧葦
渡羊城花雨集祇林一乘淨掃維摩室六葉常懸古

嶺南五朝詩選卷六國朝名宦黎民貴錢朝鼎 三

佛心觀到恒河叅變相菩提千歲自森森

拱北樓望海

登臨不倦元規興身世渾疑十二樓北極遙遙仙闕
迴南車渺渺越裳浮千霄有意乘黃鵠觀海無心任
白鷗一笑浮名成皓首吏情自古遠滄洲

錢朝鼎

字禹九常熟人順治
進士提督廣東學政

曹溪

千年禪悅地嶺翠萬重封泉響高空梵燈明萬仞峯

歸雲時下鶴遠寺互聞鐘一靜了羣動拈花證正宗

張惟赤

字佩珍浙江海鹽人順治戊戌成進士官兵科給事

九秋同友夏善將諸君訪海幢阿大師

野航趺坐汎秋光欲覓安心叩講堂萬疊烟嵐常入座九秋林木不凋霜自憐白髮如新艾却憶黃花是故鄉香氣未消茶正熟鴈聲嘹唳過斜陽

陸世楷

字孝山浙江平湖人登順治進士任南雄知府

嶺南五朝詩選

卷六 國朝名宦 張惟赤陸世楷 四

贈旅菴呈曾憲副

撒手風波裏何妨此結菴荷衣欲紫竹鐵杖倚青嵐梵靜雲歸屋詩成月在潭夜來鐘磬罷趺坐證瞿曇

丹霞山

石梁劍闕斷還連新築雙隄路蜿蜒金界開時天恰半珠衣覆處地無偏孤峯儼示輪王相九品中分寶座蓮紺宇珠林成不日掌光從此與燈傳

吳盛藻

字觀莊江南人順治卯薦由中秘出守雷陽提督署副使著有天門初集行世

署中作

冷署悲風集殘秋客病深爲官無善政見鴈有歸心
藥餌扶難健鄉書望轉沉山川真秀麗登眺幾知音

萬里

萬里人孤宦霜天月自看以茲毛義檄未挂赤松冠
柏葉驚新夢燈花落夜寒君羹難進毋悵望楚雲端

舉觴

清宵竹影涼掩映立長廊月是將圓好花惟一朶香
乾坤何處盡燕雀自成行獨有陶彭澤閒來但舉觴

嶺南五朝詩選

卷六 國朝名宦 吳盛藻 五

過五羊

嶺分吳楚界水接竺羅天一老偏稱帝諸羊遂作仙
璇宮惟瓦礫怪石已桑田惆悵當年事鐘聲起暮烟

喜晤張杏園

邊城六月自傷秋愁似濃雲不肯流乾鵲多情能作
語故人相見頓消憂肝腸猶在鬚眉老言笑移時涕
淚稠便出關中羊酪酒醉狂同上李陵丘

遷雷州發家口先行秋夜獨坐

鼃幕鸞笙日夜忙五羊今夕見秋光三更聽鴈聲如

水半樹挑燈火似霜曼倩有官終乞米張融無屋便
乘航他年觀海雷門上回首燕雲即故鄉

有感

十年懷抱鬱茫茫每到高秋即斷腸筋力漸如秋後
草勲名都付日邊霜賈生太息終何補莊子逍遙豈
是狂萬慮盡除青眼在孤雲明月照行裝

羊城九日和趙鐵源太史韻

北湖南越夢中遊歲歲登高萬里愁三徑欲荒元亮
菊十年羞上仲宣樓海逢九日偏多雨鴈到重陽不

嶺南五朝詩選卷六國朝名宦六

似秋悵望龍山歸未得孟嘉風景事悠悠

陶寅

字虎侯會稽人
有浪遊小草行世

九日石城道中

惆悵登高日崎嶇遊子顏行行黃葉路去去白雲山
絕壑斜陽盡深林倦鳥還臨風一悲嘯不敢視刀環

庚午九日越王臺登高作

登高獨上越王臺颯颯西風天外來雙眼望隨飛鳥
去寸心閒傍瘴雲開當時竊帝人何在今日空江湖

自是慚愧浮生三十度年年潦倒菊花杯

沈鉞

字玉亭仁和人
著有嶺南遊草

晚望

晚霞初散綺海霧接微茫城湧千層翠天垂半壁黃
山還連越嶺鴈已斷衡陽道路寧如棘無由達數行

抵南安

到來山勢盡濃翠滿峯頭盤石通仙窟當空駕佛樓
飛飛憐塞鴈款款別江鷗且喜成安憩遊裝次第收

嶺南五朝詩選卷六國朝名宦七

聞浙中淫雨不止

候驅遠阻海東偏故國愁霖兩月連應乏繭絲供
稅頃憂禾黍薄秋田貧家占歲惟風雨異地思親在
粥飧未識吳中米貴賤時從天末望星纏

不寐

羈人每起步前楹海國多風夜氣清燭影驚蟲吟四
壁柝聲催月上三更愁排夢裏諸無緒詩續舟中舊
未成越秀峯頭朝霧起啼鳥結陣向高城

曾槃

字青黎寧人
著有詩集詩卷行世

端州過訪朱子暇草堂

畏人屏跡久築舍近青郊天地如萍梗文章竟草茅
寒雲籠樹曲春日動花梢酌酒簷坭落低徊舊燕巢

登五層樓

鼓角起城頭郊原落日愁青天平楚盡綠樹片帆收
避世懷張翰依人愧馬周鄉園歸不得獨上五層樓

九日贈翁念吳明府

斷石村前社鼓催十年會識治中才陽山一自韓公

嶺南五朝詩選

卷六

國朝名宦
曾樂李繩遠

八

至嶺表恒多遷客來獨有閒枰能共坐不須叢菊始

開杯天寒爲報人將北看得茱萸折取回

念吳許資
家兄公車

初入梧州無可大師將南歸賦呈拜別

幾年客向搖蠻住消息難真欲問誰白帽風前歸去
日緇衣春盡老來時久傳鸚鵡啣黃祖獨感龍蛇吊
介推此別蘆笙吹漸少知君還有越鄉思

李繩遠

字斯年嘉興人布衣嘗遊嶺
南著有秀覽亭詩稿行世

蒼梧

淒涼荒徼外行客罷登臨郡勢浮炎嶠山形接桂林
苑花秋草沒官樹夕陽沉森森滄江水東流日夜深

清遠峽

何代神靈雨曾過中宿巔芙蓉削千尺絕壁走飛泉
仙馭瑤壇遠丹書石室傳榜歌沙畔月遙對夜峯眠

周有德

字葵初三韓人
兩廣大司馬

曹溪

卓錫泉猶湧探奇道轉迂高峯留曉月分水給香厨

嶺南五朝詩選

卷六

國朝名宦
周有德蔣伊

九

得飲人皆樂畱題墨肯無尋源今已到持此問江湖

蔣伊

字莘田常熟人康熙癸丑成進士
廣東督糧道著有南遊草行世

度庾嶺

綠篠清暉動晴雲客袂籠涼生千磴上身入萬山中
松老烟巒鎖溪深雪竇通昔年開鑿處猶憶曲江功

江上入雨喜晴

三日滄江雨朝來破杳冥瀑飛千澗白烟豁萬山青
鳥語穿林出蟬聲隔岸聽舟人遙指點斜照落前汀

過大庾嶺

石罅疎花雨裏春萬山高下白雲新獨登絕頂舒長
笑落落青松是故人

粵江舟行

榕陰深碧落霞紅一半秋光客夢中最愛晚涼初月
上鷓鴣聲裏蓼花風

王令

字滑川關中人任廣東
海鹽道轉按察廉使

離聲

嶺南五朝詩選

卷六

國朝名宦
王令

十

空灘有客繫歸舫夢繞雙溪片月懸習靜每來松下
坐採奇還上石峯眠寒驚沙外漁舟笛響過風前蓼
葉天一夕塵情銷已盡邯鄲猶傍五雲邊

登越秀山

石磴橫封百尺蘿遊人特特雜鳴珂峯前謾道蒼松
古澗底曾經浩月多偃仰乾坤畱一葉浮沉日月見
雙螺雄圖自昔皆成幻此日登臨意若何

西樵樵話

西樵歷歷水雲賒中有幽人石徑斜慣傍村姑談井

白時同野鳥課山花峯頭獨撰義山詩嶺外平分
許家可是溪山千古業逢人兀自說生涯

朱四輔

字鑑斯一字鐵輪揚州人有大才平南老
藩聘置幕中甲寅間稍知蕭牆之變即辭
度嶺其知機若此著
有嶺南行草木刻傳

次答黃積菴

求友天涯度嶺雲名場揚詔盡諛聞眼前月旦空餘
子物外風標獨對君銀管筆花春爛熳綺談塵屑夜
紛紜相期不是陰何侶看爾天家鐘呂文

嶺南五朝詩選

卷六

國朝名宦
朱四輔金允

士

別黃積菴

特于戈漸起

劍橫霄漢幾曾磨一片微風欲渡河堪笑尉佗雄氣
少漫誇陸賈橐金多寒梅有信還生蕊淡水無風自
作波今日尊前重離別臨岐握手一高歌

金光

字公猷義烏人隨平藩開粵題授鴻臚寺
卿禮士重文為安達從逆時所害著有樵
軒草
未刻

遊南華

掬水尋香願已成幾從洞口駐長征登臺未證空王

法勒石慚畱倦客名白象馴時雲自繞黃梅熟後雨
初晴脚根踏遍翠微路一笑浮生此日情

又

名藩崇佛闢荆榛古刹巍峩此日新衣鉢自歸從獵
漢溪山長供賃春人花開錦石呈真趣雨過平田占
好春最愛愁山老禪悅南宗寂歷又傳薪

戴夢暘

字怡清江南溧陽人明經任廣州知府轉
雷廉道慈許愷悌廉潔端誠著有詩集文
世集行

嶺南五朝詩選

卷六

國朝名宦
金尤

士

和丘曙戒新柳

尋常試馬舊章臺荏苒嬌枝拂露來爲怯早春寒未
褪羞合金穗不曾開

又

淺深春色亂啼鴉幾處柔絲帶雨斜記得相依南陌
路又驚疎影上窓紗

又

啼尚憶灞橋邊無那春愁蕩綠烟謾怪折來腸欲
斷天南飛絮白於綿

又

眉黛新從淡處勻絲絲無力不勝春閒來欲倩調毫
笛一望烟迷愁殺人

韓允嘉

字天生濟南人順治戊戌進士任東安令
卒於官著有韓子文集韓子詩年行世

贈宗兄韓泰初將軍

幽燕產異將威鎮海門東孫武韜鈴後韓彭功烈同
錦標浮赤日羽扇定塵烽四野瞻寬父票姚信我公

別墅觀麥

嶺南五朝詩選

卷六

國朝名宦
戴夢暘韓允嘉

士

現田有歲四成荒愧不如農早報塲家計苦營髮欲
白國儀無用羽偏傷畱畬聊辦三年蓄富貴悔教十
載忙介酒傾觥老峻子久局柴戶謝炎涼

與琴友熙寰集

百歲安閒幾箇曾竹林深處有佳朋沉沉宦海身仍
入擾擾郵途馬金登面目盡塵心未老文章如錦命
爲憑飄零却記當時話若得成名早作僧

喜清士張理之至署共聽熙寰鼓琴

醉後何妨理素琴紙綠北海有知音相將案上七絃

意共請花前一片心事去昔年思勝賞月明秋閣發
長吟天涯得友難辭醉潦倒寒光夜已深

孫廷鐸

字道宣益都人順治鄉薦授陽江令
井邑西分校舉東文武二闈集十卷

下塘同黃俊升喬梓賦

久有采蒲約扁舟下渡頭風波還自定花鳥盡忘憂
退谷深相得桃源不更求殷勤有喬梓此意那能酬

次草屬菴遠素師韻

昔日桃花塢今成杜若洲方塘臨小閣曲逕枕長流

嶺南五朝詩選

卷六

國朝名宦
孫廷鐸

十四

官罷招尋少山深世味休揀梧清盥罷予意在沙鷗

過玉竦橋

湖後涼生太液波池邊一望長新荷風清樓閣開金
掌日照鳬鷺點翠螺上苑花深晴更見畫橋水滿露
偏多凭欄未覺滄洲遠忽憶輕舟著短簑

清明有感

長安三月遶芳洲僧舍蕭然控上游自怯春寒多閉
戶聊因令節漫登樓烟花欲媚松間客風雨猶鳴樹
上鳩玉案貂襜褕錯落獨看雲樹意悠悠

曹溶

字秋岳秀水人
出爲廣東左布政著有
進士以司農
集行冊

遊南華寺不果紀事

江海應相待乾坤喜獨歸酒中思淨社世外拂塵衣
象鼓容聽法珠幡對掩扉少時求馬意到此失翻飛

又

汎溜爭孤鶩攢山過萬重遊人疲應接僧飯約從容
路僻宜香雨松涼出暮鐘微言娛老外親許見南宗

語溪夜泊

嶺南五朝詩選

卷六

國朝名宦
曹溶

十五

春水西迴未解冰重裘不寄冷難勝心窮進退兵戈
阻路過燕吳歲月增飛鳥迎人過短艫浮雲作雨暗
孤燈舊時霸國人何在自向漁樵數廢興

九日龔芝麓總憲招識慈仁寺

遙天吹角鬢絲稀南望鄉心未拂衣象管銀箏今日
聽紫萸黃菊故鄉遠眠依冷石孤吟起醉劈霜螯萬
事非無力銷兵真可歎冥鴻還傍五陵飛

梁清標

字玉立號蒼巖一號棠村真定人
未進士舉官大學士與少宰嚴五葵石華

熙寧內所編三梁先生公其一也康
熙本使嶺南著有蕉林集室村集

行世

贈王夢航中允外補嶺南副憲

再起東山尚黑頭
雙旌六月下虔州
百泉久許供長嘯
千騎今看借壯猷
地軸雄當甌越會
灘聲秋合貢章流
江城曉色如圖畫
按部褰帷亦勝遊

寄懷王敬哉年兄

兩年聯珮鳳池頭
把臂論交想勝遊
花下開樽頻問字
月中聞笛醉登樓
故人魚素經時隔
大陸風煙入嶺南

嶺南五朝詩選

卷六

國朝名宦
梁清標

七

暮愁三徑知君長
自掃可能寂寞憶
羊求

寄懷魏石生給諫

遺笏家聲自昔聞
中原朋好獨推君
燈前各掩思親淚
闕下猶傳諫獵文
寤寐懷人懸皎月
風塵許我附青雲
黃花濁酒登高日
待爾銜杯坐夕暉

送田髯淵歸水西草堂

陰陰津樹孝廉船
愁擁詩囊落照前
久識謝莊當獨步
誰令越石讓先鞭
人歸烟雨江南棹
客散風雲薊北天
行矣著書三郢曲
漢庭終誦子虛篇

送周量職方出守桂林

使君庭列五驂騑
把酒燕山別緒微
鉅潭邊蠻雨暗
鷓鴣聲裡楚江秋
登科衆媿劉司戶
騎竹兒迎郭細侯
獨秀峯青供嘯咏
才人作吏白風流

送蔣莘田糧憲之嶺南

東風曉拂嶺南裝
竹簾猶存舊皂囊
到日牙籌驅雀鼠
隨車春雨徧桃榔
臣心不畏貪泉酌
溪口時聞佛國香
戰後民生需岳牧
繪圖曾見入明光

贈陸孝山郡侯

嶺南五朝詩選

卷六

國朝名宦
梁清標

七

榕綠蕉紅嶺色分
廿年五馬滯江濱
春風更浥新膏雨
父老能歌舊使君
敢道蒸嘗齊召杜
于今兄弟讓機雲
舟停桑柘陰陰裏
治郡功名海上聞

高以永

字子修一字荆門嘉興人康熙癸丑連捷
進士初授內鄉令轉安州知州有惠政民
立碑建祠祀之壬申擢戶部江南員外郎
治事入曹察覈煩苦卒于官前州縣之民
多入都哭奠長公孝本中辛未進士庚辰
入粵示以喬梓大集公著有高戶部詩集

行世

沙草行

我行及江濱遠望沙草黃何爲歲未晏顛顛先繁霜
悵焉訊僕夫云乃被飛蝗茸茸類初生悽惻西日光
不惜寸草萎良恐秋稼傷因風問良牧此膏將何裨

秋江吟

臨安城外秋風起催挂征帆渡江水越山淡淡吳山
青及至中流望相似不盡風濤天際來茫茫孤劍自
生哀那堪更望斜陽路秋草西陵古驛臺

除夕

時陳子葵文將南歸

紺宇通珠宮栖遲上苑東九衢猶積雪萬戶已春風
嶺南五朝詩選卷六國朝名宦高以永六

客路明朝異鄉心此夕同絲尊須盡醉無負燭花紅

竹林寺月下寫懷寄兒子孝本

念爾在臨安將飛試羽翰親知自足伴誦讀未應闌
拾芥眞何有忘筌始可觀西湖好風月殊恨不同看

春日本石上人同宋子澍見訪玉虛觀因登

仙臺眺西山分韻得臺字各賦二首

寂寞仙源裏春風二妙來推聽愛西嶺把袂臨高臺
城闕未垂柳鄉關應落梅因思五湖棹遲日重徘徊

又

花宮白玉臺徙倚九愁開連雁居庸去長雲碣石來
支公旣遐矚謝客復雄才日暮方高詠無令歸騎催

浙川雜詩

微風丹水上蕩漾桂舟輕憶昔經過地曾慚父老迎
雲迷夏禹廟草沒漢王城爲問商於野春來幾處耕

新城除夕

黃金臺接范陽山紫水河通鉅鹿關昨日征鞍來雪
裏今朝椒酒報春還荆高故里多游俠燕趙佳人自
玉顏草綠郊原思緩轡天涯應得暫時閒

嶺南五朝詩選

卷六國朝名宦高以永

七

贈梁生

有客常乘下澤車翩翩來往共樵漁西江故宅柴桑
里北海新營水竹居教子尚存曾氏冊謀生多在計
然書看君白恰芳樽畔華絃朱輪恐不如

嶺南五朝詩選卷七 目錄

國朝名宦

朱彝尊 九首

任 垓 八首

魏 禮 六首

馬漢勳 二首

楊佐國 二首

魏際瑞 三首

龔鼎孳 十二首

嶺南五朝詩選 卷七 目錄

吳懋謙 六首

胡文蔚 一首

嶺南五朝詩選卷七

番禺黃 登俊升氏訂定

國朝名宦朱彝尊

字錫鬯秀水人以布衣召入史館康熙辛酉典試江南未仕時常遊燕齊魯間著有竹垞文類諸書行世

大廟峽

連山何迢迢迢迢夕陽外我行曾幾時虛舟入青霞崖傾斷車箱廟古陰松檜遙見靈旗翻微風響清籟川光與天容上下如衣帶縈紫白石明窗浮雲晦

嶺南五朝詩選 卷七 國朝名宦 一

日夕故鄉心山川渺吳會

越王臺懷古

君不見越山高高越臺古複道逶迤接南武北望山頭徧白雲西臨城下環珠浦由來形勝盡高丘萬里天南此壯遊驚濤暗向扶胥落佳氣晴連鬱水浮憶昔中原逐秦鹿五軍失利屠睢戮番君一出玉衡山戶將從征入函谷大教霸象開南溟宵分東井聚五星龍川縣令起嶺表被書移檄馳邊庭聲言三關盜兵至一時按法誅秦吏萬人既築滇陽城千里還開

雒王地漢帝當年爲剖符陸生燕喜出西都冠裳
結須臾變文錦蒲桃絕世無番禺之交一都會因山
築臺落天外百丈迴盤信壯觀三時朔望長升拜自
古騶糜稱外藩誰令市鐵禁關門不見鮫魚重人貢
旋看黃屋自言尊漢使陳觴更行樂紫貝明犀雙孔
雀重來錦石已成山歸去黃金遂盈橐一從蒟醬啟
唐蒙越騎較尉甘泉中是誰僇殺棄繻者江淮巴蜀
紛來攻伏波下瀨軍三面樓船戈船齊教戰合浦珠
崖隸海隅山薑枝荔移深殿尉佗城圯夕陽原建德

嶺南五朝詩選

卷七

國朝名宦
朱葵尊

二

開荒秋樹根虛傳避暑遊宮闕幾見浮杯出石門木
綿花開山雨積鷓鴣啼處蠻烟碧舊井潛移郭璞城
離宮半入虞翻宅人事消沈信可哀千秋朝漢餘高
臺漢家遺跡不可問吁嗟乎歌風柏梁安在哉

東官客舍一公過談羅浮之勝時因道阻不
得遊覽悵然有作

勾漏來仙令神靈得鮑姑丹砂不死藥竹葉辟兵符
白日飛蝙蝠紅雲泣鷓鴣何能振衣去敢復計窮途

三水道中

浦樹高原盡人家負郭稀夕陽明斷塔風色上征衣
老馬長途伏饑鷹側翅飛寒江日西下不送北船歸

舟次羚羊峽

古峽滄江上重來已隔年生魚同丙穴伐竹擬湓川
有客攜桑落憑誰采石田交州懷步隲臨眺一凄然

逢陳恭尹

零落金吾仗飄搖青翰舟小山聞種樹大澤見披裘
滿地王孫草連波海客鷗相看惟涕淚不爲說窮愁

謁張曲江祠

嶺南五朝詩選

卷七

國朝名宦
朱葵尊

三

峻坂盤神樹陰崖鑿鬼工芳塵羽扇冷春燕玉堂空
不觀關門險誰開造化功經過遺像肅千載嶺雲東

送周二之海陽

簷花對酒五蟾蜍此去垂籤萬里餘湖水東西仙令
宅帆檣來往海人墟炎洲雨過香蕉子夜枕潮迴徙

鱷魚後會竹林期莫定相思天末意何如

送蘇郡伯守杭州

新涼纔報上林秋五馬雙旌發薊丘方鎮表存唐國
史郡伯尊人曾左符秩等漢諸侯江湖水氣城陰合

吳越山光軟外收自是前身蘇王局黃州領郡又杭州

任峻

字松輪安慶人順治進士官廣寧道著有集行世

度大庾嶺

疊嶂參天峻南交一徑通山盤九折坂馭叱五花驄
朔雪誇梅白蠻烟障日紅崎嶇成驛路子壽是元功
人日

談笑宜今日陽春遍嶺南絲花愁不見椒酒酌仍酣

嶺南五朝詩選

卷七

國朝名宦任峻

四

雨滴空階靜風吹旅夢甜新年人漸老萬慮息禪龕

遊海珠寺

南交大郡五羊城城外天池積水盈孤嶼潮平人逕
絕雙林月照佛燈明魚龍聽法香蓮界旌旆生風細
柳營此處當年真勝地暮鐘曉角若爲情

登飛來寺

高峽寒江水漸平孤舟泊處有鐘聲藤蘿昏黑迷山
徑松石參差擁化城猿繫玉環霜月嘯鶴驚錫杖曉
雲征勞人也是舒州客登眺能無故國情

寺從舒州飛來故云

同阿字大師韓在商遊南華次阿字韻

百笑黃梁夢欲殘官閒隨意可爲歡雲遮赤日豔與
爽雨過青山澗水寒新飭寶林看鶴下舊傳香鉢有
龍蟠不因開士行相引那得芒鞋到法壇

嚴子陵

意薄雲臺隱富春任他天子不能臣當時莫着羊裘
釣文叔何由訪故人

又

天上一星原是客江邊千古尚留臺祇今歎羨狂奴

嶺南五朝詩選

卷七

國朝名宦任峻

五

態何似牛牢總不來

牛牢亦光武故人帝屢聘之不出

除夕

勞人草草幾春秋老大悲歌一蒯緌送過舊愁三百
六明朝應又起新愁

魏禮

字和公寧都人布衣嘗遊嶺南渡復州海著有魏季子文集行世

將之海南過東莞別曾止山

客久當言歸我乃行役始問我將何行瓊海三千里
千里路非遙但阻海中水下有蛟龍屋上有獨遊子

宿何不借陳元孝樂器圖寓樓

樓上不盈掌能容我輩過評人期郭李著論罪王何
夜氣如空谷寒更應白鷺莫言此會易向後恐蹉跎

花朝寄山中諸友

釋冠竹杖向蒼崖桃李叢中三兩家千里獨爲南海
客半春空負故園花小窗永日來飛蝶短草新田有
暮蛙道是勸農晴最好是日名勸農却慚溫飽飯胡麻

題張曲江小像

十月梅花嶺上期短衣曾拜曲江祠石林寒色自終
嶺南五朝詩選卷七 國朝名宦 六

古落日荒亭有所思世士只今無此遇斯人安得有
同時聞君名字見君像風度何如欲似之

胥江夜泊

歸心最喜放蘭橈向晚維舟傍野橋山近不遮江岸
月水清初謝海門潮廣潮至胥江止魚鹽小市繁燈火風露
高天接酒瓢前路尚愁山逼仄望來鄉國益迢迢

過飛來寺

軒轅帝子畱遺趾梁主衰年落梵宮六代鶯花歸大
峽二畱烟雨入孤篷碧流蒼口空濛外丹閣青苔想

像中每覺高天聲欲下聽雲深處不開鐘

馬漢勳

字次游 人著
有東軒草行世

送陳其忱之東平

別路何曾遠烟波海上難無風常有浪不雪自然寒
汝已憐危行吾其耻素食燈前一杯酒含歡兩相看
過藍關謁韓夫子廟

經過此地倍凄然下馬登臨吊昔賢路隔風烟憐僕

御道窮南北阻山川一生勁節秋霜裏萬死孤忠嶺

嶺南五朝詩選卷七 國朝名宦 七

雪前佛骨表畱青史在至今遺像瘴江邊

楊佐國

字荆湖荆門人順治辛丑成進士任鹽
驛道內陞太常寺卿著有侶鷗集行世

謁韓文公廟

高風宛在漫追尋山斗南來重此岑八代文章推鉅
手九重封事識忠心層巒翠鎖長江碧一路烟橫衆
壑陰原道薪傳宗孔孟拜瞻豈止爲登臨

步和權部王子修遊興詩韻

難忘舊好共容臺北望燕雲幾度回白鳳慚無西蜀

句青霜重有右軍才月梁時切三秋夢香浦寧辭永
夜杯 聖主軫憐兵燹後東南財賦自寬催

魏際瑞 原名祥

字善伯 寧都人明經著有
魏伯十文集詩集行世

野狐行

南山有猛虎百獸不敢當野狐假其威出入與同行
狐乃獸妾婦虎為百獸王虎豈惑婦言狐媚誠多方
野狐媚猛虎終當以虎亡

古意

嶺南五朝詩選 卷七 國朝名宦 魏際瑞 八

池亭有好水日日聞秋風崩崩白波浪蕩漾紅芙蓉
芙蓉艷何許窈窕青塘東美人欲贈我波濤無由從

春塘卽事

娉娉誰家女柔髮正墮肩浣衣凍雨後照影北池前
逐伴空聞笑無愁未解憐石門青翠草不似海南天

龔鼎孳

字芝麓一字孝升合肥人 甲戌進士
累官禮部尚書論端毅立朝正直舉賢進
能著有過嶺香嚴集三十二卷
芙蓉齋詞定山堂詩文集行世

春日雨中至南華

浩劫西來願春泥履肯封法雲懸一水香雨散諸峰
沙細青林磴天空午壑鐘蒼蒼初地迴花葉啟南宗

又

老石蟠榕大修篁拔地陰到山羣籟息過雨翠微淡
遲暮悲塵事兵戈長道心風幡珠塔外真有妙香尋

嶺南歸興

尚記章門道緘題託曉風遙憐江閣雪心折海天篷
堠火桄榔黑春衣荔子紅柴荆歸縱嬾客盛五湖東

又

嶺南五朝詩選 卷七 國朝名宦 龔鼎孳 九

春鴈吳天碧離愁計日除畫眉翻翠羽比日到文魚
醉罷真揮袂任來欲捲書誰神誰獨賦珠館散應徐

泊清遠

老樹浮殘堞人家帶戍樓峽平山漸盡江濶月長流
虎氣凌孤柝重聲駐早秋嶺程強半過無鴈識鄉愁

飲顧與治齋中

尺書消息憶鄒陽心折清宵獨繞床真喜幽人名不
辱仰憐江渚稻仍荒病留筆墨諸緣減老羨金焦一
丈強世事總輸龍臥穩年來苦節易風霜

遊峽山寺

夕陽停棹亂峰迷，仄徑蒼雲桺峽低。
戰後地憐飛錫斷，陰多天逼老猿啼。
蕭梁人代空碑碣，帝子亭臺總
疾藜。十丈懸泉驚落慢，快遊真羨倚崖題。

春日遊粵秀山

木棉花爛四山紅，春晝羣蘿到梵宮。
樹色迴浮樓觀日，經聲晴捲海潮風。
香消歌舞珠簾外，頭白登臨戰
馬中。臺上鵲鳩啼碧艸，霜圖猶憶昔人雄。

嶺南元日次秋岳韻

嶺南五朝詩選

卷七

國朝名宦
龔鼎華

十

雲書瑞莢海天晴，虎拜南荒及罷兵。
宮柳歲移連曉仗，蠻花春滿出雙旌。
消愁舊侶心真醉，厭亂蒼生眼
倍清。歸愛白鷗烟外舸，飽看鷁鷺赤霄行。

海珠寺丹霞臺眺望

蒼蒼烟霧捲潮迴，客袂凌風海上臺。
地徙鵲簷軍壘出，門臨蜃嶼估帆開。
方春榕樹浮城郭，窮戰花田問
劫灰。濠上太平諸士女，千船簫鼓夜珠來。

又

載酒輕陰霧未收，憑高一放瘴鄉愁。
青春雨洗田橫

甲白雉人看博望舟，石碣古苔連碧暗。
佛燈殘影抱龍浮，花天絕域懸吳越。
矯首雲中碧玉臺。

佛山訪鄭無傲

鄴下論詩嶺嶠春，芳洲容與得閒身。
披帷琴帙陰偏惜，求友河山遠更真。
二晉韻留瓶拂語，一林天合嘯
歌人。壯懷徙倚橫江楫，暫臥東臯折角巾。

吳懋謙

字六益，一字夢華，寧海人。思好古博綜，
經籍前宗伯陳徵君呼為小友。龔芝麓、
梅村諸先生序贊其詳。卓然不朽，所著有
華亭初集、燕臺近律、芹菴二集、豫章處嶺

嶺南五朝詩選

卷七

國朝名宦
吳懋謙

十一

遊神梅花書
屋諸集行世

雨坐深竹間，適吳江徐松之蕭寺商選詩賦。
此奉答。

谷水吾思久，松陵棹忽來。野雲飄白袷，蠟屐滯黃梅。
鳥向愁邊度，花從句裏催。千秋河嶽集，知爾篋中裁。

又

却喜高人騎鶴尋，處士家老懷三伏雨。曲檻一欄花
瓶酒，黃頭買江魚。小婦踪新鶯啼不住，話到日初斜。

憶故園讀書處

祇可逐風湍惟應托釣竿山泉淪茗細土鍾煮飯寒
樵柵猿知守松門鶴耐看空潭今夜月猶照鹿皮冠

曾青藜麗天招余同超若木方位白溫聞衣

楊參末小飲蕭寺時予有粵東之行

千章夏木散郊墟蕭寺相逢興不踈同舍賓明攜酒
後與鄉天地落花初可憐坐雨依梁燕何處臨風寄
鯉魚惆悵嶺南關路遠蠻烟瘴艸竟如何

秋吟

蒹葭風急大江流野老驚心理敝裘薄有詩篇傳草

嶺南五朝詩選

卷七

國朝名宦
吳應謙

三

澤竟煩賓客到山樓鐘鳴古殿禪燈寂笳落寒陂塞
馬秋寄語南昌周憲副嶺雲溪月幾同遊憲副周伯衡也

嶺南雜詩

辭家便典鷓鴣裘司馬妻其已倦遊路指番禺蠻雨
夕帆迴浪水瘴烟秋降王舊築蓮花寨洞女新開柳
酒樓此日孤身憑眺望短歌清笛不勝愁

乙巳除夕

落拓生涯笑此身漫傾柏酒共逡巡章門爆竹辭殘
臘官閣梅花放曉春天外雲山看去雁夢中兒女未

歸人寒威漸覺今宵減愁見帝風白髮新

胡文蔚

字豹生
人平藩內幕

白鶴峯懷蘇子瞻先生

聞寂荒祠倚落暉臨墉流覽忽歎歎合江樓上詩仍
在儋耳城邊事又非逶迤新苔看鳥下空庭敗葉向
人飛行行我亦羈栖子爲問他年何處歸

嶺南五朝詩選

卷七

國朝名宦
胡文蔚

三

嶺南五朝詩選卷八 目錄

國朝名宦

王又旦 十三首

柯崇樸 五首

陳學夔 六首

吳綺 十首

高層雲 七首

季煌 五首

嶺南五朝詩選 卷八 目錄

嶺南五朝詩選卷八

番禺黃 登俊升氏訂定

國朝名宦王又旦

字幼華 邵陽人 進士 官戶科給事 康熙甲子典試 粵東著有黃涓詩集 文世集行

宿華首臺

亂石夾奔湍我行隨意深選勝崎嶇間幽人多苦心
雲墮竹篙嶺流影松樹林蔥蘢翳山翠不知西日沉
取徑行木杪花宮在層岑細泉天上來苔階有清音

嶺南五朝詩選 卷八 國朝名宦 王又旦

夜氣湛虛明真源疑可尋冷然不成寐高風吹短襟

黃龍洞 南漢主劉鋹天華宮故址

少小愛靈境讀書厭凡碌美人與名山相須娛耳目
南漢昔繁華築宮夾雙瀑甘露與羽蓋萬瓦粲森木
海月皎夜光冶服在虛谷林間散歌聲巖際響琴筑
盤江雖未成豪舉良所獨絕勝西陵臺清漳環平陸
我來問遺踪蒼涼畱樸檄風珮似翩翩變滅隨孤鶩
登見日臺

孤石鬱崢嶸下瞰溟海潮獨踞青林間颯颯生涼颼

傳聞夜將半羲和御雲螭萬里跳赤波千峯盪寒曦
我欲鍊精魂喻景當有時會待天雞叫手弄扶桑枝

與莘田飲梅花村竹樹下望玉女峯麻姑臺

名山斲藥已盈束攜手下山玩山曲不辭空翠滴衣
裳頗愛墟烟散紅綠紅綠藹藹入平沙近傍仙人賣
酒家里俗但傳東嶺背居人誰問南枝花林中列坐
藉泉石竹爲四壁石爲席千嶂猶迷霧氣深二樓忽
漾日光亦起看秀色何嬋娟繚繞雙峯石壁前眼明
如過清虛府身輕欲踏蒼浪天百榼縱橫待夜靜環

嶺南五朝詩選

卷八

王國朝名宦

二

琳珊珊下高嶺不辨麻姑與鮑姑滿天風露青筠冷

望水簾洞

老人峯下路亂瀑對清秋小憩雲中樹遙看石上流

風聲傳海嶠雨脚下循州從此捫蘿去青天倚二樓

曲江

奇絕湓陽路千盤鬱不開韶山飛欲去江水挽還來

世已無金鑑人猶拜鐵胎最憐唐相國祠廟遍蒼苔

南海廟

古廟依山出朱方秋望存紫冥開曙色黃木散秋暎

一氣連龍窟千帆瞰虎門木綿深樹裏曲徑下雲根

經羚羊峽

地湧三江下山窮一綫開亂山吟木葉遙夜宿松臺
村僻鮫人襍林昏越鳥來炎方雷滯久鼓枻幾時回

尋東坡故居

白首南遷客寥陽有姓名海雲秋不落洞日夜還明
莫問青精飯長懷玉糝羹參天蒲稗裏辛苦謁先生

過嶺

壇外仙茅綠乍勻朱方從此度嶙峋惟寒海嶠思中

嶺南五朝詩選

卷八

王國朝名宦

三

土地盡瓊儋泣遠人瘴氣已隨青草沒東風還發桄

花新山川奇絕番州路何負當年放逐臣

嶺上懷古寄舟次季角

橫浦蕭蕭遍綠苔關雲嶺樹倚崔嵬空聞漢室將軍

去尚憶英州司寇回南斗漸高知海近百蠻遙控見

天開緘書遠報同心友親向梅花國裏來

相傳英州司寇之女

過嶺植柳三十
株題詩而去

頂上望鐵橋

南天深處覓飛橋鐵柱依然萬里遙海霧三秋長蔽

日仙山一半又隨潮珮聲斷續麻姑出樹影依稀木
客驕聞道蘇公雨酒頌晦冥終古鎖雲霄

歸白羅浮舟中望鷓鴣峯

四百高峯一杖扶歸來艇子指番禺海流萬里翔朱
鳥雲斂雙峯見鷓鴣已覺塵心還寂寞終思仙嶠入
虛無他年應撰羅浮志紀勝無慚陸大夫

柯崇樸

字寓範嘉善人任中書書遊
嶺海有端州紀遊集行世

研洲詠古

嶺南五朝詩選

卷八

國朝名宦
王又旦柯崇樸 四

端州產佳石琪璧相誇銜包公作守來竟不持一硯
硯庸何傷介節從此見細行苟不吟白珪終有玷
所以聖賢人微尚同戰戰沙洲表令名至今發深羨

菩提樹

菩提西域樹植向梵王宮歲月憑誰紀乾坤託跡同
葉凋堪作楮幹古欲盤空漠漠忘寒暑蕭疎老此中

上弦月

端州分詠

日落晚山紅銀蟾欲麗空玉梳斜掩映金鏡半昭融
不分清輝窄遙連素影同天涯寒夜永腸斷畫樓中

玉屏峯觀梅

嶺外梅花春信早一枝遙洩逗春光托根峯頂雲爲
護放蕊寒心雪作香小雀繞籬爭翠萼幽人憇石挹
孤芳綠知冷落心期在不逐東風入艷陽

端州道中望峽口積雪

炎方冰雪易飄消篷底還驚入望遙一片寒光生木
末半空積素失山椒掉回淺澁依膠浦晨起蕭條擁
敝貂麗景寫成多郢曲却將下里雜風謠

陳學夔

嶺南五朝詩選

卷八

國朝名宦
陳學夔 五

字鹿胎一字倦菴福建侯官人領康熙已
酉鄉薦官兵部職方司管粵省關部重文
禮士著有倦
錄餘集行世

過冷嚴上人江閣

閣下祀肉身佛
從海上移來

愁心倚高閣對子更何言雨氣冥村樹江聲夾寺門
無家僧獨暇多難佛長存鐘鼓傳清夜都忘戍角喧

贈永陽令譚君

故人譚大令此日竟抽簪入口饑寒淚三年老病心
易占悲郭璞經識鄙劉歆莫憶京華事徒令感慨深

春興

結伴招提喚踏青曉鐘靜處雨蕭零紫山風振悲人
日滄海珠寒老客星蘇晉逃禪情獨冷維摩掩室梵
誰聽百城萬卷成何事白馬曾馱貝葉經

郇門紀事

翠華黃屋出營幽紫塞風雲極朔州地上玉魚長自
古歌中黃竹也須愁櫻桃遠薦馳三輔玉璫從遊護
五侯正值藉田躬履畝春風飛處綠盈疇

送郭子之信州

六代興亡半在吳十年知己酒家胡弋陽且拜孤臣

嶺南五朝詩選

卷八

國朝名宦
陳學夔吳綸

六

塚莫向鷺湖辨陸朱

送友人之蜀

春風執手夕陽亭萬里山河劍閣銘蜀道易傾遊客
淚聞歌莫聽雨淋鈴

吳綺

字園次自號聽翁江都人由明經
試第一授中書舍人歷官吳興太守政事
文章海內推重解組後以山水友朋自怡
矣多施留村吳大司馬之約策杖羅浮歸
卒廣陵後學私謚曰憲文先生著有亭阜
集苑香詞六按詞林蕙堂四六宋金元詩
永然松錄事四聲寶鑑
補平原傳奇諸書行世

上莎月

端江分賦

坐望清輝起含情待北堂兔肥思補缺蟾小欲流光
盈手雖難掬如君已漸揚潮生能有信規影漾波黃

過迴龍山

風靜蒲帆遠望舒插天高壁翠何如山疑軒帝騎時
返石是媧皇補後餘巖畔何能逢異客洞中應自閉
靈書空憐行役難停轍不見秦人愧老漁

觀音巖

百丈危峯倚碧天遙看趺坐却依然巖前石長千尋

嶺南五朝詩選

卷八

國朝名宦
吳綺

七

奔海上波飄五色蓮問法緝龍常夜至聞聲白鳥向
秋傳閒雲亦有皈依性日爲金爐起篆烟

夜泊紫雲洞

蓬飄何意更宵征月黑前山問水程火爐寒爐知夜
永暖回孤帳覺冬晴炎方冰雪非常見遠道風波只
自驚遙聽枕柳聲邏裡荒鷄無力喚天明

玉屏峯看梅

百尺危峯倚碧虛憑高舒眺夕陽初雲空却見花爭
放山前還疑雪有餘洞口猿歸香縹緲山腰鶴下影

蕭疎誰能更作羅浮夢么鳳橫斜墜玉餘

家畱村大司馬招飲錫祉堂觀劇卽席同諸

公分賦

碧帳紅蓮未易攀鄭莊迎客夜初闌
席聯舊雨情偏洽筵敞高雲禮盡刪
竟夕悲歡難自主一時頻笑若相關
浣花獨有龍鍾叟扶拜何堪劍履間

登東江亭望硯洲懷古

直下牂牁勢不平蒼崖夾峙失縱橫
天低絕壁雲無影水繞孤城浪有聲
高寺寒泉來往路空亭細雨古今情

嶺南五朝詩選

卷八

國朝名宦

八

今情清風孝肅原千載一硯何由乃得名

尋朝漢臺遺跡

五羊城下草如茵欲訪遺臺跡已湮
上客何來真漢使老夫原是舊秦人
雄圖已盡珠江晚往事徒畱錦石春
惆悵函關千萬里亂山斜日少停輪

珠江春泛

木棉花發共他鄉極望羊城倚畫櫺
樹色曉籠山霧紫江流春帶海潮黃
陸生館廢金裝盡趙尉臺空玉鏡荒
却恨奔濤方日夜梅花偏隔嶺頭香

端州道中望峽口積雪

蓬牕一夜動寒吟曉望千巖雪已深
峯不向陽常故潔雲如抱壑更蕭森
祇因路折偏迷眼不奈身孤益感心
賴有留賓賦道不須回棹比山陰

高竹雲

字詒苑一字菰村華亭人康熙丙辰進士
官廷評甲子典試粵西因遊東粵著有茂
齋詩畧行世

端州夜泊

板橋羚羊峽收帆寶月臺浮家仍散帙
旅泊且深杯

嶺南五朝詩選

卷八

國朝名宦

九

江暝疎星見風長野燒催故園愁歲晏應有夢先回

羚羊峽寺

急峽吞江迴虛亭壓勝偏松坪容問法
竹簷會分泉綠蔭行全坼朱華亦自妍
就僧評硯石蕉葉近來傳臘八日舟過
峽山折桃花一枝置瓶中

回船當臘日暄暖勝春時山寺臨江岸
桃花發滿枝詎嘆童子折却喜膽瓶隨
轉憶朝參候輕冰結短髭院試次何廣
文廷相韻

粵山秋爽逗簾旌瑣院同遊盡舊名
官樹月沉華屋

在鏡臺香散曲池平任教太乙吹藜火可有文芒動
玉衡城柝漸闌連曉角白袍門外擁經生

同人燕集彭艾菴大參齋

潘參新築傍濠梁茗碗香籠間筆牀偶向細君謀斗
酒遂教長袖舞迴廊地蒸漫訝春先到潮長寧知夜
未央醉踏赤闌橋上月勝情端不憶家鄉

題扇頭畫送梁藥亭孝廉

微吟擬共採霜蕓惜別翻先折柳枝爲寫寒條紀行
色玉河三月正相思

嶺南五朝詩選

卷八 國朝名宦
高層雲

上

米換魚

淺沙疎荻隱魚牀出網銀刀一尺長不賣青蚨向城
市却來蓬底換香杭

季煌

字借公錢塘人著
有南屏草未刻

有憶

最是百年內人生不可知遠遊憐有路爲客好無時
婚嫁關心早詩書得力遲故園芳樹發日夜憶連枝

晤鮑子韶

不盡關山路饒來竟遠行無因成事業不幸作書生
沉飲原欺世高吟豈好名與君相對處淚灑越王城

過崔氏園亭

爲愛幽棲地乘閒試一過落梅殘雪盡新柳好風多
臨水思垂釣留鶯欲聽歌平生遊俠意從此謝烟蘿

舟中

蕭蕭黃葉亂烟飛幾處孤帆挂落暉峻嶺鴈迴天際
盡故園書到海門稀愁淡濁酒應難醉客久家山不
易歸今日倦遊思往事西風江上一沾衣

嶺南五朝詩選

卷八 國朝名宦
季煌

上

臨淄

太行千丈接虛空一點齊州落照中試馬昨纔辭冀
北騎鵬今又過山東村醪醉客霜花白野店留人土
鉞紅屈武城邊重歎息可能今日有英雄

嶺南五朝詩選卷九

國朝名宦

袁景星 二十二首

王煥 十一首

陳子威 三首

張世英 八首

高登 四首

顧麟書 六首

馬騰龍 五首

嶺南五朝詩選 卷九 目錄

王肇 三首

毛節 七首

吳中立 十一首

吳潔 十一首

嶺南五朝詩選卷九

番禺黃 登俊升氏訂定

國朝名宦袁景星

字洛山晚號休菴廣西平樂縣人康熙甲辰進士官至通政使司左通政著有休菴詩集三十卷文集十卷行世

卓錫泉

景師昔住山大衆苦涓滴卓錫湧甘泉泉因名卓錫清澄毫髮鑑香潔心神寂底石平如掌源隙不可覓前影寶林寺後鏡千丈壁我來掬水飲心面一齊滌

嶺南五朝詩選 卷九 國朝名宦 一

石上雲英樹頭風淅淅酌泉不解味千古爭餘瀝

洗藥池 有石刻林一仙洗藥池字深入石寸許

巨石自成池飛泉石上落繽紛散烟霧草樹相噴薄
戛石流鈴鈴清冽不須淪林一仙者誰何年來採藥
服藥求長生幾見遼陽鶴我聞壽者相難免到頭錯
池澄我心悠且作飲水樂

羅浮道中用子瞻先生羅浮道院韻

籃輿渡羅陽清淺後先揭岸石何壘壘洲沙殊細細
涉歷遊山人滔滔今古逝道旁多舊村頽屋仍荒砌

北風陣陣寒拂面，掀衣袂牛逸滿山原。縮項擁深囊，徑微荆棘蒙牽挽。我裘敝行經黃牛，陁塞瑾備改歲。仲冬一陽還，橘收挺出荔嚴寒。欸冬開鮮香等蘭蕙，漫言學長生幽僻堪避世。諸溪清可鑑，洗袂陋修袂。我爲世外遊，僧道皆兄弟。擔穀者何之，冲虛納租稅。冲虛觀常住和四子石爲人乾沒上太守子

遊羅浮用子瞻原韻

羅浮峻極難與京，華首夜宿聞雞鳴。三千餘丈飛雲頂，子時日出海天明。丹成葛稚昇仙去，野人至今猶

嶺南五朝詩選

卷九

國朝名宦
袁景星

二

長生神湖桂樹在何處，平田嘉穀皆仙耕。朝斗壇前星煜煜，夜樂洞內鼓彭彭。仙姑箕踞麻姑石，云服雲母能身輕。竹葉符傳仙篆筆，朱明洞口石猱猱。山靈自昔福人國，金龍玉簡來王庭。玉清高上頻朝禮拜，受心印黃庭經。瑤石臺西寶積寺，卓錫泉潔與心銘。我來一身輕似紙，人間不復問公卿。吁嗟乎地缺東南天西北，五嶽何爲有不平。

惠州王太守子千別駕俞介石招遊豐湖同

龔翰林含五漫賦

湖堤幾百丈，官舫隙堤通。臺榭水光裏，烟嵐山色中。掠舟飛鳥疾，漏網躍魚雄。轉入前灣去，清香又不同。

賦贈黃積菴

識君何太晚，一見若平生。氣味芝蘭馥，精神冰雪清。道心既爾篤，世累自然輕。著述忘年老，傳文非近名。

又

精舍如勾漏，到來幽興長。一塵臨市井，半榻臥羲皇。日月輪君逸，風塵笑我忙。牕前花石韻，坐久白生香。

白端州轉廣州

嶺南五朝詩選

卷九

國朝名宦
袁景星

三

端州十日住，又復五羊行。風日有餘意，烟波無限情。遠江看鷺起，近岸聽蟲鳴。老去猶爲客，悠悠百感生。

登飛雲頂卽事

展陟飛雲頂，經行松樹林。層巒當面起，仄徑轉巖深。不憚攀躋險，因符夙昔心。山靈如有意，霧捲見巉嶽。處士屈鴛潭，廖南瞻黎方。回廣文郭遠，菴黃

伯倩諸子遊雷峯

雷峯寺何處，山半萬松林。潮送歸僧楫，風吹遠梵音。木棉墜葉響榕樹，覆壩深爲語。同遊客誰非，清淨心

又

憑高環四望野色正蒼蒼寺後松筠綠園中橘柚黃
危橋接岸斷清磬越林長何處木犀放悠悠度暗香

海珠寺并序

廣州城南大江之中有巨石約數十畝頂平如砥建寺曰海珠山門外臨江有卅霞亭佛殿後有宋忠簡公李邦英祠像在焉今寺半圯原以女牆為砲臺設兵守之

丹霞臺峻晚風颼日晡登臨萬里秋隔岸羊城真海市回頭蕭寺是蜃樓紅塵隔斷同三島弱水澗環若十洲安得消磨兵甲氣餘生老此更何求

嶺南五朝詩選

卷九

國朝名宦袁景星

四

壽石制臺

鈴閣風清九月天稱觥士庶擁堂前蟠桃熟際三千會名世奇逢五百年爐內丹還光燭爛庭中鶴舞羽翩翩願公勲業垂青史丹楫熙時利大川

次韻答黃積菴

羨君矍鑠更童顏鎮日長吟斗室閒薄宦只因完壁出急流猶幸見機還壯行未遂一身老逸興難刪兩鬢斑願子嗣今勤著述求書有詔華門頒

志感

三月萋萋百草芳江樓過雨夕陽光人間那有返魂術世上虛傳續命方點點荷錢初貼水搖搖蕉葉半遮牆良辰獨我情無賴愁絕薔薇滿架香

過博羅縣疊韻二首

環山臨水起危城後倚名山疊嶂橫羅浮山在縣治之後草木冬榮仙邑暖川原朝爽洞天清萬家烟火民猶庶百里花封政自平獨坐孤帆觀不盡迎舟飛鳥自多情

又

扁舟再歷博羅城環顧羅浮黛色橫仙跡久湮山寂

嶺南五朝詩選

卷九

國朝名宦袁景星

五

寂海潮不上水清清朔風入郭千門掩冬稼登場萬畝平我欲扶筇訪葛稚朱明無路不勝情

惠州白鶴峯拜子瞻先生遺像

一鳴輒去謝鷄羣宅趾為祠對夕曛惠州東坡祠立即先生故宅

側至今傳過子先生季子過隨來侍幃當日失朝雲惠州今塑像於旁

朝雲先生妾故於惠州放流不改孤臣節安置從寬聖主恩幼

學壯行無處着感時涕淚我聲吞

王煥

字紫詮一字南區北直寶坻人惠州太守今陞川南道著有憶雪樓詩集行世

石濂師同遊羅浮贈詩用東坡安期生韻

頭陀本奇士任俠能神通汗漫五嶽遊但訪黃石翁
四十七年前貫口飛白虹潛身學黃老守雌忘其雄
旋復愛行脚振錫昌宗風建利遍名區如象還疑龍
法臘六十餘清臞同孤松曳杖追飛雲步履遺雙僮
荷鋤自移樹肩袖隨羣蜂賦得億萬言休嗟生不逢

秋夜

劉琨祖逖真迂儒夢裏聞雞共起舞侃兮碌碌胡太
勞跼也孜孜不足數明星有爛東方晞弋鳬與鴈終

嶺南五朝詩選

卷九

國朝名宦
王煥

六

無補何如莊叟逍遙遊九萬扶搖凌尺五渺爾宗生
破浪風冷然禦寇真堪伍炎荒秋熱夜不眠披襟獨
坐空懷古終宵蚯蚓不住鳴恍惚騷人吟思苦

重九後二日度羊蹄嶺

嶺路羊蹄仄崑崙逼帝關泉聲來草裏鳥道沒雲間
老樹迎飛蓋秋花認墮環

花色紫艷
名玉環脚

登高前日會拳

石笑龍山

正月望前三夜偕同人登靈山寺聽泉

地脉來天上尋源逐響行月明隨梵遠風細入鐘清

山水誰賓主文章自性情登臨成雅會還擬濯塵纓

三水舟次別同官羅水裕陳元敷

異地如萍聚臨歧意自牽身隨歸棹轉心共去帆懸
浙瀝當牕雨迷離隔岸烟今宵如剪燭應念未能眠

乙亥仲冬將之川南自省旋郡再登署樓志

感

此日辭浮嶠何時到夜郎丹砂逢抱朴清夢入蒙莊
春水瞿塘急秋風漢渚長非關有畱戀但覺意茫茫

己巳四月廿六日至惠州任事用東坡初到

嶺南五朝詩選

卷九

國朝名宦
王煥

七

惠州韻

驛路風烟三月中到時民吏賀年豐攜簞驚避鷺線
女曳杖歡迎鶴髮翁雙嶽浮青來檻北兩江澄碧合
城東衣冠似比他邦異文獻遙遙憶長公

約季唯公遊羅浮

之子盈盈隔水西近來消息托鳬鷺湖邊醉月惟三
客亭上吟詩空一題兀坐江樓看野燒擬尋丹竈躡
雲梯知君定鼓東來棹同聽天鷄洞口啼

舵樓坐月

出峽雲開月倍明江空天宇總澄清一帆風露秋無
際兩岸蒹葭夜有聲苦茗力能消夢境濁醪理可化
愁城二三知已纏綿話不覺荒雞報四更

鎮海樓

吊古憑高夕照催蒙茸蔓草越王臺層樓丹聳晴霄
上疊嶂青迴瘴海隈望裏烟雲迷斗極靜中松檜吼
風雷從來多少南遷客王粲登臨且莫哀

次韻酬朱十洲

說劍論詩二十春韓翃才調豈長貧螻蟻湫火終爲

嶺南五朝詩選

卷九

國朝名宦
王煥陳子威

八

雨驥脫鹽車自絕塵昔有信陵能養士今無平仲善
交人寸心甘苦嘗應遍莫漫相逢便許身

又

搥鼓何如痛哭狂嵇康原自具龍章無勞招隱尋山
桂且共吟詩看野棠誰道古今惟鮑子可知天壤有
王郎羅浮四百峯非遠肯向其中築小堂

陳子威

字嵩山侯官人現任廣東南韶道今
陞陝西莊京道著有嵩山新集行世

舟發洪江

七載從戎海外回驪歌又過越王臺青溪遠帶三山
出白浪高翻九曲來長劍欲從天際倚輕帆初向日
邊開關河萬里今朝發猶醉家園昨夜杯

送高因齋歸里

三秋蕭寺接芳踪萬里欣瞻有道容天下高賢皆握
手古來百史盡羅胸揮毫月上青藜閣攬轡心懸烏
石峯寶馬攜將遊篋去名山大澤記重重

送李嗣公之蜀

祇因巴蜀重相如爲向司徒借著書帷幄三秋吟月

嶺南五朝詩選

卷九

國朝名宦
陳子威張世英

九

後峨嵋萬里踏霜初官從身府新持鉞客是龍門又
曳裾獨撤故人燕市外一生肝膽對誰舒

張世英

字千子一字退菴韓人現任鎮黃旗漢
軍拖沙喇哈番駐防廣東兼管防禦著有
倚劍吟行世

秋感

側耳聽西風塔下動搖竹採菊籬畔行幽香心欲掬
天家宵旦勞戮力豈我獨淨掃茅茨塵待來俠客宿
心清似玉壺無疑何可卜堪憐水上萍隨波任往復

臨流酌綠醅金甌焉得足高歌從大風出中太半熟

賦得樹樹皆秋色

爽氣滿深林亂蛩吟白露蒼枝怨月枯紅葉驚風度
寂寞嶺頭雲蕭森江上樹旅燈惜夜長客夢還家數
野菊那堪食悲秋難爲賦鏡中髮未星莫把年華誤

送春

九十繁華歇梅黃鶯語絕芙蓉滿綠塘柳絮飛輕雪
豈承那堪愁春歸情更切花神若有知莫負今宵別

焦山

嶺南五朝詩選

卷九

國朝名宦
張世英

十

山隨高士姓蔥鬱幾千年萬木籠幽寺雙峯擁碧天
參差朝遠岫浩蕩鎖飛烟遊倦憇巖石依稀坐寶蓮

過大忠祠

內有宋丞相文入祥陸秀夫
張世傑等遺像賦此感懷

正氣歌殘宋室灰千秋形影重徘徊海中日落厓前
恨柴市神歸世上哀曾立二君延聖廟長經百戰憶
奇才一身殉難忠臣事遺志難平隔夜臺

遊飛來寺

古刹飛來不記年遊人繫纜步高巔青山對峙千峯
月綠水中流一線天花拂雕欄香繞砌雲橫斷岫影

衙烟攜樽共友消清夜設設松風遠市塵

夜坐

夜長閒對寂寥燈獨坐攤書靜似僧更漏催人頻入
夢春花月下影昏昏

梅亭閒步

亭畔芳梅占早春幽香滿院淨無塵閒遊少倦憑闌
立鸚鵡隔簾說有人

高登

字跡齋遼東人駐防廣東驍
騎校著有問古堂集佚刻

嶺南五朝詩選

卷九

國朝名宦
高登

十一

馴鶴

緩步意遲遲凝眸若有思別來天上路翻傍竹邊池
明月迷孤影寒霜掩素姿自憐風韻別幾度夢覓癡

喜晴

淑氣透紗牕飛飛燕子忙捲簾開醉眼提筆寫枯腸
草爲連陰綠花因向日芳平田驅健犢驚起鷺行行

夜集問古堂見庭桂將發詩以催之

清宵同集挹秋光逸興偏宜夜漏長遠寺鐘聲明月
去閒庭竹影晚風涼新醪未盡人先醉嫩蕊纔含樹

已香未許吳剛頻砍折相思多在水雲鄉

仲春家捷之回都賦此贈別

楊柳依依兩岸烟春風江上送君還別來家國人三
載壁畫山河路八千匹馬頻嘶殘月裏片帆飛渡夕
陽前到時應及芙蓉發好向天涯寄一箋

傾麟書

字玉書錢塘人著有
江鴻集有逸草行世

重陽前三日同北臺大師度梅嶺

路向雲中出人從天上來三秋無鴈過九月有花開

嶺南五朝詩選

卷九

國朝名宦
題麟書

主

撲面青山冷驚心白髮催一生能幾度萬里去重回

贈嚴生聘麟

慷慨嚴公子風流正少年才名吾黨重詩句鄂人傳
解劍平原坐論交劇孟前相思不相見明月照吳川

厓門

五代如棋孰不亡孤兒寡婦獨堪傷昨移猶下中宮
詔風起空焚丞相香帳殿影消春草綠樓船人去晚
雲黃追思昔日陳橋驛曾落王孫淚萬行

山行卽事

無邊官路倦還行行盡山程接水程啼鳥似歌難辨
語野花如繡不知名風塵豈復憐人事景物無端感
客情歸卧釣舡吾願足柳橋春水一舟橫

惠來道中

盡日馳驅海岸東亂峯環繞一谿通隔林紅溼荔枝
雨劈面涼生蕉子風客路千盤青嶂外山城一曲晚
烟中江南風景差相似草店疎籬處處同

舟次惠州道中晚步卽事

爲憐春色客中過且繫行舟一踏歌竹徑漸深沙路

嶺南五朝詩選

卷九

國朝名宦
題麟書

主

軟人家將近野花多聲聲啼鳥催殘日處處青山浸
碧波自笑浮生真可惜一年好景又蹉跎

馬騰龍

字卧仙文水人康熙庚子鄉解現任
香山左營都司著有題泉諸集行世

雲州

八月來邊地臨風倍愴然淡雲開白日危石咽寒泉
嶺疊三盤路山分一線天傷心城上望落落幾家烟

秋夜

夜半誰聲起孤燈尚在屏潮聲迴暗夢竹影倒殘星

露淨天全白雲開嶺半青報衙何太早鼓吹入疎櫺

南陽懷古

南陽晚過帝王鄉廟宇巍巍古道傍茅屋數間炊冷
甕寒鴉幾點掠斜陽牛羊向夕知歸路草木逢秋易
染霜可歎英雄千載後勞勞興廢總無常

易水懷古

易水悠悠去不禁飄然葉下亂長林月明古岸洪濤
險霜落危橋石路深說劍高風成往古披圖俠氣竟
傳今祖龍二世原天定徒見荆軻枉用心

嶺南五朝詩選

卷九

同朝名宦
馬聘龍王

古

粵臺懷古

岩巖郡閣正徘徊此日何當聽馬哀庾嶺人歸梅正
放羅浮蝶去夢初回一江秋水連天動兩岸人烟日
雨開不見昔年朝漢者至今猶說陸生才

王肇

字也癡慈谿人著
有耕雲堂集俟刻

除夕

爆竹驚殘夢孤燈照不眠愁多偏此夕夜半是何年
椒酒客中老梅花雪後妍曙光還坐待春色滿前川

山居

萬峯繚繞結茅廬獨坐看雲得自如地僻不嫌人跡
少老來低覺世情疎風聲斷續飛殘葉樹影空明落
素書自是日來無客至綠苔深處曳長裾

題山水圖贈友

古木層崖歲月深茅茨高下盡清陰閒來煮茗燒黃
葉老去冥心在素琴地靜藏書常滿架籬疎種竹漸
成林門前一望羣山繞歷歷泉聲助短吟

毛節

嶺南五朝詩選

卷九

國朝名宦
王肇毛節

主

字季先廣昌人茂才隨許提
軍官與著有懶墨草俟刻

遊永福寺

寺冠湖山勝頻消靜者機小橋通畫舫曲逕入禪扉
烟斷香厨冷日沈古殿非蘇公留帶後零落幾緇衣
寒夜感懷和姚非漁韻

悔向王門學曳裾北山清冷十年餘參稽不貴陳琳
檄痛哭徒勞太傅書吾道莫容一至此人生已老竟
何如草堂未息殘燈火一照寒林慎起居

又

失路何須淚暗潛病貧未許縱餘閒林間採藥饑嘗
草嶺上鋤雲飽看山風雨一簑身自健鄉關萬里夢
難刪高秋夜夜苦寒月却照天涯旅客顏

文文山先生次庚辰六韻

茫茫何處辨皇州仗劍揮戈豐水頭萬里間關烟瘴
老百年事業海天秋山川不解英雄淚君國徒勞義
士愁一去燕山歸夢杳宋家祠廟亦荒丘

春日訪黃愧華話舊

花飛無處遣春愁策杖西城訪舊遊酒熟甕頭情自
嶺南五朝詩選

卷九

國朝名宦

毛節

六

放詩成林外興多幽人生却喜風塵謝物理難將筆
墨酬回首故山歸路渺飄飄雲水笑浮鷗

呂位參元戎錫嘏堂蜀茶花盛開邀同賦賞

名花艷盡漢宮粧蜀地移來錫嘏堂故苑香消辭杜
宇新枝日暖傍扶桑絳紗巧護風姨妬紅袖閒看月
姝忙報道九重春色滿一枝搖曳出昭陽

至日呂元戎幕府偶成

嶺南風土十年來却羨陽生春復回病骨幾愁沉黍
谷衰顏今喜傍雲臺治安有策頻思賈高尚無由獨

憶梅多少五陵人在望不堪形影共徘徊

吳中立

字無菴一字天漁建昌南城人康熙乙卯
入太學甲寅隨定遠大將軍駕平滇南
辭不敘功雲遊名山大川豪吟爲樂
丙子杖至羅浮著有南征彙草行世

隨和碩親王出山海關謁陵應教

帝裔光先緒嚴程萬里遙出關遵海嶼稽首仰星杓
聖澤瞻無盡皇圖永不搖小臣叨侍從天樂奏咸韶

班師復登岳陽樓

登樓無限興萬里凱歌還勝夬廟廊上恩深天地

嶺南五朝詩選

卷九

國朝名宦

七

間雲開紅日近波靜白鷗閒十載渾如夢臨風兩鬢
斑

舟過蓬萊灘

灘道蓬萊險舟臨浪忽平江天秋一色星月影雙清
鼓掉驚魚夢飛雲送客程十年曾過此山水舊時情

謁孟夫子廟

縱橫爭勝日仁義獨昭宣論削時王色名齊往聖肩
高風開後學私淑繼前賢得力從何處應知母教先

登泰岳觀海

泰岳峯峯別浮雲片片忙日光包地缺海氣補天荒
杖引岩巖境人忘名利場迢迢觀宇宙何處是行藏

過惠陽望東坡亭偶見朝雲墓

風催江上棹未及一登臨學士亭如昔佳人墓至今
遙看情已到回望意猶深只此千年後勞人長短吟

秋日步晴川樓

凝眸高曠望無邊曲水幽深繞檻前隔岸遙聞仙子
笛長江不見楚王船詩無好句慚明月袖有清風自
碧天今古登臨人幾度相逢猶是舊山川

嶺南五朝詩選

卷九

國朝名宦
吳中立

大

上蔣懷熊左都奉

命祭南海神廟時同在
粵中

驛連山左通淮水帆入西江度嶺巔萬里舟車迎使
節幾行旌旆漾晴烟珂鳴海國雲霞外手捧朝章組
豆邊到處民情歸記室還朝知上采風篇

晚眺

日落半天赤望窮未有涯暮雲歸遠岫古木立寒鴉

謁武侯廟

已定三分鼎如何兩出師至今先後表讀處淚雙垂

漁歌

長竿不滿丈釣起蚌珠來光映徹天際海門夜半開

軍中卽事

柳營常望日草莽不呼臣試看千秋事安危在一人

吳灝

字玉濤一字晉濤宜興人明經現任三水
少尹康熙丁丑以賢明委署堂篆課農
畝重士愛民服則鳴琴賦詩臨帖爲樂
有燕友樓詩集靜香詞四書文稿行世

鏡銘

我容爾似爾容我似我懷伊人亦既觀止彼何人斯
庶幾君子

嶺南五朝詩選

卷九

國朝名宦
吳灝

充

又

能鑒爾容能寫我心心之感兮其容如秋心之樂兮
其容如春

又

我心莫憂我心莫喜湛然虛明圓光遍視豈曰忘形
千古知己

上蔡署卽事

二月故鄉別開山千里違高堂喜聞健清暑散炎威
樹裏聽黃鳥牕前暗紫薇夜來新月上相對愛清輝

出都留別

五斗何堪竟折腰馬卿詞賦羨題橋著書自愧難成
蠹提筆誰能解續貂萍跡聚時偏易散歲華添處正
惜消此行不遂懷鱸膾五嶺梅花又見招

度庾嶺至肄城作

巍峩豈藉五丁開還憶曲江濟世才絕頂漸看雲出
岫懸空遙聽水成雷冰葩莫道枝難折驛使從教去
不回聞說崑都今非昔不妨琴鶴更重來

初至三水署中口占

嶺南五朝詩選

卷九

國朝名宦

三

一行作吏愧無才荒署荆榛手自開夜漏欲沉門不
閉曉烟初動客頻來松間且飲胥江水花信還思庾
嶺梅莫訝官閒無一事熙熙從此躋春臺

又三月四日西郊小樓登眺偶成

漠漠輕陰殺雨天小樓間眺思茫然漁帆隱約溪鳬
轉燕剪頻翻柳絮眠山黛遠聯芳樹裏波光微瀟白
雲邊爲憐花事春三月留取春心看杜鵑

花山寺口占用壁間韻

烟雨濛濛玉鏡臺隔江遙望水雲來空山樹木參差

見五嶺江河次第開仙掌未湮留白石龍鱗欲動漬
蒼苔笑予司牧慚無術何日休徵化劫灰

徐式玉出雙索字爲題此詞

鼠鬚班管薛濤箋妙寫鵝群道德編若箇金臺還禮
士對君重憶李延年

渡錢塘江望山色

小舟高挂片帆風千里秋山一望中浩渺水天何處
綠碧雲江半夕陽紅

嶺南五朝詩選

卷九

國朝名宦

五

嶺南五朝詩選卷十 目錄

國朝名宦

王士禎 二十九首

吳興祚 八首

于覺世 三首

郭爾肥 二首

錢三錫 二首

胡雲客 四首

周道成 四首

嶺南五朝詩選 卷二 目錄

周在浚 七首

劉雲鋒 四首

江山 八首

羅爰發 四首

杭居敬 二首

蘇全許 三首

吳煥 三首

黃輝斗 首

羅雲 四首

劉鋈 三首

丁澍 四首

朱綱 八首

門應瓚 九首

陳都 六首

姚東明 六首

胡邵瑛 六首

陳治 十八首

史斌 六首

嶺南五朝詩選 卷十 目錄

吳壽潛 九首

黃鶴巖 二十四首

戴崑 四首

陳金 十二首

孟崧齡 四首

楊式清 三首

劉授易 五首

吳子俊 四首

楊兼善 九首

楊士吉 十五首

顏允珪 八首

魏 坤 六首

秦錫朋 四首

今同五朝詩選

卷下 目錄

三

嶺南五朝詩選卷十

番禺黃 登俊升氏訂定

國朝名宦王士禎

字貽上一字阮亭山東人順治乙未進士康熙乙丑奉 差祭南海神廟現任戶部左侍郎著有漁洋集慎密堂詩品南海諸集行世

南山詩

南山何幽幽白石何齒齒其上興烟雲其下流澗水
吾廬未寥廓頗枕南山趾潭水綠東春澄亭溯牕几
散髮弄溪毛小汀呈蘋芷山廚富豐蕘餘乾粃
嶺南五朝詩選 卷十 國朝名宦 王士禎 一

縱未賦閒居聊復遠城市不知風塵中奴價增倍婢
贈程周量

我聞羅浮三千六百丈峯巒拔起朱明天黃猿白鶴
去不返麻姑遺跡今依然又聞西樵突兀出海底驚
瀑下與洪波連程子亭亭秀南海結廬正在羅浮巔
金橙桂子散秋色璵璠萬樹搖風烟濯髮欲泛溟渤
去讀書自抱雲霞眠一朝上書動天子上林筆札人
爭傳山鬼窈窕歲已晏翻然挂席滄江邊七載相思
一傾倒雄談岸幘如飛泉我今荷衣正憔悴有文百

軸誰當憐卽君聲名滿天下短褐徒步猶逌逌吁嗟
乎男兒結交貴意氣錢刀馳逐胡能然何當從君羅
浮乞數椽共卜茅茨傍華首青羊作御時周旋

寄懷孫仲孺

憶爾掩關處籠濱間女蘿鹿場秋色暮魚簍雨聲多
西墅山皆好南樓興若何隔年殘雪別不見尺書過

郊園見梅懷周量

殘臘郊園路行吟感病身花開湖上雪春憶嶺南人
風物添愁劇江山入夢新梅開千萬里相望一沾巾

嶺南五朝詩選

卷十

國朝名宦
王士禛

二

送丘海石令高要

少日千夫敵中年萬里行春風江上棹花事嶺南程
翠羽晴波媚楓香暖樹生遠遊當叱馭百粵已銷兵

撫琴渡

伯奇琴處

明月生琴渡似聞彈履霜猿聲何處發今夜宿江陽
更有巴渝曲能需旅客裳楓林前路遠葉葉似瀟湘

保定懷古

蛾賊西來日還趨上谷城國殤誰效死上相本專征
夜送中軍歟天留別駕名更聞真御史止水至今清

九日謁昭烈惠陵

萬里登高日橋山白露寒至今悲蜀帝何處問祠官
杳杳衣冠閉淒淒封樹殘錦江非渭水猶作霸陵看

大雪渡潯陽江

江水下江州茫茫九派流雪迷宗炳宅興發庾公樓
六代空殘壘千年此上游可憐形勝地擊楫未消憂

歸度大庾嶺

大庾連橫浦艱難此再經鬢從五嶺白山入百蠻青
嶺水流炎海格陰數上驛亭今寄望南斗漸遠使臣

嶺南五朝詩選

卷十

國朝名宦
王士禛

三

星

張文獻公祠

峽寺重雲裏人瞻丞相祠開元如鳳昔風度想當時
羽扇三秋恨淋鈴萬古悲何來雙海燕猶自入簾帷

十五夜峽口對月寄廣州故人

峽口今宵月其如客思何離離見珠斗移移展金波
故壘餘蕭勃殘山吊尉佗珠江猶一水相望似秋河

二禺祠

軒轅二帝子聞住綠雲間世遠無遺跡夕陽空亂山

攀髯失弓劍采藥異荆蠻猿鳥青冥裏應悲去不還

蒲澗寺贈範公

我來蒲澗上萑蒲方紫茸水流危石底雲出半山巾
布席枕椰樹吹衣荔子風還將鐵如意日暮對支公

濂泉寺

閒隨綠蘿去忽與碧溪逢水石微通徑烟霞獨倚筇
寺門編芳竹磴道入雲松尚憶安期子青天跨白龍

粵秀山

越王古臺上春暮復登臨割據無秦漢滄江自古今

嶺南五朝詩選

卷十

國朝名宦
王士禛

四

風吹筵背雨日射虎門陰欲問呼鸞道荒涼蔓草深

閩江樓

七星橫北郭南抱閩江樓龍氣千山雨非別萬里流

島居新市船節鎮古交州好記須陵山海經鬱水出
象郡人須陵東

南即此水也
時海禁初開望他年賦壯遊

德州答山公通政留別之作

城下河流日暮寒明燈綠酒罄交歡從知越絕風煙
好敢謂珠厓道路難嚴瀨千峯雲際出武厓九曲鏡
中看官園焙後茶香熟此日思君到建安

登白帝城

甲白鹽相向生丹青絕壁間崢嶸千江一線虎鬚
口十月孤帆魚腹城躍馬雄圖餘壘跡卧龍遺廟枕
湖聲飛樓直上開哀角落日濤頭氣不平

吳城登望湖亭寄周南康星公

東南臨眺美何如信有孤亭切太虛極浦長風生左
蠡盡簾清晝對匡廬九江潮汐迎人遠五老鬚眉見
面初明日玉淵潭上酒共看飛瀑駐藍輿

寄廬山靈道人越中

嶺南五朝詩選

卷十

國朝名宦
王士禛

五

遠攜孤笠去羅浮開社東林幾度秋冰雪書聽三峽
水雲霞春繞九江流散齋鷓鴣下香臺曉唳鉢龍歸曉
殿幽何日西來華頂鶴遺民相待虎溪頭

大將軍孝揚弟餞別海幢寺卽席賦答

元戎小隊到禪扉踟躕攀林興不違賦似江淹頻惜
別人如楚客送將歸貝多樹下花沾席瑤瑁潮邊雨
濺衣最是斑騅留不得陸郎行處正芳菲

送彭十駿孫游嶺南

南方草木狀難陳爲待彭郎賦筆新紫棧熟時蠻峒

喜紅蕉花後穗城春晴江孔雀驕憐尾嶺樹楓香老
化人若聽鷓鴣行不得越王臺上定沾巾

竹公溪

洞天未放十分晴處處江村有笛聲水遠山長聽不
足竹郎祠下竹雞鳴

又

竹公溪水綠悠悠也合三江一處流珍重嘉陽山水
色來朝送客下戎州

博望城

嶺南五朝詩選

卷十

國朝名宦
王士禛

六

持節西窮萬里源至今黃鵠怨烏孫空聞寶馬歸天
廐不見征人入玉門

廣元舟中聞棹歌

江上淪歌幾處聞孤舟日暮雨紛紛歌聲漸過烏奴
去九十九峯多白雲

將抵曲江

二月一日春態閒桃花欲落烏綿蠻回頭不識中原
路人在三楓五渡間

三楓亭范
雲賦詩處

抵清遠

萬里南帆渡二禺峽平川闊見青蕪不堪斜日蠻雲
裏啼罷猩猩又鷓鴣

吳興祚

字伯成一字畱村山陰人公才兼文武筆
落兩廣大司馬兵戎之間不輟吟詠
有梁溪唱和集巡海詩集及評定杜詩註
解諸書

曉起山行

策馬西南去征衣曉帶烟漸晴殘月冷叢樹亂雲連
鳥語清堪聽猿啼哀可憐依稀巖壑外何處是

嶺南五朝詩選

卷十

國朝名宦
吳興祚

七

桑田

詠玉蘭

脉脉幽牕外瑤光遍古枝最宜明月夜恰在落梅時
雅淡春前意高華雪後姿何人應得似一曲後庭詞

海口八字山砲臺步韻

金馬登臨際重雲黯未開戰餘存舊壘遺策問荒臺
蜃氣因風散濤聲挾雨來籌邊勢指顧海角共徘徊

達濠

昔海寇丘輝盤踞于此

鼠寇今宵遁山南空戰場風吹溪瘴黑日落嶺雲黃

岸草衰猶碧，殘花慘不香。何年閭左復，哀鴈集湖陽。

寒食卽事

淒淒寒食暮，烟輕雨洒高。臺春草生，楊柳墓邊蝴蝶。
夢棠梨花外，杜鵑聲半生。潦倒非司馬，一日徂狂似。
步兵醉後攜樽，江上望參差雲影雜人行。

新綠

九十春光去後，知雙柑斗酒興來時。幾多樹色添新，
葉一片鷗聲憶舊枝。落日烟深看埽，斜風雨細溼。
參差相邀策杖東皋外，欲譜王維畫裏詩。

嶺南五朝詩選

卷十

八

中秋夜過高涼

匆匆車馬過高涼，暫解征衣到草堂。景遇深秋天索，
莫詩成寒夜思蒼茫。風吹皎月光無定，樹傍行雲影。
自忙此際天涯，名利客相逢能不話家鄉。

送姜蒼巖歸越

嶺外春風紀勝遊，遙遙鄉思白雲浮。數聲杜宇催歸，
夢一片桃花點去舟。烟月來時應嘯咏，湖山佳處莫。
勾留送君直到離亭北，楊柳依依向越州。

于覺世

字子先，新城人。順治己未進士，任廣東督學。著有嶺南詩草行世。

雲封寺

六月臨南服，炎風動曲阿。水來庾嶺盡，山向五羊多。
文物推韓海，雄關記尉佗。招提陰竹樹，覽勝發清歌。

和李古竹泊舟詩

山近船頭日，往回冬花冷冷向陽開。孤帆遠道人，
里古竹新塘水一隈。把酒看雲初得句，乘風鼓浪坐。
聞雷開牕縱目，佗城遠漠漠輕寒人座來。

西湖

衢州有小西湖

嶺南五朝詩選

卷十

九

窈窕西湖積翠浮，幾年懷想未曾遊。二虹突起堤初，
漲一鶴高飛蹟尚留。淡淡疎烟環苑囿，濛濛細雨濕。
江樓重來不到成，虛願夢繞披雲漱玉頭。

郭爾肥

字在公，陝西華陰人。舉順治。鄉薦任南海令。

五仙觀

忽覩羣仙集，常留石作羊。初平須一叱，冉冉五雲翔。
玉洞歸何處，紫壇祀未央。神靈如可問，天意莫蠻方。

沉香浦

溯洞一水澗芳意滿汀洲清影兩明月遠風蕩虛舟
石泉心不改珠海浪空浮千載餘輝在惟應問碧流

錢三錫

字宸安一字茂淵江南太倉人康熙丙辰進士官太常寺卿庚午主試粵東

中秋讌集聚奎堂和韻

沈沈鍊院恰深秋風動湘簾暮靄浮斗影橫空人北
望月光如水自東流譚經未敢開融帳把酒還思上
庾樓此夜廣寒疑咫尺天香隱隱墜金甌

閣中和蔣蘋洲韻

嶺南五朝詩選

卷十

國朝名宦

錢三錫胡雲客

聖代崇文羅網開使臣銜命日邇來分藜盡負空羣
日奪幟誰登大將臺應有隋珠呈異采慚無郢斧斷
奇才嶺南人彼菁莪化會見風雲接上台

胡雲客

字秋野一字耐菴浙江德清人舉順治甲午鄉薦任南海令

海珠寺

萬頃玻璃浴化城幡幢深處度鐘聲門從寶鏡光中
人人在冰壺影裏行江上幾簑春雨暗樓頭雙角暮
潮平若能公事湖邊了會向滄浪一濯纓

靈洲寶陀寺遊覽

鯨峯屹起控中流襟咽炎方啟大州望氣有人知霸
國探奇無地不丹丘烟波浩淼沈魚箔亭閣參差隱
巖樓更上高臺問陵谷已聞鬱水礙行舟

謁蘇東坡學士遺像

雄文久已動楓宸何意投荒越海濱每惜奇才淹大
用行逢勝地悟前身幾封慷慨危明主萬里飄零老
逐臣直道不容今古恨風流誰接後車塵

遊西樵山

嶺南五朝詩選

卷十

國朝名宦

胡雲客周道成

雲際依稀見翠微巖前古木綠成幃春深洞口寒燕
合日晚松梢倦鳥歸百丈丹梯穿石室九天玉露濕
人衣明朝雨過重來看瀑布千尋作勢飛

周道成

字逸雲山陰人著自也怡集後刻

七星巖

客裏尋名勝奇峰指七星高低紅葉路隱躍翠微亭
鑿石開蓬島栽雲列繡屏壺中多歲月深自惜勞形
登鎮海樓

結伴上危樓天南一望收風翻朝嶺起鵬搏九霄秋
野曠山光淡江清樹影流羅浮應不遠新月滿前洲

答褚名遠潮州見寄

人行迢遞下滄浪千里幽懷客恨長鏡裏星星予白
髮詩中字字汝青絳春尋鳳渚常移棹夜讀韓碑漫
舉觴何日買舟追勝賞東西湖水正茫茫

送錢子衡還虞山

爲訪羅浮度嶺遊半肩行李不知愁扶筇踏遍山千
仞把酒吟殘月一樓景對異鄉人已老風生寒夜客

嶺南五朝詩選

卷十

國朝名宦
周道成

主

驚秋年來每動尊鱸興思買扁舟載石頭

周在浚

字雲客祥符人司農樞密
公冢子著有南行集行世

南雄舟中

聞粵遊應編茲行亦偶然來時梅未放到日歲將殘
水落舟頗滯途長身愈單勞勞形共影飄泊暮江船

飛來寺

古寺枕溪濱丹樓峭壁儼飛來自何代孤立已千春
門泊東西舫山迎去住人峽雲如有意變幻不辭頻

白鷺鷥

愛爾冰霜質知從異國來黃冠天帝使慧性謫僊才
金索晶爲架雕籠玉作杯雪衣應有夢飛只向蓮臺

穀日登五層樓歌舞岡諸勝

穀日扶筇步翠微天桃嫩柳正芳菲五層傑閣烟初
合百尺崇岡蝶亂飛極目濤聲來曲檻無邊春色戀
斜暉江山好處都收盡拂拂和風上客衣

蜀中

古來峻險說蚕叢昭烈當年此故宮志切吞吳空有

嶺南五朝詩選

卷十

國朝名宦
周在浚

主

恨天教扶漢不成功出師二表千秋淚創業三分一

代雄莫更荒原悲望帝惠陵草木起西風

楊州

隋堤垂柳復垂楊萬里江山化戰場不見瓊花開廢
苑獨憐螢火照雷塘千秋基業成烟草一代風流是
帝王昨向迷樓問遺跡杜鵑含恨哭斜陽

厓門

厓門芳草尚如新終古傷心在水濱南國乾坤惟一
島宋家臣子只三人飛濤洶湧留餘恨古廟荒涼少

四鄰再拜遍觀碑上字悲風颯颯起青燐

劉雲鋒

字秋治南昌人司馬石潭公仲子著有缶餘草印刻

擬古

苑彼青青樹柔風引兔絲
輾轉合歡帶春暖多幽姿
交交一黃鳥飛翔鳴且悲
閨中有少婦斂黛怨蛾眉
朱絃淒以絕蕩子無歸期

又

耿耿河漢明秋聲動砧杵
落葉下庭柯流螢飛不駐

嶺南五朝詩選

卷十

國朝名宦劉雲鋒

十五

皎皎望牽牛長辭烏雀渚
天章爛七襄織室催須女
翩翩南翥鴻千行競遐舉
錦字鬱迴盤關山良獨阻
撫茲霜露晨憂思積如瘋
豈不賦無衣蟋蟀何楚楚

得月樓

一區楊子宅高枕古山陬
幾度懷人處還登得月樓
諸峯奇在夜一水靜涵秋
遙望遊仙路因風想十洲

赤壁

漢水迢迢勢入吳殘虹明滅楚山孤
牙檣影動春廻鴈畫角聲寒夜咽烏
吊古蒼茫懷舊賦臨流慷慨憶

雄圖月明短棹人何處磨蠍還憐蜀大夫

江山

字可樵歙縣人著有汗漫吟稿

過博羅縣

何處炊烟起孤城枕碧流
四山爭到縣一水獨行舟
野僻桑麻早天寒草木秋
此間誰作宰長得對羅浮
登白雲山望沉香浦

何處堪容阮藉狂登臨恰好白雲鄉
一身高出風塵上雙眼遙看烟水長

江上何年無去官浦邊千載幾

嶺南五朝詩選

卷十

國朝名宦江山

十五

沉香徘徊落照渾忘返願結山中麋鹿行

廣州秋興

游國無霜葉亦黃蕭然身世在殊方
風生城野過寒露秋老粉榆帶夕陽
萬里襟懷孤劍侶十年途路百
留鄉美人不見空翹首獨對遙天鴈一行

又

越秀山前萬蝶迴五羊雄枕大江隈
烟寒兩岸開還合浪打孤城去復回
封域有天歸朔漠乾坤何地尚
塵埃感時濟世皆人事莫指山河說壯哉

又

驛旅南郊歲月深又看楓葉滿寒林烟雲作意供朝
夕山水無情任古今地遠易傷千里目天高難寄九
秋心自來盤澗思君子梁父何人取次吟

秋日同洪楹之諸子登廣州拱北樓小集卽
席分賦得秋字

結隊同登拱北樓危欄閒倚海天秋寒潮湧躍三城
動遠樹微茫萬壑幽割據昔曾稱霸國衣冠今復望
靈洲越王臺迥空蒼莽我輩徒深弔古愁

嶺南五朝詩選卷十

國朝名宦

孟

重九前一日登鎮海樓一名五層樓

策杖蕭然亦勝遊招携同上五層樓天涯又近重陽
節客况遙驚百粵秋綠酒細斟高漢上黃花斜插老
人頭不須更擬登高處明日還來一解愁

已酉季春同友人登鳳凰臺卽席分賦臺在
潮州

鳳凰洲上鳳凰臺臺倚空天鳳不回韓水波濤遵海
去瀛州烟火過城來雄開一郡登臨地屹立中流砥
柱材四面雲霞看不盡夕陽歸鳥漫相催

羅發發

字山甫山陰人國子生客粵仁化
署中著有歷遊集卽知草副刻

月下

夜氣滿庭除徘徊恨有餘疾風揉木盡涼月入簾初
牢落空彈缺竅愁漫著書鑑湖山色好何日賦歸與

過漳河尋銅雀舊址

慨然思魏武攬轡獨徘徊漫渡漳河水還尋銅雀臺
梨橫開霸業賦就憶多才歌舞今何地西原草一堆

詠六朝松

嶺南五朝詩選卷十

國朝名宦

六

六朝王氣付江風雨得蒼蒼一老松百尺枝柯巢獨
鶴千層鱗甲隱螭龍盤桓淨地心同古寂寞空山雪
又冬相對影形何所有知渠不受大夫封

和弋陽殷叔澄初秋之作

昨夜西風滿草堂朝來漸覺葛衣涼已看鴻鴈踰關
塞却和編章寄弋陽岸柳綠殘空弱幹池蓮紅墜帶
餘香遙聞故里無烽火一片愁心轉覺長

杭居敬

字簡夫江南人
著有粵遊諸草

西郊野步

西郊晴日好十月不知寒野巡溪流轉平疇草色寬
村依紅樹下山壓白雲端幽興真無極逢人問藥欄

上元前二日同諸子集王雲士齋中

醉深萬事皆潦倒欲賦逍遙信漆園火樹又經新紫
陌春風應自到青門月當弦後光初滿詩正成時思
轉繁猶幸他鄉知已在百年興感可同論

蘇全許

字友燕淮南人
著有逸遊集

嶺南五朝詩選卷十 國朝名宦
杭居敬蘇全許 十七

過南軒贈黃積菴

結室城南小悠然別有天窓虛先得月樹老欲生烟
宿鳥窺書幌寒花照綺筵依稀楊子岸獨繫米家船

懷王滄涯

古河烟柳暗南天此去鄉關路幾千燕子來時春寂
寂海棠開後雨綿綿滄江水遠吟詩社綠渚花明載
酒船遙憶故人王給事愁來書破薛濤箋

谷里中友人

幾載飄零同去國那知相見粵王臺弟兄湖海扁舟

客賓主東南一代才庾嶺郵筒迴雁斷平原樽酒故
人來依劉愧我猶王粲懷抱如何此日開

吳煥

字大章鎮縣人
著有自怡堂稿

虔關舟次逢資伯相訂入粵醉後賦贈

烟波浩渺聚如萍權口逢君且暫停萬里間關同作
客一天風雨獨揚舲村醪沽去心先醉詩興狂來語
不經聞道嶺南秋更好相期談笑入滄溟

乙丑元日禪山雨中偶感

嶺南五朝詩選卷十 國朝名宦
吳煥 十八

東風吹雨曉霏霏旅思蕭然晝掩扉烟滿市樓車馬
寂水迷汀岸客檣稀西堂聯句存殘帙南浦承歡憶
舞衣獨上高臺聊對酒不堪遙望嶺雲飛

鄱陽曉發

秋風瑟瑟送新涼一棹微風客思長帆轉湖山蓮社
路篋盈書盡米家航波光乍起星明滅雲氣初生樹
緲茫却羨沙鷗如舊侶也依殘夢渡滄浪

黃輝斗

字位北一字空嵐上元人選重高才嘗遊
燕齊秦楚諸邦知名海內著有慎獨堂詩

稿文集
行世

送張超然返虞山

江南多奇山虞山此其一前爲虞仲居後爲言偃宅
高風留千古往往賢哲出張子七閩來愛茲山水僻
十年學詩書十年學劍術惜哉經濟才乃爲飢寒逼
北走燕齊梁南盡東西學動足畢萬里皇皇若有失
世人歎函莽安知歌當泣手足良胼胝行李鮮顏色
東風吹愁生珠海高千尺倦羽懷故鄉遙情曷有極
片帆去須臾夕陽手頻執黯黯不能言惆悵青山立

嶺南五朝詩選

卷十

國朝名宦
黃輝斗

六

江上

嶺外無家久飛蓬萬里情海潮沉落日岸草上空城
天盡江光起山多雲氣平無成規畫劍徒爾負修名

對雨

臥看山雲出俄成細雨來寒輕先着樹香冷恰宜梅
海氣全歸研春愁半墮盃獨憐芳草色暗滿越王臺

閒居次季偉公

百畝偕農父園畦手自栽養生空著論命世不須才
殘夢勞蝴蝶趨塵笑鷺鷥南山陰欲雨十月有輕雷

閒居次季偉公

絕壁藤陰滿垂垂結翠螺日烘山果熟風靜野花多
鏡裏功名薄書中歲月過躊躇對霄漢白首竟如何

登越秀山作

青山萬里繞扶胥形勝還從霸氣餘四野風霜閒戰
馬一江波浪走鯨魚趙家北面心徒爾宋室南遷計
已陳閒坐峯頭愁不語夕陽人外獨躊躇

嘉平既望同季偉公張桐君鮑子韶諸子集

石上人離六堂同用八庚

嶺南五朝詩選

卷十

國朝名宦
黃輝斗

七

韶華如水不須驚且結烟蘿一日情塵外月來猶有
客竹間人去已無鶯望窮天地春何處卧就池塘夢
亦清我愧諸君頭早白飄零四十未成名

送蘇揆之

流雲春水一帆歸惆悵江河日已非白屋始知高士
貴黃金大抵故人稀山過庾嶺難爲客花近吳門好
拂衣不是爲君生感慨風塵久與素心違

羅雲

字浮山一字慈谷黃海人
昔有倦亭粵行諸草行世

秣陵懷古

南渡人誰在新亭一惘然河山猶舊日風景異當年
城闕殘陽外園陵蔓草邊啼鳥傷往事秋柳白門前

曉過長壽禪院即事同蘭偶賦

寺曉雨濛濛格陰暗幾重窓幽麋鹿臥路僻石苔封
下榻絲清淨攜筇得過從齋堂初梵寂風起隔林鐘

舟泊

林薄偶維舟潮平正不流沙邊鷗影白江上櫓聲柔
對月堪長笑看雲憶臥遊明朝山色好吟望向羅浮

嶺南五朝詩選

卷十

國朝名宦
羅雲

彖

送友之廣陵

一水風帆去紅亭緒若何祗緣歡會少翻恨別離多
潮蒲月初吐春溪鳥正歌他時得句好寄我莫蹉跎

留別張山來

落帆因訪舊留滯古揚州乍別江淹浦猶懷王粲樓
新詩鳴四體旅夢任孤舟此後思君甚蓬蒿蒲徑愁

嶺南春咏

東風來幾日草木盡含春何事天南客依然逆旅身
歲華隨序改人意逐時新料得堂前燕先歸待主人

過閔賓連葉葭草堂

一犬吠幽巷到門花影淡莓苔無俗路金石有高吟
舊雨十年夢清言今日心論交推仲叔芒屨好追尋

春日訪屈翁山沙亭隱居

地僻人稀到山春我獨尋牛羊青草外烟火白雲深
石甕歡畱客沙亭許入林靈均高隱處誰識苦吟心

舟過豐城

客途西望一程程短楫蕭蕭傍曉行水勢欲分趨大
海劍光如合出孤城家山別後秋頻過萍梗愁中月

嶺南五朝詩選

卷十

國朝名宦
羅雲

干

倍明去住無聊任舟子不堪重聽遠灘聲

昭平道中書懷

佳山何處共登臨十載知交那可尋灘險始知神禹
力功高猶見伏波心鶴鴿夢斷天終曉杜宇啼殘秋
又深自惜客途難極目幾回江上獨沈吟

劉 鍊

字子宜南州人
著有南遊草

洞庭晚泊

寂寂湖天暮停桡氣色冥月來臨大白浪湧水浮青

鼓瑟招公子，舉杯酌酒星。獨憐羈旅客，身世似浮萍。

未陽謁杜工部祠，祠後卽墳。相傳先生醉歿

於水邑，人不得其骸骨，而得其靴，遂爲物壘

於此

子美先生舊有祠，停車重拜起相思。卽因遺物虛成

塚，所重斯人不獨詩。葉落郴江聲渺渺，鶴歸華表意

遲遲。竹寒沙碧，淒風起，惆悵天涯正此時。

丁顯

字易庵，仁和人。康熙丁丑入嶺，徵刻詩文，集爲海內全集，用意良厚，遐邇望之者有

嶺南五朝詩選

卷十

國朝名宦

主

讀集并南岳遊草行世

過新陽江上弔李嵩岑大中丞

開府風流在，追思忽五年。我來空挂劍，君去剩遺編。

赤岸丹楓落，黃沙白浪遷。生前身後事，欲語泪潸然。

式庵山中見招度歲次韻卻之

晤後傷離索，開函慰友聲。還家千里夢，磨劍十年情。

冰雪委原別，松筠句共清。幽人渺何許，多在禹王城。

登祝融峯

正值南離獨出群，人間天上此中分。銀河側湧乘槎

近月窟，平修運斧動明滅。聖燈低處見依稀，仙樂靜

時聞九州積氣渾。如是豈屑儒生封禪文

同胡念菴先生寓武昌道院月夜過從以詩

見贈次韻奉酬

澤畔行吟渴未消，茂陵空自憶題橋。帆收鄂渚逢耆

舊，月下仙壇感沈寥。夜色難分西塞柳，鐘聲好送漢

陽潮。獨聞清宦胡安定，廿載夷然樂一瓢。

朱綱

字彥則，松江人，著有初蘭集行世

嶺南五朝詩選

卷十

國朝名宦

主

白髮

秋風吹庭柯，梧桐先零落。歲月老風塵，鬚髮先蕭索。

貴賤皆如斯，造化無厚薄。亦有少年人，黑髮歸冥漠。

對鏡勿復悲，及時當行樂。

雲半閣

高閣侵雲半，常餘雲氣流。開窓觀海市，倚檻對山樓。

鶯語春花曉，鴻飛遠樹秋。儵然無一事，髣髴近丹丘。

贈梁藥亭先生

豈厭承明返舊廬，文園高臥有相如。已分翰苑中朝

祿白著名山太史書有酒每邀仙客侶放歌常在白
雲居欲通孔李交情誼愧我朱門尚曳裾

東園

官閣逶迤一徑通亭臺曲檻尚玲瓏喬松挺秀隨年
老野卉含花逐日紅地主去留看到景山禽上下舞
春風當年帶礪今安在金谷豪華已是空

平藩所建

九日

萬里金風吹客襟南荒秋盡始蕭森重重疊嶂寒猶
翠冉冉浮雲晴復陰不爲悲秋空悵望只緣多病怯

嶺南五朝詩選

卷十

國朝名宦朱綱

五

登臨樽前有酒堪舒興欲采茱萸何處尋

高州道中兼贈王令詒大令

夜雨新晴濛濛中越裳古道指南通西鄰銅柱蠻煙
黑東望扶桑曉日紅俗本侏僂成雅化民多獠獍習
華風邊疆正是須籌畫知有神君保障功

將軍灘謁伏波廟

橫州順流六十里

風迅灘危擁浪波崖邊祠宇鬱嵯峨丹青未列雲臺
上赫濯常留瘴海坡野外羣峯森劍戟門前流水卽
泔河蠻煙慘淡渾無際悵望飛鳶一浩歌

送別員生

夏雲如火照城闌送爾西行去入秦久託朱門稱上
客忽彈長鋏作歸人征途衝暑塵隨馬旅店逢秋雁
度津想到雨關禾黍熟家園柅杖正營新

門應璫

字鶴書遼東人著有魚夢堂集寓粵近坤初集二集卽刻

隴頭水

登高徒望遠不盡故鄉情極目知何處鳴鳴隴水鳴

王明君

嶺南五朝詩選

卷十

國朝名宦朱綱

五

一望黃沙平風高戰馬鳴空留青塚在誰識美人情

舟行雜咏

行人難計日世事任推遷沽酒過村市尋魚上釣船
明霞飛不盡紅葉落無邊回首鄉關遠寒波接暮烟

山居雜咏

野菊殘籬密柴門掩落霞谷深誰送酒日靜自看花
抱水滋新菜築場斷老瓜前溪堪濯足偏愛夕陽斜

題南越王故址

蒼蒼平楚色古木亂烟間斷岸痕猶在荒池水自潯

心終思北面身已老南蠻惟有千秋月凄然照故山

秋水

不礙秋光遠蒼茫一望中誰言無定性安有不朝東
石現魚心怯波寒燕語空清冷堪自照寂坐愛西風

秋夜吟

夜涼清氣逼梧桐塔下蕭疎殘葉風公子情深杯竿
裏玉人心在管絃中危樓更上江山近皎月纔臨烟
霧空秋色不知何處最多情惟有海棠紅

秋夜感懷

嶺南五朝詩選

卷十

國朝名宦
門應贊

寄跡坡山秋色深蟬聲斷續出疎林豈堪回憶十年
事未可徒勞五夜心一望濛濛天外雨時聞點點枕
邊砧床頭無酒如何醉輾轉閒愁更不禁

九日登鎮海樓

一望蕭條霸業空九秋猶見草芃芃松風上下悠揚
外海氣朦朧重叠中祇有白雲堪我對不知清嘯與
誰同天涯岐路休回首倚遍危欄心更忡

陳都

字瀛川姑蘇人著有歸舟集南行偶筆諸稿行世

留別俞雪巖兄弟

去住難由我春山客路長知交原有定車笠自無忘
揮涕留詩句停橈醉別觴離愁千萬斛滿載一沙棠

十山招飲醉歸賦謝

平原何好客不枉海陵遊出示明臣論還爲越子簪
玉簪餘白小珀汁等黃流談笑幾忘醉身歸神尚留

同李玉成昆季南山陞看梅

南山陞看梅
氏園亭也

幽人梅下笑相迎紅白低垂問杜蘅疎影落枝橫石
砌清香攜袖入楸枰東風嫋嫋將誰主南陌青青入

嶺南五朝詩選

卷十

國朝名宦
陳都

三

我情日暮欲歸尋伴出柳芽黃處有啼鶯

臘月下流之八日偕友閒步偶占

殘冬却似暮春天鳳嶺韓江鎖晚烟相與幸多方外
友閒遊偶有杖頭錢居家歲去多忙甚作客年來轉

坦然積翠周遭供眺望梅花香出短牆邊

秋杪偕友人鳳皇臺集飲

鳳皇臺集飲
陽城南

層臺登眺入雲端洵是天南一大觀勢俯滄溟空六
合氣凌霄漢碍雙丸鱣溪秋水清能鑒鳳嶺朝霞秀
可餐長嘯頓忘身作客風塵到處酒杯寬

薄暮登城東北之金山卽事

山前卽
總鎮府

金山絕頂衆山齊萬井參差雉堞低鳳嶺雲來過子
晉鯉溪波靜憶昌黎城南砥水三層閣郭北沿坡一
帶堤薄暮登臨聊縱目軍門鼓角夕陽西

姚東明

字竹友秀水人著有
弄酒餘閒集卽刻

寒食

寒食天涯節鄉心觸感多墓門臨不易風木痛如何
柳記重簷挿詩多異地哦憑將今日淚一灑向流波

嶺南五朝詩選

卷十

國朝名宦
陳都姚東明

三

對酒

笑口端從濁酒開閉門長日促行杯身憐塞北離羣
馬日斷江南寄驛梅客思似膠柱處起春愁如絮拂
還來醉鄉大有閒風月長倩索郎作睡媒

豐臺看芍藥

農舍居然傷帝閨花田風致類仙村問尋別墅隨移
席看到鄰園任叩門錦毯欲眠蘇病骨玉山微倒誤
春魂歸鞍不得紅香贈枉逐春風送鈿轡

投興

西晉東吳是處家不妨遊戲任天涯滿頭殘雪催驢
背一盞新羅送月華隨意小吟酬短李祇將痛哭對
長沙朱提揮霍渾閒事買取清歌醉蠟花

可歎

可歎飄然又出門力殘皮骨氣空存一官無分拘公
解萬里何時息故村蛛網生涯虛托足水萍身世老
無根腰纏騎鶴他家事肯乞天公格外恩

和答白長庚于西送別韻

曾聽陽關四疊聲故山猿鶴笑寒盟打包未遂三椽

嶺南五朝詩選

卷十

國朝名宦
姚東明

天

計垂橐仍憐萬里行深草閉門荒酒社健帆吹夢過
江城他鄉鹿聚知何定殘月茫茫送遠情

胡邵瑛

字含一一字慎微又字蓮卿嘉興籍秀水
人著有性理中宗期論集字元韻統渾元
甲子考象林經緯全考數學明原涵情草
三吳雜詠北遊集粵東雜記諸書行世

訪莫嗣逸南飲卽席賦贈

曲徑臨流水幽居隔市廛詩名方杜甫筆意似張顛
好客開東閣呼童煮瀑泉得探高士隱從此任流連

秋蝶

舞翅來何暮西風怯粉衣
花欣桂露晒日耐朝暉
巫峽胎應蟹羅浮蘭尚肥
獨憐幽景好栩栩故飛飛

秋屋

白露靈仙宅黃花陶令居
幽情盈檻砌清思溢庭除
靜見梧飄井涼堪夜讀書
月明當戶牖星帶正中虛

暮春久雨有懷兼期友人不

逆旅連陰事事灰
鴛鴦偏喜爲農催
人如弱柳飄難定
緒似濃雲總不開
簷滴五更殘夢斷
草叢三徑落花堆
晴光何日瞻南陌
四野薰風次第來

嶺南五朝詩選

卷十

國朝名宦
胡邵英

无

重過雨鵲巷

憶昔曾來十五年而今
心事倍悽然懷親徒切悲風
木述舊空深怨草芊此處
兩爲逢別地他鄉幾作死
生天情緣慢向閒僧話
腸斷秋江只自憐

鎮海樓

五層高築勢凌空重鎮
炎方氣象雄北望鄉關雲萬
疊南臨滄溟樹千叢風乘
嶺外經年暖日映窓間到
曉紅聞道五羊曾化石倚
欄何處覓仙踪

陳治

宇山農學亭人與沈青園白王雪村順柳
梅源三隱嘗於吳中建有自製之會凡遇
拋棄嬰孩分能乳母養育十年之中存活
甚衆康熙丙子人嶺復創生園於廣州
石大司馬額爲著有貞白堂稿梅花源集
粵遊草芙蓉江集澄治大還諸書行世

前有一尊酒

前有一尊酒明月臨華堂
賓朋滿四座絃管樂未央
吳飲與趙舞憂羽還鏗商
銀燭爛紅袖艷奪翡翠光
白日苦不短良夜苦不長
忽焉珠箔冷曉色逗微霜
須臾定喧寂對茲萬慮忘
疇能驅赤豹來遶崑崙傍

上巳臨冷泉亭

嶺南五朝詩選

卷十

國朝名宦
陳治

三

春日山氣佳淑景麗巖谷灌木發清華
好鳥鳴幽麓渺渺雲可衣泠泠泉可掬
陟彼飛來峯谿衍透石屋
朝參玉版禪暮向珠宮宿
下有冷泉亭豁然神志肅
細懷餐霞人直使塵襟逐
何日采瑤芝潛踪友麋鹿

周逸僧進士自長安來淮上賦寄

故人別向長安去余亦淞江訪烟樹
重來邗水又經年春風秋雨不知處
畫船簫鼓繞虹橋金馬門前客
正遙那有詞人漢司馬芙蓉蒲院空
飄搖思君望君君不來何時握手登
釣臺淮陰淮陰去不遠臨風搔

首長徘徊

虎踞關看落梅有感憶家園

家在梅源裏逢花只當歸鄉愁看不盡驛使寄應稀
曉霧香生展晴風雪滿衣遙知三百樹化作白雲飛

松風亭

郡邑浮梁接松風訪舊亭先賢高躅處孤客小兜停
樹老前朝寺苔深古碣銘山光猶不改照眼自青青

雪香亭

愛爾花如雪相憐客未歸春深香入夢月淡冷侵衣

嶺南五朝詩選

卷十

國朝名宦
陳治

三

寥落疇知己清幽洵可依孤山無處士切莫傍人飛

丁丑臘月上浣次詹山使君原韻奉荅

才名天下士誰道筆如椽事業烟波外文章霄漢邊
不逢張翰侶閒煞米家船何日烏程酒期君抱甕眠

由淮陽移家吳間漫興

波濤差喜謝江淮歸去漣漪水一涯青雀舫中聽玉
樹白蘋溪上醉金釵三秋最愛吳山勝午夜惟憑風
月佳贏得年來諸事懶紅塵不遣繫清懷

虎丘懷古

闔閭城外古招提盡日笙歌烟樹低秋草不分貞女
墓春潮空遠白公堤劍埋絕壑悲猶在虎嘯荒丘事
已迷一自鴟夷歸去後鷓鴣啼斷夕陽西

八月既望大司成徐立齋招飲賦謝

千門砧杵送斜暉萬里天空落雁羣桂魄昨宵看正
滿秋光此夕恰平分依依宿鳥投紅樹歷歷寒笳度
碧雲何幸趨陪東閣宴酒蘭高詠謝莊文

贈惠州太守李默稼

涼颼催上木蘭舟又向風塵接素秋葉落好尋元亮

嶺南五朝詩選

卷十

國朝名宦
陳治

三

徑月明應上仲宣樓賢侯沛澤嗟鴻雁野老窮途對
海鷗舉目滄茫天地闊蘆花如雪任悠悠

登鎮南樓

卽閩江樓
石大司馬改為鎮南樓

端州傑閣俯諸峯郭外巍然峙古松青列眼前巖壑
迥白排天際水雲空一樽琴酒烟霞外萬里悲歌夕
照中今夜月明堪作賦庾公樓畔幾人同

丁丑九日端州制府署中偕朱彥則同學登

文來閣賦

幕府閒登百尺樓朱門相對白蘋秋千重烟嶂雙蓬

蒼萬里滄江一海鷗意氣未衰憐我拙文章有命更誰投天涯莫謂風塵誤歸去詩囊滿客舟

春草

又見東風綠蒲畦却憐花落護香泥閒堦漠漠侵簾影古道萋萋送馬蹄宿雨連宵鄉夢杳新愁幾處夕陽低王孫舊事休回首腸斷天涯路已迷

游僊詞爲紫元外史題

月到蓬瀛斗未斜星河誰共泛仙槎自應不是紅塵客玉女壇邊夜掃花

嶺南五朝詩選

卷十

國朝名宦

三

又

雲坂曲罷挾仙游飛過瑤臺十二樓叢桂蒲山開又落不知人世幾春秋

題畫恭賀魯謙菴方伯之任粵東

猶憶三吳雨露濃沾沾小草亦蒙叢由來天地無私曲是處春風許再逢

題畫贈廣州馮躬暨太守

君家古柏勢盤雲別業詩成宇內聞碧鬣濃陰應似昔又將餘陰粵中分

史斌

字兩勳江南六安州人世襲拖沙喇哈番現任新會防禦著有粵遊諸集行世

金陵送賈長庚之都門

相逢能幾日又賦別離吟柳色石城暮桃花春水深情兼家國累愁入弟兄心夢醒西窓雨故人何處尋

感懷

行行無去處獨立只空庭衙僻孤於寺官閒冷似僧閒書聊引睡對酒不求醒庾信思鄉意徘徊更不勝

連州懷古

嶺南五朝詩選

卷十

國朝名宦

五

奇峯迴合水中流獨立江城擁上游夢得聲華存刺史清虛高尚薄王侯無窮世事誰還問不覺天涯我復留五斗古人知不重何時歸老一漁舟

金臺雜感

三上都城憶問津飄零身世在風塵荆軻事去終留恨郭隗臺空不見人幾度聞鷄悲子夜千迴酌酒惜芳辰丈夫事業艱如此相對青萍易劍神

客中偶感

四年牢落更誰尋三度看花憶上林衣敝已無慈母

線囊空還散故人金風塵時帶扶頭醉行止徒多擁
鼻吟却笑思維無一可聞鷄徒自美劉琨

江門

如畫山川度白沙江門烟火夕陽斜一墟茅店憐孤
客十丈木綿見異花極目便能生野興豪吟端勝坐
空衙更誰萬里傷春思幾度曾為感歲華

吳壽潛

字彤本一字西瀛憲文先生仲子性磊落
不羈率多知泉友朋之好諱有
父風著西瀛
草堂集行世

嶺南五朝詩選

卷十

國朝名宦
吳壽潛

五

端州訪硯歌

平生最愛端溪石一片十千曾不惜琉璃寶匣自珍
藏携來偶示端州客客為鼓掌笑我愚云是溪中最
頑質梅花宜德俱匪材梅花宜德俱出
硯而不石質雖而不潤蕉葉黃
龍皆易覓須知中澗果非常沙面青花求不得瑰姿
光彩若隋珠玉質精良似和璧傾囊爭買豈論錢只
恐良材人不識彤霞結綠世間無鳳咮龍巖今莫匹
嗟哉有眼竟難逢好向山靈覓奇特會當引重敦石
交草玄還與同晨夕

吟山寺聽泉

不到吟山寺斯泉惜未聞初疑天籟發忽似海潮分
峽口飛晴雪峯頭界白雲移情應自遠得句念同羣

尋朝漢臺遺跡

蔓草荒臺此地餘尉佗心事果何如陸生寧用平南
策文帝先願下粵書兩度金裝原不偶一時黃屋已
成虛英雄自古多興敗却笑田橫蹈海居

珠江春泛

繫馬荒臺望渺茫偶浮青雀為尋芳三洲漫擊當年

嶺南五朝詩選

卷十

國朝名宦
吳壽潛

五

仙一浦猶沉舊日香何處名山藏寶鴨幾時殘壘下
仙羊木棉枝上晴霞晚疑有驪龍吐夜光

謁三忠祠

趙家陵闕已飄零誰使天狼夜有星柴市一時成正
氣厓門千古泣英靈北歸愁見邊塵暗南望空聞海
氣腥此日祠前徒下拜斷魂啼鴉不堪聽

家叔畱村大司馬招集錫祉堂送徐電發太

史歸里卽和太史畱別原韻

竹林高會酒人雄良讌寧須羨八公涼氣乍生江南

白炎威猶帶海雲紅離歌欲別情難盡好句留行意
轉隆明日子山先我去輕初堪美一帆風

彈子磯

蒼翠驚飛到席前兩山一望勢巍然雲藏日影不下
地風弄水聲如在天峭壁難容高鳥上危巖疑就古
藤懸南來奇境多相似安得圖成載滿船

王孝揚大將軍招飲分韻

路轉雙扉別墅通乍晴天氣敞簾櫳闌干影壓梧桐
月庭榭香園倚山臥玉笋參差春酒碧明星歷亂夜

卷一百一十五

國朝名宦

三

燈紅刻藤共擘分題徧武庫雄才未許同

飛來寺

亂峯一路少秋陰喜見招提古木深寺自何年飛雪
嶺山從此地得雲林樓臺紺碧落江影鐘鼓參差傳
谷音獨向篷窓空悵望輸他樵牧快幽尋

黃鶴巖

字蘭偶一字蘭品上元輝斗子喬梓風雅
光映後先著有蘊山堂集吹影詞重訂元
李雲陽先生詩文集明李
西涯先生擬古樂府行世

詠古

萬彙紛就理至道簡而易義文開混沌周孔識惕厲
圖象列先後畫一無二致陰陽鏡日月剛柔撰天地
風雷疾大化山澤通元氣遠探彌妙有近取閱精義
煌煌四聖人德業立文字

又

維帝重民事欽哉亮天工日月紀常運寒燠畢獻功
重華協于帝九有張玄風一德闢四門五玉禮六宗
去害生乃遂弼教刑無庸丕顯神禹烈建中商湯恭
文武亶聰明三王將母同揖讓變干戈時會適不從

嶺南五朝詩選

卷十

國朝名宦

三

洋洋美德乎允執惟厥中

又

古詩三百篇正變理一致草木釋哀樂男女止禮義
三頌聲渢渢二雅風有位輔軒十五國音響未常陸
政和鳴悅豫世亂鬱憂思教化肇閨門詠歌端婦寺
先生洪濺澤情性迺如是

又

禮經紀人倫尊卑列等殺和樂情不流節文志無泰
后王肅綱紀庶士慎衣帶三百復三千經曲紛然會

常人識近小君子識遠大周道坦如砥幸由罔敢外

又

周道蕩無紀狡馬騁臣僕二百四十年弑逆指可掬
仲尼有憂思爰采魯人牘筆削秋霜嚴功罪烈日暴
褒貶華袞榮貶代鈇鉞戮高張萬世防陰摘九泉伏
東周不可作麟遊以爲卜

鍾山野燒歌

鍾山赤龍飛上天龍文着處生紫烟龍飛上天訴上
帝九關洞開玉狗避星辰稀光月慘淡霧斂雲霏變

嶺南五朝詩選

卷十

國朝名宦
黃鶴巖

堯

深紺勢如萬馬從空奔千人格闕天上屯地下先王
睡不熟玉枕金魚照華燭石人泣露馬嘶風隧道無
陰衰草空三百年來一抔土麥飯冬青誰是主樵蘇
不上士師墳高廟金環細人取吁嗟興亡不一姓六
朝光燄遙相應孫郎割據亦英雄元帝東來還續命
含章殿角落梅花芳樂臨春自內家辱井人留陳後
主臺城餓殺老袈裟罡風吹火劫灰死雨散雲飛俱
已矣楚人一炬至今傳鍾陵蒼翠銷烟紫

桃葉渡水嬉歌

秦淮水流何湯湯桃葉渡頭飲夕陽笙歌一片沸波
底流焰瞳瞳照龍子紅燈翠幙影霏微青雀黃龍夜
未歸人歌人舞歡樂極前路桓伊振長笛

項羽

失策鴻門宴難收百戰功君王自神武劉季亦英雄
汨染重瞳碧花分一劍紅天亡非謬語遺恨大江東

留侯

報韓將素志扶漢出無心圯上事誠惟人中智特深
華顏佳殺避春草玉棺侵黃石祠前路神仙何處尋

嶺南五朝詩選

卷十

國朝名宦
黃鶴巖

甲

登真定天寧閣瞻大佛像

有序

閣五層高百三十尺佛千手
高七十三尺宋開寶年建

非復宋山河銅仙跡未磨地藏金舍利大雨曼陀羅
望氣五層偈擎空千手多我來高放眼杯水瀉滄沱

秦淮新柳

二月秦淮柳東風漸欲狂微茫鳴頭綠歷亂絲黃
烟不全遮骨人須慢斷腸交交鶯竝坐切近鬱金堂

吳

盡說江東王氣生艱難孫策啓櫓槍運移漢祚三分

國力屈曹瞞十萬兵天塹風濤空設險地形龍虎只
留名如何繼世思兼井青蓋君王入洛城

晉

五馬浮江識信然中興人往事空傳秋懸幕府山頭
月春冷烏衣巷口烟別墅圍棋終一局舊時裙屐已
千年即今尙有新亭淚灑向河山落照邊

宋

赤紙藤書禪稿新江東天位寄奴真那知入輔承恩
日便是興王受命人再世披猖多逆德三朝戮辱盡

嶺南五朝詩選

卷十

國朝名宦
黃鶴巖

三

仁親臨軒帝子休垂涕厥祖南郊跡未湮

齊

事宜及熱緩難圖血刃喧呼立殿隅勦業欲平金土
價守成不惜麝蘭塗黃油髮首傳天子

黃油髮東晉
首詣建康

白帽加頭記老夫易得自然還易失建康城下看先

驅

梁

義旗一舉信英雄三十蕭郎據帝宮幾措刑威王化
內賈敷文教大江東天邈失策招侯景地下傷心見

誌公猶有精靈消不得臺城日落起悲風

明

鍾山簾路舊蟠龍三百年來易本宗丹詔九重霜露
薦白頭中使歲時供淒涼玉盤埋秋草縹緲雲旂拂
古松萬馬夜嘶朝絕跡精靈知在最高峯

南唐

六代分王氣已收小南朝又整昇州

南唐改秣陵為昇州
紅羅

亭上教歌舞百尺樓中坐冤旒粉黛宮娥魚貫列

李後主
集中語
溫柔天子鳳音流玉埋金斂悲何限江火

嶺南五朝詩選

卷十

國朝名宦
黃鶴巖

三

茫盡瀉愁

許州

城郭依然認許昌當年魏武啓封疆禪碑粉飾文人

筆有校碑碑在
許昌之臨潁縣
銅爵荒涼小伎裝死後孫劉非敵

手眼前司馬是真王鼎圖霸業成灰燼不及陳君廟

食長

城中有
太丘祠

鎮海樓

直上高樓第五層天風不斷海雲蒸山河空歷古今
事日月常懸晝夜燈蜃化瑤臺攀不得鮫遺珠淚採

難能大荒遠接烟霞外極目茫茫百感興

海幢寺

偷閒還向上方吟
鷹爪蘭邊春事深
對境已無浮世想
登高惟有望洋心
地迴波浪標真界
潮湧魚龍聽梵音
碧瓦朱甍猶昔日
獨憐人去到于今

寺故平南藩王建

山行

入山不見山但見草與木
下盡石子岡回頭指林麓

浮臺

浮臺俯清流初日漾金碧
菰蘆大有人竹竿青簷簷

嶺南五朝詩選

卷十

國朝名宦黃鶴巖

四三

秣陵雜興

白頭指顧舊風流
蔓草羅裙恨未休
二十四樓歌板歇
月明誰唱謝娘秋

淮陰市

胯下王孫安在哉
千秋陳跡未蒿萊
石碑尙勒淮陰市
今古徒令壯士哀

戴崑

字誠招吳江人著有客中草行世

同友人遊葫蘆山

一峯橫郭外雉堞鎖江隈
披拂風初爽蒼茫雨乍來
薄寒容小睡竟日漫追陪
欲向鄉關望雲天障不開

宿肇慶一持上人華嚴菴別後奉寄

小築薜蘿老惠休
檜門臨水占清幽
關城遍歷羞爲客
雲樹重遮漫上樓
詩憶故人隨得夢
菊看異地更添愁
西風岐路空回首
丈室曾從信宿留

閩中雜詠

刻露巔峴似劍揮
舟師巧力洵云稀
篙篙有法無人識
慣使船從石罅飛

嶺南五朝詩選

卷十

國朝名宦戴崑

四四

嶺南雜詠

歲寒豈獨羨松筠
雨過林梢滴翠新
花總不須憑月令
桂蘭香占四時春

陳金

字少兼福建海澄人年少有才著有含北諸集行世

古別離

聞郎欲遠征相送江頭去
今夜宿誰家相思無定處

古築城曲

恐胡欲亡秦萬人築城歟
誰知亡秦胡竟在長城裏

二婦艷

大婦髮如雲中婦石榴裙三婦性聰穎當臆理舊文
女俠二十傳不錄卓文君

便儂歌

儂似柳枝郎似柳絮絮初著枝隨風而去

君馬黃

君馬黃臣馬鐵天下太平臣馬帶血

布穀

布穀布穀終身為人食不果腹

嶺南五朝詩選

卷十

國朝名宦
陳金

罌

春寒

春色陰雲裏閉門花又殘已過人日又未減客年寒
細雨將成雪新條欲拂欄馬蹄無處去愁緒向誰寬

登鎮遠樓

萬感登臨集烽煙此日虛地形當水要山色過江疎
破屋孤城在窮民百戰餘蕭條多刺目不忍久躊躇

送松山歸武夷

何堪臘盡正離羣話別孤村夜色分世路有人難乞
食山川無恙又逢君幾年歸興慢亭月半載關心建

水雲爲愛寒蘿煙景好亂峯霜磬隔溪聞

九日

曾從異縣登臨去又走荒山到水涯九日不沾村外
酒兩年頻看客中花亂餘無地堪容隱旅况經秋倍
憶家莫向衰原郊上過寒風落日有悲笳

征婦

春溪一戍到關西十載歸途絕馬蹄杜宇聲聲歸去
好如何不向隴頭啼

荷

嶺南五朝詩選

卷十

國朝名宦
陳金

罌

今年三月岸上過猶見芙蓉葉尚新剛欲夏來花盡
放滿池無處落星辰

孟松齡

字武函一字立亭會稽人桃源河道司馬
子固子隨岳丈大方伯魯諱超榮任遊粵
著有立亭
草行世

揮霞堂同人射飲

秋盡山容淡雲開樹影斜弦鳴驚過鴈箭疾帶飛花
抽管揮殘日銜杯醉落霞興酣歸未得待月上簷牙

贈石濂大師

塵外初來訪雉鸞欣聞揮塵落梅檀一時文字推靈
徹四海聲名重道安大法競傳開異域清言端可屈
騷壇詩篇我尚慚東野白社能容不笑寒

集仙城次長沙劉子五原韻

賞音何幸遇成連聊藉清談共煮泉江上蘆花初着
雪嶺頭楓樹欲生烟一時客况繁懷內四海交遊重
眼前我亦將歸君可待月明應看幾回圓

別吳彤本

吾徒落落重綢繆肝膽相傾破旅愁嶺外何緣欣御

嶺南五朝詩選

卷十

國朝名宦
孟松齡

哭

李幕中多慨尚依劉疎梅雪冷辭書牖落葉風乾送
客舟他日弟兄重握手不勝情緒在來秋

楊式清

字天一河南封丘籍浙江鄞縣人順康熙
癸卯鄉薦庚辰遊粵著有懷古諸集行世

讀史有感

日靜渾無事開書對古人奸邪猶按劍忠孝足垂紳
事往情如在疑來事益真引杯聊自適喜怒豈無因

又柬周肯衛

深林遙望水漣漣春盡花殘幾處煙門對曉山高士

臥潭留夜月老龍眠荒園自喜頻栽菊長日還思共
煮泉可笑竹扉閒自倚江涯不見故人旋

席上次王信公韻

勝友難爲此日逢鬚眉如畫意重重凍雲不散孤村
隱時雨能新老樹容促膝漫談更漸促摘蔬聊酌興
偏濃只虞明日孤舟別愁聽前山古寺鐘

劉授易

字五原湘潭人著有西山記
渡江集燕臺各詩文集行世

客杭州懷歸不得寄西安幕諸友

嶺南五朝詩選

卷十

國朝名宦
楊式清

哭

人客念離群相思入夜分人看孤嶼月夢繞爛柯雲
燭淚樽前出珠蘭靜裏聞不堪欹枕上畫角正紛紛

吳山僧房

獨坐雙槐下樓陰葉未凋路開三徑曲水過亂山遙
寂寞無人境清幽遠市囂相期明月上來聽浙江潮

西安署中奉祝石天半

新霜紅葉亂平疇人滯天涯賦遠遊風月百年真過
客江山萬里倦登樓花開延壽當今夕酒醉餘杭憶
去秋莫訝雲璈勾漏永由來姑射在城頭

去城二十
里爲青霞

天淵

冬杪同吳彤本陶奉長遊丹霞山同和陳岱

清先生韻

寶珠登陟客塵銷寶珠足下潛龍起迅颺千疊雲封

螺髻曲一泓水界峽山遙僧藏石室看蕭瑟天到層

巒白次寥萬籟調調聽未足霓裳不羨廣陵橋

丹霞山禮澹歸禪師塢

含情如醉復如醒白馬曾馱忠孝經圯上人成濟北

石山間夜隕少微星招魂四果憐膚髮稽首雙林見

嶺南五朝詩選卷十國朝名宦吳

典型一自管寧割席後中原落落幾人零師崇禎庚辰進士會

以言事拜杖

吳子俊

字彥之廣西崇善人明經庚辰遊羅浮著有非非集行世

送王子言明府歸里

忽動尊鱸念悠然物外身昔稱強項令今豈折腰人

着屐東山頂垂竿渭水濱廿年湖海意從此樂天真

送過千家兄

去年歸省着萊衣今日朝天雁北飛雨露清零雙闕

近勲名隆重六曹稀行看珠海飛黃葉路向金臺見

紫微努力清時男子事漫歌楊柳思依依

旅居苦雨有懷

曲徑蒼苔處處生鳩聲頻喚未能晴芭蕉滴瀝驚鄉

夢禾黍高低動旅情古寺陰林多鳥語斷橋芳草少

人行幾回悵望天涯外不盡淒其遠客程

寄黃積菴

高據危闌近上台五雲飛下費穿裁琢成五代瓊瑤

選織就千年錦繡才會謝名途朱戶遠人從流水素

嶺南五朝詩選卷十吳子俊卒

琴開與君別後山河縹一日相思腸九迴

楊兼善

字美臣一字廩山江西新城人丙辰隨闕吳大中丞勦亂有功題授副都尉印辭

歸山林著有廩山詩集行世

雜詠

觀水須觀海登山必登岳少小懷韜鈴誰肯安丘壑

奮身馬上飛鏑歌軍中作一戰幸成功長揖辭封爵

庶幾張子房逍遙以自樂

登鎮海樓

巍巍粵秀山突兀羊城北上有鎮海樓高標跨溟漠
皎日浴滄波夜半誰先覺蜃氣結樓臺櫺檻流丹蘄
簪頭貢使來虎門通鎖鑰犀象壓樓船珊瑚盈巨舶
昨輸白雲山安期曾鍊藥日月蘊光輝青影到林薄
西望荒王宮頻年誇造作黃金布有餘白玉交相錯
憶昔建藩封宮殿半城郭子弟悉開府勲名侈衛霍
騎奮速死亡抗逆蒙首惡難逃聖世誅聲名委溝壑
何如朝漢臺芳蹤猶如昨我來恣遊觀登高窮垠壘
自非醉岳陽誰云題黃鶴深愧王子安作賦滕王閣

嶺南五朝詩選

卷十

國朝名宦
楊兼善

至

遙覽盡扶桑俯睇渺海若遂覺出蒼穹孤懷殊磊落
明當思長風一赴蓬萊約

不寐

微夜不成寐愁思更共長暫能支藥力時病初愈終愧事

丹方漏盡燈花暗秋深竹簟涼喜無塵夢擾清磬隔

禪堂

寓石城東
聖山寺

禪山晚泊

舟行潮未落寒日欲西斜野色凝雙目煙村合萬家
歸人猶待月暮氣漸成霞迢遞漁歌起聲聲隔浦沙

答家匡谷兄

十載離群雁高天翼倦飛空將雲水意長寄夢魂歸
劔匣封塵久詩囊繕草稀與君聯夕話共覺旅情非

夏日遊觀山寺

晴日觀山好閒雲動碧霄涼殿天外落暑氣坐中消
司馬遺篇在予隨留村吳制府巡歷過此遺刻壁上存焉賓鴻入望遙最

憐今昔感高樹更鳴蜩

山居

卜居聊避俗栽竹漸成籬雨響芭蕉徑風生菡萏池

嶺南五朝詩選

卷一

國朝名宦
楊兼善

至

好山多獨往幽興少人知更有一尊酒長留月上時

九日和周在岐原韻

秋水蘆花一色蒼懷人每詠采蕭章歌魚自覺同齊

客譏鳳何須笑楚狂杯酒有朋惟對菊海天無雁重

思鄉登高又負龍山約多病而今似沈郎

觀山野望

潘州飄泊竟忘年獨上高峯思悄然十里寒煙秋漠
漠幾家村落草芊芊斜陽半入雙溪口岐路遙分古
戍前最憶故人從此去扁舟何處一帆懸

楊士吉

字子慶一字匡谷江西豐城人兩遊東粵
著有五嶽疏筆花居詩餘瀟道人集匡谷
詩集
行世

帝臨

帝臨寶位皇運休明甘雨汜濩祥風不鳴秉極御中
浹洽羣生粥粥收翊翊嘉賓神符聖籙永譽鴻名

齋房

齋房穆沕習習玄雲甘露滲漉和氣氤氲芝九莖
鳳蓋龍文幸甚休哉樂我聖君

嶺南五朝詩選

卷十

國朝名宦
楊士吉

五

青山

青山悠悠江水自流有美一人遠隔冀州以道爲濟
不流不緜寤寐羹牆膠漆綢繆別君無幾有若三秋
天南地北如風馬牛車輪腸轉縮地無由憶昔玄冬
雪風颼颼憐我無衣衣我銀裘置酒閣上玉饌珍饈
君以爵獻我以觥酬杯盤狼藉達旦不休今之好士
君實靡儔愧予小子馬勃牛溲自謂朝夕得侍騰鞬
胡爲時勢參商海頭相思相思曷云能哀

春日黃非池邀同返湖溪作

乘春命書幃信宿達仙鄉晴光蔚雲霞野卉紛幽香
漠漠廣甸煙縹緲隱垂楊村舍亘連綿水田路渺茫
辟荔結衡門垂花覆短墻芳草靡堤壘三徑儼荒
荒
伏節策板橋攀條度高岡登陟囑川原靈秀鬱蒼蒼
有峯噓佳氣炳煥成文章考槃深曲澗蒔媚渚央
願言賦招隱同此詠滄浪

秋夜懷友

自昔安君子絳燭映紅霞雲厨供仙饌玉碗進胡麻

嶺南五朝詩選

卷十

國朝名宦
楊士吉

五

當食奏宮商錦瑟雜琵琶何期歡會終德音萬里遐

李永思招同陳伯仰遊鼎湖

雙峽羚羊口牂牁萬里流笑同湖海士一上李膺舟
芳草天涯徧青山煙際浮春風隨杖笠何處不堪遊
與陳鉢山小飲談及梁藥亭太史

把君桑落酒相對碧山岑與我談知己何人最賞音
青天高莫極滄海渺然深不似梁夫子平生一片心
九日偕梁誕人賴君翽登長壽藏經閣分賦
短策相攜遠畫廊倚空層閣迴茫茫人當暇日天涯

聚話同秋風水殿涼紅葉倒看湖上影黃花遙映簷
邊甯倦遊莫問年來事欲借無生學法王

登閩江樓

馳驅四海誰知已是處登臨一散愁宇宙萬年供野
馬人生百歲苦蝸牛星巖雨過煙初歛峽潮生水
逆流何事蒼梧雲正渺天邊鴻鵠去悠悠

舊館和李駿貽韻

惆悵西風挂樹林陽臺人去楚雲深低徊白續陳王
賦寂寞誰憐司馬琴明鏡不留金鳳影海棠猶護玉
嶺南五朝詩選卷十國朝名宦 楊士吉 姜

春州書懷

海角天涯汗漫遊栖栖道路亦何求自憐盡地增蛇
足誰識傭書老虎頭王粲鄉閭哀後切陶潛事業醉
中休莫言生得逢堯舜扣角仍歌竊戚牛

陳宮

琪樹花飄蒲禁風後庭清唱玉闌東何因忽報韓擒
虎腸斷臙脂碧井中

隋宮

誰尋好夢到江都千尺迷樓隱畫闥爲問阿廢春睡
醒同心還記舊時無

唐宮

雙陸朝看局未休媚臣恩重此淹留至尊盡日無餘
事也自殷勤爲點籌

秦宮

曉聽宮車走玉輪翠鬟光動綠雲新那知三月咸陽
火化却阿房無限春

顏允珏

嶺南五朝詩選卷十國朝名宦 顏允珏 姜

字二正浙江慈谿人著有覆瓿集

感遇

窮鳥無一枝性乃厭荆棘高飛欲何之尚未豐羽翼
白雲結知己朝莫空山側山側清溪流洋洋不可食
回首念舊巢延頸長太息

蠟梅有序

時惟二月地屬五羊坐皓月於空庭賞奇
花之晚節色將蠟染枝標粵海之英名
以梅傳點點有黃金之嫩情含碧石香吐
檀心漢臘未舒任羣芳之雅潔花朝始放
披夕秀以清幽用抒下
里之詞以引清風之什

訪友東南隅中藏讀書臺僻靜竹巖壑花木四時栽
媿我簞瓢子半載逐塵埃蕭然一卷書抱向春風來
密海冬不放任彼東皇催合情如相識待我花朝開
狂歌斟清酒掩映黃金壘愧無佳句酬空庭獨徘徊

題畫

越山多奇勝巖竇何玲瓏石室連蘭渚佳氣如鴻蒙
山前卽鑑湖湖山一室通室中居者誰昔有陸放翁
夏秋蒨葭開扁舟掉清風幽吟酬晴暉俯仰興難窮
笑我風塵子何日歸山中

嶺南五朝詩選

卷十

國朝名宦
顏允珏

五

汾州道上

北山白雲如奔濤南山白雲如積雪兩山只隔百里
間一動一靜便殊絕我生俯仰困飄蓬隻影走盡西
風寒東鄰不識弄璋字鸞車鶴蓋盈雲端人間貴賤
真有命與天爭勝良亦難悲歌亟索琵琶彈

夜步

蕭瑟蒲林垌乾坤似獨醒開門迎皓月倚竹亂寒星
湖水半灣白溪烟一帶青高山吾仰止松栢正亭亭

景州道上

曠野霜初白征人淚未乾頻年隨馬首半世悞儒冠
鄉夢三更續春風二月寒雙魚何處寄努力且加餐

香爐峯和陽明先生韻

白雲變幻任輕風長作爐烟護碧峯索簡禹陵何處
是磨碑秦望又誰同汪洋滄海三江北繚繞晴霞六
寺東東望家園二百里巖頭兀坐數歸蓬

立秋日書懷

年年異地悲行役日日晴江自溯洄青嶂不隨流水
去秋風真是故人來身疎菽水驚三月腸斷鄉關空

嶺南五朝詩選

卷十

國朝名宦
顏允珏

五

九回祇向暮蟬聲盡處危橋獨倚一徘徊

魏坤

字水村嘉善人著
有宦遊諸集行世

孔雀詠

本屬炎州產風胎孕最奇含英齊赤鳳結體應芳羣
掛就珠毛串裝成繡葆帷似錢鋪疊疊如線綴絲絲
照水光璀璨輝山采陸離紅黃看不足金翠雜交施
徑繞樓花啄林穿密篠窺越晴隨鵲噪愁雨學蠅癡
擬宿先安尾將棲必揀枝翩當初振候屏到欲開時

顧影偏增態聞聲儼若思
飾矜童子佩舞解美人願
華砌游行遍文軒位置宜
細沙瑩藻質凝露養清姿
高竟邊鸞手吟停怪鳥詩
南歸艇可載願作一籠移

鎮海樓懷古

樓迴當城北岡連實壯哉
翠依屏作障青擁髻成堆
基自何年築松經某手栽
人思通窈窕歷級上崔嵬
俯檻東西寺臨流大小河
派潏三水合峰抱二馬回
蜃氣層層結龍腥面面來
蜃人歸遠市番舶列高桅
海色炎蒸雨江聲怒走雷
虎頭排突兀雁翅接喧阗

嶺南五朝詩選

卷十

國朝明宦

堯

殷以偏雄地中多雜霸才
關從秦將扼國繼越王開
烽火難留樹雲衣半委苔
素簪千片落杜宇幾聲催
黯淡花前淚蒼茫劫後灰
僞劉空有家朝漢久無臺
遺恨填詞管餘情付酒杯
春風吹客鬢搔首一徘徊

苦雨和韻

漲海波添闊潮雞咽不聞
層檐翻急溜脊嶂鎖寒雲
如夢傷春去憑愁度夜分
吟懷方斷絕吾視亦須焚

和魯思亭夢遊羅浮

悵斷癡雲暗碧空忽拖嵐影入
演漾慚余瑤室無緣

到美爾甜鄉有徑通定許仙禽迎
蠟屐還吹寒瀑落
吟筒仇池夢醒曾題句好繼蘇家玉局翁

送蝶歸羅浮

不比春蠶縛繭中纔成小鳳也
凌空仙山歸路無多
遠只趁天邊一剪風

花田

疾雷聲落震昌華劉襲墓在昌華苑
明崇禎間雷擊破
潮湧金魚出淺
沙偽漢園陵蕭颯甚風流不及內人斜

奈錫朋

嶺南五朝詩選

卷十

國朝名宦

李

字儀仲吳江人著有夢遊諸草行世

長樂

邑屬名長樂風土黃農若阡陌
紛高低老耜勤錢鉅
交錯山水中含哺娛耕鑿水源發
上流幽澗瀉碧落
灣灣設水關灌溉資繹絡東作屆
西成不雨亦不涸
且聞絃誦聲文風不寂寞園林盡鬱
蔥綠竹垂新籜
浮圖瞰沙洲青山遶城郭飛濤響
潺湲清音振寥廓
予從藍關來眼界爲之擴夙昔稱樂郊
撫字有所託
今冬刈穫忙比戶多歡躍羣誇大有年
歲歲祝如昨

相載克閑閭簪篸儲積各淵淵社鼓喧田畯互邀酌
兒童扶醉歸村村恣笑矇賢哉司牧誰一琴還一鶴
吁嗟石壕吏哀鴻遍中澤

微雨初霽

風靜停微雨悠然見遠山人家圖畫裏樹木水雲間
野鳥棲無定江流去不還沙邊愁旅客離緒幾時刪

望前二日舟過佛山有懷顏二玉

畫船欸乃隔江聞擬賦懷人恨不文千里月明同一

照異鄉秋暮却離羣良宵幾聽桓伊笛逆旅常瞻狄

嶺南五朝詩選

卷十

國朝名宦
秦錫朋

李

子雲遙憶多情韓水客定從冰雪醉斜曛

十四夜泊舟長樂看月

澄江風靜寂無聞備向殘編覓錦文昔悔不從松竹

侶今期仍逐鷺鷥羣癡懷半付將圓月愁緒全同欲

莊雲病體難支宵坐久明朝索醉到斜曛

嶺南五朝詩選卷十一

目錄

國朝名宦

李錄予

八首

袁鈞

六首

孫清

四首

王原

八首

宋嗣宗

二首

劉茂溶

一首

沈彪

七首

嶺南五朝詩選

卷十一

目錄

金祖彭

七首

何志本

一首

周詩

五首

董志遠

五首

黃又

六首

梁再灝

五首

蘇翰瑛

二首

彭一楷

四首

李全吉

五首

龔應昌 六首

程大宗 六首

吳 燦 四首

吳 燦 六首

嶺南五朝詩選 卷十一 目錄

二

嶺南五朝詩選卷十一

番禺黃 登俊升氏訂定

國朝名宦李錄子

字恒旄一字山公北平人庚戌進士現任
詹事府主簿詹事府翰林院侍講學士康熙
癸酉主試江南五月奉 差祭
南海神廟著有詩文諸集行世

桐城道中

層巒百轉谷烟迷滿壑松風村舍低峽古關猶名大
小泉分聲不辨東西草堂冠帶山中客春日壺漿雨
後溪卽此武陵家已好犁花我欲問雲棲

嶺南五朝詩選

卷十一

國朝名宦
李錄子

一

梅心驛道中

梅心南向好峯來春樹千重曉嶂開煙瀉孤茅紆澗
道花連荒寺轉河隈呂城久剥扃關鎗院國曾奇辨
主才下馬不須愁日暮登臨翻快驛亭杯

過大庾嶺憇牛山亭作

插雲雙壁冷峯環百粵朝天此闢關人遠何時知去
住鴈迴翻覺識忙閒將軍壘伏仙巖月丞相祠連韶
石山 聖代典崇炎微祀久看海氣靖龍灣

奉 使致祭 南海詣波羅廟禮成敬紀

金殿函香勅使臣
滇南鐘鼓展精禪
日方遐照光天
德海不揚波知聖人
禹服歲登九土熟
虞廷風動五絃新
虎門山北黃灣廟
萬姓歡呼會巨津

王紫詮先生招遊小金山晚宿寶陀僧舍限

韻四首

寄枕邯鄲夢未閒
旌旄飛度遍江山
且來白社尋三昧
可許黃梅轉一灣
砥柱獨高烟蕩裏
皎輪故滿翠微間
誰彈中散龍池曲
子夜猶聞響玉環

又

嶺南五朝詩選

卷士

國朝名宦
李錄子

二

珠海何人徑半閒
靈洲一榻識眉山
重來白髮顏如鏡
不老青霞樹幾灣
把酒劉琨清嘯夜
揮毫陸賈縱談閒
洞簫如怨依江水
那得周郎不解環

又

勞塵羈影羨雲閒
客路何能便買山
南斗劍鉞分祖詠
洛陽鴈信帶王灣
寧拋香閣壺樽外
偏插曇花簫鼓間
鳴磬不須驚上下
梵輪久識轉如環

又

精舍悠然去住閒
紅塵不起荔枝山
牕留花氣風常

定門送蒲帆江午灣
知己天涯疑漢渚
歸程日下計河間
迢迢鐘漏南溟月
千里雲華一嶺環

袁鈞

字德亭
慈谿人
由明經任廣州府同知
著有竹江詩草行世

東海

東海有蓬萊
道遠不可即
張良辟穀早
李泌歸山亟
欲逃富貴
榮豈必神仙
得嗟哉後世人
因之求服食

偏橋

馬首盡烟嵐
驅馳向日南
一橋通百雉
萬樹擁孤龕

嶺南五朝詩選

卷士

國朝名宦
李錄子

三

白水朝湘下
青山向蜀探
遐方通四會
風土記詩函

送友人秦步簪江上侍御韻

驛路生春草
年年老未休
山川新入眼
書劍舊曾遊
塞上黃雲滿
關前紫氣收
送人還極目
萬里入邊愁

錢氏客園

高風一半出
層烟夾道松
陰落日懸山逼
江雲全近郭
寺開嶺樹敞
諸天山鳥下
食還驚客野衲
逢人不記年
爲問無生何
所着桂花香
落阿誰邊

除夕

江北江南知幾度今來西楚又年殘客途歲月傷心
盡故里親朋見面難遠近溪山新雪積荒涼城市朔
風寒莫嫌臘向尊中去明日春隨馬上看

江行雜詩

將軍羽檄下山亭烽火天涯夢幾經燕趙十年空策
馬瀟湘兩度獨揚舲雨餘岸草無心綠春到江峰着
意青笑我勞勞同候鴈何如鷗鷺立沙汀

孫清

字廉西徽州人現任詔州協鎮兵戎之暇不廢吟吟著有棧道吟諸集行世

嶺南五朝詩選

卷十

國朝名宦袁鈞孫清

四

黃埔驛

山澗穿黃埔紫迴亂石坡深巖留瘴霧古木抱藤蘿
徑僻人烟少山荒虎跡多遙看西蜀路鳥道更嵯峨

雞頭關

白山脚上七盤嶺至關上下二十里關傍巖石形如雞冠故名雞頭關

曉起凌空上七盤雞頭突兀聳巖端雄關高峙千峯
拱鳥道遙穿萬岫寒北望岐梁雲漠漠南臨漢沔路
漫漫徘徊已覺青天近時欲乘風借羽翰

益門鎮

益門鎮在益門山故益門自此進棧

益門古鎮蜀咽喉遠近諸峯黛色幽入百連雲從此

入生成天險壯神州

鳳嶺

出鳳縣城即上嶺上下三十里縣誌載周時鳳鳥自此飛鳴于岐山今嶺畔高

山曰南岐山鳳翔府岐山縣曰北岐山

盤旋漸似陟虛空秦蜀咽喉一綫通遙見千山村舍
迴家家雞犬在雲中

王原

字令詒江南青浦人康熙戊辰進士現任茂名令著行闡海集潘州集學菴類稿行世

後塘

嶺南五朝詩選

卷十

國朝名宦王原

五

茲山何屢屨石骨無媚姿兩崖入青冥新削鐵質奇
蟠足直水府礪礪支地維丹青繡壁色石鏤秋樹垂
境闊領新態迺際欲瞑時

古樟行

太末城遠東半舍輕舸夜泊漳樹潭舟人指點古樟
樹蔭落十畝青髮髮好奇興發不待旦登步遠跋乘
燭探霜皮蘚色斲古鐵三十六圖襲重鎬拔地如山
立怪石百態擁腫情縱酣孫枝尚作老龍怒屈榦乃
以伏虎慙分條四遠皆倒出偃仰趁勢恣所貪噓吸

陰陽取精氣冰雪噉蝕無靈蟬柯交葉比滴餘翠時
書常覺風雨含歷歲數千閱上古神靈封秩沿巷談
土人云明太祖伏兵其下封馬護國將軍昨行泉山見此樹伸手合抱人
四三又見枯株徑一丈總未足與相絮參有目乍覩
此奇冢口難形肖心但諳羸秦變古明堂廢良材伏
匿性固甘支離不中受繩墨阿宮棟梁宜未堪荒江
湫瀾廣莫野日夕吐納寒烟嵐須今終古老巖壑罔
俾匠石求耽耽

觀山

嶺南五朝詩選

卷士

國朝名宦
王原

六

西城衣帶水對面小林丘塵外此高寄公餘得勝遊
沙頭春市酒烟際蛋人舟最愛虛亭上凭闌數去鷗

漁梁

終朝危阪過三日宿漁梁未覺風上異依然鱗稻鄉
山街飛鷺白柳挂夕陽黃不斷青蒼色連雲接大荒

出都留別諸子

歸思翻傷別須知久客心首塗當伏暑行李犯愁霖
二鳥繁新感雙魚重遠音登車卽長路柳色更深深

化州道中

心目從清一葉舟斬離塵境問林洲常時幽意關雲
岫一片閒情到水鷗宿雨沐青裝野色新泉碓雪長
春流蛋奴打漿食乘漲纖月鈞邊指化州

病小愈示醫者劉生自榮

麋鹿無端絆世韁支離病骨賴神方隔簾花重曉來
霧對鏡心驚夜裏霜書褰偶親還有味爐灰未冷尚
凝香苦思移疾憂生切不爲尊鱸憶故鄉時予上書乞休

八月十四日病起西礪詩廬遣興時造小艇

初成試泛

嶺南五朝詩選

卷士

國朝名宦
宋嗣宗

七

薄署西津官渡頭未忘幽興向林丘無邊風露羨清
夜滿目雲山媚晚秋水閣倚來剛受月野航停處怕
驚鷗消愁養疾知何術得小餘閒愛獨遊

宋嗣宗

字禹門一字定山仁和人康熙丁未進士初授大浦令著有蕙堂詩稿二卷

雨後看月

雨霽月光寒清輝耐遠看雲澄花氣散風定樹聲閑
逆旅愁難寐深秋漏欲殘挑燈猶作賦不畏客衣單

鶴吸

午間鶴唳下青霄旅舍樓連倍寂寥不向孤山尋處
十應從仙侶問王喬悽涼夜月移松影搖曳秋風過
草橋獨立雞羣誰得似孤踪偏許結漁樵

劉茂溶

字華生一字靜岳楚黃人任廣州知府時
李大中丞士植備念城郭因循廢棄未復
首行修學宮架雲橋建貢院開新城濠
重創鎮海樓諸大經營皆公親承督理工
無虧損民不千擾千占賴之仍自捐俸選
買大塚建爲塚上義學買風水地爲民義
塚及捐刻鎮海樓詩選粵誌詳
定稿爲山廣東文選諸書行世

登鎮海樓

嶺南五朝詩選

卷十

劉茂溶

八

日在危樓興未闌飛甍重建上雲端水仍東注歸滄
海山自北來繞盡欄費出俸錢諸務足役無民力萬
家歡興頽救弊中丞澤羸馬驅馳笑一官

沈彰

字詹山歸安人領康熙甲午鄉薦乙未連
捷進士時年十九即知名海內丙午補文
昌令廉明德梯重士愛
民著有歷游軒行世

度梅嶺

嶺行如画裏復此對新秋磴道看人小肩輿共樹浮
融融雲氣合細細石情幽夙有山川好重來未倦遊

抵五羊與門人蕭俊

秋散晴空大火流懷人迢遞到炎陬及門尚有侯芭
在新語誰如陸賈優歷塊也知須代馬刈薪曾已斂
吳鈞可能卽下珠江棹良晤慙慙寫我憂

謁大忠祠

厓門鯨浪盡流東節概千秋表大忠國步已移天欲
絕臣心如此恨難窮空塔寂歷僧祇守浩氣蒼茫帝
座通幾片殘碑苔不蝕青光搖映夕陽中

與金大年雨中夜話卽步原韻

嶺南五朝詩選

卷十

沈彰

九

雁鳴寥廓歲寒心江館相依坐漏深數去百年成短
景場來斗酒動長吟路看天步青雲在身對菱花白
髮侵聞道三秋多苦旱赤松何日始爲霖

錫山俞桑弧以詩留別依韻奉送

長者追隨奉笑歌客途三徑並羊何先歸目送千盤
嶺惜別心如九曲河鰲羽自憐中澤雁塗鴉誰換右
軍鵝清泉翠壁吳天遠明月懷人夢裏過

自立春至芒種晴日僅可指屈旅寓岑寂成

詠

炎方入夏尚寒衣
蜃氣嵐光冷竹扉
花信幾回來日
馭夢魂何處問漁磯
遠觀海勢能容納
不道湍流有
是非誰似爲龍終臥去
從來不逐霧雲飛

答東莞陳穗石贈句依來韻

老去休占十八公
風流儒雅隱牆東
著書君乃山中
相失馬余如塞上
翁青玉案投欣自合
黑貂裘敝倩
誰通瓊瑤欲報難成和
客路低回高士風

金祖彭

字揚大一字大年松陵人任高州知府重
士愛民著有平遠樓詩稿南中諸紳行世

嶺南五朝詩選

卷十一

國朝名宦
沈彭

十

十月十八日珠江舟次

獨坐意蕭然
山河起暮煙
無言杯酒外
落月小舟前
天地多遺憾
浮生半往年
最憐感慨處
空逐歲華遷

姚濟川招遊小港是岸菴馬參領克起命歌

童至卽席同沈上引宋時懋賦

載酒勞親串
招遊感素心
雨消長夏暑
風送畫船吟
偶與青山對
何期浩月臨
中流渺無際
絲竹有餘音

山居和徐巽菴韻

山居真可羨
常在白雲中
飛瀑當窓落
孤峯絕逕通

杯長惟憶友
樹密却留風
不省人間事
門前車馬空

又

巉巖周萬疊
錯落雜丘原
窓底雲如海
天邊樹是村
清泉閒飲鹿
高閣靜聞猿
却訝幽篁裏
憑誰共語言

端州李別駕招同同城諸公飛雲樓燕集

高閣亭亭霄漢邊
海天無事集羣賢
星巖突兀當杯
筆定嶺廻環
散管絃幾見炊煙浮北郭
更誇稼穡遍
原田飛雲得作飛觴地
回首蒼茫一惘然

蓮花菴

嶺南五朝詩選

卷十一

國朝名宦
金祖彭

十一

一亭一榭數椽菴
不覺題詩一歲三
野衲更無人作
伴深山惟有氣成嵐
勞人悔識天涯路
古剎常停門
外驂自惜驅馳無一善
此心長欲老終南

同人夜酌見山樓卽席分賦

晨夕追陪愜素心
高樓盡日好披襟
晚風近挹山山
冷明月遙臨樹樹陰
賓主不分人自醉
送迎都廢興
常深眼前大抵皆親舊
不作他鄉杜甫吟

何志本

字萃菴大興人由貢生任番禺大令時軍
興旁午間闕窮苦凡有所需皆公揭辦代

應政刑金省大稅金...
以爲歸士民呈留奇籍...
田爲令贈養奉掃城東...
然自得此新令尹愛其...
油瓜果之慰公開門取...
詠吟金不存稿僅錄一...
雖賢而民亦仁報也

春山

一丘自足藏迂拙况復峯巒接杳冥多少紅塵遮不
斷春來依舊照人青

周詩

字二南一字韻齊鄞縣人由貢生軍功授
柳州判庚辰再至羅浮著有竹窓草行世

嶺南五朝詩選

卷十

國朝名宦
何志本

主

客僧舍同諸子賦

榕影分窓綠清陰動客憐豪吟因得友雜坐不論年
鄉思生泉石禽聲到几筵天涯吾浪適頭白亦依然

攝天河令事竣出署

隨行露冕但空囊晨起無勞檢點忙已結簿書今日
案仍携幙被舊時裝絃歌未歇千家響水堦堪資一
路糧不盡子民惟臥轍遠山重疊路茫茫

凌江次潘稼堂太史韻時方入嶺

局跡肩輿又一程喜逢郵驛近孤城衆山漸見牛羊

下平野難停僕馬征貨酒滌愁寧論價題詩記勝漫
留名更期明發長風健同下珠江五兩輕

再遊羊城

江逢疎雨恰停舟重到今朝憶廿秋山色媚人隨遠
近鳥聲迎客便清幽荔枝入市嗟方盡盧橘懸林喜
漸稠憑借一窓曾刻燭唱酬誰是舊交遊

過珠江舊遊處

昔年江上醉春風今日相過春正中嫩柳漫垂水簾
綠天桃還映酒杯紅一身罷宦渾如客雙鬢逢人漸

嶺南五朝詩選

卷十一

國朝名宦
周詩

主

似翁靜息客窓尋好友不須鄉夢擾簾櫳

董志遠

字亦邇漳州龍溪人
著有堂集行世

秋日感懷

久客未歸日秋風乍轉涼家離身似葉母老鬢如霜
對雨看楓落驚心惜雁翔尊鱸今正好無計獻高堂

遊小港是岸菴

溪橋連寶刹揮漿共追遊曉日千山樹春風一葉舟
僧高偏愛客殿古共臨流行到花開處香清人境幽

燈節日由禪山歸省

柳色桃花夾岸新江行到處總成春客帆曾掛禪山
棹元夕還爲嶺嶠人燈火乍看今夜樹風光又老一
年身孤懷薄暮誰同遣不盡閒情綠水濱

秋夜雜感

野樹聲幽咽暮蟬懷人秋思每凄然風飄落葉來清
簾雨斷哀鴻過遠天故國欲歸空有約寒衣未寄又
經年漫漫客恨何時減月色深宵祇自憐

大通寺

嶺南五朝詩選

卷十一

國朝名宦
董志遠

古

曲岸行將古寺中疎林隱隱雨濛濛山環野色江城
緲水到潮平海艦通巖壑高低風景在亭臺登眺友
生同歸來共得扁舟興回首波浪思不窮

黃又

字燕思號研旅江都人
國學著有研旅詩文

中秋

羸馬嘶寒處艱難紫塞前風塵負佳節客路過流年
黯黯雲浮海離離雨拍天遙憐草堂夜團坐盼歸鞭
自羊城之高涼

迢遞出羊城行行感慨生那堪更爲客到此復長征
斜日蒲帆影輕風畫角聲鄉書何處達極目重含情

登山海戍樓

十二危闌杳靄間遠峯如黛復如鬟路迎遼海來重
譚樓倚荒烟控百蠻禹貢千年歸版籍秦城萬里壓
天山登臨莫詫飄零客疋馬新從絕塞還

潞河驛贈別家姪硯芝宮允之關東

滿牀詩卷共扁舟千里征途喜壯遊趙女粧成空窈
窕吳儂歌好最風流披星曾踏梁王壘冒雨同登李

嶺南五朝詩選

卷十一

國朝名宦
黃又

古

白樓不信天涯終有別凭高目送塞垣秋

長安懷歸

槐葉風生晚漸涼羈人情緒實堪傷玉堂有客開東
閣銀漢無舟接故鄉脉脉歸心隨馬足迢迢驛路隔
羊腸相逢莫若還家好一夜相思髮欲霜

宿承恩寺樓

三宿琳宮動旅愁重來非復少年遊怱怱歲月他鄉
客滾滾江淮附郭流庭際蒼松新偃蓋案前老衲舊
蓬頭碧紗不復籠詩句慚愧飄零二十秋

梁再瀛

字墨素一字嵒山四川潼川州蓬溪人康熙庚午解元需次邑令庚辰訪雷州郡伯王均廬夫子屬旅羊城數月有同人吹和詩行世

鎮海樓

偶到層樓上凭高一望空人家野水外城郭暮烟中
翹首凌青漢低頭辨碧峯頓能忘客思何必到仙宮

曲江別醫者

兩水交流處青蘘隱市居園中董子杏肘後淮南書
秋色高天外江城細雨餘好將惜別意珍重寄雙魚

嶺南五朝詩選

卷十一

國朝名宦梁再瀛

六

羊城除夕同諸子賦

勞勞人客嘆淒其爆竹聲中節令移遊子懷鄉驚歲
換癡童守夜恨更遲揮毫剪燭營新句劇飲雄談對
舊知最喜此宵寬內顧唱酬不覺履端時

上陸維禔兩廣鹽道臺

龔黃風譽重蓬萊特借清標共栢臺者海盡占經世
術調羹還借濟川才春風早拂三巴柳淑氣遍敷五
嶺梅此日天涯遊子幸得瞻餘照近中台

蘇翰采

字受卿泉州晉江人著有客吟草

夏日卽事

匡坐嘗拋卷生涯憶釣筒亭前午後雨花外晚來風
談笑因時得交遊自昔同相看何所有不覺野情空

小港是岸菴次韻

羊城風景客蹤留偶向江干載酒遊樹蒲寺邊遮曲
徑人從港上繫虛舟閒雲野鶴青山近落日疎鐘綠
水流詩興正逢知已得黃鸝聲裏起春愁

彭一楷

嶺南五朝詩選

卷十一

國朝名宦蘇翰采

七

江行

字端樹一字秋堂漢陽人廩生著有嘯雲堂集寄山偶抄古樂府異名等書行世

屈指舟經路星霜幾度過離情依澤國鄉思入煙蘿
高柳沿河遍危亭隔岸多兼葭白露意渺渺奈愁何

閨燈

銀河秋耿耿鏡影播紅霞不願纏頭錦當封繫臂紗
照殘金剪任花落玉釵斜漫聽譙樓鼓新粧對學鴉

登快閣用壁間韻

閣臨城上益崔嵬水繞山環實快哉明月好教千里

共芳樽能得幾回開盤旋鶴舞穿雲去登眺人多挾
妓來若是昔年遷客在且停征棹暫徘徊

春宵

海闊天空暢遠情春光今復見羊城風翻柳陌千般
態月映星橋幾倍明樽酒話殘人易醉鼓樓聲斷夢
難成疎狂自笑頻遊客曾向侯門願請纓

李全吉

字彌謙安福人由功貢授廣西
蕉縣令著有題國詩草行世

送長慶上人

嶺南五朝詩選

卷十一

國朝名宦
李全吉

六

遠公思白社二月下鵲湖杯渡鄱陽靜錫飛長慶孤
園林通兩浙文物備三吳別後能相憶因風慰轍轡

登七星巖玉皇閣

十里端城一望中攀緣長嘆夏王功山高應是崑崙
派池溢還疑弱水通舉首雲邊星斗近振衣林下寢
陵空陳高祖陵
寢在高要干戈日起纔能定悔別家園似斷蓬

閨情

梅花數點報年芳光映紅紗罷晚粧妾命不如花命
好設勞春色到東牆

過庾嶺

初嶺南來又一天桃花歷歷鎖雲烟風搖碧落千山
應寺別舒州一角懸

龔應昌

字五期一字梅菴江西安福人候選國子
監典籍著有梅菴詩選初集二集行世

送王筆山歸里感贈

獨有關心處詩成淚暗垂因君歸里日感我在家時
客鬢今如此慈顏更可知那堪江上笛偏向送行吹

宿孤館

嶺南五朝詩選

卷十一

國朝名宦
龔應昌

七

尺馬投荒成空郊少四鄰孤燈蟲弔雨深夜月憐人
客路經年老鄉思入鬢新有懷終不寐落葉滿江濱

燕臺懷古

白虹曾不見猶自堪強秦死負將軍首生屠太子身
築金思烈王買骨感賢臣誰料幽燕地輕傾在衛人

金陵懷古

地以埋金重吳王始據雄豈知爭戰起偏向大江東
十廟烽煙裏六朝傳舍中白門花事好誰復醉春風

韶江逢周芳孫夜語

白鷺洲前別蹉跎已數年人情多冷煖世路半烽烟
泣玉終還楚浮槎欲泛天聞鷄須起舞莫讓祖生鞭

遠岸

隨流不知處影望夾江長山抱一邊險溪分半野荒
微茫開積莽曲折辨殘陽莫向垂楊渡離思欲斷腸

題漂母祠

一飯縱憐奚足重千金已儼豈為多只緣哀食非干
報始見推心自不磨知遇當時賢若此風塵近日事
如何今來我亦艱難際悵望空祠一嘯歌

嶺南五朝詩選

卷十一

國朝名宦
樊應昌

三

采石磯太白祠懷古

會開當日騎鯨去此際纔臨采石磯一夕滄江波浩
渺千秋明月影依稀堪懷舉將力能王却笑從王醉
已非感慨何須評往事詩吟祠畔雨霏霏

程大宗

字維翰一字花農歙縣人
著有諸稿為遠遊所失

落石臺

石自何年落臺從今日遊却如赤壁下飄泊一虛舟
每欲雲中漾江城樹裏浮不須登絕頂煙景已全收

春之

宛轉橋通寺參差柳作城放舟依小港把酒聽新鶯
草白隨煙暗花偏向水明昌華何處苑無復管絃聲

三月三十夜

三鼓猶春夜凄然此夕中故人將夢遠樽酒復誰同
簾滴流花雨牕鳴落絮風愁腸千百轉都付一燈紅

登鎮海樓

天涯愁絕是登樓萬里西風正暮秋戰血久消花樹
裏笳聲猶起盡城頭慈元殿冷厓烟合朝漢臺空鬱

嶺南五朝詩選

卷十一

國朝名宦
程大宗

三

水流鄉國不堪重悵望夕陽先下荔枝洲

贈黃積菴

仙鄉誰識先生舊路羊疑向煙霞隨道
樓早從冰雪見詩腸春雲作服偏宜白秋水為瞳漸
欲方何必圮橋書受授赤松應許共徜徉

西郊和韻

只此溪山儘足娛不須明媚羨西湖千尋練帶詩曾
有為似花屏畫所無看去杏桃紅蒲路種成楊柳綠
當臨輪若畫日饒閒致太白樓前酒自沽

吳燦

字立人歙縣人書
有詩文各集行世

贈黃積菴

金戈射昭代老宗工相汝神仙格人稱廟中
經籍詩宋五朝風不識其志平空勞
潭子磯

自尺橫江兩岸洲九有地詎衡天興元誰雪家孽
金統虛傳卽位年戰馬不來蒼麟碧山花老大
泉無笑他博得齊王肯輸與沙陀獻九邊

卷十一 國朝名宦 三

登八境臺和蘇學士韻 臺名望江樓

路遙登江上樓屏開八境坐忘憂
年笑我勞舟
兩蕭然憶李侯

題龍山

地說龍蟠事幾時金陵王氣已遷移
赤梅却向炎方
白梅花開下釣絲

吳燦

字立人歙縣人書
有詩文各集行世

春日召同范子林一暨家大兄過龍山

草堂卽席分韻

短杖乘潮往花洲問草堂航輕十里近春暖一犬長
吠柴門靜松溪路逕香主人容有竹亭畔好流觴

黃俊升

高僧志傲岸檀書滄半榻雲同臥孤懷月共吟
回蘭空谷老威鳳一林溪白眼誰知已追隨愜素心

早梅同江子可樵作

珠江春氣早秋盡已舒梅一夜相思夢南枝幾處開
月明疑雪在香散怯蜂來愁寂黃花老相逢漫舉杯

卷十一 國朝名宦 三

滄浪聽雨同大兄夜集分韻

約共虛窓破寂寥疎簾清簟夜迢迢寒燈消受三更
雨野浦頻添幾尺潮較句不須分魯衛耦耕從此狎
漁樵東軒料得同蕭瑟千古關情酒一瓢

滄浪書屋晚霽

雨過高樓愛晚涼雲飛疊嶂海天長滴殘窓牖芭蕉
重風度簾櫳茉莉香斗酒盡歡澆傀儡一燈分韻坐
滄浪自慚經世非吾事直欲攜琴入醉鄉

送汪茗村歸廣陵和留別京韻

芳蘭結佩菱荷裳寄跡鸛樓玳瑁梁門近市廛依柳
柳家浮濠濮解鳴榔沽來桂酒黃金嫩吟向花田白

南五朝詩選

卷十一

國朝名宦

五

嶺南五朝詩選卷十一 目錄

國朝名宦

樊澤達 十三首

劉曾 十三首

余英 五首

孟緝祖 四首

嶺南五朝詩選

卷十一 目錄

一

嶺南五朝詩選卷上

番禺黃登俊升氏訂定

國朝名宦樊澤達

字克本四川宜賓人康熙己丑進士現任
翰林檢討丙子主試粵東著有詩學紀遊
諸集卷定粵東關學行世

使粵 命下紀恩

日麗宮鶯囀風清 御柳斜鵲班聯左掖 鳳詔出

東華 聖代車書合炎州道路賒不才慙任使冰蘖

矢天涯

嶺南五朝詩選

卷上

國朝名宦
樊澤達

景州道中

細柳營邊雨難尋董子祠山雲朝黢黢田水夜淅淅
廩缺官厨儉泥深馬力疲謾言 天子使還似浪遊
時

高唐道中望泰山因憶舊遊

平野沙無際遙遙見一峯雲間垂窈窕天外出芙蓉
客興依黃峴征車憶白龍何時再登眺重揖大夫松

苦雨

猛雨不肯歇行人亦太勞奔馳 新簡命辛苦舊征

袍風信吹陰壑溪流走急濤前途知尚遠何日到江

黃梅道中望匡廬

九疊芙蓉嶂高雲截欲齊江湖無日夜吳楚自東西
瀑布天涵水潯陽岸拍隄未能登絕頂終覺隔虹蜺

贈王節婦

有序

婦為山人王蒲衣集之女名瑤湘號逍遙
居士好學善吟咏適鶴慶太守李相如娶
之子仁仁字孝先富才思著聲士林
年未三十卒婦稱未亡人矢志守節

食蘗心何苦單棲已十春妙詞原幼婦慧業即文人

嶺南五朝詩選

卷上

國朝名宦
樊澤達

二

翡翠牀歸篋燕支色化塵從來天地老霜雪獨松筠

出都

十年簪筆登華省長夏驅車赴海鄉 帝命祇承霄
漢上人文遙望女牛旁光苾鮫室明珠燦的爍秋花
桂樹香微外雲山攜不盡歸帆還擬渡瀟湘

渡江

片帆高挂向南開南國江山勢壯哉廬嶽一峯垂壁
下潯陽九派起潮迴鼓鼙聲斷蘆花港風雨寒侵菊
露杯

戊辰避寇曾泊潯陽及甲戌秋與同人
李雪樵氏舟九江又值風雨因成舊事

堪頻記憶勞身今向日邊來

始興江口

始興江口片帆輕又逐秋風第幾程
柳葉暗連中宿峽蓼花開遍五婆城
漫憐遠道悠悠過却喜奇峰處處迎
一卷畫圖尋不得却疑身在故鄉行

中秋

滿院和風吹溽暑高空皎月照無私
開懷對月同人望信步臨風發遠思
甲乙豈忘篝火夜丹黃猶似校書時
樓頭更漏休相促

外簾各官是日即促放榜煩貼再四

肯使明珠

嶺南五朝詩選

卷士

國朝名宦樊澤達

三

海上遺

觀音巖

一峰江上勢亭亭洞口人過氣杳冥
峭壁半分三峽險蒼巖絕勝九華青
山腰應得支公住屐齒還教謝父經
何處探奇問仙路尋源直欲到南溟

春日次答伍次與送別之作

客館張燈訂後期聯翩期爾步
彤輝燕山南望五羊遠鴈陣北來雙
鯉遺芍藥花時畱別淚琅玕贈處
遺愁思龍精已向豐城得莫漫逢人
皺兩眉

又

悠悠生計類飄蓬匠石操持愧拙工
采玉正尋和氏璞梓材猶失嶧山桐
潮生珠海波千疊雪淨梅關馬一驄
回首江天萬餘里好音吹寄嶺頭風

劉曾

字省菴臨潼人康熙己未進士現任吏部驗封清吏司掌印郎中丙子主試粵東著有南遊集鑒定粵東關墨諸書行世

嶺南雜咏

上帝抽玉簡命乘海上槎稽首出瑤闕
萬里褰胡麻

嶺南五朝詩選

卷士

國朝名宦樊澤達

四

南溟本天池扶搖願方奮譬彼勾漏令
相期覓丹砂行行近羅浮靈靈陰雲遮
惡木翳白日怪石紛嵯嶇玉洞蹲虎豹
珠宮盤虺蛇碧海翻洪濤炎州飛寒沙
非無諸仙人却走日無暇冉冉歲將暮
依斗瞻京華海澗槎不行還脂青雲車

又

威鳳栖梧桐有時逢荆枳神龍御風雲
變化艱尺水非無羽與鱗所遭偶如此
視彼海中潮朝落夕復起波濤瞬息間
達人無與喜觀潮悟盈虛循事感物理

夜來天雞鳴臬亦將東徙

奉別陳元孝處士

冥鴻入青旻所負殊羽翮喬木拂白日所就非尋尺
志士任千秋孤襟邁恒格讀書緬古人三嘆增紉繹
嶺表有元龍卓哉追疇昔貽我詩數卷館舍輝琪璧
展讀對春燈得君平生迹少喜擊青萍晚欲祠黃石
歲月莽蹉跎乾坤成跼蹐造物有深謀澗壑留片席
嗟此嶽崎人鬱爲文章伯東陵鮮撰述商山多怪僻
緩步齊名賢曠然陶彭澤海嶠足遺民風雅供晨夕

嶺南五朝詩選

卷士

國朝名宦

五

愧我幼失學踈慵仇載籍淹留八月槎汗漫五羊客
胸無萬卷儲對君面恒赤不復語詞翰相見輒譚弄
今茲當分手雲樹成乖隔攄情一浩歌矢口無決擇
譬彼枵腹人匄勉執戈戟木棉然東郊金柳低南陌
悵然挂春帆相思海天碧

奉別石濂和尚

任俠如縱酒逃禪如學睡睡理不厭寂酒理不厭醉
均有真氣存靜躁各爲類春滯五羊城曉步西廓寺
池館鬱青碧花竹紛紫翠精舍擬璇宮插架圖書備

中有惠遠師葆光發神智既掃百家言復監三乘秘
花雨灑南溟稗海微書至揚舲探蛟宮振錫驚蜃肆
隻手握風雷羣靈爭趨避蛟女獻明珠蠻王親受記
歸來寫圖經刊書志奇異頂禮致師前我欲剖疑意
禪本枯寂場爛熳極其致師云客未達此非禪所忌
優曇亦作花黃金亦布地空王息萬緣絢染何曾棄
色相本無着予亦聊爲戲行矣勿復言神解以爲貴
余如醉方醒斂喙無容置揖別卧歸舟顛倒不成寐

奉別梁藥亭翰林

嶺南五朝詩選

卷士

國朝名宦

六

青樽對雨今成面紫禁含香久憶名官旣東曹連翰
苑師曾北面共康成比肩通籍原昆仲接踵擔經更
弟兄萬里霜星遲使節三春花月慰班荆羊城酒社
新知已牛耳詩壇舊主盟我採珊瑚慚鐵網君投珠
玉盡瓊英木綿聿漢羞羣艷銅鼓含靈寂衆聲奇字
喜從楊子宅簡書愁滯越王城歸思疊隱千重樹別
話長紆九折程濠畔竹枝春爛熳潮頭檀板夜縱橫
荔支風裏撲桐鳳牡礪牆邊聽柳鶯花底朝雲能釀
酒曲前桃燕會調笙鱸魚有興家山好金馬無心歲

月輕一自錦帆歸粵嶠誰人形管侍承明石渠近東
書千卷玉漏遲君聽五更

王紫詮觀察招同樊崑來梁藥亭太史陳元
孝王蒲衣處士雅集長壽寺拈韻石濂上
人方丈得隅字

越王臺下寺倚樹抱城隅竹密吟風細花淡引徑紅
飲憑高士醉病訝老僧臞歸去扁舟晚潮頭海月孤

別佟偉夫

丹書玉簡舊鐘鐺望海樓邊傾蓋逢潦倒一官初報

嶺南五朝詩選卷七國朝名宦 劉會

罷縱橫萬卷且從容曲當誤處思公瑾篆每披時憶
李邑偉夫家僮度曲復貽余篆字彙各體精脩投分天涯君未老舌存不

用悵離悰

樊崑來翰林邀東樓望春卽席步韻

登臨此日設低徊懷抱同君且好開隔歲不縻陸賈
節逢春誰眺越王臺塵中車馬人如蟻眼底波濤海
似杯遮莫上元燈火近六鰲坐待駕山來

壽李御軒將軍

壁門舊第五羊城此日延開珂里榮垂世文章誇北

海驚人事業憶西平春淡雨霽木棉樹夜永潮翻金
縷聲我亦憑君酌大斗秋風小謝快知名

次來韻奉別王紫銓觀察兼贈赴任川南
十載詞場說姓名一朝投分友兼兄鶯花此日同珠
浦絲管他時憶錦城陸賈歸裝持舊節王尊叱馭促
嚴程客懷暫共離愁劇會見雙鳬入帝京

壽番禺秦子芳明府

春淡烟雨越王樓仙令丹砂海上求利器久從盤錯
別長才不對簿書愁他鄉榆社賓朋醉滿縣花枝父

嶺南五朝詩選卷八國朝名宦 劉會

老謳贈我玻璃瓶好在芳辰玉甕許重搜

寄硯

扁舟西下一帆輕硯購端州仔細評却愧當年包待
制嶺南片石也分明

羊城次韻別陳山農華亭人自稱梅源隱者

汗漫星槎接少微蒼茫雲漢偶相依春風庾嶺誰堪
憶夢到梅源老布衣

余英

字次萬一字就園湖廣鄧陽人康熙丁卯
鄉薦少保教諭公孫也丁丑遊粵者有滿

山堂詩
通行世

同張梧岡雷杏岡東湖訪一麟禪師

幾載東湖約今來亦偶然數峯廻野逕一寺挂江天
春老幽人夢山溪靜者緣到門思緩步溪上聽流泉

丙子羊城除夕

瑣瑣今宵話他鄉易愴神豈知遊粵客便作過年人
柏酒同良友梅花報好春家園千萬里此際念予頻

送沈令德還蜀

時出峽

片帆歸去楚江分折柳西陵一送君絕塞烽烟曾草

嶺南五朝詩選

卷七

國朝名宦
余英

九

微半牕風雨憶論文路經巫峽猿三嘯山望衡陽鴈
幾羣親老自須勤定省少年莫浪遠從軍

度梅嶺

磴道參差樹杪懸藍輿曲折破蒼烟東分海上千重
嶺北盡雲中萬里天丞相祠堂仍俎豆將軍名姓紀
山川祇今道上梅花少折贈何勞驛使傳

又

踏破層巒蠟屐來登臨面而海雲開出關未棄終軍
繡過嶺思攀陸凱梅盡日長風催作賦何時明月坐

銜杯此中佳處宜幽佳翠柏蒼松次第培

孟緝祖

字敬修一字蘭谷廬龍人現任連
州知州重士愛民著有諸集行世

題清源洞

曉氣冷淒淒寒流繞綠溪爛柯人不見仙景客來題
一洞清風古三洲明月低物華春正好幽鳥互相啼
不寐

更殘猶獨坐剪燭對山軒寒透珠林潔光搖碧葉繁
秋來時見鴈夜靜不聞鐘何處調絲竹清音到小園

嶺南五朝詩選

卷七

國朝名宦
余英

十

任熙平別故鄉諸子

薄宦驅人意愴然親知同聚話離筵一身落落歸何
日萬事茫茫定幾年梅嶺瘴來雲似墨珠江浪湧水
如天應知此後多鄉夢長繞金堂烟樹邊

昆湖壘巘

連州八景

昆湖南面大江流疊起羣峯壯一州碧水遠侵清露
月瘴烟晚發白榆秋漫言坐愛楓林勝自愧才庸桂
櫓留前路蒹葭迷處所夜闌行止任扁舟

嶺南五朝詩選卷十三 目錄

國朝名宦

秦桂 十四首

秦勳 八首

沈鉞 八首

潘定國 五首

陶煊 七首

張容 五首

蔣培質 六首

嶺南五朝詩選 卷十三 目錄

彭紹宗 四首

章標 六首

吳鐸 十一首

陳灼 四首

嶺南五朝詩選卷十三

番禺黃 登俊升氏訂定

國朝名宦秦桂

字子芳一字鐵菴晉陽人明經初授學博
歷廣東番禺大令上受民苦
年際定屬科程累召文註刻乃祀非臺公
三集通鑑大憲應象行世康熙戊寅丁外
守制 艱回籍

文昌閣 十二首 晉鐵菴紀遊
和倦圃先生原韻

顯矣神光遠為靈濟世窮化身飛斗側傑閣見雲中

盤伏青黎火窓噓紫電風斯文真主宰千載梓潼宮

嶺南五朝詩選 卷十三 國朝名宦 秦桂

唐太宗御製碑

碑荒草合奇字赤文偏體叶為章日香生載筆年

龍蛇驚篆艸鈎畫重刀鏤顧此宸光映長瞻雲漢篇

聖母殿

丹鳳扉長掩芬芳看薦蘋霞衣春不老珠殿影猶存

澗水清圓鏡松花拂素幡注看天界外彷彿給孤園

朝陽洞

洞占人稀到仙踪不復還輕烟迷逕外白日映窓閒

花沿橫汾水鷄鳴懸甍山此中真避俗何事問禪關

古栢

相古知何代乘風白嘯歌
屈枝橫碧漢老幹舞蒼戈
雲雷鐘聲靜烟迷鶴夢多
歲寒心事在相約許重過

旅夜聞濤

客情方欲息激響動山城
蕭颯和風籟奔狂掩月明
初疑三峽倒忽憶廣陵行
流水無窮意餘音耳畔生

登望川亭

望川亭子靜翹首快相登
掩映分堤柳巉巖出石稜
霞翻天布錦瑩燦樹懸燈
弓月方纔上微茫照紫藤

嶺南五朝詩選

卷三

國朝名宦
秦桂

二

晉祠

高祠塵外出猶是舊桐封
暗水流清韻懸山歆翠容
花香僧夢遠酒澹客情濃
禾黍秋來熟人家處處春

難老善利二泉

何地無澄觥茲泉遠覺殊
波明雙玉鏡浪激萬瓊珠
卓錫飛無定游龍氣不孤
寒心爭欲託一片微冰壺

鄭澹庵別業

丘藏曲折地僻與僧鄰
竹外窓含翠花前逕絕塵
鳥聲啼樹靜秋色捲簾新
擬步高人跡悠然得性真

出郊

野景空無際寒霜迴逼人
艸凝珠玉佩樹艷綺羅春
慷慨歐陽賦遲留張翰尊
青山饒逸興何憚涉風塵

湧雪亭

亭高如鳥聳客至總仙才
水冽波成雪山香菜有萊
樹頭紅葉動嶺上碧雲開
還看東籬下白衣送酒來

晉中別諸子

滿眼梨花歲事新江風江雨正傷神
幾年負笈同論學一日臨岐獨問津
海上波濤漸俗吏尊前談笑惜

嶺南五朝詩選

卷三

國朝名宦
秦桂

三

高人羅浮久有葛洪約登眺還期嶺上春

登鎮海樓

傑閣平臨天宇青烟霞片片度窓櫺
九州形勝開圖畫四海波濤入渺冥
漫倚危欄思夙昔曠觀南越念
凋零白雲此際空爲望俗吏由來跡似萍

秦勳

字欽文又字屋山番禺秦明府子康熙
壬申歲薦著有屋山文鈔詩鈔行世

野蘭和襄平于使君

可惜幽芳種蕭條寄草茵
援琴雖有曲紉佩已無人

影照寒溪淺香分破屋春我來空谷畔相對轉傷神

同梁藥亭太史姚非漁過遠公簷蔔樓

策杖西郊寺閒雲護竹籬小童頻具茗林鳥解聽棋
雨細沾花淺疎風拂袖遲因思何所幸不負上方期

秋塘

晚立菰蒲岸寒聲暗欲流雲同孤雁渡花迸小魚遊
不有當空月那知此際秋還將芳草夢更向枕中留

秋蝶

兩兩疎林外踰躐弄影輕已知佳節改猶自戀花行

嶺南五朝詩選

卷三

國朝名宦
秦勳

四

冷露微沾粉涼風暗觸情美人朝獨立團扇不相驚

秋烟

清晨何處起縹緲滿江濱風過難爲力雲歸若與鄰
遠峯生濕雨隔浦暗行人却愛寒溪上鷓鴣影更親

青渠書屋同交閭子夜坐

席布橋邊坐吟分手上杯繞欄遲月出弄水訝蓮開
雲氣侵衣冷蟲聲向客哀不知今夜外能得幾徘徊

宛轉詞

別後相思信已遙更從何處覓仙橋近來點點傷心

淚濕透琵琶恨未消

寄和非漁兄

隔林斜日小牕西行繞吟堦草色低思我故人無處
所那堪頻聽夜烏啼

沈鉞

字玉亭仁和人康熙戊辰
遊粵著有嶺南遊草行世

奇石

奇石生水中巧幻故無匹江水剝皮膚峻峻但存骨
大小餘百顆厥勢頗紆鬱金碧兼丹黃五色相間出

嶺南五朝詩選

卷三

國朝名宦
秦勳

五

鞭之不入升縮地苦無術若使小如拳米顛袖中物

江上馬廐歌

江上列屋千百間後枕江水前阻山平沙漠漠草肥
美將軍圍作養馬閑不獨渥洼誇汗血分部騰驤各
應節旋毛峻耳骨相奇只嚼黃金不嚼鐵千騎萬騎
如雲屯障泥紅錦無纖塵莎草青禾刈作食驂驪數
罷還麒麟朝來一飲西江涸共上銀鞍蔽毳幕搖鞭
歷指笑相看將軍欲試芙蓉鏢將軍一怒山爲搖馬
群鼓鬣爭咆虓悔不奔騰報君死徒憐劍血汚霜毫

吁嗟嗟左有吳右有耿形制勢牽誤相逼水自長流
草白青十年無復桃花影

晚望

晚霞初散綺海霧接微茫城湧千層翠天垂半壁黃
山還連越嶺鴈已斷衡陽道路寧如棘無由達五行

贈李千泓

拂拭征塵盡來從小畫堂風蘭懸曲檻沙燕上雕梁
禮豈因吾設歌還爲爾長勞勞亭畔路偏倚讀書牀

飛來寺

嶺南五朝詩選

卷五

國朝名宦

六

石勢峻峭相對開水雲山雨共徘徊客舟正傍巖前
去古寺傳從江上來千尺龍湫沈峭壁百盤鳥道結
層臺玉環莫訝曾相解舞袖歌裙總劫灰

某氏解環
化後即此

荔枝和江蘭嶠二丈

山來珍果出炎方朱實垂垂入夏嘗野岸側生紅近
口晶盤滿貯白凝霜擘來欲瀉仙人液捧出猶傳妃
子香西域蒲萄湘浦橘縱令鮮美莫相當

不寐

羈人每起步前楹海國多風夜氣清燭影驚虫吟四

壁析聲催月上三更愁排夢裏諸無緒詩續舟中舊
未成越秀峯頭朝霧起啼鳥結陣向高城

客有自浙來者云浙中米價騰踊此貧士之

憂也詩以志之

轉輸無復下帆檣新阻江流作戰場夏麥難分八口
食春蠶寧足半年糧夢魂愁絕留天末消息驚聞在
故鄉最是啼饑憐白髮幾回夜起一徬徨

潘定國

字鉉臣山陰布衣著有祺園集行世四聲
姓字譜考月令考國朝輿地輯要印刻

嶺南五朝詩選

卷五

國朝名宦

七

嚴江除夕

時新安諸子同舟

千里饒趨越椒尊擬百卮江窮白岳水年盡子陵祠
寂歷孤舟節重添遠客思且同良友醉來歲定歸期

南昌卽事

洪都風景洵如何入畫山川繞郭多帝子開懸千嶂
月神仙壇鎮五湖波綠疇遠接參差影黃鳥時驚欸
乃歌此際重堪高士臥誰開陳榻待子過

巡憲署中次湯廣文觀燈韻

笙歌燈火遍芝城萬派俱從憲府生綺席經宵陳水

陸金尊連夜動簪纓輝煌應自星河落縹緲渾如月
殿行百戲具來徵共樂興闌猶喜奏新聲

中秋登望江樓次韻

雙江清景在斜樓勝日相將到上頭環視巖巒皆待
月靜觀林木盡含秋金風有韻天香滿碧水無聲帆
影流箕踞窓前佳興劇不須重作廣寒遊

贈長壽石濂和尚

蚤脫名疆惡竹林蕭疎莖髮獨知音漫言冀北虛師
帝已見天方舉國欽珠串拈來靈鷲相楊枝灑出補

嶺南五朝詩選卷三 國朝名宦 八

陀心慚予半百淪塵劫得見臺前花雨深

陶 煊

字奉長一字石溪長沙寧鄉人
明經考授司馬著有詩文行世

贈梁藥亭太史

潛虬不可測瀕氣資滄溟風生萬頃濤出沒無常形
猶龍梁太史南海早鍾靈文淵真漱灑鼓吹在六經
白爲羣英冠獨鶚橫空翎名復高厓塔藻眷重彤廷
歲在趨金馬正色如繁星扶風抗宇宙衆共秉先型
魚動歸思天漢且揚舲西樵寄嘯歌狂筇看雲屏

七序書已就悠然美獨醒余適理遊棹所至如浮萍
珠江淼春水夜雨聽泠泠龍門愜疇昔相對如鸞停
問字許過從蒲柳歎秋零快讀枕中秘益得所未聆
鑑湖匪不憚東山匪不寧無何民與國延企起巖局
終當相率秘除召來銀青

坑硯歌爲吳方來賦

端谿硯石真奇絕東西兩坑無與繫東者最昂西亦
佳百尺潭深臥蛟穴近來廣市出屏風劬鴉黃龍俱
莫別誰能散盡千金裝直鑿雲根向寥泺往年制府

嶺南五朝詩選卷三 國朝名宦 九

系延陵好石較與南宮列不惜黃金一爲開入坑人
各持長鉄火攻出洞石旣多水痕漏跡亦殊劣吳君
監製日搜羅掌大一片饒文縵傳以重價不復論壞
歸几案恣細閱捉刀名手制更精磨礪乃得依方折
肉裏青花水底明馬肝一色噴如血貯以錦匣藏高
樓未許旁人事輕褻欣然相約爲我觀錯落彩雲紛
絳雪摩娑竟日置掌中烟雨生從指頭熱安得隨君
臨曉牕墨池蕉葉同高潔

過長壽寺贈石濂禪師

丁翁和尚天人師手拖拄杖光離離鬚髮不
離本來面目人誰知坐斷珠江數十載蒲帆直掛航
南海一片婆心欲變凡賢王喜得承風采師曾為安南國師
法幢弘開已四年愁雲還戀舊山川重來卓錫敷龍
象智鏡孤如慧日圓長詩名藍欄淨土掀翻大地無
前古黃金布就給孤園紺殿層樓看步武水碧方池
竟接潮花開花落自朝朝往來白足不可數羣機印
遍無紛曉我來杖策西樵上春雨春風日相向何緣
蓮社許開鐘屢出茶瓜互酬唱妙論風旛得未曾奇

嶺南五朝詩選

卷三

國朝名宦

十

書讀罷烟光凝菟羅往事正法眼白日未墮維傳燈
吁嗟乎木公已去不復留野狐稗販盈中洲安得如
師內外求丁公丁公難為儒

送王十崑繩還高郵

執手金臺上驪歌已在途未能忘後會正自惜須臾
長久人偏散天涯夢轉孤迢迢千里去行矣慎馳驅

九日

昨日西風落曉霜驚逢客裏又重陽籬邊菊憶去年
發塞外雲隨秋草涼破帽幸吹頭未白敝裘能貰酒

為鄉蕭條最有關情處日暮飛鴻正度湘

贈陳元孝

南海衣冠氣已奇飄然物外見丰儀未能俯仰同流
俗但有詩歌紀義熙問字好看庭屨滿登樓誰許客
行隨中原舊舊今餘幾落落晨星首共推

登九成臺

韶奏遙傳舊有臺至今遺蹟未成灰層樓直欲通天
上萬籟猶聞動地來吳楚水看當檻合東南帆起趁
風開為憐蘓陸殘碑在一片高懸首重回

嶺南五朝詩選

卷三

國朝名宦

十一

張容

字同人一字保菴北平人康熙丁卯副榜
歲貢授饒州藍旗官學教習候選知縣著有
粵遊草編嶺南文集行世

南安

舟至南安郡山河亦壯哉嵐光千嶂疊天塹一江開
極目風雲合凭欄燕雀來獨憐身是客搔首重徘徊

和宿州邸壁原韻

途長不覺暑寒更日事撻鞭僕僕征泥坂但愁滑馬
足繩床那得適人情村家蒸黍和風嚙子夜鳴鷄妬

夢成獨有客心留戀處烟籠新柳一聲鶯

三水縣

河面勻鋪千頃波平山縹緲盡如何寺鐘隔水留聲
久村舍菜花助景多百里川原青有態四方風俗靜
無他舟中頗有江南意漁父披蓑唱踏歌

喜至廣州

順流今日抵羊城佳氣鬱鬱舟欲橫雲裏橋梁虹影
現水中艤艦霧烟盈八千自北因風遠九萬圖南振
羽輕未扣轅車曉節鉞碧霄如畫日初晴

嶺南五朝詩選

卷三 國朝名宦 張容

三

登鎮海樓

山巔樓閣矗晴空客子登臨帝座通垂手可羅雲外
鷗無書終怨北來鴻百年事業歸何處萬里情懷笑
此中翹首山河看不盡霸圖當日想雄風

蔣培質

字尚白一字樸存襄平人國學生內閣學士
廷柱家孫康熙丙子隨父倬任廣東長樂令著有自怡吟行
世選有明詩約即列

晚霽

薄暮喜初晴層巒聳翠黛返照出西林奄忽浮雲退

嵐光接晚炊淡淡江村靄簷流滴漸消落泉作澎湃
園花濺淚噴羅列顏堪愛風來響遠鐘縹緲青山外
野鳥依故巢歸鳴相爭隊幾處合荆扉小犬迎人吠
流螢宿草明蛙奏曲池內徙倚步階除須臾襟懷快
星月共交輝清虛雲不礙行樂須及時良辰不可再
檀板自高歌銜杯且相對

九日登鎮海樓

登臨乘野興遠望一身孤五嶺分高下三洲半有無
聊斟九日酒謾憶故園蕪亦有天涯雁離羣在海隅

嶺南五朝詩選

卷三 國朝名宦 蔣培質

五

藍關謁韓文公先生廟

秋霜迷客路撫景暗生嗟樹隱蟬風細雲移雁字斜
感懷思故國寄跡歎天涯瞻仰韓公廟烟蘿半壁遮
過蓬萊灘

歷歷灘聲豈坦途扁舟一葉過須臾迴瀾倒捲千層
浪怪石重開百陣圖舟子偏能忘險阻旅人無意戀
江湖而今漸識風波惡堪惜田園盡綠蕪

丁丑午日飲署中同冠南茂先輩士諸子賦

端陽轉覺意難堪賴有天涯益友三蒲酒共傾觀水

馬龍舟誰爲弔湘潭一簾花鳥愁中對千古升沉醉
後談漫訝萍中虛歲月霏霏玉屑盡東南

遊蓮池卷

尋幽出郭到蓮宮竹舍松窓曲逕通日影暮林禪境
寂月明秋水道心空疎鐘響接蒼山外野鳥聲沉碧
檻中羨有老僧饒雅趣徜徉應許遠公同

彭紹宗

字又宜蘭陽人廩生康熙丙子隨父象
升任廣東潮陽令著有粵遊草行世

途次砂澗

嶺南五朝詩選

卷三 國朝名宦 彭紹宗

五

松檜村家路風吹落葉多野花秋更發山雨曉來過
曲澗飲黃犢深溪浮白鷺鐘聲何處寺縹緲出烟蘿

鎖江樓望雪

江勢分九派巍然鎖一樓我來風雪裏日斷古今愁
山色凝雲白水花積水流蕭條頻望遠閒殺釣魚舟

牛牙嶺

山勢嵯峨霄漢齊綠崖又過小橋西泉添細雨鳴深
澗樹學癡龍臥隔溪高處已知無雁度靜時惟聽有
猿啼臨風自覺多惆悵遙望前途去路迷

清明集靈山古寺

細雨輕風寒食天村家遠帶綠楊烟數羣白鳥夜仍
集是處青山春可憐小騎趁人尋古寺老僧陪客煮
寒泉留衣亭畔墳三尺我亦低頭拜大顛

章標

字原本會稽人著
有南遊草行世

登鳳凰臺

臺在
湖州

靈禽何代至盛世瑞無求日映樓臺古時逢天地秋
涼風四野起落葉一江流極目雲中雁飛飛去不休

嶺南五朝詩選

卷三 國朝名宦 章標

五

送楊孝廉琮

月色寒江尚論文棹聲何處望中聞遠崖樹木辭霜
雪近海人家暗水雲新句應隨前路得交情難向此
時分自憐我亦東歸去不意秋來先送君

宮詞

桃李盛宮中殘梅落曉風春深顏色淡究竟不如濃

又

漢有毛延壽深宮亦厭聞如何昨夜夢出塞作昭君

採蓮

濃香撲鼻亂風過船近欲攀莖刺多羅帕不辭雙裏
手折來搖落在江波

又

輕雲片片湧江涯葉孔無遮到日華小妹乘船多不
慣樹陰成隊要分花

吳鐸

字尼木一字覺園閩漳南靖人明經現任
肇慶協鎮諱聯仲子著有春水堂集行世

秋中同諸子讌寶月臺復醉林將軍幕府感

賦

嶺南五朝詩選

卷三

國朝名宦

六

有客同登寶月臺涼風八月吹雁來遠望星巖雲氣
空四面秋水月在中芙蓉沉醉映池紅傾杯潦倒盡
豪雄夕陽已落興未闌猶向幕府盡所歡秋月滿庭
桂蒲枝主人酒酌金屈卮客醉夜深猶不歸蟾蜍處
處生光輝

嶺南行

有序

余從家大人宦遊百粵丙子春奉母歸
里兼赴秋闈五載之中寢膳缺侍庚辰
六月趨省入粵客
路秋風有感而賦

粵路迢遙幾千里涼風吹人半夜起月在桄榔樹影

遮雞聲催促行人車斷橋烟水自茫茫欲渡未渡心
徬徨新秋正值椰酒熟路上葛衣輕作服此行何事
空遨遊老父薄宦居端州奉母歸來歐山裏五載漳
上嘆徙倚今日携筇渡嶺來峽上芙蓉滿江冷

漳上卜築初成

近得西鄰宅牕開向水涯抱琴思舊侶看竹喜還家
獨卧驚秋早長歌到月斜只須籬下菊長作故園花

山居

山深無外事況復日悠悠時值林間叟偶來竹下遊

嶺南五朝詩選

卷三

國朝名宦

七

放歌聊自適酣酒不知愁堪羨漁樵業烟霞任去留

又

終朝坐小閣四望水雲齊移竹來牕北分流到屋西
林深多鹿跡樹古有鴉栖日暮千峯下何人唱大堤

仙城留別黃積菴

五代詩誰紀先生獨任之至今垂白髮未減少年時
家向市中隱名從物外知珠江清夜月別後不勝思

謁孝肅包公祠

俎豆千年酒一樽高風勁節至今存已無朱室山河

在猶有先生廟貌尊視浦水流餘夕照端江秋盡又
黃昏我來拜謁開塔下讀罷殘碑拭淚痕

無題

舉杯空酌淚痕深斜倚薰籠獨自吟小院春歸情脉
脉畫樓人去夜沉沉羅裙半幅留飛蝶錦字長箋繫
素心始信多才應薄命年來只有夢中尋

晏海樓懷古

高樓何處可栖鴉乘興登臨酒未賒悵望海門沈夕
照遙看島嶼盡秋霞最憐此日兵戈後空憶當年歌

嶺南五朝詩選

卷三

國朝名宦
吳鐸

七

舞家回首不堪懷往事東風搖落滿園花

悼亡

總因風雨夜來侵鏡裏音容杳莫尋一自海棠深睡
後從無消息到如今

又

生死不齊是宿緣此心何故尚悽然物存人往情無
奈月落燈殘祇自憐

陳灼

字去華一字子起閩漳南靖人著有
負時集飯牛草咄咄錄魚客草諸集

同珠谷先生孤峯上人舟泊大溪灘分賦

歸棹多風雨新晴月正圓舟輕仍舊泊旅思異前年
烹茗聽僧話篝燈看鶴眠灘聲催客夢早度嶺南天

同諸子遊西湖

多君携榼向湖濱招泛樓船覓舊津梅發孤山花未
老歌聞越女韻猶新蘭亭事跡誇當日洛社蕭條帶
此身最好一帆烟雨外相看俱是畫中人

遘難詩

極目他山日影淒高城四望黑雲低秋花有淚芳魂

嶺南五朝詩選

卷三

國朝名宦
陳灼

七

冷暮鳥無心永夜啼招隱地存松桂老問津人去路
途迷歸來料理荒樓榻斷簡殘編意倍悽

又

烽火遙傳尚甲兵有懷杼軸未能平一身似葉飄無
定數載如梭意已傾劍去芙蓉徒抱恨研存鴈鴒懶
謀生于今莫話歌魚事待寄糟丘爲早營

嶺南五朝詩選卷古

國朝名宦

孟亮揆 二十二首

徐 鉉 二十四首

潘 耒 二十七首

張尙瑗 四十七首

嶺南五朝詩選

卷古 目錄

嶺南五朝詩選卷古

番禺黃 登俊升氏訂定

國朝名宦孟亮揆

字釋來一字端士長洲人康熙庚戌進士初授翰林庶吉士歷陞中允諭德庶子癸丑分校春闈著侍講學士著有藥譜艸南帆粹枯園采真江嶺紀遊諸集行世

過麻束灘

灘行歷層巘峰峰如剗削空翠迎人來烟雲互紛錯
豈是巨靈開或由神禹鑿下臨百丈湍魚龍疑跳躍
上有竹等萊白晝逢猿猱陰昏氣象殊誰敢縱盤礴

嶺南五朝詩選

卷古

國朝名宦孟亮揆

一

舟疾石齒間擊撞摩劍鏑奔濤囓沙岸茫然無鎖鑰
所幸非迷津哈呀亦聯絡篙師固長年彼此能相援
一舵敵千鈞不慮三板薄俄頃浪漸平剗然露谿壑
危坐整衣襟回顧猶貽愕平生恃忠信庶幾免淪泊
望衡嶽

日行湘江中緣江皆岿嶸折櫂過盤湍瞥眼見衡嶽
羅立拱兒孫諸峯入廖廓晨昏萬象殊蒼翠幻巖壑
伊維洪荒時山川事開鑿何來蒼水使入夢示疏瀹
夏后三日齋一誠格冥漠果得簡牒傳神功助荒度

所以岫嶠碑標識宛如昨蚪七十二字字堪捫摸
自匪藉山靈焉能奠河洛特昂走百王盼蠟昭虔恪
典禮等三公絳節朝丹闕我今邂逅逢一覽失驚霍
咫尺恨未登搔首問碧落可望不可卽令人氣蕭索
虛放去已遠房長久不作安得九節杖乘之聽笙鶴

慈仁寺古松歌

寒濤謾謾來喬松蜿蜒屈鐵凌蒼穹霜皮溜雨如青
銅百年不改長菁蔥托根何處慈仁宮香花下座天
門通晨鐘暮磬禪寂同千尋餘老冰霜中有時笙簧

嶺南五朝詩選

卷古

國朝名宦
孟亮撰

二

起半空疑是秋籟鳴幽叢有時驚雷走蟄龍江河渺
泝乘洪濛上有獨鶴唳清風碧天寥廓翔冥鴻下有
琥珀丹砂紅茯苓如斗餌仙翁交枝合抱何從蓬泰
山大夫相爭雄扶持呵護伊誰功餐霞吸露憑化工
我來古寺繁花驄盤桓樹下欲俯躬婆娑濃陰日色
蒙坐久彷彿遊崆峒高歌一曲凌長虹此中歲月曾
何窮

曉發

凌晨方解纜初日照孤篷鴉噪空林外山移宿霧中

宦情輕落絮歸夢遠隨風一水鄉關隔江天望不窮

過佛華菴和壁間韻

百折香巖地當門一水通山添螺髻翠花映佛燈紅
秋老風塵外人來梵唄中無生誰共話揮塵有支公

野望

灘盡得平波江心發棹歌橫林迷灌莽斷岸接坡陀
歲旱畦蔬少秋高野燒多白鷗盟敢負是處可披蓑

觀音巖

鑿翠藏山寺當門苔蘚封潮音通衆壑花雨散諸峰

嶺南五朝詩選

卷古

國朝名宦
孟亮撰

三

鳥下齋時鉢僧鳴樹杪鐘空山人跡少雲護講堂龍

曲江謁張文獻祠

風度仰前賢衣冠尚儼然孤忠終悟主片語足回天
功已齊姚宋文真駕許燕千秋金鑑在輝映曲江邊

上弦月

和梁藥亭韻

新月初升夜庭空萬籟秋乍看光似霰已覺魄如鉤
烏鵲枝驚墜鴛鴦瓦欲流除將一杯酒無計慰羈愁

章江旅次適同館趙秋谷來自嶺南見示新

詩有贈閣宮諭作因感往事率賦

中允才名久蔚然
哀庸我實愧君前
追思社燕辭巢日
同是黃楊厄閏年
噩夢醒來成劫火
海波揚處失桑田
白衣蒼狗尋常事
搔首何勞更問天

南浦夜泊

小住南州春竟殘
朝來一棹又江干
飽諳客路如棋局
老覓生涯是釣竿
衣換始知時序改
裝輕差喜夢魂安
湖山舊記經過處
此去休嗟行路難

早過豐城

風帆掠過萬重青
早見豐城古驛亭
一簇人烟環堊壁

南五朝詩選

卷四

國朝名宦
孟亮發

四

渡幾行鳥跡印沙汀
斗間劍氣何常歇
枕上江聲不
肯停十載飄零重此地
湖山歷歷記曾經

抵蒼梧

帶圍漸瘦鬢如絲
又是蒼梧繫艇時
綠酒一尊醒最易
青山萬里去何遲
無金莫問牽牛渡
有鶴還歸漾月池
偏是客懷搖落甚
滴殘燭淚不成詩

渡黃河和梁大司農韻

秋水輕帆憶此過
故園一臥任蹉跎
江山亂後重爲客
蒲柳新時又渡河
茅屋幾家晨爨少
桃花三月晚

潮多十年築舍空
民力忍聽勞勞鴻鴈歌

越王城

海天舊日尉佗鄉
黃屋居然大一方
萬里終歸天子命
千金爲治使臣裝
地分駱越風謠異
春近扶桑花
草香築得高城環
百雉雄圖長自壯
金湯

贈廣州太守馮躬暨

韋平門地冠青齊
五色文章炳夜藜
爲郡才如荀濟北
綰符名並謝安西
人從荔子香中至
天向扶桑近處低
乍見一星臨海嶠
棠陰早已徧郊坻

南五朝詩選

卷四

國朝名宦
孟亮發

五

客中雜詠

誰云詩思滿江關
蕭瑟差同庾子山
襍被果然生計拙
飄蓬猶喜寸心閒
一江殘月消尊酒
八月涼風浣客顏
此去羅浮峰不遠
葛洪先住翠微間

又

瓢笠居然一野僧
江山識面往時曾
推蓬依舊孤村月
擁被重親獨夜燈
最愛涵空天浩蕩
每驚逆戰水崩騰
閒雲來往原無定
自信心如絕壑冰

又

趙佐當日稱詩處南漢雄圖又此方宴敞紅雲人易
散南漢劉鋹于荔枝熟時花埋青塚夢難忘昌華苑
廢餘荒草越秀臺空抱夕陽天遣閑踪來嶺外遍搜
遺勝恣徜徉

又

景物驚看入眼新相逢不禁問名頻木棉爛熳光如
火翠羽鈎輶語似人法酒慣澆遊倦客輕寒偏健病
餘身不須惆悵鄉關阻知已天涯卽比鄰

遊長壽禪林與石公話舊和浮山韻

嶺南五朝詩選

卷古

國朝名宦
孟亮撰

六

鶴柴參差沙路暄香風引勝入林園茶瓜留客逢齊
已山海成經續道元師有海外紀事諸書荷敗菊荒偏有韻錫
飛杯渡總無言蔚藍近處鐘初動日冷松陰盡日昏

又

翛然物外少寒暄不向遊人問故園避世豈猶知漢
晉評詩那敢抑金元追話吳國大末金元詩選簾開白社來同調
花報先春索贈言假使關門遲擊柝何妨深坐到黃
昏

徐鉉

字電發一字紅亭吳江人應康熙己未博
學宏詞科御試優等授翰林院檢討
克纂修明史官兩遊羅浮著有南州草堂
集前註詞初集二集吳中文獻詞苑叢談
諸書行世

歷下吟

飯牛懷昔賢長歌氣蕭槭白石何齒齒清泉何脈脈
舉首空蒼茫終古片山碧俯仰歷下城泱泱號大國
滄海日夜浮泰岱齊魯圻暫來止稷下倦羽憩孤客
暮飲薄稀熬朝食厭小麥風土亦云殊冒懷頗塵劇
放眼觀明湖荇藻水空積更有趵突泉水勢實奇特

嶺南五朝詩選

卷古

國朝名宦
徐鉉

七

譬之人鬱紆借以發憤激我來聊裴回觀此三太息
騏驎畏羈縛神龍苦拳跼何時刷鱗羽長嘯天地割
微吟叩角歌慷慨猶似昔

元日遊吳山絕頂

朝旦陟層崖延眺納遠峯隔江奔越嶠到眼駭吳儂
樓臺既參差寺觀復玲瓏湖光上絕壁匹練橫當空
游鷗戲沙際天雞振空濛回憶鷗夸子怒濤何洶洶
強弩一朝發霸圖千載雄泝中王氣盡文物開江東
君臣足歡娛竟忘迎兩宮鬱鬱冬青樹倏忽隨秋風

鉅野道中

登挂劒臺

始興道中

嶺南五朝詩選

卷十四

國朝名宦
徐鉉

人

始興江口路帆挂雨冥冥柳實紅潮潤椰漿客醉醒
灘橫斜似黛嵐濕遠含青鍾乳何年滴玲瓏戶半扃

七月十一日

上御瀛臺 召蒲漢大臣翰詹科道及部寺五品以

上官員 特賜筵宴兼 頒綵幣有差恭賦

紀恩詩四首

時維七月序屬新秋烏鵲方填詔開西苑銀蟾尚皎賜宴璇臺華道飛花魚龍出沒宮情閑柳羅環高低調味勒於銀牀驚動深宮散萬曉於丹水露寒飄清露懸

瑤池未極與雲房側公涼生玉樹風軒其
月棟齊輝佳節初傳爾散乍設食蓬池之
贈不羨江東常法醞之尊誰忘下若分來
蓮實搖珠露以猶圓勞純藕絲含月華而
離斷玉壺錯落頻傾鸚鵡之杯翠鳥啁啾
似斗爲皇之管全莖旣挹渴解相如瓊液
重斟醉同方朔因而邀微風於丹壑無非
九節萑蒲疑遠睇於朱崖盡是三山芝草
賞花垂釣逸事堪追刈麥觀禾遺徽未逸
臣猷以不才恭逢盛典揮毫欲落久知
夢斷江花補袞難工徒媿頒來蜀嶺敬
歌魚藻仰荅鴻庥難忘湛露之恩其虔
夢蕭之會云爾

翠輦朝臨太液池
祥雲多繞萬年枝
看花詔許鵷

鸞並宴賞偏承雨露私
緩放蘭橈波蕩漾
驕嘶玉勒

嶺南五朝詩選

卷十四

徐國朝名宦

九

影參差侍臣擬獻長楊賦簪筆先歌在藻詩

又

柳岸旌旗拂曉風
轆轤聲轉近離宮
鳥銜魚子衝波

白燕蹙蓮衣墜粉紅縹緲樓臺疑海上虛無簫管出

雲中鈞天一醉渾如夢猶識憂勤感

帝聰

又

銀河倒影瀉宮牆風送秋蘭綺席香花繞彤墀銜端

鹿雲開金陛立神羊
御厨黃帕羅珍膳
天府霞

杯進玉漿聞道昆明今秦凱兩階千羽有輝光

又

千官侍宴擁蓬萊 宣賜遙看雉尾開
貝錦裁成龍負出 鸞章織就鳳銜來
佩聲欲逐煙雲散 天路猶聞笑語回
竟日歡遊恩轉渥 只憐未是馬卿才

岳鄂王墓

回首湖流隱畫桡 岳王墳上草蕭蕭
頻年羌笛吹孤月 盡日垂楊鎖六橋
石馬夜嘶荒殿雨 水犀春漲浙江湖
登臨休問前朝事 只有南枝恨未消

嶺南五朝詩選

卷十四 國朝名宦 徐鉉

十

吳越故宮

吳越江山冷霸圖 故宮衰草亂平蕪
不隨漳水悲銅雀 偏向錢塘聽鷓鴣
一劍霜清成底事 五王荒塚竟全無
銀濤切莫回強弩 猶有寒潮泣子胥

度大庾嶺用棠邨先生韻

青松夾道翠屏開 盤磴千層曲幾回
鳥徑草深蠻樹合 寺門雲鎖瘴煙來
鄉書欲寄無歸鴈 驛使難逢嶺嶺梅
十載炎荒銷戰伐 動名誰似伏波才

三水道中遲孟繹來宮論不至

徙倚孤吟落照邊 沙平峽盡一帆懸
僧居竹柵園寒橘 樹雜桃榔障海煙
蠶種水浮諠去櫂 侏離人語問來船
計程何日衝江雨 遲爾溪林聽杜鵑

留別魯謙菴太守

仲連高詎空千古 太守文章重一時
取次鶯殘燕乳後 筵開官閣喜題詩

又

采藥歸來問故鄉 偶從蘭棹下橫塘
余山筍熟黃魚美 較是豬肝味更長

嶺南五朝詩選

卷十四 國朝名宦 徐鉉

十一

又

廿年紅藥擅詩名 雙鹿今看擁轡行
萬點花飛邨路暗 一時揮手最關情

信州馮躬暨太守招同方渭仁同年暨李頌
將吳志上花前觀小伶演劇卽席成四絕句

鸚鵡教成檀板催 開樽忽憶紫雲迴
憑君莫話當年事 且盡生前酒一杯

信州城南一亭供趙汝愚像一日汝愚觴客於此命撤去笑

口且盡生前一杯酒後人因各一杯亭今尚在

又

悠揚龍笛嘯輕喉十捧花奴舞未休說與風流狂刺
史莫教腸斷似蘓州

又

小紅花謝響檀槽羯鼓頻催興轉豪醉問青州老從
事誰人待比鄭櫻桃

又

曾記春風剪柘枝當筵愁煞杜分司而今老大心情
減紅豆重拈髻已絲

宮怨

嶺南五朝詩選

卷十四

國朝名宦

三

花飛顚顚損紅顏夜半徒勞守玉環腸斷西宮頭白

盡何如青冢在陰山

又

玉釵頻移下九霄君王新幸董妖嬈東風自閉葳蕤
鎖不用黃金貯阿嬌

峽山寺

石堂雲鎖蔓含煙榕葉陰中紺宇懸寂寞蕭梁遺古

迹更誰洗鉢定心泉

峽山有定心泉

潘耒

字次耕號稼堂吳江人舉博學鴻儒授翰林檢討尋克日講起居注官壬戌會試分
考所著有遂初堂集鴻爪集紀遊諸草行世

韶州至清遠道中作

我行沂江湖地盡吳楚域山水佳有餘未足誇奇特
度嶺浮瀘江險怪乃莫測丹山信霞標白水真練織
懸巖龍垂胡欹壁鵬褰翻竹箭拔地圓旌幢摩天直
得非神鞭驅無乃鬼斧刻媧皇立極時斷鼇蓄餘力
作此詭譎觀用充尊壘飾混沌死中央儵忽有德色

又

嶺南五朝詩選

卷十四

國朝名宦

三

滇陽峽百里兩崖狀如門江流日激噴崩剝露危根
空中願雷削骨立龍虎蹲孤舟出其下凜然悽心魂
石戴萬篙眼壁縈千縷痕溯流行良難下峽如星奔
灘轉波易駛林深景常昏奇峯遙迎送百千互尊卑
或肖天榜挂或疑鏤騎屯心賞不暇接目眩難具論
古來投荒人鬱結聲長吞壯觀有如此何必非君恩

又

中州山多眠嶺外山盡立或如跛而舞或如拱而揖
袍笏擁森森劍佩排戢戢造物巧有餘變態不相襲

前奇謂無雙後幻仍百十重華奏蕭韶於茲百靈集
石韻留鏗鏘湘娥夜深泣三十六芙蓉賞翫不遑給
微名藉榜人驚湍如箭急

又

往時翫英石奇巧詫天成如何一拳小而具巖洞形
茲來見英山尺寸皆空靈有壁盡波皺無崖不雲橫
峯爲垂手舞穴作通天明乃知茲邦產小大無殊情
石爲山一漚山爲石全瀛萬丈一巧石怪偉使天驚
惜哉顛米老空向炎州行但寶袖中石取笑於鷓鴣
嶺南五朝詩選 卷十四 國朝名宦 潘耒 十四

朝漢臺

秦火燒阿房劉項方龍戰五嶺隔中州英雄乃乘便
一令起龍川虎嘯臨海甸北絕湟水關西阨壺頭嶽
居然王一方地利珠犀擅九宇沸如湯茲邦獨清宴
保障功亦高霸業未可賤奈何椎髻態習與文身變
竊帝以自娛微哉井蛙見幸有陸大夫英風騁逸辦
翻然去驕蹇臣漢耳北面能雄復能雌丈夫不恒健
不見述與囂破亡速如電王國傳孫曾作計豈不善
代遠廟貌頽誰爲蘋蘩薦獨此荒臺存綠蕪寒一片

北去美秦雲南巢羞越燕傳語後來人安危爭一聞

犬佛寺

峩峩雙門西綠樹覆紅牆佛殿如王居金身丈八強
珉珉琅玕砌桂棟旃檀梁誰能造此寺云是平南王
殘僧白髭鬚藩府夙趨將爲余談舊事雪涕秋風涼
王門昔鼎盛叱嘯生電光雄兵七八萬威制天南方
裨校半旄鉞廝養皆腰章歲儲百萬餉積金不可量
冶布金銅坑舶走東西洋奇珍溢天府瓊寶籠遐荒
猶言生男多無以充資裝不遺錐刀利欲厚都塢藏

嶺南五朝詩選

卷十四

國朝名宦 潘耒

十五

嫌毀起家庭父子爲參商遂釀禍天禍反甲連晉陽
奔流徧生民身殘家破亡財寶盡沒官他人居寢堂
大男死都市諸男饑道旁廢興三十年彈指見滄桑
人生何其愚作繭如蚕忙萬事漚起滅富貴安可常
何如歸空宗日月浩劫長王家滅無象茲刹獨輝煌
廟祐依禪燈僅存此辨香達哉老龐公傾資沉清湘
觀化如夢覺逍遙無何鄉

白鶴峯東坡故居

境遇無美惡美惡從心生苟能齊得喪大地皆蓬瀛

嶺南雖炎熱山水秀且清居人多壽考藥物羅千名
奈何唐宋人視若穽與阮謫官如就死涕淚長昏零
至者亦多病往往歸銘旌良由乍失路坎壈懷不平
百憂復千慮坐使疾疹縈達哉東坡翁視身如浮萍
聽其所棲泊不與風水爭死生非所動寵辱安足驚
時來居玉堂時去安柴荆得意食五鼎失意甘藜羹
嶺海等中州逍遙一身輕鶴峯茅可結豐湖尊可烹
白水浴湯泉羅浮餐青精豈惟不愁苦樂事翻合并
忘者意不嫌更遣儋州行居儋亦如惠詩筆彌縱橫

嶺南五朝詩選

卷古

國朝名宦

六

造物無奈何放之使歸耕賈生遷長沙憂傷促天齡
退之稱崛強乞命於湘靈千古一波翁處困如處亨
翁本謫墮人豈惟文中英學道早有得廓落心地明
出語如冰雪霍然洗煩醒我願從之遊駕虹蜺八溟
遺蹤此髮髯白鶴來天聲

韓山謁昌黎廟

文體陋齊梁極衰在唐盛儷葉與駢花纖豔日相競
風會所波靡賢豪莫能拯中葉挺昌黎才雄而骨勁
崛起爲古文排偶習掃淨天馬踏空行不踐麝履徑

錫鑄奏韶英一破衛與鄭能事窮怪奇指歸趨雅正
作者亦代興高古時與並見道雖未深汲汲師孔孟
闢佛雖甚寵賢鯁勝庸佞髭髯誦其文心開對明鏡
今來拜祠像肅然自生敬舉世尚脂韋百諾無一諍
安得如公人力砥頹瀾橫

又

潮州古揭陽秦初設軍屯唐僅領三縣山坡帶蠻村
名賢罕臨蒞人材古無聞韓公翩然來鸞鳳下天門
不以荒服陋治之如中原賓賢禮孝秀學術相討論

嶺南五朝詩選

卷古

國朝名宦

七

文風始開闢靈膏澤蘭蓀至今潮人士彬彬多軼羣
精誠格頑暴至信孚魚豚臨淵出訓語潛鱷爲宵奔
收潮不匝歲惠愛千秋存邦人謹奉事肅若周孔尊
江山冠以姓一飯思舊恩輪囷者何木苑枯驗人文
有似家鼻祖垂慈念雲孫張君感諫草守廟不用髡
傳以僧守祠今太守始罷遣之獨憐蘇碑蝕新碣如絲棼

七星巖

中天之星尊北斗帝車盤旋握天紐因朝炎帝遊南
溟遺精化作七蒼阜一星一案拔地出若斷如連奇

復偶萬山中央特青蔥秀色常如新雨後排空一石
骨峻峭寸土纖泥都不受天梯鳥棧誰經營地肺神
俞誰鑿剖就中石室最空靈玉乳金膏垂數畝石鼓
響激雷雌雄石牀眠酣龍子母蒲壁題名蝕繡苔燭
之不見捫觸手螺旋蝸轉忽透空軒豁雲牕與月牖
笑香僧似鳥窠禪對弈人如橘中叟玉屏一峯亦秀
絕千尺蒼藤絡榕柳扶嘯臺橫劈斧皺銜珠徑仄當
關守醉石欹斜石丈眠飛雲狎獵雲龍走其餘諸峯
盡怪絕天柱嶙峋與天友琰杯隔水如側犀仙掌擎

嶺南五朝詩選

卷古

國朝名宦
潘耒

大

雲類駢拇蟾蜍峯高龍所都阿波巖深怪之藪爭奇
競巧各出意餘波猶皺峯八九瀝湖環浸涵空明春
波溶溶碧於酒倒景浴出千芙蓉何如新粧臨鏡婦
世上名山亦多有遠望玲瓏近粗醜此山片片琅玕
膚內含潔白外蒼黝雕鏤作器佳無雙玉案雲屏世
爭取天生靈質非頑材似與列仙爲苑囿蓬壺瀛洲
不可到武夷天台能勝否便思挂笠巢雲松未忍鏤

詩割瓊玖

南海神廟

南海之神尊祝融百王望祀殷禮同廟門軒豁臨海
岸吟風嘯雨朝羣龍潮頭萬里射鱗屋日輪半夜飛
蛟宮介圭端冕王居中旁列六配稱司空涵滋萬物
納萬水德竝覆載無終窮歷代碑文儼鱗次匠手竟
讓昌黎工象鞭玉研失藏器但見銅鼓班青紅地靈
未古多異物綠毛倒挂駢根榕番鬼蹠踞望其國波
羅斗大冰漿濃中華到此地已盡極目海島青濛濛
我非使臣將玉帛胡爲來此驚村翁探奇每思到窮
巖要觀鵬運搏扶風蓬萊青丘去人近安期徐庶皆

嶺南五朝詩選

卷古

國朝名宦
潘耒

充

英雄六帆海舶如可借載我直過扶桑東

重遊惠州西湖

惠州城外湖隄永葭莢蒼蒼雲樹冷懸泉百道下巖
巒瀦作西湖浸千頃風亭月榭相蔽虧城堞浮圖互
倒影坐看幽勝壓循梅未暇雌雄較抗頡十載前曾
客此州一時豪雋爭攀留擁節元戎能愛客提督許
操觚公子偏風流青油之幕沙棠舟携尊邀我湖心
遊十里清香撥蓮芰一篙新漲衝鳬鷖火齊堆盤荔
初熟細擘鮫綃嚼寒玉醉歸嚴城不上關更遣衆軍

舞鶴作碑酬緝每盈車看畫題詩動聯軸不識人
間有客愁但說清遊當秉燭今度重來萬事非將軍
草木已成閤合江樓空閉金鎖東波亭做眠鐵衣石
隄久破水泉涸畫舫不到遊人稀名園爲蕞蒿沒磴
廢沼種麥苗平磯獨吟獨坐增悲慨竹院猶殘老僧
在指點陳蹤一惘然整徒舟移不相待俯仰之間成
古今何論百年與千載便如薊子摩銅人莫訝麻姑
說桑海

鳳凰臺

嶺南五朝詩選

卷古

國朝名宦
潘耒

三

潮江抱郭如弓彎南馳赴海不復還天生沙洲寒江
口似與閩郡爲門關層臺龍嶽立洲上望若鰲背浮
來山方舟絕流一登眺江山紫迴作玉環榕蔭中
鋪畫堞蔚藍天外排烟鬟長橋橫截白銀浪古塔倒
浸蒼龍灣南溟去此咫尺近鯤鵬翼微茫間徑須
乘槎訪仙侶何事漂梗棲塵寰十洲靈藥不可採三
山欲到風濤艱君門九重身萬里清霜入鏡絲班班
地主多情解相慰玉壺盛酒玻璃殷蘭橈綺席招勝
友梯空眺遠舒愁顏鴈政森嚴角楚漢樵枰變幻爭

觸蠻客中良會豈易得幸無職守身優閑丹山九雛
在天際詎有彩翼來斑斕高賢棲止便如鳳韓陳渺
矣誰能攀

始興江口

浪水飛流下枝江會始興成樓依露樹客舫亂風燈
鷗泛初無着雲行安所憑開元一賢相垂老畏青蠅

溫泉

清冷一澗水中忽湧湯泉信有金膏沸將無玉釜燃
神功驚莫測物性喜難遷不作華清開涓涓靜可憐

嶺南五朝詩選

卷古

國朝名宦
潘耒

三

閱江樓

冠山樓閣象層城飄落天風玉笛聲鐵幹爲牆榕樹
老銀鈎作字蘇碑明樓下有平蠻碑地經苦戰空梁在客到
深秋百感生安得如雲重締構庾公清嘯最多情

羊城雜詠

中原慘淡關龍蛇此地頻看舞井蛙黃屋趙佗方竊
國花田劉隱復營家負嵎莫倚九泥險怒臂終遭齊
斧加何似歸朝何左相真芳名留得史書誇

又

匡山尚住宋遺民
文陸當年事苦辛
窮海不春猶正
潮孤航無土自君臣
忠魂鬱作潮頭怒
浩氣蒸成蜃
閣新異代流風多感激
草間時有納肝人

又

中州人罕到炎荒
泉石應多借寵光
陸賈來時山衣
錦隱之去後水沉香
宦遊清白真難得
遷謫窮窮也
不妨却憶柔奴好
言語此心安處是吾鄉

又

南州炎德實堪嘉
竟歲常看不斷花
露下佛桑籠火
嶺南五朝詩選
卷四
潘耒
樹風前含笑剪銀紗
素馨愛產宮人塚
應爪宜開處
士家擬效陸璣疏
草木每經花塢一停車

觀音巖

懸巖百丈枕江斜
鳥路誰開大士家
委宛一螺山透
穴璫瓏千乳石垂花
燃燈人禮煙中磬
乞米僧歸月下槎
去艇來帆如過鳥
浮生流浪劇堪嗟

飛來寺

峽山古寺面江開
鐘板蕭條過劫灰
客爲江清貪久
立殿因山好解飛
來鶴歸長認南朝樹
瀑下時驚五

夜雷不用題名選
巖壁前賢詩碣總勞苦

浴日亭

孤亭臨望盡重溟
天水相摩不斷青
日躍半洋皆紫
霓潮來大地一浮萍
鵬遊世界元空闊
蜃吐樓臺自
杳冥何必褰裳慕蓬島
當知此地卽殊庭

霍山

誰將月斧鑿天梯
太乙峯高截素霓
壁削不容施鐵
鎖頂平端可杖青
藜巖儲酒米爲天甕
穴出風雲作
地臍一自藍喬上昇
後殿輪只在澗東西

嶺南五朝詩選

卷四

國朝名宦

潘耒

又

一線天中透日明
仙人逕裏浩歌行
森排劍笏朝炎
帝對列旌幢擁赤城
樹挂懸崖多不死
藥香幽澗總
無名石門鳥道盤迴上
萬壑風從一嘯生

又

鉄船峯壓萬峯巔
儼駕孤航泛碧天
橈槳動移雲海
裏群舸高繫日車邊
旁看群峭枝枝笋
下瞰浮青朶
朶蓮呼吸定知通帝座
凌空何必羨飛仙

重登浴日亭

東湖且席泛江天重到扶筇黃木灣湧地金鉦賜谷
日排空雪浪海門山看碑扣鼓餘佳興感舊懷鄉減
壯顏羨殺鯢鵬能變化搏風遊戲兩溪間

張尙瑗

字弘遠一字損持吳江人康熙戊辰進士
初授翰林院庶吉士著有石里詩集桐腴
集澤家集及評訂諸書行世

河船行

造舟傲落葉古製僅剝木木蘭與沙棠增修日繁複
昔嘗江湖客我編架萬斛閩粵拖舟鄉溪船何陋朴

嶺南五朝詩選

卷古

國朝名宦
張尙瑗

五

二蓬至六蓬廣狹隨還幅二分施篙槳一分供客宿
澄危維不引水曲橋無蘆劣足受裝囊止堪辨洄洑
建溪達閩江所見惟此族亦越漳泉間兜舁走從陸
潮陽臨浩渺其浸宅南澳戒航就川途儼識故人熟
宵眠蠅尾蟠畫坐龜頭縮非無送閣風不飽張帆腹
亦有列屏山難快倚舷目身本白鷗羣豈慕黃龍舳
汀洲自容裔無爲此情惻樓船上瀨名浪渤供馳逐
誰遣就沮洳靡聘心蹙蹙行矣安時然且免風濤覆

寓白鶴峯東坡故居追和原韻

洪波湧嶢峴其陰城所麗遶迤萬家烟俯矚毫末細
環山蒙絡之勢欲挾俱逝倏忽風雨來危欄不可憇
旅懷困蒸暑息肩良得計肅瞻蘇公像握衣拜塔砌
循州文字祖蠻風變椎髻飽飯和陶詩時榮看委蛻
眇末敢希蹤場來饜新荔維公天人姿謫降偶塵世
騎麟遊大荒鳴鶴矯空際下士夫何爲大笑同蠅蚋

再和和陶移居韻

經歲事浮家卜鄰蛟鼉宅偏此陸居舟霞朝而靄夕
造物憫枯腸毫端少驅役迥絕故故貽烟蠻供几席

嶺南五朝詩選

卷古

國朝名宦
張尙瑗

五

沙移龍跡新渚曲鷗居昔出沒數遙吟一髮樵痕析

又

赤壁既有賦寒溪亦有詩公蹟必奇勝斯乃復過之
潮立與山趨一一匪夷思軒豁洗煩襟况當初伏時
信宿詫非偶古樂歸今茲僭比奪仇池趙壁遭秦欺
王晉卿欲辱仇池石公詩云
欲留嗟趙弱寧許負秦曲

謁韓文公祠

總角誦公文不啻編三絕半世味公道無能劍一映
維公不朽姿薄雲貫虹蜺謗傷與誇銜撼樹均螻蟻

一編香萬古應同熱眇眇予未生敢云景行切
湖陽謫宦區偶然鴻爪雪藉此滌炎陬海濱斗杓揭
湖流漾清派峯勢環飛出江山銜明德臨眺心神徹
白雲飄檐楹恍憶靈旗掣

又

昔聞南郊外七里城南祠乃今在西園郭郭經遷移
新祠東山麓巍煥復過之蘇碑總非舊施工妄摹追
所貽朝請書雕鐫慎其詞終令重寶失榮光黯堂堦
歸然草廬記故物猶慙遺自餘時貴筆塗鴉紛可哂
嶺南五朝詩選 卷古 國朝名宦 張尚瑗 三
昔公好題名所至手蹟垂此邦露冕地何惜揮淋漓
驅鱷祭湖文別趙貽元詩有一子焉留摩挲手生胝
睇望無所得竚立江之湄

登銅井山房

曉起辦登山山腰橫白霧與人阻我行興發遂長徠
涉侵鞋已濕石亂途屢誤逡巡滄雲合徒侶不相顧
叩扉驚山僧冒霧來何故石壁青篠寒劍池赤董銅
俯視宙合間一氣紛布濩浩浩疑奔濤謾聞吹颼
危乎不可居還尋下山路山半霧已清雨聲滴檐樹

笑語山下人白雲留我住

閏七夕再集法性禪房分得孤字

揭來嶺外遊握手多浮屠擁旄不好客揮麈堪爲徒
蒼荀城西樓旬日駕屢徂珠履紛狎至轉憶前遊孤
遠公邁流俗佳設精伊蒲露哥泛清苻雲子吹雕菰
謀以紀良會斐几霞萋鋪逸懷溯蒼葭閒情論白榆
諸公思涌泉落筆驅江湖賤子俯白嚙授簡還踟躕
饑索仁祖米匪藉供陶胡乞食赴蓮社攢眉違本圖
雷腸甫息鳴迫窘旋搜枯一吟博一餐何計償詩逋

嶺南五朝詩選

卷古

國朝名宦 張尚瑗

三

題王宋臣笑花處

赤欄窈窕圍青瑣小閣歸然蹲駟駝沙深石互自成
徑清池一曲流其左湘簾風動爐烟出主人茗罷攤
書坐四壁圖書間名畫顏題花笑字磊砢春深正值
花事繁紅杏木蘭爭婀娜相將藝蕙復栽荷海棠露
濯臙脂朶名花一笑千黃金下蔡孤城危欲墮徑須
取酒爲君買只少雲鬟垂髮髻人生開口難逢值殘
齒逡巡不覺瑤曲江十載未歸來西苑瓊葩笑煞我

下雅

建溪非江亦非河萬山巨壑藏盤渦壓分峽東勢憑

怒千里一曲成洪波深箐峻谷陸途絕聊習下瀨船

橫戈直是舟行澗道中給餉之際鼓柁過弘舸夷猶

無所用飄飄落葉形如梭習流祇賴長年力紙船鐵

篙名非謫柘浦建瓴自天下一灘一丈趁底鍋語云一灘

高一丈浦城在天上巉巖犖磽莽分布劍鋌鋸利鏹刀磨縈紆

石罅終結木沸湧湍脉矢激落梢瀆撇旋稍迂悞俄

頃失足飼蛟鼉雞心牛尾竝羊角怪哉和尚阿彌陀

魂驚鴨蛋十破九點點灘俗語為鴨蛋灘有十箇鴨蛋九箇破之語幽窟無

嶺南五朝詩選卷古國朝名宦張尚瑗天

底神橋河澄泓一一瑩肌骨虬松挂壁垂烟蘿每遇

嵌空可坐玩南宮下拜端袍韉奈何祗助馮夷威遊

子性命爭剝那小姑如髻馬當渡灩澦如象瞿塘歌

不及此間危累卵矮篷跼蹐鬚髮皤

機拂用高常侍韻

湘江碧簾漸水席葵扇藤筇懸素壁高卧北牕晞短

髮長物蕭然無可繫獨有枰欄葉琢翠琅玕編作拂

塵共孤絕玄談理罷高齋清紗廚一掃營營聲手捉

玉柄同一色松杪涼吹雲脚黑

石鐘山歌

天帝欲建萬石鐘鴻鈞鼓爐大塊鎔巨靈施手章亥

步鑄成江上之青峯上下分峙列門戶東西兩序雙

金鏞噌吰窅坎互應答洪者無射纖林鐘大江西來

數千里彭蠡匯之勢洶洶一遇不平聲則鳴兩山崕

帆當其衝石激沙崩風突盪金戈鐵馬相撞椿中虛

大竅容數斛悠揚不盡何春容餘石水滴日成罅乳

泉細雷皆琤琮山之得傳以坡老大手作記工形頌

音我來兩度過過山麓曩者秋暮今春濃不敢冥搜歷

嶺南五朝詩選卷古國朝名宦張尚瑗天

幽險聊登石級披蒙茸顛厓瞰江覆江面山根齧蝕

江淙淙魚骨叢集均堂下偃蹇倒挂蚪枝松給訝一

線裂石縫滑磴偃仄後猱蹤風櫺烟艇簸銀浪極目

萬里開心胸惜乎蘇碑已淪水有若泗鐘沉元封安

知此山不陵谷維鐘墮地還相從傍徨欲覺發深省

陟降巘嶸懷惺忪誰將考伐宜理窟山風湧洞鏗鯨

龍

題范少伯祠

一樣鸚鵡去胥時恨未伸思尊真配食執戟認前身

狡兔須營窟神龍要隱鱗越王猶大度容載寧羅人

又

寫像方辭越更名又適陶君撫七策算辛苦五湖朋
自得居奇使人言去國高莊生同宰誣生死爲錢刀

林玉巖少叅妙香堂夜話兼惠詩集

熟思徒爾爾生計且吾吾試問明河路能爭夜市無
生香扶荔館耽僻扶梧圖詩就憑誰和裁箋寄聖湖

玉巖集爲阮亭先生評點

初夏同洪磐公城東晚步

嶺南五朝詩選

卷古

國朝名宦張尙瑗

三

縹緲城疑畫蒼茫寺人詩池心闌日脚屋角漏山眉

觸餌驚元緒啼林厭子規自慚真龍藏翻得此栖遲

同陳獻孟登遠上人薜蘿樓并梁藥亭館長

紛綸牕外馬寂歷渚邊鷗絕徼樓偏上空山伴獨求

珊瑚千軸麗石磬一聲幽徙倚清風滿忘言與惠休

承和崑山司寇公同諸先生上巳遂園禊飲

以蘭亭二字爲韻

玉山遺蹟草堂靈擇勝今朝又此亭頤頤肩隨追洛

社合併齒序得簔齡風清翠管花閒度畫靜籃輿竹

外停莫便占星誇太史應不黃髮老林垞

豫章九日旅興

狂吟爛醉接籬斜寒近江城菊有花盡開虛懸才子
筆白衣偏屬野人家葦荒鴈叫將移浦水落魚驚未
穩沙歷歷漢陽雲樹渺明朝孤擢任嘔啞

平湖遇湯西厓貴州使回話舊次高巽亭韻

衣錦乘輅興有餘弄珠樓下訴離居掄才路似投荒
返敘潤情如傾蓋初舊侶白榆躔歷落空塔紅藥影
清虛從君一晒孤篷雪獨繭單緡也坐漁

嶺南五朝詩選

卷古

國朝名宦張尙瑗

三

鈞天閣晚眺次大叅王省齋韻

滕王之右豫城隈雙閣雙江兩快哉水色葡萄新雨
過山容蒸萑暮煙催蜃嘘幻市尋常有狔拜驚濤儻
忽來偶倚登樓因憶繪蒼茫無限思低徊

嚴先生釣臺

天子相看只故人神龍難繼鶴難馴圖雲虛席頭終
掉舊雨聯牀足且伸綺季自知慚合傳長源何計託
芳塵投詩七里清谿瀨願作珊瑚拂釣綯

采石磯太白樓

十今誰復重西清猶把頭銜署敗楹門額書唐李林甫遺蹟
日未成聊捉月攀龍歸去却騎鯨驚才就遣爲山主
浮世終須以酒名磯石巉巖風洞涌江濤長作去聲詠
詩聲

惠州西湖

不信西泠竟有雙蒼茫立處始心降半陂老葑園鷗
宅一抹低楊覆雀艘放出亂雲深竹庵引歸輕吹採
菱缸行人競上湖心榭曲曲欄干面面牕

又

嶺南五朝詩選

卷四

國朝名宦
張尚瑛

三

周遭郡郭俯清溪廻合江流注北堤浮碧四圍峯遠
近破青雙嶺增高低魚鱗浪蹙傳遷鱣鴈齒橋排配
解犀惠之東關東新橋坡公解帶成之莫遣中原報
尤物馳魂欲向嶺南迷

贈陳獨漈

秋風淅淅敗蘭蓀白髮天南一老存舊壘題詩受韶
石殘山結屋傍崖門堽來苔井知心史坐後藜牀有
膝痕笑與問奇兼問法譯經臺畔故侯園

又

滄海歸來破產餘蕭然壁立愛吾廬百城蠹食芸香
簡八法鸞漂雄葉書把臂好同梁五噫招魂不返屈
三閭賸留手種孤松在錯落虬鱗覆碧除

漢江春詞

并序

海遊漢渚漂泊經春節物土風荏苒相習
偶題所見得斷句十六章亦竹枝之遺意
也方春感興因畧以春詞其
不盡屬春時者亦附之六

陸馳光固水襄郎帆影車塵亂夕曛鹽酪剝皮分朔
氣錦綉菽米帶吳雲

又

嶺南五朝詩選

卷四

國朝名宦
張尚瑛

三

燕飛船小利乘湍漢口渡船燕鵝眼錢輕不怕官小錢
故僅抵制錢一枚五斗千文春穀賤一朝三反月
湖寬

又

火樹通衢百戲饒兒童擗擗鬧春宵

江浙賽會多縛
絲棚坐童兒于

謂之春間戲于燈
屏用之僅見楚中毘陵雜扮無聲曲頗勝燈屏畫
手描

又

野雞麥雀關時鮮著入甲鱗魚縮項鰓夾酒玉蘭輪

四美水酒與火酒相雜爲又酒五蘭酒名也黃花埭

上枕花眠

又

龜山松柏鬱蒼蒼丘壠高低是北邙祭埽餘撩盡
斷歸船簫鼓隔斜陽

又

鶴背蟾宮兩不歸神仙踪跡總依稀二眉鸚鵡洲前
血輸與擊頭李拘機李名拘機又稱李遐邇所著
衣冬夏不易數年不生垢汗髮
白髮黑毛際可
王韓皆爲作記

嶺南五朝詩選

卷四

國朝名宦
張尚瑗

五

又

柳烟榆火似江南山簇濃螺水染藍天意欲將佳話
并恰教百五值重三

又

相國林亭迤郭西海棠台抱壓枝低題詩可有坡翁
到睡足無言倚舊蹊

富春舟行雜詠

曉曉初日報荒雞萬弩潮聲疾戰聲放眼看山從此
始船頭換舵漸江西

又

儘遣黃庭畫未真水痕淡寫石濃皴更添一葉孤篷
小中有科頭把卷人

又

懸崖一徑闢樵痕隱樹殘垣倚草門苔蝕林封遮不
盡踞江時復露山根

又

烏柏林中白板扉青楊堤畔綠蘿磯不藏石骨山偏
瘦清趁潮頭水正肥

嶺南五朝詩選

卷四

國朝名宦
張尚瑗

五

入嶺聞鷓鴣

格磔初從耳畔喧家山夢自馬頭還百圍茂樹千重
嶂身在飛蒼翠翠間

啖荔奴自嘲

蹉跎絕品宋家香強擘黃羅白玉瓢恰似伶玄擁通
德溫柔聊爲說昭陽

又

古人可作願爲徒曾是離騷也命奴他日續修龍眼
譜甘稱銀鹿禮君謨

七月見桃花

妖紅露井晚霞蒸笑倚秋風態不勝正憶江南甜水

盜吳下杭之美者號水蜜甜七月熟凉瓜新笑共盤冰

舟中望羅浮

擬向朱明謁耀真琳宮偏隔世途塵憑從試浴咸池手一片金霞射旭輪

又

如輪蝶翅舞迴風栩栩聊憑夢裏通么鳳無踪雙燕去石樓深閉碧籠從

嶺南五朝詩選

卷四

國朝名宦張尚瑗

三

又

天畔飛來海上浮世間飄忽是丹丘我今已挾凌雲氣浩蕩乘流一葉舟

又

聞說良常與洞庭仙蹤有徑達沉冥從今不用尋青簪歸向靈威叩石扃

嶺南五朝詩選卷十五

國朝名宦

熊一滿 二十九首

佟耀年 一首

佟寧年 二首

景日盼 十一首

鄭梁 二首

高孝本 十三首

沈宗敬 十五首

嶺南五朝詩選

卷五

目錄

吳震方 十首

鄭之琮 十八首

苟金薇 十五首

彭俊 十四首

嶺南五朝詩選卷十五

番禺黃 登俊升氏訂定

國朝名宦熊一滿

字萬德一字若園南昌人康熙甲辰進士
授庶吉士官至大司空歸里起任左都
御史內子初春奉命祭南海神祠晉工部左
侍郎著有歸田集

饒蔚宗相過小酌次見贈原韻

江鄉昔盛時德業修諸老理學與文章高深恣商討
聲施在巖廊風雅恢江表閣社峙飛雲藏書富天寶

嶺南五朝詩選卷五

國朝名宦
熊一滿

一

予祖實壇坫流傳存笥稿君先數鉅公聯翩霄漢早

名山互秘鈔開府供元草君詩內敘及三銘先生編
纂學海曾借鈔先王父冊

元龜隱顯雖異揆心期何皎皎印友挺奇姿魁斤

森張鎬世胃振琳琅雄風馳騁寰剖璞終有時筆陣

千軍掃裁篇春月妍寫韻秋山曉我昔冰雪攜曾期

金石保已未年得讀
君詩莊諸集風塵逸先型灰寒而木槁幸及

桑榆收况甘藜藿好多君遠過從圃蔬傾市醪纏綿

數世交俛仰千秋抱落筆揚古光鱸煙相縹緲君才

天半霞我病籠中鳥默契且忘言敢為世俗道時代

迴蒼茫江山自文藻何日共扁舟萬頃春波淼

過黃梅張大林明府止宿新成書院

茲地吳楚交山川鬱鬱秀疊嶂插青天往蹟留巖岫
地氣所蟠結民風宜樸茂昔傳佛祖庭得無象教固
邈矣參軍宅文采空憑弔卓哉張令君孟韓力研究
績學有根抵為政有先後撫字起瘡痍汗萊盡耕耨
絃歌古之良此風今罕觀君為進多士循循語道要
吾儒炳日星則傲斯不祧更為闢斯堂廣廈羣幘覆
仁義以漸摩金玉成琢就翩翩王國楨書升已登奏

嶺南五朝詩選

卷五

國朝名宦
熊一滿

二

明道闢聖經作人報我后豈惟振一時後來宜組立

我昔莅河東亦曾數椽構諸生或過從訓誥多口授

至今廿餘年時魏甲且陋視此輪奐新撫今更懷舊

令君晉之彥王文薛文風堪紹况茲百里間白鹿峙

匡阜今昔理同揆昔賢言匪謬我論世所迂願以附

蘭臭泚筆霜月前清風滿襟袖

次李縣面別駕見贈兼寄令叔醒齋學士

水氣侵蘆壁霜光透曉楞此邦仍楚澤何處釋虞登

濁酒陶元亮長鑱杜少陵悠悠從世棄汶汶豈吾能

隱矣文焉用狂來興或增圖書聊自好風雅賴人弘
卻訝珠光異偏逢驥足騰後來君可畏作者我何曾
撫舊追思劇同朝笑語承三長推鉅筆屢折魏殘肱
尊公石翁仙逝時年亦幾殆忽漫淪前哲云誰附後乘翩翩心久
許籍籍衆咸稱得觀新篇壯殊開老眼膏調高遲爾
和步澀儻予憎柱看雙孤砥光留四子燈臨川風未
墜靈谷旭方升振履青雲迴盤根奕葉仍礪新鋒早
試武接級還層鼎列惟將母與迎壽作朋竹林瞻鳳
舉芝檢正霞蒸淑氣迴迴律條風漸解冰蚤聽河岳

嶺南五朝詩選

卷五

國朝名宦
熊一滿

三

頌天保叶升恒

學士時奉命封告中岳

丁丑季冬信筆述懷奉別石濂老和尚

拜奉宸綸從帝里薊北秋清風日美齊魯歡迎

御仗過江東羅拜填衢市吏卒咸知王命尊兒童

都爲昇平喜路經故土不敢停紛紛綵隊煩桑梓大

臣郊勞小吏趨恪對天顏嚴尺咫適值授餐更易

舟越宿殷殷戒行李西山雲接匡山雲瀟瀟水連蘋

灘水頗貯胸中幽壑奇日看天際烟霞紫一過嶺表

殊不然小船兀坐如甕底低頭奉曲四面風握管那

能舒十指韶英舊蹟幾千年誰與相從詢遺址危崖
斷纜少人牽水淺碎舟防石齒氣候固與中原殊人
情孰問孫叔禮獨觀軍容刁斗嚴差免戒心賴有此
我本江湖浩蕩人何堪瘴霧侵肌髓逾旬不食且不
眠自分荒郊甘僵死迅趨南海謁神祠庶肅明禋答
天子外身却幸偶身存跽伏羊城聊隱几病中翻覺
得心空盍依老宿叅微旨洞山淵源有正宗石公之
名盈兩耳扶筇直過慧遠溪爲期敢後圮橋履琳宮
紺殿高插天花竹參差環曲漪杳然世外非人間置

嶺南五朝詩選

卷五

國朝名宦
熊一滿

四

身彷彿桃源裏維摩丈室幾談心祖燈直揭真如砥
鈍根未易透禪機祇見天花飄玉蘂才雄學博海與
潮識究天人羅百氏爲佛爲老爲吾儒是詩是禪兼
是史相逢益悔十年遲論交詎以今人比餘生草草
速歸航一葉萍浮安所止公來握手話眠餐投我瓊
瑤紛累紙越王高臺我倦遊把公大篇不虛矣別緒
悵悵那可傾霜髭一燃忘其鄙白雲在岫月在天舒
卷無心良有以我皇神聖天縱姿三教源流徹終
始尺綸有日訊曹溪公爲清時宜強起

登小孤山次梁相國壁間原韻三首卻寄

突兀疑填石荒唐紀斷菴誰移華頂峭偏障海門高
吳楚千帆月江湖五夜濤滔滔任來去一葉穩漁舸

又

閣已千尋迴波仍萬古流我來題壞壁公久占高秋
風雨今鴻筆神仙舊使舟公以使為霖還北望一洗

大江愁

江楚早甚吾郡士民時復有浮糧之請

初秋病小愈兒彬具舟遊北蘭寺次宋中丞

壁間韻四首

嶺南五朝詩選

卷五

國朝名宦熊一瀟

五

蠟屐渾難著紆迴棹木蘭馳情自巖壑照眼忽江湍
斥泊籬根仄林栖鳥夢安居然人境內窈窕得幽巒

又

浩劫誰堪問源流述祖堂因緣時地合結構水天長
看竹人俱碧沿隄樹更蒼坐令煩暑盡几席亦清涼

蒼雪上人為述北蘭緣起

又

曲江今再邁吟眺其煙林片石分禪榻清風吹素琴
寺有綿靜中周孔思物外惠莊心老我希聞道流光

恐易沉

又

傲古仍斯閣臨流復小亭江濤鐘外隱山色鏡中青
洗酸浮泉雪泉即名揮杯落酒星虛堂驚鶴迴餘響

倚雲聽

輓羅舜玉

遊記西南路經傳毛鄭篇傾囊常結客負郭竟無田
意氣推吾黨高懷在古賢中年焚筆硯四壁獨翛然

同年袁客山通政手書自粵右至時余將返

嶺南五朝詩選

卷五

國朝名宦熊一瀟

六

棹矣走筆代柬答寄

家鄉一嶺隔此地鮮交親久客瓊山舊

同年茹子初蒼敷聚

歸鄭谷貧

鄭珠江太史京邸假旋

相從狎結阮往事說雷陳共

指蒼梧迴西方彼美人

又

豈不停騶待王程詎可留高雲迴京闕故土黯

松楸青鬢吾儕改東山物望收及時能強起把袂翦

門秋

宋牧仲中丞招宴滕王閣雨中卽事

條風淑氣及花辰
卻逐旌旄淥水濱
霖雨千村偏應節
江天萬彙早同春
舊傳開閣紛詞彥
誰信登筵獨故人
百尺振衣霄漢接
低徊古道倍嶙峋

病中立春偶占

詎意深寒便放春
支牀仍剩夢中身
流連竹葉全無分
消息梅花恐未真
久信光陰同過客
翻憐少壯不如人
占年幸遇新晴好
照我空牕日半輪

雨中望嵩嶽

風斜雨細偶停車
望裏嵩高畫不如
欲識唐碑書漫

嶺南五朝詩選

卷五

國朝名宦

七

滅難尋漢柏影
扶疎泉清萬壑飛
瓊瀑雲白千峯接
碧虛何日更循歐
謝迹肯嫌嵐翠濕
衣裾

謁漢光武陵

白日風斜洛水濱
雲臺想像漢君臣
蒼苔久蝕龍鱗古
玉版端將鳳藻新
幾向桐江求故友
曾傳白水起真人
東京雅尚崇風節
食報應知及李陳

呂位公總戎招同薩侍御登鎮海樓

粵秀峯傳此地靈
飛樓層級可捫星
波光一帶浮銀練
煙火千村列繡屏
望闕幾迴瞻北斗
振衣最上俯

南溟僊祠咫尺雲霄路
疑駕鸞輶玉珮冷

又

身使霜稜寒謬風
炎荒控制仗元戎
烟霞不盡登臨興
湖海真傾意氣中
病骨俄驚緇髮改
深情幸許素心同
高山流水思何極
共矢丹誠答聖聰

同年茹子蒼招飲寓齋

滾滾紅塵駒隙過
雲霄鴈侶半蹉跎
人當白髮新知少
客向天涯舊感多
我豈陸才空攬轡
君同韓命早逢磨
藏書却喜名山就
休歎勦猷遜伏波

君近著王會新編今

嶺南五朝詩選

卷五

國朝名宦

八

與山時有平寇功

坐煙江疊嶂堂再次中丞絕句韻

石磴風林徑轉幽
疎花牆角紫莖抽
堂開容易秋先到
雲淡峯橫水自流

又

晚吹初颺夏木涼
濤生彷彿淨琴張
老僧笑指鱸峯現
好挹氤氳到客裳

又

西山日腳映霞團
倒射波心塔影寒
幾點漁舟煙樹

外江天真向畫中看

又

廣平鐵石霏冰雪興奇王郎水墨圖風雅一門誰更
似天然合是再來蘇併讀公子
山言句

又

也計從公竹裏行芒鞋布襪倘身輕須知勝具天慳
付欵枕孤篷空月明歸途足
疾頓發

丙子初春奉

命祭告中州太昊氏諸陵卽日就道

嶺南五朝詩選

卷五

國朝名宦

九

曙色纔開映雪暉香飄內殿早垂衣焜煌寶軸

親頒授聖敬如天式九圍

又

洞攸重門勅使行聯班舞蹈玉階平輕裝迅踏漳流

凍敢憚崎嶇百二程

定限往返
百二十日

過長壽寺訪石濂長老

佛閣千尋不敢登祖燈一老續南能我來欲覓安心

地雲白風清得未曾

又

文字非禪却是禪從來法界浩無邊尋常誤述涵今
古五岳烟霞在筆先石公著
作甚富

又

榮辱何關電霧身南山北闕本非真用蘇
句更須一勺
曹溪水洗淨元規汚面塵訂日寺
中洗浴

佟耀年

字明齋三韓人原廣東巡撫養鉅長子現
任廣西左江觀察使著有詩文集行世

登鎮海樓

登樓清嘯入虛無縹緲長空天地孤南望煙波連漲

嶺南五朝詩選

卷五

國朝名宦

十

海西來雲影滿蒼梧賓賓曉出扶胥日離火光含合

浦珠極目天涯欲乘興滄溟東指卽蓬壺

佟寧年

字靜公一字一齋三韓人原廣東巡撫養
鉅次子現任柳州別駕著有詩集行世

登鎮海樓

永嘉節鉞臨南武飛閣峻嶒創太清五嶺插天環百

粵兩江歸海滙三城悲風落日邊笳壯秋色長空白

雁橫東望蓬萊方咫尺憑虛真欲御風行

烏蠻灘阻雨謁馬伏波將軍廟

伏波廟枕橫江上古木蒼蒼入暮雲一代自稱為國
上千秋人復弔將軍灘聲怒挾風雷走石勢雄分虎
豹草竟日維舟應有待不堪寒雨落紛紛

景日珍

字東陽登封人康熙庚辰進士現任高
要知縣重士愛民著有嵩崖詩集行世

獨漉篇

獨漉獨漉波瀾反覆人情紛披百態徵逐有泥其首
有濡其足達觀涉險自樹蠹蠹弗動曷尤拙守曷辱
狡兔三窟其皮市鬻

嶺南五朝詩選

卷五

國朝名宦
景日珍

十一

作客行

沅湘多香芷隔絕在遠道采采江風寒涉江畏波瀾
南岸嘶代馬北岸啼越鳥越鳥戀樟枝代馬戀沙草
鳴鳩當風翔去住不自保

病榻望嶽

移榻得面山烟霞共昏旦縹緲飛白雲遙青望不斷
似見謫仙人騎雲度石丁我欲往從之惜無凌風翰
心成梁父詞雲影忽飛散

空桑澗

空桑澗在嵩之南伊水抱流紫氣涵谷口猶傳伊尹
墓上人遊士作勝談老樹古碑跡最著淮南誕說何
所據日暮前山問父老為我指點耕莘處

讀南宋史

徽欽北狩高南渡江岸烽火不敢顧卧榻有人奸如
雷石郎入耳心膽怖燕山十年斷雙魚獵馬長斯京
維墓錢塘湖上汴州歌王臣曾否憶歸路天子曰臣
臣曰僕江左苟活東晉續可憐趙氏生劉禪此間樂
矣不思蜀鴻溝既割和議諧布衣血濺太學堦爾日

嶺南五朝詩選

卷五

國朝名宦
景日珍

十二

岳飛蚤已死何待秦檜十二牌

喜晤高荆襄同年

燕臺重握手翻憶識荆初人老風塵裏交存文字餘
肉寒無瘦骨囊澁有殘書三載仍詩癖情夢故爾疎

偶興

此身非草草世事任紛紛羞作送窮賦學為放膽文
悲歌惟看劍笑傲欲巢雲當戶數竿竹幽閒我共君

雪霽遊崇福宮

同謝金昌弟曉暉

出郭山當面寒泉暗裏聞半崖渾宿霧是樹徧棲雲

天勢連高嶽野光映夕曛惠連能作賦郢曲似酬君

秋日登石溪

冷露催紅葉綠谿一色秋足知金氣盛不爲青山留
短草圍砂磧荒苔老石頭我來成野趣惟見水長流

五一園

名園半畝足幽棲松菊森森三逕迷本爲看山除舊
舍却緣尋竹遠清溪野蔬佐酒堪留客細雨穿林好
濯畦最喜聽虛人語靜枝頭好鳥數聲啼

蘆溝

嶺南五朝詩選

卷五

國朝名宦
景日珍

三

五年三渡桑乾河冉冉征雲動浩歌雪老燕山南鴈
少烟寒易水北風多古城殘戍催車馬驛路荒天散
駱駝柳杏爭妍花正發上林風景復如何

鄭梁

字禹梅慈谿人康熙戊辰進士授翰林庶
吉士轉刑部郎中出知高州府丁丑丁外
艱回籍

丙子三月十五日行縣次熱水池書意示電

白楊令

日倦荒山與亂坡獨於熱水喜頻過四時溫燠真堪

近一味澄清總不磨莫怪偏方殊物性須知大地本
陽和青林翠岫兼奇石幽意菴前合最多

七月十五日丁外艱回籍過熱水題壁

宦興三年只此泉歸時詩欲打碑鐫那知忽墮傷心
淚無計能抱恨天絕不炎涼隨世俗其如離合定
前緣摩挲壞壁思題句浴罷當風意惘然

高孝本

字大立嘉興人康熙癸丑進士以承家子
中辛未進士初授江南涇縣令著有南游
琴溪諸集行世

嶺南五朝詩選

卷五

國朝名宦
鄭梁

四

自肇慶至高州道中作

漠漠津樓雨蕭蕭水驛船塔分江上路雲鎖峽中天
草濕林多瘴山荒店少烟端州行未遠風景已凄然

又

河向河頭盡崎嶇遵陸行人穿蕉布重市用古錢輕
自新興以西野店名難記殊方語不明嘔啞似柔櫓
俱用唐宋錢一路小車聲

又

舟車連日異不盡短長亭八店匆匆飯出門落落星

計程看候白望蔭指松青忽聽山鵲喚肩輿却少停

電白詩

南溟諸水會炎微萬山迎縮殺擎雷路蒼涼神電城

仙人遺馬跡絕島聽鷄聲保障于今亟巖疆未可輕

馬踏石壁傳有仙人乘馬來題詩于此石上有馬蹄痕故鷄山在大海中昔有人牧鷄山上久之不見人

神以爲

又

南樓試一望萬里海茫茫赤水通番舶蓮峯截大洋

神光中夜白鐵颶半天黃欲向扶胥外乘槎問九陽

嶺南五朝詩選

卷五

國朝名宦

五

潘州

昔聞孔太守

鐫

功在茂陵時說賊單車去征蠻重鎧

冠山川紀舊蹟徕鐘拜新祠無下林符配國觴更可

悲

林雄符受隨孔公征峒蠻死之今祀祠傍有祭田二姓子孫收租供祭

又

昔按嶺東城高涼名不虛雨多衣換袂政少夜繙書

茉莉將屏結芝蘭當草除渾忘身是客隨處設蓮條

初至涇縣

山入陵陽翠接天清輝滿日向涇川下方古渡風前

旆西郭晴溪柳下船得祿自憐毛義檄到官先欣隱

之泉相逢父老殷勤說且喜公來恰有年

又

信是萊蕪令不如臆塵須拂草須除便思檻外添栽

樹更擬牀頭蒲貯書薄宦定應嗤腐鼠清時未敢憶

鱸魚小臣有賦惟將母計日安仁御板輿

又

遺鷁從來尚眼中敵州琴鶴紀清風此間最憶大南

郡領我曾非小鄭公江左烽烟人事異監門圖繪寸

嶺南五朝詩選

卷五

國朝名宦

六

心同汪倫潭上前緣在堪愛桃花照水紅

爲汪

伯父虞部公明季曾

爲汪

又

記得先人遺愛地行來上谷與春陵碑前淚爲羊公

下身後人將朱邑稱苟有朝衫存手澤家藏縣譜自

高曾寒門幾世傳清白慚長慚卿益飲冰

高王父及先君俱起

家州

又

京雒緇塵染素衣春風空憶故山薇那知此日垂黃

綬翻得終朝面翠微遠樹層層當檻出晴雲片片繞
應飛何妨勾漏求仙去管領煙霞願不違

沈宗敬

字恪庭華亭人康熙戊辰進士初授廣吉
士翰林侍讀學士諱荃仲子庚辰遊粵奉
旨特召還京

恭紀 聖恩 八首

康熙三十八年春
天子問河淮徐巡省江浙察民疾苦獨祖臧
課存邱舊臣優待耆碩允所經臨仁政
莫可勝書在籍諸臣多作為歌詩頌
聖德沈庶常御筆進其所為頌並畫獨蒙
獎賞賜以清風蘭雪題額及孝經千字文

嶺南五朝詩選 卷五 沈宗敬

唐詩各體 宸翰又 命之繪扇隨賦五
斷句並其先人文格公手蹟以獻 召見
問年齒兄弟復 令鼓琴再 賜烟風高
曠四字庶常又進謝 恩詩八章琴辨畫
品二說 皇上俯念文格諸君多年更
書落紙雲烟以賜之文格傳述盛美且感
春今有子克紹前勲一時傳述盛美且感
天子之不遺前勞焉古來於 翰墨之側
辨論書畫揮灑毫翰惟米芾為佳品其子
友仁後亦繼之小庶常既以文學受 知
復蒙煙嵐高曠褒其繪事兼及其先臣視
宋氏父子何多讓耶然竊觀庶常志存冲
淡娛適山水未嘗及乎榮進其所著琴
辨畫品咸寓至理及讀其頌商皇典麗實
稱鉅手今 聖天子日以經術儒雅勵
太平庶常讀中秘書家學淵源所建樹方
未可量又不止如米氏父子徒以筆墨自
高也康熙己卯夏六月工部高士奇跋

其一

鑾輿鳳舸接江東快聽嵩呼拜舞同五色日華 仙
仗外萬年芝秀 赤墀中阜安已邁唐虞治補助還
添造化功共慶普天沾 聖澤微臣尤幸 王恩崇

其二

素業傳家有一經當時端尹侍 彤庭文章報國邀
宸眷翰墨開函傍 御屏曠典至今猶鄭重陳編留
篋總清冷寸箋獨進 天顏喜 溫語褒嘉翠輦停

其三

嶺南五朝詩選 卷五 國朝名宦 沈宗敬 大

聖門簪紱幸蟬聯兩世承 恩鳳沼前詎有聲華思
賈至愧無名業繼韋賢滄江路迤瞻雲漢 丹闕心
懸歷歲年今日特將芹曝獻學書學畫視為田

其四

曙色瞳矓 帳殿開 御書遙捧五雲來毫端寶氣
連球璧冊府榮光煥斗台鳳舞龍飛窺麗藻淵淳岳
峙見新裁 聖文天授超今古猶念先臣橐筆陪

其五

天章何幸及儒林中使傳宣 寵賚深願挹清風歌

聖德敢將蘭雪滌臣心六經廣孝真謨典千字成文
有座箴玉軸撫歸驚異數涓埃莫報倍沉吟

其六

紉眉輝煌出 尚方許將末藝進巖廊難描 帝室
山河壯漫寫江南煙水蒼峯爲 宸遊凝曉碧林隨
輦路發天香三吳擊壤歌衢意圖繪慚無六法長

其七

氤氲爐篆繞春衣閭闔門開傍紫微幸接 龍光寬
禮法得隨人瑞共瞻依同百歲老 厖羸弱質蒙 天

嶺南五朝詩選

卷五

國朝名宦
沈宗敬

五

春棠棣微材荷日暉蒙垂問病 御筆重頒恩遇盛
敢將歲月戀漁磯

其八

偶緣筆墨奏微名更 命彈琴理正聲行漏鳴時相
和答御庄金鐘自鳴 繁音指下自澄清九成功德 天朝奏
四海絃歌大化行 南幸年年臣望切薰風長此祝
昇平

恭題

御頌畫扇

五首

洞壑幽深好避喧青松翠柏護柴門冷然空谷無人

到只有天垂雨露恩

其二

江上巍峩萬仞山清流翠壁互迴環欣看巨澤從天
下一洗巉巖苔蘚斑

其三

山南山北及春時竹塢花村任所之人在羲皇耕鑿
世茅簷處處樂雍熙

其四

巖邊樹色連青漢雲外泉聲響雪濤應有喬松時嘯

嶺南五朝詩選

卷五

國朝名宦
沈宗敬

五

傲春風長日醉仙桃

其五

濃蔭山庄一徑通隔溪亭子受清風乾坤浩蕩元無
外紫翠光分泉石中

吳震方

字青壇嘉興人康熙丙辰進士初授庶吉
士轉陝西道監察御史庚辰遊學著有
頌章詩文
諸書行世

恭頌

聖德

十首並錄原章

康熙三十八年二月三日 皇上奉 皇
太后南巡親閱河工指示方畧刻期底績

更九江浙德臣奏請南幸三月十日
日駐蹕蘇州十八日奉旨萬壽聖
節臣等謹詣臣班次行慶賀禮翼日
駕幸杭州皇上軫念民艱覃敷德惠
萬民感悅臣等江浙行在屢觀天顏
不勝惟謹謹以見聞敬頌七言近體十章

其一

鸞輅春巡動九垓山川重幸翠華來陽和氣浹蒼
龍轉淑景風馳赤社開四海宴寧占豫順千官喜起
頌康哉省方此日瞻堯采萬井歡呼徧草萊

其二

九重孝治久彌勤史冊千秋迴未聞覽勝瑊輿呈

嶺南五朝詩選

卷五

國朝名宦
吳震方

主

聖景行春寶幄護祥雲天顏有喜春暉永帝

德無涯湛露殷錫類推恩知廣被天經地義仰仁

佑

其三

昌期乘運際休明大武弘昭偃甲兵徽徽遐荒咸稽

首貢通絕域盡輸誠無疆曆永光天日久道人安

聖世氓三駕宣威窮漠北東南衽席賀升平

其四

九如天保祝三多萬國珎球正止戈景運中天運化

日芳辰季月值春和瓊漿漱澗雲華酌仙樂鏗鉶彩
鳳歌南極一星朝帝座軒臺望氣鬱嵯峨

其五

軫懷勤依度土功殷憂日與萬方同雲中鸞鳳承仙
帟水底魚龍候景風地斥黎陽期到海歌聽瓠子記
成宮思從宛委求金冊蚤奏平成慰聖衷

其六

聖文雲漢炳千秋引領祥光貫斗牛商室旁求來俊
又周家作事盛薪標追風冀足應齊至剖石荆璆欲

嶺南五朝詩選

卷五

國朝名宦
吳震方

主

盡收共聽絃歌增氣象載看麟鳳悉郊遊

其七

東南民瘼正殷然聖主鴻恩降日邊比戶歡聲騰

遠近大廷溫詔徧郊廬復除漢代農桑重施舍周

官典籍傳欲阜民財成至治垂裳恭已奏虞絃

其八

祥風煦育布春溫旋聽絲綸到犴門五用典弛寒

谷暖九天雷解覆盆翻泣車至德霑窮節祝網

深仁念飲冤貫索園扉青草茁金雞仗下拜殊恩

其九

遙瞻宸翰灑丹青榮彼臣鄰異數昭趨陛儒生
咸拜賜登牀常侍敢爭邀龍蛇勢動雲章麗星斗
文成法象遙跪捧自天鴻寶重傳家世世仰清標

其十

十年霜雪被椒蘭天地無私覆載寬望極九霄饒雨
露夢回三島見波瀾素絲羔袖餘香染丹陛龍光
近日看聖王恩深何以報願隨擊壤頌時安

鄭之琮

嶺南五朝詩選

卷五

國朝名宦
鄭之琮

三

字郁文一字靜山直隸南和人康熙乙丑
聯捷進士現任廣東永安大令廉明慈惠
著有題人門一集二
集粵遊草諸書行世

題張子昱讀書桐下小影圖

羊城張子昱者昭德陳廣文莫逆交也妙
年好學試輒冠軍為學憲左我菴賞識
拔貢辛巳三月圖一小影讀書桐下幽致
可人昭德代懇贈以詩歌因作此以答之

子昱張子志氣軒昂其年則少其才則長德類騏驎
捷同超驪伯樂一顧辟離名揚桐蔭扶疎生彼朝陽
萃萃萋萋爰集鳳凰游焉息焉搜索青箱晉唐詩字
秦漢文章清姿逸韻誰其頡頏竚看搏飛俯視高岡

五日送窮

焚香難告帝冰檠只自知貧富生已定何須怨神祇
君不見宣尼厄陳蔡顏氏簞瓢時窮神如可送應笑
古人癡

秋杪丈田途中即事

西風拂面日履畝丈田時露冷征鴻急坡危過客遲
殘雲迷古樹野犬吠疎籬忽遇峯廻處耆民進酒卮

秋香早發

已度秋香口長江自此分月明帆見影風過水成紋

嶺南五朝詩選

卷五

國朝名宦
鄭之琮

三

付舍遮青竹山峯沒白雲不須嗟落莫廣和育同羣

水車

滾滾隨波轉公輸法最工翻身投岸下抱水注田中
堪佐耕鋤力能參雨露功自來還自去畝畝利何窮

霜降閱操

昇平今已久秋至講兵戎草木經霜白旌旗映日紅
鼓鳴催戰馬風勁響雕弓美爾先登氣將來奏武功

夏至

炎天逢至日觸緒暗情牽故國幾千里宦途歷五年

榴花紅吐火榆葉綠生錢無限繁懷事相看轉黯然

六月紫菊開得開字

豈知趨炎意偏迎烈日開奪朱輕逞艷當暑漫誇才
娥媚侵香惠青蕊妬綠苔嶺南花艸異莫更覓天台

送又宗張持節旋里

期期非俗吏贊政已多秋終養飄然去長征不暫留
行裝風拂冷野館同生愁久念承懽好慚予尚宦遊

秋日陽田途中即事

金風颯颯冷吳鉤民社關心郭外遊無數峯巒迎面

嶺南五朝詩選

卷五

國朝名宦

五

起幾灣沙水抱村流蒼苔曲徑埋荒草黯淡殘雲擁
古丘四望稻禾千頃綠遙知大有在今秋

元旦

從來夏曆首於寅律轉三微氣始伸雲爛梧桐鳴彩
鳳風翻楊柳耀祥麟一堤嫩艸侵沙長幾樹寒梅傳
粉新此日紫宸頒正朔鷄班咸慶太平春

初冬夜坐

疎雨洒牕氣漸寒挑燈酌酒夜漫漫甚逢敵手方知
勁器遇盤根倍覺難抱璞荆人終獻玉題橋司馬慶

彈冠風雲變態渾閒事醉客惟留冷眼看

冬至感懷

蒲胸柴棘未能銘荏苒光陰又一冬添線迎長歡繡
女書雲望氣慰村農公堂厭聽排衙鼓好夢偏驚報
曉鐘時物感懷思故土紫金疑是鐵牛峰

峯在南和城東北

過彼岸菴口占

有岸須先登何事獨稱彼至理原無二知彼即知此

又

豈獨彼有岸人生各有岸能參真消息回頭即是岸

嶺南五朝詩選

卷五

國朝名宦

五

俠客行

足騰千里混名屠狗市英風貫斗牛但爲知己死

中秋前三日夜飲

花亭欣酌酒地靜迥無塵移坐欄干外好邀月裏人

又

金粟吐蟾影清香絕俗塵舉頭天路近同是月中人

菊金微

字井生號渠江四川合州人領康熙甲子鄉薦見任廣東曲江大令重土愛民著有素園集行世

靈陽東十五里許有虞姬墓卽姬刎處墓旁
土人建祠祀王與姬余經其地入祠肅謁重
姬烈而悲王遇弔以長句時丙子七月也

王真英雄姬真烈寶劍無情天流血玉碎珠埋只片
時千秋萬歲恨長結當年視死輕鴻毛今日芳名丘
山埒尺土秋毫非漢有一坏青青爲姬凸我來繫馬
垂楊下再拜遺容歎不絕男如王今女如姬時不利
今雙消滅王視隆準竟何如姬比呂雉薰蕕別每怪
豎儒輕齒牙區區成敗恣饒舌

嶺南五朝詩選

卷五

國朝名宦
荀金薇

毛

素園雜詠

闌園成小築鑿井引清池水氣侵虛牖花香過短籬
烟霞塵外賞風雨坐中宜好友時相對開尊細品詩

又

高柳連雲際低花照水邊遊魚吞落影好鳥喚晴天
理釣團香餌裁詩染錦箋東林鍾磬發餘韻復悠然

送陳輔功之山左藩幕

炎蒸猶未息送子入東藩爲惜天涯別頻開客夜尊
曹閑容吏傲祿薄荷君恩行矣安吾道區區何足論

門村道

薄暮門村道春流遠徑長人烟交遠樹野店隱垂楊
脫粟農家飯濁醪遊子觴莫辭今夕醉回首又他鄉

萊州城西水亭顏曰小蓬壺

高柳拂城潢孤亭接水光蓬壺云此地仙侶竟何方
日暖鯈魚出春深燕子翔興來成獨往倚檻對斜陽

僑寓素園

野外園林絕點塵數間茅屋隱松筠人分菽粟連甕
蒲家釀醪醺列地陳最好掩關窺物理幸從問字悟

嶺南五朝詩選

卷五

國朝名宦
荀金薇

天

天真蕭然斗室無他預一卷南華懺此身

晚眺

野外迢遙接大荒晚來烟樹更茫茫春深未見桃花
放客久空憐旅棧蒼小院風微翔燕雀高原日落下
牛羊臨西極望關河邈雲裏依稀見故鄉

將由膠西北上

萬里飄飄一葉浮膠西荏苒半年留荒齋斗大堪容
傲薄酒杯寬未破愁罵鬼燈前焚竹簡背人月下看
吳鉤久居鬱鬱難排遣又逐西風賦遠遊

度居庸

衝寒策馬度居庸紫塞雄關鎖萬重西接玉門通瀚
海東連鐵嶺枕盧龍風來大漠黃雲合日冷危樓白
雪重自古安危不在險休誇天塹一丸封

署中偶感

落日晶晶射短牆官衙冷冷北風涼幾家破屋炊烟
細一片空城宿鳥翔秋老愁看霜月白人貧羞對菊
花黃哀鴻况復號中野客裏聞來易斷腸

秋日感懷

嶺南五朝詩選 卷五 國朝名宦 五
廿廿年華歎逝流涼颺又早報新秋晴川色淡芙蓉
浦夜月聲悲畫角樓眼底浮雲隨變幻窓前小草自
清幽無端客緒紛如織貧病侵人易白頭

送楊二年兄歸里時予將遊山左

秋老碧梧霜滿枝君歸我去歎途岐世人眼白輕貧
賤客子心驚重別離松菊故園知待女風塵異地望
憐誰相逢親識如相問道我窮愁甚昔時

樊崑來太史典試粵東遲我於濠梁驛亭握
手移晷次惠別韻

漫道升沉路各岐人生聚散亦難期惟君尚念風塵
客爲我停驂話日移

又

車馬萬里出榆才桃李殷勤手自栽聞說遺珠相待
久好憑鐵網盡收來

彭俊

字夢懷漢陽人康熙壬戌進士現任廣東
長寧大令撫字之暇卽景咏吟著有感勞
集粵嶠吟陽宣二邑嶽
語彭進士負稿行世
春四聲詩感遇而作
春平聲

嶺南五朝詩選 卷五 國朝名宦 三
春光來天涯晴和煦千家疎林聞鶯歌名園懷瓊葩
孤心如行雲離情隨流霞東風還相吹王孫空咨嗟

夏平上聲

炎風西南來樹下數徙倚長空無纖雲野渚有止水
婆娑遙霞紅俯仰杳靄紫平生悲羈栖覩覩但拊髀

秋平去聲

清秋澄高空氣淨萬彙素欣言飛鴻冥悵望乳燕聚
寬悲汪洋波遠歎汗漫路黃花籬邊開醉噫歲暗度

冬平入聲

寒風吹彤雲栗冽入客室鄰家沽新醪屋角曝旭日
半騷傷離奇逼仄叱送逸炎荒無冰霜竟樂躡翠隼

雜興

東鄰再嫁婦堂有雙舅姑竭力奉甘旨中饋苦不暇
良人不敢怨舅姑心不愉始悔重事人淚濕舊羅襦

清遠峽望飛來寺

十里萬山攢江流清且駛金碧燦高峯云是飛來寺
仙靈愛幽奇半夜風雨至說偈不肯回已得靜中意
何時謝塵鞅攀躋入蒼翠

嶺南五朝詩選

卷五

國朝名宦
彭俊

圭

觀海

荒城竟日愁難過騎馬海上觀滄波晴如琉璃萬頃
碧陰如幽洞千巖阿風如雷霆挾驚電雨如劍戟夜
相磨滄海澎湃杳無際瀕洞汨沒移情多西有交趾
東日本番櫓賈舶走如梭又說中間多島嶼奇珍異
寶委陂陀聖人當陽萬國一四海爲家無偏頗獨我
遐荒沾雨露居處鼃鼃與龜鼃朝從海市接衣冠夕
向蜃樓聞笙歌蓬萊方丈原非遠瀛洲今始得攀摩
仕宦如此自不惡歲月催人髮髮瞤忽有鯨人出海

底手持冰絲一段羅含情欲語復不語臨風一泣珠
滂沱

病目

雙眸忽作楚徹夜未成眠澁比風沙入睜羞曉日懸
楊朱泣不止鮫客墮常圓青白欲何用故令心腎偏

椰子樹

凌空一幹起百尺聳無枝孤介非時尚清癯與道宜
葉疎風不受實重雨難欺霜雪炎方少歲寒恐未知
舟發南海田禾書陳文度熊季韓追送賦別

嶺南五朝詩選

卷五

國朝名宦
彭俊

圭

寒宦賓朋多落寞老年兄弟重臨岐一尊夜話秋宵
永半日江行畫舸遲欲飽風波須海外未厭辛苦又
湘滑莫愁留滯天涯遠久熟淵明歸去詞

人日有懷

蠻鄉節序兩逢人浪逐浮名絕塞身但喜聖朝饒雨
露敢言小吏困風塵迢遙故國音書杳突兀青山曙
對新回憶漢江芳草綠好攜壺榼趁初春

榕亭

并序

榕亭在廣州東偏草屋即尉署舊址也蔓
草蒙茸毛鷲穴居燕巢夫故置過而弗顧獨

有榕樹一株大可十圍垂陰數畝余愛其清幽剪除荆棘修葺茅茨日夕坐臥其間嗟乎山城岑寂案牘久空聊將吟詠之私用釋素餐之誚知我者其此榕乎

冷香荒煙接翠微空庭燕子日飛飛馬牛嶺外形逾瘦被炭山中味自肥案牘不繁稱吏隱尊鱸未憶愧知幾榕陰十畝真堪藉坐對朝暾與夕暉

寒食

微風細雨杏花天陌上春光恰禁煙草色萬山青不斷江光一派綠相連叢祠處處飛蝴蝶故壘蕭蕭啼杜鵑榆火明朝新試得白飴香粥好同煎

嶺南五朝詩選

卷五

國朝名宦彭俊

五

抵羊城

嶺南珠江接海潮崔嵬城郭倚雲霄山連五嶺人烟迥勢控諸蠻地脈遙大府三叅承約束扁舟一夜任風流華依舊誇南粵別有心情自寂寥

嶺南五朝詩選卷六

國朝名宦

呂孝德 十四首

吳聯 十六首

何國賓 二首

丁士選 二首

嶺南五朝詩選

卷六

目錄

嶺南五朝詩選卷六

番禺黃 登俊升氏訂定

國朝名宦呂孝德

字位參一字拱齋福建龍溪人甲乙耿尚
兩逆藩煽亂公操兵平定東南莫安
今上嘉興特授廣州總兵開府八載襄帶雍
容軍民感頌兵政之暇卽事文翰善聲律
大字草書鐫有諸墨刻法帖與二王歐蘇
諸名賢并垂不朽所著錫殿堂諸集卽刻
世行

春日西郊出獵

西郊十里路滿眼盡春光野竹沿村翠山花映日香

嶺南五朝詩選

卷六

國朝名宦
呂孝德

一

沙輕催獵馬風勁冷斜陽不住禽聲巧登臨興覺長

登帽峯山

登高凭遠眺環繞碧峯晴萬壑寒烟色雙江夾水聲
岸平塔影聳山靜鳥音明鞅掌無多暇閒來樂此生

惠陽返棹

移步西郊外羅浮極目看子瞻曾泛月寇準舊觀瀾
風靜花分影秋高水自寒夕陽催返棹幽興滿河干

午日泛舟曲水

河廣片帆懸輕陰近晚天榴花紅滿岸蒲葉綠平田

風起青蘋上雲歸白水前誰人看兢渡不憶大夫賢

遊東臯寺

招攜遊古剎縱步入雲窩地靜秋蟬噪林深宿鳥歌
千峯環卧閣細雨動新荷頗有黃庭與書成欲換鵝

遊飛來寺

鴈影橫江過山風掩竹扉鶴馴知客到猿悟脫環歸
俯仰涼生榻空濛翠溼衣溪聲流不住塵念自成稀

登芙蓉菴

爲尋幽谷趣縱步入禪居雲懶依苔徑鶴閒傍素書

嶺南五朝詩選

卷六

國朝名宦
呂孝德

二

洋衣着水綠柳葉拂烟疎喜對高僧話停車向草廬

春日遣興

日無客到有餘閒風捲綠陰曲徑閒野況在杆誰得
局豪吟當景興難刪壁中莫恨青萍舊樓外頻看白
鶴還歲歲江城芳草路幾忘塵慮一舒顏

送友人回家

詞客言旋不可留長亭折柳思悠悠三春離色隨歸
馬千里鄉心逐去舟知爾才弘終脫穎笑予匏繫漫
登樓何時過此重攜手裘馬翩翩試壯遊

宿曹溪

幾年幽興在曹溪門繞千峯衆鳥啼策杖穿雲山徑
溼燃香謁祖衲僧齊閒聽梵語春風度偶得新吟古
壁題五葉叢林燈繼續何時可借一枝棲

九日同友人登高

萬里從戎百戰身重來嶺表作邊臣驅馳自笑功名
累傾蓋何期意氣真援筆羨君能草賦投壺愧我遜
圖麟今朝擬共茱萸酌怕望秋雲憶二親

感懷

嶺南五朝詩選

卷六

國朝名宦
呂孝德

三

少年彈鋏薄封侯何事天南老壯猷劍出龍溪光欲
吐印懸韶石歲淹留慚過好客無佳釀惜別青春易
白頭多士不嫌貧且拙索書統扇贈歸舟

丁丑冬暮奉邀能蔚懷水部薩德翁侍御兩

先生登鎮海樓

空閣風清雨使臣樓登鎮海四無鄰偶從弓劍諧金
石喜對雲山作主賓樽俎花籌留勝蹟星霜梅信報
新春憑欄撫景多圖書萬里梯航拱 北辰

又

才名久矣重樓頭不薄攜尊鎮海遊北望雲霞凝
帝闕南瞻雨露潤神州頻年山海歌清晏此日登臨
樂唱酬自笑推敲非我事敢煩燕許獎風流

吳聯

字愚長一字拔菴閩漳南靖人任黔江鎮
陞廣東肇慶協鎮才兼文武政尚教化暇
則與諸詞人講論道學有裘帶之風焉康
熙壬申奉

旨陞見著有麗江集
榕廬諸草行世

寄溫陵許使君印渚

麗江輕一別奄忽五六年北鴻飛不到東嶺望難前

嶺南五朝詩選

卷六

國朝名宦
吳聯

四

驛使相逢少梅花香索然忽聽上林鶯出守一麾傳
溫陵久荒蕪喜有使君賢襦袴遠聞歌閩粵各一天
欲寄雙鯉魚水非衣帶沿欲附南雁飛嶺隔但留連
晉江有故人病廢心常懸望塗黃室友誼荷相憐
鐸兒喜登龍殊慙桃李妍公其念舊知幸進而教焉
余憶征滇黔過李青蓮祠偶讀許印渚刺史
黔陽集有是作因步韵

山空辟谷廠雕梁金宿光輝照夜郎驃騎躑躅過仙
鄉文氣氤氳出四荒興來狂歌排九閭吟到鵬鳥心

所傷彎弓玉石劍鋒芒斗酒百篇安敢望清平雅調
動椒房聲名炯炯電光我曾醉獻蒲酒漿馬跡車
塵只檄章乍見刺史吊古良此日如在滇黔陽

詠太和雞

廬陵經過處人邑但聞雞羽不期文彩聲能巧夜啼
品佳高古越名重出西溪予豈能禽戲相看五德齊

榕廬小築初成志喜

斗室猶依署牕開向北城千年留樹影一沼聽蛙聲
樓聳飛雲繞庭空瘦竹橫因時聊避靜陳嬾倦逢迎

嶺南五朝詩選

卷六

國朝名宦

五

眞上人招同家天儀斐耶陳子起遊七星巖
東杖同登眺憑空萬壑低僧高渾俗外石磴與雲齊
斗宿何年聚名山此日躋玉屏下仍拂拭其留題

壘上懷古

洞庭八月水連天故國天涯路幾千細柳營中慚作
客岳陽樓上好譚仙誰彈長鉞酬佳節獨補征衣度
此年何日囊錐能穎脫壯猷寧羨古人賢

和陳元孝原韻

三春病裏聽晨鐘驚坐惟教此日逢冷署榕風高士

韻塵襟雀髮老人容漫開綠蟻滋清趣久約青山隔
遠峯仰止未能歸去隱閒栽松菊任雲封

讀惠州王使君湖上送春詩和韻

居諸駒隙易蹉跎虛度芳辰恨最多難擬携柑追雅
集徒慚駐峽荷長戈湖光笑我三生阻春色遲人
送何下里巴詞遙屬和得無貽誚老東坡

黃莪亭胡瑞標先生及兒鐸鈺錡輩移榻南

樓和子起韻

戊樓設帳萬峯新檻外秋清淨遠塵徙榻乍依南斗

嶺南五朝詩選

卷六

國朝名宦

六

近攤書頻向大江親波間月湧翻佳思牕下雞聲報
曉晨砥礪囊錐期穎脫文章無價莫言貧

九日舟次三江逢黃辛子主簿將之羅平訪

康許山因附寄懷

客中秋思望滇南叔度奇逢一水談洞湖依依憑旅
雁登臨歷歷對晴嵐山莫囊滿何須佩野菊江開更
可探暫借村醪酣令節狂歌草草附荒函

秋夕野望

薄霧籠山一望長飛霞片片映紅粧芙蓉伉儷添秋

豔黃鳥彷徨弄夕陽野菜不如芹菜好豆花還讓稻
花香功名僕僕真牛馬樵牧無關唱自在

早朝

御座遙瞻玉漏稀森森儀仗整朝衣柳陰飄綠垂青
瑣燭影搖紅映禁闌鵷鷺成行環珮肅旌旗高拂露
華輝祇慙逐隊趨晨闕拜舞山呼近紫微

題小蘭若

古剎依城郭方湖十頃田老僧耽市隱不問買山錢

和許逸材刺史小姑山韻

嶺南五朝詩選

卷七

國朝名宦

七

雲鬢朝烟整紅顏染夕霞何爲不作婦到老落誰家

又

崔嵬何薄命獨處望江流欲效浣紗女難逢范蠡舟

秋日遊山

幽谷青苔襯馬蹄牧人遙指向梅溪相逢盡是携筇

叟談論玄機聽鳥啼

寄石草

老人自少負才華况是公侯舊世家已薄功名依佛

剎一聲清磬落梅花

何國賓

字介卿漳州人現任詔鎮左營都督駐劄
清遠山水險要控制無虞暇則高吟著有
劍吟草行世

過石峽遊壽昌寺

一灣流水遶禪林雲鑲石門曲徑深日映樓臺窺鶴
舞風迴巖壑聽龍吟老僧入定空塵世俠客遨遊壯
道心愧我俗緣尤未了天涯孤劍共瑤琴

九日舟中夜酌憶幕府諸君

偶逢佳節負登臺菊滿東籬何處開萬里征帆天外

嶺南五朝詩選

卷六

國朝名宦

八

轉三秋落雁塞邇來茱萸欲插愁霜鬢竹葉頻飛醉
客杯遙憶故人明月下詩成今日爲誰裁

丁士選

字覺菴一字一中江南山陽人國學生考
授揭陽陽巡檢轉潮州經歷署惠來令復署
揭陽令委調饒平令緣以病辭請咨赴部
蒙巡撫金留署茂名縣丞復署番禺縣丞
公一命之榮皆以廉明清慎致蒙前
後委署大爲民望著有詩集未刻

重遊觀山訪明緣師

山在高州

一別觀山久重登訪道林迎人來老衲散食下飛禽
隔水孤峯出當窓半壑陰十年前到此何以慰初心

寄懷福州遲屏萬太守

曾記相逢粵海邊論文常共一樽前風流太守仍千
里飄泊羈人又幾年五嶺寒梅天外寄八閩紅葉雨
中傳舊交漸遠誰知已不覺書成轉自憐

嶺南五朝詩選

卷六

國朝名宦
丁士選

九

嶺南五朝詩選卷七

國朝名宦

魯超 二十一首

魯國書 十九首

魯士 十九首

馮協一 八首

沈心楊 三首

鮑鼎銓 四首

蕭鑑 八首

嶺南五朝詩選

卷十七 目錄

一

嶺南五朝詩選卷七

國朝名宦魯超

番禺黃登俊升氏訂定

字開遠一字謙菴會稽人由明經
御試授秘書舍人轉雲間太守准揚憲副
擢河南觀察晉銀臺遷惠潮道有政聲奉
命陞見陞粵西觀察復陞廣東方岳公廉明
果毅器度休容若燕喜堂集粵游草及手
訂綱鑑彙纂古文合鈔歷代詩選行世

先月亭觀魚

古人愛臨水抱杖常游泳池館良足娛清景愜幽興

朱英日碧漪青林照水鏡潯鱗樂澄波喋嘖窺藻荇

嶺南五朝詩選

卷七

國朝名宦

一

其清惟乃依悠然適其性逍遙遠客在沼托微命

江海豈不寬投餌冀僥倖誰為莊惠儔微言足相信

臨川多所欣皎月恰端正林間墜落英一聲動清聽

七星巖

桂林

旦發城東門看雲袪飛蓋山水咸含暉七峯猶若黛

參差列芙蓉聯絡標勝槩拾級上巉巖探幽闕靈怪

日月時代遷星辰儼長在丹巖嵌虛中青蒼冒空外

乘炬入深沉猿鳥互奔駭始坐碧虛亭涼飈襲襟帶

吹觀月半規側聞發天籟仙人在何所丹梯白雲礙

璇房隔塵氛飛流落澎湃草木吐奇芳霞光接靈黠
靈杓麗中天璇璣應瑄闔闔朗北斗第六星
培華北斗第七星何能摘
瑤光長空吸沆瀣詩成擬七襄俯仰得所快

大兒國華之任新興詩以勉之

皇皇際明聖曠代欽循良史氏列紀傳竹帛生輝光
丈夫貴經濟束髮登廟堂建立欣早達千載仰芬芳
我家起清白夙昔多騰驤而我膺泰運際會遭時康
丹顏曳組珮華首承珪璋肅懷當位重惕慮愁德涼
爾年甫定性挾策希東方解蘭適萬里鎮元稱遐荒

嶺南五朝詩選

卷七

國朝名宦

二

幸不負庭訓十載清塵揚課績幸毋忝臺使馳封章

片展賜華袞形陞飛天香黃鵬煥五色紫鳳騰九

光小臣感被服夙夜當兢皇素絲矢益勵敢不凜履

霜咨爾忝州牧百雉開巖疆巍然千里師樹績年正

強延和雖廓遼宅心維保障爾行遵故治尚有前樹

棠弗謂一斗大錯節矜鋒鉞睦人固圖遠惠物兼有

常西爨亦懷德幹用柔且剛賢交在虛受明罰當周

詳淑躬思勤慎立德興永長我愧姬旦箴鶴和還相

將報國嗣往哲勗哉其毋忘

羅浮山歌

天無不好奇之神仙地無不毓靈之山川山川不得
神仙宅縱有奇境非洞天我聞洞天三十六其間盡
是神仙窟神仙到處即靈奇畱在人間隔塵俗更有
十所如蓬丘崢嶸鰲背駕靈虬雲霓飛舞到南越幻
作兩山名羅浮羅浮之高三千六百丈嵒巖直入雲
霓上峯巒洞壑無一同巖巖豁豁千萬狀我生本在
山水中千巖萬壑羅心胸直想羅浮看不足摩天極
地難形容世上紅塵飛不到出沒烟霞光四照北斗
嶺南五朝詩選卷七國朝名宦 魯超 三

長歌壽 封御史寄亭沈太先生六十

吳興自昔稱名邦湖山鉅麗生輝光弁嶺南峯鬱佳
氣其區碧浪涵汪洋具區即太湖 碧浪湖名 鍾英萃美難僕數
仙溪苞育尤非常仙溪沈公祖居也 東林秀色稱絕勝毓靈
挺異推東陽東陽華胄多鸞鷟文壇赤幟人爭樹曾
聞錦織重西羌肯讓延清成獨步鄉名茂德至今傳
豈啻聲華在詞賦固知奕世有青箱珥筆鳴珂向天
路先生少小即權奇懷文抱質能兼之宏才競羨清
時望現行羣推至德師何為徒抱天人策數奇猿臂
嶺南五朝詩選卷七國朝名宦 魯超 四

堪嗟各拂衣遂擁琴書臥數卷白雲祇自怡織簾當
日存高節教子今看成七葉鳳翥龍驤各不同一夔
先上承明闕幾年廊廟美乘驄萬里旌旄指南越揚
清激濁沛恩膏爭傳暑路飛霜雪翩翩花萼更崢嶸
先後馳驅入帝京孫枝藉藉誇珠樹會見齊聽上苑
鶯四海聲聞婉王謝才華久動明光庭懸知賜誥百
二十頒來錦翠看縱橫先生此日方週甲黃花正報
東籬發駐顏何必煉丹砂紫萸共向芳筵插烏府新
開畫錦堂水晶屏敞熏金鴨繡衣正喜作斑衣森森

蘭桂依華髮，待徵書天上。來沈亭，今見畫圖開者。
英座上年還少，且醉麻姑。白玉醅，余歌仙鶴南飛曲。
更獻春風，嶺上梅欣看，膝下調羹手。還進延齡酒，蒲
杯。

清暉閣讌集

清漪涵一鏡，倒影漾虛明。花氣通簾入，萍痕上檻生。
飛觴成雅會，授簡集羣英。得月還深坐，幽蟬夜自鳴。
年家子吳彤，本來自廣陵。因念其尊甫，不禁
有今昔之感，遂成三律。

嶺南五朝詩選

卷七

國朝名宦
曾超

五

憶共趨薇省，驚飈四十年。情懷傾海內，才藻遜盧前。
宦薄名空在，書留業可傳。翟門羅雀後，誰廣絕交篇。

又

劉伶臺畔路，猶記各霑襟。不信風塵迥，疇知感慨深。
百年慚挂劍，千載念鳴琴。見爾殊相慰，高雲共此心。

又

子善承家學，余欣罄積思。漫言才未售，應識命如斯。
彭澤非無後，延陵竟有兒。青緇猶可繼，努力副清時。

謁韓文公祠

昌黎祠像此，巍然爲肅衣。冠拜几筵，豈獨雄文高八
代。長教正學重千年，斗山儼識儀型在。宮市曾聞諫
草傳，異績寧須誇徙鯁。至今童穉亦知賢。

又

殘年去國嘆風塵，瘴雪蠻烟歷幾春。抗疏獨能排佛
骨，投荒誰更逆龍鱗。清時可許容奇節，異代猶知仰
正人。豈信華山偏痛哭，由來慷慨不謀身。

鳳凰臺

丹梯百尺歷層臺，俯仰乾坤酒一杯。天外江波終不

嶺南五朝詩選

卷七

國朝名宦
曾超

六

斷雲中山色，忽飛來魚龍。寂靜蒼烟杳，城郭分明返。
照開何處真人騎，鳳至長空極目首重回。

獨秀峯

靈岫岌嵒聳碧空，層崖木末見琳宮。雲從飛鳥身邊
白，霞傍遊人影際紅。孤峙越教看不厭，獨高始覺望
難窮。嚴公石室今何在，似有書聲出谷中。

朝漢臺

荒臺猶見草芃芃，當日何如逐鹿雄。越吏千秋遺跡
在，漢書一帙霸圖空。山川自昔原無異，雲物于今更

不同却笑金裝綠底事拘儒惟紀陸生功

鎮海樓

叠叠層闌據上頭望中天地畫圖收萬重雲白延三
景幾點烟青瞰十州南眺海門開障塞東來山靄接
羅浮登臨搔首懷今昔見說尚書此復修大司馬留
邨吳公會

海珠寺

靈川蜃氣擁蜂臺烟景晴暉拂鏡開山色朝浮天影
出珠光夜燭海潮來千年鐘鼓看興廢萬里帆樯任

嶺南五朝詩選

卷七

國朝名宦
曾超

七

泝洄疑有神龍潛聽法波心隱隱挾風雷

署齋偕萬管邨邵文典吳彤本趙念昔顏二

玉諸子看牡丹

偶因政暇答韶光共對名花醉幾場曉露散枝低曲
檻春風二月滿虛堂不矜粉黛姿偏艷本異山林氣
更芳擊鉢是誰誇句好興酣有客似高陽

木棉花

炎方三月遍春風萬樹珊瑚一色紅不比柳棉但飄
泊海雲飛出絳都宮

又

百尺爭如火樹看晴霞片片落珠盤奇溫若使同衣
絮好慰蒼生萬戶寒

又

枝枝花放遍南天更愛猩紅雨後鮮不異楓林帶霜
醉停車因得共流連

又

神仙移種赤城霞朱鳥邨來勾漏砂對此果然如挾
纈春寒褪盡發丹葩

嶺南五朝詩選

卷七

國朝名宦
曾超

八

魯國書

字細城方岳謙菴公仲子由明經考
授行人司司正著有雪堂集行世

孔雀詠用西崑韻

最美文禽麗無煩域外攜舊圖看髣髴新眼見癡迷
放采疑雛鳳吞沙頻火鷄海巢侵瘴雨星尾落篁簾
對鏡金屏錯穿花翠羽低盤旋翻蜀錦馴熟慣瓊黎
書屋誇鶉結香闌鬪綺袿綠鸚同解語山麝比珍腴
舞榭開歌扇紅樓啄紫泥卷舒偏窈窕進退善端倪
貴並聞天鶴奇同蠲忿犀亭臺恣頡頏池館任東西

水碧長涵影春和莫倦啼徜徉高士室結念躡丹梯

鎮海樓懷古

羅浮峯四百其勢遠奔放白雲亘西麓蒲澗鬱相向
迤邐越王臺蒼翠無所障雕甍飛入雲井幹失其壯
欲以鎮紫氣永嘉剗掄吭寧裳躡層巔豁眼襟亦曠
松濤春風和帆影珠江漲煙火抱繡檐嶺海聳危望
浮丘與西樵面面列屏嶂倚闌發清嘯嵐光非一狀
恍接安期生邀我坐蓬闥登高賦所見誰與古人共
酌酒以相羊悠然洗塵袂

嶺南五朝詩選

卷七

國朝名宦
魯國書

九

海幢寺

負負新春勝邀明盡所歡輕帆飛水曲古寺聳簷端
暖破江泥滑風吹花露乾寧裳窺傑宇緩步試微紈
地僻焚香靜天空放眼寬松篁標耿介蘆軸遂盤桓
井水晴堪浴蘭英饑可餐晨鐘驚夢遠清磬滌心寒
嶺靜疑扞彩樓危莫倚欄影橫江上楫聲捲海門瀾
翡翠巢園木珊瑚拂釣竿定僧簾寂寂遊女珮珊珊
望野宜舒嘯登臯任縱觀烟雲浮近郭蒼翠集層巒
燦爛開胸臆飄飄生羽翰頓忘天路遠自覺道心安

挾卷詩誰好攜琴曲一彈伊人非水渙吾欲贈琅玕

堯母陵

北風飄重雲窈窕述修路須臾變晦明灌莽巢宿霧
伏軾瞻崇岡云是堯母墓封植動百王穹碑巨靈負
放勳闢中天赤龍啓其祚豐陂感昭靈雷電爲之護
嗣興隆準公遠裔非攀附元王有末孫寄奴亦天步
如彼崑崙丘萬世宜永慕

蘇門

重華撫八絃亮工在五臣瑤琴乃象之南薰播洪鈞

嶺南五朝詩選

卷七

國朝名宦
魯國書

十

後宮換羽添不足悽風苦雨傷急感中郎絃絕多變
聲廣陵已往憑誰續蘇臺天半鸞鳳音嘯餘自鼓一
絃琴山空木落天地迴沈寥灌莽爲長吟阮公默然
如失侶稽公問答皆剩語百泉灑灑篁冥冥竹林詎
是逃名處昔有負圖生不食亦不言庖羲一畫亦多
事函谷五千徒爲煩小車城市何喧喧著書欲傷蘇
門原

比干墓

一代宗臣墓猶留宣聖題元勳卑呂散忠憤激夷齊

牧野戈雖北咸陽鼎亦西丹心長不晦萬古薄雲霓

清明前三日登煙雨樓

節近風光好天空獨倚樓綠煙迷野岸紅雨暗沙洲
日落澄湖淨波平碧草幽扁舟簑笠穩吾欲此中留

平遠臺

久客懸歸思還登平遠臺溪山千里濶煙火萬家開
雨暗村邊柳風飄閣上梅鄉關何處是四望獨徘徊

曉行

畢竟秋光好秋風曉更涼晴川山有色過雨菊猶香

嶺南五朝詩選

卷七

國朝名宦
魯國書

十一

坐利鐘聲靜遙天雁影長臨流圖畫裏光景似瀟湘

重九前三日趙管亭邀遊柯山

一幃玻璃畫梁前石梁斜渡羽衣寒人臨翠壑疑無
地路轉丹崖別有天曲徑迎風溪草綠斷巖瀉露野
花偏登高最愛重陽好還醉茱萸聽暮蟬

玉山道中

千絲弱柳韻悠揚牽引春風斷客腸村逕一灣谿水
綠野塘十里菜花香因尋市酒穿漁渡欲望山城隔
女牆莫怪苦吟紅雨路大江東去正茫茫

黃梁祠

曉發征途四望空行人指點古琳宮茅簷甕熟散煙
合野肆帘飄一徑通跼展鳴箏無趙女捩豚賽鼓有
村翁乾坤浩劫須臾事只恐神仙亦夢中

讀書半綠樓喜何笥山劉戒謀田易堂李倫

表張睂山過訪夜敘

蕭齋暮雨素心知促膝吟聯石鼎詩乍別恍成千里
夢偶來直慰十年思松風入戶茶煙細竹籟穿牕笛
韻遲不負幽軒懸榻意清談快抵漏殘時

嶺南五朝詩選

卷七

國朝名宦
魯國書

十二

無題和朱大長人韻

搔首成詩興不孤伯倫縱酒每傾壺世間若箇丹青
手能畫江東王謝圖

紀信城

誑楚勲高勝入秦赤龍從此躍雲津丹書鐵券分封
日聞說元功十八人

公孫匿孤處

一諾千金重立孤謀成含笑在捐軀秋風血濺寒原
草化作長虹永不枯

寄贈毛大可先生

情繁紅亭長短條春風馬首野花飄欲爲杜牧揚州
夢何處追尋廿四橋

題劉晨入天台圖

偶因採藥入名山勃窣仙姝自往還誰道天台無路
到桃花流水在人間

煙雨樓懷劉戒謀

春風綠水送行舟楊柳桃花煙雨樓薄暮倚闌人不
見明七十里白悠悠

嶺南五朝詩選

卷七

國朝名宦
書國書

七

送蝶歸羅浮

徑尺雌雄五色勻脩眉繡腹鳳凰身雙雙拍翅歸華
首尖却莊周夢裡人

又

送爾還山向翠微朱明逕口百花肥他時展齒相逢
處認取詩人莫遠飛

魯士

字思亭方岳謙菴公第三子著
有燕喜堂集鏡湖諸集行世

謁禹陵

夏后乘橈輜隨刊徧岳瀆荒度大土功聲教訖九牧
昏墊既已除三壤則平陸祗德不距行功成尊黃屋
列辟朝宛委玉帛執六服白雲歸帝鄉陵寢於此卜
無餘守越祀綿綿傳天祿玉笥拔地靈環拱芙蓉簇
石帆來海上天姥自起伏蜿蜒鑑湖隈水清八百曲
苻藻涌激紋瀲灩千丈淥高亭有禹穴衣冠穴中蓄
斯湖攀龍昇仙紀埋玉廟貌壯森嚴春秋薦芳菊
聖明當河清巡行咨民瘼修和厯痼癰六龍幸巖谷
明德發馨香簠簋潔種稔御筆走龍蛇平成懸玉
嶺南五朝詩選卷七國朝名宦書國書七

卷七

國朝名宦
書國書

七

軸父老扶杖觀德化欣沐浴我來尋古跡山溪水沓
洩繁舟楊柳岸奇峯千仞矗松頂鶴來巢谷邃蘭偏
靛西瞻秦望迥南眺雲門麓巖鼠窠石塔涼颼聞謖
設瞻拜謁几筵天容睟益穆想像翠華臨盤紆玉殿
肅草香花自媚野鳥喧朝旭虎嘯哀猿啼林密走麋
鹿澗泉淙淙鳴寒流激可掬穹碑苔蘚茸磨滅猶堪
錄不有疏鑿功民其如魚蹙梯航雖已遙篋篋宛在
目言尋舊梅梁龍化何神速赤珪耀如日相傳韞石
匱靈威丈人杳奇書有圖籙恍惚覩光燄庶冀山祇

告倘伴啼巖阿松風儼絲竹魚躍錦浪生驚飛刺船
促日落山鬼吟月照沙鷗宿歸檢山海經燃膏恣我
讀

遊七星巖

桂林山水真奇絕峭蒨蒼茫靈異結珠聯壁合插青
霄湘娥十二雲鬟列伏波門外渡頭西清暉掩映曉
雲低七峯疊疊參差見上驚天象星斗齊石磴層層
盈千尺振衣躑躅斜巾幘深洞沉沉路轉迷束韋燒
遍空巖赤碧虛亭畔瑣天門洞內有碧虛亭三天門昏旦無時

嶺南五朝詩選

卷七

國朝名宦

十五

歲月隔羅衣飄飄五月寒無雨無風陰氣積檀板聲
聲暗入雲有響禪床寂寂蒼苔碧有獨脚靈芝仙草
自瑤池有靈芝草半輪銀月光微白有半輪羽衣蹤跡不可
尋虎豹因之爲窟宅洞中奇不旁臨萬仞飛龍潭蠟
炬無光駭魂魄丹成鶴去丹房空剩有雲梯無路適
有丹房有雲梯路飛泉湍激激瓊瑤行行復止洞口窄洞口
後接曾公橋霞翻石壁天初闢出後洞名君不見王
子吹笙嶺頭逍遙睥睨忘春秋又不見初平歸駕
龍鱗冷白雲黃鶴兩悠悠安得飄然塵網外尋仙常

向洞中遊

過熊羆嶺

陡絕熊羆嶺千層石磴橫山巔懸綺閣峯外接陽城
祁陽縣在地望南湖盡雲連西粵平一聲啼鳥歇又
有好風迎

悠然閣

只有南山色蒼茫竟不移塵囂雲外隔歲月靜中遲
幽鳥常依檻清泉自入池東籬遺意在消息有誰知

潮汐池

嶺南五朝詩選

卷七

國朝名宦

十六

江聲何處是潮信一泉通寄想洪波外停眸碧沼中
苔痕映白石琴韻人青桐我欲尋蓬閣臨流羨海翁

秋屋

此和吾鄉梁太史藥亭十
九秋題也惜不能盡錄

細雨滋紅葉清風漾碧芹傍籬曲徑繞侵岸一泉分
窓靜招飛鶴門關帶野雲董帷游息處相對有餘曛

秋樓

不負南樓興湘簾帶雨開浮嵐千幅翠歸鴈五更哀
皓月隨江去寒雲過嶺來凌虛思作賦愧乏仲宣才

秋社

薜收傳素節吉日報田功擊鼓喧清晝陳詞祝歲豐
神來麥秀雨神去稻花風寄語辭巢燕春來送冥鴻

秋塘

江雲初歛後夜色淡銀塘蟋蟀鳴寒月芙蓉墜曉霜
鐘聲蕭寺遠鏡水碧天長擬作滄洲趣臨流趁晚涼

秋烟

葉落驚秋老烟清鎖碧苔青山凝欲暮寒渚暖初開
斷續隨雲合迷離帶雨來輕籠十里岸長向柳堤回

秋原

嶺南五朝詩選

卷七

國朝名宦

七

獨立秋原望蕭疎倚碧空放懷天地外縱日往來中
斜日銜孤嶺清霜點落楓晚鴉飛不散千里碧雲同

秋漁

露濕蒹葭岸披襟送夕曛投竿千尺水放艇一溪雲
誰識烟波志空隨鷗鷺羣暮蟬聲未歇欸乃隔江聞

秋菜

秋風真好事頓憶陸機尊不向青門老終爲肉食人
嘉蔬霜後美至味淡中真回首曲江上青楓映白蘋

歲時記二月二日曲
江吟菜士民遊極盛

吳門張文始自桐江偕予至南昌子因省侍
先行出詩送予次韻別之

客中送客嘆離羣惆悵章江江上雲芳草有情應憶
我青山無主獨留君三春別緒風前滿一曲驪歌柳
外聞只爲趨庭情倍切可禁白鷺水中分

七夕和馮葵山韻

寥廓秋天暑半消星河咫尺路非遙珊珊響珮凌寒
渚渺渺吹笙下碧霄只道機虛空有石誰知鵲散本
無橋經年離別情難盡漏斷香殘又一朝

嶺南五朝詩選

卷七

國朝名宦

太

侍外舅孟繹來公重遊劉仙巖

追陪謝傳訪崆峒重到蓬萊仙境中雲鶴忘機隨羽
客亭臺無事挹清風巖留白石蒼苔冷人去瑤池古
洞空半雨半晴秋已近山川佳氣入詩筒

湘東曉發

喔喔鷄聲報五更殘星點點照人行車從冷霧深中
出山向寒雲破處生野岸蕭疎梅已放碧天慘澹雪
初晴蘆溪此去千餘里一過嚴城是越城

自袁州至臨江

西江一路野雲晴風靜沙明浪不驚溪上無時無白
鷺林間是處是黃橙曉來淒冷霜初重夜靜烟消月
正清最美山村場圃上稻梁香散送行旌

次祖司馬公餘吟原韻

奕奕聲華早服官庭中人靜偶憑欄松濤好向風前
聽山色還宜雨後看八百畫圖霜鏡曉萬家烟火曙
光寒宏才久繫蒼生望不獨江東有謝安

大庾嶺

松枝偃仰路迴環半嶺尖風破客顏宿雨四圍迷漢

嶺南五朝詩選

卷七

國朝名宦

尤

塞曉雲萬疊鎖秦關殘梅零落香猶古斷碣模糊蘚
欲斑絕嶽誰令成坦道曲江遙望憶開山

清遠峽山寺

風高中宿倚危檣指點飛來古洞旁瀑瀉斷崖千嶂
冷猿啼峭壁一聲長汲泉蒲甕燒茶竈得句參禪倚
石床欲上禺山弔帝子江流樹色總蒼茫

馮協一

字躬暨益都人由蔭生現任廣州太守政
尚清靜四野晏然著有宦遊諸集行世

仲春由南昌還信州江行雜詠

蓬窓春睡足林薄隱初陽小鳥啼深樹雙鳬浴野塘
雨餘嵐氣重風過野花香何日投簪去扁舟逐我狂

又

陽春誰賦就五字實堪稱澹薄陶元亮蒼茫杜少陵
開尊偏坐雨選韻復篝燈似此真良會幽懷倍覺增

春日客湖上得晤周白山並偕同人雅集輞
川莊白山川詩見贈依韻奉答

一片湖光鎖綠楊蓬踪聊寄午橋莊快當逆旅逢中
散敢說交遊擬孟嘗好句每從秋裏得雄談不厭醉

嶺南五朝詩選

卷七

國朝名宦

辛

時狂十三樓畔烟霞闊日日樓頭待舉觴

九日同人長壽藏經閣登高歸飲胡都閭浣

花別業

峻嶒佛閣近丹青松竹蕭疎逸興饒面面晴巒羣拱
寺溶溶秋水曲通潮伊蒲大半來殊域文字居然擬
六朝幾處題糕爭選勝不妨此地飲三焦

又

尋遍東籬不見花且將竹葉泛流霞題詩愧我同江
總落帽何人擬孟嘉一帶修篁通畧約數聲清磬散

瑜珈驚心晚節催鄉思欲托征鴻望眼餘

又

客裏秋光不易消還憑別館許相邀拈來好句分桐
葉碾得新茶薦菊苗坐久渾忘更漸永興酣不厭燭
高燒淹留竟日歡無極回首天風正沈寥

春日遊北蘭寺

好携尊酒問鷗盟天假遊踪一日晴蘭櫂未歸挑藥
渡春光先到棟花坪寺多棟樹毘陵邵子湘題曰棟花坪

又

嶺南五朝詩選

卷七

國朝名宦

主

蓮社欣從陶謝過一江春水滿漁簑西來列岫青如

抹坐倚空亭一放歌

寺有列岫亭大中丞宋公手書

沈心楊

字古培平湖人著有且益堂學行詩草

晚泊袁金渡

凭高堪遠望不復怨飄零日暮山光紫天空鷓鴣影青

野花聊寓目卽酒足怡情久作天涯客琵琶不忍聽

時鄰舟有琵琶妓

夜泊瑞虹

駐棹遙聞百卉香煙雲深處一徜徉離離疎樹藏茅
屋點點晴山映夕陽九十韶華將過半三千客路正
行長更闌舟畔聞吳語魂夢依稀是故鄉

鳳凰城

鳳凰城畔繫輕舸野岸尋遊興獨豪乳雀銜虫歸樹
杪母牛負犢渡江臯沿山亂石皆奇徑出澗清流卽
怒濤一望深林綠紅處飛來春雨溼征袍

鮑鼎銓

字讓侯一字鶴汀江南句容人康熙庚戌進士著有諸書行世

嶺南五朝詩選

卷七

國朝名宦

主

鎮海樓

巉巖巨霄漢揮手凌雲端高閣峙嵯峨豁達烟漫漫
迢遙眺五嶺海氣迷層巒天風送歸潮鸞鶴相盤桓
霞明入珠棟舒嘯凭雕欄萬井望參差周覽八極寬
夜涼星月來縹緲凝高寒

又

迢遞羊城遊巒壑羅秀色此喜登高峯飛樓倚翠壁
呼吸動青冥振衣凌白日蒼巖金闕迥登臨意超忽
指點近扶桑蜃氣隱空碧下界山鳥鳴開雲去無跡

拂塵有松風渺渺天霧合

又

夕陽下遙嶺萬樹涵深烟攀援上丹梯懸虛望昇仙
珠江既寥廓琳閣當青天蒼茫雨氣來蛟龍翔大川
名勝常探奇對此情飛懸瑤京近咫尺採芝向山巔
相招雲中鶴高吟隱青蓮

又

登覽遍九垓浩蕩幾千里棟宇浮白雲簷落天河水
滄桑可勿問飄飄白可喜江流渺無盡諸峯亦環峙
嶺南五朝詩選卷七國朝名宦鮑鼎銓主
天光淨空明矚目見海市斷虹隱虬龍遠波漾錦綺
坐久出塵表青籟靜中起

蕭鑑

字簡庵廬陵人康熙丁巳特薦廣西昭平令著有省念錄游溪山房文稿行世

月夜對酒

醉飲使君酒靜聞高士歌明月窺窓入清風拂袖過
人生歡暢處此外更如何

雜詠

時人有良材執斤莫能惜千里求良工至則違其度

良材雖自惜良工寧改素抱技任所之去去不復顧
譚目山刺史有詩見懷次韻答之

昔年同攬轡此日共悲秋文藻從今著山川感舊遊
方懷月皎皎轉盼風颼颼愧我鷗鷺傲難將入酒樓
辛未夏月自楚入粵舟中見梧葉有感

客路三千里舟行六月中尋陰避暑氣吹笛引清風
雨密疑湖小雲開望嶽崇灘江飛一葉嗟我等飄蓬

初度

歲歲鶯花對客杯灘江此日重徘徊旅懷獨向梁頭

嶺南五朝詩選

卷七

國朝名宦蕭鑑

主

月愁緒偏深笛裏梅潘岳二毛知我似淵明三徑倩
誰開良時皓首嗟寥落悵望長空鴈幾迴

鎮海樓

層樓奇拔倚雲開極目羊城真壯哉幾片明霞捧日
出一天清籟送潮來仙人縹緲空遺石故國滄桑尚
有臺俯視飛鳶翔足下不知身已近三台

孤鴈

荻蘆秋盡海天遐憶昔雲間布六花錦字只今誰共
寄空留遺恨滿江涯

昭君辭

去國離鄉事可嗟
和親議定選如花
昔年西子能存
感今日妾能安漢家

五朝詩選

卷七

國朝名宦

五

嶺南五朝詩選卷一

明朝高僧

釋德清 八首

嶺南五朝詩選

卷一

目錄

一

嶺南五朝詩選卷一

番禺黃登俊升氏訂定

明高僧釋德清

字憨山金陵人師爲兒時卽具六通年十九薙髮受四子書窮內典壁觀三十年以弘法罹網詔戍嶺海未幾放還而師以興起曹溪爲念不復度嶺歸涅槃成肉身供於塔院與大鑑禪師後先輝映矣師所撰法華品註楞嚴懸鏡金剛決疑衆請偈贊夢遊諸錄行世

從軍詩

旅宿悲寒食兵戈老歲年身經九死後心是未生前

嶺南五朝詩選

卷一

明高僧釋德清

一

北伐思山甫南征憶馬淵梅花何處笛聽徹不成眠

送李參軍歸白下

結髮從戎旅身經百戰場聲名追李廣筋力老馮唐

花發過梅嶺春深到草堂知君歸卧處清夢繞羲皇

庚嶺

庚嶺開荒服河山楚塞雄關門秦代闢冠冕漢時通建極瞻天北提封控海東梯航來萬國船數伏波功

百穀以送恩公詩書扇頭見寄却答

少小離羣四十春別來消息總非真忽開子敬袖中

字宛見維摩病裏身苦海浮生仍作客衰年逆旅更懷人風流交遠今難再無奈追思累許詢

靈洲送方伯王公左遷歸蜀

牂牁一線注東流砥柱真堪擬十洲今古人文俱勝槩乾坤蹤跡此沉浮東辭嶽牧春方暮西望峨眉月正秋四海風烟今慘澹江湖何地不生愁

紀夢

夢從五嶽遊覺來猶枕席丈夫志四海居然在眉睫

偶成

嶺南五朝詩選

卷一

明高僧釋德清

二

豹隱南山霧常恐羅網侵只以皮毛故是爲身累心

詠雲

一點如鴻羽瀟灑塞太虛但知已起後不見未生初

嶺南五朝詩選卷二 目錄

國朝高僧

釋真修 三首

釋本華 四首

釋通詰 五首

釋真樸 六首

釋今釋 四首

釋本宗 四首

釋全賦 一首

嶺南五朝詩選 卷二 目錄

釋楚雲 十一首

嶺南五朝詩選卷二

番禺黃 登俊升氏訂定

國朝高僧釋真修

字實行南昌人主法西禪長壽諸大叢林
道行清高緇素雲集平南王尚請監修曹
溪飛來諸勝不辭雲水入涅槃竟成肉
身現供曹溪與六祖慈師金傳不朽

曹溪雜詠

結箇茅菴峭壁天一瓢一榻自安然生涯偏在鋤頭
下石爛松枯不記年

又

嶺南五朝詩選 卷二 國朝高僧

寂寂山頭翠竹森涓涓流水沒絃琴客來且莫談賓
主漏洩玄機是此音

又

山空境寂露凝光何處樵夫在道傍莫漫貪看松下
句切須回顧舊家鄉

釋本華

字宗符南靖人天童木陳和尚法嗣住
廣州華林韶州雲門諸寺有語錄行世

華首臺

大士曾棲處巖巒半紫氛花飛三月雨人入萬重雲

掃石明仙史尋枝了梵文優游興未已山影落斜曛

寄懷雪樵和尚

不聞鶯鶯音惟聽夜猿吟臨水憐孤影對花思舊林
蟬鳴丹荔熟雨過綠楊陰遙望豐湖月流光照古今

詠石菖蒲

節節映清流靈根結石頭安期仙去後蒼翠爲誰留

陰晴

日出照林濕山前飛電急鄰菴忽我招拽杖還攜笠

釋通詰

嶺南五朝詩選

卷二

國朝高僧釋本華釋通詰二

字古雪福建人天童密雲和尚法嗣住江西翠巖寺順治庚子入粵迎佛遂歸隱武

贈廣州天錫黎太守

炎荒五袴全輿頌滿南天已範金仙像還鐫玉版禪

穎川曾帝簡珠海自廷宣好憶靈山囑吾宗寄大賢

次韻酬俊升黃居士

西來真面目白雪燄通紅已悟仙城石還參佛頂松

一絃聲自遠長嘯月當空更欲揚予拙災梨市粵中

答石幢洪浪禪友

洞口烟蘿足錦霞誰能炎海更浮槎鶴因不繫隨蕭
史石爲無情妬女媧天濶可星仍可月巢空宜鳳亦
宜鴉懸知折脚鐙猶在畱待歸來煮瀑花

清遠舟中卽韻懷藏西堂

別峯芳草正離離春色蒼茫欲暮時風起長江波愈
濶雲深古洞雨偏遲夢回豈待金人現道在何妨玉
殿隨甘載相期情未已此心熱處許誰知

蒲澗寺次蘇長公韻

九節何年採澗前我來仍飲瘦蒲泉山當城北開圖

嶺南五朝詩選

卷二

國朝高僧釋真樸

三

高寺向雲端啟洞天碑斷有人重勒石香殘無復更
談禪共窺木槿秋風裏猶憶伴輪玉帶仙

釋真樸

法字雪樵一字范芥漳州人
主法曹溪著有諸錄行世

灘上吟

灘水平何日前程況未央寒風生野燒微月墮青霜
岸隔人聲遠沙明鴈語荒擬投漁伴宿生意限河梁

豐湖雜興

半幅溪山色高樓縱目時江蜺長似帶浦樹短如薺

城晚羣鴉集天荒獨鴈遲象峯烟未散湖雨更絲絲

春日黃俊升居士招遊海珠寺同用宋賢韻

滄蕩春江撥櫂遊行舉蘭芷上芳洲天吳何日移珠浦蓬島凌空架玉樓百蝶晴分波影現三山低擁履聲浮魚龍亦識依清侶颺颺腥風入座秋

丹霞臺登眺

鰲背高臺擁上游人烟隔水自滄洲扶桑日色連珠樹華頂仙蹤接畫樓春抱歸潮莎岸暖天垂極野碧杯浮飄然身出烟霞外笑話滄桑幾度秋

嶺南五朝詩選

卷二

國朝高僧釋真傑

四

合江樓

城頭吹角曉風驕日色初明蜃氣消隱隱羅浮青未了盈盈弱水渡非遙霜鴻兼霧知何適白鶴鳴天竟莫招身與烟霞無住着不妨高嘯破塵囂

贈黃積菴

翛然道韻出風塵欵欵班荆氣誼真謾道謫仙能玩世豈知山谷是前身筆峯夢發瑤華燦性海波澄寶月新一吸西江渾教盡鐵舡應見泛玄津

釋今釋

法字清歸俗姓金名保嘉興人崇禎庚辰成進士官兵科給事參嶺南天和尙出家

主法丹霞著有徧行堂諸錄行世

畱別尚羽總戎

密室寄鳴琴相思托雅音關梁來未盡湖海去何深斟酌饑時鉢蹉跎病後鍼盛年難再得珍重惜分陰

次韻酬茗溪沈騶士

旗鼓還陳亮門庭謝李膺雙眸消野馬一指破春冰草滿幽人宅烟空帝子陵古今多少話數不上閒僧

挽旋菴湛都寺

嶺南五朝詩選

卷二

國朝高僧釋今釋

五

一聲斷鴈忽相聞合志祇林手暫分退院我方慚老計息緣公已歎離羣葛洪丹畔三生路兜率天邊一片雲不向雙扉橫獨木明湖巨勝待高勳

海雲閣慧後堂遠訪卽歸却贈

危石千尋俯一灣老來無力罷躋攀其憐空谷成賓主不覺孤雲信往還剪燭漫酬寒夜永持瓢祇乞半生閒莫教葉葉隨流去踏破松陰怪洞山

釋本宗

字天拙九江人天童木陳和尚法嗣主法曹溪有南華語錄詩集

人家蒼翠隔精舍紫烟封涓滴分千派羣山仰一峯
鶴歸斜日樹林度曉風鐘侍得黃梅法遙開南土宗

輞川何處是摩詰畫中看蒲澗三秋綠花田六月寒
人情忘瘴癘世路說波瀾獨喜茲來日荷香與荔丹

淡烟疎雨兩濛濛楊柳初傳花信風幾許閒情消茗
碗一春生計在詩筒繞湖村逕雲霞滿隔竹人家雞

犬通他日交遊如憶我蘭橈多在越溪東

石湖南畔好棲遲。正是初飛燕子時。楊柳橋通雲裏寺。菖蒲節長雨中池。入春自聽黃鸝語。向夕人歌白

萃詞獨有吳王臺下草東風依舊綠參差

釋全賦

字原直常州人靈巖繼起和尚大法子開
法湖廣德山烏龍諸刹順治庚子錫至曹
溪隨行一百餘衆兼之緇素景從曹溪糧
儲并有不給監院敬止恐懇辭職事師云
監院何速辭也我湖廣常一千僧過堂若
論凡事爾我豈能行任一面料理決無相

日設齋禮三寶大鑄禪師懇師
請師上堂說法供衆次日師請

始興縣數人來稱蒙和尚有綠冊化米一百石已收五十石今送五十石望和尚發人出坡挑運師畱齋叙卑監院進云和尚未有出緣簿師云我已出十個爾下省不知監院復持庫簿云亦未有收始興米悉別房冒化望和尚查追師云米至山僧供僧供佛米至別房供僧供佛曹溪冷淡已久今日大家熱鬧一熱鬧慎勿多言予思如此知識得未曾有次日凝觀卓錫泉一僕云須得高宿指引予云宋蘇學士遊蒲澗詩云不用山僧導我前獨尋雲路出山泉何須指引遂同二三僕登陟由象山旁不二里果見二泉眼在石壁上水如白練飛出香甜可愛慙大師就泉前地用灰砂作一大壽字分其流於一百房房僧各用大竹陸續引至廚下缸甕日滿無煩取汲

嶺南五朝詩選

卷二

釋全賦

八

予正徘徊不捨忽一僧至前云若士看泉
廢予云然僧云此大鑑禪師卓錫所成因
名之但向來人跡少到予云爲何僧云
虎所聚地此亭即伏虎亭建也予問
印因憶與人之言不爽然亦不敢久立歸
矣向四望無人回視此僧蹤跡不見益
令人駭異次口復過塔院瞻仰慈師常
烹茗煮客山中鮮香入方丈正擬信宿
師令席客請予携琴以待聽琴諸宿絡繹
人設席客請予携琴以待聽琴諸宿絡繹
來師鼓琴東西皆罪盤以待聽琴諸宿絡繹
明復鼓琴秋思一曲師正贊羨予請再鼓
予復鼓琴秋思一曲師正贊羨予請再鼓
曲師云琴素會一曲師正贊羨予請再鼓
語錄完成方行刻爲僧後發願四十九卷
師云琴棋詩畫清客之事任予所作何人
師言其見豪爽但多未解不復再問正欲
揖別師復問云雙足腫痛羅居士彼爲何
不見山僧予云彼不能行安能到方丈師
他到方丈予云彼不能行安能到方丈師
云明早與衆同來也予不省次日羅方丈
能行即與衆同來也予不省次日羅方丈
也嗣是百房諸師齊教師必拉中其法衆
知之久請師者必及予也予樂甚但離省
曹溪贈詩而別師已勉辭師光眷注送過
委知客師皆搭衣鉢隨客至陪齋一食餘
器經會賢三卷始行願品經各三卷始
榻曉誦各三卷始行願品經各三卷始
允不廢楚人謠言師杖多金爲盜所劫一
來行吾師有檀子至峩冠大帶口稱相陽
師曰此吾弟子也受師戒院遂塑其像
於寺後此吾弟子也受師戒院遂塑其像

嶺南五朝詩選

卷三

釋全賦

九

正觀興創祖庭隨開天並老和尚有來
之信天童伯祖也師欲退讓方丈兼
以原西總鎮先府差官及僧迎請按線
原師西總鎮先府差官及僧迎請按線
依師首問神安弟受戒事至京路經楚
是師兄矣大問神安弟受戒事至京路經楚
線云無罪已幸安有增師如云然若士
敘畢送無罪已幸安有增師如云然若士
次至京果封伯波神云有增師如云然若士
後受云曹溪盤費也至是差人迎請縑素
師留不仕師遂盤費也至是差人迎請縑素
力嘗爲平藩審理官極好善事聞師慈悲
躬迎至宅爲閣門受戒好善事聞師慈悲
敘數日師宅爲閣門受戒好善事聞師慈悲
被一陳業風將西復歸楚有高札示予近
洞庭遠聘南嶺時見居士而門出入應
得庭遠聘南嶺時見居士而門出入應
言身離我索但魚雁沉斷焉隨師左右
爲之淚下此後魚雁沉斷焉隨師左右
老和尚大壽予鄉耆宿楚源募米往吳
上供札免於送追至靈巖問師云其果
儀手札免於送追至靈巖問師云其果
將予果札免於送追至靈巖問師云其果
代答果札免於送追至靈巖問師云其果
資方知師發時刻語錄便歸侍者添作工
在曹溪琴席時所云發願四十九卷足
刻法印無相善知所云發願四十九卷足
物法印無相善知所云發願四十九卷足
知識能如師者吾天擁護勝事不可枚舉
在中望空禮拜者官民交雜也師有善
敏不令人紀錄致不傳聞僅見師一段大
見問者爲師誌之井爲予得見師一段大
因緣誌之井爲予得見師一段大
唐亦一大因果也怪齋戒跋

贈黃積菴

法社當年美楊李曾堪蹴踏笑慈明曹溪今日逢黃
石積翠菴中舊有盟

釋楚雲

字興源湘潭人衡嶽竺菴禪師法子開法
樓霞十載復任善慶諸道場著有語錄及
旃檀閣集行世

謁湯王墓

一征自葛始天下已同歸我欲徵王德因茲識武威
寢陵雖草莽帝道益光輝膜拜松林下晴煙起翠微

嶺南五朝詩選

卷二

國朝高僧
釋全賦

十

寄友

內院君今住浦城我舊遊幾回明月夜頻望大江秋
城郭藏雲樹滄浪見法流何時將虎錫飛到攝山頭
送簡文侍者省親

懷慈霖侍者

我亦瀟湘客南遊二十年不能隆大法故未整歸鞭
負米今當繼編鞋昔所賢百城如再歷先問秣陵船
初春一葉去知子到洪洲願力雖無倦人情厭有求
身孤誰共濟途遠信難郵况復聞烽火臨風起百憂

得彭悟山大叅計

別來日日數歸程何忍聞公入九京有雁不飛雲夢
澤逢人莫問洛陽城天涯桑梓情難寫草閣江濤夜
倍鳴太息中原亡大雅更誰折節禮侯羸

初度

時寓真州

四十韶華復二春杖藜仍復駐江津愧無東閣公孫
客喜有南塘杜甫鄰千里豈能長伏臘一鳴原自欲
驚人卻思呂尚真豪傑白首還堪釣渭濱

東慧海借菴大師

嶺南五朝詩選

卷二

國朝高僧
釋楚雲

十一

香雲擁從入杉關一札東來慰遠顏八郡衣冠尊洞
上七年橡栗念瀉山樵川兵革方初定慧海舟航正
未開法社夕陽秋色晚壽昌高範幾人攀

過蔡邕庄

才華聲望斗山高麟閣重遊損鳳毛一哭遂成千古
恨草堂空鎖舊烟濤

履元侍者居旃檀閣

一榻松風萬帙書層樓突兀倚空居晝長無事憑牕
牖靜看閒雲自卷舒

又

朱戶更誰憐白日黃金何處買青春煙霞風月無今古輸與空山世外人

春日送雲芳侍者之崇先

衲子年年去武林是誰珍重水雲心
鼻亭此日風光好十里桃花紫霧深

嶺南五朝詩選

卷三 國朝高僧

三

嶺南五朝詩選卷三 目錄

國朝高僧

釋大汕 七十三首

釋元鑑 十二首

釋成瑞 四首

釋德洪 二十首

釋紀長 七首

釋德峯 四首

釋德翔 六首

嶺南五朝詩選

卷三 目錄

一

釋興海 八首

釋普義 五首

釋智悟 十首

釋一喆 二十四首

釋福孔 七首

釋明悟 四首

嶺南五朝詩選卷三

番禺黃 登俊升氏訂定

國朝高僧釋大汕

宇石濂浙江籍江南人天界覺浪杖人法嗣年未二十即踞座先住江南百祖翠雲竹堂次住浙中廣福水西開化有趙州雲門斬釘截鐵之機後入廬山度庾嶺掃塔曹溪平南王請住大佛舉龍華三會畢出遊中洲四眾留住嵩山梓杖人傳燈正宗手集燈待一百卷入嘉興楞嚴藏復念粵中公案未了不扣重請法駕再來眾共迎住長壽時長壽傾願過半師至首建寶鏡堂離六半帆繪空雲半招隱懷古樓設心亭樹一十二所池塘花園潮水周通禪餘放參興到吟和諸上臺公暇每聆講論日

嶺南五朝詩選

卷三

釋大汕

一

無虛座間或舉揚宗旨啓迪諸方下筆如流千言立就凡有聞見莫不默然融治不區區棒喝機緣康熙乙亥安南國師道行其王迎請欣然就道現慈航於苦海灑甘露於殊方建刹懸留師不以富貴為念飛錫而歸外國皈依從古未有海神擁護如在左右今復鼎建藏經閣大雄殿飛鳧畫棟甲於諸方歷費數萬皆大檀越樂為捐俸師凡有所饒隨印揮用無所停蓄荒旱之年慈悲祈禱雨立應千節日擊法離六堂集葉聲集詩文各集行世

日出入

日出入勞生在呼吸六龍與我追無及天不覆地不立人何老水何滄堪哭堪笑日出入

子夜曲

儂與歡相訂為水不為河水流長不斷河決將奈何

女媧曲

清氣為天何缺何補缺之補之命意最苦煉石光生

欽哉太古

日蹉跎

日蹉跎歡娛少愁怨多鄰家女兒已做婆日蹉跎

俠客行

大笑出門揮手別浩歌落落風悲咽陌路與人報大

嶺南五朝詩選

卷三

釋大汕

二

辟劍光不污尋常血自言丈夫天地問一飯不酬非豪傑君不見荆軻聶政死當年壯覓還怕後人憐

雜詩

冬月井水熱夏月井水涼雖不及時宜終不背陰陽

又

淒淒荒田雀暮入空城多高飛怯鷹隼低飛怯網羅

鸞鳳亦畏人深藏在丹阿處世良多難未有不坎珂

無名世所棄名高奈眾何

省母

十年始歸省鄰里多驚猜謂此行脚僧一旦從何來
老母扶杖出相視立庭梅初見竟不識禮次含酸哀
聞言始釋疑知是兒子回

宿天門峰

潭水蕩空雲天門開石壁滿林風定時山山氣蕭寂
不知明月生但覺清露滴

晚渡太湖

橘香滿湖秋漠漠飛野鷺入船縹緲峰半空橫樵路
遙見荷薪人微茫走雲霧大火燒紅波頃刻天地暮

嶺南五朝詩選

卷三

國朝高僧
釋大汕

三

擬古

雞在倉中啄鳳向天外飛倉中雞飽食天外鳳常饑

又

深山有老女獨抱深山怨五十不嫁人欲作閨秀傳

又

往往說寒盡年年不見春逐日大風雨蓬蒿長過人

又

蒼松何以赤綠竹何以斑自古有心人長留天地間

又

衣裘自知暖衣葛自知寒寒暖各有時違時非所安

千尺磨

太華山入憶

山口平陂抵青柯坪二十里再進皆懸崖
仄磨上激峽側身而眺水聲石勢砰礧錯
縱莫可端倪

當年青柯坪朝夕喜對面東北石林泉紛紛卷匹練

曲磨入雲窩懸崖爭一線天矯走龍蛇左顧右已變

初聞秋籟聲再聞雷擊電側立天井中上下落飛霰

白帝燕羣峰瑤臺不可見

蒼龍嶺

嶺南五朝詩選

卷三

國朝高僧
釋大汕

四

玉女峰東林巒最幽仙茅
菁藟可食隱者每居焉

崖上二喬松澗下雙蒼龍飛鱗生石蘚拱脊立劍鋒

神奇擊峰頂雷雨應山鐘我昔結茅屋花鳥無秋冬

日午懶炊爨但食蔓菁藟遙遙三十載何時去心曾

水簾

水從玉井流出兩山並峙上有大石
鎖口洪水漫落谷風倒捲仰觀如簾

玉井雲千尺奔流何逼迫兩峰青插天谷口截巨石

併出太罡風飛洒無朝夕細碎化煙消大點如珠白

斷壑去不回還思挂半壁

希夷峽

蒼龍嶺左峽上懸崖有竇如屋風雨不侵
希夷羽化所遺道骨時出異香後遊人竊
骨因斷其竇
竇不可登

疊嶂夾波濤出壑崖千丈曲竇開春雲山光時盪漾
騎險牽紫蘿香風納清朗不見古先生只聞落石響
錯落碎潭月飛屑動林莽還想此微軀如在蒼龍上
以是信所之青冥引幽賞

白雲峰

居三峰東北對香爐峰中瀑
環流相倚玉京形勢如几

嶺南五朝詩選

卷三

國朝高僧
釋大汕

五

宛在南峰北悠然東西邊盤空橫畫几靜領香爐烟
黃河夾背出長安當面前昔時采薇蕨濯足落雁泉
回首望玉女脈脈白雲連

東峰

東峰映終條乃與衆峰別側窺似龍蹲仰觀若雲結
林巒含谷氣朝暾照如雪關靈託太虛高掌誰能折
下有洗頭盤飛花不可掇秋到月明時青鸞來不絕

南峰

昔日登南峰盤空落星斗一鶴破煙來衆山青可剖

西峰

仰聽何浩蕩俯視皆培塿谷口秋風生雲海騰千畝
秦川競欲移林木豁然走決潏出華陰回思殊未久
奇險是西峰望之轉幽獨天半青芙蓉萬象羅嚴肅
整衣步難上蟻行攀巨竹迎面落高山流泉洞口鹿
火燒咸陽時雞犬藏雲腹彼有采芝人樹杪結蓬屋
願從赤松遊不逐浮生速

烏石登岸入寶林漫興

舍舟烏石灘籃輿穿澗麓青翠宕春光窈窕盤空谷

嶺南五朝詩選

卷二

國朝高僧
釋大汕

六

一路太古風林巒壓地軸象嶺起中天左右幾峰伏
亂香花莫知我行心肅肅有泉巔上來飛灑落珠玉
高眺在巖頭轉盼在巖腹近樹有茆茨臨溪結簷屋
忻憩以息勞還貪石牀宿亞仙行田處新月照煙綠
曠哉樂道人雲物共幽獨直入萬山中振衣禮白足

晚江行

西風開瓜步人逐遠山秋山靄不時變落日空江流
江流含薄霧初月互吞吐前眺白沙汀鷗鷺不可數

與黃攝之夜坐

鐘聲起宿鳥月色下樹影雲堂初放參童子皆止靜
相對空庭中虛窓燭自乘坐聽更漏轉竹露滴衣領
獨有歲寒心消此僧舍冷

山窓望海

登高縱東望海天渺相接春煙澹曉霞孤帆輕一葉
三山無端睨蓬萊安可涉日月遞升沉鴻濛自開翕
浮生住幻世百歲仍消歇况復懷苦辛所遇遭摧折
得性但歡娛何爲終守拙廊此浩然情聊以消白日

寄廬山凌霄岩隱者

嶺南五朝詩選

卷三

國朝高僧
釋大汕

七

參天絕壁渾無路飛蘿曲引空中度岩前雲海雜波
濤脚下香爐走煙霧月明人在虎溪邊九疊屏開三
疊泉石裂空冥一片響谷中傾出碧光天蟬鳴萬樹
羣峰寂煙雨瀟瀟冷鐵壁想到匡廬已暮秋秋風吹
斷西江笛青霓橫跨到芙蓉直上凌霄攀七松夜分
一嘯先鸞鶴夢回雲外落天鐘

宿蒲澗寺

白雲如困生山腰簾泉屋後挂煙霄無數天風吹不
斷飛流直瀉飲虹橋劈面芙蓉著澗削半空蘿薜垂

瓊瑤萬樹月明人獨眠滿牀風雨松濤落

錢塘觀潮歌

有引

天地間有四大觀登州懸樓虞山拂水匡廬雲海錢塘八月潮是皆山水之奇化也然最勝無如錢塘潮者其說有三一則水灌蛟門江勢奔湧迴溜相激直逼長空一則青山兩岸丹樹千林浪夾天風飛蛟濤霧一則秋光下射水氣上升如鼇山駕海貝闕浮虛亂馬爭程羣鷺鼓翼碎蘄傾倒而下又遠岫出沒煙濤隱現恍若瑤島神女乍離乍合不可端倪自午入暮夜氣清著地走天旋月明如鏡對此樂甚援筆爲歌

八月十八潮頭入直矗空明千百尺水怪橫推白嶽

嶺南五朝詩選

卷三

國朝高僧
釋大汕

八

來觸着巨靈輕一劈劈開蛟窟起神鼇陰飈陽燄潑天高忽作崩雷忽作雨怒濤激射聲號號萬馬奔騰勢莫抵須臾錯落冰崖裏奇形異狀杳然無大鵬復鼓秋風起一鼓一歇煙雲濃摩下層霄撼毒龍杯視五湖沼四海鴻濛濔排心胸傾湫倒嶽旋飛練金臺銀閣分明現盡道閻宮出禹門上書昔日錢王殿靈旗閃爍走狂瀾殺氣氤氳宇宙寒生平有眼不曾見虛空擊戛晝瀾漫動蕩浮沉明欲滅突立滄溟爭電掣今古難消百戰心夕陽返照英雄血畫角蒼茫

何處鳴迴首錢塘滿地雪漠漠寒濤發夜光伊人天外無消息

寄洞庭山同岑和上

愛爾能深隱西山種石田高松撐白日飛瀑界青天
曉出一湖水散爲千樹煙秋來看明月七十二峰前

與張南邨西林晚步

攜手西林下斜橋曲徑通雲開山寺雨日落草堂風
夜靜疎鐘後秋聲明月中步兵多逸興分詠坐梧桐

客窓

嶺南五朝詩選

卷三

國朝高僧
釋大汕

九

夢醒未歸去庭陰秋又生落花過細雨殘照在孤城
靜聽笙簫起都成慘淡聲所思不可見最是月分明

南湖晚霽

斷雨過南湖明霞入樹紅田家煙水外沙艇夕陽中
風定聞巢鶴天空落塞鴻浩歌何處起柳下坐漁翁

訪位中和上

一徑通幽谷天桃夾竹陰門開遠岫入風定落花深
半榻分雲臥孤松許鶴尋聽來清澗裏流出古人心

曾青藜高念祖枉顧西林夜話

曲徑雙車過招提興倍增同爲吳地客獨念故鄉僧
夜雨楓江樹秋風草閣燈坐深心自遠水月碧澄澄

宿烏山石佛寺懷石溪和上

對山如對友亂後幾人登樹老還依寺雲深不見僧
野猿啼夜月山鬼拜秋燈木葉蕭蕭下孤懷夢不能

渡淮

撥棹下飛流煙波接泗洲一河楊柳月千古戰場秋
分野非吳地遐荒入楚州誰家羌笛怨吹出隔江樓

觀白門謝客巖畫鳳

嶺南五朝詩選

卷三

國朝高僧
釋大汕

十

石城臺尚在日月照青蕪二水平沉晉三山可屬吳
人間無竹實天外有蒼梧饑鳳難求侶孤飛入畫圖

登古飛來寺

五代飛來寺天涯寄一林白經南北路不動去來心
峭壁懸新月流泉奏古琴半山亭子上清夜共行吟

野寺

誰構梵王宮蒼涼秋水東一僧清磬下半月破窓中
瓦鼠饑侵火庭烏寒叫空蕭蕭天籟起古木立西風

朝雲墓

星霜消粉黛風雨葬桃花越國魂無主巫山夢斷家
何人弔青塚獨自老黃沙惟有蘇隄月還來照浣紗

朝雲
浙人

登盱眙縣望泗洲河

地僻重峯上天開泗水中孤城涵夜月古渡出秋風
山斷淮南接河流濟北通飛濤平白起一半入長空

聞關中荒信

傳說關中信流民滿路途三年連大旱二麥復全枯
遙灑長沙淚誰呈鄭俠圖大謨成廟算知不但蠲租

嶺南五朝詩選

卷二

國朝高僧
釋大汕

十一

梁園夜坐

殘燐餘兵火悲筍出戍樓可憐梁苑月不是漢時秋
白骨堅冰斷黃河戰血流睢陽關上望千古見張侯
久雨初晴喜叔京過話

正愁春欲暮好友傍晴來且縱林間步徐登花上臺
夕陽迴燕子烟樹隔江隈風景頻消歇多君作賦才
訪梅谷和上不值宿南澗寺有懷

入門不見鼓瑤琴冷落蒼蘿滿地陰古寺寒雲孤客
夢空潭明月故人心後飛絕壁窺孫確崔立高枝憶

道林一夜泉聲來枕上不知何處更追尋

寄藥亭梁太史

立遍曹村溪上峯石梁苔徑寄孤踪思君明月湖中
嶼勞我空山夢裏節未審玉珂臨苑草肯將墨壘近
巖松時開六瑩堂前宴定憶東林坐晚鐘

九日前一夕泊韶州逢陸麗京

十年重泛曲江舟客路逢君感舊遊壯志不因談劍
得餘生當爲著書留天涯細雨黃花夕埜岸疎燈白
露秋明發孤帆仍遠別南天淒絕旅鴻愁

嶺南五朝詩選

卷二

國朝高僧
釋大汕

十二

吊猿

玉環脫却曾無踪洞冷烟霞空自封呼去還疑藏野
穴夢回猶道在高松風生谷口同清嘯月落梅花擬
瘦容面目不知何處是霜天雲外一聲鐘

太息

九十春光但夕陽落花芳草散牛羊漆燈冷落麒麟
塚羽曲銷沉瑇瑁梁滿匣恩讎留寶劍一碑風雨斷
文章欹斜茅屋疎林下野老逢人說戰場

應廬山鐵壁岬草堂

鐵壁遙遙煙雨迷誰從五老踏天梯平空瀑布飛
下倒影山光立澗西磬響一僧雲裏出松寒雙鶴月
中棲于今記得牽蘿處夢逐風雷過虎溪

楓江送周雨邨還金陵不值

野水平橋落照斜錦帆已過半塘沙江亭獨立情無
賴客路空嗟鬢易華細雨人家歸燕子一春心事問
梨花不堪回首重陰裏漠漠孤城起暮笳

送邵太守歸隱

歸去無殊范蠡舟夕陽千里照離愁清溪自許漁翁

嶺南五朝詩選

卷三

國朝高僧
釋大汕

五

度野草多驚謝客遊一路白楊霜後月幾村紅樹雨
中樓瓜田仍種東陵下好待閒僧訪故侯

吳江訪顧茂倫不值因寄

松陵寂寂草芊芊雲掩茆堂一徑偏隔岸桃花開野
渡到門春水纜魚船黃冠應避秦時客白眼空懷晉
代賢久立還思問童子笛聲吹散五湖煙

鎮江

黃河直瀉大江隈萬頃層陰迥不開水氣倒浮青嶂
立櫓聲搖下碧天來石鯨吼雪迎飛浪雲樹乘風起

迅雷莫道狂瀾不可駕南溟仍有濟川才

淮安

凭虛獨立幾低徊畫角風鳴萬里哀滄海排山從北
去黃河穿塞向南來沙明隔岸神鴉樹草暗孤城戲
馬臺一水蒼茫連晉楚望中空使客心摧

揚州

淮南一帶海天遙煙草迷離更寂寥估客帆開楊子
驛健兒馬渡廣陵潮鶯啼陌路三千里月照孤城廿
四橋最是懷人思往事誰家隔岸又吹簫

嶺南五朝詩選

卷三

國朝高僧
釋大汕

五

秣陵寒食

莫道鍾山新火稀六朝陵樹已全非無家鬼作江東
客有淚人披世外衣雨暗臺城千騎入水寒牛渚一
鴻飛傷心碧草埋香骨未省春魂何處歸

臨汴梁界

征夫忍聽黍離歌一路蒼涼故跡多楚地暮煙連晉
地黃河春水入淮河千頭車轂依林轉萬里龍沙拂
面過日暮關山無內外未經南渡但如何

睢陽秋夜

九曲黃河天際流平臺東望舊神州弓鳴紫塞關山
月霜入丹楓海嶽秋一雁呼雲天欲裂幾人保障國
難留飛沙半是張巡血白柳寒煙占古丘

潼關

關山一枕大河流鼓角風鳴高鳥愁天限東南留險
塞地通秦隴壯神州五陵花落煙沙冷三輔雲深木
葉稠自昔妖氛生翟國戰場白草幾經秋

姑蘇

胥江一路草淒淒虎阜鐘聲聽轉迷古劍光埋殘塚
嶺南五朝詩選卷二國朝高僧釋大汕五

下孤臣眼挂舊城西畫船滿載惟戎馬戈甲何年復
水犀若是夫差心未死也應化作杜鵑啼

榮陽道中

日落青狐嘯戰場河流無恙古城荒愁中客路多風
雨亂後人家半夕陽禾黍滿原衰柳白干戈餘跡戰
塵黃蒼涼月上新沙磧幾陣饑鳥下女牆

憶太華山

遙憶千峰落晚霞水簾涵月冷飛花金城露浥宮門
草玉井苔封谷口沙獨抱雲梯懸白日誰從仙掌覓

丹砂希夷峽斷蒼煙裏幾度閒愁入鬢華

夢嘯峰和上

雁斷西江十二春夢來猶是舊時身豈因地下無兄
弟還向窓前覓故人

聞鐘

知是天邊第幾峰聲聲空翠出蒼松春風記得曾遊
處不隔煙霞一兩重

殘柳詞

翠眉寥落湖頭怨秋雨秋風何薄情早識于今青眼

嶺南五朝詩選卷三國朝高僧釋大汕六

變當初悔不作浮萍

憶珠江

沉香浦外野僧家門對西疇帶水斜想到天南春雨
候江村開徧木棉花

釋元鑑

字大朗一字藻菴漢東陳氏子幼習舉子
業冠年出家早得悟臨濟三十三世天童
弘覺禪師嫡孫寶峰山子玉和尚法子初
住文水諸神稔請復靈巖繼主筠之菩提
菴之延生金陵永福北遊燕都主法法光
乙亥入嶺掃塔曹溪四眾雲集迎住永勝
師權衡妙密直捷度人共從上爪牙施當
機法雨推將本分與人不苟文彩性高寡

合淡薄自如荷非入室真子幾於望巖而
退今退居別峰禪定之餘喜與諸詞人唱
和凡呈偈頌觀面提示不假時刻
著有開堂各錄森密堂集行世

九日宿東林閣

一宿東林閣高踪尚可尋黃花逢九日白衲伴孤吟
峰勢當窓迥溪光入幙深龍山猶在望誰復更登臨
西峰晚歸

落日寺門秋西風吹杖頭半山銜郭影一塔映中流
鳥宿高枝盡雲留一逕幽親贈方丈地懷古獨登樓

九日天華山示諸子

嶺南五朝詩選

卷三

國朝高僧
釋元鑑

七

不盡登臨興黃花欲暮天山寒宜閣小江遠見舟扁
世路何時盡鄉心此日懸相逢離亂後正可惜餘年

晤匡山僧賦贈

千巖奔瀑雪萬壘轉蒼顏拋去雲中寺探來海上山
擇鄰分午火待月啓玄關安得長無事扶筇共往還

靈巖漫題

等閒無事到青山除却看花便掩關一逕微風清磬
響半溪流水白鷗閒身居亂後堪爲隱詩得焚餘正
好刪題徧琅玕人不見滿天明月振衣還

遊海幢

同過珠宮盡水曹遊人先後繫輕舸望中雲物通三
島石上樓臺戴六鰲丹荔滿林香撲鼻綠榕連路色
侵袍海天正入登臨興遙見東溟起白毫

重九後一日同羣公登粵秀山

幾向珠江作勝遊一峰遙上望滄洲不堪殘菊看重
日却喜青山剩白頭杖入千林迎爽籟霜空萬壑動
深秋粵王臺上人何在一曲狂歌漫倚樓

爲道開瑞子

嶺南五朝詩選

卷三

國朝高僧
釋元鑑

六

歷載精誠石與金器投水乳芥投針海虞一衲同分
歲茗水孤檠共惜陰持鉢曉攜風雨去擔泉夜入海
濤深一言悚動人天耳奚美常啼自賣心

遊東山寺

古寺和尙
說法處

江上平林過雨新綠蕪芳草醉遊人相逢不用頻彈
指樓閣門開大地春

竹葉符

葛洪錄真羅浮藥突烟氣所
著竹葉悉成符篆其文蒼然

羽人似有長生術只在靈丘百草邊竹葉已能留妙
訣焉知楓老不神仙

書擊竹堂半笏軒

擊竹當時聽未真會來也是眼中塵爭如半笏閒閒地二子都來門外人

山院

老僧無力厭參方門種青蓮半畝塘一鼎佛陀萬兩重從教地老與天荒

釋成瑞

字道開姑蘇虞山人甲戌侍本師藻菴和尚人楮住錫永勝寺著有南遊草未刻

何退翁草堂

嶺南五朝詩選

卷三 國朝高僧 釋成瑞

亢

高士樂禪隱翛然一草堂挂冠間有日濟世豈無方夢幻十年事詩思兩鬢霜近來惟好道終日在僧房

嶺南舟中步鍾子韻

嶺海逢佳士雲山路不窮舟中談竟日言外見高風樹挂殘雲白山銜落日紅家書雖未達不必歎飄蓬

秋日遊蒲澗

短杖乘秋興益翮捫蘿直上衆山巔疎鐘響去知何處高瀑飛來恍自天寺古白雲常共住峯孤明月每同懸徘徊九節香蒲在鄭子遺踪尚宛然

迎燕

翩翩新燕入山房不羨侯門玳瑁梁勤啄香泥培舊壘遠從東海樂他鄉自言自語穿簾幙雙去雙來傍夕陽秋老莫須憐弱羽慣從南北受風霜

釋德洪

字若澗一字注堂慈谿人郡司馬王文選子母方氏夢高僧手持白蓮而孕產日異香滿室六歲禮臨江永慶慧暢師剃染未讀儒書苦行不輟順治丁未參方辛亥掃曹溪增住果山蓮池戊辰復參方受天童慰和尚具隨受紹興延慶嗣湖上三十世弘顯覺和尚法錫還果山擴建殿宇堂寮接待十方康熙壬申弘和尚入粵結制說

嶺南五朝詩選

卷三 國朝高僧 釋成瑞

辛

成癸酉四月八日四衆請師集席蓮池師道行清高舉揚直捷凡有參請虛往實歸範仰人天法垂緇素著有各錄及果山諸草行世

郊居

食罷懶跣放參性自娛沿門持一鉢策杖過通衢要化慳貪者非求大丈夫歸來明月滿形影在水壺

沿江晚步

緩步沿江上微吟縱遠眸知還何處鳥欲臥隔山牛杖小能懸日衣單豈怯秋家鄉隨所得柳岸且維舟重遊泰和首山亦菴與響雲和尚話舊

不到茲山已廿年重遊勝槩覺超然拂衣莫笑紅塵客分坐還推白首禪聲應檻前羣鳥戲香生湖上百花妍同人欲速乘時去却爲芒鞋欲踏穿

詣吉安大覺菴掃剃度師祖塋

割愛辭親六歲時師翁度我學無爲出門襁負風猶暖過嶺筐挑予坐筐內祖挑過嶺雪不知此日徘徊思感格幾回瞻望想威儀淚流稽首浮圖下却外靈光照四陲

重過釣臺

一竿風月未爲貧終古嚴臺在富春心可故人仍共

嶺南五朝詩選

卷三

國朝高僧釋德洪

主

楊日空天子不稱臣青山寂歷多喬木綠水蒼茫起巨鱗笑我扁舟重復過釣鯊何處可垂綸

登招寶山賦呈守一空聖二大師

多寶如來在個中山能招寶永無窮面城萬戶連烟月背海千帆暗雨風柳絮半欺僧髮白桃花遙映佛燈紅畱題四壁瑯玕句欲和猶慚韻不工

偕空聖慧一微素諸公觀海招寶山上

縱步平倭第一關山門外碑坊書平倭第一關偶來招寶識名山皎門浮玉春風起鼇柱飛金夕照還遠望幢旛輕浪

湧回看殿閣小城環寺有城圍有兵守門四時遊客皆文酒誰肯盟鷗大放閒

過洞庭湖

法眼弘開最上流水天如練不時秋五湖若個浮三楚四瀆從中擁一洲初祖同來休謁廟純陽自醉任登樓風波不作渾如畫更有嚴光下釣不

遊大通寺

仙城一寺水中央烟雨來時畫意長斷續蟬鳴丹荔熟翩躚蝶舞白蓮香僧無法說離塵垢師有神通避

嶺南五朝詩選

卷三

國朝高僧釋德洪

主

火殃漢達岸祖師肉身在此明季賊火焚寺師預托夢諸僧遷居光孝啜茗敲詩忘坐久西風輕送暮歸航

梅花和天然和尚韻

植向東南意自然折來思供法王前雪飛片片原無迹月出明明似去年白眼看來猿共嘯青山夢到鹿同眠清香開遠三千界塵淨蓮池綠水邊

又

昆明池水已沉灰現出水清彼岸來借問誰人持臘去不知何處送春回力疲擬把枝爲杖山靜還教玉

作臺正好高吟敲未穩夜深如雪落成堆

又

尋芳何憚世途遙探得高枝掛小瓢病渴可能因汝
解窮愁今始爲君銷掃開雪跡遊瓊島踏破霜痕過
板橋頓覺花情生不已欣看次第長新條

前題

香雪重重看未能扶筇閒欲陟峻嶒偶逢仙女持來
供分得南枝與老僧

又

嶺南五朝詩選 卷三 國朝高僧 釋德洪 圭

愛汝先開不逐流李桃開後爲春愁壽陽點額人間
羨翻笑文君怨白頭

又

小院春生宇宙寬青松翠竹共盤桓有人門外生虛
想未得投林正眼看

又

洋洋泌水繞衡門不仕難同出仕論如子不爭羣亦
艷却教芳草憶王孫

又

笑破欬光口靈山折一枝將來腰上雪得見少林蹤

又

劍花同錯落直幹擁寒冰俠士能深賞雄心冷不勝

山居

浮雲身世外木石久爲鄰忘却人間富那知自己貧

水居

饌味多菱藕茶香雜荇蘋簷前新月色遙望有何人

釋紀長

字松立一字嘯菴吳縣人早牧和尚決于
師母玉峯李氏早年孀守喜念佛師幼亦

嶺南五朝詩選 卷三 國朝高僧 圭

念佛求出家母見師有智慧不甚拒年
十五上靈巖時繼老和尚南嶽初還見師
如法識和尚示寂里和尚繼席依侍師具
監寺未幾弟故母老師近養師山芳草園
九載母去世師喪葬畢即遊名山自稱
靈巖行脚復題隱居爲嘯菴因字之以賦
其閒散之志康熙辛未錫入羅浮旋遊昭
江爲廣州宰官紳士請住持東林寺有諸
錄及雲衣
草行世

偶興次陳白沙先生韻

白石蒼松下盈盈溪水清行雲何處宿野草不知名
有愛情偏重無心學未成深山容我老天地一身輕

訪渾公留宿棲霞寺

來尋灘水上緩步入雲峯未及林間寺先聞谷口鐘
藤花懸峭壁佛火上青松相見忘言說何緣得過從

春夜與梁藥亭太史話舊

看竹仙湖上清言入夜深一庭明月影十載故人心
茗椀爐烟繞荷衣夜氣侵寒山曾有約高詠寄層岑

秋日思親

小寄人間世年將四十來白雲千里遠孤鴈一聲哀
葉落悲風木霜深肅草萊第亡終乏嗣形影自徘徊

度梅嶺

嶺南五朝詩選 卷三 國朝高僧 圭
客路秋風萬木凋行囊黃葉兩蕭蕭鴈懷樂土歸飛

疾人到炎州旅夢遙映澗老梅藏怪石墮巢衰柳傍
危橋今來古往茫茫裏水色山光暮復朝

圭峯懷古

好山初入意悠悠問逕尋僧到上流谷口路迷風雨
至厓門烟鎖水天愁墮沉自昔波千頃廟食從來土
一丘踏破苔痕空悵望孤鴻飛逐海潮頭

和周懷廉見寄原韻

一菴零落小池傍滿地無名草自香午夜清風何處

笛半聽明月箇中牀白垂古瓦皆雲氣綠得不蕪盡
野裝回首塵寰成幻夢六朝烟景屬斜陽

秋日送陸衷哉還浙

廿載重逢袂又分秋風瑟瑟鴈離羣木樨香裏還遲
我楊柳聲中早送君十里蒼烟迷短棹一尊綠酒趁
斜曛到家若憶昭江月不隔梅花嶺上雲

瓊臺

瓊臺九日始微涼海國樓遲憶故鄉雲到南橋秋水
靜風來蕭寺晚霞香平林鳥亂尋巢急古渡人歸落

嶺南五朝詩選 卷三 國朝高僧 圭
日忙回首大江何所見遠山烟樹總茫茫

釋德峯

字滇高一字回月邵武彭氏子體龍吟不
玷師制度嗣蒲城龍濟宗南和尚法康熙
甲子本山繼席次住龍安寺退院雲遊四
方蒐羅諸山机緣編輯會燈錄弘法提綱
二書及歷遊
諸草行世

東谷和尚太平寺度歲

穿雲度水總茫然不憚辛勤訪大賢正值殘年留上
刹又逢新日麗中天梅花似報當前信鳥語如談格
外禪深感吾兄開慧眼幾回方丈重留連

度庾嶺

時戊寅仲冬

策杖庾關暫抖塵疑分南北兩般春梅花偏早霜全
傲松葉還稠雪已勻破院嶺上有寺磬聲猿嘯近遠天
雲影鴈來頻吾門發脉知如許極目仙城有主人

謁六祖

踏破羣山聳一峯曹溪深處仰南宗及門空洞風塵
斷翹首人天紫翠重此日向存腰上石當時曾化鉢
中龍低頭展具殷勤拜冷落斜暉又暮鐘

蓮池和尚留度歲

嶺南五朝詩選

卷三

國朝高僧釋德翔

走

金風颯颯浮塵埃秋天南菊盡開穗石五卷猶在
目呆山千仞獨登臺賓鴻幸得投林宿野鶴寧無帶
雪來欲學高吟慚下里多君旦夕共徘徊

釋德翔

字幻文豐城人童年出家嗣義山磐石和尚著有宿雲堂集印刻

竹林寺贈松杰大師

杖藜塵世外吟咏五湖濱倦翮投精舍遺文致故人
看雲同白日話竹對蒼旻此地無車馬知君麋鹿親
經舜帝陵

五雲攢護古龍岡千古遊人拜袞裳松下尚餘雲氣
護祠前誰惜御碑荒孝傳宇宙千秋重德在乾坤百
世長輦路只今無覓處只畱妃淚染修篁

戊寅秋舟中懷蓮池若涵和尚

漠漠江天起暮烟孤舟萬里獨凄然思君高况雲中
鶴愧我飄蓬海外天寄字難逢將去雁懷人愁聽亂
啼鵲關山又阻東離興何日相期話宿緣

丙子秋有懷長壽石老和尚

昔年曾侍講經臺堪笑携筇出嶺來逢雁難將心事

嶺南五朝詩選

卷三

國朝高僧釋德翔

天

寄隔江空有夢魂回三春烟雨堤邊淚五月關山笛
裏梅天末幾回翹首望猿啼何處不悲哀

哭本師磐石老和尚

香海無情歎逝波慈航東下竟蹉跎如師接引逢人
少似我飄零閱世多落月曉星牽旅夢殘山剩水入
悲歌只今晨夕誰堪問空自含愁對薜蘿

登鎮海樓

乘春攬勝上危樓倚檻高歌興不休遠樹蒼茫分夕
照暮烟濃淡逐江流霸圖寂歷空懷古世事蕭條又

對秋極目白雲何處所獨憐仙子去悠悠

釋興海

字裕方一字問水天長陳氏子天界巨音選和尚法嗣開法吉州梅峯山諸院康熙庚辰掃塔曹溪畢即出嶺道行慈悲爲人本色著有各錄及梅峯月渚詩行世

贈別歸元耆舊

西江同旅泊徙倚又登舟沙市江村近松門石磴幽
蹉跎新歲月眷戀舊時遊祖席今朝望前途勿久留

贈別友人

惜別君情重行行我獨傷暮雲連海島流水送斜陽

嶺南五朝詩選

卷三

國朝高僧釋興海

堯

聚首嫌春短分襟覺夢長猿啼明月夜清露蒲荷裳

留別方茲夏文學

三川春風清漸聞谷雨聲綠楊溪上舞黃鳥樹間鳴
入耳驚新曲開樽話舊情漫將留別句付與敬公評

贈邗伊劉居士往粵

餞君何用酒只此數行詩若到粵東口休忘折柳時
人生如逆旅飄泊更何之莫道尋常別白雲正可思

喜汧林無倚法兄和尚青原王席

青原話別廿餘年尺素裁成久不傳愧我無能開白

社喜君有韻在無絃祖關把任全賓王聖域放行驗

正偏猶有黃荆枝上月清光一片映人天

庚午月夜烹茗與友人登樓懷零長張居士

把手登高眺大荒倚樓烹茗晚風涼天邊星月輝如

畫世外頭顱白似霜羌笛飛來聲故切梅花落盡氣

還香良朋久負東山約三逕雲封薜竹房

過清溪訪鄒弼仁居士

清溪春色與誰期正是陶公高臥時欲泛輕舸尋逸

隱幾回留戀費吟詩

嶺南五朝詩選

卷三

國朝高僧釋興海

辛

贈影千之東吳

春到溪頭柳眼青烟花歷亂過郵亭片帆好向姑蘇

去不盡漁歌月下聽

謁大鑑禪師

芒鞋曾記走黃梅槽廠藏身得悟回心爲度人常踞

座身如說法日登臺

別大鑑禪師

偶得相逢又別離庭前揮手不勝悲江山疊疊心難

隔欲待重來又幾時

釋普義

字仁者一字于學吉州安城高氏子童年禮梅峯禹浪師剃度康熙癸酉授本山方丈師祖老和尚具戒著有松竹軒集行世

贈淨明菴翻堂大師

不到淨明久相逢又有人現身來法界揮塵出風塵性海雙江近慈雲四野新溪山遙一望何處有迷津

題邦伊劉居士樂賢居

芸窓從此建永以樂高賢栢子盈堵下蘭香繞案前琴棋時作伴詩賦日成編誰復開東閣閒居別有天

嶺南五朝詩選

卷三

國朝高僧釋普義

圭

春日與王省庚孝廉晚步

興來握手過前溪不覺斜陽度嶺西正好高吟誰復和幾羣仙鳥爲春啼

過犁雲山

犁雲山下水流西怪石蒼松鳥亂啼無限幽情誰共語一筇扶我出前溪

方丈老和尚建塔落成卽事

祖塔落成東嶺邊道峰高峻一燈傳山花爛漫開如錦洞水汪洋繞大千

釋智悟

字還一華亭王氏子嗣洞上二十九世蜀阜東星和尚法康熙戊午命主蜀阜院事乙丑遷東山開法山陰能仁寺歷坐道場機鋒敏捷四衆衆請虛往實歸著有各錄詩文諸集行世

庚辰秋杪訪蓮池若涵法姪和尚

一院依東郭開池繼遠公社憑泉石結門與市朝通曉露凝蓮實秋香泛菊叢坐談容脫畧願解鳴宗風

贈廈門鄭七公

不衣儒服類編民欲着袈裟老此身白髮一頭成野

嶺南五朝詩選

卷三

國朝高僧釋智悟

圭

鶴青山萬里作孤臣無家學圃鋤雲塢有志垂竿寄海濱宇宙茫茫誰得似幾回錯認等閒人

甲戌夏日旅次龍山與維詰和尚話舊兼別

金陵分袂信音虛彼此曾無半紙書正喜門庭齊建立却憐歲月異居諸重逢綿水鬚眉老信宿龍山風雨餘二十五年纔一晤後期能不費躊躇

重訪天姥晉輝兄

沃洲山舍昔曾過記得秋陰滿薜蘿月色無如今夜好砧聲還似舊時多一朝歡聚情何限兩眼驚看髮

已饑病骨自來知勉強相逢且莫笑蹉跎

小春重訪郭尊一兼答來韻

日南春雨正連綿安南十月訪舊重來十月天

眠爭放葉十月農勤百穀競栽田十月暑寒迴與中

原別物候偏於濱海先欲答陰鏗前度句江湖遙對

賦新篇

庚辰冬日送石老和尚繼王曹溪祖席

縹緲爐烟接寶林幡幢到處雨花深慈雲漫結天然

絲澗水徐流太古音錫杖信能符舊約山靈應自慰

嶺南五朝詩選卷三國朝高僧釋智悟三

初心千秋祖道今重振幸得追隨喜不禁

五日和公木師韻兼讀漢兄和尚手書

漂泊天涯心倍醒何堪好節潛重漢離家又欲過蒲

節有夢先須到笛亭渺渺鄉關雲盡白茫茫海國眼

偏青風塵七載成駒隙細讀音書涕泗零

陪石老和尚遊清源飛來寺

峽中古寺久飛來門向懸崖絕壁開猿洞曲通黃葉

路經臺高出白雲堆垂垂山果經霜熟泛泛江禽拍

浪回幽賞不勝心眼豁却慚無句賦追陪

庚辰客仙城除夕和蘭偶先生韻

梵王宮闕漏沉沉雪曲歌來異衆音一夕好懷忘作

客十年倦翮想歸林青陽轉眼驅殘臘白髮搔頭起

壯心消受膽瓶花數朶焚香聊復和清吟

釋一詰

字伯珪贛州定南徐氏子嗣雄州華林繼芳老和尚法開法於南安丫山著有支機集並語錄行世尚有原燈究語皂角錄雙秀草諸稿擬印出

問法

出入法窟久厥初誰發蒙承一老尊宿見之稱曰公

嶺南五朝詩選卷三國朝高僧三

汝盍問堂頭如何是宗風依教詣方丈竹篋光玲瓏

示以不觸背瞥地開心胸忝中禪狀元豈曰文字工

官位居大覺選場在真空以此報君親忠孝難齊功

以此耀九族生天樂何窮出世之大貴不與趙孟同

湘妃竹

南巡之帝崩蒼梧黃英之妃哭湘山所以點點鳳凰

淚灑作竹上鷓鴣斑不在枝梢不在葉祇在竿竿管

節間有人采得作簫去吹出吳門尚未還

亳州道中

南北交界古亳州成湯故都幾千秋葛伯鄰此殺童
子老聃鄉此騎青牛人烟連邨果木黑地平山亦如
饅頭騾馬車聲走雷電大鼓塵埃風颼颼驢子背上
罩雙眼無聊之甚又北遊

薊門書懷

沙河投宿晚征客苦輪蹄不見蒙莊蝶惟聞祖逖鷄
風塵雙目病煙漠一身迷越絕無知己相親但杖藜

天門山

山脊臨中斷天門直上開不容平野過只放大江來

嶺南五朝詩選

卷三

國朝高僧
釋一詰

美

對壁懸圖書層波撼釣臺日斜帆影出兩岸暮猿哀

君山

萬頃波中黛色浮蒼蒼裂破洞庭秋風吹鳬雁從邊

歲月照魚龍在下游柳毅豈非唐士子楊么不是宋

諸侯都來此處留名迹使我悲歌楚水頭

晴川閣

郎官湖浸碧天秋閣枕溪江似不流騎馬客歸楓葉

鳴釣魚翁過荻花洲浮雲冉冉離家恨落日茫茫去

國愁添得笛聲三弄後暮笳偏急楚城頭

武昌西山懷古

策杖西山憶仲謀昔年宮殿變荒丘梳妝嶺上無亭
子試劍峯前有石頭建業水牽千里恨武昌魚動一
江愁興亡大數從誰定不禁登臨淚暗流

北山

草堂人去日斜曛撫景傷心在見聞三月花飛鍾阜
雨六朝松拂孝陵雲是非空阻山前路出處都成嶺
上墳今古未消猿鶴恨遊人不敢誦移文

花山

嶺南五朝詩選

卷三

國朝高僧
釋一詰

美

第一名山律院開風規準作小蓬萊蘭燈影徹青銅

殿蓮漏聲傳白玉臺池底老魚拋餅出屋頭饑鼠打

鐘來一千巖淨毘尼士光奪鵝珠迴絕埃

攝山

登眺栖霞古攝山六朝踪跡尚堪攀龍髯武帝曾修

道鳥爪高僧已閉關泉眼當亭翻素練寺左有池泉從底湧作亭

之石頭環嶺現慈顏寺後多石徧琢成佛像各千佛嶺無邊感慨難描

寫只在秋風落照間

送別

蘇臺秋老促離羣人去楓橋日又曛嶺樹紅餘吳地
隔洲蘋白盡越山分他時買棹難尋我何處題詩更
寄君會向錢塘江上宿潮聲歷歷許誰聞

夜發長興縣

寒夜扁舟背箬城渡頭人語襍濤聲風吹板面如水
冷雪擁篷頭似月明幾點山鐘敲白雀寺名數家燈火
辨鳥程縣名河干欲曙雞鳴亂起向梢公問地名

臨安

獨上雷峰短塔頭無窮風景眼中收西湖士女三春

嶺南五朝詩選

卷三

國朝高僧
釋一詰

三

興南渡君臣萬古愁山寺踏青寒食路江城拚翠夕
陽樓塵芬物冗繁華世誰解忘機伴海鷗

樵風祠

若耶溪上藕花紅不憶西施憶鄭公今古更無還箭
日晨昏尚有載樵風斧柯陳爛寒雲裏祠廟荒涼老
樹中人事變遷成鬼迹蕭蕭黃葉舞秋空

洛陽

洛陽春暖百花敷紅紫乾坤一畫圖自古相推才子
國到今同說帝王都鶯啼柳陌招金彈人唱梨園引

玉壺誰道杜鵑先氣至使人深憶邵堯夫

都中

都自南京徙北京先朝定鼎到 皇清丘民外屬乾
坤大 天子中臨日月明數仍宮牆獅象伏九重樓
閣鳳凰鳴欣遊盛世唐虞國載道長歌擊壤聲

又

天門旭日照金臺朝罷千官擁道回柳色含煙青瑣
合花香帶露紫微開南方拜相啼鵲至北極招賢駿
馬來莫謂鉛刀能一割須知盛世有遺才

嶺南五朝詩選

卷三

國朝高僧
釋一詰

三

南臺

歡喜菴前問北丘南臺還隔幾峰頭攀蘿已到雲根
寺引蔓還登樹杪樓幾片天花飛鳥啄數枝山果老
猿偷相逢請看當門額 御筆親題物外遊

秘魔巖

名山極處轉清幽想見擎杈古比丘峰肖錦屏當屋
背石如朱髻挿樓頭翻經月自丹崖出煮茗烟兼翠
壁流寄語五臺臺上客不妨來此作全遊

諺曰不遊
秘魔巖只

遊半
箇

太行山

太行高拔地形浮斜抱中原控濁流盤谷自將尋隱
士孟津誰復會諸侯陰崖霧起封人面絕壁泉飛射
馬頭柞林閒啼怪鳥凡經過客也生愁

北臺

雲路盤空與日齊筋骸疲茶只扶藜花飛金界西風
急樹拂銀河北斗低谷虎自來兼客嘯時聞虎嘯毒龍誰
遣傍僧栖臺上有毒龍
秋旱禱則雨無冬無夏長年雪相對瓊瑤
甍品題

嶺南五朝詩選

卷三

國朝高僧
釋一詰

禿

青原

路人平蕪曲徑陰碧溪流水遶珠林五賢祠外人家
小七祖關前鳥道深宮殿已非新聖黜山川況是舊
登臨吾儕不自廬陵至謾把當時米價尋

湘鄉

春日遲遲上巳天鄉人修禊事紛然六朝香火從蕭
帝一局殘棋自漢仙羊角水聲添驟雨馬蹄山色帶
飛煙鷓鴣啼過清明後撫撫原頭又插田

釋福孔

偕余岫老度歲

相對正堪憐迺禪孰後先何須誇北海不必問南泉
茗戰鑒今夕尊思又一年春陰應自惜莫待柳如綿

聞砧

薄暮挹秋香輕風弄夕陽鄰砧聲斷續客邸思悠長
潑墨塗殘簡裁雲補破裳可憐千萬杵日夜為誰忙

七夕夢句

嶺南五朝詩選

卷三

國朝高僧
釋福孔

早

臥看雙星合俄驚又一年微霞初斂彩新月半含烟
老矣貧難客傷然病欲仙遐思千里外有句倩誰傳

祝君山老和上

秋光蕭瑟入林泉咫尺螺峰別有天得讓威儀君子
侶交馳捧喝祖師禪龍因聽法仍歸鉢琴為知音不
絕絃一着當機皆直指宗風重展百年年

和方丈詠桂

大士開前枝蓋如吼
約大一圍高三丈許

夙植根因踞上方時乎至矣露秋光枝枝吐蕊參天
秀點點撼金匝地香矯健千年非屈強巍我百尺可

字魯菴孔聖六十四代孫官永州中護鎮
零陵遂挂冠禮乾明上道下翔和尚因柱
杖子話相契付囑康熙庚辰復
至曹溪著有凭青集四集行世

昂藏須知老幹流芳遠蒲柳何須論短長

送石和尚進曹溪方丈

霏霏花雨蒲長林象鼻峯高歲月深繼往鉗鎚歸哲
匠由來山水待知音單提祖印弘先志共掬曹源愜
素心四眾皈依欣有幸參隨何處不長吟

庚辰度歲和韻

金仙樓閣漏初沉清磬寥寥孰賞音趙老茶香同佛
國涪翁詞藻重儒林半宵易度三春景千載難磨一
夕心幸喜年年除不盡漫將逸興付閒吟

嶺南五朝詩選

卷三

國朝高僧
釋法乾

望

釋明悟

字成達吳江人
著有太湖集

溪邊晚步

曲水迴沙磧橫開一片洲鳥聲高樹落人影綠波浮
短杖歸還倚輕風去復留相看無限意會上庾公樓

夜坐偶賦

世情參未得倚檻意漫漫塵外交遊少燈前坐臥安
一庭苔蘚合半夜衲衣寒且待嚴霜後隨春看牡丹

重遊寶華禪寺

何緣得入此山中兩載三登興不窮一片禪心涵寶
水五更殘夢散幽鐘香生淨土溪疑虎月冷空潭鉢
臥龍挂錫龔山今幾度蒼苔難覓舊遊踪

長壽偶興

禪房深閉絕囂氛寶篆烟銷夜正分惆悵屋梁初落
月徘徊僧舍忽歸雲高低山影燈前見滴瀝泉聲枕
上聞莫訝池塘方丈隔幾回花雨落紛紛

嶺南五朝詩選

卷五

國朝高僧

望

嶺南五朝詩選卷四 目錄

國朝才女

陳綱 三首

徐貞耀 二首

嶺南五朝詩選

卷四 目錄

嶺南五朝詩選卷四 附方傳後

番禺黃登俊升氏訂定

國朝陳綱才女

字少文漳州海澄人舉鎮吳聯仲子鐸妻善女紅詩字畫人稱三絕奉翁姑侍膳問寢以孝聞閭里嘗與夫子隨翁任端州丙子奉姑歸閩年僅三八遠病去世臨終時盡匿其著作後於針線中搜得三首刻以傳之亦麻姑之一流人也

木芙蓉

秋閨閒無事日在芙蓉前朝白嬌難擬暮紅更可憐

又

嶺南五朝詩選

卷四 國朝陳綱

疑以玉爲質翻看朱作顏不同籬菊瘦秋老傲霜間

竹影 端州作

如墨經人畫千竿復萬竿却因隨月出恍似帶烟看素影浮沉易空塔拂掃難吾家五嶺外誰爲報平安

徐貞耀

字德存閩惠安人年十五隨父任增城大令受聘于元吳生及父解官旋里適遇海上變亂有僞官聞其色美挾爲子婚父懼欲許德存聞而絕粒惡復自盡著作甚富皆不得其稿臨終僅得二首惜哉

家大人錫宇德存因寄示姑表姊妹

付從父教讀詩書自愛持身學古初新字德存期不
愧命名貞耀更何如錦箋此日空投汝青史他年定
記予遺臭遺香誠自取幾回憑弔重唏噓

絕粒

只當長眠睡未醒傷心惡語更誰聽但求遂我無他
志縱是輸人只幾齡黃木清中淘素影武夷高處現
英靈生平最惜王嬌甚死後方能墓草青

嶺南五朝詩選

卷四

國朝才女
徐貞耀

二

嶺南五朝詩選

凡例

一先當代名人詩集多有未遑剗剔盈筭積帙束
之寒齋平生苦吟終成棄物卽有壽之梨棗亦
復毀於滄桑未及流通海內五朝之久纂輯未
聞竟使明珠遂成朝露詞壇選閣流覽無從殊
增慨歎茲不憚愚魯加意搜尋或檢之蠹紙殘
篇或得之藏書斷簡徘徊若寶敬授梓人冀名
篇傳之太史庶元響披之管絃拭目可期原非

嶺南五朝詩選

凡例

臆說

一粵中風雅祖自曲江張文獻先生今考自唐宋
元明以迄今茲其得共見於天下者從上諸賢
餘皆湮沒茲分五代識爲一編古籍今而益彰
今藉古而益顯仍於姓氏爵里詳加訂核使千
古而下誦者必知其人

一名編原以待采風之肆考間巷謳吟聖賢不廢
如誕妄譏刺之言槩不選錄

一從上先賢遺帙多有失傳難從全集稽覽間有

僅錄一二首廼得於史氏別藏雖未能盛於舉

揚庶幾藉垂其姓字

一諸詞壇近作家有隋珠然十得一二者不足以盡其全豹茲擬郵至者先刻未郵至者陸續補入中有不能齒序覽者垂諒

見堂黃登識男

學華
學錦
學元

編錄

嶺南五朝詩選

凡例

二

嶺南五朝詩選卷一

唐

張九齡

九十一首

邵 謁

八首

盧宗回

一首

莫宣卿

三首

宋

余 靖

四首

張登辰

一首

嶺南五朝詩選

卷一

目錄

一

崔與之

五首

李昂英

六首

李春叟

一首

古成之

一首

白玉蟾

三首

曾躍鱗

一首

陳應辰

一首

元

王景賢

一首

嶺南五朝詩選卷一

番禺黃 登俊升氏訂定

唐張九齡

新唐書云字子壽曲江人擢進士紀事云九齡輔明皇為賢宰相既卒明皇每用人必曰風度能若九齡乎通考云曲江集二十卷

登古陽雲臺

庭樹日衰颯風霜未云已
駕言遣憂思乘興求相似
楚國茲故都蘭臺有餘址
傳聞襄王世仍立巫山祀
方此全盛時豈無嬋娟子
色荒神女至魂蕩宮觀啓

嶺南五朝詩選

卷一

唐張九齡

一

蔓艸今如積朝雲為誰起

秋晚登樓望南江入始興郡路

潦收沙衍出霜降天宇晶
伏檻一長眺津途多遠情
思來江山外望盡烟雲生
滔滔不自辨役役何所成
我來颯衰鬢孰云飄華纓
櫪馬苦踈踖籠禽念遐征
歲陰向晚晚日夕空屏營
物生貴得性身累由近名
內顧覺今是追歎何時平

龍門旬宴得月字

恩華逐芳歲形勝兼韶月中
席傍魚潭前山倚龍闕

花迎妙妓至鳥避仙舟發
宴賞良在茲再來情不歇

感遇

蘭葉春葳蕤桂花秋皎潔
欣欣似生意自爾為佳節
誰知林棲者聞風坐相悅
艸木有本心何求美人折

又

幽林歸獨卧滯慮洗孤清
持此謝高鳥因之傳遠情
日夕懷空意人誰感至精
飛沈理自隔何所慰吾情

又

魚遊樂深池鳥棲欲高枝
嗟爾蜉蝣羽薨薨亦何為

嶺南五朝詩選

卷一

唐張九齡

二

有生豈不化所感奚若斯
神理自微滅吾心安得知
浩歎楊朱子徒然泣路岐

又

吳越數千里夢寐今夕見
形骸非我親衾枕即鄉縣
化蝶猶不識川魚安可羨
海上有仙山歸期覺神變

又

西日下山隱北風乘夕流
燕雀感昏旦簷楹呼匹儔
鴻鵠雖自遠哀音非所求
貴人棄疵賤下士嘗殷憂
衆情累外物恕已忘內修
感歎長如此使我心悠悠

又

江南有丹橘經冬猶綠林豈伊地氣暖自有歲寒心
可以薦嘉客奈何阻重深運命惟所遇循環不可尋
徒言樹桃李此木豈無陰

又

抱影吟中夜誰聞此歎息美人適異方庭樹含幽色
白雲愁不見滄海飛無翼鳳凰一朝來竹花斯可食

又

我有異鄉憶宛在雲溶溶憑此目不覩要之心所鍾

嶺南五朝詩選

卷一

唐張九齡

三

但欲附高鳥安敢攀飛龍至精無感遇悲惋填心胸
歸來扣寂寞人願天豈從

又

孤鴻海上來池潢不敢顧側見雙翠鳥巢在三珠樹
矯矯珍木巖得無金丸懼美服患人指高明逼人惡
今我遊冥冥弋者何所慕

彭蠡湖上

沿涉經大湖湖流多行洄決晨趨北渚逗浦已西日
所適在淹曠中流且閒逸瑰詭良復多感見乃非一

廬山直陽辟孤石當陰御一水雲際飛數峰湖上出
象類何交紕形言豈深悉且知皆自然高下無相恤

荊州作

先達志其大求意不約文士伸在知己已況仕於君
微誠夙所尚細故不足云時來忽易失事往良難分
顧念凡近姿焉欲殊常勳亦以行則是豈必素有聞
千慮且猶失萬緒何其紛進士苟非黨免相安得羣
衆口金可鑠孤心絲其焚意忠仗朋信語勇同敗軍
古劍徒有氣幽蘭祇自薰高秩向所忝於義如浮雲

嶺南五朝詩選

卷一

唐張九齡

四

別鄉人南還

橘柚南中暖桑榆北地陰何言榮落異因見別離心
吾亦江鄉子思歸夢寐深聞君去水宿結思渺雲林
牽綴從浮事遲迴謝所欽東南行舫遠秋浦念猿吟

雜詩

孤桐亦胡爲百尺傍無枝疎陰不自覆修幹欲何施
高岡地復迴弱植風屢吹凡鳥已相噪鳳凰安得知

又

羅薦必有託風霜不能落酷在蘭將蕙甘從葵與藿

運命雖爲宰寒暑自迴薄悠悠天地間委順無不樂

又

良辰不可遇心賞更蹉跎終日塊然坐有時勞者耽
庭前攬芳蕙江上託微波路遠無能達憂情空復多

又

湘水弔靈妃班竹爲情緒漢水訪遊女解佩無誰與
同心不可見異路空延佇浦上青楓林津傍白沙渚
行吟至落日坐望祇愁予神物亦豈孤佳期竟何許

忝官二十年盡在內職及爲郡嘗積戀因賦

嶺南五朝詩選

卷一

唐張九齡

五

詩焉

江流去朝宗晝夜茲不舍仲尼在川上子牟存闕下
聖達有由然孰是無心者一郡苟能化百城豈云寡
愛禮誰爲羊戀主吾猶馬感初時不載思奮翼無假
閑宇嘗自閑沉心何用寫攬衣步前庭登陣臨曠野
白水生迢迢清風寄瀟灑願言采芳澤終朝不盈把

敘懷

弱歲讀羣史抗迹追古人被褐有懷玉佩印從負薪
志合豈兄弟道行無賤貧孤根亦何賴感激此爲鄰

又

晚節從卑秩岐路良非一旣聞持兩端復見挾三術
木瓜誠有報玉楮論無實已矣直躬者平生壯圖失
去去勿重陳歸來茹芝朮

奉和吏部崔尚書雨後大明朝堂望南山

迢遞終南頂朝朝闔闔前場來青綺外高在翠微先
雙鳳寒爲闕羣龍儼若仙還如到玄浦更是謁甘泉
夜雨塵初滅秋空月正圓詭客紛入望霽色宛成妍
東極華陰踐西彌嶠冢連奔峰出嶺外瀑水落雲邊

嶺南五朝詩選

卷一

唐張九齡

六

漢帝宮將苑南君陌與隄林間鋪近甸烟靄遶晴川
既庶仁斯及分憂政已宣山公啓事罷吉甫頌聲傳
濟濟金門步洋洋玉樹籥徒歌雖有屬清歌豈足宣
同綦母學士月夜聞雁

棲宿豈無意飛飛更遠尋長途未及半中夜有遺音
川思關山笛風號流水琴空聲兩相應幽感一何深
遊繳歸南浦灘羣叫北林聯翩俱不定憐爾越鄉心

入廬山望瀑布水

絕頂有懸泉喧喧出煙杪不知幾時歲但見無昏曉

閃閃青崖落鮮鮮白日皎
瀝流溼行雲濺沫驚飛鳥
雷吼何噴薄箭馳入窈窕
昔聞山下蒙今乃林巒表
物情自詭激坤元曷紛矯
默然置此去變化誰能不

郢城西北有大古塚數十觀其封域多是楚
時諸王而年久遠不復可識惟直西有樊
妃塚因後人爲植松柏故行路盡知之

蘋藻生南澗蕙蘭秀中林
嘉名有所在芳氣無幽深
楚子雖遲志樊妃嘗獻箴
能令更擇士非但寵從禽
舊國皆湮滅先王亦莫尋
惟傳賢媛隴猶結後人心

嶺南五朝詩選

卷一

唐張九齡

七

牢落山川意蕭疎松柏陰
破牆時直上荒徑或斜侵
惠問終不絕風流獨至今
千春思窈窕黃鳥復哀音

奉和聖製南郊禮畢酬宴

配天昭聖業率土慶輝光
春發三條路醺開百戲場
流恩均庶品縱觀聚康莊
妙舞來平樂新聲出建章
分曹日抱戴赴節鳳歸昌
幸奏承雲樂同晞湛露陽
氣和皆有感澤厚自無疆
飽德君臣醉連歌奉栢梁

奉和聖製過王濬墓

漢皇思鉅鹿晉將在弘農
人蜀舉長筭平吳成大功

與渾雖不協歸浩實爲雄
孤績淪千載淪名感聖衷
萬乘渡荒隴一顧凜生風
古節猶不棄今人爭效忠

奉和聖製送十道採訪使及朝集使

三年一上計萬國趨河洛
課最力已陳賞延恩復博
垂衣深共理改瑟其咸若
首路廻竹符分鑣楊木鐸
戒程存攸往詔餞無淹泊
昭晰動天文殷勤在人瘼
抆人望茲念克終朝所托
行已當自強春耕庶秋穫

奉和聖製送尚書燕國公赴朔方

宗臣事有征廟筭在休兵
天與三台座人當萬里城

嶺南五朝詩選

卷一

唐張九齡

八

朔南方偃革河陽暫揚旌
罷賜從仙禁光華出漢京
山川勤遠畧原隰軫皇情
爲奏薰琴唱仍題寶劍名
同風六郡勇計日五戎平
山甫歸應疾留侯功復成
歌鍾旋可望枕席豈難行
四牡何時人吾君憶履聲

奉和聖製早登太行山率爾言志

孟月攝提貞乘時我后征
晨嚴九折度暮戒六軍行
日御馳中道風師卷太清
戈鋌林表出組練雲間明
動植希皇豫高深奉睿情
陪遊七聖列望幸百神迎
氣色煙猶喜恩光草尚榮
芝朶稱萬歲今此復同聲

和黃門盧監望秦始皇陵

秦帝始求仙，驪山何遽。中年既無效，茲地所宜復。
徒役如雷奔，珍怪亦雲蓄。黔首無寄命，赭衣相馳逐。
人怨神亦怒，身死宗遂覆。土崩失天下，龍鬬入函谷。
國爲項籍屠，君同華元戮。始掘既由楚，終焚乃因牧。
上宰議楊賢，中阿感桓述。一聞過秦論，載懷空杼軸。
和秋夜望月憶韓席等諸侍郎因以投贈吏

邵侍郎李林甫

秋天碧雲夜，明月懸東方。皓皓庭際色，稍稍林下光。

嶺南五朝詩選

卷一

唐張九齡

九

佳華澄遠近，璧綵散池塘。鴻鴈飛難度，關山曲易長。
揆予秉孤直，虛薄忝文章。握鏡慚先照，持衡愧後行。
多才衆君子，載筆久辭場。作賦推潘岳，題詩許謝康。
當時陪宴語，今夕恨相忘。願欲接高論，清晨朝建章。

登襄陽懷峴山

昔年亟攀踐，征馬復來過。信若山川舊，誰知歲月何。
蜀相吟安在，羊公碣已磨。令圖猶寂寞，嘉會亦蹉跎。
宛宛樊城岸，悠悠漢水波。逶迤春日遠，感寄客情多。
地本原林秀，朝來煙景和。同心不同賞，畱歎此巖阿。

登臨沮樓

高深不可厭，巡屬復來過。本與衆山絕，况茲韶景和。
危樓入水倒，飛檻向空摩。雜樹緣青壁，樛枝掛綠蘿。
潭清能徹底，魚樂好跳波。有象言難具，無端思轉多。
同懷不在此，孤賞欲如何。

商洛山行懷古

園綺值秦末，嘉遁此山阿。陳迹向千古，荒途始一過。
碩人久淪謝，喬木自森羅。故事昔嘗覽，遺風今豈訛。
泌泉空活活，樵叟獨皤皤。是處清暉滿，從中幽興多。

嶺南五朝詩選

卷一

唐張九齡

十

長懷赤松意，復憶紫芝歌。避世辭軒冕，逢時解薜蘿。
盛明今在運，吾道竟如何。

在郡秋懷

庭蕪生白露，歲候感遐心。策蹇慚遠途，巢枝思故林。
小人恐致寇，終日如臨深。魚鳥好自逸，池龍安所欽。
掛冠東都門，採蕨南山岑。議道誠愧昔，覽分還慨今。
無然憂成老，空爾白頭吟。

洪州西山祈雨是日輒應因賦詩言事

茲山蘊靈異，走望良有歸。丘禱亦已久，吐心難重違。

還明申藻薦先夕旅巖扉獨宿雲峰下蕭條人吏稀
我來不外適幽抱自中微靜入風泉奏涼生松栢圍
窮年滯遠想寸晷閱清輝虛美悵無屬素情絨所依
旋隨嫌弱操羈束謝貞肥義濟亦吾道誠存爲物祈
靈心倏已應甘液幸而飛閉閣且無責隨車安敢希
多慚德不感知復是耶非

郡內閒齋

郡閣晝嘗掩庭蕪日復滋簷風落烏毳窓葉掛蟲絲
拙病宦情少羈閒秋氣悲理人無異績爲郡但經時

嶺南五朝詩選

卷一

唐 張九齡

士

惟有江湖意沈冥空在茲

自始興溪夜上赴嶺

嘗謂名山意茲爲世網牽征途屢及此初服已非然
日落青巖際溪行綠篠邊去舟乘月後歸鳥息人前
又聞迷幽岫連圻觸閣泉深林風緒結遙夜客情懸
非便胡爲泛無膏亦自煎不知于役者相樂在是作
何年

奉和聖製同二相南出雀風谷

設險諸侯地承平聖主巡東君朝二月南旆擁三辰

寒出重關盡年隨行漏新瑞雲叢捧日芳樹曲迎春
舞柳先馳道恩華及從臣汾川花鳥意併奉屬車塵

奉和聖製早登太行山率爾言志

孟月攝提貞乘時我后征晨巖九折度暮戒六軍行
日御馳中道風師卷太清戈鋌林表出組練雲間明
動植希皇豫高深奉睿情陪遊七聖列望幸百神迎
氣色烟猶喜恩光草尚榮罔果稱萬歲今此復同聲
園中時蔬盡皆鋤理惟秋蘭敗本委而不顧
彼雖一物有足悲者遂賦

嶺南五朝詩選

卷一

唐 張九齡

士

幸得不鋤去孤苗守舊根無心羨青蒿有意近名園
過賞寧充佩爲生莫礙門幽林芳意在非是爲人論

通化門外送別

屢別容華改長愁意緒微義將私愛隔情與故人歸
薄宦無時賞勞生有事機離魂今夕夢先繞舊林飛
望月懷遠

海上生明月天涯共此時情人怨遙夜竟夕起相思
滅燭憐光滿披衣覺露滋不堪盈手贈還寢夢佳期

經孔子舊宅

丘門大山下不見登封時徒有先王法今爲明王思
恩加萬乘幸禮祗一年祠舊宅千年外光華空在茲

林亭寓言

林居逢歲晏遇物使情多蘅茝不時與芬榮奈汝何
更憐籬下菊無如松上蘿因依自有命非是隔陽和

餞陳學士還江南同用徵字

荷篠旋江澳銜杯餞霸陵別前林鳥息歸處海煙凝
風上鄉情接雲山客念憑聖朝嚴冗選應待鶴書徵

送宛句趙少府

嶺南五朝詩選

卷一

唐張九齡

七

解巾行作吏樽酒謝離居脩竹含清景華池淡碧虛
地將幽興愜人與舊遊疎林下紛相送多逢長者車

郡江南上別孫侍郎

雲障天涯盡川途海縣窮何言此地僻忽與故人同
身負邦君弩情紆御史驄王程不我駐離思逐秋風

將至洛陽有懷趙二

湘浦多深林青冥晝結陰獨無謝客賞况復賈生心
草色雖云發天光或未臨江潭非所遇爲爾白頭吟

使還湘水

歸舟宛何處正直楚江平夕逗煙村宿朝緣浦樹行
于役已彌歲言旋今愜情鄉郊尚千里流目夏雲生

初發道中寄遠

日夜鄉山遠秋風復此時舊聞胡馬思今聽楚猿悲
念別朝昏苦懷歸歲月遲壯圖空不息常恐髮如絲

自湘水南行

落日催行舫逶迤洲渚間誰云有物役乘此更休閑
暝色生前浦清暉發近山中流淡容與惟愛鳥飛還

初入湘中有喜

嶺南五朝詩選

卷一

唐張九齡

七

征鞍窮郢路歸棹入湘流望鳥惟貪疾聞猿亦罷愁
兩邊楓作岸數處橘爲洲却計從來憶翻疑夢裏遊

江上

長林何繚繞遠水日悠悠盡日餘無見爲心那不愁
憶將親愛別行爲主恩酬感激空如此芳時屢已遒

自彭蠡湖初入江

江岫殊空闊雲煙處處浮上來羣噪鳥中去獨行舟
軍落誰相顧逶迤日自愁更將心問影于役復何求

赴使瀧峽

谿路日幽深寒空入兩嶽霜清百丈水風落萬重林
夕鳥聯歸翼秋猿斷去心別離多遠思况乃歲方陰

湖口望廬山瀑布水

萬丈洪泉落迢迢半紫芬飛下雜樹洒落出重雲
日照虹蜺似天清風雨聞靈山多秀色空水共氤氲

使至廣州

昔年嘗不調茲地亦遄迴本謂雙鳬少何知駟馬來
人非漢使橐郡是越王臺去去雖殊事山川長在哉

春江晚景

嶺南五朝詩選

卷一

張九齡

七

江林皆秀發雲日復相鮮征路那逢此春心益眇然
興來祇自得佳處莫能傳薄暮津亭下餘花滿客船

初發曲江谿中

溪流清且深松石復陰臨正爾可嘉處胡爲無賞心
我由不忍別物亦有緣侵自匪嘗行邁誰能知此音

旅宿淮陽亭口號

日暮荒亭上悠悠旅思多故鄉臨桂水今夜眇星河
暗草霜華發空亭鴈影過興來誰與晤勞者自爲歌

秋夕望月

清迥江城月流光萬里同所思如夢裏相望在庭中
皎潔青苔露蕭條黃葉風含情不得語頻使桂華空

勅賜寧主池宴

賢王有池館明主賜春遊淑氣林間發恩光水上浮
徒叅和鼎地終謝巨川舟皇澤空如此輕生莫可酬

天津橋東旬宴得歌字韻

清洛象天河東流形勝多朝來逢宴喜春盡却妍和
泉鱗歡時躍林鶯醉後歌賜恩頻若此爲樂奈人何

符州康司馬輓歌詞

嶺南五朝詩選

卷一

張九齡

七

家受專門學人稱入室賢劉楨徒有氣管輅獨無年
謫去長沙國魂歸京兆阡從來匣中劍埋歿罷衡天

故刑部李尚書荊谷山集會

嘗聞繼老聃身退道逾耽結宇倚青壁疏泉噴碧潭
苔石隨人古煙花寄酒酣山光紛向夕歸興杜城南

三月三日申王園亭宴集

稽亭追往事睢苑勝前聞飛閣凌芳樹華池落綵雲
藉草人留酌銜花鳥赴羣向來同賞處惟恨碧林曛

立春日晨起對積雪

忽對林亭雪瑤華處處開今年迎氣始昨夜伴春迴
玉潤窓前竹花繁院裏梅東郊齋祭所應見五神來

剪綵

姹女伶容色爲花不讓春旣爭芳意早誰待物華真
葉作參差發枝從點綴新自然無限態長在艷陽人

初秋憶金均兩弟

江渚秋風至他鄉離別心孤雲愁自遠一葉感何深
憂喜嘗同域飛鳴忽異林青山西北望堪作白頭吟

故刑部李尚書輓歌

嶺南五朝詩選

卷一

唐張九齡

七

夙昔三台踐榮華駟馬歸印從青瑣拜翰入紫宸揮
題劔恩方重藏舟事已非龍門不可望感激涕沾衣

又

永歎常山寶沉埋京兆阡同盟會五月華表記千年
渺漫野中草微茫空裏煙共悲人事絕惟對杜陵田

故徐州刺史贈吏部侍郎蘇公輓歌

相如只謝病子敬忽云亡豈悟瑤臺雪分雕玉樹行
清規留草議故事在封章本謂山公啓而今歿始揚

和韋尚書答梓州兄南亭宴集

棠隸聞餘興烏衣有舊遊門前杜城陌池上曲江流
暇日嘗繁會清風咏阻修始知西峙嶽同氣此相求

奉酬洪州江上見贈監察御史孫翊

受命隸封疆逢君牧豫章於焉審虞芮復爾共舟舫
恨別秋陰盡懷歸客思長江臯枉離贈持此慰他鄉

溪行寄王震

山氣朝來爽溪流自向清遠心何處愜閑棹此中行
叢桂林間待羣鷗水上迎徒然適我願幽獨爲誰情

與王六履震廣州津亭曉望

嶺南五朝詩選

卷一

唐張九齡

六

明發臨前渚寒來淨遠空水紋天上碧日氣海邊紅
景物紛爲異人情賴此同乘桴自有適非欲破長風

詠燕

海燕何微眇乘春亦暫來豈知泥滓賤祇見玉堂開
繡戶時雙入華軒日幾迴無心與物競鷹隼莫相猜

送竇校書見餞得雲中辨江樹

江水連天色天涯淨野氛微明岸傍樹凌亂渚前雲
舉棹形隨轉登艫意漸分渺茫從此去空復惜離羣

耒陽谿夜行

乘夕棹歸舟緣源路轉幽月明看嶺樹風靜聽溪流
嵐氣船間入霜華衣上浮猿聲雖此夜不是別家愁

送韋城李少府

送子南昌尉離亭西候春野花看欲盡林鳥聽猶新
別酒青門路歸軒白馬津相知無遠近萬里尚爲鄰

送廣州周判官

海郡雄蠻落津亭壯越臺城隅百雉映水曲萬家開
里樹桃柳出時禽翡翠來觀風猶未盡早晚使車廻

湖口望廬山瀑布水

詩歸
作泉

嶺南五朝詩選

卷一

唐
張九齡

七

萬丈紅泉落迢迢半紫氛奔流下雜樹灑落出重雲
日照虹霓似天清風雨聞靈山多秀色空水共氤氲

湏陽峽

行舟傍越岑窈窕越溪深水間先秋冷山晴當晝陰
重林間五色對壁聳千尋惜此生遐遠誰知造化心

晨出郡舍林下

晨興步北林蕭散一開襟復見林上月娟娟猶未沈
片雲自孤遠叢篠亦清深無事由來貴方知物外心

和姚令公從幸溫湯喜雪

萬乘飛黃馬千金狐白裘正逢銀霰積如向玉京遊
瑞色鋪馳道花文拂綵旒還聞吉甫頌不共郢歌儔

庭梅詠

芳意何能早孤榮亦自危更憐花蒂弱不受歲寒移
朝雪那相妒陰風已屢吹馨香雖向爾飄蕩復誰知

奉和聖製次瓊岳韻

山祇亦望幸雲雨見靈心岳館逢朝霽關門解宿陰
咸京天上近清渭日邊臨我武因冬符何言是卽禽

奉和聖製早發三鄉山行

嶺南五朝詩選

卷一

唐
張九齡

七

羽衛森森西向秦山川歷歷在清晨晴雲稍卷寒巖
樹宿雨能消御路塵聖德由來合天道靈符卽此應
時巡遺賢一一皆羈致猶欲高深訪隱淪

同綦毋學士月夜聞雁

棲宿豈無意飛飛更遠尋長途未及半中夜有遺音
月思關山笛風號流水琴空聲兩相應幽感一何深
遊繳歸南浦離羣叫北林聯翩俱不定憐爾越鄉心

入廬山望瀑布水

絕頂有懸泉喧喧出煙杪不知幾時歲但見無昏曉

夜雨塵初滅秋空月正圓
詭容紛入望霽色宛成妍
東極華陰踐西彌嶓冢連
奔峰出嶺外瀑水落雲邊
漢帝宮將苑商君陌與阡
林間鋪近甸烟靄遶晴川
既庶仁斯及分憂政已宣
山公啓事罷吉甫頌聲傳
濟濟金門步洋洋玉樹篇
徒歌雖有屬清越豈同年

奉和聖製同二相南出雀鼠谷

設險諸侯地承平聖主巡
東君朝二月南旆擁三辰
寒出重關盡年隨行漏新
瑞雲叢捧日芳樹曲迎春
舞柳先馳道恩華及從臣
汾川花鳥意併奉屬車塵

嶺南五朝詩選

卷一 唐 邵謁

壬

奉和聖製早登太行山率爾言志

孟月攝提貞乘時我后征
晨嚴九折度暮戒六軍行
日御馳中道風師卷太清
戈鋌林表出組練雪間明
動植希皇豫高深奉睿情
陪遊七聖列望幸百神迎
氣色烟猶喜恩光草尚榮
芝朶稱萬歲今此復同聲

邵謁

本集序云韶州翁源人少博文初爲縣吏
客至令怒不措牀謁不自屈遂截髮着縣
門發憤讀書書堂距縣十里隨隸國子以
詩名世時溫庭筠主試乃榜三十餘篇以
振公道謁由是釋褐
後赴官不知所終

古意

對酒彈古琴絃中發新音
新音不可辨十指幽怨深
妾不自保四時如車輪不
知今夜月曾照幾時人
露滴芙蓉香香消心亦死
良時無可留殘紅謝池水

戰城南

武王重征伐戰士輕生死
朝爭刃上功暮作泉下鬼
悲風弔枯骨明月照荒壘
千載留長聲嗚咽城南水

望人

登樓恐不高及高君已遠
雲行郎卽行雲歸郎不返

嶺南五朝詩選

卷一 唐 邵謁

壬

嗟爲樓上人望望不相近
若作轍中泥不放郎車轉
白日下西山望盡妾腸斷

學仙

上仙傳祕訣澹漠與無營
煉藥養丹田變性不變形
三尸旣無累百慮自不生
是知寸心中有路通上清
祖龍好仙術燒却黃金精

紫閣峯

壯國山河倚空碧迴拔烟霞侵
太白綠崖下視千萬
尋青天只據百餘尺

覽鏡

一照一迴悲再照顏色衰日月自流水不知身老時
昨日照紅顏今朝照白絲白絲與紅顏相去咫尺間

又

春蠶未成繭已賀箱籠寶蟾子徒有絲終年不成匹
每念古人言有得則有失我命獨如何憔悴長如一
白日九衢中幽獨暗如漆流泉有枯時窮賤無盡日
惆悵復惆悵幾回新月出

論政

嶺南五朝詩選

卷一

盛唐
盧宗回

圭

賢哉三握髮爲有天下憂孫弘不開閣丙吉寧問牛
內政由股肱外政由諸侯股肱政若行諸侯政自修
一物若失所蟻穴滿山丘莫言萬木死不因一葉秋
朱雲若不直漢帝終自由子嬰一失國渭水東悠悠

盧宗回

字望淵南海人好學不倦舉元和中十年進
士嘗寓長安有慈恩寺塔詩時人玩誦愛
之刻榜以傳

題慈恩寺塔

東來曉日上翔鸞西轉蒼龍拂露盤渭水冷光搖藻

井玉峰晴色墮欄干九重天闕參差見百二山河表
裏觀暫輟去蓬悲不定一凭金界望長安

莫宣卿

字仲節華慶關建人幼稱神童一日與羣
兒戲口占云我本南山鳳豈同凡鳥羣人
大奇之嶺南狀元
及第自莫宣卿始

百官乘月早朝聽殘漏

建禮儼朝冠重門耿夜闌碧空蟾魄度清禁漏聲殘
候曉車輿合凌霜劍佩寒星河猶皎皎銀箭尚珊珊
杳靄祥光起霏微瑞氣攢忻逢聖明代長願接鸞鸞

嶺南五朝詩選

卷一

唐
莫宣卿

圭

賦得水懷珠

長川含媚色波底孕靈珠素魄生蘋末圓光照水隅
淪連冰綵動蕩漾瑞光鋪迴夜星同貫清秋岸不枯
江妃思在掌海客亦忘軀合浦當還日恩威信已敷

及第自詠

筆陣纔交萬乘前一聲雷震便昇天榜中姓字當頭
立篋裏文章榮世傳紅杏香中呈繡服綠楊堤畔着
金鞭九衢莫怪人爭看才子風流正少年

宋余靖

字道安曲江人通志云舉進士歷遷右正
言三使契丹不辱命官大司空所著奏議
三史及武溪
集十卷行世

韶石山

世務嘗喧囂物外有真賞結友探勝槩放情諧素想
韶山南國鎮靈蹤傳自曩雙闕倚天秀一逕尋雲上
長江遠縈帶衆巒疑負襁千里眇平視高形羅怪象
日影避崑崙鰲頭冠方丈青螺佛髻高羣玉仙都敞
霞城晴煜燐桃浮春浩蕩仰攀霄漢近俯瞰神魂恍
澗深流如織巖虛動成響造化與真質妙畫胡能做

嶺南五朝詩選

卷一

宋
余靖

詩

賤子生海隅逢辰辱朝獎靡成藝鼎勳甘從丘壑往
驚禽戀故林困驥畏羈鞅茲遊得幽深同懷樂清曠
世言帝有虞朔南聲教廣丹穴卜巡幸翠華臨蒼莽
蕭韶曾此奏鍾石無遺象但覺薰風存條然天籟爽
姬公著治典歷代所遵仗九野奠山川萬靈通盼響
醫閭與吳嶽半列戎尸壤四時迎氣祠猶煩禮官掌
况乃祝融區羣物資含養來儀威鳳居樂育青莪長
膚寸起成霖崇高一方仰躋之佐衡霍無慚公侯享

同李秘校譚員外月華長老謁慈濟禪師會

宿寶林道場

祖堂留勝迹再宿此登臨雲月自明暗山川無古今
谷聲猿嘯遠泉脈虎跑深共到忘言處休論佛與心

同黃宰遊寶林精舍書祐長老壁

浮生萬慮日營營同訪禪居耳目醒尋勝已窮烟靄
外談空應有鬼神聽松筠不變春長在風雨無時地
本靈便擬構庵來結社莫嫌頻此扣巖扃

送任秘丞知長興縣

懿文通識氣飄飄二十年來困下僚吾道本將忠許

嶺南五朝詩選

卷一

宋
余靖

詩

國世途休歎老登朝囊裝冷落堆青簡衙署幽深枕
畫橋預想吳人蒙美化海鷗桑雉共逍遙

張登辰

字規甫東莞人
領咸淳鄉薦

緒衣春

緒衣春永巷酸風起暮杵聲聲碎妾心妾兒痛隔三
千里瀟水歡迎骨肉恩子母再見無由緣誰將鴛羽
飲龍子晨獵上林如意死妾耳縱能聞妾目那能視
妾口縱能言妾足安能履白日改色天容愁未央宮

中桐葉秋堂堂豐沛龍準公三尺造漢烹英雄擊布
歸來尚無恙預置股肱如指掌明知顛勃可安劉何
爲存妾子母無良謀

崔與之

通志云字正子贈城人自蜀帥累功進觀
文殿學士封開國公歷仕四十七年清風
高節屹然師表未嘗玷一彈墨嘗書座右
銘曰無以嗜欲殺身無以財貨殺子孫無
以政事殺民無以學術殺天下後世卒
謚清獻與張九齡祠於學謂之二獻

柴秘書分符章貢同舍餞別用蔡君謨世間
萬事皆塵土留取功名久遠看之句分韻

嶺南五朝詩選

卷一

宋 崔與之

美

得世字

玉立蓬山巔聲望高一世清秋玉壺露耿耿無纖翳
中流屹砥柱愈激而愈厲平生學古胸非爲資身計
中邊事萬殷命脉實關係憂世危明主誰流洛陽涕
直諫逆批鱗言言皆獻替胡爲厭承明退飛勇且銳
有山鬱而孤雄踞虎頭勢民貧困科擾摧剝已無藝
猩獠叢篁中跳梁無虛歲弄印以無易要起百年樊
西風吹馬耳新涼雨初霽天札聞先聲遠戍已懷惠
旂旗簇小隊畫戟森兵衛一方覆孟安中原誰共濟

顧我亦漫仕空山老松桂勸海作歸夢乞身尚濡滯
着鞭公已先脂秣以相繼

送洪賜巖赴班

賜巖洪君時天錫清源人與子鄉李文溪
丙戌同年交情彌厚君時入廣幕數年舉
刻是當班見文
溪詩以餞其行

法吏了繁劇儒生擅文墨世多兼兩長遠到須器識
昔在畱魏公會此趨幕職一逢龔莊敏期以柱天樞
紫微得夫君嘉禾乏栽植廣城底山川融結此英特
精神天獨饒醉益春可卽讀書細研磨作文工組織

嶺南五朝詩選

卷一

宋 崔與之

老

庭隅立兩造片言分曲直疾頑戒已甚爭事退如默
武庫物兼蓄滄海蠶莫測同僚總稱好載道譽聲塞
五年書筵重濟物多陰德榮通付儻來薦剡豈求得
燕涼快馬耳汗漫捧鵬翼歸裝可對人南物一不殖
二同羞著我握手倒巾幘幽棲泉石邊喜在文溪側
平章詩浩蕩指點基黑白此樂竟何如滿懷春拍拍
咳唾落珠璣襟期重膠漆高誦歸去辭永守兔園冊
焉知暮歲後苦被功名迫終能憺然起行矣各努力
長途希樹陰蕭郎謹眠食懸知風月宵定啓山夫憶

壽李參政壁

青牛老仙紫雲旄函關西度天風高
手攜柱下五千卷來擅一時文章豪
玻璃江頭梅欲蕾暮頤山麓寒方鑿
廳車羽輪下霄漢從以萬鶴如雲濤
參天挺特有喬才大地負荷須巨鰲
百斛篆鼎筆端幹五色瑞璽胸底縑
笑談更化定大計乾機坤軸回鈞陶
蒼生脫險誕登岍沙背開此杭州艘
雁湖風物午橋似滿引鑿落歌離騷
酒酣耳熱自擊缶世間萬事輕鴻毛
塗炭未蘇兵未洗雲雷可使屯其膏
玉堂昨夜進麻

嶺南五朝詩選

卷一

宋

崔與之

堯

草延英趨對猩紅袍太平事業有所屬
北卷燕薊西熙洮扶持世極壽國脈突兀
一柱擎天牢五羊倦客起爲壽安期大棗
東方桃

送夔門丁帥赴召

議論方前席功名早上坡去帆瓜蔓水
遺愛竹枝歌同志晨星少孤愁暮雨多
倚風窮望眼碧色渺平莎

送時漕大卿淮西榆法

卿月高華照楚墟澄清雅意見登車星
分屯壘雲中戍風引輪艗塞下儲十二
聚民行惠政三千議獄謹

刑書最聲烜赫流聰續聖詔今朝下玉除

李昂英

通志云字俊明番禺人登寶慶丙戌進士
廣州南江中有海珠山昂英讀書其上後
人因祠焉有文溪全稿行於世

送廣帥趙平齋汝暨解印趨朝

海瀕老同年五載依宇下春風舞篋笠
愛日曝田舍喜無撞搪吏追逐款段馬
劇談許條褐得赴公餘暇達官來三逕
小隊鄰翁詫明公傑俊人麟族稱大雅
典刑樣諸老胸次郁醞藉西派邇其源
境物入陶寫

嶺南五朝詩選

卷一

宋

李昂英

堯

才高事無難隻手擘太華乘輅姑踰嶺
風采賢使者堂堂開大閭部屬肅韉帕
臺端有老蜮圖影含沙射孤忠冕旒知
還許河內借鈴齋安獨處冷淡閒僧夏
例錢推不受金貝視土苴首祠酌泉翁
坐使饕俗化葭萌細摩拊生意被原野
循良渤海遂平理潁川霸威風戢偷竊
德意銷詭詐能令颺母伏默禱雨師灑
開倉散窮閭儉歲低粒價貢場宏敞拓
花土千間厦歷觀古賢牧美政公其亞
讒夫真枉了有識共唾罵君子竟何傷
徽譽愈膾炙詔還九棘班明發不俟駕

傾城送津亭牽纜不忍捨老夫前致詞再拜進離竿
立朝要敢言切勿效喑啞此行衆所望磐石鞏宗社

苦秋暑引

己酉歲廣濟江上遇古攝師詩其
毒朝廷劉趙倉汝暨兼攝師清其
人利忍不授
印故作是詩

商金久得柄老火未退舍甑中着寰宇赫酷甚於夏
池湯頗殃魚田龜應害稼桃笙亦漿汗水國無涼樹
扇揮腕欲脫忍渴畏杯竿樹間寂秋聲矩令何時下
四序本循環寒暑相代謝炎炎推不去誰與詰造化
人思濯清冷風露願一借再拜祈尋收西陸早命駕

嶺南五朝詩選

卷一

宋 李昂英

三

梅關雨後見月作

濃嵐四合凍雲凝水墨連屏關嶠奇衝雨此行風景
別滿山翠滴水簾垂松翁偃蓋巖隈立猿女穿蘿洞
裏泣無塵明鏡忽玲瓏匣向周遭紫翠中地有仙家
雲母石天然上界水晶宮通宵如畫千溪白梅花不
管濕冰魄隨車十里雪香來多謝花神好看客

西樵巖

巨石卷阿駕半天樵山風景豈虛傳水簾不捲四時
雨丹竈空疑萬古煙印石尚存烏利跡烏利仙問誰

曾識紫姑仙我來遊遍登雲谷更借山僧半榻眠

子光宗友試蘭省送以小詩

毫端五色織成章皎皎清標月照梁再戰文場推定
霸一經書法首尊王鞭揚庾嶺梅花早梯上寒宮桂
籍香師道自居吾豈敢所期竹帛遠流芳

李春叟

通志云字子先東莞人遷德慶教授滿歸
無意於仕嶺海名士多出其門朝廷聞其
名除軍器大監辭不就著有
論語傳說及詠歸集行世

送熊飛將軍赴文丞相麾下即次原韻走筆

嶺南五朝詩選

卷一

宋 李春叟

三

奉寄文丞相

嗟哉此綱常一朝已散失臣豈無賢良君豈有慚德
君臣義未明大道致閉塞誰實篤忠貞矢志不可屈
先生真英豪提戈呼叱咤一心收桑榆戎行瞻黼黻
間關五嶺南誓師存百粵有仍田一成足以張征伐
南陽戴真人足以興漢室天道豈無知爲此冠裳側
昨聞戰城南王師奮鉞鉞萬馬似羣羊鬪敗鼓聲竭
百年養士恩報之在朝夕多慟遲暮身涕淚望鄉國

古成之

字臣東河源人紹興羅浮九學不傳登舉
瀕榜第二宋興廣州舉進士自成之始

憶羅浮

憶昔羅浮海上峰當年曾得寄遺踪
凭欄月色出滄海欹枕秋聲入古松
採藥靜臨幽澗洗寄書閒背白雲
封紅塵一下拘名利不聽山間五夜鐘

白玉蟾

字如晦世爲閩人以祖任瓊州後入籍生
蟾號瓊州子嘗遊湖墮水舟人覓之不得

鹿臺

清夢遶羅浮羽衣延我遊新茶尋雀舌
獨芋煮鷄頭

嶺南五朝詩選

卷一

宋 曾 璩 詩 白玉蟾 圭

春鶴飲藥院夜猿啼石樓丹爐猶煖在
聊爲稚川留

圓照堂

脫白來求法披緇去出家此心如水月
結屋老烟霞
翠長真如竹黃開般若花寄言劉鐵磨
白識趙州茶

桃源洞

因訪羆仙傍柳隈不堪風景把人催
松杉十丈入斤
斧厦屋千間成劫灰道士潛心隱丹竈
兒童勸我舉
霞杯誰知自有長生訣獨步羅浮歸去來

曾璩鱗

通志云字子龍肇慶南
恩州人舉淳熙進士

遊王母岡

岡空雲散淨如銀石磴層層接九宸
翠竹影搖湘浦夜碧桃香藹武陵春
但看此日燒丹竈不見當年駕鶴人
遊遍瑤池歸去晚一聲長笑月華新

陳應辰

通志云字清滿東莞人嘉定都魁特奏進
士擢青紫峯亭于黃旗嶺與名士唱和時
始行鄉飲推辰爲正賓
年八十餘卒崇祀鄉賢

青紫峯亭

嶺南五朝詩選

卷一

宋 元 陳 應 辰 王 景 賢 圭

鐵壁嶙峋構小亭瀟然雲棟接風樞
煙光橫抹半峯
紫山色不磨千古青老去久無金馬夢
歸遲應愧州
堂靈明經拾芥成何事得似朝來對翠屏

元王景賢

通志云字希賢號愚谷海康人登鄉薦
累官至清江路推官以清樸崇祀鄉賢

老將

瀟瀟夜雨泣金瘡夢過交河古戰場
醉誤臂鷹呼走
卒閒思調馬鬣先皇黑山戍後田園廢
青海歸來歲
月日旰西涼初試獵猶存嬰轢一分狂

陳穎慶

字嘉甫東莞人至
正間辟舉校訓導

送徐子貴南恩州學正

筆牀茶竈米家船去結香芹碧藻綠高士舊聞人下
榻冷官誰謂客無愁詩成蜃氣樓臺外目送鳶飛潦
霧邊往事沙蟲堪一嘅海靈山下浪浮天

嶺南五朝詩選

卷一

元
陳穎慶

三

嶺南五朝詩選卷二

明

孫蕢 十七首

李德 十一首

黃哲 十四首

趙介 三首

王佐 六首

陳璉 七首

黎貞 十二首

嶺南五朝詩選

卷二 目錄

一

羅亨信 三首

丘濬 三十五首

盧祥 五首

嶺南五朝詩選卷二

番禺黃 登俊升氏訂定

明孫 黃

通志云字仲衍南海人人物傳云黃於書無所不讀為詩文不屬稿列朝詩集云洪武三年中進士入為翰林典籍復外補平原簿以事逮繫有旨輸左校板築蕭牆望都門謳吟為粵聲督工者以聞召至上前陳所作詩皆忠愛語上命釋之十一年罷歸田里後以黨禍殺之年五十六明興雜記云高皇帝誅藍玉籍其家有隻字往來者皆得罪黃與玉題一畫遂逮置重典議者令其疏辯黃不從臨刑口占云鼙鼓三聲急西山月又斜黃泉無客舍今夜宿誰家高皇帝問監殺指揮云孫黃死時何語

嶺南五朝詩選

卷二 明 孫黃

一

揮以此詩對上怒曰何不早奏竟殺指揮

白紵辭 錄秋一首

館娃宮畔風蕭蕭芙蓉隕香楊柳凋銀河影澹烏鵲橋
熒熒雙星麗碧霄美人微醉臉紅潮筵前舉袖吹玉簫
齊歌白紵鬪妖嬈越裳楚練風飄飄此時奉君情欲竭
銅龍夜深宮水咽銀牀低轉梧桐月

牧羊辭

隴羊尾篋篋山虎毛離離願得山虎死隴羊長自肥
蒼茫大化良亦苦怪底生羊復生虎

蠶婦詞

朝看箔上蠶暮收繭上絲絲成給日食不得身上衣
早知阿家蠶事若不若當初學歌舞

楊白花

楊白花花離離隨風化萍草蕩漾無還期仙桃醉日
穠瑜暖荔枝漿凍白金盃連臂歌還翠華館愁來玉
環低欸欸春宵長春宵短

寄王給事佐

休沐展幽眺步出鍾阜阿卉木春氣盎淮水揚素波

嶺南五朝詩選

卷二 明 孫黃

二

泛泛波上鷗游泳鮮羽儀端坐愧此鳥長遊成蹉跎
安得理歸轍翩然解珮珂揚舲過關右鼓枻入江沱
友于事讌集物候方陽和酌酒南園上與君同笑歌

輸役蕭牆

係組赴烏臺解佩辭禁垣弛刑許輸役獲譴尚承恩
跼蹐感明宥引咎復何言平明操板築日沒就微纏
寒氣襲敝裘重負賴我肩撫己諒無愧服勤思蓋愆
息杵入屏城仰瞻東華門祥風拂左肅卿雲護彤軒
顰鳳麗羽翰飛稜高中天重關起象魏光彩一何鮮

百辟羅周行鳴珂翕鏘然臯夔儼穆肅董賈來翩翩
白日光昭融下照寧有偏微命嗟薄劣獨茲阻周旋

捕魚圖

小孤舟前春水綠泛湖小船如小屋白頭漁父不解
愁往來捕魚湖水頭得魚換米納官稅妻孥衣食長
優遊大兒十三學網罟小女七歲能搖舫江口賽神
夜吹角村邊賣魚朝打鼓雨來維稍依古岸風起鳴
榔入長浦荻芽短短桃花飛鰕魚上水鮓魚肥鱸魚
燒笋醉明月蠻歌唱和聲咿咿月明在天光在水但

嶺南五朝詩選

卷二

明孫黃

三

次歸州

願年年只如此無風無浪安穩眠湖中有魚時得錢
歸州城門半天裏白雲晚向城下起市廛架屋依岩
巒婦女提甕汲江水巴山雪消江水長城中夜聞灘
瀨響客船樹杪鈎石稜漁父雲端曬網家家蕪田
山下犁倒枯大樹燒作坭居人養犬獲山鹿稚子縛
柴園野雞楚王臺高對赤甲四時猛風長颯颯柁工
鳴板避漩渦櫓聲搖上黃牛峽顛風翻山雲黑黑星
河無光江翁翕搖船夜半發忠州漩深浪緊船欲立

宣公祠下灘嘈嘈船頭着水低復高石稜割裂箕斗
影山鬼出雜魚龍號亦知風水莽回互王事有程那
得顧誰歌太白蜀道難和我靈均遠遊賦

下瞿塘

我從前月來西州錦官城下十日畱回船正值九九
節巫山巫峽風颼颼人言灩澦大於馬瞿塘此時不
可下公家王事有程期敢憚微軀作人鮓人鮓甕頭
翻白波怒流觸石爲漩渦柁公敲板助船客破浪一
撇如飛梭灘聲櫓聲歷亂聒緊搖手滑櫓易脫沿洄

嶺南五朝詩選

卷二

明孫黃

四

劃轉如旋風半側船頭水花沒船頭半沒船尾高水
花作雨飛鬢毛爭牽百丈上崖谷舟子快捷如猿猱
攏船把酒聊自勞因笑輕生博奇好吟詩未解追謫
仙天遣經行蜀中道巴東東下想安流便指歸州向
峽州船到岳陽應漸穩洞庭霜降水如油

白雲山

白雲山下春光早少年冶遊風景好載酒秦佗避暑
宮踏青劉鋹呼鸞道木綿花落鷓鴣啼朝漢臺前日
未西歌罷美人簪茉莉飲闌稚子唱銅鞮繁華往似

東流水昔時少年今老矣荔子楊梅幾度紅柴門寂
寂秋風裏

光孝寺

雨葉菩提樹天花薈蔔林塵機方外息幽趣靜中深
野色連香積秋聲雜梵音隨緣僧共飯予亦長禪心
過東阿懷雪蓬

故人今不見孤客悄誰憐事業清時困聲名舊邑傳
紫髯風獵獵紗帽月娟娟倘遂幽園約琴樽共晚年
羅浮

嶺南五朝詩選

卷二 明 孫黃

五

四百峯巒列海圖飛雲絕頂敞玄都丹砂五色時光
焰紫翠中天半有無觀裏松株皆住鶴山中竹葉盡
成符鐵橋歸去尋清賞爛醉仙人白玉壺

江上

江上青楓初着花客帆和月宿蒹葭過雲疎雨數千
點臨水小村三四家風起漁船依釣石潮回歸雁認
平沙秋懷已向南雲盡又是滄洲閱歲華

寄彭萬里給事時叅山西政

與君文采舊同朝翠館文章上九霄輦路香風隨鹵

簿天壇花雨聽簫韶鵲鸞一別京關遠雲月三年楚
水遙誰寄清詩慰寒閒汴河東去近無潮

思家古河

古河烟草暗南天此去鄉關路幾千燕子來時春寂
寂海棠開後雨綿綿滄江水遶吟詩社綠渚花明載
酒船更憶故人王給事愁來書破薛濤箋

園丘大祀

松柏蕭森倚半空天壇高峙帝城東宸旒肅穆千官
合鹵簿輝煌萬國同上界清都移碧落泰階黃道隱

嶺南五朝詩選

卷二 明 李德

六

晴虹相如莫獻青鸞賦不是祈靈太乙宮

李德

字仲修番禺人歷郡縣自陳不能吏願就
教職洪武中得為漢陽教諭晚更潛修世
稱理學先生

塘上行

露濕藕花香花折藕絲長豈無鳬與雁不似錦鴛鴦
亭亭水上葉

亭亭水上葉皎皎沼中藕花落子亦成色衰心不朽

中藏千萬絲處汚恒自守不學楊白花隨風入窓牖

雜詩

人生更代謝闢闢爲之機盛衰無嘗理生死乃其宜
始來本自無終往奚足悲擾擾依形立百歲以爲期
黽勉返吾初俟命復奚疑

種麻

種麻滿東園種花亦盈畝麻生但芄芃花發映戶牖
容華能幾時零落他人手豈如爲絺綌與君同永久

題陶淵明像

淵明節槩士遠慕羲皇風榮名奚足道甘分固其窮

嶺南五朝詩選

卷二 明 李德

七

得酒卽爲歡簞瓢嘗屢空朝出山澤遊暮歸衡宇中
豪華非所貴但願歲時豐秋菊或盈園栖栖誰與同
濁醪共斟酌日入會田翁此士不再得吾生焉所從

柳塘書舍圖

遠山出白雲近水明秋色煙波漫浩浩日暮歸舟急
隱約叢薄間茆茨倚蒼石中有柳塘翁看看似相識

燕歌行

秀脰紅唇臉花碧秋波湛湛傾人色高樓霧暖四時
春蝴蝶飛來歸不得裙回穀轉香風催流商按徵雲

徘徊鳴鐘考鼓玉丘顏誰識樂極生悲哀

秋情

蠟燭搖紅紗隙凍沈香帳底鴛鴦夢芙蓉波冷薄霜
凝一夜離鸞憶單鳳梧桐金井曙啼鴉夢郎封侯歸
妾家開門自掃枇杷花

寄孫仲衍

南園虛夜月風景罷登臨輦洛成陳迹青齊入苦吟
升沈凋壯節佳濟負初心薄宦容身得寧辭雪滿簪

寄馮朝泰

嶺南五朝詩選

卷二 明 李德

八

金陵昔會面一別杳無音故國秋雲合大江春水深
宦情同契濶老景各侵尋縱有衡陽雁何由寫宿心

春興

萬里春風二月花十年塵土一烏紗惟將素節酬知
己豈有黃金買歲華愁邊熟食無烟火江上堅城有
鼓笳憶我舊遊如昨日繡簾青舫越天涯

黃哲

秋月篇

字庸之番禺人龍鳳中太祝駐師金陵招
徠名儒乙巳哲就徵官至翰林院待制

金商鳴素節瑤律屈先秋始見西陵月嬋娟滄海頭
清規臨夜滿澄影際天浮媚浦沈珠迴凝波淨練收
常懸鵲署初照鳳凰丘碧落宵同映銀潢曉共流
梁園生綺夢陳榭感芳憂爽浹征人袂光含思婦樓
玉臺情未已鸞鑑影空留詎惜盈虧屢仍知晦朔周
關山隨別騎淇水送行舟願逐餘輝去蘭堂奉夕遊
十月二十二日四望山陪祀禮成呈諸執事

時北征
師還

玄明開朔序禋類卜辰良武成遵誓命汾時備馨香

嶺南五朝詩選

卷二

明
黃哲

九

惟皇儼雍穆對越思洋洋凝旒仰坤壇授律挾乾綱
風雲從龍虎樂舞登鳳凰珪幣有容秩綏綏紛煥煌
必芬旣明誠盼饗迴穹蒼茲焉迪昌運赤伏臻遐祥
徂征乃自葛義旅時鷹揚同德奮熊羆桓桓先啓行
阿衡重麾鉞跪觀旂常海岱仍率職堪輿齊秦康
繁祠陋衰典昭告紀興王羣英聿來助委珮鏘珣璜
多儀動文彩列宿開榮光庸繭忝趨承與歌聆頌章
宸猷願終述豁達垂無疆

寓治穀城寄京華親友

金陵別時春已半含桃吹花鶯語亂羣公送客勞勞
亭王事驅馳不敢緩折腰從政真可憐貂裘欲傲寒
無也青徐古道暗荊棘二月黃河水塞川戰場蔓草
紫白骨城都蕭條狐兔窟柳塞悲笳夕厭聞花門突
騎時還山獵火荒涼夜合圍聊城關外羽書飛將軍
轉戰略邢魏歷下游兵分道歸瘡痍未復更顛蹶忍
看呻吟日流血朝耕暮戰同死生撫字無才政多拙
有時登高望遠山浮雲萬里何當還令人却憶魯連
子一箭成名東海間

嶺南五朝詩選

卷二

明
黃哲

十

扶溪春望

溪頭望春春色深美人不見勞子心綠波渺渺向南
浦菴盡樓臺芳樹陰天涯滿目丹青嶂春日春花兩
搖漾翡翠蘭若不可思鴛鴦桂樹長相望相望相思
雲路遙金塘流水亂春潮採菱風急桂舟晚疑是當
年楊子橋橋邊楊柳青青好惆悵春心被花惱浦口
迴船欲訪君相思一夜蘼蕪老

河渾渾

洪武辛亥夏六月工部主事仇公中書宣
郎觀公奉旨按行黃河北環梁山遊新西

主領野曹淮達與清發民饑浚淺壩俾通糧漕予亦承乏分領東平之役濟寧則有守禦千戶張將軍董其事焉諸公偕會梁山余記元年春奉命沂河北來時兵始集津升師踰彭城北入汴南塔張口沂漫流而西三年余朝京師道出其左則塔張之津已淤舟之行今山梁山則迂其故流又及河關西以復長夕徙遷無常漕舟苦焉蓋其瀾漫奔決能困究豫徐冀數州之民而深不足引舟漕有司常具舫葺源標機以前導翊日則又從而他流矣塗路朽壤流沙數百里間篙楫舳舳無所施其功故議者欲上聞有復堰黃陵岡之舉噫此季元之覆轍何足與議哉因賦河渾渾

河渾渾發崑崙度沙磧經中原噴薄砥柱排龍門環

嶺南五朝詩選

卷二

明黃哲

十一

嵩絕華熊虎奔君不聞漢家博望初尋源揚旌遠涉西塞垣窮探幽討事奇絕云是天津銀潢之所接葱嶺三時積雪消流沙萬派從東決東州沃壤徐豫之墟懷山襄陵赤子爲魚夕沒鉅野朝涵孟諸茫茫下邑皆沉汚民不粒食鄉無廬桑畦忽變葭澤麥隴盡化龜鼉居宮中聖人方盱食羣公夙夜憂曠職星郎又乘博望槎西去盟津求禹迹始聞古道行千艘一朝轉徙纔容舸奔衝倏忽駭神怪淺不浮漚深沒篙我上梁山望曹濮長嘆滄桑變陵谷萬人舉師功

莫施猶擬宣防再興築宣防漢武威曷若堯無爲洪波閱九載端拱垂裳衣玄圭錫夏后安得辭胼胝龍門一疏鑿亘古功巍巍巍巍功可成河水渾復清

寄蕭集虛

昔寓朱明洞神遊碧澗阿庭臨棲鶴樹衣拂桂猿蘿鳳吹青雲曲龍吟白雪歌仍慚勾漏令塵夢入槐柯

北捷應制

王師幾日定秦郵詔發奇兵出壽州橫海樓船通楚甸羽林旌節渡淮流悲知慘動關山月戎帳威傳草

嶺南五朝詩選

卷二

明黃哲

十二

木秋聞道鷹揚能奮迅思歸燕將莫夷猶

舟泊龍灣寄孫仲衍

吳橋楚樨十年間又度秦淮虎豹關眼底故人成寂寞夢中塵業負幽閒九州風雨東南會七澤波濤日夜還江上思君雲路杳掀篷愁對蔣陵山

喜孫黃歸自京師

逐客南來覓舊磯玉堂天上故人稀春風粵鳥歸巢架秋水江魚入饌肥結屋旋開松菊徑汎舟重著芰荷衣羅浮道士還丹熟相許携琴入翠微

巫峽秋懷

白帝孤城蜀漢間
錦江秋色隔巴山
霜清灩澦輕波動
雨散陽臺紫翠環
王事歸心俱未已
世情岐路總相關
扁舟偶繫楓林下
臥聽猿聲淚暗潸

贈洗口于巡簡

東郡于公最有名
爲儒曾事魯諸生
鶴書一聘雲間下
龍劍雙飛海上行
明月畫船依桂浦
碧山紅樹繞花營
齋中舊客今誰在
青眼相逢萬里情

遊飛來寺

嶺南五朝詩選 卷二 明 黃哲 三
峽束滄江萬壑雷
梵王樓閣倚天開
山從中宿城邊起
水自連州港上來
楓葉散時猿獻玉
雨花飛處客登臺
青鞋未識和光洞
賦就金門亦壯哉

遊洪範池

洞門斜日照金潭
千尺藤蘿掛石龕
騎馬獨來高處望
滿山松栢似江南

題野塘景

花落春塘隱暝流
湖光山色未銷憂
雙雙白鳥忽飛去
撩亂文鴛不自由

趙介

字伯貞番禺人
崇尚道學而老
于布衣廣中五
先生之一也

懷仙吟

我昔采藥羅浮巔
仙人招我遊諸天
天門洞開三十六
琳宮貝闕相連延
瑤臺百丈空中起
玉女燒香月明裏
天王宴坐擁羣真
環珮珊珊滿人耳
中有一人號雷師
龐眉皓首拜玉墀
奏云侍從五千劫
未聞至論窮玄機
天王含笑揮玉拂
舉首向空如畫一
羣真意領寂不喧
但見奇花散空碧
我時目覩心欣然
萬

嶺南五朝詩選

卷二

明 趙介

三

物得一天何言乃
知至道本無物
豈有文字人間傳
人間所見皆幻影
欲吸晨霞駐清景
須臾月落仙馭旋
蕊闕瑤臺風露冷
回看閭闔不可攀
白雲與我留山間
倚劫長歌一壺酒
龍吟萬壑松聲寒

聽雨

池草不成夢春眠
聽雨聲吳蠶朝食
葉漢馬夕歸營
花徑紅應滿溪橋
綠漸平南園多酒
伴有約候新晴

瑤池

宴罷瑤池暮雨紅
碧桃花落幾番風
重來八駿無消

息擬逐青鸞入漢宮

王佐

字彥舉家世本河東元末侍父宦南雄遂
占籍南海與孫茂李德黃哲趙介結詩社
於南園開抗風軒以延一時名士世稱爲
南園五先生洪武六年徵至京師拜給事
中宋濂嘗拜賜黃馬上爲歌賜詞臣和之
佐斯須而就有一臣騎黃馬當赤心之句上
覽之喜賜鈔一錠居二
載乞骸骨賜鈔遣還

醉夢軒爲錢公鉉賦

東吳錢高士索賦醉夢詩十年不是不題句我亦醉
夢無醒時問君醉夢緣何事君言不解其中意但知

嶺南五朝詩選

卷二

王佐

古

痛飲復高眠卽此悠悠是生計滄溟傾瀉供杯盃
乾坤偃仰如蓬廬神遊溟滓鈞天外心寓鴻荒太古初
人皆掉舌談臧否君方默坐精丘底人皆明目辨妍
媸君獨瞢騰黑甜裏君不見汨羅江邊人獨醒捐軀
博得千載名又不見王戎鑽李執牙籌晝夜營營算
不休人生適意此爲樂何須苦覓揚州鶴竹葉杯中
閱四時蘆花被底舒雙腳錢公錢公真我師平生此
意君得之連牀未遂論文約潤筆先求買酒貲我生
落魄惟貪飲百事無聞只酣寢生死真同力士鎗榮

枯付與邯鄲枕邯鄲枕上意如何笑殺當年春夢婆
貪看北海清尊滿誰願南山白石歌吾聞醉夢之鄉
一萬八千里中有仙人長不死李白佯狂樂自如陳
搏鼻息呼難起行行又入無何有之鄉麒麟作脯瓊
爲漿借得仙人笙與鶴三清八極同翱翔

應制賜宋承旨馬

聖明天子齊唐虞四方混一同車書大宛西域總臣
附萬馬入貢皆名駒天閑十二森成列牝牡驪黃色
俱別羅帕輕籠錦作羈絲韁穩鞚金爲勒玉堂學士

嶺南五朝詩選

卷二

王佐

古

眞老臣日日趨朝侍紫宸承恩特賜飛黃馬騎出通
衢不動塵飛黃之精直天駟四足騰驤若星駛况拜
親題御製詩奎壁垂芒照人世須知君恩如海深臣
騎黃馬當赤心風雲會遇有如此彤筆宜書煥古今

戊戌客南雄

寂寞江城晚依依獨立時迴風低雁鷺返照散旌旗
家在無人問愁來只自知幾回揮涕淚忍誦北征詩

憶舍弟彥常

庭草秋仍綠江楓晚漸稀年光隨水去功業與心違

遠海猶傳箭殊方未授衣翩翩南去雁故作一行飛

午日呈鄭久誠參政

百頃芙蓉罨畫船賀家湖上水平天金盤送果沈冰碗羅扇題詩散舞筵往事氛埃成遠夢佳辰風雨憶華年澗蒲九節根如玉服食于今笑學仙

書所見感舊

小小銀箏壓坐偏曾將古調寄新絃芙蓉綠水秋將老鸚鵡金籠語可憐兩鬢秋霜明鏡裏十年春夢夜燈前湖山隱約人如畫空負當年罨畫船

嶺南五朝詩選

卷二

明陳璉

六

陳璉

字廷器東莞人洪武庚午鄉薦官至禮部侍郎著有琴軒集歸田稿行世

會同館對雪

新陽力猶微陰氣尚鬱結昨宵風雨來吹作遙空雪芳砌飛玉塵虛簷落水屑軒墀肅且靜對此更奇絕寒光耀文窓素色映華桷錦帳氍毹溫醉面生綺纈每念沙場人衾裯冷如鐵

鴻門宴

巖秦蠶食六國空劉項崛起誰雌雄芒碭已見天子

氣楚氛猶襲咸陽宮鴻門何人出秘計天意先已酣重瞳劍光揮霍射人目座間颯颯生寒風帳前玉斗一聲碎風雲已去隨真龍漢基四百由此造當時獨數畱侯功

送黃指揮鎮守淮安

東楚古形勢雄名天下聞羽山青近海淮樹綠屯雲藩翰新開府將軍舊策勳籌邊風致在公暇好論文

多景樓

獨倚闌干久涼風滿客衣樹從京口斷山到海門稀

嶺南五朝詩選

卷二

明陳璉

七

雁影橫秋色蟬聲送夕暉蕪城纔咫尺樓堞望中微

開平道中

白入開平道西風一夏涼饑駝鳴石磧老馬放沙場霧起連山黑塵飛障日黃不因親屣從安得到舊鄉

早朝

天街雨過浥香塵金殿初開曙色分露濕霓旌穿柳過風傳韶樂隔花聞諸侯入貢陳方物聖主臨軒重禮文幸忝儒臣逢盛治願歌天保答皇仁

謝恩偶成

昨日承宣到玉京
賜金增秩荷恩榮
衣頒內藏傳中使
宴賜容臺近列卿
沈水香清焚寶篆
葡萄酒醖瀉瑤觥
微生何幸霑休澤
願效涓埃答聖明

黎貞

字彥晦新會人茂才部舉不就退築釣臺高隱

學益軒

學益如學績績之以盈筐
進進日不已機軸隨斯張
經緯合厥度丈尺日以長
涅就五彩色裁成雲錦裳
又如學種粟菑畲得其良
播耘各以時勿握更勿忘

嶺南五朝詩選

卷二 明 黎貞

六

有秋遂大獲穰之盈
倉箱郭侯將門子勇健七尺強
啗啞若虎吼擊刺如鷹揚
瞿然恥小勇匹夫徒自狂
拂軒讀經史咀嚼其餘芳
于以學尚父六韜耿餘光
于以學孔明八陣猶彰彰

至郡伯驛見新月

暗魄光微露長空影漸流
蛾眉初二夜蟾窟一痕秋
客路驚時序親庭動別愁
遙憐小兒女日日望歸舟
張守忠新軒成走東答之

喬木陰陰結構深
畱侯百代轉于今
階前鶴唳碧苔

色籠下犬眠紅杏陰
半生不陳賈誼策一醉但撫陶
潛琴借問山靈產何物
今朝報我雙南金

贈曾確之官交趾

將軍馬上凱歌還
絕域塵清宇宙寬
銅柱山河皆郡縣
雕題人物盡衣冠
均施雨露回枯槁
廣植桑麻慰餒寒
聞說九重深有意
盡將此責付郎官

應徵北上道經清溪驛

蒲帆破曉到清溪
溪上人家曙色迷
獨有幽禽知我意
野花叢裏盡情啼

嶺南五朝詩選

卷二 明 黎貞

九

觀獵西苑呈西菴孫先生

局車先報獵前山
雲擁旌旗萬馬屯
獨有相如能進諫
聲華不愧漢衣冠

謁三閭祠

幾家茅屋楚江皋
遺廟丹青俯碧濤
惆悵獨醒人已遠
空餘哀怨寄離騷

到揚州

落日江都半是霞
野人猶說帝王家
長堤一道青如染
尚有垂楊集暮鴉

竹枝歌

湘江女兒單紵衣娥皇廟前歌竹枝春聲只會閒相惱不管人間有別離

又

瞿塘猿聲天上哀白帝城下水如雷百櫂漩渦入鮪夷莫着郎船八月來

漫興

達官於我既無分亦學淵明歸去來香杭準備十月熟黃菊商量九月開

嶺南五朝詩選

卷二

明黎貞羅亨信

二十

還鄉有感

十年戎馬不離鞍沙漠長城萬里寒今日歸來渾未老青山還許白頭看

羅亨信

字用賓東莞人登永樂甲申進士官至中丞

古意

傍石蒲艸瘦傍湖蒲艸肥因依各已定不願更相移

少年行

金張游俠子隸籍李輕車絃服過侯第鳴箏入主家

醉呼槐市酒夜宿杜陵花更有期門約悲歌別狹斜

畫馬

渥洼神駿氣如山顧影驕嘶朔漠寒只恐化龍無覓處故教寫入畫圖看

丘濬

字仲深瓊州人少孤七八歲能詩敏捷驚人正統甲子舉於鄉景泰五年進士通志云時商輅主試閱所為文皆歎曰必丘濬也及揭名果然廷試擬升多士或為貌寢寢第二甲第一累官至首相弘治四年年七十餘仍以尚書兼文淵閣大學士直內閣八年卒于官贈太傅諡文莊公有瓊臺集行世

嶺南五朝詩選

卷二

明丘濬

二十

采蓮曲

荷花香荷葉長紅妝奪儂目綠刺牽儂裳纖纖玉手搖蘭槳傍葉看花恣遊賞須臾采得滿船歸一曲清歌隔江響采蓮采蓮難療饑不如采桑堪作衣

又

蓮花紅蓮葉碧紅似妾容妝碧如妾裙色輕紅易落碧易衰情人道來竟不來停桡轉棹日過午藕絲斷盡蓮心苦

古意

客從遠方來贈我雲錦章五色光奪目上有雙龍翔
秘之不自用篋笥謹惕藏幸然遇良工爲我裁衣裳

輓伏羌伯

一代知名將三邊屢建功帝憐何力義人比穰侯忠
異鳥鳴牙上盤蛇墮鏡中九原終不作大樹起悲風

早朝

落日傍西山初開虎豹關銅壺龍滴水朱戶獸銜環
玉珮趨馳道香烟拂近班去天纔咫尺不敢望龍顏

過南康望廬山瀑布

嶺南五朝詩選

卷二 丘濬

五

何處飛泉好廬山自昔聞懸空一水立驀地兩山分
直瀉崖前月平霑樹杪雲源頭如可到乘興訪康君

輓友人

高人厭世氛一夕歛天真花落閒庭晚烏啼空谷春
詩囊多藥譜茶竈冷香塵埋玉湘江上悲風起白雲

感遇

生來海邊住慣識海中舟纔喜開洋便俄驚閣淺愁
風雲多變態波浪少安流却羨垂綸者年年守步頭

人日有懷

七日逢人好三年作客賒塞雲晴度鴈城日曉翻鴉
雪化經冬水梅開隔歲花欲歸歸未得惆悵惜年華

金山寺

泯江萬里下梵剎半空開吳樹風吹斷淮山水蕩迴
潮聲雜鐘磬波影動樓臺千載張公子題詩會再來

除夕

歲去何勞守春來不用追明朝想今夕便是隔年期
歲月添中減人情黯處癡元正與除夕相去幾多時

又

嶺南五朝詩選

卷二 丘濬

五

歲事又云暮歸程未有期想應兒女輩此際正相思
功業知難就精神覺漸衰便從明日起奮發莫遲疑

又

節序三冬盡鄉關萬里遙一年餘此日百歲幾今宵
天暝雲垂地春回斗轉杓孤燈伴岑寂坐待五更朝

客有談及家林者偶賦

八月秋高露氣涼悲時感物倍思鄉白頭倦值文淵
閣清夢頻歸學士庄椰壳脂凝將減水椰胎子出正
分房尚方珍饌經營過却憶家林野味長

送趙公子還蜀

少作

柳花飛白綴征袍
擊筑酣歌別思豪
老氣逼人雙劍古
好風送客一帆高
五湖烟水歸程遠
三峽雲山入夢勞
別後相逢更何處
引杯燒燭論龍韜

過沛縣弔故友張克勤

青山迢遞綠蕪深
欲弔孤墳無處尋
萬里遊魂今古恨
百年交誼死生心
雲霄竟折升天翼
文彩空餘擲地金
幾度泗河河上過
悲風悽慘動哀吟

和李予構都門春日韻

嶺南五朝詩選

卷二

明丘濬

五

碧桃花底共鳴珂
雲淡風柔氣候和
輦路雨餘生嫩草
官河水泮動微波
近天樓閣逢春早
向日園林得暖多
我有新詞三百闕
興來呼酒對君歌

舟中遇重九示同行友曾光啓

秋水蘆花似故鄉
客中無那又重陽
籬邊摘菊人應異
蓬底看山興更長
把酒不如前會健
登高無復少年狂
同行賴有曾光啓
共買村醪醉一場

初入翰林

萬里家居五嶺南
也陪英俊預朝參
棘闥發解曾居

一楓陞傳臚尚讓
三入館甚通全殿
籍拜官常帶玉堂
銜不才遭遇真多
幸編纂無能祇自慚

又

崢嶸傑閣殿東頭
聖代儲才禮數優
四庫有書資檢閱
九關無禁任觀遊
日華暖映三珠樹
雲氣晴浮五鳳樓
海上仙山真浪語
玉堂深處卽瀛洲

丁未秋偶書

萬事皆天豈自由
何須屑屑咎孫劉
黃金不博五更睡
白首空懷千歲憂
事到難爲休犯手
人當知止急回頭

嶺南五朝詩選

卷二

明丘濬

五

回頭故山猿鶴休
嘲怨早晚乘桴海上浮

海詩

乾坤巨浸海茫茫
萬斛樓船百尺檣
雲脚四垂天作界
浪頭雙港水分洋
大海中心兩際浪頭相撞擊而還分開一路號曰分水夜深寶氣騰光焰
歲久龍縈結古香
一自大觀歸老眼尋常一口汲江湖

五指參天

五指山名上有五峯屹立雲表爲四州之望

五峰如指翠相聯
撐起炎荒半壁天
夜盪銀河摘星斗
朝探碧落弄雲烟
雨餘玉筍空中現
月出明珠掌

上懸豈是巨靈伸一臂遙從天外數中原

過采石

蛾眉亭下弔詩魂千古才名世共聞江上波濤生曉色磯頭草木帶餘醺光分日月嘗如見思入風雲迴不羣岸芷汀蘭無限意臨風三復楚騷文

金陵卽事

六朝宮闕久蒿萊紫蓋黃旗帝運開鴟鵂漏傳雲外觀鳳凰簫奏月中臺千山峯勢連吳遠萬里江流自蜀來此日金陵非昔日子山詞賦莫興哀

嶺南五朝詩選

卷二 明 丘濬

三

十五夜望月

九十秋光此夜分一年月色更無倫東西望處日同道上下弦間光滿輪玉斧修完無少缺仙娥妝具倍精神杯中好吸團圓影明夜重看少可人

十六夜望月

昨夜纔開賞月筵今宵再見覺微偏廣寒宮減一分景后羿妻添二八年隔宿光明那遽少隨時情態易爲遷餘醒未解重歡賞何用區區較缺圓

十七夜望月

光景虧於兩日前空庭信宿罷華筵金蟾影歛初生魄仙桂香銷欲下弦望後未經三十度出時已是一更天休辭連夜頻頻賞從此寒光不再圓

七夕

得失乘除理自然別多會少不須憐相逢三萬六千日便是人間一百年

題明妃圖

莫向西風怨畫師從來賜谷日光遺當時不遇毛延壽老死深宮誰得知

嶺南五朝詩選

卷二 明 丘濬

七

題虞美人墓

自古英雄數霸王喑鳴叱咤萬人亡只消幾句悲涼語未盡平生鐵石腸

小景

獨坐空山萬慮忘時從林隙見天光白雲滿地紅塵少覺得閒中意味長

又

行過山邊又水邊眼中非樹卽寒泉囊琴謾道樵青抱流水高山不在絃

詠史

萬人叢裏擊龍車說道民愚却不愚天下簡編焚燬

盡圮橋依舊有遺書一作編簡總成燬燼未見橋曾有未燒書

題靖節歸來圖

桓公事業晉山河觸目傷心可奈何籬下黃花門外

柳時時相對醉吟哦

盧祥

字仲和東莞人年三十始習舉子業正統戊午領廣西鄉薦登進士官至大中丞有行素集行世

嶺南五朝詩選

卷二 明 盧祥

天

莞草

菀彼莞草其色芃芃厥土之宜南海之東

又

菀彼莞草芃芃其色不蔓不枝宜簟宜席

又

宜簟宜席資民之食邑之攸名實維伊昔

古道

行行半途中忽值陰霾起淫雨經旬餘大道生泥滓

我馬沒其脰我車濡其軌豈無小徑通攀緣良可恥

又

歛容就道隅候此風雨止人生不偶多長嘆將何以

馳車出東城車聲何麟麟攬轡就古道古道多荆榛
十進九反却礫礫摧吾輪所造未千里計程已逾旬
豈不欲改轍良媿前修人吾寧重遲滯此道終當循

嶺南五朝詩選

卷二 明 盧祥

三九

嶺南五朝詩選卷三

明

陳獻章 一百三首

戴璉 九首

康麟 一首

戴縉 九首

黃箴 一首

方用中 五首

黃泰 三首

嶺南五朝詩選 卷三 目錄

梁儲 六首

黃粵 三首

湛若水 十二首

方獻夫 十四首

倫文叙 一首

李孔修 二首

陳則 三首

黃奉 二首

霍韜 八首

方茂夫 二首

祁順 十二首
編在前

龐尚鵬 四首
編在前

鍾禧 五首

鍾曉 四首

嶺南五朝詩選 卷三 目錄

三

嶺南五朝詩選卷三

番禺黃 登俊升氏訂定

陳獻章

字公甫新會人正統鄉薦身長八尺目光如星右頰有七黑子如北斗狀穎悟絕人再上禮部不第歸隱白沙成化十八年辟召至京不肯就禮部試乞歸養母詔特授翰林簡討自後屢薦不起弘治十三年卒著白沙子諸書行世莆田林俊稱其涵養粹完脫落清濁獨超造物牢籠之外而寓言寄興於風烟水月之間蓋有舞雩陋巷之風焉然觀先生之為人志節激昂抱負奇偉借詩講學間作科譚帽脚有類語錄者嘗與人言曰論詩當論性情論性先論風韻無風韻則無詩矣又曰學古人

嶺南五朝詩選

卷三

陳獻章

十一

詩先理會古人性情是如何有此性情方有此聲口人亦有言白沙為道學詩人之宗余錄其詩則直以為詩人耳矣王元美書白沙集後云公甫詩不入法文不入體又皆不入題而其妙處有超出於法與體及題之外者余少學古殊不相契晚節始自會心偶然讀之或倦而躍然以醒不飲而陶然以醉不知其所以然也弁州晚年進學悔其少作故能醉心於白沙若是余并識其語錄於中以告於世之謬為古者

示湛雨

有學無學有覺無覺千金一瓢萬金一諾天命流行
真機潑活水到渠成鳶飛魚躍得山莫杖臨濟莫喝

萬化自然太虛何說繡羅一刀金針誰撥

示黃昊

高明之至無物不覆反求諸身霸柄在手

與民澤

聖人之學惟求盡性性即理也盡性至命理由化遷化以理定化不可言守之在敬有一其中養吾德性

答張內翰廷祥書括而成詩呈胡希仁提學
古人棄糟粕糟粕非真傳眇哉一勺水積累成大川
亦有非積累源泉自涓涓至無有至動至近至神焉

嶺南五朝詩選

卷三

陳獻章

二

發用茲不窮絨藏極淵泉吾能握其機何必窺陳編
學患不用心用心滋牽纏本虛形乃實立本貴自然
戒慎與恐懼斯言未云偏後儒不省事差失毫釐間
寄語了心人素琴本無絃

自策示諸生

賢聖久寂寞六籍無光輝元氣五百年一合又一離
男兒生其間獨往安可辭邈哉舜與顏夢寐或見之
其人天下法其言萬世師願予獨何人瞻望空爾為
年馳力不與撫鏡歎以悲豈不在一生一生良遲遲

今復不鞭策虛浪死勿疑請同白日駕魯揚戈正揮

貪泉

蒸藿可養生栢棺可送死瓦礫是黃金貪泉亦清泚
飲水心不易豈獨夷齊爾山鬼笑儂家儂家笑山鬼

九日諸友會飲白沙得鴈字

黃菊有佳辰良朋樂呼喚爭持淵明杯來接子桑飯
落葉迎馬鞭斜暉轉沙岸雨聲靜秋竹池影入江雁
酒酣獨高歌呼兒續我斷諸君極留戀十觴亦不算
雖無孟嘉量且免落帽亂百年能幾何去者已強半

嶺南五朝詩選

卷三

明 陳獻章

三

來會安可期細把茱萸看

贈陳秉常

遠色霽初景清風振遙林子來入我室弄我花間琴
正聲一何長幽思亦已深願留一千歲贈子瑤池音

藤蓑

一蓑費幾藤南岡礪朝斧交加落翠蔓制作類上古
吾聞大澤濱羊裘動世祖何如六尺蓑滅蹟蘆花渚
舉俗無與言天隨夢中語今夜不須歸前溪正風雨

又

人好蓑亦好月光水亦光水南有酒媼酒熟喚我嘗
半酣獨速舞舞罷還舉觴所樂在知止百年安可忘

又

枕蓑欲何爲新月出東嶺獨速舞不休凌亂何由整
曠哉漆園吏自形還自影

移居

萬金論買鄰千金論買宅豈不念子孫而以營朝夕
長揖都會里來趨白沙役壤地何必廣吾其寄一席
鄰曲彌樂今園林尚懷昔吾志在擇善無然復離析

嶺南五朝詩選

卷三

明 陳獻章

四

秋興

西風振庭木虛堂夜蕭蕭攬衣起步月歸雁雙飄颻
天地豈予獨知音不可招冥心祈有合悵望空雲霄

又

盛時不得志衰老徒傷悲志士曷爲爾載籍多見之
翹首望崑崙白龍有遺池振衣一千仞高詠秋風誰

又

海上有一士來往不知年或就胥靡飯或投上方眠
游處各有徒孰謂世情然飲酒不在醉弄琴本無絃

借問子爲誰得非魯仲連

示李孔脩近詩

昔別秋未深今來歲方晏
吾衰忘筆硯月記詩半板
或疑子美聖未若陶潛
淡習氣移性情正坐聞道晚
爲我試讀之如君當具眼

正月二日雨雹

是日雨水節

雨水不雨水雨雹胡乃然
小者如蓮實大者如彈丸
仍聞大江言有雹大如拳
吾君古帝堯神功格皇天
雹往而霰來無乃爲豐年

後二日果雨霰

嶺南五朝詩選

卷三

明陳獻章

五

五日雨霰

元氣塞天地萬古常周流
閩浙今洛陽吾邦亦魯鄒
星臨雪乃應此語非謬悠

寄題嚴州嚴先生祠壁

既上桐江臺復弄桐江釣
不食桐江魚不怕嚴光笑
衣巾人笑儂羊裘終未了
堂堂范公碑今古稱獨妙

偶得寄東所

知暮則知朝西風漲暮潮
千秋一何短瞬息一何遙
有物萬象間不隨萬象凋
舉目如見之何必窮扶搖

冬夜

我從省事來過失恒十九
喜怒朝屢遷言爲夕多苟
平生昧慎獨卽事甘掣肘
孔子萬世師天地共高厚
顏淵稱庶幾好學古未有
我才雖鹵莽服膺亦云久
胡然弗自力萬化脫樞紐
顏顏無復少此志還遂否
歲月豈待人光陰隙中走
念此不成眠晨星燦東牖

龜山夜月

此日此龜山萬古此明月
開簾望龜山岱宗固無別
但恐山多雲風吹亂人睫

嶺南五朝詩選

卷三

明陳獻章

六

眞樂吟效康節體

眞樂何從生生於氤氲
間氤氲不在酒乃在心之玄
行如雲在天止如水在淵
靜者識其端此生當乾乾

羅水漁歌

有月來照人沉竿坐羅水
意與羅水深夜靜歌亦起
江湖雖云樂天地懼終否
豪哉賓陽子發蹟異姜呂

下黃龍

天風吹我笠吹下黃龍頂
黃龍洞兩手提笠行不知白
日暝赤松見我笑却立千丈影
童子問赤松雲深各

不領

天人之際

天人一理通感應良可畏千載隕石書春秋所以示
客星犯帝座他夜因何事誰謂匹夫微而能動天地
贈羊長史寄遼東賀黃門欽

此心自太古何必生唐虞此道苟能明何必多讀書
寂寂委山澤于于來京都斯人各有分彼此何能踰
杪秋風日清呼兒理肩輿聊爲玉臺遊言笑誰與俱
屈指意中人一坐一踟躕歸來看四壁四壁光如如

嶺南五朝詩選

卷三

明

陳獻章

七

聖道日榛塞誰哉剪其蕪夫子久不見吾生何以娛
常恐歲月晚况與音問疎申以伐木章一日三卷舒

贈世卿

青青墻下竹冬後色如是燦燦月中花歲寒香不匱
新知語未足遠別情難置獨上江門舟北風正凌厲

漫題

晚田二
孫名

日月逝不處奄忽幾華顛華顛亦奚爲所希在寡愆
韋編絕周易錦囊韜虞絃飢食玉臺霞渴飲滄溟淵
所以慰我情無非晚與田提携衆雛上啼笑高堂前

此事如不樂它尚何樂焉東園集茅本西嶺燒松煙
疾書澄心胸散滿天地間聊以悅俄頃焉知身後年

和陶歸田園

我始慙名羈長揖歸故山故山樵采深焉知世上年
是名鳥槍榆非曰龍潛淵東籬采霜菊兩渚收菰田
游日高原外披懷深樹間禽鳥鳴我後鹿豕遊我前
泠泠玉臺風漠漠聖池烟閑持一觴酒懽飲忘華顛
逍遙復逍遙白雲如我閑乘化以歸盡斯道古來然

和陶懷古田舍

嶺南五朝詩選

卷三

明

陳獻章

八

君子固有憂不在賤與貧農事久不歸道路竟徒勤
青陽動芳草白日悲行人沮溺去千載相知恒若新
出門轉窮厄得已聊一欣甘雨濡夕吟繁花羃春津
獨往亦可樂耦耕多近鄰百年鼎鼎流永從耕桑民
秋夕偶成明日鄉試揭榜

缺月不滿簾南牕聊隱几猶聞戶外春斷續秋風裏

夫子試初畢老妻浪驚喜滔滔中夜心四海皆名利

贈陳冕

南有滄溟水北有崑崙山我屋正在溪山間瞻望不

遠行實難白雲朝暮常漫漫桃花欲開梅又殘問君
此去何時還

與黃叔仁乃父題東溪卷

春煙漠漠溪溶溶鳥鳴終朝低竹叢桃花亂落溪水
紅白首一人扶一筇醉中忘却溪西東誰載咿啞進
酒逢朝歌夕舞煩兒童吾廬若在茲溪上如此風光
不讓公

答惠菊

玉臺山中冬酒熟玉臺氤氲聞紫菊香帆帶雨來山

嶺南五朝詩選

卷三

陳獻章

九

家九尺一莖紛天葩主人持酒向花笑坐下無花詩
不妙近者擊壤歌二千菊花之音如響泉陳村老人
植菊手玉蘂金華光照牖世人有眼不識真愛菊還
他晉時人一瓢醕酌廬山下萬乘之君不得臣

偶得

衡山西遊何時還暫寄漁叢水石間又恐風吹江日
殘扁舟打落蘆花灣教兒且築大雲山

自伍光字墓還登蓬萊絕頂

故人墳前澆我酒白日欲西回馬首嶮危道險不可

躋下馬長鬚扶兩肘三步一噫五步停引吭出舌肺
腸鳴此時平地慮顛踣仰首十丈梯崢嶸以手捉僕
肩以足踏崖頭躋攀欲上分寸難又恐翻身落深阱
山北鳴鶴鵠山南叫輟輟豹虎伏莽狐狸遊天地袞
袞令人愁小童魚貫上復休絕頂始得巖巒幽開顏
一望隘九州弱水涓涓扶桑樛中覆一杯滄溟流穹
然青者吾羅浮神仙葛白俱蟬蛻湖西先生去十秋
五羊詩客徒淹留數公陳迹或可搜死者已矣吾何
憂後來諸生繼前修努力莫倦蓬萊遊

嶺南五朝詩選

卷三

陳獻章

十

聞方伯彭公薦剡

當時尊孔孟用世必詩書夫我何爲者先生非過與
長歌扶晚醉短髮向秋疎坐惜籬前水持竿試釣魚

古椰寄周京

西來何處水千里不平流入海魚龍喜懷山草木愁
雨邊明落日石角上孤舟寄語周京道勞生不自由

晚步

水國秋先至江村晚更幽泥筌收郭索山網落輟輟
涼入社門樹陰連渡口舟獨憐經略地吾得放歌遊

至容貫宅

在昔偶相遇如今共白頭敝衣寒露肘破屋早知秋
家業憑觚翰厨烟管去留老夫如辟穀與子入羅浮

華山飛翠

何處青天外穹然起一丘山名疑屬我詩景盡歸樓
九夏雲長潤千巖翠欲流野夫好遊走衰病只羅浮

卽事

龍溪一片水何處是真源沉吟搔白首竚立向黃昏
宿鳥爭投樹歸牛漸滿村少年誰氏子歌吹隔江繁

嶺南五朝詩選

卷三

明陳獻章

十一

四月

四月陰晴裏山花落漸稀雨聲寒月桂日色暖醪醑
病起初持酒春歸尚掩扉午風吹蛺蝶低趁乳禽飛

又

生意日無涯乾坤自不知受風荷柄曲擎雨栢枝垂
靜坐觀羣妙聊行覓小詩臨階愛新竹抽作碧參差

初秋夜

自我不出戶歲星今十週丹砂求未遂綠鬢去難留
時節來將晚山河值早秋西風捲雨去星月滿池流

寄太虛上人

太虛石洞居孤絕少人依遠客攜琴至逢師乞食歸
一箇青草上四面白雲飛盡日無言說巖花落蒲衣

尋梅飲李鴻宅用服周韻

今晨風日佳策杖去尋梅獨樹山中老危枝石上開
時看殘臘盡人望早春來誰解忘情得神功付此杯

汪巡按見訪

嶺南經畧地柱史不謀身料理安危事更張文武臣
風行光動草寒極正開春傾蓋江樓暮揮杯勸故人

嶺南五朝詩選

卷三

明陳獻章

十二

中秋撥悶用舊韻

疎星圍碧玉秋氣正平分共持今夕酒又減去年人
白髮來千丈青山忽數墳年光付流水萬物信乾坤

又

晚有悲秋意秋來此夜分可憐清夜酌盡是白頭人
紫蓋終攜病朱陵願卜墳誰能天地外別去覓乾坤

諱日

雖貧還講諱茲事俗之常時節難虛度杯盤祇自傷
五鼎終難具千秋敢易忘痴兒雖未了清白永流芳

題新村書齋壁

日色催江渡潮痕上石梯
趁墟村婦出索哺穉兒啼
樹接黃村塢船移白石溪
落花誰省記何必武陵迷

南歸寄鄉舊

自愛愚公谷誰過野老家
時依當戶竹閒數上牆花
鳥立溪槎靜牛爭崦路斜
懷中嬌小女學語解呼爺

又

居士舊茅齋蕭然倚玉臺
獨尋寺裏去每到日西回
魚躍水萍破風推巖戶開
小橋殘板在長訝有人來

嶺南五朝詩選

卷三

明陳獻章

三

社西村

君家里社西我家里社東
平分社公雨不隔馬牛風
瓜地妻能種衣巾俗與同
雲邊采芝逕高盡玉臺風

又

社西逢酒伴埭北有花枝
詎識愚公意聊同牧豎嬉
圍碁松崦久度馬板橋遲
袖有葳蕤草還家不告飢

春陰偶作寄定山

浩浩川流疾冥冥嶺樹陰
共憐春錯莫更覺老侵尋
宿雨衰花氣朝陽絕鳥吟
誰能盡天道俛仰此懷深

喜梁文冠至

駐槩梅村夜風光勝早春
直知花是路不覺月隨身
草木皆知舊江湖多賤貧
短簑來往數等是最閑人

有懷世卿

伏枕廬山下春懷慘不舒
哀絃久去耳風韻今何如
灼灼花自媚嚶嚶鳥相娛
高臺夕流盼古道行人疎

悅城

山作旌幢擁江紆鏡面平
舟航乘曉發雲日入冬晴
鼓到江心絕槎衝石角橫
經過悅城曲無語笑平生

嶺南五朝詩選

卷三

明陳獻章

四

經故居

到溪田作圃環堵樹爲門
老憶先廬在貧知草座溫
三遷時已後二紀恨空存
舊事無人話斜暉滿故園

庚子元旦

風日佳元日乾坤自此春
蒸空雲氣濕照水柳芽新
笑語聊供客杯盤少對人
能寬垂老意花鳥不無神

晨起

羣雀曉啾啾閉門春事幽
下牀花到眼招手鶴朝頭
永日還書卷衰年但酒甌
醉來江柳下笑引子陵鉤

春懷次韻陸放翁

江發溶溶綠山開面面青春風何氣力吹動綵雲亭
時物歸春雨交游散曉星十年江海夢誰道不曾醒

春日書事

開年今日雨疎柳小塘春紫燕將歸社黃鸝欲喚人
未明事南畝還日聘西賓元亮朝朝醉江村白酒新

春日醉中言懷

古人不可見空見古人心春風開我殘流水到誰琴
無說可傳後何才敢議今玉臺花信少扶杖更西林

嶺南五朝詩選

卷三

明陳獻章

五

與客談詩

風雅餘三百唐音復幾家夢猶將影說癢莫隔靴肥
豈是安排得胡爲孟浪誇超然不到處應是用心差

西山驛晚望

曉來花雨濕詩囊晚上郵亭望大荒南盡海旁諸郡
淺西來天上一江長漁歌落日還孤艇樹隔啼鶯背

短牆料理憑高非一事樽前誰與共平章

六十一自壽

世間甲子是何年母鬢雙幡子亦然十數曾孫羅膝

下雨三杯酒笑燈前尋僧野寺花迷路吹笛江門月
滿船聖主萬年歌不足黃河清了鳳翩跹

又

孤子今來六十一慈親已過八旬三旌書門外題新
榜拭淚牀頭換舊衫少有菑畬供俯仰不妨漁釣老
東南些兒別作長生計巖畔丹書有兩函

九日和諸子示陳冕

正是詩忙酒亂時滿樓風雨不須歸碧苔院裏多秋
色紅樹溪邊又夕暉九日共餐花有菊暮年誰羨錦

嶺南五朝詩選

卷三

明陳獻章

六

爲衣滄江野艇來何處遙望孤雲在翠微

畱別諸友

時赴召命

臺書春晚下漁磯中歲行藏與願違鷗鷺自來還自

去江山疑是又疑非難將寸草酬萱草且著鶉衣拜

袞衣但得聖恩憐老母滿船明月是歸時

夢崔清獻坐牀上李忠簡坐牀下野服搭颯

而予參其間

清獻堂堂四百春夢中省字識天人報君西蜀青油

幕老我東籬白葛巾萬里歸心長短賦九天辭表十

三陳南風欲理增江棹也借青山卜墓鄰

次莊定山清江雜興韻

家學華山一覺眠圖書亦在枕頭邊傍花隨柳我尋
句刺水殘山天賜年竹徑旁通沽酒市桃花亂點釣
魚船平生我愛孫思邈自古高人方又圓

子陵

先生如此亦天民高坐桐江一水濱却到陵夷排亂
賊方知名節是忠臣白鷗自去江湖遠黃紙何來道
路頻往往見人東廡下傷心一代帝王真

嶺南五朝詩選

卷三

明陳獻章

七

讀張曲江撰徐聘君墓碑

一木能支大厦顛棲棲徒自喻當年身垂白髮西山
裏光射青牛北斗邊信史只今文獻碣清風何日豫
章傳狂歌亂耳不足聽依舊生芻置墓前

游心樓爲丁縣尹作

城外青山樓外城城頭山勢與樓平坐來白日心能
靜看到浮雲世亦輕高閣祗宜封斷簡半年方許讀
西銘乾坤一點龍門意分付當年尹彥明

中秋夜示江右李劉二生

勝會古來非獨今兩生尊酒喜同斟且看溟海中秋
月莫動匡廬半夜心天道端須憐主客浮雲不敢弄
晴陰堯夫獨愛梧桐上萬籟無聲意自深

謁諸墓

宿草荒墳祗自悲百年心事欲奚爲券堂有鼠能穿
地神道無人可假碑數口仍憂開歲給一錢未領到
官支赤泥淺土嗟何及早晚牀金盡一揮

次韻王樂用僉憲見寄

七十餘年未覺新耽眠猶是向來人春杯斟盡啼鶯
嶺南五朝詩選

卷三

明陳獻章

七

外晚笛吹殘釣渚濱人世謹防開眼錯詩懷得恐到
頭真青山果是無心出何處雲窩好卜鄰

偶成

牆角經春臥短筇千秋塔骨不如公科頭坐轉茅簷
日閑看蛛絲蕩午風

贈釣伴

短短萋萋淺淺灣夕陽倒影對南山大船鼓柁唱歌
去小艇得魚吹笛還

小湘峽食嘉魚

兩山斷處小湘峽十月嘉魚出水鮮引蒲阿儂生日
酒微吟空記屬牛年

社中

社日年年會飲同東原西埭鼓鼙無人不是桃花
面笑殺河陽樹上紅

桃花

雲鎖千峰雨未開桃花流水更天台劉郎莫記歸時
路只許劉郎一度來

秋江喚渡

嶺南五朝詩選

卷三

陳獻章

尤

何處渡頭風浪喧隔波仙景似桃源瘦藤倦向人間
去喚得船來便上船

悼周鎬

里巷三年六七墳老年無淚哭交親數聲願借遼陽
鶴喚醒人間未死人

林張何諸生先後過訪既而別去

春水江門一葉舟幾人來此看垂鈎浮雲一散無踪
跡飛盡桃花江水流

宿雲卧軒

世間何喜復何悲風雨蕭蕭過短籬小睡正酣童子
問公今是夢是醒時

又

不妨到處與人羣借宿山齋酒半曛我得五龍傳睡
法枕痕猶帶華山雲

悼彥昭

淚盡西風草木間遊魂暗逐薤歌殘千秋只有無情
月遍照松楸處處山

梅花下感事

嶺南五朝詩選

卷三

陳獻章戴璉

二十

桃李村村待發蒙孤芳憔悴不成叢天涯一寸腸如
結吹斷江城曉角風

贈張叔亨侍御

天下元無事勞勞我有心相携沙上語山月二更深
訪客舟中

曉起

船中酒多少船尾閣春沙恰到溪巖處山山積殼花
偶然風折木村犬吠成羣此事真難免問君聞不聞

又

辛苦南鄰白遠鷄方一鳴夜來風極急吹斷到窓聲

又

冬眠不覺曉開門見白雲雲中何所有童子兩三人

月巖

閣閣月墮地忽在天中央墮地人不覺中天照四方

題畫松泉爲張別駕

松乃木之雄公亦人中龍何須看畫本千丈在胸中

對酒

放歌當盡聲飲酒當盡情門前烏柏樹夜半子規鳴

嶺南五朝詩選

卷三

明陳獻章

圭

夢後作

見月時一吟夜涼天稱心回頭望東川流水無古今

又

幻迹有去來達觀無古今長嘯人不聞山風吹羅襟

贈鄭筠巢

山中一夜秋老屋居然別丈人不飲酒共坐看明月

戴璉

字汝器南海人領正統戊午鄉薦有靖節集行世

新春感懷呈鍾惠涂微

白日如流去青雲未有期無愁全仗酒多病半因詩
落魄誰堪問棲遲只自知故人難握手時復一相思

送友人

相送古城陰天空江水深秋風千里道夜月萬家砧

沽酒當淮月題詩過楚岑明朝芸館裏誰復更知心

喜子儀弟由國博遷檢討

四門經館久離羣又喜除音到卯君珠浦書回人尚

遠紫宸朝罷曙初分西堂有夢生春草上苑相思隔

暮雲莫把青藜虛照夜木天深處好論文

嶺南五朝詩選

卷三

明戴璉

圭

送梁瑾赴春闈

江亭日落鷓鴣啼酒盡沙頭惜解携離思不堪成去

住宦情無那易東西清秋野戍聞寒角殘月山城聽

曉雞明日思君還北望暮雲烟樹晚淒淒

送宗兄仕崇還長樂

霜前衰柳滿官河日暮寒潮湧漫波綠酒一尊沙際

別青山萬里客中過江城急杵催寒近野岸啼猿向

晚多歸到故園煩借問山陰舊族近如何

夏日同丁守堯諸君遊海珠寺分得同字

上方樓閣水聲中艷色江花間竹紅
禪榻蕭條多歲月斷碑零落幾春風
半林夕照喧啼鳥萬頃玻璃漾碧空
愧我只今雲路繫何時重與一尊同

遊粵秀山

載酒重遊負郭山迢迢荒逕石苔斑
茶烟半壁人初到花雨滿林僧未還
朝漢臺荒聊徙倚呼鸞道古更躋攀
不堪回首東風晚一路松杉响珮環

春日病中寄何漢蕭亮

愁來獨卧小窓西竹塢林深盡日迷
芳艸一庭花自落暖風三徑鳥空啼
昌黎宰相書難上司馬都橋柱懶題
同學少年多顯達不妨嚴壑老幽棲

嶺南五朝詩選

卷三

明

戴建康麟

圭

落暖風三徑鳥空啼昌黎宰相書難上
司馬都橋柱懶題同學少年多顯達不
妨嚴壑老幽棲

厓門懷古

紅蓼黃蘆兩畝秋當年曾此覆龍舟
旌旗已逐三軍盡玉璽長含萬古愁
王氣銷沉成故國殿門依舊枕寒流
停橈不用增悲慨楚廟長陵共一丘

康麟

字文瑞順德人登景泰甲戌進士累官至監察御史有世教錄行世

除夜有感

旅館蕭條歲事闌獨憑杯酒強爲歡
家林親舍三年別客館梅花幾度看
春意又從今夕暖宦情還似舊時寒
催人光景如流水莫遣秋霜點鬢端

戴縉

字子容南海人登進士官至司空有雲巢詩稿行世

正旦早朝

金門初啓鑰曙色正朦朧入仗千官肅
朝元萬國同衣冠承曉露環珮惹春風
才薄慚無補名題禁籍中

夜泊武昌

嶺南五朝詩選

卷三

明

戴縉

圭

奉節臨湘水維舟近楚城月明山犬吠
夜靜水禽鳴戀闕心尤切思家夢未成
何如訪仙侶投老學長生

楚江旅懷

薄暮過瀟湘秋空楚水長黃蘆千里月
紅樹萬山霜客夢懸雙闕鄉心逐五羊
羈情誰與晤勞者若爲傷

送邵壻侍御還廣

萬里經吳楚殷勤訪阿翁多情憐逸少
高誼羨梁鴻別思隨流水歸帆趁便風
鄉關何日到籬菊想成叢

和張太守登高韻

重陽前一日携酒訪仙家雨過石橋滑林幽景物賒
清歌臨寶地劇飲對黃花獨有龍山會風光可並誇

送子素弟授池州節推

公車不待詔捧檄出池陽樹色臨官道蟬聲入射堂
看山來九子約法止三章別後秋風起全消六月霜

輓王大倫博士

養德鰲溪上俄然鵬賦成聞猿悲賈誼夢蝶怪莊生
洛社畱殘稿香山散舊盟寂寥菴畔月無復誦詩聲

送徐翰林掌南院

嶺南五朝詩選

卷三

明

董

清朝供奉幾星霜還向陪都領藝場魏闕久推秦博
士南都新近漢中郎春風視草天機燦夜月裁詩翰
墨香況有杜陵憂國思時時飛夢侍君王

送陸司寇請告還寧波

乞得君恩似海深便從天上解朝簪鑑湖烟月年來
夢鳳闕風雲別後心弼教才猷畱汗簡佳時名望重
儒林香山好結耆英社詩酒何時許共尋

祁順

宇致和東莞人登天順庚辰進士延和
從首第以姓名俱近御詩有暇傳移

二甲第二初授兵部主事即以廉直得召
成化乙未建儲賜一品服使山海關及至
其王郊迎不拜公禮諭即拜伏單騎就館
至返旆凡與馬金繪聲伎之奉一切麾却
三韓若臣相顧駭異為築却金亭刻使東
萊二冊以獻天子嘉焉官至江西左布政
兩推都御史命未下遂卒于任年六十四
中外傷之公幼學壯行庭無私謁宦况蕭
然著有吳川
諸集行世

亞聖廟次左時翊韻

六經明綱常皎如日當午自非聖賢出誰任斯道主
堯咨允執中孔欲不踰矩正傳屬亞聖鄒魯鄰區宇
曾聞歷聘時車從紛如雨吳言感齊梁高論折秦楚

嶺南五朝詩選

卷三

明

美

人亡道不泯耿耿貫千古

成

正月十三日自清平至楊老堡午酌卽席偶
曉發清平西春早多陰雨轅門具壺觴車馬紛出祖
杯停速分袂意不盡賓主邊城息風烟道路忘修阻
吟哦聲嗚嗚太瘦為詩苦山塘近清溪駐節暫容與
揮手卽驅馳天寒日過午

學儂于駐節亭

二月十五日別貴州貢士汪漢陳璣暨諸文

春初來貴陽春半卽回首羣英集亭館勸我曾中酒
斯文意味深談笑不知久僕夫催出門風動河橋柳

野塘秋景爲陳義官用誠題

西風昨夜吹芳草蕭索芙蓉覺秋早碧練光寒翡翠
孤紅衣香落鴛鴦老翡翠鴛鴦覺有情映波毛羽最
分明玉樓金殿何須問且了閑塘一段情

元旦和以善韻

五鼓催更盡千門微曉開歲從今日始春是去年來
璀璨梅花雪清香和葉杯親闌思拜慶遙望粵王臺

嶺南五朝詩選

卷三

明 郝順

老

贈吳參將

昔仰韓忠獻今逢郭令公將星懸碧漢豪氣貫長虹
千里旂幟下三軍節制中功成上麟閣不愧古英雄

奉旨辭朝賜酒飯

階辭天咫尺賜食勵忠勤翠釜仙庖具黃封玉液分
深恩同湛露高宴叶需雲使事慚迂拙何由答聖君

遼陽

城郭半烟霞樓臺映萬家地寒猶有樹寒遠不揚沙
華表歸仙鶴遼宮噪暮鴉今逢全盛日山水總光華

登山海城樓懷京師諸友

關上層樓百尺梯公餘乘興獨攀躋白雲鋪地海濤
濶斜玉連山城郭低烟火幾家人遠近輪蹄千里路
東西蓬萊舊侶分携久極目都門思欲迷

秋興

草木蕭條近暮霜四山如劍露鋒鋌邊城寒入知秋
早公館吟多覺夜長潘岳二毛新感嘆淵明三逕漸
荒涼故鄉曾向京華望今望京華似故鄉

過甕城河

嶺南五朝詩選

卷三

明 郝順 黃篴

老

兩岸人烟草木多東風匹馬甕城河橋橫百尺平如
砥山倒千峰翠似螺古迹已隨城剝落奔流長與石
衝磨塵纓未濯年光老空愧滄浪孺子歌

金山寺

江心浮玉鬱嵒巍上下樓臺浸碧波萬古乾坤勞砥
柱四圍冰雪湧青螺人登絕頂天應近僧住幽厓地
不多古鑑堂前獨吟眺數聲啼鳥隔烟蘿

黃篴

字仲綸南海人中天順丁丑進士初授延
評歷工部給事中出爲廣西督學會事時

年三十六卽告歸侍養撫按屢舉境內人
才皆辭不仕以孝著名海內卒年八十六
有諫草吟草皆散失外史氏曰公爲吾鄉
九江甲榜先聲世遠事湮德業失傳方壯
解組數十年侍養林下勇退急流世莫能
比三子科貢聯芳非懋德孰能當是云

歸養命下喜而賦之

大章纔下五雲中深慰庭幃侍養衷十載有懷隨歲
月一官無補愧臣工且將綵服娛膝下漫脫朝衣歸
海東翹首程途八千里皇恩無盡露華濃

方用中

別字亭秋南海人獻夫祖抱道
不仕追贈大學士崇祀鄉賢

嶺南五朝詩選

卷三

明黃篋方用中 堯

送方元震還金陵

妙齡文采晉風流家在金陵第一洲龍虎山河多歷
覽鳳凰臺榭舊經遊異鄉對酒難爲別故國歸心不
可留應念高堂久疎曠還開陸橐進晨羞

暮春有感次楊均昇韻

落花千點舞斜暉春色年年一度歸世事消除塵夢
短故交零落曉星稀山中麋鹿尋盟去天上鴉鷺遶
羽飛自信人間有窮達不須惆悵更沾衣

耕樂爲坡山易均賦

谷口高風樂有餘萬金求買世間無山瓶乳酒甜於
蜜野爨香杭滑似酥擊鼓有人春作社打門無吏夜
催租古今一樣邯鄲枕誰識耕鋤是遠圖

竹澗爲李均賦

渭川千畝敵封侯分得霜栽澗水頭六逸舊聞唐俊
彥七賢今識晉風流蒼龍影淡金波夕綵鳳聲寒玉
鏡秋酷愛此君偏得地考槃歌罷思夷猶

冬日賞菊

并序

舊冬梅月姪邀予賞菊席上偶得起句云
菊移秋色入初冬人極贊美苦無續句而

嶺南五朝詩選

卷三

明方用中黃泰 辛

止今冬菊仍盛開命酒復賞因思前
句走筆而成方信詩之來亦有時也

菊移秋色入初冬絕勝羣芳轉眼空高館又從今日
對健身仍許舊年同酒緣興到應難醉詩待時來轉
易工不用憑欄怨遲暮傲殘霜雪又春風

黃泰

字伯亨篋第三子領成化丁酉鄉薦
初授宜黃令轉山東理問告歸養

人日同諸子御書樓觀雨

一雨羣皆喜今朝情亦均半生五十日相對二三人
意氣樓中遠園林眼下新只須多美酒容易度芳春

春日登粵王臺

高臺寂寂暮烟橫策杖逢春陰復晴芳樹影斜蝴蝶
舞錦茵寒薄鷓鴣行浮雲依舊過溟海舞袖何時散
几櫺一笑繁華自今古醉尋鸞道草青青

江門早春

陰雲漠漠暗斜暉人在高樓未可歸溪樹乍含新雨
露山川空對舊柴扉孤村歲暮千尋夢一客江春百
事違尊酒莫辭阮藉飲海門風急柳烟微

梁儲

嶺南五朝詩選

卷三

明黃泰梁儲

圭

字叔厚順德人登成化戊戌禮闈第一廷
試二甲第一甲戌主會試以一品兩考滿
加少師兼太子太師華蓋殿大學士草奏
王請塞上沃地制上覽之遂止人謂其不
事廷爭默能啓沃有回天之功焉累乞骸
骨上許之手詔褒諭曰張九齡忠蓋崔與
之風梁卿可謂兼之矣遣官護行乘傳還
鄉命有司給月米與隸以定策功蔭于世
錦衣衛指揮皆力辭卒年七十七上嗟悼
輟朝論祭九壇贈太師諡文康有鬱洲集
世行

北堂雨露詩爲侍御曹汝學作

天上恩波遠人間澤慶長慈幃初拜命先子重增光
賁客朝朝滿綸言字字香欲知圖報地葵藿正傾陽

次答簡正郎

幾歲乞歸休銜恩尚勉留形容空自老松菊爲誰秋
病豈堪朱紱天應念白頭秋鴻莫先去期傍我行舟
送周太宰南還

向來官序幾相同垂老歸心也金濃朝野尚資公蹇
諤班行誰念我龍鐘長材自合終爲棟病鳥何堪入
在籠今夕燈前聞別語不禁流淚對黃封

壽座主彭閣老

乞歸先伴赤松遊甲子今來又一週髮白已憐身早

嶺南五朝詩選

卷三

明梁儲

圭

退心閒還與國同憂書成東里終篇後名冠西江第
一流薑桂自憐偏性在當時藥籠愧同收

元夜

尊前休問事如何且聽佳人達曙歌圓月向人偏皎
潔緒風吹面正清和星從左个將春至雁向南樓帶
字過翹首五雲最深處千觴應助聖顏酡

又

四方民瘼已無憂聖主宵衣正御樓萬歲山前黃道
轉九成臺上紫烟浮星環鳳扈高居處雷動鰲山最

上頭此夕歡娛知幾許霓裳誰羨月中游

黃 粵

字秀卿篋第四子
領弘治壬子鄉薦

濂泉寺觀瀑 是夜宿
蒲澗寺

策杖東山下微風驅積烟言采九節蒲行行古澗前
沿流入溪谷飛瀑瀉雲天衆壑分洪流下有大乘禪
高人自來往所樂非徒然

蒲澗曉望

鶴語長天曉扶筇出翠微山高見日早地僻到人稀

嶺南五朝詩選

卷三

明 黃粵

童

蒹葭寒垂露菖蒲綠上衣下方烟漸起吹不到柴扉

詠雨後木芙蓉

朵朵枝梢雨後斜高秋顏色爲誰奢白來玉質同新
雪漫收紅粧傲晚霞心裏未乾千點淚水邊遙聽數
聲蛙羅城自古多奇種何日傳來處士家

湛若水

字元明增城人弘治壬子以書魁東省從
陳獻章遊潛心理學獻章卒哀服三年乙
丑試禮闈衡文者讀其卷有至近至神之
語知其新會高弟也置第二登進士選庶
吉士授編修時王守仁在吏部相與講明
正學而修撰呂構輩皆往來辨論一時學

者稱爲甘泉先生奉使冊封安南却愧金
便道奉母留都大開講席著甘泉問辨等
書嘉靖初遷南祭酒尋進禮部侍郎上天
德王道及聖學等疏大旨謂天德王道根
於樸獨正與聖論敬一相發明也嘗著獻
納篇格物通以補大學衍義所未備上嘉
納之累遷南京吏禮兵三部尚書安南議
與上治權論及所註二禮疏以老致政其
說教以隨處體認天理爲宗旨此吾六
字符也勿忘勿助其庶幾乎從遊者三千
餘人呂柟蔣信其最著者也所著心性書
遵道錄樵語古小學四書測五經測甘泉
大全集晚居天關置講田以贍四方來
學卒年九十五贈太子少保諡文簡

小陽

弭棹小陽頭小有藏春嶼隔竹十數家風日美清渚

嶺南五朝詩選

卷三

明 湛若水

童

山木苦未多空林一鳥語卽事豈知幽沈紗此溪女

大陽

弭棹大陽頭大有藏春塢深林隔塵寰蒼石辨太古
巖岫千千重重起烟雨疑有蛟龍居全身應九五

三婦辭

大婦厭糟糠中婦足粳梁小婦何綽約裝金調玉裝
愁樂未終夕微日落陰岡

北都自嚴寄陽明子

玉堂有名果成之三千春當其未成時凡品不足珍

持以贈世人澁口反見噴白璧按劍起青蠅止棘頻
聖人誠囊括明哲貴保身雲龍會有期應感豈無因
不惜知音寡所惜不能琴

飛來寺

名利來何年幻跡飛青天天光照巖洞閃爍雲霧邊
雲霧散倏忽上與蒼空連空山無人跡幽鳥暮言旋
和光本無路逝水自有瀾仲尼久不作此意誰與言

曹谿謁六祖

大師天所生靈境地所啓白業入玄門下士超上智

嶺南五朝詩選

卷三

明 湛若水

五

化身隨香烟落葉歸根蒂艸木皆佛性雲日超定慧

曲江吟

曲江張文獻
先生所居

曲江江水長欲濟川無梁美人不可卽風度安可量
飛鳥擇高枝鳴鳳在朝陽皇堂世已遠千載空翱翔

登嶧山感懷

吾昔讀禹貢夢寐懷嶧山今我履真境親見勝陳編
古來窮理人詣道亦復然歸來束六籍面北坐九年

示諸子兼告同志

聖人亦人爲諸子早辨志持此忠信資何遠不可至

堯舜稱大聖其道孝弟耳孝弟誰不然鮮或見天理
天理天所爲超然絕人僞夫誰能學之聰明與睿智
茲理何由臻執事自敬始

別後與趙元默言懷

嗚嗚嗟斷金悠悠結同心同心苟不固膠漆亦未深
杯酒出肺腑按劍起知音朝爲魚水懽暮爲商與參
同學張陳子干戈竟相侵去去請息交鷗盟早當尋
鍾期卽未死吾且囊吾琴

我所思

我所思爲知己也白雲悠然有
解于懷吞嗟不足託于長言

嶺南五朝詩選

卷三

明 湛若水 方獻夫

五

我所思兮在龍場何年龍卧今遺芳潛者勿用用者
傷孔顏當之亦則藏思君思君白髮長乘彼白雲歸
故鄉

遊白鹿洞

十畝堂開舊典型詩成白鹿也來聽羣山靡靡水爭
出獨樹荒荒鳥自鳴烟散香爐浮俎豆苔生漱石上
簷楹廢興獨有人心在五百年來拜後生

方獻夫

字叔賢南海人弘治乙丑進士官至相御
賜銀章文曰忠誠直諫及病告歸時麗宸

翰以禮頒侯卒賜祭葬贈太保諡文襄若
有周易約說學解諸說程子語大學中庸
二原諸
書行世

駕遊環碧演新乘馬應制

白馬黃金勒霓旌天上來君王政機暇遊衍薰風臺
長堤柳隄金鞭迴錦宮花簇瓊筵開侍臣快覩紛徘徊
紛徘徊捧壽杯仰瞻神武姿駕馭多良才需雲一
曲昇平樂八方順軌無纖埃

望西湖

初從西湖行未弄西湖艇西湖景若何舉目望逾迴

嶺南五朝詩選

卷三

明方獻夫

毛

屹爾湖中山悠然見孤影湖光有明滅山影常靜正
欲飛山頂眠一眠發羣省欲落湖心浴一浴消百病
有懷誰復同欲語無人領風來水波動雲合山色暝
藍輿不停肩忽忽度松嶺何時偕美人還來極風詠

宿東園草亭

昔年別此廬廬新髮尚綠今年歸此居廬故髮欲禿
流光不可返我力尚能勗立志當自茲無爲更碌碌

偕丹山兄同諸子遊大橋坑

閒徑隨春草飛筇臥午雲歸來陶靖節多病沈休文

水氣單衣稱松陰小簟分悠然天地別白日絕塵紛

立春日戴仲鵬

至日病未起官奴又報春故鄉雲物舊北闕夢魂新
撫景兼懷友含情欲語人蕭條鵲冠子隱几合相親
賜書樓成有感

羣峰壁翠此樓開指點虛無是體裁碧玉無人誰作
賦白雲終日共銜杯林杪霧隱鶯聲遠屋角春深燕
子來睡起開窓更何有澄江對雨幾縈迴

送丹山家兄北試

嶺南五朝詩選

卷三

明方獻夫

毛

萬里移舟向北流平生心事付江鷗孟軻尚有齊梁
計康節欲爲吳楚遊義在君臣終不廢道窮師友正
須求秋高何處孤鴻影望眼應穿海上樓

飛來寺阻風

昔年曾記一披雲此日重過十度春兩鬢不如山水
舊寸心猶戀闕廷新玉環棄去人何在寶刹飛來蹟
已陳往事祇堪舒笑口長風何必漫留人

畚耨散步

西樵諸景
錄六首

散步林巒葛袂輕倦時閒憩畚耨亭眼中多少田園

趣荔子將紅橘又青

龍井烹泉

煮石燒丹亦可憐我今無事只烹泉一般意味人知少除是當年木鄧仙

池上乘陰

大樹扶搖數十尋常於午坐藉繁陰自從悟得觀魚趣無復絲毫弄釣心

西湖春漲

傍柳隨花過碧潯疎篷短艇泊溪陰披簑帶雨携童

嶺南五朝詩選

卷三

明

方獻夫論文叙

素

去笑弄西湖春水深

寶鴨濯清

恍然無語坐池頭監止纔知勝監流最是濯纓猶未足真成一飲當封侯

觀翠流觴

空同翠色滿天地一曲閒將蕩酒卮誰醉誰醒都不定此中流止有天機

倫文敘

字伯時南海人弘治己未會試殿試皆第一
一尤善教子長以諒鄉試第一辛巳成進

士大以訓會試第一廷試第二季以流登進士高第父子三元海內高名獨擅云

口占柬友

萬里長風掃碧苔一時殘霧日邊開青山歷歷當軒接綠樹森森入戶來竹徑啼鶯窺客過沙洲飛鷺傍人回所思一水盈盈隔日暮誰同泛玉杯

李孔修

字子長番禺人白沙門弟子善詩書相傳所寫禽鳥嘗遇火輒見有物從烟中飛去寫猶能屏鼠然亦不久落人間以神物終當化去也生平所尚惟吟詩飲酒此外不足介其天懷當事甚為崇重凡有所餽則輪酒家問惠米則盡瓶盆鐺確貯滿餘則

嶺南五朝詩選

卷三

明

倫文敘李孔修

罕

分之里鄰以為無物裝頓也著詩多不留稿故少傳謹錄二首以志其道學讀者自見

雜詠

竹屋三間隱薜蘿紅塵絕少白雲多客嫌巷陋慳來駕燕為門低懶結窩年老漸休題鳳字更深猶放飯牛歌人問雪月風花景休問狂夫占幾何

西樵山

奇花不盡畱春久宿雨纔收見月新閣外凌雲高去鳥山中問道遠邀人

陳則

字養新南海人舉弘治辛酉鄉薦官至光祿寺少卿有心性學宗疏稿行世

粵秀山

曜真峯倒海城市愜山林策杖憑高眺微吟寄興深
蔭松園酌酒怪石踞彈琴何必懷招隱飄然世外心

海珠

碧樹烟樊鬱浦東玻璃光漾蕊珠宮蜃樓海市歸壺
竅絳闕祇園入鏡中楊柳綠深漁艇笛木綿紅脫酒
帘風三城縹隔鶯湖濶烟雨微聞穗石鐘

嶺南五朝詩選

卷三

明陳則

聖

登白雲山

疊澗層巒石徑斜雲林迴抱地仙家綠漫九洞蕭湘
籜紅爛千山躑躅花谷鳥棲飛啼薜荔寺僧來往在
烟霞酒酣不覺城陰晚月出前溪映白沙

黃奉

字宗欽麓長子弘治丁巳歲貢廷試授廣西北流教諭行取候選

海珠寺

扁舟何處泊珠影散長河一寺波中出孤峰水底過
月曉分黃木雲深起白鷺臨流聊悵望不覺野懷多

七夕

寂寞榆陰下江天意獨饒秋風吹不盡夜月去迢迢
正憶東林社遙聞碧玉簫星河何處望幽思轉無聊

霍韜

字渭厓南海人正德癸酉舉於鄉會試連捷第一官至宮保尚書著有聖功圖西漢書纂象山學辨渭厓集渭厓疏要行世

祠堂詩

穆穆我祖鞠我後人視我後人支由體分我子若孫
我弟若昆念爾此生勿替祖心

嶺南五朝詩選

卷三

明黃奉霍韜

聖

又

凡人之生均出父母我為父母乃有孫祖何今之人
自有兄弟無念所生而利之爭兄弟爭利骨肉戈兵
又

又

妻子好合如鼓瑟琴兄弟聚鬪如商與參不念父母
矧念爾祖穆穆我祖念我孫子同屬于毛同離于裏
穆穆我祖有儼其臨我弟及兄而子及孫皇皇駿奔
式念祖心匪也潔心庶也臨歆

靈洲山

人眼浮溫見此臺嶺南佳勝自天開何人兩屐松根
到通志千載孤舟夢裏來枕石老龍三月睡高岡鳴
鳳幾時回憑闌吟望情何極近浦吹笙曉棹催

白雲山

有山何處坐巢由水滿南溟地軸浮青史半篇閒老
眼泰山千仞一江舟

反沙嶺

絕嶠裁天鳥道遙翠桃碧杏繪雲橋鐵峰蒼蘚黃雲

嶺南五朝詩選

卷三

明

霍韜方茂夫

聖

外疑是山癯駕鶴招

船板牀

船板胡在茲而我寢其上情知非江湖夢寐亦波浪

方茂夫

字仲賢南海人獻夫胞兄登正德癸酉鄉薦時獻夫爲相國公獨隱居不仕徜徉山水著有狎鷗亭集未刻

訪越塘次前韻

辦得禪心事事休滿將風月載扁舟已窮海水不到
處又訪雲山欲盡頭燁燁紫芝鋪曉露飛飛紅葉點

深秋人間境界知多少更許浮生幾度遊

訪波亭次先祖舊遊韻

垂老清溪念不休漫隨烟水放扁舟江山笑指空陳
跡童穉今看半白頭漁簑自歸橫浦月菊花遙望故
園秋百年細記尊前話淚落吾翁惜舊遊

鍾禧

字百福一字狂客順德人先以經明行修徵辟不就復以懷才抱德應詔起試吏部第一詳見廣東通志著有洗酸諸集行世

寄汚中陳處士

嶺南五朝詩選

卷三

明

方茂夫

聖

汚陽有高士棲隱在林泉綠樹孤村裏黃花三徑邊
功名成棄屣詩酒度流年久別無由會相思意惘然
河南道中西平舖舍

新春騎馬出長安千里歸期思縹緲漫在路又驚人日
過到家應有杏花香傾囊沽酒邀誰飲呵筆題詩強
自寬南去好山青未了暫從此地駐征鞍

經過恨這關

去時黃葉滿山隈回首陽春逐馬來處處石田芳草
綠家家茅屋杏花開十年踪跡如萍梗此日襟懷仗

酒杯力倦也須登絕頂五雲深處望蓬萊

宿恨這關

踪跡疎狂事遠遊懶工詞賦客諸侯春風楚國歸王
燦落日長安醉馬周千里霜蹄何日定十年烽火未
曾休長歌更出床頭劍空有寒光射斗牛

赤壁懷古

赤壁磯頭載酒過感時懷古思如何扁舟泊岸波聲
靜孤雁橫江月色多鏖戰當時憐孟德狂吟此日憶
東坡無人可論平生事墜露龍泉發浩歌

嶺南五朝詩選

卷三 明

鍾曉

鍾曉

字景暘一字一齋弘治壬子鄉薦已未乙
榜任國子學正選南京貴州道監察御史
正德間服闋改北道差巡京畿東路巡按
四川行蹟見廣東通志著有奏疏稿燕石
集行世

夷陵山行用張督學韻

竊祿猶供職行途日自忙山空花自秀節近麥初黃
已下憂時淚猶爲弔古傷莫言且行樂恰好傍斜陽

益陽行臺值雨

時陳伯卿巡湖廣

靜對沉檀幾篆烟瀟湘風雨正連綿計程蜀道尚千

里憶別皇都已半年聖節喜逢遙祝壽恩光覃被仰
瞻天故人未進湖南道聚首無因思渺然

謁嚴子陵先生祠

當年應詔卽辭回垂老春山一釣臺自是子陵有
高節因知光武是雄才君臣義重終難泯故舊情深
兩不猜千古桐江江上水至今誰不重低徊

送湛內翰使交

多年風采注重華此日恭承寵命加蓮炬夜迎歸院
騎旌旗朝上吏星差堯封不盡要荒外聖澤今覃渤

嶺南五朝詩選

卷三 明

鍾曉

海涯轉旆道經梅嶺過高堂翹首喜還家

嶺南五朝詩選卷四

明

黃佐 三十一首

倫以諒 二首

倫以訓 三首

王漸達 五首

黃重 二首

何宏 一首

倫以詵 一首

嶺南五朝詩選卷四目錄

陳堂 十一首

海瑞 一首

李義壯 二首

梁有譽 十六首

李時行 十二首

胡庭蘭 五首

龐一夔 四首

陳紹文 二十六首

霍與瑕 四首

黎瞻 九首

陳良珍 九首

歐大任 二十五首

郭棐 七首

蘇民懷 三首

葉春及 十五首

何維栢 三首

陳萬言 一首

葉夢熊 四首

嶺南五朝詩選卷四目錄

王弘誨 九首

余世亨 十一首

余光裕 六首

鍾昌 一首

鄭學醇 八首

黃士俊 一首

韓日纘 三首

李暢 九首

張瑩 四首

麥秀岐	四首
區大相	十首
李待問	十二首
黎崇勛	二首
黎崇勅	二首
何吾騶	十三首
陳子壯	十二首
袁崇煥	三首
鍾崇道	四首
嶺南五朝詩選 卷四 目錄	
鄧雲霄	十四首
張應泰	二首
黎粵俊	二首
朱上毅	二首
梁可瀾	二首
黃儒炳	九首
郭兆年	二首
梁紹震	六首
梁繼善	四首
三	

黎觀明	一首
黃朝賓	二首
楊起元	四首
盧英田	一首
麥應中	二首
譚清海	二首
何荆玉	五首
張應申	三首
陳向廷	二首
嶺南五朝詩選 卷四 目錄	
王猷	二首
李應蘭	九首 編在前
黃應舉	五首
黃應秀	二首
朱讓	二首
王安舜	五首
黃淳	五首
曾道唯	六首
許燭	七首
四	

盧夢陽 四首詩
刻前

嶺南五朝詩選

卷四 目錄

五

嶺南五朝詩選卷四

番禺黃 登俊升氏訂定

黃佐

字才伯香山登正德庚辰進士選庶吉
士授編修出為廣西提學僉事棄官歸養
東宮立召為左司諫遷侍讀論德園子祭
酒丁母喪服除拜少詹事兼翰林學士推
吏部右侍郎言者忌之劾罷著有禮樂典
翰林志廣東志廣西志南雍志革除遺事
泰泉集詩經通解春秋傳意明音類選凡
二十二種卒年七十七贈禮部右侍郎諡
文裕列朝詩集云才伯究心理學而修詞
揆藻傑然藝苑爭雄嶺南人在詞垣者瓊
臺香山後先相望南越之文學彬彬然比
中土矣才伯有言志詩落句云倦遊却憶

嶺南五朝詩選

卷四

明 黃佐

一

十年事笑擁如花歌落梅自注云欲盡理
還之喻王元美云此公作美官講學恐人
得而持之也今公家刻泰泉
集不入此注故附記之云

上邪

上邪下狹山童不可獵射鼃向江江水竭願皇垂拱

開明堂鋪仁護政和陰陽千秋萬歲樂長康

君馬黃

君馬黃臣馬玄狹斜相逢不敢前黃馬馳玄馬逐後

欽沙前欽玉副以江許翼兩張翩翩倏如流電光周

有穆滿今聖皇君臣布德周萬方

臨高臺

臨高臺望泗與淮言采其芑于水涯誰其殖之感我
懷舊戎東南逖以北無以逸欲臨萬國生民何依依
我德皇祖在天敬哉有赫

遠如期

遠如期駕馬以出門咫尺步不可知林有虺水有蜮短
狐封狼肉人以爲麋萬里吁可悲有杖之杜喬其枝
皇人壽穀今旋師

玄雲

嶺南五朝詩選

卷四

明
黃佐

二

玄雲油油北風蕭蕭震電曄曄拔木大雪雹須臾及
牛腹驅車隨盤走折軸關弓射天中鴻鵠酌金巨羅
奏蕃曲

詠志

昔余客幽燕步上黃金臺駿骨日以輕昭王安在哉
樂生功未奏荆卿爲禍媒風吹易水波蕭蕭有餘哀
誰知百代後東閣凌天開豈令蹇諤士零落同蒿萊

又

荒哉陽臺夢無情成匹仇苟非精神合滯澠爲斷流

又

漢廷富羣策一言相千秋金石勒盟誓倏忽嬰罪尤
河清尚可俟漢廣不可求言樹謏草花庶用忘我憂

上山采芙蓉日暮傾筐歸騶軻陳王道脂車向梁齊
龍戰方擇肉志願空令乖理人爲之牧嗟哉名實違
布穀春無畚促織秋無衣悠悠感物變惻惻懷蒸黎

桂山

桂山何高高高可肩岱宗秀色灑百粵玄象開萬峰
恍如躡孤鳳驚鳥翩然從又如乘雲槎星潢浩溶溶

嶺南五朝詩選

卷四

明
黃佐

三

風迴玉琤琤日射金玲瓏珠樹編巖穴仙聖留靈踪
我欲轡羲和珮結蒼青龍峩冠朝太清獻此青芙蓉
天長綵霞遠歲晚蒼烟濃長笑倚磐石笙竽滿杉松

新秋登玄覽臺

高臺臨萬峰陸海開芙蓉玩賞忘朝夕涼翠生心胸
載酒步雲壑豪客紛來從是時秋夕肅天空鴈噦噦
蘿月挂霜鏡楓江馳玉龍醉來藉瑤草鳥外聞烟鐘
振衣劃然笑鸞聲落長松懸知千載後懷吾霞上峰

登衡嶽值風霧至絕頂忽霽感靈賦

炎德殷南戒立功協北祗大哉祝融祀逸矣陶唐時
錫民溥鴻澤翊國隆駿基明明翼軫列滔滔江漢馳
屹柱立乾棟連絡亘地維衣帶紫三湘嬰孺撫九疑
攢峰鎖蒼霧標嵐橫綠霓青玉固蔥蒨朱陵亦葳蕤
茲山擅雄峻伊予嗜靈奇停驢諧夙願影節隨所之
仰探丹鳳穴俯見玄豹岷冥濛苦氛祲窈窕多路岐
皎鏡雪方積虛壑風何悲豈知凌絕巘及此娛晴曦
歛吸揭靈景混茫開太儀烟靄散林薄雲光溢川坻
平厓少延佇窮髮皆可窺振衣望郢甸披雲辨京圻

嶺南五朝詩選

卷四

明黃佐

四

如彼朝陽烏跂爾梧桐枝整翮自茲去翔翮本無期

月下酌李王二子歌

青袍白馬欵我扉綠蟻沾就霜螯肥長風送秋入燕
樹但見萬里銀蟾飛持螯酌酒向二子銀蟾弄我杯
中輝古來幾許歎圓缺今子不醉當無歸君不見王
子喬君不見丁令威雲間笙鶴去不返遶遶仙賞誰
能希相逢高歌且傾倒耳熱那聞今是非酒闌揮手
一爲別滿座白露明秋衣

九疑篇紀遊作

九疑連蜷接南斗顧視羣山駿奔走三湘秀色如虹
橫萬壑虛濤作雷吼雷吼虹橫自古今猗吹牧唱愁
人心春秋牲玉薦明祀褰帷誰復來登臨金侯自是
循良者夙駕行春度平野桃花開落訟庭靜邀我尋
幽舜祠下我來曉逐東風行千樹萬樹皆流鶯六鰲
蹙沓谷神動髮髯箭韶天際迎天際相携躡飛步自
笑登高未能賦輕袂飄飄紫氛曲磴盤盤出蒼霧
蒼霧紫氛長不消木石欹側鹿豕驕重華靈墳莽何
處英娥淚竹空蕭蕭此邦路隔關河外豈有鳴條葬

嶺南五朝詩選

卷四

明黃佐

五

炎海倦勦已矣復來巡抱烏弓者曾誰在嗚呼野死
胡足稽金輿蕪沒山烏啼陟方之說誤千古捐珮無
言春日西日西秉燭斜巖欵笑向金侯嫌晝短多露
驚看征旆濕靈風忽送清笳滿歸來祠下月微明颯
颯垂裳如有聲明朝拜別巾車去更聽流鶯惜客情

南征

鳳野傳清蹕龍旌逼絳霄風雷隨鼓角日月耀金貂
躍馬宜春苑呼鸞織錦橋何如穆天子空賦白雲謠

羅浮瑤臺石

磊磊瑤池畔亭亭寶積西孤根通碧落彩色化虹霓
飄泊憐湘燕沉冥笑蜀犀臺前看不厭坐見玉繩低

冬夜讌子學宅賞菊得微字

黃菊冬猶艷清歌夜未歸興從添燭劇寒到引杯微
宮漏挾風度塞鴻衝月飛物華容易盡心賞莫教違

立春

野館依寒渚愁吟且未迴春從今日到花想故園開
白雪裁仙調青雲捧御臺陽和知不負偏入掌中杯

凍開初發

嶺南五朝詩選

卷四

明黃佐

六

萬里圖南翼逢春始計程彤雲辭魏闕綠樹出秦京
鼓枻江天豁流漸野岸平因風傳尺素應慰倚門情

河西午憩

水驛遠郊圻居然塵事稀酒帘明柳市漁網集苔磯
隱几白日靜開簾黃鳥飛行邊有林壑未覺素心違

恭謁孝陵側望懿文墓

紫金積翠鎮重泉絳節揚靈護九玄五色雲車龍渺
渺萬行珠樹鶴翩翩鼎湖風雨秦淮水縵嶺烟霞句

曲天王璽一從歸冀北鬱蔥佳氣自年年

春興

太液池頭萬歲峰波光迴合翠重重神人驅石開三
島天子乘春駐六龍紫殿虛無餘御氣碧雲迢遞憶
仙踪玉鳬黃鵠無消息長聽趨朝午夜鐘

臘月十日奉迎大駕紀事

奏凱歡呼大駕迴一時和氣滿燕臺端門日麗龍旂
入馳道風清鳳吹來九廟神靈真有託百年文運定
重開都人此日瞻依切共說君王有將才

又

嶺南五朝詩選

卷四

明黃佐

七

鏡歌聲鼓盡天聲亭旆金綰載道迎上將獨乘千里
駿義兒多領四家兵車懸虎豹知蒐獮架壘鯨鯢報
武成從此鼎彝書鎮國漢文徒幸亞夫營

早朝

苑雲城樹隱蒼蒼仙漏銷沉寶炬光露下貔貅金隊
冷風來鷓鴣玉聲長螭頭漸近聞天語豹尾徐開挹
御香朝罷宮臣導清蹕空瞻團扇護君王

橫州伏波廟

高灘危石鎖崔嵬長夏風烟午未開南海樓船從此

去中原冠冕至今來武陵一曲風塵靜銅柱雙標日
月廻千載伏波祠宇在漢朝何事有雲臺

雨後珠海登望

珠江烟水碧濛濛錦石奇花不易逢三島樓臺開日
月二儀風雨動魚龍浮雲荏苒團秋扇野樹依微亂
晚峰越女未知搖落早輕舟何處采芙蓉

省親三疏獲允出郭別親友

喜聞綸綍卷詩書萬里乘槎信所如卽辦絲衣供色
笑不妨黃髮老樵漁臨岐尚憶公家事出郭多煩長

嶺南五朝詩選

卷四

明黃佐

八

昔卓南北相望意無限江空歲晚獨愁予

春夜大醉言志

拔劍起舞臨高臺北斗插地銀河廻長空贈我以明
月天下知心惟酒杯門前馬躍簫鼓動柵上雞啼天
地開倦遊却憶少年事笑擁如花歌落梅

舟次韶州奉懷黎韶山用贈行韻

對酒聯舟忽異鄉曲江回望粵山長九成臺上簫韶
遠二相樓前草木香春殿獨搖蒼水珮秋風偏灑碧
羅裳徘徊家國情何限雲白天青自一方

立春日世祐祠祭後小憇藍縣丞來謂蔡察

院疏予道學已而邸報至有禮樂接乎周

孔道學紹乎朱程誠爲聖代真儒等語非

予敢當賦此自笑

春祠燕息竹亭東生態相隨趣不窮艸色遠連丹壑
外花光微入翠簾中一聲到枕聞皇鶴千里傳書見
塞鴻淺淺野塘供釣艇源源新水受和風

峽山

凌空飛錫結嶙峋薜蘿香中酒自春鳥度雲移今此

嶺南五朝詩選

卷四

明黃佐倫以諒

九

世鴻冥天濶我何人義娥斷送千年夢龍象終成一
聚塵便合拈花發微笑滄波無語月華新

倫以諒

字彥周文敏長子鄉試第一
德辛巳成進士官通政司參議

簡李叔剛憲使

兩岸西風吹白蘋三城烟火隔紅塵天涯黃菊雙蓬
髮海上青尊幾故人謀國計從窮處拙倦遊心向暮
年真羅浮東去扶桑近黃木灣頭好問津

中宿峽

峽江春盡水濛濛猿去屣沉事已灰鐵笛一聲何處
至布颿千里故人來花開洞口逢青眼路入仙源盡
紫苔三十年前遊賞夢此心常在釣魚臺

倫以訓

字彥式文敘次子正德丁丑會
試第一廷試第二累官至祭酒

飛來寺

塵蹤何日定梵跡向飛來細雨維舟訪幽花對酒開
黃金布地日白馬授經臺欲結青蓮社鳴春好鳥催

靈洲山

嶺南五朝詩選

卷四

明

倫以訓王漸達

十

江山一梵宇塵外幾仙家日抱龜鼉窟水通星漢槎
虛臺橫碧落細路轉丹霞且莫催留滯中泉好試茶

初夏

步入園亭暮靄生涼風初試苧衣輕捲簾細認重來
燕逶迤如聞舊囀鶯綠樹高低青子半碧山濃淡翠
雲橫望中不盡迢遙意欲賦鳴皇寄有情

王漸達

字用儀番禺人正德丙子舉于鄉明年登
進士著觀水記正學記四書通言中庸義
畧春秋傳王氏宗禮
附著舊傳青羅文集

感寓

纍纍河畔草枝葉自萎黃春夏水泉溢泛嚙以爲常
何人憫其質移之向丘岡丘岡亦自爾糾結當路旁
收豎倍戕毒行人漫悽傷幸不折斧斤植性非所良
高高太華岑懸厓入冥蒼安得托孤根歲晏相徜徉
下有雲露滋上有日月光芳華吐腴真永以離世殃

梅花寺

梅花舊名利此日得相過地僻翠蘿合山深寒雨多
古碑還半蝕丹竈已傳訛唯有菖蒲艸春來綠滿阿

嶺南五朝詩選

卷四

明

王漸達

士

粵王臺

在廣州
治北

深秋懷抱向誰憑訪古登臨思轉增井萬家劉氏
宅牛羊衰草越王陵天空巽鼓浮南渤日落神鷺見
急溯猶自荒臺尋故事鷗鵠飛上木瓜藤

白雲山

石巘峻嶒倚碧虛憑高一望倍踟躕海濤東合地維
缺山勢北來天柱孤落日空臺閒霸業斷崖芳草暗
王圖興亡今古非吾事惟愛春風長綠蒲

蒲澗

九節菖蒲生澗烟人傳此地駐飛仙何當共覓安期棗數到秦皇漢武年

黃重

字子任南海人正德戊辰進士初授行人
丁外艱服闋補戶科給事中丁內艱服闋
補吏科右給事轉兵科左給事進戶科都
給事立朝端潔正直剛方凡所言事上多
嘉納左右顧忌轉陞南京太常寺少卿自
陳請致上從之賜鈔而歸卒年六十二時
嘉靖二十一年朝廷遣官致祭崇祀郡
學鄉賢著有草堂撮稿諫院疏畧行世

大水口作

嶺南五朝詩選

卷四

明

黃重何宏

三

迴艇正當潮長時牽夫徐步日遲遲風和兩部笙歌響似助行邊幾句詩

偶書

十年獻納侍彤墀十漸閒思見羽儀先哲所焚惟疏草不留讜論後人知

何宏

字道元正德丁卯
舉於鄉官至郎中

正月初四日南郊禮成

午夜祥光繞太微聖朝開運六龍飛簫韶享帝聲容

麗玉帛來王曆數歸寶幄天光臨負辰金輿春色映垂衣儒臣幸覩唐虞際三祝堯年仰曙輝

倫以詵

字彥羣文敘季子嘉靖戊戌成進士初授
郎中所著文集五十六卷詩集四十三卷
藏於家

野望

野望杳無際蕭然塵慮稀山光搖客舫水色上人衣潮帶清風至雲兼白鳥飛鄉關雖咫尺客思轉依依

陳堂

嶺南五朝詩選

卷四

明

倫以詵陳堂

三

字明佐南海人嘉靖戊辰進士晉光祿少
卿著朱明洞稿遶河四疏諫草焚餘相南
皇華南歸
諸集行世

題見一堂贈侯見洲藩伯

功成疎寵位興洽在林塘地擬青門勝人權綠野堂捲簾邀月上垂釣引杯長清世冥鴻意無勞問阮康

泛舟過陳參軍別業

山城當睥睨水上湧樓臺乳燕穿簾入新筵逐吹開花明青眼客日落紫霞杯興劇嬌歌發無勞棹鼓催

過蒲澗和蘇文忠韻

采蒲乘逸興因過澗邊泉杯映霞爲色波搖水在天
荒臺空有字古刹不聞禪酒盡青山暮酣歌客亦仙

病起

兩月郊居便凌晨病始瘳已操人共棄惟與藥相投
身外餘三徑牀頭隱百憂何時好婚嫁長與尚平遊

靈洲山

迢迢鬱水遠中流屹立孤峰起鷺洲兩岸烟村浮下
界千重雲樹隔危樓漁歌夜度清霄月僧磬時聞碧
漢秋白髮歸來吾亦老好將卜築借菟裘

嶺南五朝詩選

卷四

明陳堂

十四

白雲山

爲問仙踪事有無尋幽巖岫亦清都臺空不見千年
鶴澗冷猶存九節蒲物外江山浮世界雲間丹竈亂
藤蕪無才正欲從仙隱落日踟躕聽鷓鴣

百粵吟

粵王臺上氣蕭蕭萬木驚秋景寂寥馬首憑陵傷首
藉鶴巢樓斷怨鷓鴣笳聲月落心如折鴈字風高影
欲搖野老臨江空悵望乘槎欲泛海邊潮

坡山

五仙騎石化爲羊洞裏烟霞出上方地迴有天藏石
室雲深何處覓丹房鯨音縹緲驚寒夢羽客逍遙入

醉鄉爐篆千年應不滅莫令輕作少年場

每歲元宵人多於此

游戲羣婦隊擁喧穢褻
雅故先生言以醒之

樵山

碧山古寺飛霞處誰敞樓臺裊薜蘿一逕雲深龍卧
穩兩崖花落鳥聲多青天嵐湧層層樹白晝風生灩
灩波笑倚危欄一回首淡烟芳艸思如何

秋日顧直指招飲鎮海樓

嶺南五朝詩選

卷四

明陳堂

十五

飛樓百尺白雲停太史曾占有使星柏院風清消暑
氣香醪杯綠泛滄溟屏開疊嶂芙蓉出暮靄叢林卷
畫青驄馬來來山嶽動越裳何處不來庭

奉送周少參入賀便道省覲祖母及二尊人

人

使君擁傳入熙朝駟馬因過萬里橋雙闕望遙紅日
迴太行家近白雲遙庭闈三宴南山壽金鑑千秋北
斗杓移孝作忠君自許可誰攀附上青霄

海瑞

字汝賢，涇州人。嘉靖己酉，鄉薦。初任南平教諭，轉淳安尹。擢戶部主事，肅宗崇禎清修久不御朝，抗疏直陳，詔獄。穆宗出之，擢銓都御史。巡撫應天，以清丈構怨，解任歸。里十五年，前後薦者十餘，疏起為南會都御史。督南京吏部侍郎，擢右都掌南院卒。于任各道御史入署，殞殞開匣，止有俸金八兩，葛布二端，別無餘物。其粗惡有寒士所不堪者，贈太子少保，諡曰忠介。公生平留心民社，頗少吟咏，所傳備忘集十二卷，皆奏疏策議錢穀兵刑參駁條例及序銘書記末附經義悉道學至言為藝壇推重。其篇首皆自序，有云：「近時文人，有作必求名人君子一言置簡首，謂蠅附驥尾，亦一日千里而借其言以信之。天下後世也，夫使吾言無當，雖聖人吾與焉。天下後世也，之人其心其性，原之造化，是非有公不能飭也。使吾言於道亦有合焉，聖人不吾與。」

嶺南五朝詩選

卷四

明

海瑞李義壯

去

天下後世不吾與，吾心其一造化自有的。見不可轉也，夫大有人有言求之吾心，而信之先聖以參考焉，而已矣。不信之人心，而信之先人言，非信也。用是不自嫌忌，取平昔所作自編序，自為一語識之，以告夫同志。云：「觀此足以見其耿介之風，至今猶凜凜於紙上。康熙庚申，夏守王上元，攝其遺集，與學博朱子虛復為輯補，鑒始窮源，重光大業。一時紙貴，嶺南而公之文復大行於世矣。」

峽山詩

李義壯

峽中奇勝擬蓬萊，想是當年欲建臺。天恐此方窮水土，故令神物特飛來。

李義壯

字三淵，番禺人。嘉靖癸未成進士，出司臨清鈔關道。羨餘銀七萬兩，官至僉都御史。

贈別倫侍御右溪王刑部青蘿

昔與二三子，謁帝承明廬。拊翼欣同條，翻飛異昔途。苟無凌霄翮，徘徊守故株。春陽茁潛耀，百卉芬以敷。發軔越山側，揚鞭燕路隅。佇立悵飛蓋，沉歡意何如。離索古所歎，志士慎馳驅。丹雲陰纖服，朱華迎輕車。愧無雜佩贈，攬結空踟蹰。慎言明令德，庶以永終譽。

偶山

在九江大海中，上有駕龍小萊。二峯曾偶亭，公宦成因為別業。

嶺南五朝詩選

卷四

明

李義壯梁有譽

七

柱千年寢宇一虛亭，江深日永魚龍出野曠。春長草木青欲借一區酬素志，不知誰受太玄經。

梁有譽

字公質，順德人。登嘉靖庚戌進士，官至副使。有北都集，行世。詩人明七才子。

登除州城樓北望

朔風吹遊子，寒城儵以眺。乘高勢嶽嶽，獨客情窈窕。皇州在何處，雙闕峙天表。小原割霜雪，星日盪昏曉。雲氣莽空濶，一覽齊魯小。敗壁剝枯蘚，土壤聚寒鳥。北有古戰場，落日行人少。跡登陳項餘，闕想晉宋藐。

王霸代淪跡今古誰能了濁世事豪舉敲擊咽爭擾
嫌彼猥獐子原澤徒劉剿西北風塵昏閃閃飛白旄
萬金購謀士千金購驥裏丈夫立功勳無使殷憂繞

雜詩

圓象無停晷四序迭相循晡晡春華敷歛忽委埃塵
候蟲善審時鳴鳥嘗伺晨如何建名士遲暮多苦辛
衝波鮮安舟岐路恒摧輪順風響易遠却行難及人
鐘鼎鐫峻功竹帛垂逸民靜操雖殊域德業終同倫
慷慨感中情高駕良可遵

嶺南五朝詩選

卷四

明梁有譽

六

詠懷

燭龍騰遐輝離照亘天衢室隙受餘光徒能耀一隅
物理固殊鑒各隨賢與愚楚客倒滄海提携得明珠
重寶不見賞抱價增煩紆掩袂臥空谷孰知中所須

又

昔遊黃金臺酒酣臥燕市哀歌傷無人泣下擊筑子
黍谷生悲風易水何瀾瀾豈無英雄者翻覺霸圖恥
白日忽復易脫冠藝粉梓良覲邈山河撫劍中夜起

送業師泰泉先生赴任留都

曳玉趨鵷署鳴珂入鳳城雲隨珠履集花傍綵衣明
學海摘文教詞園振雅聲還瞻承露渥六寓仰昇平

夜宿雞鳴山寺

獨宿山齋裏空林殘雪明風泉宜客聽江海動離情
罷磬棲禽起開門落葉平無生如可學從此脫塵纓

舟次胥江悵然有恍別之作

鳴榔曉漲後掛席水雲鄉樹繞江流曲天隨客路長
懷鉛慙適洛挾策異遊梁怪爾南來鴈翩翩故作行

詠鏡

嶺南五朝詩選

卷四

明梁有譽

九

神工鑄金液揚彩秦王宮菱花秋不落冰魄夜逾空
鵲起瑤臺上龍盤寶匣中無嗟形影隔皎潔與心同

新秋寄懷友人

相思歲華晚相望海雲深明月青山夢秋風白石吟
軒窓倚桂樹道路入楓林遙想梅花下脩然獨抱琴

秋日越臺登眺

越臺枕郊郭唵眺喜逢秋山向庾關斷江從鬱水流
菊湖荒蘚沒花塢夕陽愁極目鴻圖外蒼蒼雲樹浮

吳宮

月墮平波漫不流烟波何處可消愁千年人傍要離
墓百頃誰尋范蠡舟廊下悲風聞響屨堂前清宴憶
傳簫竹枝似寫當年恨聲起吳江葉葉秋

姑蘇懷古

看山幾日到吳中遊客登臨感慨同金虎跡荒靈氣
滅水犀軍散霸圖空春歸茂苑烏啼月花落橫塘蝶
怨風誰識倦遊心獨苦扁舟長憶五湖東

厓門弔古

誰惜當年識已真汴河回首總成塵憤無勾踐三千

嶺南五朝詩選

卷四

明

梁有譽

壬

士死恨田橫五百人海上乾坤春夢短厓前風雨客
愁新貞魂若作啼鵲去葛嶺山頭哭萬句

瓜步眺望

殘虹慘淡已黃昏江上煙波獨愴魂京口樹濃藏雨
氣海門風急長潮痕西來草色連三楚北望浮雲隔
九閭正值旗亭須買醉憂時懷土不堪論

暮秋登鎮海樓

丹梯裊裊虛無裏下界遙看紫翠重星斗暮懸漠海
樹煙霞秋斷越山鐘杯前風景非秦代鴻外關河盡

漢封搔首白雲應可撥誰騎黃鶴躡仙踪

朝中候旨呈同事諸公

曉望銅龍閣曙暉曳裾趨候掖垣西山雲霧開黃
甸北闕星辰護紫微地迴遙瞻天仗肅時平驚說羽
書飛腐儒通藉慚何補擬獻甘泉願轉違

李時行

字少偕番禺人嘉靖辛丑進士知嘉興縣
晉南京兵部中郎主事罷官徧遊吳越齊
魯諸名山寄情詩酒落落世故若無
所嬰於中者有駕部集文翰詔爲序

江南曲

嶺南五朝詩選

卷四

明

李時行

壬

蕩漿越江邊烟深江水綠不見采蓮人空聞采蓮曲
又

采蓮擘蓮實一半是空房折得同心藕牽絲何太長

感詠

計然抱十策上干越王庭勾踐用其三富國逞雄兵
范蠡往師之佐越破吳城功成汎湖去拂衣且辭榮
隱居齊魯間遂著陶朱名然也誠智囊而蠡術亦精
保身全明哲千載垂英聲

曉行

客行寧畏早殘夜度關城野店月猶在孤村雞未鳴
烟深疑路失寒重覺裘輕去去明河沒東方白漸生

行樂過西庄

行樂莫遲回流光暗裏催鴈隨春燕去老逐少年來
花影移歌席鶯聲促酒杯幽懷兼笑口一日幾回開

聽張使君美人彈琴

玉指理瑤琴含情不自任一彈一惆悵豈是爲知音
夜靜月在水秋高風滿林相如方讌好莫奏白頭吟

贈錢祠部兄弟

嶺南五朝詩選

卷四

明李時行

五

妙新承寵同登漢省郎聯鑣趨建禮散珮出文昌
道協夔龍會名齊翰墨場退朝賓從列門第有輝光
送張朝使使朝鮮便道還浙

冊命辭仙闕緋衣返故鄉九天持漢節萬里拜尸王
舟撼波濤壯旌搖日月光遙看諸屬國奔走使車旁

憶昔

水落天空潯暑收微茫州渚隔沙丘寒催砧杵千家
月霜到關城幾樹秋聲斷塞雲開鴈過光侵池草見
螢流感時王粲心徒切獨倚荆南萬里樓

經易州界

塞北時聞鐵馬嘶薊門霜柳漸淒淒天邊野燒連烽
火城下寒砧雜鼓聲陰磧草荒狐隊出平原風急鴈
行低尊前不見悲歌客易水東流何日西

長安見雪

積素凝寒透瑣闥亂鋪風片轉輝輝祥占太史春偏
早曲奏仙郎和更稀色映瑤臺迷鶴舞光搖銀樹失
花飛玉河堤畔人歸晚帶得瓊珠滿客衣

春日寄直閣林員外

嶺南五朝詩選

卷四

明李時行胡庭蘭

五

周邦方岳冠諸侯賜履今看據上游九塞黃榆開朔
漠五原白草出并州樂非金石和戎日賦似旌旗校
獵秋汾晉征徭聞轉急黎民終賴借前籌

胡庭蘭

字伯賢增城人嘉靖己酉鄉試第一官至僉事

紅崖山春望

萬樹晴光淑氣催行春一馬獨徘徊雲移玉笋空中
出日映仙葩鏡裏來極浦綠烟川草徧小橋紅陣野
棠開莫傷戎事淹衣劍且把年芳入酒杯

提兵與阮中丞追討倭寇于峰頭澳

明中丞營務處

十里兼軍走重營弓刀中夜向燈鳴雲橫殺氣山圍合艦湧驚濤水陣成取勢崑崙知不戰先人呼吸已無兵風雲帳下占成算俎豆軍前慰老生

武定女官鳳索林領兵先至軍容壯甚余喜

之因成長句

索林乃土知府妻代視府事領兵

修戟真能不後期佩刀還喜陸剽犀獵狝步下風雲壯娘子軍前號令齊川湧驚雷原野動山苞含霧塞天低即看滅此方朝食掃穴翻營日未西

是日克木址二塞

嶺南五朝詩選

卷四

明胡庭蘭

五

平易門逆寇大飲至叨功之首

簡書朝下彩雲嶺虎風飛玉帳前金戟揮回二舍日鐵驄嘶斷萬山煙天開泰運收全勝地展皇輿控極邊豈有謀猷叨獻廟獨欣孝友共登筵

觀射

錦隊翔翔建水東焦哮猛士競彎弓帳前百步穿楊巧馬上雙飛飲羽雄諸葛山昏禽欲盡步兵厨裏酒爲空明朝縱獵圍還合射虎平林更射熊

龐一夔

字南溟人領嘉靖甲子鄉薦官至州同

詠懷

心星轉坤維芳榮遽銷謝玄蟬號樹間蟋蟀吟幽榭商飈蕩陵茗物性隨時化瞻彼孤飛鴻遊戲清瀾下霜霰既已違咬藻何雍暇微禽尚有適而我獨悲叱志士惜流光哀歌達長夜愧無魯陽德何以迴羲駕春日寄直閣林員外

仙郎散珮侍彤闈候吏焚香護賜衣親捧紫泥傳禁語時登青瑣沐恩輝飄花細傍宮牆出乳燕斜從御

嶺南五朝詩選

卷四

明龐一夔

五

路飛退食省中無一事晚來信馬柳邊歸

報同守永昌

宦轍銅標西更西博南一望瘴雲迷六年剖竹分麟虎萬里探奇向馬雞御象行春明漢節穿地市粟透蠻溪家傳治譜存滇曲此日登祠問故黎

蘭津謁諸葛武侯祠

劉鐵鍊橋

魚龍酣鬪捲晴虹萬里梯航一線通黑水誰尋夏帝績瀘江今說漢朝功神廟六詔乾坤外祠枕層巒日月中獨倚危欄悲鼎足猿啼花笑夕陽紅

陳紹文

字公載南海人嘉靖丁酉鄉薦官至王府理官遂解印去著有中閣集行世

銅雀妓

高築鄴城臺遙望西陵木霸業已成塵歡娛猶未足
總帳眉秋霜美人閉金屋舞筵映月徧歌梁倚風續
翠華杳不來仙容枉如玉豈不惜羅襦半接垂珠哭
妾身本是輕無乃君恩促逝水何時迴惆悵漳河曲

東飛伯勞歌

寒鳥夜啼雉朝飛洛城巫妾乍相依誰家傾城出朱

嶺南五朝詩選

卷四

明陳紹文

五

戶搖瑞曳帶香風度珠綴瓊窓碧霧濃細帷綺帳隱
芙蓉女兒年幾十六七艷舞嬌歌映春日花枝欲動
彩雲飄空留可憐待誰招

秋日度彭蠡湖

歸客快登艫乘風度蠡湖斷虹垂晚島數鴈下秋菰
葦匝魚梁暗峰懸水廟孤松門頻入望惆悵謝公狙

遊羅浮阻風宿大唐田家

羅浮渺何處風雨暮蕭蕭暫阻仙人約來親田父邀
山雲低度屋江水曲通橋夢覺朱明路雙鳬興欲飄

又

捨舟投草屋質樸有唐風禾黍寒原外牛羊深巷中
提壺孤市遠更燭幾宵同明逐黃龍去仙源不可窮

甲寅守歲

斜雨暮霏霏孤城西月微花應先暖動燕似逼冬歸
北土多戎馬南山空蕨薇草玄猶未就垂老掩雙扉

南征詞奉和秦泉先生

不矯南巡詔徐看出九霄五花邊將馬七葉禁臣貂
帝子馳金絡神人造石橋康衢應有頌誰爲采風謠

嶺南五朝詩選

卷四

明陳紹文

五

泛金川憶吳而待

掛席紫楓前寒江清可憐歸樵遺野燒畝客逐墟烟
山笳迎霜出沙鳬背日眠美人棹歌遠音與續殘篇

留都八詠用黎惟敬韻

錄二首

留都建天府控引萬方遙日月通黃道星辰麗絳霄
禁闥三島隔御展五雲飄一協堯年瑞歡聲動市朝

又

山川連北固曲抱雨花臺紫氣成龍去瑤音引鳳來
調元三相手禦侮總戎才陋彼周王駿徒興黃竹哀

萬歲山

世和文翁十咏也山在子城東北玄武門外蒼天內之鎮山其上的林木蒼翳多珍果一名石果園

陽回禁苑雪初消
登羨蓬壺駕六鰲
堤散相風千柳動
整懸卿月萬松高
紫鱗泳日穿銀藻
青鳥傳春下碧桃
自是臣鄰歡頌地
故應皇澤沛如膏

太液池

在子城西乾明門外周凡數里環以林木亭榭東西跨以石梁瑤華島在其中

芙蓉臨沼露淒淒
登道遙看接岸平
千疊曉山排落

嶺南五朝詩選

卷四

明

陳紹文

天

鴈一泓秋水吸長鯨
煙光倒射功臣閣
陳勢斜拖學士瀛
不是子雲才妙絕
摘詞爭遣紫宸驚

瑤華島

在太液池中上有廣寒宮殿相傳遼太后遊息之所

西苑羣峯結翠鬟
六龍常御五雲端
彩毫有客題員嶠
金鈿何人宿廣寒
花近聖躬烟色艷
桂臨仙掌露華溥
宸遊至此多真境
豈事簫聲引紫鸞

承光殿

在太液池上開以苑城殿構屋轉如蓋一名開明殿中有古松

玉箔雕欄俯禁池
君王曾此駐雲螭
南薰殿迴傳鈞樂
北斗城高四羽旗
千仞暫翔靈鳳翼
萬年長拂古松枝
從來天語多嚴密
只許當時扈從知

龍舟浦

在瑤華島東

極浦山光遠近連
汾風遙憶漢皇船
翠華五鳳扶行日
錦纜雙龍夾渡年
花覆簾櫳明返照
柳搖旌旆度輕煙
侍臣盡喜同遊衍
應有才堪作濟川

芭蕉園

嶺南五朝詩選

卷四

明

陳紹文

无

在太液池東崇臺復殿古木珍石參錯其中每實錄成於此其間

懸崖鬱樹古嵒崎
一入芭蕉路轉斜
窈窕閣翠含燕市
柳御溝紅泛宮花
洞巖窈窕凝雲氣
芝草琅玕閱歲華
想得詞臣焚草罷
好邀明月醉流霞

樂成殿

在芭蕉園南引水為池中連三亭左右為九島東有別殿鑿澗汲水以轉確磨南田穀成於此春治故云樂成

禁園南向帶疇平
更有瑤宮隔水明
行樂坐看松月轉
躬耕行挹稻風輕
島中錦繡千層展
堤外笙簧百

轉驚其說吾王遊豫地豈知農業已垂成

南臺

在大液池南上有昭
和殿下有永田村舍

荒村茅屋繞方塘殿揭昭和隔御墻睥睨迴連山色
秀幌幃高轉水聲涼幾翻紅雨飛桃杏千頃黃雲布
稻梁莫訝此中風景美新豐原是帝皇鄉

兔園

在大液池西崇山複殿林木蔽帶山下小池石龍漱水池中轉出龍吻

兔園西面築瑤宮複道迴廊勢欲通珠樹萬年棲舞

嶺南五朝詩選

卷四

明陳紹文

三

鶴石梁千尺跨飛虹陰蘿轉向懸天上瀑布翻從出
地中誰信九重恩似海解將遊樂與民同

平臺

在兔園之北東臨大液西面苑牆臺下
為馳道可以走馬武帝皇帝常於此園射

先皇神武品邊埃朝散常登閱射臺仙飄聲隨三殿
轉御爐香逼九關開上林羽箭雙鵬落馳道金鉞萬
馬來欲作獵書獻明主不知誰是漢臣才

春日遊太泉得流字

早春風日弄輕柔野服從師作勝遊到郭龍岡松十

里入河虹淵水雙流洞封王檢烟霞古臺隱金書日
月幽堯韭禹糧俱可掇結茅期遂此生謀

梁公實黎惟敬過心遠亭探梅得風字

西墅尋梅路幾重揭來詩興滿幽叢水邊斜掛窺尊
月簾外輕飄斷角風雪羽仙人遊玉苑冰肌神女步
珠宮分明一片春消息只在孤煙峭石中

送客泛珠江宿憑虛閣聽潮分得洲字

江亭青簾月華流永夜潮生水國秋萬馬急追風磧
戰六熬初戴雪山遊歸漁暫失殘荷浦落鴈應迷亂

嶺南五朝詩選

卷四

明陳紹文

三

荻洲料得此時天際客不勝離思滿扁舟

咏釣舟答黃太史休沐

風動輕綸月照簑醉翻漁唱答樵歌曉來獨倚孤篷
看湖上奇峯雪後多

安南凱歌

戟矛千里戰危艘鯨立蛟厖海若愁須臾一閃東風
炬頓覺黃麾據上流
占斷山川列陣形龍鱗鳳翼應天星翻嫌戰染諸羌
血欲挽銀河洗甲兵

霍與瑕

初字勉求復字勉齋子嘉靖己未成進士官至江西按察司僉事入西粵名宦祠祀南海鄉賢祠

月夜登樵

陟陟衝雲路行行度石橋月光分樹影嵐氣合山腰
獨步乾坤靜浩歌海岳搖水晶仙界近應共到青霄

下第自遣

十載無知已三旬下第身春風堪墮淚楊柳總傷神
歸去雲山好重來歲月新未須愁落魄只恐負經綸

嶺南五朝詩選

卷四

明

三

侍甘泉師謁四賢祠

師在羅浮建祠祀周濂溪羅豫章李延平陳白

沙西先生

百代真儒共此祠溪蘋澗藻具威儀三香手獻烟如
縷一脉心傳道若絲古洞浮嵐青靄山堂芳艸綠
依依春深風月無人領渺渺微軀誰與歸

奉懷弼唐古林老師

斷魂芳艸送春殘誰寄春詩白水南杏樹壇邊新水
澤梅花村裏舊雲蒼明時天際看翔鳳老去山中笑
解簪肯訂翳門關上約碧溪微蕨有餘甘

龐尚鵬

字少南一字厓菴南海人嘉靖癸丑進士萬曆間官至左副都御史巡歷九邊以事忤時相勒令致仕卒謚惠敏崇祀鄉賢人浙江名宦著有百可亭集龐公家訓諸書

秋日得塞上督府書

驚喜邊書到祁連朔氣清共論張仲尉何似李西平
歲月東山遠風塵白髮生誰家吹鐵笛偏動玉關情

中秋良會客有不待月而別者

庾亮多秋興高懷向晚開酒深人漸散天遠月徐來

嶺南五朝詩選

卷四

明

三

瑤草千莖露彤雲百尺臺嫦娥能共醉徒倚夜徘徊

鍾心瞿太史欲枉顧作此招之

瞬息年光似水流蓬萊山下幾春秋仰天大笑雲千
地擊筑高歌月滿樓假賽喜逢金馬客逍遙誰識醉
鄉侯扁舟不負東遊興載酒同過謝眺洲

珠江夜泛

百尺江樓擁女牆幾行歸鴈渡瀟湘沙村見月潮偏
急海寺聞鐘秋夜長遠樹漠漠藏野寨銀河迢遞隔
牛郎扁舟莫動盧敖興鼓柁還尋水竹鄉

黎瞻

字民仰番禺人領嘉靖壬午鄉薦授國子監助教上幸太學愛其儀度擢御史以俸未滿力辭上嘉其有古君子風改府判遇尹缺晉府尹以參家貴致仕著有燕臺集世行

送鍾魯軒北上

待聘清時客才名况大儒計偕辭郡國星聚近皇居日暖宮鶯語春明苑柳舒承恩應有賦人得比相如

元旦早朝次錢平阜韻

日開仙苑霧風定禁城雲冀英開堯運謳歌樂漢文

嶺南五朝詩選

卷四

明

黎瞻

雲

御香浮北極清奏協南薰長此瞻佳節孤懷得所欣

送胡子敘還鄉

千里挾孤琴相逢碧樹陰半年燈火夜一夕別離心天馬因風步驪龍待雨吟秋風尋舊約莫候雪花深

思歸

丹心依北極紅蓼阻南鄉燈暈寒侵眼蟲聲細傍牆角憐城闕暮梅憶石門香永夜相思夢渾如玉塞長

贈商少峰寅長

嵩省神仙客乘風下帝鄉雲霞開泮水絃誦溢宮牆

池畫青芹長壇秋翠檜香無才倚壁玉瞻望意何長

送何古林侍御應召

溫室宣遺詔遐方起舊臣賜環彰府符錫命越朝紳詩社辭仙嶠樓船起海濱鳳麟天下重龍蠖一朝伸昌運開堯曆崇階陟漢津廣南增士氣極北轉鴻鈞允矣當名世夔龍可並論

都中元夜

此夜山杯誰與傳十年高咏落寒氈天長不見送書鴈河合難通到郭船白閣獨吟詩太苦寒宵惜別夢

嶺南五朝詩選

卷四

明

黎瞻

雲

相牽香車寶馬金吾夕謾道都城春可憐

贈邵次楊

時舟次書安

半分吟席對韓侯行遍吳江更楚丘清影襲人連夜月放懷忘我在江鷗瑤琴已聽岐山操湖水仍分閩苑流何處高峰頻入望白雲千仞鎖金牛

峽中登山寺

清秋中宿一維舟山月孤懸最上頭萬里行踪江上寄十年清夢日邊留衡陽過鴈隨雲盡峽裏啼猿對岫愁尺素有懷何處去定隨雙鯉到中洲

陳良珍

字在璞南海人嘉靖己酉鄉薦官至知府有在璞文稿詩稿現訓傳世

卜居南極

卜居鄰綠野盤沼而青蘋垂釣風生檻窺簾月近人
百年知已少萬事酒杯親未遣樊籠累應慚野鶴身

正覺寺

返照千峰出飛烟萬壑沉三秋逢令節九日盍朋簪
花雨清禪榻松風起梵林廬山如可社長此賦登臨

秋思

嶺南五朝詩選

卷四

明

陳良珍

五

鳴鳩聲殘歇衆芳紛紛桐葉滿銀牀門臨水國秋多
雁寒人金塘夜有霜旅館蕭條依橘柚故人迢遞隔
瀟湘浮雲萬里奄西北目斷關河幾夕陽

寄台州太守李少鄰

十載鳴珂人帝州緇塵應滿鵲裘青綾暫綴諸郎
直書戟新乘五馬遊入計早徵朱北海分符原屬漢
東甌追趨未得隨平子何日天台訪阮劉

中庭野色

絕壑驚濤接漢平迢遙野色入郊荆坐臨北渚芳蓀

綠簾捲南洲桂樹青雨裏山河州似織霧中林薄翠
爲屏同遊賦客皆陶謝亭上遙看盡德星

浦田觀秋稼

解組蕭條返故園時來秋稼滿江村郊原瑟瑟金風
動禾黍離離玉露繁白髮盤餐供野老清時簫管薦
曾孫江天一曲昇平樂擊壤重歌聖主恩

蘆洲漁艇

列郡曾追鵝鷺羣早從湖海乞閒身風生杜若雲隨
櫂歌罷蒹葭月滿輪萬頃河山雙鶴髮百年烟雨一

嶺南五朝詩選

卷四

明

陳良珍

五

策人逢時好逐磻溪安擬把長竿釣渭濱

題曾儲橋西別野

蕭蕭蓬戶隱蒿萊仲尉柴門鬱木開鄰柵低連穿曲
徑石橋西斷隔纖埃乘閒竹下題詩入薄暮花間載
酒迴莫道幽棲終寂寞問奇長有故人來

溪南書屋成却賦

十二灣頭曲抱村野人相對樂忘言開函月照藏書
室揮翰雲生洗硯軒自別小山松已長歸來三徑竹
猶存白頭正憚緇塵染幸有溪南可避喧

歐大任

字楨伯順德人嘉靖壬戌以歲貢試大廷除江都訓導終戶部郎中著有北園游梁旅燕諸集行世

游子篇

雙鴻春北歸秋風復南翔遊子在萬里何以長相望
出門別慈母兄弟亦殊方明星思井春豈無黍與梁
朔風感肌骨豈無衣與裳負米心徒勤織纈寧可將
他鄉南斗前惟願親壽康睠彼歸飛翼俛然摧肝腸

楊子江樓感秋作

嶺南五朝詩選

卷四

明歐大任

三

江介秋以風蕪城更蕭索叢薄隕其英繁林紛且落
清波何湛湛露下驚孤鶴蟋蟀吟荒庭流螢照羅幕
亭臯眺萬里淮楚引嵩洛關山鴻雁來高樓夜嚴析
飛蓬一失路曹耦非所托推轂謝金張回車避桑霍
徒勤載酒人頗哂校書閣樗散幸自存雌伏祗能樂
徒尚夙所秉因之悟龍蠖

漕河泛舟過法海寺西尋九曲池

晨出廣陵城氣候喜晴旭生烟織前林雜英紛滿矚
長河理輕舟賓朋偶相逐周覽問故基興沒半平陸

灌木傍禪棲迴溪蔭脩竹十里螢苑西往化滅已促
曲池飲牛羊高臺登樵牧昔人棄九五大業消百六
荒哉錦帆遊運去傷陵谷柔脆何足哀氛昏盪傾覆
釋茲憤懣情且寓登臨目

伏日同文壽承徐子與顧汝和飲袁魯望齋

中聽謳者楊清歌時子與已補長蘆矣因

及之

蒲萄綠酒黃金卮吳歛越歌多妙詞歌喉復見薛車
子曲譜似傳楊叛兒絕代佳人不易得楚妃堂上無

嶺南五朝詩選

卷四

明歐大任

三

顏色慣邀文顧兩才人頗驕天目山中客客去南皮
滄海陰浮瓜浮李共誰吟他時莫憶袁郎詠妒殺尊
前白雪音

渡淮河次新息

初離弦子國漸入息侯鄉淮水分桐栢鴻陂引玉梁
人猶歌買父客每憶黃郎回首關東路蒼蒼夕照長

晚憩普濟寺趨郾城

揮鞭窮落日上蔡更西平客問棠溪渡僧還郾子城
泉寒惟馬飲村賸少人行期向澁亭醉長途莫計程

謁文信國祠

卽柴市故蹟

憶昔南冠日匡山恨未忘魂沉柴市月淚盡薊門霜
白鴈銜江草黃龍逐海航中原冠劍在歌舞待巫陽

送曾子澄之塞上

曾是征南將今隨定遠侯白雲沉漢壘春色過邊州
柳拂漁陽騎笳清紫塞樓酬恩知有日談笑看吳鉤

謁孟廟

世豈居鄒日三遷有故宮龜蒙曾蔽魯鳧嶧只荒東
客禮兼金外家祠五鼎中玄圭同禹力誰頌決河功

嶺南五朝詩選

卷四

明歐大任

堯

石洞訪葉化甫

谷口軒車過尋君路始經星曾窺太白雲自上空青
書著虞卿日玄留蜀客亭似聞羔幣起未許久沉冥

茶園

雞犬雲中去遺墟在觀原嶺猿啼蕙帳山葉擁柴門
夜月穿蘿到春霖入澗喧樵蘇無可問知是野人園

夏日同劉仲修李惟寅諸子出城訪丘謙之

得飛字

西來初弛擔策馬問郊扉以我思鄉淚沾君去國衣

齊梁遊已倦江漢賦將歸一葉秋風裏何年向洛飛

經王子新故居

獨有山陽笛難尋谿上廬人琴俱已矣臺沼更何如
暮燕歸新社春泉滿壞渠今來轉悲切未報秣陵書

伏日姚唯之陸華甫董述夫見過

官舍鶯啼綠樹陰炎天步履爾能尋樓前過雨山俱
出階下生煙竹更深講肆不妨開馬廐詩篇何必到
雞林酣歌氣與秋空遠丹壑誰知靜者心

秋晚登廣陵城

嶺南五朝詩選

卷四

明歐大任

早

西風淮水下邗溝何處關山獨倚樓賦後蕪城荒井
運書來瓜渚斷江流青天寒色千砧夕滄海潮聲萬
壑秋滿目蒼蒼見平楚不知歌吹在揚州

過喻水部邦相畱酌得顏字

楚歌何自入燕關聞是恩深早賜環蘭芷並含公子
淚芙蓉雙照逐臣顏句因謝客題精舍疏與匡君乞
障山他日清觴那可共天涯吾已倦知還

玉河隄上見新月時入直署中

弦月纖纖照馬蹄竹書猶把署中棲溝前垂柳穿林

影禁裏新鶯過水啼
綈騎紛隨秦苑北
朱旗深護漢宮西
倦遊不記長安道
一望關河怨解携

送董侍御惟一按滇中

按部西南天地間
威稜久已伏諸蠻
滄江可渡曾通驛
銅柱猶存不置關
晴雪玉連華馬國
秋風仗引碧雞山
便宜封事應條上
羌笮行看六傳還

朝斗壇在羅浮

綈霧沉沉瑞氣濃
步虛聲過七星松
笙簫半在叢霄館
鸞鶴常依見日峰
寶鼎已將明水注
金書仍許白

嶺南五朝詩選

卷四

明

歐大任

望

雲封一辭阿母瑤池宴
長聽花臺午夜鐘

送郭學憲舜舉參藩山西

嶺表儒宗漢使同
璽書授節過河東
廷推給餉蕭丞相
人識單車郭令公
沙草微茫驅伏兔
關城迢遞送飛熊
雁門馬邑原非遠
咫尺京臺正鬱蔥

西苑

日上觚稜照綈游
西宮夜醮火初收
滄池波色青門曉
長樂鐘聲碧樹秋
名岳采芝諸使出
中天築館萬靈遊
漢家詞客頭將白
汾水年年望御舟

汴梁懷古

縹緲宮城十二樓
玉津無復昔年遊
烟深廢苑常疑雨
柳折殘堤半似秋
遺老尚能談楚漢
平臺誰更召枚鄒
輜軒一望中原路
長送黃河過汴州

春日光州懷歸

偶寄微官學廣文
豈能經術似河汾
青春蕭艾愁中長
白晝魚龍夢裏聞
宦業荒齋惟亂帙
世情高枕但浮雲
思歸南海依慈母
便向朱明祝聖君

洛西柳有懷岑給事葉侍御時二子皆謫丞

嶺南五朝詩選

卷四

明

歐大任

望

關西

迴磴層雲睥睨愁
爲君孤眺獨夷猶
關門西引三峰色
河水東懸萬里流
卷幔綠吹榆柳細
開尊紅映杏花稠
春深遠作他鄉客
滿目風塵易倦游

史少尹德初還自海上會于淮南以子與元

美詩見示索贈一首

學書學劍早成名
老握陰符氣未平
太尉東行求劇孟
伏波南下得袁生
鑿空百戰皆王畧
蹈海孤臣豈世情
自昔江淮多俠客
知君還欲請長纓

郭 棐

字夢菊南海人嘉靖壬戌進士官至光祿正卿有粵大記嶺海名世記夢菊集行世

峽山精舍

中宿之勝何雄哉御臺屹向青天開傍峙兩山森列戟中拖一水如奔雷石林琪樹紛交互翠巘丹梯宛相顧我欲攀蘿遊上方雨花四散飄天香璇題總列威蕤伏青鳥勻妝翡翠裳榴花五月鋪紅蕊石乳千條流玉髓往擷其秀啜其精露華浥我涼如洗明月在天照清夜斗酒篇詩自傾瀉洞猿木犀莫號嘯玉嶺南五朝詩選

卷四

明郭棐

望

環金鎖知有無

錦江圖爲陳明佐少卿作

昔日同遊錦江裏錦江水色連天起誰爲作此錦江圖一片生綃映江水江上之山岷與峨千峯萬峯插蒼羅老君閣上青羊在丞相祠前翠柏多憶曾共促籃輿出浣花溪頭弄寒玉高歌大笑天地空何知此身在西蜀支機不識賣卜翁草堂詩羨少陵工指點畫圖何處是濛濛烟雨動秋風

徐孺子

卓犖南州士匡山臥雲石刑餘竊漢柄雋彥遭戮斥矯矯飛鴻姿躬耕甘食力來芻巾黃生下榻走陳直身潔道逾尊時危志不懾緬然懷斯人考槃嗣徽節

郭林宗

卓哉郭林宗涵真自高蹈角中植風流介石屹孤操賦蔬識茅賢如玉敦徐好人倫標藻鑑藝苑樹旌葆黨錮方促刺明哲迴自保千載仰芳踪何慚稱有道遊南華

一酌曹溪水冷然清客心野雲飛不定江月影長陰

嶺南五朝詩選

卷四

明郭棐

罨

六葉藏珠鉢千秋見寶林悠然跌坐處幽鳥隔花吟

皇極殿早朝

金門曙色萬氤氲委佩嚴趨侍紫宸仗外日移仙闕迴天邊雲擁玉華新瑞花香綻三宮樹御柳青消六轡塵最有萬年枝上鳥含聲猶憶去年春

太廟陪祀

斗柄方中玉漏催俄傳警蹕出蓬萊朱旗盡繞雙龍入紫氣遙從五鳳來三獻禮終霜月澹九成聲沸錦雲開從官森列知能賦獨立秋風愧菲才

蘇民懷

字棠陽番禺人領嘉靖甲子鄉薦初授學正轉司務主事官終南寧知府著有

書北齊馮淑妃傳後

鷹犬儀同各階給琵琶當殿黃門立齊兵穿破平陽城妖星馬上催粧急蒼黃介冑暗塵飛猶自嫣然着錦衣不聞汾水方酣戰尚憶天池更打圍金雞啼上白楊樹不見鄴宮行樂處無愁曲奈有愁何粉鏡敲殘紅淚多

嶺南五朝詩選

卷四

明蘇民懷

聖

海珠寺

在五仙西海中上有丹霞諸勝茂林刺天綠陰通水遊船時泊其下觴詠不輟絲竹相聞雖江流累長數尺而不能越其階級蓋相傳隨潮上下也

客子一停橈秋空正次寥珠光凝海寺虹影跨一作落倚

城橋獨鶴唳霜月寒蟾隨夜潮蒹葭無限思宛在水迢迢

秣陵秋思

極目平蕪綠未凋淡烟疎靄晚蕭蕭露華最愛翻梧影霜意何妨到柳條兩岸砧聲楊子渡片帆秋色廣陵潮庾樓莫更乘明月惆悵風前弄玉簫

葉春及

字化甫歸善人領嘉靖壬午鄉薦提守貴州著有詩集諸志多不傳

羅浮

紫氣關中路丹丘海上山抗雲金作闕吸露玉爲顏白馬談猶在青牛去不還似聞笙縹緲跨鶴出人間

同趙太史憩玉女峰

蕭散金門客徘徊玉女峰風光祗自媚雲黛爲誰容蔓草羅裙妬寒花繡幕重他時遇簫史長此憶仙蹤

龐子講堂與趙太史諸公夜談

嶺南五朝詩選

卷四

明葉春及

吳

初上離宮廢名賢講席開山河私萬戶俎豆集羣材坐久黃龍幻談高白馬來藏書在何處知有子雲才

趙太史黎秘書龐太守湛別駕祁孝廉過訪

傲世吾何敢高情客故來鳥迎雲蓋入花近草亭開選勝嘗移席攀蘿更上臺只虞漁父問桃近水邊栽

送孫使君請告歸橋李

卽令耽卧病何事薄淮陽伏枕春雲過開門碧草長世情增骯髒吾道付滄浪却恨羅浮郡無由卜鳳凰

秋日訪江惟誠華林寺卽席分賦金蘭同學

諸子

廢寺殘僧在寒燈繡佛親風塵驅短鬢意氣向何人
白石南山夜青尊北海春古來豪傑士偃蹇見經綸
同山人林熙甫父老陳焜諸生陳巽卿陳練

遊菱溪五雲山

危石盤空上諸峰入望低山連三髻北雲起五陵西
谷靜泉逾響林深鳥亂啼采菱人不見芳草自萋萋
李敬可劉和甫訪予石洞敬可贈詩有卜鄰
之意賦此奉答

嶺南五朝詩選

卷四

明葉春及

羹

空山吾獨往二妙夏能來雲裏峰爲障天邊石作臺
澗流風不斷杯盡雨相催結屋如鄰舍青溪掃綠苔
晚泊彭城

晚泊彭城驛蒼茫對落暉春光途裏盡鄉國夢中歸
事業慚青鏡風塵換素衣惟應鱸湖上閒坐釣魚磯

偶山

海上雙峰鏡裏開芝城宮闕亦蓬萊九江秀色東南
盡三峽聲聞天地來暮雨魚龍喧鼓角中流日月隱
樓臺滄洲吾道真堪付漁子帆檣日往廻

甘棠遺愛卷爲李明府題

鳬舄飄飄向碧空楚天西望楚王宮峰高白鶴千家
雨峽靜黃牛一笛風到日瀘川迎五馬他年碣石看
孤鴻羅浮萬樹梅花國會棠陰滿越中

暮春端州鄭使君招飲七星巖

芳甸春游散紫烟使君五馬鐵連錢石舍樓閣諸天
近水匝蓬萊列宿懸陰洞雨來龍自語寒城燈焰騎
初旋故山猿鶴應愁思滿目江湖且歲年

端陽前二日宗陽約遊西湖同葉韓夫嚴體

嶺南五朝詩選

卷四

明葉春及

羹

怨姚抗之分賦

鴻舫年年泛蔚藍三閭空自放江潭聲聞鼓角千家
盡影落樓臺一鏡涵漁父醉歌還鼓枻故人哀暮喜
投簪且將酩酊酬時序中散從來七不堪

第一樓秋興

卽郡城鐘樓也予
少年曾讀書於此

秦軍漢將昔臨關曾閃旌旗五嶺間南帝殿廷隨桂
水左丞墳墓滿楓山潮聲漸覺迎秋早棧道虛疑出
塞難萬古聖明形勝地海濱真有虎龍蟠

何維柏

字喬仲南海人嘉靖進士官至禮部尚書

早朝祀典

千官清曉集彤墀三殿高居映紫薇鵷列森嚴漸補
袞龍顏淵穆正垂衣明明帝德光中夏濟濟賢才佐
萬幾自辛暮年叨際會敢摠忠悃荅恩輝

白雲山

登臨地迴三城盡紫翠烟深一逕微雲靜九龍依洞
出臺空孤鶴向人飛千山佳氣平臨日萬壑涼飈故

嶺南五朝詩選

卷四

明何維柏陳萬言

粵

拂衣悵望清秋情不極浩然回首月斜輝

遊南華

南華路口別多時尚逐塵勞覺已非野寺蒼松虛鶴
夢洞門芳草待人歸傳燈塔裏留僧偈說法堂前有
佛衣日暮肩輿獨乘興曇花琪樹正依依

陳萬言

字道襄南海人嘉靖丙辰進士官副使哀輶皇明通紀傳世

偶山

詳上陳良珍

閒去看雲碧海東蓬瀛端在海門中波濤紫繞雙山

出草樹交連一徑通崖冷石侵蘆渚月浪搖香落橘
洲風楚天歸客髮垂白疑是釀泉來釣翁

葉夢熊

字男兆惠州歸善人登嘉靖乙丑進士官至三邊尚書

曹溪寺曉起

空林曉壑弄泉流汗漫天涯事事休遼海欲爲終老
計夜郎寧復故鄉謀漢烟秦草憐秋暮嶽色河聲斷
客愁靜掃石壇松影裏可能姓字託浮丘

北還東洲見羅浮

嶺南五朝詩選

卷四

明葉夢熊

吳

名山曾記葛仙蹤海上重過四百峰雲近石樓來舊
鶴天依日觀見長松結廬擬就丹砂鼎出洞俄聽太
液鐘欲伴烟霞今未得祇憑清夢到黃龍

行邊

夜宿山營秋露寒微微邊月角聲殘五更報道擒生
去起拂霜刀據紫鞍

又

盡道將軍意氣豪朔方戰罷解征袍功成自古皆天
幸却笑人間說六韜

盧夢陽

字少明一字星野南海人嘉靖戊戌進士官終福建布政使廉介高風知名于世著有詩文諸集行世

破鏡行

爾缺似難圓爾晦依然明形相半虧精彩在普照萬物皆容成記憶當年如蒲月悞鬪堅剛成破缺由來鑒別本無私節解支分光不滅閨媛宮娥不爾留幾回拋擲墜青樓願藏寶匣重磨洗長與衰翁照白頭

小圃殘臘飲諸公

嶺南五朝詩選

卷四

明盧夢陽

莫

不知年又盡已報早春回暗葉因風換繁花待雨催陳遵當日酒張翰此時杯相對成真率誰非洛社才

飲陳尚書年兄蓮水園

白蓮池上水溶溶秋晚籬花放幾重黑髮還家誰更早清尊留客獨相從城邊第宅開三徑竹裏烟雲露一峯十載追陪難問淵深杯時聽月明鐘

舟望

青松樹樹帶斜陽又見生公說法堂鼓棹不須論遠近但離瓜地即他鄉

王弘誨

字紹傳瓊州定安人弱冠登嘉靖辛酉鄉試第一乙丑成進士初授翰林庶吉士轉檢討編修司業陞太子賓客晉南京禮部尚書著有尚友堂稿及天池草諸書行世

初春感興

候曉追趨漢殿東九重春色萬方同主恩接武雲霄上客鬢驚心歲月中勲業明時看補衮文章壯志愧雕蟲祥光夜出青藜杖授簡從容太乙宮

送臨淮李秀巖畱守南京

幕府高臨建業開風流誰似鄴侯才金貂十葉舒仙

嶺南五朝詩選

卷四

明王弘誨

吳

李畫戟三山蔭省槐揮塵韜分龍虎勝鳴鏐歌出鳳凰臺遙憐他夜南樓月清興何人許共陪

峽山寺

縹渺煙霞四望開仙人此地有樓臺玉環已化猿蹤隱丹竈猶存鶴馭來溪上碧桃和露種洞中瑤草傍雲培捫蘿路入青霄近欲伴前山帝子哀

白雲山

一上名山石磴懸禪宮高倚翠微巔江波泱泱晴還雨海霧蒼茫斷復連縱嶺似乘鸞鶴下仙槎遙自斗

牛旋不須方外尋真訣自是人間別有天

羅浮山

何處神仙四百峯丹梯萬仞削芙蓉瑤臺積翠臨陽谷
鐵澗飛泉瀉玉淙丹洞雲深留鶴馭澄潭秋漲蟄蛟龍
七飛擬鍊超塵劫桂父安期信可通

讀海忠介平黎草

九死批鱗歷險艱一生砥柱障狂瀾孤忠耿耿雲霄上
正氣堂堂宇宙間南海青天名尚在中臺冰月望猶寒
茂陵他日求遺草黎議從誰策治安

嶺南五朝詩選

卷四

明王弘海

李

翠巖

蒼翠似經媧后煉昂藏肯受秦王鞭巖瞻壁立風塵表
端笏誰當拜米顛

謁六祖真相

卓錫泉邊護法龍寶坊叢裏振南宗尋師一叩西來意
雲在青天鶴在松

泰山雜詠

五夜峯前曙色浮瞳瞳先出海東頭擬將赤手扶羲馭
早向人間照九州

李應蘭

字如卿東莞人嘉靖乙丑成進士官至福州太守著有羅浮漫語行世

秋水

百川隨地湧一色接天清壑冷魚龍蟄波浮日月明
南連湘浦遠東注海門平望望美人隔扁舟無限情

卧病

伏枕山齋上圖書晰夕披百年無暇日一病是閒時
夢裏虛逢旦窓前可做義小童供茗罷熟誦杜陵詩

早朝後寄所知

嶺南五朝詩選

卷四

明李應蘭

李

禁鐘初散紫宸朝雲際雙莖露未銷身惹御香歸粉署
心隨紅日上丹青西山朔雪千林滿南國風煙萬里遙
珍重故人滄海隔玉隄何日共鳴鏹

九日偕諸寮長集鎮海樓

佳辰連騎上崔嵬樓閣平臨睥睨開野樹依微霜欲染
海雲迢遞鴈初來十年紫劍空橫斗萬里黃金尚有臺
往事悠悠衰艸外西風長嘯且銜杯

送程度支督儲清源兼懷鄭山人

潞水春深綠似芸錦帆東去度支君珂聲曉散承明

漏劍氣晴披岱岳雲過魯未忘傾蓋語入齊猶餉射
書軍舊遊憶有琴樽侶谷口風流自不羣

寄孫承卿時督薊餉

塞北風高鴈影過省郎寥落奈秋何雲連朔氣浮青
海月帶寒笳出白河天下軍儲惟薊重中原豪傑莫
奈多風塵憶向清源別載酒何時復笑歌

題鍾侍御理蔬小築

與君會上郭生臺帝里春光醉客杯滄海何年雙劍
別風塵回首二毛催桔槔莫問於陵業侍從還徵司

嶺南五朝詩選

卷四

明李應蘭

彙

馬才直待安車懸歲晏抱琴長傍碧山來

過故友鄺大年空中樓閣

空中樓閣自崔嵬仙客凌空去不回窺戶更無雙燕
入傍闌惟有數花開屋梁落月留寒色鄰笛秋風隔
夜臺十載重臨倍惆悵斷雲征雁正初來

輓弟經可

原天津通州二衛華佐

勲名應擬漢平陽歷盡風塵鬢未霜瀛海天高遙倚
劍潞河秋冷泛歸航夢聽殘雨傷春草愁斷悲風起
白楊却愛一經遺業在悠綸他日有輝光

余世亨

字始大一字山人順德人以子嘉詔貴贈
南京福建道御史著有余山人集行世

題何武庫悔齋圖

聞有大人仙幽居傲岩麓清宵冷沆瀣白日甘黃獨
年少焚銀魚三冬萬卷足白眼世途人黃梁幾時熟

與丘止山登高明亭

羣陰漸以盡微陽入短楹岍嶂觀雲物悠然同丘生
所志豈凡近誰甘絆浮名睥睨寰宇中滄浪濯吾纓
仰天誦九歌答爾萬里聲

嶺南五朝詩選

卷四

明余世亨

彙

憶金陵

天作興王地神工豈偶然潮從東海入山與石城連
繡幙開朱戶笙歌擁畫船風流佳麗地憶別又經年

遊香山

地接宸光近山高王氣浮青雲連紫禁白日照丹丘
閣俯中原極河分大澤流出關行欲去策馬且夷猶

過承天府

郢中今代邸王氣昔來多宮城自盤踞陵廟鬱嵯峨
月下衣冠出風前鐘磬和野臣瞻望處天保幾回歌

寄唐內翰

北望薊門迴龍樓旭日邊我惟山澤老君竟玉堂仙
魂夢常千里音書動隔年行藏各隨分知有故人憐

寄沈懋學

遙憶青門子西湖久客年孤山調玉鶴龍井試新泉
灑落黃公望風流葛稚川相思空有夢衰病更誰憐

與歐敬齋夜酌高道士鍊室

江柳依依水國春眼中時序一番新未誇石室逢仙
客且喜臨邛有故人酒醺漫消千古恨鶯花聊伴百

嶺南五朝詩選

卷四

明

余世亨

五

年身韶光轉瞬須臾事莫漫停歌淚滿巾

韶州登高

薄暮孤城逸興催遠尋天半九成臺風烟水石無今
古魚鳥帆檣自往來去國未留王粲賦悲秋空羨宋
生才迂癡老懶霜凝髻慚對黃花滿逕開

夜宿紫霄宮

紫霄宮
當首宮

欲從真境覓佳儔暫借雲窓卧野翁今夜石牀青蕙
帳十年雲夢紫霄宮簾櫳影落松虬月殿角寒吹鐵
馬風隱几吟餘方就枕榔梅花外幾聲鐘

元日過黎氏清泉書院

冉冉春雲覆短牆洞門天遠自風光紅桃碧柳山初
暖翠竹黃鸝晝自長南國陽和生瑞藹西風浩蕩送
幽香小車莫厭頻來往幾度尋芳恣老狂

余光裕

字領嘉靖乙卯鄉薦歷官荆
府左長史著有余江石詩集行世

道經舊遊有感

旅邸驚秋髮欲華白雲天際是吾家鳴絃綠水沿崖
轉入畫青山繞郭斜醫國經綸慚藥石應時文字乏

嶺南五朝詩選

卷四

明

余光裕

五

英華悠悠舊路生芳草愁見垂楊集暮鴉

舟中夜泊

江上烟波鎖幾重暮年踪跡舊相逢荒城鳥散千家
杵茅店雞鳴五夜鐘地接燕臺靈氣合天連粵國白
雲封懷鄉戀闕情偏切無限傷心一笛風

北上道中

明時携策乏才華雙劍凌空北斗斜萬里長途生白
髮一年佳節負黃花龍山風落參軍帽仙渚烟橫博
望槎到處秋光堪買醉休言踪跡在天涯

荆門道懷古

西望夷陵有故都昔年曾此論皇圖楚山花落愁黃
蝶梁苑宮殘鎖綠蕪古洞雲歸眠石獸荒碑火入化
珠襦思歸莫作江南賦蘆荻蕭蕭啼夜鳥

早朝

耿耿星河夜色虛諸侯嵩祝夜分初綵雲燦爛纏黃
道瑞氣龍葱護紫輿御苑春光鶯語滑玉橋風暖柳
條舒兩階舞罷南薰奏治世誰陳賈誼書

九日同陸明府劉揮使葉春元江中共酌

嶺南五朝詩選

卷四

明

余光裕鍾昌

詩

九日酣歌興未休尊中冠蓋盡瀛洲芙蓉十里紅相
媚楊柳千條翠欲流紫禁夢懸燕市月白雲心繫越
山秋江南烟景依然在明歲看花憶舊遊

鍾昌

字繼文東莞人陸慶辛未成進士官至
太僕寺卿告致歸隱卒於途詩稿旋失

九日登東樓

秋城佳節共登臺樓閣蕭森萬壑哀野岸帆檣天際
迴夕陽烟樹楚江來憑高不落青山帽覽勝遙憐紫
菊杯笑倚天涯歲易暮陸沉人事不須催

鄭學醇

字順德人領隆慶
丁卯鄉薦有集行世

青青河畔草

汎汎東流水簌簌水中鱖煦煦青陽暉婉婉懷春女
燦燦盛容華依依絃上語昔爲比目魚今爲孤棲侶
玉貌易摧殘煢然傷獨處

涉江采芙蓉

崇蘭生別澗子子揚秋芬采之欲有贈誰爲同心人
直道易以疎伊憂易以親與君非鷦鷯安得同一身

嶺南五朝詩選

卷四

明

鄭學醇

詩

庭中有奇樹

桐生嶧陽巔枝葉何猗猗下盤千仞谷上干青雲霓
清曠一見錄投漆繩清絲冷然揚妙曲寧謂知音稀

迢迢牽牛星

迢迢河漢清聊慄變金素歷歷白榆花團團范清露
跋彼河東女辛勤朝復暮札札不成章涕泣誰爲訴
攬衣卽河梁躑躅不可度

迴車駕言邁

玉露泣庭柯悲哉秋氣早灼灼園中英凋傷同野艸

物彙隨時化榮華詎嘗保盛年不奮容淹忽淪衰老
誰爲王子喬容顏常美好

東城高且長

東城屬浮雲四術連廣陌樓閣互蔽虧軒車何絡繹
賈賤各有營勞勞自不息往者無復今今者復爲昔
二曜迭相送誰非逆旅客燕趙盛名倡自矜桃李色
皓齒激清聲招邀日相索長歌一何歡短歌一何迫
馳騫奢與華俛首成陳迹達人務大觀奚必長戚戚

左記室詠史

嶺南五朝詩選

卷四

明

鄭學醇

邯鄲有毛薛宗國歸信陵東海有仲連趙相乃完城
濟時在一言何必縱與橫紛紛夸毘子緩頰動相傾
范睢與蔡澤接踵入秦庭羈旅獵卿相嗟咄竟何成
蜉蝣無夕采弱菌無冬榮懿彼高世士鴻鴈游冥冥

阮步兵詠懷

人生處域內飄忽如浮雲去日不可復來日不可留
萬事無終極爲謀苦不周湯火熱中腸何日不優悠
莊生貴齊物孔聖云不憂所以賢達人委運將何求
陋彼千駟公涕泣牛山丘

黃士俊

字亮垣順德人萬曆丁未
進士廷試第一官至首相

禺山精舍同郭大參賦

山齋爽氣入空浮却倚飛來最上頭卷幔坐看青嶂
合扶藜晴見白雲流興來作賦霞偏綺卧去流泉思
更幽祇是燕臺須駿急龍媒那得久淹留

韓日續

字緒仲博羅人萬曆丁
未進士官至大宗伯

永濟橋爲曾澤卿侍御題

嶺南五朝詩選

卷四

明

黃士俊韓日續

高腰凌通術飛梁架急湍形疑蟬蛸合勢似螭龍蟠
跨去龍無力鞭來石有癭斜陽溪水畔清影倒闌干

又

迤逦東山路橋成壓古堤星文連粉堞虹影入清溪
策駟曾題柱觀魚或杖藜濟川君自裕利涉遍羣黎

重登禺峽

磴道盤迴出薜蘿重來已是兩年過山藏古剎青無
恙水到春河綠更多野鳥窺人疑舊識岩花照眼長
新柯山中人去山門寂覽勝其如勝地何

李暢

字若無南海人待問父贈戶部尚書著有嫺笑集行世

春意

郊原春欲動，駘蕩遍巖阿。紫燕雙飛入，黃鶯百轉過。
柳風吹几席，杏雨濯江河。寄傲南窓下，陶情一嘯歌。

和楊肖韓比部春日環翠軒

何人開竹院，有客洗梨粧。傍柳通幽徑，尋溪度石梁。
落花春已半，啼鳥日初長。徙倚東風外，高情詎可量。

清明後三日偕陳堯伯先衍孔虛少虛南浦

嶺南五朝詩選

卷四

明李暢

五

泛舟遇雨

春流南浦綠，泛棹晚風前。對酒爭傳曲，狂歌獨扣舷。
山雲來驟雨，岼火起新煙。何處蘭橈女，褰裳濕採蓮。

浮丘

此地堪招隱，因之紀勝遊。瑤壇耀風日，琪樹幾春秋。
綠羽仙人蓋，朱明太史樓。偶來掃雲石，杯酒任夷猶。

湏江

薄暮湏江上，微風趁夕帆。沙鷗輕泛泛，英石自巖巖。
海濶月先到，山高日半銜。臨流無一事，相對浣征衫。

遣力南歸寄陳宗典布邦直梁體立梁任伯

諸丈

力畊曾共嶺雲東，一別音塵渺去鴻。賦就北山愁自
結，夢迴南浦憶誰同。故園悵望關河外，薄宦行藏涕
淚中。此夕懷人迴無寐，蕭蕭涼雨滴疎桐。

春日鍾山人見過

閒引庭陰掃落花，春風詞客到貧家。官衙一徑唯栽
竹，宦況三年正及瓜。玩世未應懸組綬，逃名端合臥
烟霞。煩君爲結東皇隱，自笑歸來髻已華。

嶺南五朝詩選

卷四

明李暢

五

送薛侯宣博士上春官

侯宣以戴經膺蜀聘所取稱得士故云是

年逢有南宮之捷

岳立儒林髻未皤，橫經誰不羨西河。兩龔學就師承
遠，大戴書傳子弟多。價比南金初入洛，名同片玉晚
登科。金明池上花如簇，好向春風策馬過。

匡廬晚望

指點匡山動客情，寒烟初散暮雲橫。峰頭古寺千林
靜，湖上春帆一葉輕。瀑布尚流經臘雪，梅花猶吐隔
年英。佛燈隱隱鐘聲渺，風送鄱陽一夜行。

張萱

字西園博羅人萬曆己卯
鄉薦官至方岳有集行世

西園春興

殘山剩水日婆娑又喜春光到薜蘿地僻自宜佳客
少花疎偏覺暗香多林坳草嫩鹿遊化蓀箔桑柔蘭
作蛾濁酒一壺琴一曲春聲遙入紫芝歌

又

十日柴扉九日關蘭階苔老石紋斑晝長掩卷惟攤
飯雨過拋鋤且看山數畝老荒鉤鐮健一溝新水枯

嶺南五朝詩選

卷四

明張萱

卒

棹閒相逢莫問春多少衰拙心情木石間

秋興

江空木落片雲高獨立蒼茫首重搔故里幸分原憲
粟良朋空贈呂虔刀窺人野鳥時時下抱葉寒蟬日
日號且向桂蓀覽秋色幽香深處讀離騷

又

園依綠水簇琅玕野色蕭蕭滿石欄睡足暑消南瘴
几髮疎涼到竹皮冠短筇長鏟閒生計老菊衰蘭舊
歲寒日日雞豚賽村社酒杯常得小團圓

麥秀岐

字德徵南海人領萬曆丙子鄉薦初授教
諭官至知州遂致仕歸隱著有澹遠堂諸
稿行世

越臺

黃屋何年易故宮荒臺登眺起悲風函關鹿走秦封
割沛水龍興漢使通城市萬家烟樹合江山千載霸
圖空松杉不解滄桑事依舊寒原自鬱葱

鎮海樓

松濤滿壑散炎埃飛閣凌虛爽氣開滄海波光侵檻

嶺南五朝詩選

卷四

明麥秀岐

卒

入白雲山色隔城來烟花寂寞呼鸞道古木蕭疎朝
漢臺徙倚休裁王粲賦故園風景且銜杯

海珠寺

孤島飄搖巨浪中臨流避暑一尊同樓臺俯瞰鮫人
室香火旋開鷺嶺宮樹色依微浮遠浦江帆歷亂鼓
長風玉輪漸起金波湧轉覺禪心水月空

元夜曲

何事烟花遽寂寥金吾原不禁春宵酒樓且莫罷歌
舞還有王孫醉解貂

區大相

字用愚高明人登萬曆己丑進士官太史
有太史詩集圖南集濠上集制誥館課諸
書行世

君馬黃

君馬黃臣馬驪二馬雖共逐臣馬驅以馳走滅沒出
權奇誰當產者渥洼池踰崑崙度月支誰當相者孫
陽師珊瑚寶勒黃金羈桃花錦障光陸離路旁照耀
幽并兒君馬吉行三十里臣馬前驅爲君死千金臺
上未爲恩一顧塵中豈徒爾不解四蹄踐霜雪西走

嶺南五朝詩選

卷四

明區大相

奎

咸陽東遶水戰罷初歸玉塞羣功成更服天閑馴却
笑周家八駿蹄徒向瑤池御天子

相逢狹路間

美女耀陽春使君朝紫宸相逢當狹路相見在芳晨
高髻圖雲出纖眉寫月新瑤光凝粉臉丹彩發朱唇
再顧傾城國爭看匝路人束腰垂柳陌轉袖落花津
尊貴何勞問行遊別有因容顏成絕代禮法善周身
障面移輕扇回車度急輪珂聲連玉珮衣帶接香塵
采葉嬌淇水登橋艷洛濱何須雲雨夕始見陽臺神

奉使淮藩留別同館諸君

黃鵠東南飛五里一回顧莫言飛不前但爲念君故
士由美名毀女由美容如不見秋至草零落在朝露
今我同懷侶白首期終譽交親誼在敦臨別申情悽

濟上

昔覽山河圖所志在遠遊直由窮其源匪爲恣冥搜
茲水何顯伏神理難與謀始猶穿王屋未乃見陶丘
貫河殊泱泱合汶乃瀏瀏洞濟昔有聞入海道何由
曰余忝嘉惠訪古增煩憂所憂非爲濟淮泗未安流

嶺南五朝詩選

卷四

明區大相

奎

寄言行河使禹功良可求

渡河

胡發鉅野澤夕濟洪河流九流言渺渺九曲良悠悠
汎汎濤淮洲箭溜齧徐州崑崙去幾許孟門猶未休
汨日有餘濁滔天無厭浮我行季夏月北風何颼颼
昔渡限無梁今汎有方舟鳴櫓順洪濤揚帆逐輕漚
岸上誰家叟佇立河之洲望而不得語披髮且行謳
薪竹少暇日隄防無良謀爲我謝河伯無爲吾民憂
川灌何足喜雲旗成漫游請從挾羿矢寧暇事屈遊

再獻淮世子

名藩展大禮吉日厥惟良不覩皇枝盛安知帝道昌
明明高后烈赫赫淮甸張朝恩將日永國祚與天長
珪冊敦往典冕服亦孔臧帝命嘉且隆祇承在謙光
憶我遠來斯寢食獨靡遑幸徼大國惠使命得所將
公子秉峻誼飽德充厥腸終宴連曲池遊遨周華房
自顧微臣分醴酒亦過嘗願我賢主人爲樂靡及康
安望左席貴隕越於國章

叢臺行

嶺南五朝詩選

卷四

明

區大相

完

武靈王何雄哉胡服騎射屈羣材略地雲中西入秦
秦人驚起函關開雄心日暮猶未已百尺高樓更叢
起才人盡解邯鄲步鼎士俄成袂服市鴛鴦宮九碧
琉璃玳瑁朝簪燦陸離十里管絃聲不斷春風吹入
照睂池自從內變起牀第千秋霸業隨流水玉輦金
輿不復行層臺漸圯曲池平坑卒仍開四十萬償璧
虛當十五城君不見邯鄲夜拔叢臺醺酒酣臥溫
明殿莫將天下屬他人英雄爲謀自有見歌舞能令
壯志消古來禍敗由荒宴又不見邯鄲道上逢呂翁

千古豪華如夢中

過韶石

軒帝鈞天後重華復此鄉皇風開楚越大樂觀虞黃
石上停仙蹕雲端識袞裳珠丘不可望流恨滿瀟湘
嶺上望中原

嶺樹鬱蒼蒼千峰劃大荒路盤秦棧沒天入楚雲長
地曠留銅柱春深貢越裳古來思猛士無乃固金湯
江上弔屈廟

去國情如昨懷歸復幾時皇天難具問公子敢言思

嶺南五朝詩選

卷四

明

區大相

完

風雨湘靈泣魚龍夢澤悲九歌君不見空白樹江離
戲馬臺

乾坤龍戰日西楚氣雄哉叱咤千人廢騰驤獨馬來
雲深鉅鹿野日落彭城臺霸業何銷歇傷心但草萊

南都

東吳初建國四海此來同地跨六朝盛江連三輔雄
玉墀留夜月金殿鎖春風正觀周基茂千齡詠鎬豐
又

襟帶河山日規模南北同銅盤萬歲露玉井兩秋桐

江漢思明主乾坤憶舊宮到來歌舞地猶想太平風

又

漢家教懿戚周室重尊親揖讓勞明主艱危仗節臣
豪華卑六代父老望三秦萬古鍾山氣長瞻舊紫宸

以詩代書寄張羽王

美人家何在言住湘川湄獨立歎無與采芳何所遺
春情寄瑤瑟幽怨結江蘼頻夜尋君夢雲山九處疑

又

所思在桂林欲往隔湘陰歲暮書仍阻春來水更深

嶺南五朝詩選

卷四

明
區大相

宅

無山展言讌何以託飛沉不見傾城色空傳絕代音

朝陵遇雨

柏寢參玄漠松區俯次寥威靈羣帝接風雨百神朝
穴地重關阻升天此路遙攀龍無處所遺澤下丹霄

謁張文獻祠

一代孤忠在千秋大雅存詩才惟正始相業憶開元
曝日陳金鑑蒙塵想劍門更吟羽扇賦搖奪不堪論

嚴州陳太守招飲別署

松竹蕭森數里行到門不省是專城郡緣高士風猶

古官似新安水更清山翠入簾吹不散石泉添雨晚
爭鳴逢君坐久多幽思欲就嚴陵隱姓名

山園春日歌

山園景物繫人思最是風光二月時歌愛鳥聲喧別
院舞將魚樂過前池簷桃初結花間子堦笋纔抽雨
後枝自可王孫留碧草儘堪遊子駐金羈

李待問

字英儒南海人萬曆甲辰進士官至尚書
著有史涉詩集文集總曹籌計疏畧行世

蘆溝橋晚眺

嶺南五朝詩選

卷四

明
區大相李待問

宅

錦堞厯長橋蘆溝雪半消九衢龍氣繞一望馬蹄遙
漠漠雲烟斷平平風草騎行人明月夜寥落聽鳴刁

鳳陽道中

聖祖龍飛日周遭佳氣蔥蜿蜒來岱嶽雞犬近新豐
湯沐瞻中立河山憶上公只今全盛日不數漢歌風

讀史

冥冥商嶺叟曄曄紫雲芝本爲畱侯出翻令漢祖知
羽儀聊可挹廢立竟安施回首故山寂功成從此辭

又

博浪千金恨韓原五世思卽看燒棧處猶是報恩時
黃石期將近紫芝人在茲屠秦與滅項千古帝王師

又

漢相噓遺鼎艱危事匪躬應知有巨手何必論成功
千古君臣際三分割據中空餘出師表淚灑永安宮

白雲山作

爲挹仙蹤柱碧筇白雲峰接紫雲峰山連羅障秋涵
郭寺挂流霞暮隱鐘落月未歸珠樹鶴飛泉常護法
池龍蘼蕪丹竈今何處始憶神樓不易逢

嶺南五朝詩選

卷四

明李待問

突

越臺

海色晴分映遠空野棠籠翠故山中葡萄紙道驕秦
尉扶荔曾聞築漢宮鴻鴈影沉滄嶼月鷓鴣啼咽綠
楊風歌塵不惹千秋恨贏得高臺挂夕風

又

南國周遭入望平荒臺猶有越王名赤精已耀終歸
命黃屋初乘是抗衡日擁溟天嶽動潮迎船舫海
雲生樓船一度窺秦服憶道滄桑幾變更

入典劇畧作

自許投身粵水邊病慵那得潤三銓新恩喜值飛龍
日舊署驚看書鶴年未有涓埃酬聖主敢將疎拙對
時賢東方更憶艱難計每爲除書一黯然

九成臺有懷

先大人旅美蓉同呂春山別駕分賦九日九成臺懷古童年見背手澤猶存周道低迴彌增悽愴謹絕筆而賦之

臺枕秋江拂曙涼先人曾此賦重陽碧紗掩映還生
色綠筆低迴幾斷腸五嶺風煙歸逸興百年身世付
清商屏星沒後知音迴遺草空令諷詠長

計偕卽事

經徐州流民鬻鬻形骸不計可視愧行囊羞澁莫克憐之也聊

嶺南五朝詩選

卷四

明李待問

完

沙草批根搗欲舖支饑聊復盼妻孥囊金有限當誰
飽殍骨無歸祗自呼四壁不堪殘夜照三征那得併
春租此行未許長楊賦涕淚臨門一繪圖

語別沙陽父老

路入無諸西復東此身那惜寄飄蓬垂簾盡日心偏
寂作錦初年意未工沙洞曉寒晴亦雨洛江潮落水
生風憑誰留得河陽色依舊桃花春自紅

黎崇勛

字賢之，番禺人，領薦曆中，年補初，
幾交河縣教諭，著有鸞鳴集行世。

將歸江上感興

推蓬閒一坐，不覺到中宵。却喜還家近，猶憐去路遙。

嶺雲斜度月，江水暗生潮。幽興自茲夕，故人何處招。

阮長孺招同諸子集圭峰漱玉社

社爲黃叔化創

何年闢社桂山陽，林木陰森磴道長。幾片白雲閒出

岫，一泓秋水漫流觴。清虛不異神仙地，幽曠真成翰

墨場。更有詞人吟興罷，石牀高枕傲羲皇。

黎崇勅

嶺南五朝詩選

卷四

明黎崇勅黎崇勅

字銘之，番禺人，領薦曆辛卯，
鄉薦著有文水居集未刻。

同周車駕邵憲副宴馬大叅舊署

南旺山河是舊遊，相逢何幸此登樓。孤臺遠帶千峰

色，一水中分兩地流。石畔葵榴侵客袂，門前楊柳繫

仙舟。明朝又赴南池勝，李杜遺文好更求。

送蘇司農出守南寧

美人爲政有輝光，八月乘槎指灌陽。牧守風流新外

吏，司農聲價舊中郎。登臺地軸連南嶺，倚檻天河接

楚湘。露冕行春帷自褰，看君名入漢循良。

何吾騷

字龍友，香山人，萬曆己未成進士，初授翰林庶吉士，歷陞東閣大學士，官至首相，著有寶輪閣諸集行世。

遊仙辭

五岳多紫芝，天台有奇藥。弭節聊容與，尋幽轉寥廓。

倏忽異天地，靈妃忽啓鑰。瑤池杳無塵，蘭芳芬四澤。

眩目乍生驚，怡顏遽相謔。引坐烟林間，玉杯浮翠醕。

屈卮三四傾，靈顏愈灼爍。仙侍排雲來，遶簾進天樂。

樂罷還命去，雙携入雲幙。一日卽千秋，世間無此樂。

嶺南五朝詩選

卷四

明何吾騷

三

又

高樓千百尺，中有兩仙人。金楹標霧縠，翠裾耀龍文。

手持白玉簫，云是鳳凰音。氣動生涼風，聲振入青雲。

粲然相顧笑，駕言遊大清。挽手張孔蓋，聯驪亂羽旂。

果有雙鸞至，乘之昇天門。

慈惠寺作

豈盡耽禪悅，因君作勝遊。雲中閒縱目，世外此登樓。

霜氣凋羣木，風威損敝裘。自然成肅殺，天地正深秋。

曹谿

暫向曹谿路細塵迴已分風清盤細草路遠出香雲
松影千峰暗泉聲隔嶺聞遙聆仙梵落不覺雨花紛

次答黃逢永訂遊西樵不果

揮杯言共訪仙踪書到雲山未許從玉洞明朝單繫
馬德城後夜幾聽鐘捫蘿選勝惟雙屐縱步行吟仗
短筇幾欲緘題那可寄直愁回首鷓鴣峰

月下同諸子發舟遊西樵

樓頭月色映溪沙大海潮生擁漢槎有約浮山淹九
月偶來樵路訪三花揚帆似借仙人馭洗竈憑煎處

嶺南五朝詩選

卷四

明何吾驥

三

士茶豈爲陟幽恣勝賞他年吾爾共携家

月夜諸子載酒聚仙亭

中天皓月出雲端耿耿河山劇一觀十郡瓊瓏鳩鵲
隱四山寥廓斗牛寒杯斟白練當仙掌歌落清霜遶
畫闌人坐羣真君識石憑空吾欲振飛翰

舟中早起

曉望孤峰若可攀江搖疎雨助潺湲雲深欲問茅君
宅巖畔都疑米氏山便覺夢多瓊島路不知身近玉
虛班却嫌劉阮俱凡士得晤神仙草草還

戊辰除夕官詹學士命下適內使奉賜珍饌

恭賦

職掌詞垣道愈尊適逢明主快孤鶩十年未謝諸生
夢除夕新題學士門入講幾能披積素退思何自報
深恩大官日暮還傳饌手捧黃封愧素餐

辛亥春二月朔日襄事先父於鹿鳴嶺灣月

山感賦

吞聲執紼不禁愁纔到天明便一丘反哺只今空有
血望雲何處更停眸青山杳杳千年路滄海悠悠百

嶺南五朝詩選

卷四

明何吾驥

三

里舟寒食春風歲時事蒿廬行傍此山頭

江中有贈

江上微風漸似秋荷衣初曳木蘭舟雲光乍送千家
雨海氣時披五月裘兩岸山青雲閣近一聲猿笑竹
林幽誰人酒罷還登眺檀板秦箏到上頭

晚眺

極目江山起暮愁風吹禾黍正深秋烟迷松壑千村
暝月度雲羅萬壑幽牛背牧童橫晚笛天邊蘆雁下
中流三洲水淺魚梁絕夜渡誰來一葉舟

陳子壯

字集生南海人登萬曆己未進士廷試第三官至宰相順治丙戌大兵破粵子壯念世受國恩遂破產招集流散丁亥七月率舟師圍廣州戰敗退保高明九月大兵破高明執子壯以歸誘之降不屈乃磔於演武場人多惜之著有經濟言南宮集行世

黃鵠篇

黃鵠浴其羽矯絕凌青蒼黃鵠志四海飛飛歸故鄉
故鄉得相見四海徒相望燕識主人心胡爲戀屋梁
精衛思填海空水日以揚金石有變遷滄桑豈足量
不見蜉蝣子楚楚明衣裳惡木非我陰覆車非我糧

嶺南五朝詩選

卷四

明陳子壯

岳

同彼事區區引繳欲奚傷

張義姑詩

桂林有義姑寧不字以全其兄之孤君子謂其於張也有功矣

貞木非兔絲根抱不相離寧爲獨棲燕視此屋間兒
豈不念偕飛此兒不可携婦道貴從人一去志願乖
東家雖自由門內我當支將身代嫂守將心報父母
生男幸抱孫生女拚人婦蒼天不可知孫大經女手
宿伏城驛懷樂羊子

中山仍古道樂羊屹遺祠祠前蒼松柏鬱鬱含芳滋
下有千歲苓上有千尺絲邑人比甘棠因以結遐思

憶昔魏文侯任賢如渴飢盈盈篋中書棄捐不復疑

所以樂羊生感君國士知愛子乃天性啜羹甘如飴

用能輔霸功聲績雲霄馳後來相遇難狗兔多噓嘻

漢高稱豁達淮陰含酸悲唐宗亦磊落玄成終仆碑

何如魏君臣一心亘相期鴻圖迴赫奕青史光陸離

我來探古蹟聊以託陳詞霜風吹素襟老鶴鳴松枝

秋日自遣遂成長篇

生長海之濱所遇無全慧徒知讀父書頗與聞祖制

洪武庚戌詔創科舉昧際時務需直陳簡畧在文苑

嶺南五朝詩選

卷四

明陳子壯

七

宋解校時流造士歸純粹累葉儒風開恩數超無二

肅皇典禮興考官不稱意剔發自英裁臣軀甘杖撻

自憐輪囷非不中萬乘器弱冠遇神祖得事今皇帝

父也入省垣分直聯班侍諫劄傳人口金貂側目視

賤子乃循資謬登大藩使副考曠虛懷房司遵約誓

一展生平愚以茲當獻替未曉三人聲先徵五雲瑞

馳關進天子微文諒不諱稽首論大權睿聰幸蚤計

泯泯聖明憂將踵漢唐季幾回矢劍心廷檻高睥睨

前賢四諫稱聞之有餘媿翰苑忝虛名耳食思羅致

內外互資緣同朝工飭試郿塢棹題新乞我元勳字
候我以遷除嚇我以械繫聞此憤填膺拒客動高置
我生命在天區區敢爲崇肯以筆札勞而供糞除隸
中旨固隱微實與此時值賢書等臯書所坐應謗誹
父已駐天南褫奪傷連累一門霹靂加妻子旅魂悸
去國極踰跟中途糧不繼痛臥長江干伯爲拂行袂
入門粲華髮驚喜若夢寐母氏慰勞深父也從容示
疇昔省垣中久已灼此事纍若或非恩借隱多君賜
我躬不聞後動色皆顧忌喪飭疾雷周高天何日霽

嶺南五朝詩選

卷四

明 陳子壯

美

瓜葛盡株蔓四方走緹騎詔獄剝羣紳有若遊屠肆
出守滿邊津體貌凌大吏翼虎各負隅可憐鷹風輩
九列厚奴顏三臺率竈婢尸祝流藩鎮茅土爵延世
不避勸進名且援專征例汗渾太學傷推崇配禴祭
築怨歸大工沉寃激天地犖轂千家裂數里轟震異
煨燼朝天宮虐燄乃益熾司馬發危言棄之若敝屣
片語下綸扉敷張代聖製盡倒文翰權苦欲箝一切
屬意科場規疊疊申重厲鉤黨舉臣名招搖學術僞
倡和一至今文網密窮治草芥實不才毋乃拾其細

縹緲章句餘及復深知戾淦淦秋風飄耗盡江湖淚
耳垣正有人援毫一申記

四駿歌

是爲上御馬紫點花黃駟馬一匹賜名曰
太平駟粉青駟馬三匹賜名曰玉龍媒曰
吉良乘曰
瞻臺駿

上階煌煌耀寰宇中有星精爲造父遙從傳舍墜天
閑化作飛龍翼神武同寺孳生多逸羣名藩進獻爛
如雲公徒無事閒遊獵長城赤汗兼蘭筋官家酷愛
止四匹太平之驗第一紫花點點綴乘黃御仗光

嶺南五朝詩選

卷四

明 陳子壯

美

輝絢朝日青絲絡腦金盤陀追風躡景何啻過尚方
秦養真無並吉雲之章玉山禾次有玉龍媒沃若銀
鬃雪尾稱維絡瓊島春雲任躡翻太液晴波慣超躍
吉日之乘馴且良唐家六廐避雁行朝而刷燕夕秣
越不與凡馬爭騰驤最後一匹躡臺駿三花飛鳳文
成印曾聽西母白雲謠九色斑麟倍輕迅方知倣儻
更權奇我皇致此服九圉圓丘方澤間一馭金輿玉
輦相委蛇燕昭築臺高突兀劇辛鄒衍徒駿骨不惜
淋漓錦障泥爲君立掃長城窟偏當難險見豪雄矯

首天衢如踏空誰能趨步詭遇子依依棧檻論餘功

耕藉禮成恭紀

雞聲傳紫陌雉尾下青陽列宿輝庭燎和風裊御香
農臣呈耒耜田畯卜倉箱不惜三推力從茲食萬方

詠苻

芳池碧澗同密藻細蒲通深淺皆宜水參差蚤入風
鏡光容展葉帶弱不勝叢下體如堪采連錢冒漢宮

寶月臺

李白居南國青山換九華聯詩在高壁放酌出清涯

嶺南五朝詩選

卷四

明

陳子壯

天

相對烟巒古相懸江漢斜盈盈有臺月長載洞中霞

玉虛宮

矯健看人絕飄搖定帝居旋看天北界不駐日南車
我意無行地山形亦步虛安知舉上嶺高穆數重餘

雲淙海曙樓

古艷新枝雪未齊如雲仙隊訪幽棲冰心久領丹臺
秘洞口曾留玉簡題歌笑一羣俱木客鴻濛尺五應
天雞無辭止宿田家約但米芝英信杖藜

莊景說奉使靖江王邸往來五羊見訪賦此

贈別

物色青門自一丘齊名不敢望龍頭金裝本異陸郎
節繡被還同王子升日出珊瑚輸海市風薰翡翠點
江樓山靈作意邀青吟黃絹新詞愧莫酬

題綠珠祠

逝水徒傳金谷園荒山誰識綠蘿村生辭故井難消
艷命薄高樓敢負恩燕子頻來多戀主杜鵑啼斷爲
招魂憑君一和懊儂曲自有人將孤笛翻

袁崇煥

嶺南五朝詩選

卷四

明

陳子壯

袁崇煥

天

字允素東莞人萬曆己未進士官至三邊尚書

遊曹溪祭六祖

虞帝南遊時此地幾陵谷黃梅證道歸此事非變局
卽今南華源已接西天竺頓門從此開信衣不必續
在俗已成僧寧擇菜與肉風旛未足疑在獵心無逐
何須轉法華自性無不足我來禮金身恍惚舊眷屬
四十未有期已失初面目劍樹狎如家愛河湛且浴
非盡還是非愈解愈桎梏騎驢更覓驢失鹿還夢鹿
無邊是苦海有底非黑獄我性自貪頑他塵豈淫酷

以茲煩惱因電光空僕僕如控惡毒龍豈但難把捉
願師大慈悲更與同人勗

南還別陳翼所總戎

功名勞十載心跡漸多違忍說還山是難言出塞非
主恩天地重臣遇古今稀數卷封章外依然舊日歸

又

慷慨同仇日間關百戰時功高明主眷心苦後人知
麋鹿還山便麒麟繪閣宜去畱都莫訝秋草正離離

鍾崇道

嶺南五朝詩選

卷四

明 鍾崇道 全

字少欽東莞人萬曆庚子鄉薦初任崖
州學正官至四川雅州知州廉靜好學至
晚不倦著有榮
猗諸集未刻

獨夜

江上扁舟泊砧聲獨夜催鄉關情縈縈旅舍夢徘徊
暮角吹殘月寒樽對落梅生涯成潦倒那得好懷開

過新豐

新豐重憶舊繁華草閣荆扉路徑斜雞犬昔能知宅
舍山舍今復遍桑麻沽來却似宜城酒看去難逢茂
苑花祇有當年豪俠在市歌餘自賽琵琶

望廬山

一望廬峰紫翠叢荒祠古剎莽雲中鐘聲遠聽何人
至詩社遙看此日空白鹿去時春不盡玄猿啼處月
偏濃勝遊我亦心偏壯肯為浮名逐短蓬

楚中懷古

曾制鴻溝分漢楚八千人憶別江東錦衣未遂故鄉
志霸業難成蓋代功秦苑燒遺三月火陰陵愁逐五
更風可憐八載徒坑陷歌罷應為恨不窮

鄧雲霄

嶺南五朝詩選

卷四

明 鍾崇道 鄧雲霄 全

字玄度東莞人萬曆戊戌成進士官至大
參公立朝居位廉循正直有古大臣之風
著有燃桂草浮湘草百花洲越鳥吟漱
玉齋竹浪齋紫烟樓鏡園諸集行世

陌上桑

當春綠桑柔懷春女出游不及秦家女百媚驕且羞
使君來一何愚停驂道側久踟躕使君不念立馬久
妾自歸去憐蠶饑

黃鵠

蜂有勳婦有毒君王慷慨歌黃鵠昔挾瑟而歌今任
春而哭黃鵠有翼無足趙王殺惠妃死代王亦是

他姬子吁嗟妒婦徒爲爾

千金報

受一飯報千金非酬母酬寸心漢王推恩重一飯信
不負母寧負漢

吳趨春

步出西城陌香車滿狹斜鹿臺今日草娃館舊時花
江畔多遊女紛紛學浣紗

春日泛舟

江練晴堪染蘭汀靜自芳已宜君子佩不羨好風揚

嶺南五朝詩選

卷四

明 鄧雲霄

全

折采香盈把懷人水一方輕橈徐轉去春望浩茫茫

夜坐

吏散重門掩閒齋暮雀過捲簾引新月籠燭爲飛蛾
初冷黃花瘦城高白露多真成棲隱地不必問雲蘿

秋夜池邊坐月

靜對秋宵月彌清物外心池光浮石榻竹影掃瑤琴
鐘罷千門寂河低五夜深候蟲知節序唧唧共長吟

渡澧州蘭江

蘭江春水滿蘭葉正新抽繫馬綠楊樹揚帆青翰舟

香風吹雨听旭日照中流慷慨思公子烟波未易求

許順叔自吳入蜀無所遇復遊楚訪余喜而

賦之

吳楚相期動隔年重逢懷抱轉凄然悲秋已過黃花
節按曲新裁白草篇萬里烟波馮子缺一床書卷米
家船湖南山水堪圖畫知汝行囊有蜀箋

聞姜將軍計

哭君猶憶六年前抵掌相看各自憐歸去灞陵無舊
業俄聞京兆有新阡蛇銜冷血鳴孤劍星落遊魂繞

嶺南五朝詩選

卷四

明 鄧雲霄

全

九邊俠骨餘香寄蘅杜不須高塚象祁連

小金山春集

維舟孤嶼稱春遊松桂陰陰石磴幽江似鴨頭遙對
酒人乘鯨背更登樓欄前花鳥繁三月眼底烟波到
十洲誰記妙高談宿世不知天地總浮漚

戊辰元旦立春新皇御極收元效祝

龍飛御極正逢辰北斗迴杓泰運新青帝青陽開左
个元年元旦應初春冰山淨掃豺狼影鳳詔重徵草
莽臣旭日紅雲三殿曉坐看萬國盡來賓

和荷盤

溪湖一望錦霞紅
高蓋亭亭弄曉風
瑞露霏微仙掌裏
明珠蕩漾玉盤中
洗粧正喜臨香鉢
進酒休教捲碧筒
誰唱蓮歌翻水調
錦帆遙隔鏡湖東

輓黃焯星學士

居廬雞骨病相侵
易簣猶懸傷母心
薤露不禁朝日薄
萱花長伴夜臺深
人哀盡罷村村市
帝詠遙頒字字金
十尺豐碑埋玉處
時聞烏鳥哭松陰

張應泰

嶺南五朝詩選

卷四

明

金

字開葵南海籍順德人領萬曆壬子鄉薦以禮記名海內崇尚道學間有吟咏極得風旨然多不錄初授福建邵武令即致仕歸隱

留別諸子

揮手豈無淚
春風滿水涯
一官堪自笑
白首更何爲
去路看蓬梗
前山望武夷
悠然正行役
歸計不勝思

初至邵武

何以臨民上
而登父母堂
一經曾跼蹐
百里更愴惶
樵水東流大
龍湖西望方
昔人誰可羨
袁轂有輝光

黎粵俊

字肩吾增城人著有綺樹叢稿行世

暑中得雨

一雨從東至
參差過竹簾
池香花氣聚
砌碧水光潛
病況閒中減
吟心爽後添
田畝方作粒
相對喜廉纖

春懷

麗日光輝滿
草堂海風濃
淡晝初長山
光漸遍芙蓉
水花氣全過
薜荔牆世事
共看消短髮
時名誰擬賦
長楊春來正
與芳心合縱
酒行吟不覺
狂

朱士毅

嶺南五朝詩選

卷四

明

金

字君可番禺人有近齋居詩稿未刻

閒居

花放如佳客
中懷殊渺然
曠觀忘獨坐
得句在高眠
人世豈無術
爲心各有天
一瓢吾老矣
須用古人憐

紙鶴

斑駁羽毛紋
風聲遠近聞
置身在碧漢
流影入行雲
空濶飛難去
形容望不羣
莫言高已極
操縱不由君

梁可瀾

字太狂順德人著有狂仙遺草行世

寄懷舒碣石進士

聯大計以清論請府教授

淒淒倦客況風塵臥聽寒暄入夜分歸夢故園疑是鹿野心塵世懶於雲酒錢近有蘇司業梁肉其如鄭廣文風雪蕭蕭多閉戶教人無賴憶夫君

懷舍姪天亮

竹林諸子日徜徉別後何人對爾狂報國芙蓉藏寶匣登山瑤艸滿詩囊四君門下無高士五柳牕前有上皇文事更能兼武備中原誰薦杜當陽

夜泊西灣

嶺南五朝詩選

卷四

明

梁可調黃儒炳

全

野水泠泠浸碧天西灣深處泊漁船千山月色孤篷外半夜潮聲一枕邊春夢覺來傷往事鄉心老去憶行年白頭不是忘歸客獨對蘆花思悄然

黃儒炳

字煒星順德人萬曆甲辰成進士官至翰林院侍讀學士著有影木軒文集行世

題盧元明白雲樓

樓與朝漢臺相對

高閣面山城逶迤漢峙平片雲千古色一望九愁輕瑞葉飄初定仙衣綴欲成知君幽賞足持贈若爲情道中梨花

驛路梨花發小叢盛莫當輕車斜度影疎幌暗浮香標格依梅綻芳菲鬪雪粧探春頻借汝底事馬蹄忙

霜前白鴈

白鴈聯翩起朔方雲烟萬里更微茫體輕似怯金河冷聲急翻愁玉塞長陣過中宵迷月色影流平渚亂波光那堪早信橫秋度搖落蒹葭夜夜霜

南郊陪祀有述

雲簇千官護曲臺銅龍銀漢影昭回光生絳蠟分霄雪律轉青旻度管灰鼇禁齋居嚴陟降瑤壇禮洽慶

嶺南五朝詩選

卷四

明

黃儒炳

全

趨陪報成欲獻甘泉賦揆藻慙非漢世才

上苑聽新鶯

東風輕拂禁城西二月黃鸝羽正齊靜聽嬌歌流玉樹虛疑仙吹繞金堤問關巧度千門曉斷續遙看盡日啼知是上林迴淑氣春聲如隔碧雲低

濟河中秋

平蕪水沒大河秋蟾影微茫却倒流有客獨移牛渚棹何人重上武昌樓鏡中魚鳥滌波色笛裏關山怨浪遊最是嫦娥仙闕冷靈風金粟正颼颼

金陵渡江卽事

金風吹日落平波五兩征帆陣陣過鷁浪水雲青舫
遠鳥啼楊柳白門多孤燈隔岸侵漁火清角寒江雜
戍歌對此天涯腸欲斷不堪歸路日蹉跎

舟次遇雨酌曹歐二子

密樹啼鳩不可聞楚臺何事暗巫雲岼廻響溜濤聲
壯山挾狂飈雨足分曲渚鳬鷗翻戲逐中原豺虎更
紛紜萍踪莫問陰晴事岸幘持杯且屬君

秋經景州董子祠

嶺南五朝詩選

卷四

明

黃儒炳郭兆年

全

秦火初殘道已孤壁經遺緒未全迂百年禮樂逢英
主三策天人識鉅儒歲遠芳蘋供故里秋高落日照
平蕪招賢東閣成何事偃蹇王門有大夫

郭兆年

字意永南海人著有閒居疏十卷西
堂詩紀十卷丹陽集二十卷行世

夢入桃源詩

山光逗早春寂寂出風塵月色房櫳靜雞聲林洞新
未逢浮海士却見避秦人相送出門去桃花何處津

平圃寄謝恒儒

江驛迢迢江水流旅懷春盡憶扁舟時清野戍停烽
戢雨罷高榕啼鵲鳩長缺可無彈夜永短篇閒得賦
離憂期君何日雲山曲坐對黃花共九秋

梁紹震

字泰臺順德人領隆慶丁卯鄉薦萬曆甲
戌副榜歷官平樂同知崇祀郡邑鄉賢著
有正學論緒
昌堂稿行世

元日

風高千戶曉雲靜九天開把酒聊隨俗占年一上臺
野梅催歲色歌鳥喚春來坐看江潭父得魚吹笛回

嶺南五朝詩選

卷四

明

梁紹震

全

經靈洲山

一名小金山

金山山月下清夜洞門開說法林猿聽焚香野鶴回
欲尋蘇學士更上妙高臺悵望情何極難將客思裁

寄懷叢桂社中諸子

惜別春吟少神交夜夢多六年三黜後一日五噫歌
雞黍堪同約羊求可并過蓬蒿滿幽徑其奈美人何

秋興

署中作

梧桐飛葉帝城隈正是寒期素節催玉女吹霜搖碧
落仙人擎露在蓬萊時聞作賦凌歐館追憶相從戲

馬臺晉宋風流俱寂寞登臨懷抱向誰開

登飛來寺

滿眼紅塵苦不開
樞衣聊此暫徘徊
雲山疊疊安禪地
花雨重重說法臺
古洞舊傳猿化去
殘碑猶記寺飛來
蒼茫往事俱成幻
落日凭欄思轉哀

送丁山人遊粵西

家住飛雲最上頭
別君長笑出羅浮
吳松不入山人夢
遼鶴常隨野客游
綵筆浪吟虛白社
黃金買醉倚青樓
玉姬歌罷無持贈
采采芙蓉八月秋

嶺南五朝詩選

卷四

明 梁繼善 梁繼善 九

梁繼善

字子才順德人領萬曆戊午鄉薦歷官石屏知州著有南枝草南還草王林全集易韻易序西丹筆與諸書行世

南陽道中

作客已堪憐春光復眼前
隴頭浮麥浪堤上散榆錢
旅况鶻聲出鄉心馬首懸
蒼林如可度吾欲問歸船

過沛上

京國馳驅道悠悠客子情
大風吹四野王氣隱孤城
舍遠雲偏白藁深日礙明
徘徊策羸馬愁逐畏途生

過峽江

中有金江玉峽試劍石釣魚臺雪浪閣去歲赴京登此因感而賦時初夏

曾過雪浪常殘臘
今見東風吹綠苔
峽出清冰浮玉去
江銜炎日蕩金回
真人試劍仍留石
高士垂竿尚有臺
作客經年重懷古
不堪蒲節又相催

采石磯

上有捉月亭蛾眉亭舊有凌風閣顏仙煉丹處也今故址尚存

寂寂江南采石磯
憑高一望思依依
潮迴捉月人何去
烟冷凌風客不歸
帆挂天門看縹緲
樹迷京口故罪微
閒情莫向空亭問
妬殺蛾眉幾夕暉

嶺南五朝詩選

卷四

明 梁繼善 黎觀明 全

黎觀明

字輔五番禺人茂才有稿未刻

冬日訪龍泉時江梅已放因得劉長孺公車之訊

之訊

朔風江畔酒頻移
一片重雲蘸小池
策杖欲尋高士宅
酌泉因與古人期
孤峰日落村烟冷
遠樹霜迷客路遲
何處旅鴻春信早
雪中先寄隴頭枝

黃朝賓

字伯遷朝聘弟領萬曆丙子鄉薦有集未刊

喜歐楨伯虞部致政南歸復海西社

十載鵷鸞漢未央一朝龍卧海天長風雲自遠黃金
闕松桂先開綠野堂函谷氣占關令尹鑑湖恩沐賀
知章舊游結社諸朋在添得梅花水部香

送陳明府

十載交情尚布衣二天爲別思依依粵王臺下甘棠
在姜相峰前倦鳥歸下榻自慙徐孺子登堂曾對謝
玄暉彭湖秋水他宵月應照蘆花兩釣磯

楊起元

嶺南五朝詩選

卷四

明黃朝貢楊起元 聖

字貞復歸善人領隆慶丁卯鄉薦第一萬曆丁丑成進士初授翰林庶吉士官至南京禮部侍郎攝吏禮二尚書事因災異上疏恭勸講學仍疏請奉還不報竟以內艱持喪歸學既終喪事畢得病卒起元居家孝友以其真誠待人其學以知性爲宗不離日用要在洞徹倫與醒後儒所著有天泉會語證學編證道書義楊子學解論學存稿白沙語錄楊子格言楊子世家行于世

贈蔣蘭居年兄之畱都

燦燦異珠寶靈蛇護其光君從何所得懷袖登我堂
望見不待言精采非尋常避席下再拜賀君福休祥
君今有此寶照耀無邊方

滕縣

疇昔之京國荒涼見滕縣今我復斯來甫田悉爲佃
頗聞長官仁招集得民便麥秀匝四野牛羊勿履踐
但願風雨時民獲飽梁麩前日江淮行稍聞趙代甸
連年苦旱魃黔首盡離散不覺投七筯豈復顧廚饌
茲土景物舒舉目皆可忭天人本相待有倘故無患
彼豈無父母夫何罹此變無乃期會繁反令慈惠殄
征夫徒駢駢憂喜付聞見

送王光祿削籍南還

嶺南五朝詩選

卷四

明楊起元 聖

漢儲昔未定諫者何悲辛力盡滿朝士功歸四老人
是謀非聖主茲議起廷臣左掖褻封盛東朝羽翼新
一言誰止輦丹地子批鱗削跡還南海登舟望北辰
鶯聲憐逐客草色送歸津遠水孤臣淚他鄉萬里身
帝歌黃鵠舉君詠紫芝春遙想重輪日當迎園綺賓

錦石巖

化邑茲巖勝金仙自幻裁丹青綠半壁珠玉落中台
水帶西來意山當震旦開猿猴蒼木外雞犬白雲隈
山枕盤牀睡龍聞說法來簷花晴亦雨山鳥倦知回

太史藏書室真人煉藥臺彩雲飛玉宇佳氣接蓬萊
同有烟霞興慚無丹雘才長歌仍未盡呼酒更傳杯

盧瑛田

字虹仲東莞人萬曆庚辰成進士授戶部主事歷員外郎中管徐洪船鈔糧湖廣憲副以援蜀軍功遷四川參政轉河南按察使卒贈太僕寺正卿有集散失不能刻

予奉命征西蜀春日會師瞿塘承王咏商

水部招同楊漪翁明府雨中分賦。

東風幕府對瓊觴雨夜論心興轉長山入巫夔分楚
蜀人從師旅識王楊天桃花綻三春色細草風生二

嶺南五朝詩選

卷四

明

盧瑛田

月香終讌不知更漏永醉來猶欲賦高唐

麥應中

字獨時東莞人領萬曆癸酉鄉薦授江西南撫州推官以政績遷廣西河池知州

答洪孺成姻家兼呈趙二守時趙偕幼姬先赴公車

短櫂先君發孤飛影自遲遙憐孤客路獨對遠山蒼
錯落燈前雨悲涼別後詩春光隨處待不負薊門期

瑯琊寺同韓伯儀賦

瑯琊山色照滁州乘輿因君次第遊覽轡飛泉隨馬
足開尊明月出峰頭諸天上下慈雲合萬壑烟嵐古

樹浮欲到窮崖問遺跡斷碑蕪沒不知秋

譚清海

字永明一字見日東莞人萬曆間布衣爲人高視闊步嘗走京師上三大禮疏不報有令讀中秘書者清海曰吾願爲真布衣遂歸隱

出京

倦出都門賦五噫野人蹤跡自蕭疎還家賸有東陵
地去國誰傳魏闕書芳艸幾回驅駑馬春江何處問
鱸魚烽烟嶺海重聞報淚灑塵纓意不舒

鄰霄臺

嶺南五朝詩選

卷四

明

譚清海

落孤蹤歲月淡高臺重上越山岑十年詞賦多懷
土四海登臨祇愴心鴻鴈去來衝雨雪酒杯重復對
風林干戈滿地愁聞捷回首中原淚滿襟

何荆玉

字體孚一字扶陽領萬曆甲午鄉薦著有學吟稿行世

閨怨

玉顏長日帶離憂未寫鸞箋淚已流不信今朝秋已
盡九邊諸將尚防秋

又

花纔吐蕊偏宜露柳正抽芽不任風未到春光成爛
熳已先羞綠更憎紅

又

每愁長夏每思秋及至秋來亦是愁
看學臥蚕低不起淚如江水只知流

又

軟草芳郊綠吐茵鄰娃相約去尋春
尋春最怕逢桃樹桃葉桃根盡惱人

又

嶺南五朝詩選

卷四

明何荆玉張應中

七

銀漢初斜玉漏迢獸爐猶有篆烟飄
可憐明月涼如水閑却秦樓引鳳簫

張應中

字維禎東莞人領萬曆丁酉鄉薦著有二西山房草行世

東事有感

時調粵兵六千征倭督師大將軍陳璘年已七十

虎節魚符出漢朝東方殺氣幾時銷
六千壯士初辭越七十元戎擬度遼
道遠旌旗搖赤日令嚴刀斗肅
寒宵莫歌雨雪傷行役聖主憂勞待賜貂

送友人之懷寧兼寄蔡紫樞明府

故人試宰訟庭閒汝去寧辭道路艱
問俗苦爲舒子國捲簾時見院公山
射蛟豈以登封至控鶴虛傳避錫還
正好招攜重懷古百年踪跡拍浮間

陳向廷

字儀翔東莞人萬曆戊戌成進士官至戶部郎中著有百尺樓稿行世

華陽道中對雪懷諸同寅

迢遞華陽尚遠征
侵人寒色六花明
神遊姑射銀爲界
夢入梁園雪作城
郢曲當年誰絕調
剡舟中夜獨含情
何時借得東風力
吹散同雲望太清

嶺南五朝詩選

卷四

明陳向廷王猷

七

登白嶽

封內神皇北斗壇
上清宮闕出雲端
層崖鸞去簫聲遠
白晝龍歸玉殿寒
浩蕩幾人同選勝
陰晴千古此凭欄
向來何處皈依地
應笑浮生一宰官

王猷

字微方東莞人萬曆丙辰進士官終興泉副使卒贈太僕寺卿著有王氏文獻行世

杪春省耕郊外憩清源洞

干戈猶未起瘡痍又值郊原艸綠時
車騎偶因農畝出杖藜偏愛石泉移
平疇風起追秧馬野岫春生戰

茗旗願得政成逢暇日雙柑長此聽黃鸝

再憩清源洞小酌

九十春光幾日閑與君聊此共躋扳
層城睥睨多臨海村落蕭條但向山
醉墨共書蒼壁上採芝人出白雲間
清商不盡泉聲裏月上叢林未擬還

黃應舉

字清霞南海人萬曆甲辰弱冠聯捷進士
初授彰浦令縣志賢令五人公與焉閩之
鉅卿若宰輔蔣德璟黃道周大參莫廷煥
少參張國經太守顏公賡皆出公門奏景
考選晉秋曹奉差南旋竟病不起
卒年三十六公善吟詠多不存稿

嶺南五朝詩選

卷四

明 王猷 黃應舉 苑

出都

逐隊出都門重城車馬喧二年愧子道一日受皇恩
天壽始經眼黃河欲溯源歸來親已老移孝未須言

署中偶感

偶作彰州令風烟滿畫欄只緣五斗米却笑兩年官
山色靜堪把民情漸可觀莫言鴻未集正好挂予冠

贈鄱陽胡中存

匡阜接天都清陰湛蠡湖奇含雙劍氣瑞毓九苞符
謝樹庭相倚韋經代不孤金莖擎日曉長挹露華濡

次和王虞石侍御西山秋望之作

桂笏西山爽氣浮傍林野鳥競啁啾烟籠淡柳絲絲
暮風捲殘荷葉葉秋有客題詩酬逸賞幾人緩步接
清遊塵踪莫附凌霄翮夢入丹崖盡日留

贈魏合虛進士

相聞相憶限相從同聽長安晚寺鐘陳榻久知遲孺
子李舟誰許並林宗望來彩翮青雲遠彈罷朱絃碧
水溶蓬島瀛洲看縹緲可能攜手最高峯

黃應秀

嶺南五朝詩選

卷四

明 黃應秀 苑

字伯輿南海人萬曆己未成進士初授戶
部主事官至江西糧儲道即告致歸隱外
史氏曰公方強仕便已休致德業修於一
身令譽聞諸四海與漢黃次公後先輝映
矣著有九江草未刻

秋興

竹杖迎風影欲斜芙蓉江上綴年華驚看落葉填金
井喜見微霜入釣槎極目天南飛旅雁關心薊北動
悲笳韶光半百成何事愁對東籬幾樹花

新橋落成偶賦

不斷溪流赴海長溪邊幾曲度輿梁偶過別野看漁

浦却見飛虹跨水鄉落日影涵千頃碧深秋斜照衆
山黃自憐秋隘人烟地乘興時來泛羽觴

朱讓

字次夔一字綱菴南海人萬曆甲辰進士
由戶部主事轉夔州知府有集失散未刻

初冬玄湖寓直次韻

清時分直署玄洲壁上寒光靜不流紅樹遠沉蟾兔
影清風遙過鳳凰樓亭虛夜迴千山寂岸渺天空一
鏡浮最是官閒堪養性更從何處覓丹丘

登天語亭陸生以詩見貽即韻答之

嶺南五朝詩選

卷四

明黃應秀朱讓

首

五色雲霞繞翠臺恍然身世入蓬萊地沉王氣千年
後天接嵐光萬里來金殿層層瞻鳳彩玉簫裊裊聽
鸞迴陽春一曲知難和漫倚欄干悔正開

王安舜

字性甫南海人萬曆庚戌進士初授濟南
司李擢巡按御史著有蘭玉山房集行世

南遊

眾壑凌虛出汪波萬頃中光浮星宿海人在水晶宮
噴沫魚兒浪窺簾燕子風隔江搖落早相望采丹楓

登泰山

泰山東望走羣龍直上天門第一峯泉壑晴霞開
畫長空飛雨洗芙蓉殘碑莫辨秦時字斷簡曾埋漢
武封覽勝欲攄天下目不知身在古鴻濛

黃士明宮詹李葵孺天部同集梁幼寧明府

西園別業

十畝平田一望賒桐林葉葉散秋霞因招太史先生
駕金過茆洲處士家冰簟軟披三逕草水晶香送六
郎花弄潮自有船如藕不用虛乘買月槎

偕劉方瀛陳虛白兩明府集盧元明孝廉白

嶺南五朝詩選

卷四

明王安舜

五

雲樓

看竹名園過子猷登仙今擬鳳凰遊同時金結黃金
綬作賦齊登白雪樓天愛郎星清伏日地憐王氣接
丹丘范軒一睇三山路人在方壺第幾洲

濟城春望

二月三月倏忽過桃花杏花參差開家憐蝶夢三千
里腸斷鶯聲十二迴緩頰懶談天下事知心惟有掌
中杯當門五樹長條發待我青青歸太來

黃淳

字鳴谷新會人萬曆庚辰進士初授寧海令居官廉慎教化為先詳在邑志著有鳴山集李杜或問諸書行世

贈別

及門何許時別舸發朝雨白日吹江雲江空啼杜宇

紙帳蘭

寒香侵客夢愛此玉蘭枝蘭香描不得客心醒自知

庚戌三日即事

地僻烟霞古心閒歲月長道人談白石孺子歌滄浪洗竹驚猿鶴惜花勝稻梁太平天子德稽首望宸光

嶺南五朝詩選

卷四 黃淳

重

寄某憲副同年

黃金臺上春初煖紫陌樓前花正妍馬首旋分千萬里天涯一晤兩三年道存嶺海俱鄉魯運會昆明起聖賢誰謂丈夫輕出處江湖廊廟兩悠然

曾道唯

字元魯一字息菴南海人萬曆庚戌進士授刑部主事轉郎中奉差江南審決浙江恤刑多所平反陞常鎮兵備道崇禎甲戌歷陞湖廣左布政使都察院左都御史以父九十在堂陳情終養公歷仕宦三十餘年善政仁聲載在各志卒年七十六著有介石齋諸集

峽山寺

峭壁懸蒼雪孤亭駐半雲秋聲隨鴈到泉響共猿聞倚檻江聲繞捫蘿石磴分何時凌絕頂高揖紫霞君

海珠寺

梵宇奇繁石一拳布金開剎自何年迴環四水全浮地倒影長空小碍天山翠北來供几案海濤東簸擁樓船琳宮劍壘看如此滄海將無淺作田

中秋韓緒仲李伯襄二太史林元培工部過

集待月

嶺南五朝詩選

卷四 曾道唯

重

城闕微茫夜色懸開尊秋半待嬋娟未看素魄流虛幌止覺同雲淡遠天禁漏暗驚歡會短清光輪向別時圓明宵尚有南樓興肯信佳期動隔年

梁仲玉侍御偶然堂新成志喜

離奇翠柏歲寒姿燕雀堂前意自私杜史五千垂筆地元龍百尺卧樓時交情似水池堪鑑臣節如山石不移伐木亦隨諸子後嚶嚶聊和喜遷詩

許炯

字彥韜一字吾野新會人萬曆辛卯鄉薦著有吾野漫艸行世

東平王墓 在東平州北

孤墳依北郭殘碣表東平一語知真樂千秋有令名
玉魚辭漢寢金盃出秦塋此地終無恙年年芳草生

懷何樂樵

迢遞人千里飄零酒一杯京華同作客湖海獨歸來
塵暗張華劍苔荒郭隗臺江南無去使誰寄隴頭梅

匡山大忠祠懷古

古祠牢落對行宮朝市荒涼夕照中玉璽久歸滄海
去銅駝空見碧苔封已無坏土藏遺劍猶有餘民泣

領南五朝詩選 卷四 許炯

高

墜弓一曲雍門歌不盡蒲山松柏起悲風

歌風臺

帝子何年衣錦回離宮帳殿總成灰碣山雲散龍曾
去華表春深鶴不來千載斷碑芳草合五陵寒食野
花開邯鄲夢破黃梁熟依舊江流繞故臺

下第南遊舟中對酒作

驅馳京國四回路飄泊江湖萬里身且向今朝頻對
酒莫思往事易傷神五窮韓愈何時達四壁相如舊
日貧歸去故園風物好碧桃紅杏不勝春

寄李月山僉憲

十載霜臺老法星嶺南草木亦知名青蠅斷送長沙
路白鳥猶傳細柳營夢裏天山何事到匣中秋水不
平鳴吏門別後無消息鴻鴈來時好寄聲

領南五朝詩選

卷四

高

嶺南五朝詩選卷五日錄

明

韓上桂 六首

黎民表 十九首

黃聖期 四首

黃聖年 十一首

區大樞 三首

曾士鑑 四首

李孫宸 十五首

嶺南五朝詩選卷五日錄

盧兆龍 一首

羅賓王 二十二首

黎密 九首

黎邦城 三首

黎邦琰 四首

梁元柱 四首

區懷年 三首

黎遂球 二十九首

區懷瑞 九首

呂飛熊 三首

伍瑞隆 一首

梁朝鍾 六首

李覺斯 十首

鄧務忠 四首

黎崇宣 十七首

黃葵日 一首

屈士燾 五首

張家玉 八首

嶺南五朝詩選卷五日錄

陳邦彥 三十四首

楊晉 二首

何準道 六首

黃鶴僊 三首

李際明 八首

嶺南五朝詩選卷五

番禺黃登俊升氏訂定

明韓上桂

字孟郁南海人萬曆甲午舉於鄉遷南京國子監爲詩長於古體稿成散去多不傳

子夜歌

月光欲沒花含烟嶺頭遊客愁不眠池中小蓮新貼
水林外輕桃帶露鮮隔牆近在誰家子婉轉歌聲常
入耳吳趨未下楚姬迎玉笙初罷文簫起銀河燭影
夜沉沉寶蕤蘭薰香十里共道千金買醉宵何知孤
嶺南五朝詩選卷五明韓上桂

雜詠

黃雀倚簷屋棲棲若有求飲啄曾幾何網弋遂見收
飛燕處堂幕出入恣所投同爲世上鳥禍福何異由
機性苟未滅耳目動招尤考叔非不賢罪乃起挾斬
所以貴達人脫身事遨遊
夷齊雖渴死不飲盜泉漿顏回雖餓死不食覆車糧
螭蛆甘腐帶青蠅嗜惡壤鳳皇翔千仞振足來高岡

君子秉大道緬邈義與黃豈無曲者容不若抗而方
孔子不伯周管仲不皇唐小人徒唧唧誰與論短長

又

木曲不避影貌醜不避鏡鏡豈爲我私影豈爲我正
周公被流言千古推大聖孔子厄齊陳逡巡引天命
君子靜修身此心如圓映善有華袞隨惡有雷霆競
夙興而夜寐努力承明盛

將別劉觀國

携來雙龍精並是豐城物雄者干青雲雌者藏秘室
嶺南五朝詩選卷五明韓上桂黎民表二
顯晦雖異趨精神原共匹風雨一夜來悲鳴如自失
茂先舊有言神物終當合

又

處則爲卞璞出則爲璠璣貴賤有時別精光永不渝
再別非所歎琬琢深足虞大物戒小用盛德貴若愚
願言珍廊廟毋爲珮環需

黎民表

字惟敬從化人領萬曆鄉薦以母促之仕授翰林孔目掌內閣勅誥官至藩岳有瑞石山人稿論後語養生雜錄行世

肖甫送至天雄故城因觀宋大觀五禮碑同

賦

風吹古城勢欲倒征車北指燕山道道傍穹碑十丈餘
霜風卧青草我行拂拭開塵沙良工獨苦咸咨嗟
婉麗似出虞秘監廓落正類顏瑯琊金薤離披立蛟
鵠赤手欲制生龍蛇誰其能此宋令主千載重操
黑帝矩宮中才人捧硯立殿前常侍登牀取白麻
宣詔賜天雄署銜紙尾紛華蟲珣鐫琬琰勒黃絹典
雅尚有承平風可惜龜螭半班剝牧童燒焚牛礪角
嶺南五朝詩選卷五 明 黎民表 三

經季子祠

古木叢祠走狐兔南北行人往來路墳前松樹摧折
枝猶是當年留劍處古來賢達何紛紛生死交情只
有君不獨片言輕尺璧能將千乘等浮雲可憐祠下
東流水世事悠悠亦如此田竇相傾又一時寧保升
沉不相棄失路狂生笑向天悲歌終夜思公子

出塞曲送陳公聘使邊

留都

騁望白狼間追兵大漠開黃河通月窟青海入天山
剖竹行秦壘封泥守漢關預知麟閣上日待策勳還
幽薊稱巖甸重襟亦在斯尚行南顧策數費北門師
霜瘁青苗盡秋深赤羽馳誰能如賈誼流涕向明時
春夜同童子鳴集潘少承館

向夕衡門掩吳中客子來長河翻月上斷柳逐風迴
小飲憐春盡繁花愛晚開漢關吾欲去刻燭更徘徊

嶺南五朝詩選

卷五

明 黎民表

四

彩雲軒

在羅浮

綽約瑤臺子霓裳下紫烟九華携姝女七洞訪靈仙
麟脯斟雲液鸞膠掣電鞭可憐高宴罷滄海已桑田

遊西山玉泉池

圓渟知異脉方折紀靈蹤濯月金規滿含風石鏡融
平湖隱作浪曲澗瀉爲淙一入昆明去千秋照綺櫳

粵臺山懷古

銅狄栖荒棘珠衣沒古蒿山迴秦壘在雲出漢陵高
大澤龍猶卧春深鳥自號雄圖將近水誰與較蕭曹

又

冷露沾瑤碣淒風斷翠華中原曾倚鹿芳樹自鳴鴉
澗古藏堯韭巖幽偃舜花隆坻聊永歎林薄振清笳

彈子磯

茲嶺何綿亘孤根下杳冥雲光盪鳥背水氣雜龍腥
蜀道攢爲閣廬山疊作屏定知人靜後風雨泣精靈

鐵泉菴

鐵壁臨千仞乘危更一探瀑前安茗竈松杪出花龕
鶴老窺書帙猿閒聽講談誰能開丈室招隱向南山

嶺南五朝詩選

卷五

明黎民表

五

祇事昭陵述感

日角常瞻御榻前豈知人世有桑田金縢顧命留三
相玉輦升中已一年封似灞陵終用儉衣留軒塚合
成仙微臣握管恩偏重痛徹龍髯上九天

和顧汝和玉河見白燕

杏花桃葉盡芳菲曲水春風半掩扉玉羽乍窺池上
影霓裳如舞月中衣畫梁多是無心繞金屋誰同作
伴飛回首鳳笙雲路杳雕籠爭道不如歸

阻風李陽河驛

滿日川原百戰餘旅情芳草共蕭疎蒼山古堠逢秋
驛野水殘燈見夜魚地近瀟湘多暮雨鴈來湓浦少
鄉書故人憶我停雲外惆悵烟波少定居

燕京書事

朱樓迢遞接平沙嘆息深閨有麗華青鳥幾時隨阿
母綵鸞今夜屬良家桃栽碧海多成實桂貯長門自
落花寄語采桑南陌女莫將顏色向人誇

祈穀齋居

鈴索無聲樹色寒集靈臺上拜千官旌旗夜繞長楊
陌燈火春祠泰乙壇暖入芳郊陽氣淺月臨青閣曙

嶺南五朝詩選

卷五

明黎民表

六

光殘楊雄白首玄經在誰捧雲中玉露盤

宮詞

三首

金屋無人奉屬車君王初誦上清書日長不用教歌
舞自繞琪壇學步虛

未央前殿敞秋風芝火煌煌徹夜紅知是驂鸞朝太

乙旌幢斜出五雲中

立殘銀漏未更衣聞道龍池駐翠駢衛士夜深傳畫

燭御街塵起六臣歸

黃聖期

字聖之南海人萬曆庚戌進士官至御史

秋懷

神京壯麗象昭回閭闔門從碧漢開南海晴光連禁苑西山翠色敞樓臺萬方貢使天邊入三殿材官口下來欲向帝城一紀勝抽毫終愧揆天才

又

芝房桂閣對粧樓碧沼芙蓉引御溝輦道乍臨仙佩迴爐烟細駐畫簾秋長鴉每帶昭陽色夕兔長添永

嶺南五朝詩選

卷五

明

黃聖期

七

巷愁聞道深居饒上理懸知宵旰獨先憂

過潛山作

潛山翠削與雲平駐馬偏饒覽勝情天柱日臨諸島近石樓烟散列峰明共傳佐命分南岳曾記登封禮玉清何事笙歌長寂寂松風空送晚濤聲

寄韓緒仲李伯襄二太史

嶺雲燕雪不同時別後封書杳莫期穗石天晴花送暖御河水泮玉流漸冥冥旅鴈飛沙急啞啞棲鳥繞樹遲知爾苑中聯句好早鶯啼處使人思

黃聖年

字達永南海人萬曆戊午鄉薦授當陽教諭爲心博達當政事繁冗不輟吟咏有集

行世

宗德詩

奕奕龍山維鄉之望憲憲我祖實著其鄉殖于德仁所牟匪利保艾我後俎豆以治猗我昭考厥惟小宗率承先德聿隆厥躬受祿于朝時用勿展貽我令名亦孔之腆伯也矯矯蔚爲邦英匪躬竭節世其清貞施則未光志實靡盬是訓是繩陟降斯在

嶺南五朝詩選

卷五

明

黃聖年

八

短歌行

彼晝何長歲計乃短迫我今暇申此誠欬吹笙鼓瑟以樂嘉賓中苟不接化爲勞薪昔我初生傷乎末季及吾方剛而乃不啻盼彼流水其流湯湯亮無利楫孰溯以航歲不我與世亦如斯道遠倒行徒爲人嗤炙我枯鯁命我匏尊惟彼無懷可與晤言

善哉行

高臺悲風烈士悲心匪道云遠霜多歲陰成名甚難身亦不貲吞炭漆身廼得一死羽化丹飛不離世機

華表千年終當來歸偉哉造化心大身小深山大林
人不如鳥衣不厭新人不厭故齊紫三人乃變其素
相彼丘陵蹶然而崩聆此空谷鳥鳴嚶嚶嚶者鳥
于何其臻福祿壽考人百其身

百一詩

君子遠嫌於人不知貞女自譽適授之疑大明當天
重昏自敗白晝秉彗迺自生怪堯舜舉直不煩其術
豈諸讒頑而能一一豈其剗剗必俟太阿美言瑋節
其偽孔多登車執轡坐致千里與驥同奔何時而已
嶺南五朝詩選 卷五 明 黃聖年 九
民端其上吏讎其主可以取庸子將證父人亦有言
以方試病無損其方祇速其命

芙蓉歌

喚僂玉芙蓉愛僂面相似誰知山上峯亦與僂同字
山上芙蓉空嵯峨水上芙蓉秋露多面上芙蓉當若
何

穀溪遣興

新漲失江隈輕陰向午開舟從葉底出濤向樹間來
杜若堪延佇蒹葭宛溯洄吳歎空自好未遣棹歌催

九成臺

一片韶陽石空沿南狩文薰風如再鼓絕嶠始應聞
斑竹迷秋雨蒼梧斷古雲獨將瑤瑟意明月弔湘君
守歲

於世原無術生涯只自驚百年三紀去兩歲一宵爭
京洛塵堪倦蓬蒿逕未成却憐羅綺會不待曉鐘鳴
錢塘飲張夢得齋中

聚首堪悲碣石天空囊還著遠游篇書生憂國真無
賴倦客尋僧却有緣萬里山河孤笑外五年烽火醉

嶺南五朝詩選

卷五

明 黃聖年

十

吟邊忽聽急管催蘭舸愁絕西湖幾瓣蓮

濠上新柳家大人命賦

陽回江上百花明柳色先看弄曉晴拂岸柔條堪繫
舸傍簷纖葉待巢鶯烟籠舞影當杯淺雪擬飛花點
席輕自是柴桑歸去早春風門外倍關情

送何龍友太史還朝

河陽車騎散重陰羽獵聲華在上林望闕幾年滄海
使出關今見白雲心梅花江國行頻見春色龍池到
已深攬袂莫須三疊曲垂裳方御五絃琴

區大樞

字元宰高明人萬曆癸酉鄉薦官通判

除前立春

山城歲已暮大寒將告終嶺雪照天白陰雲霽層穹
星紀淫玄枵斗柄直方東丑月屆當春彩仗迎蒼龍
土牛出地氣勾芒逐嚴冬青帝執規乘大簇達茅蒙
陽和回宇宙衆庶欣豫同羈棲南楚微留滯獨微躬
方抱窮年悶尚其駘盪融嘉卉肇祁祁鳴禽哢好風
于耜來舉趾羨彼東臯農

嶺南五朝詩選

卷五

明區大樞

十一

六月十四夜偶起望月

浮雲纖欲淨衆星疎以沒中宵不遑寐起視南樓月
皓魄已幾望回景尚微缺潯暑澄金波涼颺迎秋發
憶昔西園遊文思壯飛越如何此時望皎皎空城闕
搔首立瑤堦徒然照華髮烏驚棲靡定哀響送蜻蛚
彷徨還予寢夢魂但超忽

詠小燕

小小簷間燕翁翁傍母飛弄音喧繡幙學舞戲春暉
拾絮穿花過銜泥掠水歸終辭白屋去還向玉樓依

曾仕鑑

字人倩南海人萬曆乙酉鄉薦初授內閣制勅中書轉戶部主事著有慶曆稿公車集洞庭集順德圖經羅浮稿南槎記皇明大政纂輯杜集諸書行世

宿黃龍洞偕盧唐憲

石室春同入龍宮夜不眠青天雙瀑下明月二樓懸
羽蓋悲陳迹金書憶晉年何如綺與角長賦采芝篇
同盧唐憲入羅浮

去年勾漏過寒食今日羅浮亦暮春滿地松苓何歲
月諸天宮闕自金銀丹砂草碧迷仙令符竹烟深失

嶺南五朝詩選

卷五

明曾仕鑑

十二

羽人惟有像章祠下月清光長照水粼粼

元岡晚眺

秀壓羣巒瞰碧空一方雲樹畫圖中南臨鴈嶺烟光
紫北引龍溪灝氣融歷井仰窺天闕近望河迴見海
門通蓬萊縹緲無多路目斷浮雲興未窮

厓門弔古

白鷗已沒黃龍去百二河山祇夕暉東海有波填帝
女蒼梧無路怨湘妃厓前木石傳金析海底鯨鯢護
寶衣惟有哀歌亭上月夜深猶伴旅魂飛

李孫宸

字伯襄香山人登萬曆癸丑進士官至禮部尚書有建霞樓集行世

烏棲曲

白玉流蘇翡翠牀不辨燈光與月光誰道城烏解報曙三更亂啼誤歡去

圯上懷留侯

驪龍不探珠空拳不搏虎如何張子房憤激不返顧危哉博浪椎幸脫秦刀俎鬼神發素書授以圯橋父六韜運奇籌亡秦而蹙楚區區一片心侯封非所慕

嶺南五朝詩選

卷五

明李孫宸

十三

長謝隆準公終遂赤松去千載蹟未陳經行景高矩

龍池社集

人座青山近開樽屬晚涼偶來尋白社因得醉高陽露下侵江氣亭虛占月光還應憐夜色鼓枻遡滄浪秋杪再同諸子登落霞峰醉中贈有開

未盡登高興重來結伴游江山仍舊識寒意又深秋席地妨樵徑攀花作酒籌醉忘歸路遠還爲夕陽留

遊清虛臺同諸年丈賦

一引憑高目居然下界分江流如帶水山落乍寒雲

雁影高低度鐘聲遠近聞頻來逐仙侶真氣動星文

長至先日齋居

雍署塵囂隔齋頭意頗真最憐山色近兼與聖宮鄰庭靜喧林鳥官閒少吏人朝來風日好遙望物華新

濟上阻舟

維舟濟水上對酒強微吟道路浮生夢鄉園游子心未能謝羈束聊自任浮沉應媿南來雁冥冥孰可尋

與諸同年遊燕子磯

空王臺殿入烟霄香霧濛濛晚未消肯使高談雜城

嶺南五朝詩選

卷五

明李孫宸

十四

市直分清嘯與漁樵塵心頓擬歸三乘老衲猶能說六朝日暮千山松籟起滿江吹送紫鸞簫

歲暮送余子旦還里因訂五羊之約

江村暮色正蕭然月在澄江水在天投分兩年蓮社約銷魂今日木蘭船梅花臘近含情待菊蕊寒深著意妍期爾穗城春色好相逢應在百花前

舟過望匡廬作

仙都萬仞接蓬萊秀結芙蓉面面開五老雲霞空外舉九江風雨望中迴洞傳白鹿今誰主社闢東林幾

客來自笑平生就勝賞翻從眼底負登臺

過楚項故都

驛館蕭蕭萬壑中停車千載問雄風
草深古戍行人少木落荒臺巢鳥空
烟雨尚憐迷楚渡火雲猶自恨秦宮
酒酣一笑俱陳迹翹首鴻溝有斷鴻

馮茂山謁五祖

西來五葉法初南遺蛻千秋尚在龕
心到空時真不二教從歸處更無三
山前香霧長疑雨林裏幽花併是雲
京洛悠悠成底事何如此地一皈依

嶺南五朝詩選

卷五

明李孫宸

十五

舟過張曲江丞相墓

墓石多天然
瘡瓶祭器

山下春江走濁流山邊丞相古墳留
天成怪石供香火風遙仙韶到寢丘
陵谷豈知人代改蘋蘩空薦粵江秋
低徊此際懷風度擬挾晴霞訪十洲

虎丘

西丘日落坐氤氲吳越山川掌上分
霸氣已荒金虎跡江濤猶壯水犀軍
離宮雨歇餘芳草別墅春殘起暮雲
獨有生公臺畔石吳儂長日醉醺醺

經豫讓祠

于役西來一駐軒荒藤頽瓦古祠存
請衣不盡英雄淚伏劍聊酬國士恩
橋畔殘碑餘舊跡城頭疎雨恰黃昏
寄言墨客經行者莫漫陽秋負烈魂
讀題祠詩多識貶語

盧兆龍

字侯見香山人領薦曆鄉薦天啓壬戌
成進士官至吏科都給事轉太常卿

清音樓次大宗伯李老師韻

百尺清泉兩岸峯層巒終日有雲封
風前倚杖人疑鶴澗底吹簫聲作龍
浪跡祗應隨故武薄遊何處問

嶺南五朝詩選

卷五

明盧兆龍羅賓王

十六

仙踪不因此日探奇賞誰識深山有赤松

羅賓王

字季作番禺人領薦歷乙卯鄉薦授南昌
郡丞崇禎甲申京師陷賓王矢志勤王丙
戌大兵入廣州明年諸邑兵起賓王以見
疑下獄久之乃釋後年餘卒於家著有散
木堂集及獄中草行世

菩提樹

靈根渡海來間關自天竺蔭此旃檀
林枝柯貞以肅日日蕩其光寧爲造化
育回視梁唐春榮枯成一宿百草皆有
生百草皆有欲安得羣物心忘情若斯
木

山居答徐巢友

造化願人少百草無停春遇物輒生嘆終非爲天民
胡爲鄉與土輶笑厭我真草草百年內相逢幾醉人
何如玄洲子金玉同灰塵怡情在山水天地愛其貧

初夏遲社中諸子

古巷局蘿雨墻花隔路塵閉門聊學圃移竹待過人
剪綠懷新果留紅惜去春時艱輕聚散相見莫辭頻
慈雲丈室春日喜雙燕來巢

豈無城市好愛此近禪林擇處偏多意棲遲見爾心

嶺南五朝詩選

卷五

明羅賓王

十七

爐香同晝永燈火一簾深來歲還相訪雲中認磬音

除夕雨雪時客并州

客舍三更火天涯兩歲身雪留今夜臘雨報隔年春
薄醉存寒意明燈見髮新遙憐兒女夕能解憶遊人

春日送友人入虔州

旅雁歸不盡春風朝又過東郊一以別青草更如何
客舍吹榆火征衣換越羅關河莫回首楊柳暮烟多

冬日送盧山人入桐廬訪孫明府

河梁此爲別風雪入年殘况問彭郎渡還歸嚴子灘

青山空向老江水至今寒寄語桐廬宰窮交自古難

寄懷黃逢永久客吳越

江南三月時花發滿棠梨故國開將遍遊人多未知
雲山何處盡歲月自遷移莫遣春風裏年年馬首吹

清明後一日同諸子踏青

清明纔過日萬綠已歸林更踏路邊草難爲行客心
白雲遙望杳古木向人深歲歲春還暮青山獨至今

獄中同畿兒守歲

苦歷三冬盡更殘欲報春頒正無舊曆守歲有孤臣

嶺南五朝詩選

卷五

明羅賓王

十八

爐續餘香火燈留半壁人呼兒還問禮留淚謝君親

秋日寄送友人入蜀

日暮暎風吹女蘿故人西去近如何黃陵廟口蘆花
落白帝城邊秋草多失路自慚鹽驢途窮誰聽飯
牛歌停鞭爲問叩嶠道九折曾經幾客過

徐州戲馬臺

鴻溝分據楚天開一叱橫鞭獨上臺淮水漫誇調馬
去陽山誰信斬蛇回孤城日落寒烟積古渡人歸暮
角催南望長橋莫回首隔河空見雁飛來

吳門

訪古婁江萬木疎夕陽西下幾丘墟誰人却傍要離
塚有客還探大禹書鶴市只今猶泣玉酒城無復過
遊車吳門亦有逃名者何事吹簫向闔閭

蘇臺

登臺日暮上姑蘇吳越江山半綠蕪舊苑有時遊野
鹿扁舟何日復歸湖採香逕冷花空落響屧廊空月
自孤欲向胥濤問流水恨隨滄海幾時枯

西湖

嶺南五朝詩選

卷五

明
羅賓王

九

看花三月到湖西湖草青青水拍堤兩岸綠遮遊馬
去六橋紅暗畫船齊竹枝歌散荒陵冷月笛吹殘故
苑低獨有杜鵑春不住度江猶向汴梁啼

寄徐巢友遊二禺

奇覽何知老大艱遊踪不定二禺間寒江急急舟橫
水夜雨瀟瀟人扣關古木傲雲惟卧石秋風愛客又
還山磨崖讀遍飛空字定有猿歸獻玉環

同肄僧夜話時僧亦下獄

焰焰孤燈挂壁偏鐵圍深鎖半簷天墻花夜落重溝

水梁月寒歸古殿烟鞭石久驅秦日月射潮誰捍粵
山川老僧不解興亡事數記楞嚴第幾篇

哭黃相卿諸義士

一哭轅門日又昏英雄能有幾人存詎云市井多無
賴自昔屠沽肯報恩藏血有時終化碧漆身何處認
歸魂餘生漫復須臾死泣向西風孰可論

花田

素馨花發月如煙一縷香雲起暮田長恨渡頭東逝
水年年空送賣花船

嶺南五朝詩選

卷五

明
羅賓王

二十

莫愁湖

春草萋萋十里鋪石頭城外莫愁湖六朝花柳猶如
昨不見湖邊有姓盧

臨春閣

臨春臺榭半啼鴉昔日能堪幾麗華前道只今都是
柳誰人知有後庭花

迎春曲

艷殺街前遊冶裝可憐樓上笑生香不知簾內看簾
外只道兒郎看女郎

黎密

字縝之番禺人茂
才有聲鳴集行世

偕諸子自環谷步尋西華井學士泉

夙有山水契恣意時獨往及茲春陽候相期事幽賞
步出北郭門蓮峰盡雲上逶迤入環谷迢遞隱蓁莽
蒙茸景物鮮淙淙澗流響沿林互蔽虧及嶺忽開朗
寒泉出山椒涓涓蔭蒲蔣濯漱天風來塵襟頓清爽
彼我各暢懷永結烟霞想

送謝君正之白下

嶺南五朝詩選

卷五

明黎密

主

謝石有奇尚縱情丘壑間興酣弄柔翰咳唾驚人寰
三十事遠遊秋風壯行顏豈爲戀微祿訪古尋名山
鞍馬一相送灑酒臨江關掛帆石頭城高咏牛渚灣
思君白門柳去矣何時還

入賀州

迢遞西江水行行近楚鄉山形環四面溪路北迴腸
野牧爭猿果居人采蠟房憑高一以望歸夢海雲長
過陳憲副園亭同黃元卿賦

勝地曾航賞重遊路已迷危亭臨碧沼飛閣湧丹梯

既醉花間酒還從橋上題春風正披拂相對澹忘歸

春草

如幔又如茵春原送望新爲惜王孫去徒傷南浦神
藉花紅亂點映柳綠相勻尋芳試采挈逐伴鬪佳人
送張彰之遊燕

迢遙千里路木落萬山秋別母雲中舍趨程雪裏舟
悲歌過易水遠夢到羅浮極目中原思風雲羨壯遊
又

舊是比鄰好彌深遠別情江鄉懷雁字驛路聽猿聲

嶺南五朝詩選

卷五

明黎密

主

微骨羞彈鋏雄心待請纓魯連千古士終不重勲名
九日三水道中與公補先生對酌

鼓棹西行羨壯遊一樽還醉長官舟鄉懷望斷茱萸
會客路愁當鴈鶩秋遠郭澄江流滾滾臨岨霜葉落
鸞颺那堪令節風塵裏欲采黃花不自由

賦得上苑桃花

遲日東風淑景新桃花開遍上林春香飄複道隨雕
輦艷拂千門綴錦裯天畔連雲曾種露人間流水未
迷津他年若獻西池實誰是詠諧侍從臣

黎邦城

字洞石番禺人萬曆歲貢任興業知縣

詠史

燕政托揖讓社稷墟齊兵昭王圖雪恥求士千金傾
壯哉樂毅士報以七十城當時重其略國乘傳榮名
於期頸自刎荆軻計不成一感知已恩九死其所輕
寥寥千載餘烈風爭日明

陳勲卿邀遊龍津園分賦

出郭探幽境尋源識舊津雲林高臥處清世直聲人

嶺南五朝詩選

卷五

明黎邦城

三

道勝拋章綬功成任角巾鑿池分碧月選徑迴紅塵
門閉無題鳳庭閒有坐賓尊餘十日酒盤備四時珍
改席臨花塢揮觴藉草茵嘉蓮曾紀瑞妙句忽稱神
繼綵深投轄逍遙洽釣綸漸看霞色晚乍眺月華新
歸路寧辭倦重來肯厭頻東山棋局好長奉對千春

鎮海樓同諸子作

頻年京國思君夢此日危樓得共登暑氣半消青嶂
裏襟期偏洽白雲層海潮飛雨侵瑤席澗道流霞斷
古藤拚醉不愁明月去松門深夜有禪燈

黎邦琰

字君華番禺人萬曆辛未成進士官終方岳

越王臺

谷口鳴鐘午招尋興倍殷逕荒餘竹色碑暗一作落
苔紋花隱龍池樹人歸鳥道雲且移溪上席小酌把
蘭熏

郭金吾草橋別墅

十里川原接帝畿疎林曲逕入秋暉乍從花外尋源
去忽向橋邊泛渚歸雨過竹光搖翠羽霜清蓮粉褪

嶺南五朝詩選

卷五

明黎邦琰

三

紅衣開尊便動江湖興白馬相隨未肯飛

大閼次歐廷評丈韻

夾道戈旗耀日開蒐兵振旅自天裁翠華乍轉懽聲
合黃鉞初揮凱奏來虎踞九關雄雪磧龍驤千騎集
雲臺從知廟畧歸神武獨愧長楊羽獵才

又

韎韐初傳吉日篇雨師先為肅氛烟陳鉦曉出長安
道表貉春臨大漠田上已鶯花深駐輦中堅虎旅細
鳴鞭皇風穆穆乾靈暢磐石今看拱萬年

梁元柱

字仲玉順德人天啓壬戌成進士初授翰林院庶吉士遷陝西道御史有集行世

入館言志

結髮事孔顏翳翳恣仰止壯懷久拓落一日副知己
儒冠不誤人况乃私天子堯舜可再生夔龍未終死
中夜激衷腸耿耿圖國士丈夫遇明時功名安足比
功名豈能捐所保在廉恥

夜坐有懷

高樓寒夜迴纖月破新晴坐落雙銀漢平臨百雉城

嶺南五朝詩選

卷五

明

梁元柱

五

香烟癯病隔小築畏人成不盡憑欄意微聞吹笛聲

京邸訪區楨伯

春來聞爾客長安尺素空傳欲見難此日風塵欣把
袂明時詞賦獨登壇吟邊景物年華暮戰後河山暝
色寒官拙自傷寥落久故人猶爲罄交歡

秋日入曹溪宿等上人方丈

秋清祇樹晚含霜乘興同過選佛場嶺北寶林今法
界天南炎海一津梁談深夜月憐衣薄坐酌秋泉引
興長自覺浮生閒半日前途底事却茫茫

區懷年

字叔永懷瑞弟天啓中明經有集行世

冶城

曉出西州道遙見荒城陴荒城久蕪沒樓觀空逶迤
試問城者誰云是闔閭兒範鐵俾神工霜花動寒威
一朝按劍怒齊越供鞭笞燁盟走諸侯聲歎風雲馳
諸暨負薪人艷艷一作當華姿酣歌上蘇臺嬪御失
光儀長夜何未央般樂及水嬉霸業日以墜決裂不
復支錫鏤謝孤忠茂苑遊鹿麋風流如可回千秋挹

嶺南五朝詩選

卷五

明

區懷年

五

鳴夷

西樵

朝望樵山巔暮止樵山麓路迴蒼藹深天外散鳴玉
谷口約秋霞半是經霜藪坐此清冷中顧見毛髮綠
峭壁有奇文目暝不敢讀此意無人知藜牀了心曲

鎮海樓

江城軒卷動高秋萬井疎烟暝不收木落遠村微見
水山空涼月正當樓清砧斷續人聲杳候鴈驚飛客
思愁松露滴蘭芬几席夢魂容易到丹丘

黎遂球

字美周番禺人領天啓鄉薦崇禎甲申燕京淪陷長江不守公統師後領與留守總督萬元吉死之贈太僕卿謚忠愍公先戊辰公車過金陵會影園集賦黃壯升詩印席成十首錢宗伯謙益置第一時號壯升狀元著蓮鬚集四十八卷易史諸書行世

中夜篇

中夜對酒徒倚傍徨庭臨東海發發星光南箕如舌
北斗主張歷歷古今治亂何常伍員入吳伊尹歸湯
栖栖魯儒戚戚楚狂聞言不信聽讒則詳天運所爲
萃和一倡誰爲黼黻顛倒衣裳誰爲嘉賓吹笙鼓簧

嶺南五朝詩選

卷五

明 黎遂球

三

我矢用直我弓用強射爾卷舌遂掃機槍主悅臣安
顧見鳳凰麒麟在囿元龜在堂朱華燁燁騶虞將將
出照卿雲處蔭重房元氣開明樂哉未央

擬古少年從軍

左手斂垂髮右手拍長劍行行已萬里馬力直于箭
追得負心人抉骨獨留面携將報所知當夜重開宴
衆客輕後生酒至坐疲厭不語疾馳出復向沙場戰

又

夜宿河上沙日飲河流水黃河不照面心熱酒發耳

男兒漸有鬚安能悅女子不如老邊庭夢我長哲美

秦溪曲

花紅人髮黑綠水流香國照水樓參差朝朝漾春色
落月照簾櫳金鏡雙盤龍風開紫羅帳繡被吹芙蓉
晶簾互明滅艷曲花間發鸚鵡不知寒隨人歌白雪

荆卿行

寒風蕭蕭浩無主長虹曉射咸陽柱馬角生成烏白
頭遂令祖龍環柱舞端門兩兩蠻尸人九楹錯綺排
九賓將軍有頭不得語開函怒目猶如喚殿上呼王

嶺南五朝詩選

卷五

明 黎遂球

三

王負劍夫人七首何曾驗荆卿大笑藥囊前虹影猶
侵血花艷虹欲鬪龍龍未死龍死扶蘇作天子天意
亡秦必在胡鮑維龍腥此時是

短歌行

酒酣月滿地爲君歌短歌願君漏壺箭刻作魯陽戈
夏姬老矣羸女如何維南有箕維北有斗持倚南山
塵載挹東海酒明明如月仙人見之腸斷絕嫦娥倩
靈藥玉兔如春雪何不醉挾羅敷採扶桑燭龍移炤
合歡牀

天上樂

雙桐階影涵重臺碧幙長廊鳳淚灰枕痕暈紅酒初
歇銅鴨錦窠香氣咽夢回懸鏡疑懸月珠彩離離壁
光發椒圖間列羽林郎刺閨待命聲中望莫向橫門
待魚鑰轟雷不入溫柔鄉

劉生

劉生稱少俠十五事遨遊射鳥趙家路吹簫秦氏樓
龍媒花下馬狐腋雪中裘近佩將軍印開簾選徹侯
金陵陳都督席上遇溫覺斯將歸五羊賦贈

嶺南五朝詩選

卷五

明 黎遂球

无

金陵多上客玉帳坐同君晚翠入青靄大江流白雲
歸心愁并引醉眼望曾殷不飲將軍酒逢迎空復勤
送盧公子詣闕請其先大夫卹典

尊酒歌騷慷慨餘送君行矣曳長裾愁磨敵血先臣
劍淚乞皇恩孝子書花下紫騮三月路日邊丹鳳五
雲居思鄉莫易頻回首風雨麒麟卧草廬

過端州七星巖留題

石殿玲瓏翠滿窗仙人都在水雲邦湖光北繞通諸
洞峽勢東回束大江徑接丹梯成複道影涵金榜動

飛幢腥風晝擁桃花雨坐到龍歸試學降

初秋客婁東同張天如孫孟樸邵僧彌集吳

駿公齋中卽席賦

玉軸桃笙入薜蘿湘簾垂燭漾涼波清江桂楫纔相
望白石桐窗快共過詩渴莫愁沽酒盡賦成爭羨買
金多深宵淺露勻花氣月上還堪醉踏歌

東萬年少

虎丘明月記詩筒鳳闕芳塵西復東垂柳色連堤艸
綠落花流積御香紅鶯聲喚友題詩遍蝶夢還家貫

嶺南五朝詩選

卷五

明 黎遂球

手

酒中蚤晚玉堂猶獻賦陽春如和喜君同

都門三月三日李灌谿老師招同顧端木陸

起頑徐孟博簡伯葵集雙河菴卽席贈起

頑 子將南還

漢庭前席尚相求燕市狂歌半倦遊馬上新傳陸生
語龍門慚附李膺舟香塵綺月三千里弱柳嬌鶯十
二樓回首自憐消渴甚羨君訓唱動皇州

河上懷徐巨源

黃河日落繞天長風起雲飛舊戰場野店短衣眠亂

艸成樓橫笛向垂楊千盤未覺羊腸苦一醉頻傾馬乳香更欲與君同仗劍和吟新句坐流觴

同顧修遠訪周仲馭焦山留宿時以茂先遺

書爲乞誌銘

蒹葭秋色到蘭橈石榻松風夢玉霄鐘外月明京口寺枕邊雷送海門潮居山隱士留名姓瘞鶴仙人去寂寥不負題碑惟有道對君懷古淚同飄

夜過王予安寺樓令子茂遠從山陰至率贈

黃絹新題處處傳紅綾一幅奪時賢桂枝總羨趨庭

嶺南五朝詩選

卷五

明黎遂球

三

日芍藥誰如作賦年捧杖正懷湖上寺開樽俄到雪中船燈前起舞拚沈醉老我風塵待着鞭

戊辰長安感述

枯楊猶憶驟生花奉聖夫人擅內家鐵冶易成開國券玉容都恨守宮砂呼鷹敢擊將雛鳳騎馬歸隨帶日鴉從說昭陽恩寵盛不堪流涕盡天涯

又

盈庭諸論慣相持曲直三朝未可知譏刺互操南史筆纖羅偏入党人碑焚香喜見新枝卜振翰應懷舊

羽儀近日正資謀野畫願捐成見答清時

楊州同諸公集鄭超宗影園卽席詠黃牡丹

十首

錄二首

一朵巫雲夜色祥三千叢裏認君王月華蘸露扶仙掌粉汗更衣染御香舞傍錦屏紛孔雀睡搖金鎖對鴛鴦何人見夢驚男寵獨立應憐國后粧

又

誰買長門作賦才守宮砂盡故徘徊燕銜落蕊成金屋鳳蝕殘釵化寶胎三月繁華春夢熟六朝芳草暮

嶺南五朝詩選

卷五

明黎遂球

三

霞堆上尊合賜詞臣閣邀賞還宜八駿來

吊張姬和彭孟陽

柳色春生鎖夕陽城隅烟冷艸仍芳鴛鴦儘避金丸擲鸚鵡會催寶鏡粧回首忽如行雨夢典衣誰換返魂香鄰家記曲餘紅豆種得相思落女牆

江姬以忤貴陷獄念其冤解之謬欲身報賦

此以遣

飛去無勞首重回春風何力柳眉開他生若作銜環鳥莫向名花隊裏來

春園

風吹窗紙似鳴絃小小楊枝舞外邊向午短衫羸一
枕竹門深迴閉香眠

楊柳枝詞

翠壁朱闌十二千滿堤楊柳一般看如何蘇小門邊
樹偏有遊人繫玉鞍

少年行

年少傳聞十二州報人讎盡轉多讎經行不用變名
姓醉臥胡姬賣酒樓

嶺南五朝詩選

卷五

明黎遂球

三

西湖紀咏和陽羨謝山人韻

垂柳臺前半勒驢桃花馬上少年郎尋歡不值還追
去繞盡新荷十里香

吳門夜飲曲

艷女菱歌入晚風飛花添上舞裙紅樓船坐遍簾櫳
月疑在吳王水殿中

和徐巨源漢宮春曉賦

紫燕黃鸝滿殿頭苑邊垂柳曉風柔宮人倚檻纔梳
洗攀落桃花出御溝

區懷瑞

字啓圖高明人領天啓丁卯鄉薦輯府志
精核大備成一代良書有趨庭稿遊燕草
世行

初至玉陽

踐玉作名城乃介荆郢間西稱湯沐邑北列价人藩
蠶叢復東路設險抗雲關宰牧苦郵傳束帶無時閒
晨起理訟牒日肝不得還臞瘁道固然寧有冰雪顏
撫茲鋒鏑餘徒思物力殫頽垣隱草莽暴骨如丘山
何事豺狼嗥四郊行且艱

嶺南五朝詩選

卷五

明區懷瑞

三

又

生平厭叩雜開逕遠塵軌洗耳田舍謀因之枕秋水
今來彈丸邑乃僅三家市赤手披荆榛極目傷蘭芷
下車訪遺老無復舊冠履去者驚風鶴留者憂虵豕
登陴再三歎時寄漫悲喜盤桓以居貞鼎顛而出否
衛文大帛冠齊公亦衣紫民物屬維新請於先甲始
休息在靡爭當使瘡痍起

再宿城西樓

樓居二十載氣與星辰接卑薄於一切俯仰得靜業

今來阻漳滏遺構因嶮嶮設險信改觀渠壑而傳璞
揮戈感天地刺石厲恒怯枕戟在炎夏寒序遂經涉
櫓后久託楠霜露或霑浹冠烽夕千里想作雲夢獵
莽莽虎豹憂振之若秋葉明發慰自茲一月而三捷

雨後待寇信

吸屹孤城夜淒迷風雨心輕師偵未返重地寇能深
遠火多飈舉高會遂陸沉吹笳知未散橫槊愧長吟

泛舟流霞島作

瀝湖秋欲暮岩翠尚熹微石檣低雲蓋風荷曳水衣

嶺南五朝詩選

卷五

明

區懷瑞

五

潭魚迎棹吸谷鳥狎人飛向晚山歌發前村采藥歸

宿鼎湖山白雲寺

洗泉凡幾疊不覺度雲高
密蘚飛炎雪寒一作松散

海濤人天多聚錫星漢想容舫宿向定僧夜莫教塵

夢勞

出唐安寺尋蒙惠二泉

山桃吐火柳含烟二月韶光更可憐翠幙不遮江漢
女銀罌爭挈惠蒙泉空聞桂楫滄浪詠實少尊絲罍
畫船乞與軍持那得盡只應飲馬過流年

尋雲霖岩

蝸徑千尋雪蘚封水晶宮殿轉重重淙潭遞瀉蓮花
漏響石虛飄桐木鍾誰信琅函開異叟且將絳節付
山童慵來還問雲霖外得遇陂前幾尺龍

瀝湖春泛

雙槳悠悠度瀝湖霞光繚繞鎖蓬壺閒來欲徧登山
屐爲問人間路有無

呂飛熊

字帝思南
海人明經

嶺南五朝詩選

卷五

明

呂飛熊

五

海珠寺

日冷江寒走暮烟洛清沙淺過遊船松簷燕雀春能
語石竇魚龍夜不眠城裏孤峰偏出海枕邊流水欲
稽天紅塵擾擾還今古漁子清歌自渺然

又

誰布黃金海上回望中樓閣儼蓬萊波濤萬里吹天
轉畫角孤城動地來水落魚梁時抱石夜深蜃氣暫
成臺乘流會有清醑好貪看江雲懶紀杯

又

大風吹浪鼓溟溟勺水猶堪敵巨靈地似折蘆曾面
壁人疑登岸得心經日沉盡見樓臺紫潮落空餘宇
宙青間道海龍能聽講夜深還扣綠蘿局

伍瑞隆

字國開香山入領、啓辛酉
榜首初授翰林待詔即歸隱

九日荅胡綰菴明府

重陽風雨不成秋官署山亭一樣愁載酒未酬籬畔
菊題詩空上水邊樓邀歡豈必期來歲卜醉還應續
舊遊寄語江東張季子好留清興住三洲

嶺南五朝詩選

卷五

明 伍瑞隆梁朝鍾 三

梁朝鍾

字卜史番禺人 大略壬午鄉薦丙戌城
前闕門死節著有輔法錄家禮補箋日記
集諸書

送周仲謨遊海北

夏景行將及扁舟向鴈湖舊城秦郡縣新綠漢靡蕪
野戍春雲在離亭落月孤故山秋色好須待插茱萸
蘭溪取道入蘄水與都護汪祥麟有懷熊心

開總理

幾年石室雨一半盡蘭溪此日看山色春風憶馬蹄

麥漂橫水渡花落廟前泥征戰何時盡林深倦鳥栖

海珠寺

南漢城邊菰葉落流花橋下水趨東烟籠碧樹春分
後月浸寒江子夜中潮上石沉僧語歇笛殘人去蠟
鐙紅分明一幅蓬山景吹入鷺潭影自空

于郢聞予與熊三郎至遣騎相逆詩以投之

十年秦寇尚披猖特簡中丞舊職方三楚撫軍當漢
沔七旬司馬定荆襄知留劇孟叅乘傳久料韓樓再
陸梁定遠欲歸歸未得夷陵花老髮如霜

嶺南五朝詩選

卷五

明 梁朝鍾 三

將出皖畱別楊六符沈乃功唐聖俞徐譽星

黃位兩薛浮陽汪當世諸先生時予將入

襄歸粵

船傍垂楊別緒生烟蒙春樹鴈歸聲羣公綽帶遺吳
錦幕府青絲唱渭城幾樹烏啼趨夏口何時馬首望
西京江南江北如相憶千里高樓待月明

題畫兼寄友人

瀟陵山色動秋風開徧黃花九月中每憶江南帶霜
樹夕陽疎葉渡頭紅

李覺斯

字伯鐸東莞人崇禎戊辰成進士官至刑部尚書著有晚翠居集行世

玉河春水

一水自盈盈寒流春更清仙源分太液遠派接蓬瀛
日暖沙鳬浴花明錦浪生滄浪興不淺聊此濯塵纓

題頑石園

人擬陶彭澤書傳郭橐駝壺觴人事少筆墨客情多
曲徑半修竹平疇盡綠蔬春來晴更好時有鳥兒歌

早朝

嶺南五朝詩選

卷五

明李覺斯

堯

晨鐘初罷夜遲遲佩玉趨跼拜鳳墀盛世喜逢周禮
樂微臣又睹漢威儀六龍高擁祥光渺三殿晴開曙
色喜獨愧年來空染翰孤忠何以報明時

頒曆日恭遇皇子誕生志喜

閩試

正逢玄朔承陽候更喜黃離肇瑞來主器沅霞分鳳
穴符祥少游祀龍媒雲垂玉尺光猶繞露挹金莖堂
午開洵是重光歸聖德好將和律奏高臺

智仙祠

作醉翁亭者僧智仙也人皆忘所自趙二瞻侍御表而出之因構智仙祠

醉翁醉去已冥冥當日何人作此亭不是相逢驄馬

使可誰復識智仙名溪山翺出非無力祠宇新開若
有靈今我到來幾懷古滿簾香靜一燈青

戊寅除夕書懷

輕風剪剪襲寒貂獨酌椒觴客思遙百歲浮生過半
世一年人事止今宵中原戎馬紛蹂躪故國音書久
寂寥已覺傷心懶回首可堪重度歲華朝

憶歸

此身久欲乞將歸其奈君恩未忍違拙不濟時才具
短淡無滋味宦情微愁中客久人偏老海曲春深蕨

嶺南五朝詩選

卷五

明李覺斯

罕

正肥十載別來鄉夢切白雲遙睇幾沾衣

山房獨坐

秋空生午涼獨坐了無事山色排闥來經聲出幽寺

過呂公祠

落日荒荒短髮寒片雲回首卽長安悟來頓覺從前
事總是虛生夢裏看

偶憩郊外僧舍

野徑雲深杖屨幽竹風松影共悠悠偶來分得禪家
榻靜看西山一片秋

鄧務忠

字子良南海人中崇禎辛未進士歷官至御史陞光祿寺卿有勲卿遺稿未刻

聖駕關城恭紀

魏我雉堞聳神京王輦巡遊荷聖情百二龍蟠寧恃險三千虎旅已成城河山迢遞瞻佳麗雲物雍熙見治平震疊已知先率土請纓何事更書生

賀何印尼之官迎養

南宮起草舊稱賢倫鏡新披喜共傳韋氏一經來嶺嶠伯鸞偕隱出肝川貪趨子舍雲同遠笑捧仙花露

嶺南五朝詩選

卷五

明鄧務忠

聖

更妍想見瑞光迎彩鷁壽星還逐使星懸

題馮五鳩中翰集卷

烟霞占絕迴塵樊洞裏書藏草色薰隱並鹿門瞻紫氣光分藜閣付青雲琅函日麗恩初被瑤瑟春深興不羣最是披懷欣令子遙從嶺外挹清芬

元夕和羅杓受

却逢佳節又正元月皎風清夜色渾往事不堪從古說孤懷真可對春論千場鬧鼓誰今夕一路懸燈羨此村獨有閉門多病叟遙從羈旅醉清言

黃葵日

字獻君南海人志云公方就塾文藝空羣總角試戊午場同擬冠軍以孟義大結有嶺南廉字遂落卷至崇禎庚辰成進士房稿爲海內推服初仕廷尉轉司諫兵垣著有四書出目詩經明辨未刻

輓張家玉

天運靡常帝道傾危四海鼎沸蹂躪東陲誰哉守土創戈失旂吁嗟哲人陳抗六師大厦將頽隻手難支灑血戰場千古男兒爾死有用我生奚爲

屈士燝

嶺南五朝詩選

卷五

明黃葵日屈士燝

聖

字貴士番禺人領鄉薦

客中九日同泰弟賦

去國多同苦窮秋滯異鄉客情今兩度佳節又重陽愛汝年俱壯思親髮已霜故園携酒處夢到菊花傍

過訪雲溪諸昆玉

十年湖海已蹉跎百里鄉園始一過先代衣冠遺澤在同時生聚亂離多舟行樹裏園烟渚水到門前繞薜蘿尚有諸君當朋好買鄰真欲結雲窩

懷陳明敬

早春閒得聽黃鸝一臥空山寄所思
白社游踪成獨往朱臺名藉與誰期
斗問望氣龍文合樓上懷人羽
蓋遲此日盈虛天莫問好將消息達希夷

治安道中

登山臨水意何窮度索臨樟逕復通
絕磴烟炊茅屋裏曉春人語石崖中
聽歌漸覺郵亭近問俗翻疑邑里同
歸去正當春欲暮青溪一路木綿紅

又

遠投何地泊幽棲僕馬踟躕日欲西
榆莢烟深連瘴

嶺南五朝詩選

卷五

明

屈士燦張家玉

望

蕭恍柳風起暗蠻溪夢從遊歷疑曾到
詩憶經行却寄題最是客魂悽斷處
黃茅疎雨杜鵑啼

張家玉

字元子東莞人登崇禎癸未進士初授翰林庶吉士值大兵入粵補兵戰死著有名山集軍中草大纂義詞林典故燕山吟西征集歷代世說名臣論贊百將妙畧諸書

錄別

鴛鴦戲清池兩兩嘗相倚羽翼臨當乖
風波中道起相對尚難知何況萬餘里
毛褐雖云賤不奪於絢綺來覓去者疎
毋爲貴君子一心抱區區君諒執高誼

感遇

顛倒蒼蒼亦可憐江山何地是安然
宵行秣馬傳餐食夜宿連營抱鼓眠
雪骨寒梅真我瘦冰心皓月爲誰圓
從今一斗孤忠血終化春山哭杜鵑

憶京華

岩峩天府兩金湯妖氣蒼茫白日荒
玉減香消虛少嬪花殘歌散冷朝陽
銅駝北望沉荆棘鐵騎南侵滿戰場
回首可憐關塞月搗衣砧上爲誰忙

少嫺朝陽宮名

舟中月夜

嶺南五朝詩選

卷五

明

張家玉

望

渺渺長江水接天帝京西望轉淒然
金戈鐵馬無寧土錦纜牙檣有戰船
離亂烽烟叢此日風流簫鼓換當年
誰堪舊日長安月多照平沙白骨連

讀史

讀史高齋日正紅書生子奪笑談中
帝秦不是奇男子也有強梁在海東

又

漢使堂堂出朔邊微茫海北鎖寒烟
青氍白雪如逢我耐得蘇卿十九年

憶昔

內苑曾推蓋世豪花磚睡起日輪高而今轉憶宸遊地羞見承恩舊漢袍

痛悼先塋被伐

廬室空餘一炬灰祖骸仍復委蒿萊可憐忠孝難兼盡血灑西風寄夜臺

黎崇宣

字瑞甸番禺人崇禎辛未成進士任廣德知州遂歸隱著有怡清堂集行世

詠懷

嶺南五朝詩選

卷五

明張家玉黎崇宣 聖

匣中有素琴日夕恣撫摩興至時一揮其聲清且和曲終起命酌不覺朱顏酡雖非達音人得趣良亦多有懷不自放戚戚將如何

人山

傍山結茆屋翛然無四鄰巖壑互迴薄煙霞相鮮新田父喜我來款接良殷勤挾弩射飛雉舉網得細鱗飲我村中醪坐我松樹根既勸亦已酬微醉日又曛愛此野趣多誰爲鹿豕羣寄謝驅馳子車馬徒紛紛

詠史

蘇子昔未遇發篋夜讀書徒工揣摩術詎有仁義圖遊說一見行咄爾乘高車仗節返鄉井翕赫驚庸愚父母擁箒迎親戚偃僂趨富貴徒自矜竟爾身首殊七尺既莫保寸舌終何如

春別曲

東風一夜雨瀟瀟曉來已滿春江潮乘潮相送出江上我但躊躇君獨往渡口垂楊映綠波隔浦茫茫煙霧多望君不見將如何

采蓮曲

嶺南五朝詩選

卷五

明黎崇宣

聖

越女出采蓮采蓮西湖邊蘭橈桂楫迎風前艷藻濃粧都可憐憐君有花采不早秋來結子蓮已老

望廬山

五老何年石香爐萬古烟地形三楚盡江色兩湖連谷有青牛卧山傳白鹿眠未能窮勝跡空此挹羣仙

泊新村驛

松臺凌曉發入夜抵新村覓路荒山下維舟古驛門漁歌喧遠浦野火照平原夢折西風裏蕭蕭聞夜猿

送彭祖興之會稽

相逢能幾日忽又對離鱗逆旅一分手臨岐各斷腸
郵亭催暮雨古渡隔垂楊獨自衝寒去誰賡白雪章

東阿道中

客路去無盡寒山晚復登馬前一片雪溪上幾重水
遠寺疎鐘起重裘暗淚凝欲投村舍宿隱隱見孤燈

泊星渚懷大父郡丞公

城郭蠡湖邊停橈思黯然先人餘宦蹟青史見遺編
郡有千秋頌家無二頃田欲知流澤遠清白自能傳

都中卽事

嶺南五朝詩選

卷五

明黎崇宣

聖七

帝鄉雄枕薊雲間碣石居庸別有關萬里星辰朝北
斗五陵蒼翠擁西山金吾夜宿貔貅隊玉露朝隨鸛
鷺班咫尺九重羞獻納有書何以報龍顏

又

繡戶朱門十萬家都中文物舊繁華平陽館裏金爲
埒光祿池邊錦作花妙妓清歌翻樂府妖童新曲奏
琵琶綺筵長夜留人醉燈火冲霄迸作霞

贈曾文芝

鴻才豈得久淹沉國士何人爲賞音漫抱朱絃彈別

鶴閒調白羽落飛禽昂藏自是封侯骨慷慨常懸報
主心寶劒十年猶未試匣中夜夜作龍吟

夜宿海印閣懷燦仲

萬里澄江靜不流垂楊古道繫扁舟夜深誰共天涯
路酒後孤眠海上樓落月獨愁聞過鴈疎星何處問
牽牛迢迢一水懷人隔葭菼蒼蒼白露秋

送趙中書還朝

燕臺遙望帝王家海國初還漢使槎千里旌旗生氣
色一江波浪漾雲霞別時聊贈官橋柳到日饒看御

嶺南五朝詩選

卷五

明黎崇宣

聖八

苑花六轡馳驅行已遍鳳凰池上待宣麻

邸中答曹仲辰見寄

江南日暖燕初飛薊北輕寒雁度遲堤柳漸舒冬後
葉嶺梅新寄隴頭枝手披瑤簡悲還喜夢對華裾信
轉疑雲樹蒼蒼千萬里鶴橋風物倍相思

與社中諸子夜集

歷歷笙歌幾處聽共看新月上疎櫺辛盤捧出芹芽
綠玉碗分來柏葉青正喜邀歡開白社欣從問字過
玄亭醉餘步月行吟去燈火千門夜不扃

陳邦彥

通志云字會份順德人少穎悟十六補弟子員試輒冠軍以文行負重名從學數千人稱巖野先生爲人慷慨有智略以天下爲己任甲申之變走金陵上政要書三十策不報舉乙酉鄉薦第七人有詔徵拜推官轉職方司主事擢兵科給事中丙戌王師入粵邦彥擁兵拒戰于廣州復踞三水高明四會清遠諸縣丁亥九月總兵李成棟困之於清遠被執至廣州不屈殊之著有雪聲堂集十卷行世

南上述懷

人生際中晚譬若萍隨水禍福非所謀毋令愧青史仁義本何嘗蹈之則君子蹇余生不辰西北風塵起

嶺南五朝詩選

卷五

明

陳邦彥

哭

謀國彼何人皇輿倏傾圯藿食雖無責良亦有餘恥所賴宗社靈真人嗣豐芑湯湯橫流波半壁東南峙撫膺疏往事血淚欲盈紙逝將瞻闕廷何必曾青紫客日子何其鯁生寧足齒士固各有志遑問譽與訾芻蕘如可獻亂略庶有多寄言謝同人但祝道如砥

余以九月四日抵南州訪戴初士承惠尊人

大圓先生集及渡青閣愛廬諸刻次日取

道西山別後却寄

洪喬亦作郵

時致同社

信陵非一客半日豫章城勿

勿若遺跡含意各未申我行良獨迫南雁復相催詩

才遽殫索明發道西山低徊碍勝屨旅次乞膏火讀

君渡青閣先哲肇淵源風微儼疇昔繫昔神皇季此

道趨靡弱山陰初濫觴揚波自夢澤後進轉慕效前

修恣彈射陳詩辨廢興悲哉忽如醉大雅未蕪沒匡

山畱孔碩王李浣其濃袁徐益其液所埃在千秋時

流詎能度末學秉微尚騶發亦同的托居窮海涯汲

深慚未獲哲人不可作堂構幸無斃中興屬伊始繁

音宜蕩滌何因附莒邾與君振標格

嶺南五朝詩選

卷五

明

陳邦彥

平

寄臨川劉鍾台先生

放勳詒峻德隆準啓炎籙夫子神明胄風期曠相屬綰符蒞南交凡苗餘霖霖時修握手歡名佚稀節目三載晉容臺百粵懷涵育弘濟諒匪他豁達良已足徘徊眺高旻星漢互暉燭時艱已弘多至人在空谷

梅嶺行

誰云梅嶺高山椒雞犬辨鳴號誰云梅嶺險劉漢九坭曾不揜稠疊連峰小徑紛東西百里望如雲懸車束馬皆堪度綴却關門仍有路輪蹄任肇日交加領

將炎服赴京華浪誇百二藩南海嶺外較之應十倍
自雄州南下苦詔之滇陽峽廣之中宿峽皆險阻僅通舟楫而大廟峽介部廣之間鐵壁千里陸路斷絕非輕舟不可上下此吾郡北門之固也古來守國在人謀潼關劍閣未

云優君王有道干戈偃玉帛車書侈壯遊

丁亥仲春余歸自嶺右暫憩鄉園讀杜工部

秦州雜詠悵然感懷因次其韻

故國還春色逋人此倦遊閉簾門內影兼輶客中愁
鼙鼓連三月車書隔九秋奮飛如可達兒穉謾相留

又

嶺南五朝詩選

卷五

明陳邦彥

五

夙昔遊南國趨程半歲強山連廬阜峻江入海門長
古殿翔鸞鷺良家控驕驍何時重擊楫佇立鬚毛蒼

又

困窮甘薄宦久客悵離羣空復依南郭誰當問子雲
練裳憐旭日蘋藻隔春分流俗從姍笑佯狂總未聞

又

南武城猶昨西歸路未難誰能將桂管一爲度桑乾
赤羽摩雲近樓船耀日寒但令懷報主端合早登壇

又

薇桑聊可採荼苦復誰知有淚傾遺老無金結健兒
佗封元禹甸劉苑舊湯池聞道新花發殷紅戀故枝

浩溪雨泊

道遠看山改秋深覺雨稀晴雲迷曉望涼月送宵輝
木葉纖纖下江流寸寸微遽然成信宿飛夢繞漁磯

野望

晝眠無意緒野望獨離憂南北千峰雨行藏一葉舟
江寒何浩浩風晚更颼颼咫尺洪厓道愆期未可求

鄱陽湖

嶺南五朝詩選

卷五

明陳邦彥

五

淺原垂禹貢巨浸列周官浪颼孤山動光搖五老寒
遠帆疑鳥翼編戶半漁竿何意栖栖客淹留日夜看

抵蕪湖

扁舟曾不暮此日亦蕪關地望分三輔軍儲佐九圉
滯留江上跡衰颼鏡中顏漫道風雲近宵來夢故山

贈蘇宇霖餉部

踰淮無寸土浮海獨全師突騎增蕃衛長鯨避羽旗
才名交口遍威略建牙遲何日妖氛靖韓陵讀舊碑

渡江

別來能幾日不覺漸成寒風景他鄉異梅花兩地看
渡江人欲倦臨水路偏難尚笑絺衣在聽砧夜向殘

還自鳳城寄謝潘孺文太學

勝賞煩相命高軒枉再過君應憐意氣予自笑蹉跎
旅館蒹葭思青燈杖杜歌不辭課僮僕長爲翦藤蘿

送朱鏡澄解官還吳

言辭越江水歸醉洞庭春南國浮雲盡天涯別夢新
垂楊迷驛路綵服倦遊塵漸喜秋風近承歡薦美尊

重別葉公士

嶺南五朝詩選

卷五

明陳邦彥

五

萍跡何來此風塵不可畱報書逾十部交誼足千秋
舊業空環堵歸裝一蒯緱相期無限意休問敝貂裘

哭門人潘幼韓

片土能埋玉懸河易染衣不堪論宅相何以慰慈闈
身豈乘箕去魂疑化鶴飛三生如不昧重向舊庭歸

薄遊

極目楓林外故園安在哉山川曾有約秋半未歸來
暝色千峰雨江聲萬壑雷薄遊仍度峽鄉夢莫輕催

偶成

率爾成新句因之寄所思故人俱可念生事獨多岐
旅夜驚寒早鄉園返棹遲塞鴻南去盡吟望到歸期

中宿江上雜詩

江水朝宗急宵行尚作聲千林人乍靜半壁月微明
柔櫓爾何蚤晨雞初未鳴蕭然聽羣籟孤枕意縱橫

又

五夜催城角千峰簇曉烟如何今歲月空度此宵圓
有客皆懷土云誰獨旅眠朝朝凝望眼送盡下江船

聞變

嶺南五朝詩選

卷五

明陳邦彥

五

天末提封自尉佗戈船曾記下牂牁危峰駭浪山川
舊白雉文犀歲月多未見星輶來北極却防佩犢起
南訛漫勞慷慨懷忠烈言念瞻烏可若何

又

曾尉遙憐季女饑榛苓長憶美人遲空教夏屋依荷
柱猶有循良治繭絲經界似占无妄課魚鹽寧問上
風辭天家板蕩今如此誰向清宵有所思

又

金陵六代帝王都此日龍興氣象殊最愛鄣南符建

武肯論江左有夷吾開天堂構留神識率土弓旌識
聖謨隴上隗純今在否早教黎獻樂樵蘇

次答黎洞石先生

巨浸無隄縱所如餘波疑欲及吾廬感時淚盡頻看
劍報國身微但著書天下尚仍平世習幾時重起故
宮墟丹成一縷同精衛絲蘗懸知自可噓

清遠江上飲故人旅舍

峽江西下水漫漫山郭當年醉裏看朋好幾回懸夢
寐扁舟何意此盤桓歲華別去催顏老時事憂來問

嶺南五朝詩選

卷五

明陳邦彥

五

路難能似客秋涼月夜餅餠初熟戲新歡

余置妾攝室始踰年

矣值其生日未能忘情漫及之

中宿峽

舊遊曾憶逐殘春急雨驚雷夜卜鄰古剎尚能來遠
道劫灰何事付騰輪千齡興廢疑先兆半嶺誅鋤憶
達人

中宿寺志稱飛來近煨芋火而國難告因憶
今以往往有毀產修寺如山中人朱叔子者庶
非新可期蓋不此日巨靈應有意片帆如駛度江津
開一寺爲然也

答黎恭甫偉長

城南杯酒共依依奮袂晨征願已違弱骨自緣憂國

瘦旅魂時逐故園飛未更世路狂應怪縱有昌言力
較微慚愧故人詩盡好病中吟望一沾衣

至日小集

輕緹初報一陽來晴雪繽紛炤舉杯玉殿威儀新節
序金陵雲物舊觀臺春迎斗柄行東指天轉炎曦漸
北迴獻賦未能慚浪跡鄉心還逐繡紋催

延祥寺題壁

寶地何人舊布金繞簷祗樹已成林千峰迴合供禪
悟一水潺湲答梵音結侶可嫌元亮醉會心時有惠

嶺南五朝詩選

卷五

明陳邦彥

五

休吟新州引望南宗近欲向風旌証佛心

丁亥元旦寓麟涌

紫極南旋玉曆開春光恰與歲俱回已看宿雨陰霾
盡喜見新晴淑氣催萬國謳吟懷祖德中興勲業仗
羣材小臣浪跡江湖遠翹首彤雲祝壽杯

厓門弔古

百萬貔貅一壑中後人空自說三忠每疑木石銜精
衛時向烟波現白虹燕市可堪仍履地海靈誰復斷
孤蓬慈元舊殿今蕪沒愁殺江門老釣翁

楊晉

字子畫香山人明經特簡兵部司務
遂致仕歸養著有何慕臺遺稿行世

白雲山卽事

竹外山爲嶂高空月到門自憐新客子誰識舊王孫
雲去龍離洞風來虎在原禪栖幽寂好閑與老僧論

重遊武陵贈支上人

武陵深處隱支公迢遞層崖曲逕通窮游客來山月
白上方僧定佛燈紅土爐茗熟分花氣石磴寒生落
葉風曾記舊遊吟眺處幽期多阻亂離中

嶺南五朝詩選

卷五

明楊晉

毛

何準道

字旦庚吾騶子領崇禎壬午鄉薦官至諫
議賦品清真潛心道學有經時之令譽無
相裔之儀容若有
玄英閣諸稿未刻

玄英閣

飛棟臨溪起天光湛虛明宛轉歷危磴憑高瞰前楹
獅山矗千仞樹杪蒼烟平我來賓與俱相對暢幽情
雄談未及午濁酒還共傾振衣一長嘯風捲海濤聲

月蕭步

經始蝸牛廬忽爾作遐想磊石入深松飛棧橫天上

停策憇危欄雲霞自摩盪遠眺山花紅回涕華軒
松風奏笙簧微月流清響手把離騷經自署蒨園長

奏玉軒

一軒萬竹中四際流空碧好鳥鳴高林悠然淡晨夕
物象自清曠幽光散几席時復聞朱絲玄鶴翔素壁
灌木靜吟秋焚香時讀易託契在清谿俯仰觀今昔

新晴

幾樹鳩呼婦支筇試一行遠山青不盡芳草綠初平
亂雲歸別浦野日照孤城心折前宵雨芭蕉枕上聲

嶺南五朝詩選

卷五

明何準道

毛

雜詠

伏波銅柱草離離控扼南交事已違廉吏不勞珠自
返逐臣無計鴈同歸唐張說爲張易之所誅流戍欽
州賦詩有秋鴈逢春逐流人何
日歸峯開一鏡雲間出穿鏡巖在三海日光雲
之句靈鐘海上飛宋政和間一夕合浦寺
鐘飛去與龍闕於海遙憶畫山烟雨
後合浦東千林蒼翠點輕衣

古薄命

對鏡空憐百媚妝閒拈紅葉自悲傷書殘錦字人千
里搗盡清砧淚幾行豈寇暗香凝寶瑟鴛鴦春夢冷

銀牀深宵倚通欄干月蕭瑟秋風入書堂

黃鶴僊

字松友一字煉菴原籍福建晉江萬曆間
隨祖入籍番禺領崇禎庚午鄉薦庚辰成
進士初授豐城縣欽取禮部官終雲
南道御史著有東園艸堂稿未刻

寄懷曠園禪師

時師避暑
羅浮山

炎蒸方逐客選勝寄行踪好景題應遍名峯住幾重
雲深徒憶雁地迴恍聞鐘深怪羅浮蝶終宵與夢逢
自述

飄零何處曳長裾短髮星星霜雪餘入世不須悲失

嶺南五朝詩選

卷五

明何準道黃鶴僊

馬出門何事歎無車人非彭澤寧辭酒學遜龍門漫
著書回首春明驚夢斷梅花幾樹已成廬

元日示諸孫

春風盈戶雪盈頭日見趨庭得自由楊震祗傳清白
後李斯惟代子孫憂到門莫喜題爲鳳入世須防喚
作牛我有良田人不見一經相繼更何求

李際明

字伯章一字樵懷順德人崇禎庚辰進
士官至禮曹著有三達堂諸集行世

放歌行

世路逼仄羊腸鳥道土埋五嶽水沒三島人生其間
不百年治亂興亡何足道阮籍途窮哭已遲逢萌挂
冠恨不早風波只在巧逢迎不如抱拙以終老

結客少年場

紫綺裘誇玉面驪朝馳繡陌暮紅樓烹鮮列俎窮珍
饒流連卜夜轉歌喉生平羞學守錢賈千金一擲輕
如土但知然諾重丘山雲雨翻覆何足數

辛未除夕賦得來日歲華新

來日歲華新東風轉化鈞寒驅一夕臘暖迂五更春

嶺南五朝詩選

卷五

李國朝際明

卒

爆竹方驚鼠鶯花已俟人論交慚老大空自笑因循

陳皖公移居同里

村自陳臨啓君來乃故鄉企瞻星聚里疑是太丘堂
鶴影旋松表鶯聲出柳旁甕頭新釀熟不禁步兵狂

贈王言遠太守

五馬都乘白鼻騮隨車雨遍萬人家陰邊小史矜初
日睡起蠻香炷晚衙遶屏清披書帶草拂箋濤泛墨
池花風流已擅東南美說劍爭推博物華

洛中

郊鄴開基定鼎年四方均道號中天二公分陝畱遺
菱五馬浮江剩去鞭大老友冠圖畫裏名園花竹水
雲邊石經千載畱文獻掩映神龜出洛川

鄴中

銅雀臺臨漳水濱鄴城風細水粼粼高施總帳環青
黛翹望西陵起白蘋九錫自沿新莽轍三分猶震蜀
吳鄰虎狼威盡終輸馬輿論同誅死後身

望羅浮

一島浮來翠且重因依雙竝峙芙蓉世間勝事非無

嶺南五朝詩選

卷五

國朝
李際明

空

偶天下名山更幾峯君子巖高宵見日野人廬極午
聞鐘不須更挾黃麟去我欲雲中借白龍

嶺南五朝詩選卷六

明

鄺露 一百三首

李貞 二首

歐必元 五首

王邦畿 十六首

李雲龍 二十七首

歐主遇 七首

歐芬 七首

嶺南五朝詩選

卷六

目錄

馬元震 一首

王瑯 十五首

戴柱 三首

張裔達 一首

馮元基 三首

區大緯 四首

唐元楫 二首

王應華 四首

陳子升 十二首

張嗣垣 四首

庾樓 三首

林臯 四首

樊起龍 四首

馮進 三首

陳上庸 二首

馮毓舜 二首

關捷先 四首

嶺南五朝詩選 卷六 目錄

一一

嶺南五朝詩選卷六

番禺黃 登俊升氏訂定

明鄭露

字湛若南海人官中書著嶠雅集皆真筆揮灑鐵畫銀鈎爲世所重省破爲之重刻

長歌行

離離堦下蘭糾糾叢中棘女夷司天和春風宕羣植
常恐芳意移百勞鳴鷄鷄白日落崦嵫長繩繫不得
少壯不力田老大昧菽麥

空侯引

嶺南五朝詩選 卷六 鄭露

一

留賓燕我堂一飲傾千觴洗爵東溟水移樽北海旁
師川寫淫奏逸娛皆樂康名謳徵華雉蹈節出平陽
絕纓舞銀燭解帶輕羅霜白駒期永夕良遊歡詎央
木李報瓊瑤久要不可忘神芝生白水可以喻中腸
剪湍流短晷鼎力不能扛素標插朱顏盛年安得常
誰謂造雲闥而非荒草鄉服食倘有得痛飲當自強

秋胡行

露葵傾朱暉應鱗待雲布女子怨有行委心答嘉造
兢玉候鳴雞黽勉供晨暮白璧琢天球明堂思黼藻

蔚此玄豹姿澤被南山霧

又

子鴛與越鳥南北相背飛解蘭詼圭華鳴金步彤墀
脂車戒昧旦四牡光陸離醺餞塞衢道谷風聲正悲
按轡營四海無事悲女兒

又

靡靡復遙遙飛輪漱鳴殿十旬經九折三陟陵崇朝
犇精撫危磴畢景跨長條驛長候人絕遠火出林臯
誰云宦遊樂宦遊方鬱陶

嶺南五朝詩選

卷六

明鄭露

二

又

窮陰格稚節堅冰塞長河感往戚不勝憂來歡詎多
旭日不照艷吾生已蹉跎百族蟄有處游子若無家
天倫痛化別苦嬰人爵羅

又

見時月初滿別時月初生弦望有變幾五載曠生平
露溥興蔓草芍藥娛目成雙金出南國比德贈堅貞
美心敝金石誰測鸞鳳情

又

嘉吟亮有屬曷敢嬰懋祝綽約謝柔條免滋行露辱
沉吟造房闥備物晤所觸破涕貫金夫包羞賚雲僕
享觀禮既終已矣從所欲

又

鸞逝流哀音玉折厲貞響物極露誠信至德非外獎
五日奉光蟻百年戒徂兩春帶候秋賒冬膏凝夕暎
願赴嘒日期比翼青雲上

又

絃高無懦曲風急豈留英松栢植暗室甘與秋草并

嶺南五朝詩選

卷六

明鄭露

三

綬錦冒泥汨難升障與屏含埃蝕貞鏡含納點瑤瓊
白茅珍我悅聊濯耳與纓

甲乙之交余遊京師元老無吐握之容草
臣抱憂天之涕托興秋胡志深也後十年
京師果陷

怨歌行

紅蘭開曉口五色耀君堂春風藉相媚恬坐不聞香
佳人處遐室獨立寤青陽絨情復絨意嘆息此時光

鞠歌行

龍升天兮先爲魚二氣應兮風雲俱辟如關津兮擁

節繻又如聖作開圖書我之懷矣歲聿除鄭聲亂雅
紫奪朱尹訓殷臯謨虞丁弼資文師敷蔽雄劍曳長
帶永言知己感良圖

順東西門行

出西門眺平原義龍敵日無迴轅拉美門揖握倭揮
斥八極凌風搏哥五子鼓雲門流唐漂虞垂嘉言思
公子哀王孫叩關謁帝招銜冤淑桂酒紉蘭蓀惜白
駒樂鵲鸞

善哉行

嶺南五朝詩選

卷六

明鄭露

四

出彼城闔有車轡轡四時成歲值此窮陰鷄聲喔喔
貫于青林百蟄族處爾獨何心羽物斯升鱗物斯沉
憂之瘁矣鍾此勞人勞人伊何撫斧伐柯前脩不遠
古處弗譌盈盈如月旦暮有缺哀我人斯惟憂用說
善哉善哉日往月來琴歌有道經德不回

猛虎行

時余避地湘灘偶感而作

飲不盡三湘水游不盡百蠻天百蠻厭珍麗詰士丁
屯遭搏風赴大翼控景入幽燕寧分猛虎食無驚黃
雀茲傾金築臺觀厥價徒空懸雁風驅砂礫狼烟樹

疆邊未貴洛陽紙誰分雲夢田燕然未磨勒周南滯
歸旋踦懷何鬱悒開匣視龍泉淒淒沉光采提携莫
棄捐

當事君行

不啞吞炭漆爲癘殿屎入梁匍匐入厠更音易貌心
苦悲良友斷腸妻不與知百年意氣生命促不斬君
衣何能瞑目主讐未報白日道亮爲國士安得完膚
身無完膚讐未報斬衣流血徒艸艸褻仇之魄以愧
二心臣命不如臣心已窮

嶺南五朝詩選

卷六

明鄭露

五

白紵舞歌詩

參覓人袂遊其宮瑤藹若暉日照容回鸞榮鑾獨秀
先乎腰翹褭施嬋媛光耀雜香闌斑璘揚蛾促躡態
無方將却復引誰目成鴻驚未侈浮雲翔參差上下
翼屢平如矜似慕嫺若疑叢蘭衝風不勝枝流虹走
電瞬難諧聯續萬規出入其偕志曼衍勤變化四座
歡躍誰能持

諸詩多用古韻
古叶或用楚聲

秋胡行

古樂府

有命在天聖賢何獨貧有命在天聖賢何獨貧絕粒

疑貪飲水曲肱匪兇匪虎况也莫與_二布暴骸傲屣_一
印塵窮翳浙瀝凱風自南彼其之子簞服朱輪聖賢
何獨貧

又

至聖聰明生計何間關至聖聰明生計何間關衛卿
可得執鞭何難提一貴人黃金鎰千妻嫂匍匐賓從
偏反冠蓋如雲閭閻如山失時亟矣日月不遷生計
何間關

又

嶺南五朝詩選

卷六

明鄭露

六

如人化離交亂我青天如人化離交亂我青天鵲鳩
高張百芳飄零蟬棘指空疑浪翻演壁鏡嘴景含沙
射瀝龍爭汨羅蟲流新城六月不霜高臺不霆交亂
我青天

詠懷

我聞希有鳥厥大無方隅東西覆兩翼樽桑接崑墟
金母馮雲翔木公與之俱鯢鵬決溟水眇哉將焉如
東海有小鳥遺形潛大虛徒能入蠶睫不能逐離朱
余且馮化遷小大兩不居歟哉東家丘白首方爲儒

七哀

七哀謂痛而哀義而哀感而哀怨而哀耳
日聞見而哀口歎而哀鼻酸而哀也乙亥
客二京規今鑑古沿過曹王
之業以通哀思論者攷焉

潔身避憂患中道逢喪亂棄置父母國荆蠻任逃竄
朱家匿季布劉氏依王粲黃巾動地起驚蓬隨風散
道聞剖竹者衣冠委塗炭妻子縱剽掠齒髮從焦爛
炊骨無堅攻殺身誠既輝屍僵橫路衢我行旦復旦
驅馬入鳳陽流黃傷彼瓚靡靡行邁人悠悠起長歎

又

嶺南五朝詩選

卷六

明鄭露

七

問君窟池陽奚爲久淹茲晨鴻志北向有翼相背馳
登山山綿邈涉水水逶迤鯢鮪塞江海狐兔昇京畿
行行將易子殺之持作糜采薪望空屋得寸矜相持
瓊粒漂母惠絺袍故人貽朗月照閒房素琴光陸離
別鵠變殘形徵音酸心脾無徒帶長劍嗤笑市中兒

又

明月夜何長照我西城隅城隅切思婦長嘆克幽居
執箕方五日插羽徵軍書良人鑿齒山錦臂帖飛魚
西賊勁盈萬我軍三百餘半死桐城下湖松盡丘墟

惡夢乘因來陰風與之俱念此獨徬徨徬徨方躊躇
昔日懷春鳥今焉失水魚傾耳聆斯言游心悲何如

秋浦訓石巢先生

春風耀陽林春鳥流哀音殊情尚勞戀殊隔竟何任
儀鴻遵遠道持意重兼金勞歌眷行客塊若籠中禽
能鳴將及俎鏃羽復推心清音笑折楊盡言思郢斤
清峯隔遙夢天柱界巖巖盛唐一回首蛟臺迴且深
寤言竣君子瑤席潔芳塵雅琴將何托璆列懷僊吟

詠草書勢答董思白宗伯

嶺南五朝詩選

卷六

明 鄒露

八

應龍遊卿雲首尾不一見縱橫馭六氣出入乘萬變
天門儼威神朱衣纓瓊弁草木待甲冑鱗羽自聯串
鬼神任屈信帝王迭興禪神潛道斯升時亢理必賤
勝境了莫追過地豈再踐永言體諸身可以謝善卷

寄朱叔子

有序

朱叔子高蹈禺陽以鸞賦千金標疏峽中
名勝癖過靈運自以憐才好色尚論古人
余客長安聞而悅之意還家必錄
中宿可以把臂入林矣詩故屬之

二禺有放士相思不相識愚公徙太行精衛填碣石
縱浪大化中讀書與好色彈鋏歸乎來傲岸論所經

所癖亮有規規子更努力

數詩

一經非所慕鈎索綜群書二紀迄無成避地日南隅
三遷禮濤霍束帶賓鴻儒四科蹴高足游夏避簪裾
五嶽恣幽討駕鴻凌紫虛六琯奏雙成弱水騰文魚
七襄翔禹步青使接崑墟八公齊擊節鷄犬雲中驅
九仙同日至餐玉弄璫璵十州絕飛控稅言班生廬

榮木

女夷運天機勾芒頓龍駭榮木秀神臯飄英落蘭時

嶺南五朝詩選

卷六

明 鄒露

九

慈蔭垂光采流艷難久恃秋脆華澤枯時移壯心死
歲功有代謝人心浪悲喜羶世無高圖吾希美門子

六府

水晶櫺外月火齊耳邊璫金天鴻雁引木末芙蓉常
土風信嘉美穀室誰能忘

繇瀟湘謁衡嶽

朝汎瀟湘渚夕弄瀟湘流瀟湘多蘭茝采采生離憂
號咷無尺鯉杯水無方舟不如舍之去謁帝失陵丘
玄夷疏祕束祝融臨上游僊夫敦殂好可以性相求

徐行陵白日緩步跌飛葆攀雲停翫鳳擲劍戲潛虬
奇文七十七日觀縣岫嶂夔魑閃燦燦龍螭盤珠球
至哉神禹功靈祇欽懷柔

泛范蠡

出潛宕元氣浮客哀吟清洞庭發溢浦崩波愁兼程
若華夕陰檢封楚歸雲征秋霜脆榮木暮景華韶齡
三洲聞鮑札九派驗桑經琴高翔赤鯉江妃翳瑤英
焚臺光燄朗氣閣玄洪溟魚鼈關有化吾生獨何營

游石鐘山寄匡雲上人

嶺南五朝詩選

卷六

明鄭露

十

鐘山竅奇石金奏蘊璠璣微波靖靈牝噌吰含龍魚
神濤窺日母鯢壑潛靈居天祥故人巧習坎均吹噓
流目桑欽傳鍾情伯翳書弱齡敦夙好歲晏孰華余
是時秋月中相對惟匡廬何渠山中人白社過藍輿

登二孤作

二孤表靈峙九派流湯湯江北采菱緩江南桃葉長
靈仙時髣髴征客思迴翔吞珠許楚使懷璧越吳鄉
倘諒寰中累因之步七襄

君山懷二妃

落月連層瀾霞星粲河潛蕩漾如有期攀芳歎無與
平生擬若人於此會有遇天衣雲縠常雜坐渾笑語
神境信超忽人理亦玄著瑤瑟未及展珮聲已先舉
鵲鷄吸晨日雙飛入汀樹

池陽杏花村酒壚

行樂至西城茲游吾已屢鷄鳴杏花中湖光日方舉
卽店傍水開茶煙出深樹卽酒杏花色皎皎當壚女
能言牧之事錯雜若花絮醉卽眠其側酒醒復歸去

遊東田

嶺南五朝詩選

卷六

明鄭露

十一

筆墨相填縛奇情任龍鱗病寄昭明樓寂甚子雲閣
馳轡亦已疲丰耕豈云樂棄賓出東田迢迢望山郭
澄湖濯新漪澤蘭紛擾弱日入馬蹄散湖草豐可嚼
棄彼千里足遊戲在草澤

明河篇

高樓放寥天明月照萬多玉繩低碧落金商厲朱柯
秋氣入蘭襟我勞悲如何且勿嘆如何聽妾唱明河
一去復一年天上摧雙蛾交甫泣新珠湘靈愁夜波
馳情屬靈匹延寢情君過

述征

離別怨芳春芳春殊夢寐宵月皓珠宮丹霞乘夕起
石室粲瓊蕤松臺藉蕙蔭不見同心人日暮甘委棄

又

棄繻出國門遙望界垣樹上連蒼梧雲下蔭灘江渚
華葉辯豐凶巢穴識風雨有似英雄人龍蛇爭割據
周周號銜羽猩猩語人語撫此瓊枝樹娑婆慰離旅

又

旅懷休戚戚鬱林僥奇石矯掌入寶圭洞見天地厄

嶺南五朝詩選

卷六

明 鄒露

主

龍虎夾我時日月嚮人擲既授元君符得展為洪宅
雲里召香魂綠蘿返精魄飛仙與麗人恣意從所擇

又

擇木貴知音擇交貴知心海上三青鳥同棲珠樹林
桑戶去我久誰聽鸞鳳吟鸞鳳吟有歇我心終斷絕

又

繡壑厭長鞭九折何裕綿天鷄警晨義鷄鷄悽夜弦
金標冠雲日崇山摩蒼天夷人誇鼻吹伶女粲珠聯
回流思木馬冒險觸銅船

又

銅船匪奔流火山赫危巖愁顰颯止水顏色已非昨
况度鬼門關十去九不還玄蠶螫赤阪白象跨雄蠻
華實信衍沃黍稷陵丘山豈無丹鉛士可以樂游盤
各競文蛇衣難為章甫資去去勿復道北風吹岐路

又

岐路歎式微同心賦墳篋問君此何時鸚鵡鳴高枝
絲華歇芳歲日暮朱顏緇顏緇亦云已古處今然疑
魚鼈不上漢松栢不處卑留侯托黃石范蠡遡賜夷

嶺南五朝詩選

卷六

明 鄒露

主

華吾不羨歲寒吾不欺苦李載道傍匏瓜甘後時
莽莽楚日黃薄暮將安依

又

依劉越山川山川翳叢棘胸吞雲夢光日途瀟湘碧
牢落多古傷羈孤渺今識舟行僕云瘠陸行馬變色
蜚語距虛遊銜草不自食偶然得名酒先此勸僕役

雜詩

嘖嘖買人子弧矢待詡詡道與貧士言殊塗不相讓
移山轉輓盧結綵稱銖兩庖克易牙宰席使邯鄲倡

四飯削鼓鐘三澆陳醴醬方饗梁肉惡復訝綺紈
賈珠要漢主椎牛走秦將藏虛信儒雅居奇貴倜儻
噴噴賈人子草玄何足尚

儼古 都中作

芳州采白蘋惆悵芳州客采采將何之悠悠望阡陌
白雲起高山故鄉千里隔一草不可貽云胡慰離索

又

肅肅鴈南向蟋蟀入戶庭三五縱橫陳缺月嚮我明
放情凌霄漢心與歸雲征維桑何遙遙尚聞蟋蟀聲

嶺南五朝詩選

卷六

明鄭露

古

昔我同林鳥雄飛入西京既飽上林實安知我巢傾
玉繩不可織河鼓難爲鳴寄言少年客努力崇虛名

又

倚倚合歡竹托根九疑陰潔身事君子覲言諧瑟琴
瑟琴聲有歇夫婦會有別河廣川無梁歧路情緘纓
夕月晤光蟻聞雷候車轍入戶見崇蘭懷芳吐幽烈
春露注華滋秋風敗嚴雪愆期畏媒勞篤心守時節

又

君行植芳草窈窕寤春榮云胡彌歲月芳意竟何成

攀花結爲帶約以具寢興豈不賤葑菲物久乃逾馨

又

西北有織女東南望河鼓缺月湛明河激然不得渡
臨風濯纖腰機杼委霜露主儀隨變化離憂不知老
豈無貪狼星執心爲君故

又

南海有素女玉施儀冰華皎綺織爲衣嚮月吹金笳
思多覺指繁餘音散天涯振衣曳長袖漂渺臨朱霞
願爲雙鳴鳳食君阿園花

嶺南五朝詩選

卷六

明鄭露

古

又

驅馬北邙北壘壘皆古墳墳中白楊樹輾轢摧爲薪
上有無字碣下有千年人奚辯子與孫寧知冬復春
若蒿薦時俎涓滴不入唇寄言衛生客畏途君需遵
首山鑄神鼎飛龍竟何陳孟嘗方貴侶試聽雍門琴

又

去者不可追有生理當化委形非我真吹萬一何假
伯夷不足欽何況景公馬不見玉井蓮結根深太華
頽色照萬方朱華日堪把

又

人生有何樂所樂在忘憂世短耳目長何不恣遨遊
遨遊當少年披輕策肥鮮豎儒守一丘但爲鄉里賢
不食風與雪誰能得神仙

又

奄忽歲云莫鵲鵲互鳴悲庭霰關交集王孫飽無時
馳情懷玉珮佳人恨有違牢情媿長夜脈脈夢光儀
靈妃感精霸稅鸞停風竊寶瑟灑虹梁歲稔開玉扉
回目若有授薄怒前相持亮無鵲鵲翼安能摩天飛

嶺南五朝詩選

卷六

明 鄭露

六

直南思沅澄謔浪非所宜冰弦奏秋竹淚落如縣絲

又

十月納禾稼祈年布天宗衆人皆墮戶胡我獨轉蓬
淮海化文雉委羽吹燭龍故人嶺南來貽我玉山梅
貯向燕脂井植向相思臺餘薌馥襟幃夢魂雙裴裒
微陽生暖律春風變寒灰

又

道逢故鄉客遺我鮫人綃萬里贈文綺故心終不遙
冰蠶勸火鼠九變風飈飈值此苦寒月褐裘敝颺貂

物珍時不遇感激奏長謠

又

曠月流光彩照我遊子顏端憂誰爲理取琴時一彈
泠泠懷仙吟側側行路難夜久天地開正聲出其間
陶情入元化嶽薛蓬萊山

又

吉日麗嘉燕盤樂歡未央趙瑟奏離鴻秦箏吟鳳凰
引商雜流徵思與浮雲長同心齊入聽瞻彩豐報章
浮生何爲者燁若石火光飛雲奮六翼執玉耀明堂

嶺南五朝詩選

卷六

明 鄭露

十七

守株待兔免無乃皆亡羊

又

高高崧山松亭亭泰山柏歷歷馮生人誰爲浮丘伯
烹魚鴈肥炙美酒何所借出門辭乙雀矯掌長安陌
兩京隔千里層城高百尺金匱出玉書文謨希方策
擊筑酹酒人探丸追借客磊砢放情願放遊忘南北

又

朱樓灼雲漢丹霞雨太清鳳凰啼阿閣文昌貫玉繩
丹唇激素秋隨風感我情借問謳者誰韓娥倚秦青

長河響流月崇蘭播芳馨歌竟復笑歎行雲慘不征
知音在何許予丁望爾刑安得蕭蕭羽翰飛戾高冥

秋月

秋露盈盈似玉時秋月明明照玉肌羅袂已驚入秋
夜薄帷長自鑒天涯翡翠樓空鈴粉歇鴛鴦帶緩音
塵絕此際牽帷似夢中此時舉頭見明月可憐明月
映心來先照兒家玉鏡臺忽入羅幃披繡戶旋隨花
影沒蒼苔花枝弄月能輕薄窺向雕欄侮離索日送
韶英入搖落夜揜金閨沉寂寞玉容如月本難愁愁

嶺南五朝詩選

卷六

明鄭露

六

心如月詎能收請君試看西山月夜夜乘秋下妾樓

午夜何次德邀汎桃葉渡

昆刀切玉不爲利傅粉兒郎天廟器憐子落魄金陵
城孔融一去時輩輕君家紫駟驄躑躅踏碎桃花上
桃葉五絲續命還續愁昔人去國多離憂離憂若此
能不醉醉上孫荆舊酒樓

虞山謁舜廟

荒服垂衣日三苗格命年鳥耘千畝藉龍御九疑烟
蒲板征雲外蒼梧落照邊何人撫瑟悲離恨隔湘川

登九子

朝參九華雪暮宿九華鐘言尋金舍利行傍玉芙蓉
雨脚移春甸雲衣挂亂峰悠然秋浦月來對海門松

洞庭酒樓

落日洞庭霞霞邊賣酒家晚虹橋外市秋水月中槎
江白魚吹浪灘黃雁踏沙相將楚漁父招手入蘆花

西湖上春

行逢新歲月驕馬踏城橋旭日催蘅帶春風艷柳條
香車流水擊仙袂逐風飄山鳳銜花去空傷雲漢遙

嶺南五朝詩選

卷六

明鄭露

九

留都卽事

言禽初選樹稚蝶亦開叢窮海無來信長天有去鴻
擔簦仍作客服藥未還童不及庭前杏春來爛熳紅

巴陵琴酌送羽人游青城

彈琴勸君酒君去少知音此曲非不古撥絃人盡今
夜移銀漢淺月落洞庭深少別成千歲依然此夕心

蔣陵送孫枝遊華嶽時予將南還

相逢彭蠡月相失蔣陵鐘自別東林社君言西躡癰
金天開太華玉井見芙蓉余亦汎滄海南方歸祝融

池陽謁梁昭明太子廟

文心瞻睿作遺像肅宗工雪日明春句藤花落古宮
虬珠衡玉尺鷄戟冠雲虹碧禮崇賢會長江直向東

君山懷二妃

眇眇愁予地夫容北渚期媵魚分楚珮薦竹禮湘離
寶瑟嫵媚淚雲旗窈窕思客從虞廟至會遣二靈知

采石懷袁宏李白

牛渚青天月長縣供奉祠如何今夕酒不共昔人持
高詠那能旦登舟安所之遡洄殊憫默言折楚江離

嶺南五朝詩選

卷六

明鄭露

三

出京

勞生悲短晷曷敢慕輕肥白日髮邊落青山夢裡歸
同心乖贈問岐路惜芳菲回首梅花國吹簫明月知

文選樓眺望

春風將柳色駘蕩入西樓遊子牽櫂望婉如嬖女愁
雜花開陌樹歸雁隔河洲京國浮雲外長江日夜流

淮上

離魂飛故國多難後時榮老向雙瞳入春歸百感生
愛山頻駐馬酌酒復聽鶯堪笑無媒橘遙遙淮上情

震澤送劍客入廣陽

湖草綠陰陰桃花水更深高樓愴然歎濁酒一何任
念此青春別其如白日沉背人贈七首珍重結交心

皖口值區啓圖出宰當陽

徵官君自去楚水日遙遙紫蓋新花縣當陽舊阪橋
荆吳中酒別南北斷蓬飄郢曲高難和非君莫見招

清明

在家常服食無怒已經年五嶽尋師遍孤琴共影眠
南魂迷黑齒北首極幽燕未化遼東鶴何當省墓田

嶺南五朝詩選

卷六

明鄭露

三

踏青詞

文虹經綺陌夕日貫陽林灼灼懷春女翩翩詠子襟
人歸芳草暮鶯語落花深往日成都客蛛絲紫綠琴

摩天嶺望安南

峻嶺極金鄰遙遙望九真鳳銜金汁遍魚戲艾花春
火粒收畚客水綃出海人八蠶無惡歲何謝葛天民

人日寄雲綠蘿

官柳弄新黃宮梅競曉粧未忘闕宋玉詎肯嫁王昌
雲輅通鳩鵲金衣織鳳凰自慚承弁鬢不覺有微霜

邊月

秦時一片月萬古照邊州
白動狼煙寒生驛火樓
關山和淚到圓缺及鄉愁
盈水梅花色難將寄隴頭

邊角

片角吹殘夜雄關鐵鎖開
古城連堞響犂馬踏霜回
玉塞降羌淚天山旅鴈哀
何人聞此曲不上望鄉臺

邊鴈

候鴈發金河紛紛帶雪過
陣連關月小聲斷塞風多
高舉愁梁稻低飛怯網羅
羽毛非敢惜書札奈君何

嶺南五朝詩選

卷六

明鄭露

圭

邊馬

天馬應星辰金羈虎豹茵
驕盤春草短叱撥桃花新
窟凍長城雪蹄穿大漠塵
百戰交河道功成還與人

邊柳

嘆息陽關柳青青能幾時
春光不可度綠鬢已成絲
歲歲愁攀折依依綰別離
故園有奇樹日夜憶連枝

邊草

王孫去不返馬足共車輪
萬里連天色終年出塞人
幾經金海雪不見玉關春
獨夜寒塘夢相思愁白蘋

隋堤送漆雕龍

草長送人遠離居傷別情
細雨桃花岼春風黃鳥聲
君去有誰識我來何所成
行雲與流水日夕但孤征

浮海

玉樹歌殘去渺然齊州九點入荒烟
孤槎與客曾通漢長劍懷人獨倚天
曉日夜生圓嶠石古魂春冷蜀山鵑
茫茫東海皆魚鱉何處堪容魯仲連

黃鶴樓

漢陽芳樹古今情逐客南浮鴈北征
天盡水連巴子嶺南五朝詩選

卷六

明鄭露

圭

國月明人在武昌城白雲依舊過全楚
黃鶴何年控太清日暮衆山青似染九疑無恙隔湘英

君山七夕

銀浦無聲碧落遙洞庭秋色羨誰消
湘娥鼓瑟聽龍駕靈匹停梭媵鵲橋
秦樹影斜天接水楚雲飛盡暮還朝
何時擬約騎黃鶴倚醉高樓赤玉簫

過馮懷門話舊

甲申七月作

先朝遺事老馮唐白髮移家寄上方
看竹每過留客井種松偏近讀書牀
鼎湖雲去金甌缺瑤砌秋歸玉

樹傷今雨昔鹽俱是夢幾宵禪月照空廊

蒼梧訪太真綠珠遺跡

清溪曲曲裏仙源錦石虛疑翠黛存雲里玉環妃子
井綠蘿金菊悞儂村霓裳吹散華清舞玉笛難招博
白魂最是劍門秋雨後落花如見墮樓恩

莫邪關楚望

九疑如黛楚天分水綠三湘雁倒聞春曉玉臺開岳
雪月明銀殿鬱卿雲翠華想像湘君竹龍御迢遙帝
子墳何處匏笙將鳳曲至今猶似詠南薰

嶺南五朝詩選

卷六

明鄭露

孟

客西林聞警東何人止

甲申二月

客裏流光閱九春西山鸞鶴自爲鄰卧同干木非藩
魏笑却新垣欲帝秦內地弄兵皆赤子隔河專閫半
清人龍蛇歌罷愁無賴誰念飄零折角巾

吳越吟

金庭飛雪惜殘梅吳越看山愴望回茂苑寒鴉謹古
堞姑蘇遊鹿上高臺神歸日母胥濤降客探龍門禹
穴開一笑雄圖付流水抱琴東漸卽蓬萊

赤鸚鵡

冶服微言宮裡希金櫳薌篆隱朱屏摘文絕代還憎
命弱羽三年不假飛隴首秋雲淹遠夢芳洲春草弔
斜暉誰裁半幅江郎錦會向華清換雪衣

又

鶴禁銅螭晝不扃沉香烟底掣金鈴霞冠忽散葳蕤
鎖蓮舌輕彈般若經五色卿雲衣上覆九重仙露酒
初醒年來花夢殊蕭索不見張華入內庭

元日香山何師相燕寶綸閣

平津東閣侍文雄春轉堯蓂一葉中獻歲醪醕開白

嶺南五朝詩選

卷六

明鄭露李貞

孟

獸後車雲水叶飛熊黃金未變千門柳綵勝先馳五
夜風誰掌絲綸歌九德鳳池清露濕蘭叢

乙酉入都留別古岡諸子

三月垂楊綠去津黃鸝飛上柳塘春中州豈借探丸
地上已應逢捧劍人王命論存知有漢說難書在不
干秦悲歌且莫催離筑暫醉蘭亭曲水濱

李貞

字定夫東莞人明
經授兵科給事

送黎美周北上

四郊正多壘白羽飛倉皇孤城落日斜
畫角吹寒霜君子事行役驅車上河梁
居者立踟躕行者多慨慷豈不重分手
男兒志四方仗劍決浮雲彎弓射扶桑
書生成文弱建樹固難量天子思頗牧
計日掃欃槍之子念國恥一飯不敢忘
從來善用兵戰勝於廟堂願言贊幃幄
我武用以張

夏日江上寄陳喬生兼訊黎美周歸信

扶離染就羅裙茜江妃笑上芙蓉殿
亭亭翠蓋倚酡顏穠李天桃歎衰賤
清溪女兒罷浣紗蜻蜒艇子載

嶺南五朝詩選

卷六

明

李貞歐必元

美

琵琶采菱歌怨江南暮一夜風吹度落花憶君遠在
城南曲七尺蝦鬚擁寒玉庭前榴火燒白雲南薰一
洗清如沐花渡頭前金是塘幾回涉水行褰裳聞道
雲英猶未嫁相迎應學唱迎郎

歐必元

字子建順
德人明經

夜渡羚羊峽

離家方四日行已望端州峽水無潮汐江雲有去留
聞猿知是峴見月始維舟萍梗俱如此忘機任白鷗

遊蒲澗寺

策杖返羅浮烟霞事事幽飲思清澗水行續白雲遊
野徑封苔古寒林落葉秋菖蒲何處采竟日自淹留

送良翰王孫還豫章兼寄孔陽諸宗侯

孤劍馮陵已十年風雷離合各茫然湖間日月鴻冥
迴海上金銀蜃氣連劉政未懸中壘閣張憑羞問孝
廉船君家鴻寶誰堪授願寄淮南桂樹篇

東高比部正甫

見說詞壇海內豪雄心君已定韃藥七言自擬高詹

嶺南五朝詩選

卷六

明

歐必元王邦畿

善

事三尺何如謝法曹疎曠欲題鸚鵡賦風流誰起鳳
凰毛鹽車未解騰驤意一入孫陽價遂高

寄區太史公

十年簪筆待彤庭尚憶東林舊隱情玩世似將賓戲
論異時誰擅子虛名西山雪色寒猶媚南海珠浮夜
更明漢主近來祠太乙侍臣何用望金莖

王邦畿

字說作番禺人
著有耳鳴集行世

君子行

蟻居識海水雀巢識天風陰陽豈無端胡昧處其中
君子防未然舍世求其躬世險君子夷世競君子慵
世刻君子仁世慢君子恭世諛君子直世迫君子容
光明以爲懷疑似避若鋒富貴不爲榮貧賤不爲窮
先已而後人尤悔何絲叢

白紵辭

滿天明月花欲光朱顏綺陌草欲香歌聲婉轉夜何
良千尺高竹來鳳凰翩翩雙袖金鳳翔抑之不下高
不昂白雲爲衣水爲裳流盼弗及心不忘佳人變化
嶺南五朝詩選 卷六 明 王邦畿 亥

海市歌

虹霓駕海海市開海人騎馬海市來白玉板閣黃金
臺以寶易寶不易財曬龍之珠大如斗透徹光茫懸
馬首若將海寶擲人間小者亦能亡桀紂海市市人
非世人東風皎潔梨花春海市人服非世服龍文象
眼蛟綃幅海市人事非世事至寶不妨輕相示市翁

之老不知年提籃直立海市前簾中雞子如日紫要
換市姑真龍子龍子入海雲雨興九州之大無炎蒸

羅浮蝴蝶歌

羅浮蝴蝶翼如箕彩雲晴日向天飛錦光金色相離
披盛世文章仙人姿蝴蝶雙飛如鳳凰仙人騎入道
士房房中誕育鳳凰子四百山頭山氣紫當日仙人
是甚人王孫帝女秦樓春

省先君墓

芳華發古木穉鳥鳴朝林自有生身處能無報本心

嶺南五朝詩選

卷六

明 王邦畿

亥

水流山路暗雲過石堂陰認得碑題在其如春草深

送胡二祖雅

慨然成獨往惆悵別離顏秋水伊人夢斜陽遠處山
一庭霜落盡千里雁初還余亦動歸興爲爾十畝間

上巳社集

花落青尊下禽鳴綠樹巔相逢上巳日却憶永和年
野草畱春色垂楊帶夕烟靈襟如可濯一醉莫徒然

秋夜

未得平情學年來積感深靜中知肺病夜半喜秋霖

竹響搖清夢蘭香披素襟明朝拉朋好高躡北山岑

與饒郡丞雲師時瓊海初還

瀕海連年夢風波昨日還人經離亂後老向鬢毛間
往事看流水生涯且住山何時共林麓風雨一鐙閒

石門晨渡

鄉關知不遠漸見石門烟曙色寒山外秋風古渡前
潮聲歸曲海流水入平田便欲呼漁父蘆中人未眠

寄王青海相公

相公能下士東閣揖名賢直道惟平物虛懷欲納天

嶺南五朝詩選

卷六

明

王邦畿

三

衣緇多難日髮白老臣年感激平生意西風古道烟

燕臺懷古

地入幽州白日沉寒雲莽莽水陰陰亦知七首無成
事只重荆軻一片心老馬過宮頻內顧高臺遊客獨

長吟朱書玉簡先朝物流落人間直至今

有懷周還梅

春風送別大江邊烈火桃花照客船海屋彩雲辭鶴
去石臺明月向人圓遠山縹緲青無影近水汪洋白

有烟悵望遙天秋雁斷一書三載未曾傳

春送瞿閣老出鎮桂林

臘盡江風楊柳絲樓臺晴日迴生姿周公坐論三王
道方叔行看六月師石室天光雲欲曉桂林春色雨
初滋勞勞西望旌旗遠元老謀猷見此時

寄呈楚督何閣部

元老雄風控上流漢家形勝在荊州雲連西蜀巴江
水天接南滇越海樓萬里狂瀾迴一柱十年神劍定
千秋烽烟霜髮今何似珍重無貽聖主憂

綠珠

嶺南五朝詩選

卷六

明

王邦畿

李雲龍

三

春風顏色艷當前萬斛明珠亦黯然金菊已荒遊賞
處高樓空憶報恩年縱令烈士難爲比就是讐人要
可憐怪得白州雙角非藉卿名字至今存

李雲龍

字烟客番禺人茂才晚年祝髮號
二嚴著有嘯樓集別稿餘稿行世

贈盧元明

我我南山松一生自孤潔上枝拂青雲下枝蔭丹穴
驚飈蕩其間挺然不可折東風洛陽道桃李競春月
而此獨落落無人知苦節天寶老其材不與衆芳列

凜凜歲將寒諒君終自別

汪士衡中秘招同阮光祿諸公集寤園

長堤帶清流迤邐未肯畢悠然縱遠目已覺幽意溢
木末湧蘭閣琪林隱蘭室飛橋接迴廊高下勢不一
疏溪引清冷鞭石成崕崕舉若遵瀨道攀蘿踐雲術
阻澗謂將絕穿巖俄復出墜露添金尊清商汎瑤瑟
既慙山泉賞永懷箕濮匹珍重桃花紅毋負重來日

長歌行

本集作
七言古

江頭樹花落隨流去水流日夜東落花安能歸故叢

嶺南五朝詩選

卷六

明李雲龍

圭

遠將歸

媳婦初入門日夕不離夫夫戍交河北媳婦惟依姑
北來一書飛故里拭淚登堂報姑喜

月華詩爲郭明府賦

山城夜靜秋如水鳴琴人在水壺裏遙看萬頃琉璃
山玉城峩峩正相倚此時天門瑞氣新望舒弭節擁
重輪七寶合成修月戶五色煉就補天人古來三珥
誇靈變何似重華光滿院影娥池裏漫追歡眺蟾臺
上曾經見列宿光芒接上台也泛兔魄經天來好及

南樓清嘯處爲君賡唱紫雲迴

友人黃逢永嘗言晚下清溪遙望西厓諸峯

如青紗帳中十數美人探頭窺客予酷愛

其語壬戌冬溯灘江而西適與景會因賦

青峯綠樹參差見美人笑擁碧紗扇記得誰家畫閣

前翡翠帷中窺半面澄潭千尺漾漣漪美人臨鏡照

娥眉天長日暮行人盡滿把芙蓉欲贈誰

題吸江樓贈林六長

無諸城邊釣鰲客吞盡五湖兼七澤手招江月坐冰

嶺南五朝詩選

卷六

明李雲龍

圭

壺肩宇嘗浮秋水碧自言家住在金崎百尺高樓倚

釣磯散帙翻嫌空翠濕開簾閑放白雲飛烟汀竹塢

爭迴轉三點神山望中遠問津時有泛花人喚渡遙

驚隔林夫子亦曾營海上山因君飛夢度江還何日

一簑烟雨裏與君長嘯采芳蘭

雨過

門前涼雨過洗出數峯新散步溪橋上松風來襲人
山童掃落蔬野老薦芳蘋不信幽源裏桃花別有津

送劉護軍解官歸養

秋風吹木葉天外白雲飛徐庶辭劉去王陽迴馭歸
笛中聞折柳馬上換征衣迢遞還山夢相隨度翠微

入峽

清川望轉微沙樹晚依依魚撥浮萍戲鷗驚去棹飛
水如一疋練山似數重幃日暮歌聲起漁船幾處歸

晚晴

宿雨尚含滋松頭月上時寒泉過石急清聲出花遲
野竹抽新笋歸禽覓故枝明朝采蘭杜憶與美人期

茅堂

嶺南五朝詩選

卷六

李雲龍

三

茅堂占西嶺門對亂峯開時有燉花落香從樵路來
松陰宜散帙山月每當栢十載風塵客勞勞夢乍回

獨坐

獨坐翠微半遙遙聞暮鐘此時洞口月正照溪邊松
鶴唳蒼清嘯花蹊遲短節終當謝塵鞅買斷雲邊峯

秋日有懷

促織啼寒月柴門終夕閒長興坐高館木落見前山
北雁又已至故人殊未還芙蓉尚可采涉水爲君攀

小樓

小樓秋水上一榻俯南天九月聞邊雁千林帶暮蟬
雲流古堞外木落滄波前幽客心無事長謠向紫烟

訪朱季美環谷莊居

尋君谷口路杖策入孤村逕轉方知處山開忽到門
陰厓蒼樹合幽磴野花繁向夕涼風起高齋聞夜猿

春水

春江春可憐含雨復含烟遙見碧波底別有桃花然
蕩日搖金液縈風織錦泉獨愁東下去容易送郎船

丁卯感秋

嶺南五朝詩選

卷六

李雲龍

三

中丞鵬印舊登壇一劍霜飛絕漠寒漢帥豈堪蕃將
代軍容爭遣內臣觀居人夜傍長榆泣邊馬秋嘶白
草殘祗爲令公今遠竄憑誰免胃陣前看

梅關道中

萬峰迴合碧成圍峰畔烟嵐生客衣關路直隨秦戍
出江天遙望楚雲飛孤亭背嶺遲來雁古寺含風湧

翠微却憶漢家通使日山花如錦陸郎歸

遊冲虛觀

瑤階千折跨層巒猶有仙人舊結壇山口月來秋樹

白花宮雲近夜牀寒孤亭玉簡留天語古殿銅龍借
客看十載勞勞何所就願從仙令學金丹

金陵春日

龍蟠虎踞帝王州春色先歸十二樓花氣夜隨香霧
合鶯聲朝帶絲雲流烏衣子弟青絲騎桃葉佳人翠
翰舟最是江南佳麗地酒旗歌板易淹留

送方士昭還漳州

津亭橫笛促歸槎一片蒲帆帶暮霞江上疎鐘生遠
寺天邊寒樹接平沙蒹葭鴈下人初別楊柳鶯啼客

嶺南五朝詩選

卷六

李雲龍

美

到家聞道清漳烟水濶相思何處寄梅花

送王羽卿

珠璣一戰解戎衣回首滄江憶釣磯長劍夜懸南斗
去扁舟秋泛五湖歸江天漠漠猿啼斷雲海冥冥雁
去微西北秣今烽火在何時還向玉關飛

送溫覺斯遊金陵

萋萋芳艸戒晨征吹笛津亭又送行壓酒暫留楊柳
店看花先問鳳凰城江天霽雪初回鴈水樹凝春正
轉鶯若次秦淮君但渡不妨桃葉自來迎

送何大將軍歸西湖

何年投筆佩吳鉤故國今看衣錦遊三竺芙蓉朝倚
劍六橋笳鼓夜維舟鄉園柳影連宮月江浦潮生萬
馬秋料得里中人訝道書生原解覓封侯

九日集李公詹別署

瀛洲官閣帝城東一望燕山感慨同易水寒生人別
處漁陽秋在雁聲中清笳怨徹長榆月畫角吹殘落
木風我自感君歌出塞相過非爲菊花叢

燕磯同李公詹

嶺南五朝詩選

卷六

李雲龍

歐主遇

玲瓏金刹倚江濱江北江南路乍分巖際花飛四天
雨寺門松鎖一曇雲香臺噴霧來龍女漁笛吹風起
雁羣欲發夷猶還倚棹春山臨水正氤氳

歐主遇

字嘉可順德人茂
才有筠園集行世

三月三日社集東臯

我皇九載永和期合謫謫時彥晉人可作東園之樹
穠華未落于以晤言山水爲樂

又

有鳥和鳴茂林集止春酒旣載春服以試薄言采蘭
于水之涘歌以寫心祓禊匪戲

上巳

芳菲淑景晚欣賞乘時多况臨祓禊酒并矢陽春歌
荷錢聚澗藻霧縠開文波風烟麗林際雲樹長山阿
跂言伊雒盛樂從溱洧多佳人苟再得分香曳綺羅

贈安義陳明府

宿雨過山城山春花鳥迎榻開官舍冷琴撫訟堂清
勝地鄰陶令遊人托馬卿相逢憐別路惆悵故交情

嶺南五朝詩選

卷六

明
歐主遇

弄

送贊公入吳

三秋飛落葉萬里起寒烟錫杖此時去金山空杳然
乘雲穿嶺樹汎月借湖船但學無生理離居莫記年

何象岡相君携同汎舟送李定夫

繞林紅綴荔枝新雨過爭看墊角巾綠野到門同作
客仙舟移酌欲留人柳藏蟬唱依依聽江浴鷗羣欸
欸親惜別却忘歸路遠肯於沉醉問車茵

汎湖

避暑凌風六月秋前山羅列水悠悠山花笑待多情

客水鳥飛隨不定舟衣製菱荷期遁跡歌翻桃葉欲
消愁興酣勿問歸何宿新月澄波一枕流

歐芬

字嘉視順
德人鄉薦

望飛來寺

一望知難盡扁舟溯峽來碧幢雙徑隱紺殿半雲開
梵語乘風過香烟到樹迴高峰如可至何日正登臺

春郊

東臯青接隴南畝綠連雲萬井桑麻合千村桃李分

嶺南五朝詩選

卷六

明
歐主遇歐芬

弄

歲時寒食暮風雨夕陽曛野館青帘出江亭玉笛聞
王孫芳艸路遊女石榴裙何處城隅曲提筐遇使君
過富陽憶何明府

布帆凌曉發錢塘越得嚴風到富陽山勢逶迤將入
漢江流曲折始通杭難忘問字楊雄宅尚憶鳴琴單
父堂半枕夢魂猶不定淚痕零落髮絲傍

泊楊州憶先虞部

扁舟歸駐廣陵城回首遙空隔漢京地控淮徐漕路
轉天連吳越海雲平高天夜月仍聞笛瓊觀春風但

記名最憶往年家水部官梅重有古人情

輓黃象坤

客星一夜失江津無復溪頭理釣綸抱壁向慚頻獻
楚尋源今似永逃秦丹青業在堪垂世白玉樓成易
促人社裏姻盟皆可戀未聽鄰笛已沾巾

送壺公兄之循州

垂楊芳草競菁蔥溪閣離尊日照紅人向侯嬴虛左
席客從鮑靚挹仙風乘潮悵望隨飛鶴訪勝如何託
畫熊翹首層巒三百六相思多在鐵橋東

嶺南五朝詩選

卷六

明

歐芬馬元震

平

寄壺公兄

清溪南望海雲東春暮分携又朔風草帶霜華淹客
路梅看瓊蕊夢仙宮烽烟兩地知無恙雨雪孤尊久
未同昨日緘題勞念我鶴峰霞彩八行中

馬元震

字伯起南
海人明經

王睢

洲上看飛鳥和鳴聲應長有時同唼藻若個耦栖梁
一步一相顧深情深自藏神妃曾記曲不比野鴛鴦

王瑯

字澹子以字行番禺人茂才崇禎乙酉
徵召不赴著有野樸堂龍雨樓稿行世

旅吟

缺月曉猶上晨光秋色微疎林風自掃廢驛雀頻飛
微霜沾客髻亂葉點山衣今夕旗亭酒誰爲對落暉

初秋雷峯待月同妙峰上人賦

涼颼發朝爽薄吹出林臯已喜謝煩暑能忘悲逝消
息機隨白髮住世有青袍莫負碧岑上遲遲秋月高
東郊晚步用羅季作先輩韻

嶺南五朝詩選

卷六

明

王瑯

平

晚年無好步出郭祗心傷行陌多蒿草高原無白楊
一溝通劍水百道折循梁東望愁雲切詩憐麥飯香

寄平湖陸子綵

嶺雲隨鴈幾重過久客南歸思若何湖口有山尋鹿
侶粵江無路托魚簑新亭倚醉人何老舊館啼鴉夢
轉多莫向江南賦牢落子山年行未蹉跎

登樓北望憶黎美周朱叔子

登樓酌酒不成歡城角宵哀百感攢江月豈堪頻北
照嶺雲誰復向南看歸猿立樹啼窮驛落雁衝寒咽

古灘何處悲歌同日暮西風愁入路漫漫

送侯若孩還洛中

千山猿叫愴離魂一水輕帆別古墩
瀕海幾年隨淚渡愁懷千古向誰論
晉文土食終還國無忌從軍舊感恩
此去落花寒食候不須惆悵老夷門

將遊吳畱別社中諸子

十年風雨幾淒其賸得秋添兩髻絲
青草未捐南去淚白雲頻訂北歸期
山高落日行人小水盡長天過客遲
回首自知庭薛合亂蟬衰木爲誰思

嶺南五朝詩選

卷六

明王瑯

聖

喜劉長孺壻上書北還

投荒去國身何寄亂世還家意亦歡
秋盡秋來人獨記天南天北淚重看
歸心馬首燕雲立壯志龍文粵水寒
頭白有人慙獻納溪邊聊爲伴漁竿

草堂村探梅

家住寒塘竹里東小橋斜立度春風
水光曉盪玉顏淨香影宵沉月夢通
歸卧晚湖情已冷獨尋村舍興何窮
峻嶒高韻誰能托石室泠泠按古桐

又

流落荒原莫怨嗟空山無恙自橫斜
春光到眼誰爭艷香氣臨風意獨遐
曲澗遠迷陶令賦白頭長恨楚臣些
東風莫羨松枝老榮落天南已有涯

秦宮

大藥難歸海上船沙丘龍寢已長年
如今島裏藏玄屑留得君王幾度仙

魏宮

鄴裏春深不耐看襪羅塵暗落花冠
陳王早向江頭賦解佩應無到五官

嶺南五朝詩選

卷六

明王瑯

聖

陳宮

結綺臨春夜夜明望仙長使挾傾城
歌殘壁月聽環佩不必投籤入夢驚

唐宮

人到虛無縹緲難信知天上遠人間
漁陽日暮催鼙鼓誰上蓬萊海上山

宋宮

春風初散月朦朧天上人間此夜同
十二玉樓春不鎖妒人何必盡深宮

戴柱

字安仲南海人有閒遊草未刻

胡曰從招陳謝二子同集移酌望湖亭

結宇近雲林幽篁一徑深相逢文酒約來對碧山岑
濃樹籠疏閣清流漲綠陰冷然會心賞若爲奏虞琴

客有送予從白門遊浙次韻奉別

白門遊欲倦淅水路猶賒客思三秋別孤帆八月槎
劍分憐出匣裘敝笑還家遲爾當春浪相看桃李花

奉呈南大宗伯李公

嶺南五朝詩選

卷六

明

戴柱張裔達

器

南北承恩寵竝隆明堂三禮屬宗工鳴珂聲動夔龍
上染翰名高琬琰中東觀藏書稱武庫西山副墨見
文雄來逢開閣招賢日浪跡應無嘆轉蓬

張裔達

字百洪番禺人

次答龐伯達孝廉

長江遠水遶苔磯客至開尊半掩扉四壁乍驚秋氣
入片帆爭帶夕陽飛故園聚散原非別壯志蹉跎但
憶歸爲語東籬陶令菊再來相對肯相違

馮元基

字弘子順德人茂才

增江道中

芳草碧淒淒斜陽向客低竹光搖古道樹色繞長溪
酒每村中醉詩多騾背題離家雖未久又聽子規啼
鄉旋留別區吉先朱昌藩

歸心雖已切未忍卽離羣不覺三春暮相將岐路分
花間餘落日竹外隱行雲却惜鶯聲好明朝空獨聞

宮花溪道中作

嶺南五朝詩選

卷六

明

馮元基區大緯

圭

山北山南路正長東風吹送野花香數聲啼鳥知春
雨一路歸人背夕陽溪水長年流不盡嶺雲終日變
無常身逢勝迹應難遍遊思蕭條轉易傷

區大緯

字文炳香山人明經官終工部虞衡司主事有經書解焚餘草續蔓草行世

登太白酒樓用黃宮詹韻

任城百雉何突兀城邊古道層樓出樓上仙人去不
還楊柳芙蓉自披拂清平奏曲是何年天子呼來尚
醉眠何如采石磯頭夜捉月騎鯨飛上天天邊明月

依然在清光夜夜生滄海玉樓高處幾經春虬龍何
日灑飛鱗

過豫國士橋

石橋夕照斷行人一讀殘碑一愴神七尺當年捐報
主二心千載愧爲臣英魂赤日遙相映俠氣寒霜尚
可親三躍未酬吞炭苦祗令懷古淚沾巾

陳明卿太史招同李烟客集古南池

黃鸝日日嘯高枝正是天涯傾蓋時風約露荷香淡
淡月窺檐樹影離離千秋重見南池宴永夜頻傳北

嶺南五朝詩選

卷六

明

區大綽唐元枹

栗

游卮解却蘭舟相借問西山寧負白雲期

都中同馬伯起戴公綸送家啓岡

天涯芳艸碧纖纖送客都門詩酒兼話以忘形惟正
劇客緣將別恨偏添雪歌自愧巴人和星聚重煩太

史占我亦將歸對黃菊銷魂無用賦江淹

唐元枹

字應運新會人崇禎癸未成進士
歷陞太僕寺卿有初築堂稿未刻

秋日遊圭峰

選勝圭峰去芒鞋步步幽雲開諸壑出瀑落衆溪流

霜菊寒堪把喬松老未休逢僧話半日不負九秋遊

贈澹歸禪師

師崇禎庚辰成進士
甲申後棄官出家

悟後今相見儒宗卽佛宗高秋深夜月古寺萬層峰
法說人天聽經翻花雨重丹霞遙一望時有白雲封

王應華

字崇闇東莞人崇禎戊
辰成進士官至藩伯

浣翠亭避暑

林塘最幽處長夏小亭寒人事柴門少江光竹檻寬
南薰生几席西爽落盤餐天與優閒地誰從雙樹看

嶺南五朝詩選

卷六

明

王應華

墨

山房春事

春深春事懶春暖換春衣三徑詞人過名園春色歸
風生花暗落雨後果初肥只恐紅塵到呼童日掩扉

憶舊居梅花

再見寒梅發江村幾度春柴門山色好故里憶茲晨
雪盡羅浮曙花疎烟水勻何時能策杖遊賞對鄉人

江村春興

何人車馬到春城高坐臨流酒獨傾十畝黍苗分雨
露一江天色各陰晴長堤種竹隨時綠倦鳥歸林得

意鳴潦倒年來復何事早潮看盡晚潮生

陳子升

字喬生子壯弟明經授禮科給事少通羣籍善聲律博達淹雅無宦族赫綏之態著有大江吟諸集行世

薤露

丁亥作

皇祖卜世久所遺誰最忠先帝升鼎湖數子攀厥龍
殉死乃無穴號呼而止從鼎缺於磨室京畿置南邦
多見以不怪棄之如轉蓬家袞奮海隅樹幟思得朋

嶺南五朝詩選

卷六

明王應華

哭

力盡軀以捐憤怨寒蒼穹嗚呼復嗚呼豈惟漢義公

妾薄命

靡靡復厭厭新歌昔昔臨花外芻尼啼月樹燈前蟬
子挂春檐京雒三千萬寶帳廬江六七十湘簾不逢
荀奉倩芳年徒自淹

遊峽山

軒轅二帝子弄笛開陽江岸扁舟客聞鐘到上方
仙靈今聞寂雲水空蒼蒼欲遣愁心去猿聲嶺外長
奉和瞿相公望孔林

嘗游先聖地嘉木藹成林今日宗周老遙同望魯心
麟來青草合鳳去碧梧陰想見宮牆色誰聆絲竹音

碧玉洞作

我有碧玉調匣琴無處彈登山見流水高調和皆難
壁立一片雪風含白雲端羽人不可見環珮日珊珊
讀史有懷張庶常天如

烈王得士盛儒雅惟張公未究蘭臺業江南悲落楓
十年藏短札一代想遺風誰引金龜酒情深紫極宮
巫山之陽香溪之陰明妃神女舊蹟存焉

嶺南五朝詩選

卷六

明陳子升

哭

楚漢風流事千年跡并稀巫雲象神女塞月照明妃
余欲登高賦征人怨不歸清秋如有夢應逐朔鴻飛

濠上逢舊妓

驕馬幾時迎桃根艷柳營半生重入夢兩度總傾城
日澹青樓色笳悲子夜聲藁砧何可道山上若爲情

曹溪禮大鑑禪師

寶林天外指黃梅花發菩提五葉開祖法云何便南
去新州元自具西來山間逐獵人終散鉢裏降龍蛻
已灰聞道此心無所住願隨溪水日滌澗

雒陽懷古

周王定鼎初營邑及至東遷近孟津往事併流清雒
水舊京終化素衣塵銅駝荆棘愁看汝笙鶴雲烟笑
謝人自是書生徒解詠五詩無復授西賓

鄴中懷古

漳河流盡故宮塵霸業如從馬首新東漢綴旒因有
國西園飛蓋若無人風悲古塚啼林鳥日射寒塘散
渚蘋孤客吟邊不知暝建安年後有良辰

昔昔鹽

嶺南五朝詩選

卷六

明

陳子升

辛

鴛鴦樓外烏欲棲玳瑁梁間燕吐泥月暈圓隨漢東
昨天河傾向汝南雞萬方儀態華燈出一笑橫陳翠
帳低愁見曉鴻征塞北不知天將定遼西

張嗣垣

字師仲東莞人茂才性簡默有大才嘗猶
伴羅浮飛雲諸勝邑令馬維陞羨慕之嗣
垣終以布衣自樂年三十卒自爲墓志
有未了生緣先償夙債之句讀者惜之著
有餘力軒
稿行世

羊城卽事

不覺清明後珠江客未還又看三月盡曾得幾時閒

皂帽難逃世青衫易負山勞勞隨逆旅爭席賣魚關

病中

玉露催黃葉金聲起素商乍能消酷暑翻自怯新涼
多病慙司馬全生愧牧羊有懷殊不寐真覺夜能長

冬日冒雨同林習修諸子游彭洞山

寒合千峰馬到難瘦藤高倚翠微間磴拖烟樹來巖
谷泉迸天花滿石壇紅日弄晴終欲墮白雲成雨却
知還浪遊強待留詩去自笑疎慵不耐煩

送友人自西粵入楚

嶺南五朝詩選

卷六

明

張嗣垣庾樓

壬

東西一水望盈盈人物山川舊有名作客易牽懷古
恨送君難解別時情綠珠歌舞春雲散白傅琵琶秋
月明好向蒼梧多市酒淡杯能遣旅愁輕

庾樓

字本叔歸善人領乙酉
人士半出其門名入郡邑志

次答張伯洪

白髮催遲暮高峰伴寂寥十年成底事一別又今朝
但可花經眼何當米折腰子山詞賦好遺恨向誰銷

冬日舟中曉望

水痕如縠遠蒹葭歷歷晴空見物華半壁高崖分鳥道一溪寒溜傷人家疎籬靜處明初日獨樹堤邊落遠霞孤棹逶迤何處駐霜枝隨意自橫斜

冬江夜泊

霜風吹月入蘭舟幾片輕雲意自悠孤客有懷常問夜亂山無緒自成秋蕭蕭落木羣蟲語寂寂寒江白浪流何處漁人相借問一聲長笛自夷猶

林阜

字筠若一字荃濟新會人領崇禎薦著有通鑑綱目大成諸史雜著訂定四

嶺南五朝詩選

卷六

明

庚樓林阜

聖

書毛經及詩文

堂詩州行世

送關明經還粵

時在江寧

石頭頻送客歸思正茫茫水陸幾千里琴書共一牀形羸曾獻賦墨綬待爲郎遙想還家日南園荔子香

旅夜同李蓬庵

朔雪正漫漫東樓夜色闌烽煙吾潦倒世路共艱難說劍懷燕趙題詩薄建安江湖浮未得瓠落大樽寒

南安留別蕭雪泥何任生

隄畔春風舞綠楊又隨賈客入南昌布帆初問芙蓉

渡水驛遙連蒹葭鄉滿目白雲迷淺渚一時孤櫂下寒塘相思今夜能無賦誰共謳吟只自傷

夜泊富陽有懷故園諸子

富春江上水悠悠厓海烟嵐望欲浮書寄故人成萬里鳳鳴殘荻近孤舟青袍欲濕窮途淚白髮猶存壯士憂夜雨西園相憶否可堪翹首仲宣樓

樊起龍

字曉野人領崇禎己卯武鄉薦任廣海南頭京口提點禁尉副將事有

未刻

嶺南五朝詩選

卷六

明

林阜樊起龍

聖

經犀牛峽

海暗烽烟暮樓船幾度過峽雲吞落日堤柳接長河孤鶴騰清漢靈犀起白波何人仍緩帶倚棹聽漁歌

吳江曉發

江湖風雨暗斜暉歷亂雲山入望微司馬聞移京口旆將軍未解洞庭圍角聲悲壯迎金鼓水色光寒上鐵衣不盡客懷帆影外又看秋鴈向南飛

岳王廟

武昌公廟大江頭門掩松花一逕幽宋業欲亡和議

起郾城初捷羽書愁苔碑有恨山雲寂石馬無聲烟
水秋夢斷黃龍何日底天南鐘鼓思悠悠

過東莞伯墓

毬石獅巖勢欲吞霸圖雄業一丘存登壇結士先刑
賞倚劍觀星識至尊荒塚有花開二月斷碑無字落
孤村東南半壁今還古赤幟何人候虎門

馮璉

字璽若一字宗彞南海人領崇禎己卯鄉薦歷任福建漳浦令康熙癸卯闕閩同考年六十二卒於官傳載南海志著有春秋大成石瀨堂諸集行世

嶺南五朝詩選

卷六

馮璉

毒

寄鄭湛若黎美周

誰能興大雅振起在羣公白月照雙鬢孤心將片鴻
題詩寒石瘦把釣暮江空斟酌行藏事秋山葉又紅
閨閣中秋呈諸僚友

鎖院森森夜色幽廣寒剛報十分秋高懸玉鏡同歐
鑑靜對冰壺倚庾樓一代文章陶冶盡八閩參朮藥
籠收公餘共有青州興索遍天香賭醉侯

寄朱子鷹上

一官瀕海知何補十載傳經喜得君秋相肯誇門下

士蘇生曾獻匣中文城連漳水潮聲遠門對梁山樹
影分誰爲臨風寄消息玉琴聲裏日斜曛

陳上庸

字登甫文忠公子壯豕子崇禎間明經著有仙湖草未刻

過小雲谷梅亭聽岑飛霞先輩鼓琴

亭高日夕陰四望欲春深古木花爭發青山鳥自吟
我來及明月君正撫瑤琴雅韻同誰賞冷冷此際心

初秋喜鄭無傲過宿山齋

好月良宵能幾何衡門難得故人過話逢子夜炎蒸

嶺南五朝詩選

卷六

陳上庸

毒

去事憶青山感慨多酒可禁愁渾忘癖詩能却病欲
成魔怡懷尚有畱賓榻滿沼荷香鳥復歌

馮毓舜

字爾錫南海人崇禎庚辰特賜進士授北京工部主事卽歸隱侍養著有逸言南還集行世

古城驛

干戈不到處風物漸諧心人聚百年室樹連十里陰
兒童喧古道耳目遠秋砧太息北來客聊爲眺後吟

峽山

清江鼓棹正芳菲峽裏風烟翳翠微一線長天獨窺
去千尋峭壁老猿歸人忘作客偏貪坐雲盡依山却
倦飛驛路無窮何處駐最高峯上有魚磯

關捷先

字寧後一字蓬石南海人崇禎甲戌進士
歷官吏部文選司郎中著有錦亭大社青
原大社經正錄竹樵合艸醉夢續吟
雲遊雲隨樵餘諸艸兩朝奏議行世

理琴

壺丘白日靜獨坐撫瑤琴誰識無絃意明明太古音
花聲吟曉露石響戲春禽相對人何處清風滿竹林

嶺南五朝詩選

卷六

明馮毓舜

美

花源圖

玉莎瑤草碧芊芊望入桃花別有天聞說避秦來此
地不知歸漢是何年桑麻瓏上隨紅樹雞犬巖頭戀
紫烟一自漁舟迷去路更無人上問津船

報政還出廬山下見蒔秧者

仙源萬井綠雲稠風日清和東作優石壠犁烟驕小
犢春林呼雨亂啼鳩牧人已兆維魚夢太史將書大
有秋自笑心勞甘政拙不耕吾已負先疇

有欲得予姓名爲壽撰者漫占謝之

高卧何如百尺樓春生池艸亦忘憂管寧若做先
海龐德惟知不入州窺果石林猿和嘯看花樵徑鹿
同遊埋名深畏山猶淺休道青門有故侯

嶺南五朝詩選

卷六

明

老

嶺南五朝詩選卷七

國朝

姚子莊 六首

戴王言 三首

程可則 二十三首

蘇興祥 二首

方國華 二十首

龐建楫 三首

王鳴雷 六首

嶺南五朝詩選卷七 目錄

趙煒夫 八首

蘇士許 三首

麥廷賢 五首

何鞏道 十六首

張穆 六首

譚峻 五首

屈士煌 三首

李文燦 十六首

李致 三首

侯登 二首

譚庸 十二首

譚漢 三首

蔡隆 三首

周鼎 三首

李恕 十首

何其美 二首

何惟淥 四首

盧上銘 一首

嶺南五朝詩選卷七 目錄

盧澣 二首

盧鼎 二首

謝重華 七首

溫槐應 二首

梁啓運 二首

龔章 十一首

陳珏 二首

尹源進 三首

陳賓王 二首

蘇楫汝 六首

朱協蓮 二首

龐上標 三首

馮迪瓚 二首

楊昌文 三首

龐之允 二首

曾君裴 二首

伍邵 二首

胡天寵 十五首

嶺南五朝詩選 卷七 目錄

鄺奕蘭 三首

陳衍虞 十首

劉振國 二首

梁與時 三首

鄭茂蕙 三首

陳藝衡 二首

陳周禮 三首

嶺南五朝詩選卷七

番禺黃 登俊升氏訂定

國朝姚子莊

字六康歸善人領癸酉鄉薦授江南石埭尹有行路吟詩傳世

廣陵上高念侶觀察

帝室舊興賢芝房授簡先驅車橫庑石弭節出甘泉
海色芙蓉酒文心芍藥篇捧天知再夢肯遜魏公年

又

兩國溫陵士論交愧後羣到來隋苑月重觀薊丘雲

嶺南五朝詩選 卷七 國朝姚子莊

離井通江岬樓船集海濱竹西歌吹夜有客坐南薰

新鴈

遂有南陽信孤雲淡欲空一聲秋水際數點碧烟中

白草辭家遠黃蘆掩翮窮乾坤矰繳甚吾亦歎冥鴻

薊門秋感

五雲宮闕望中過羽扇星旗舊若何王氣東歸雄鐵

騎帝圖西盡汨銅駝關山落木情俱切苑水流漸怨

尚多露靜風高何處笛滿城絲錦夜徵歌

又

金魚池畔擁貂裘寂寞黃花古鎮頭宛馬日來空大
漠盧龍初戍出長秋天圍黑殺干戈動地捲黃雲草
木愁侍從朝回南海子相呼爭脫射鷹鞬

經平原訪張韋豹農部

天儲飛輓接瑯琊按部勞臣出斗槎
畫省秋深鍾嶺月逸堂風動竹溪花
我來虞廟尋丹井君到秦宗祀碧霞七十二峯青削玉登高懷古誦皇華

戴王言

字公綸番禺人明經有石磬山房真稿未刻

嶺南五朝詩選

卷七

國朝姚子莊戴王言二

題蕭生書屋

此地稀人迹誅茅古樹間門前流綠水屋上枕青山
藻思明霞發幽情芳杜閒真堪著書處終日掩松關

梁幼寧明府以錦葵花詩索和

翠著纖條不自持花魂疑向錦江移微香暗損梁園
雪艷冷新含卓女姿愁結晚烟翻帶恨淚垂春雨復
多思芳心未分同飄落休怨河陽入夢遲

白雲晚望

杖藜閒上碧峯頭回首孤城一目收
鸞道有花皆夕

照虹橋無樹不煙畱僧歸影帶前山月雁落聲銜遠
浦秋何處暮雲棲不住飛飛猶尚向羅浮

程可則

字言振南海人順治壬辰會試第初授中翰出爲桂林守卒於官著有海日堂集

隴頭水

隴頭流水其聲湯湯念彼征人飲馬道旁秦山問之
何時故鄉

又

嶺南五朝詩選

卷七

國朝程可則

三

隴頭流水其流不歇北風朝號層氷夜裂十步九迴
羊腸淚血不有死生敢傷離別

青溪小姑曲

青溪白如練小姑情婉戀願因溪水清照郎意深淺

古風

孟嘗雖好客終不如田橫鐘鼓豈足貴饌玉非交情
橫奉洛陽書二客要之行屬徒五百人蹈海羣相爭
出關者何爲狗盜而雞鳴養士各有報所見在死生

又

威鳳誕靈姿其羽爲文章生當明盛世可以鳴朝陽
所遇未得時歛翮忍摧藏恥與燕雀伍差爭雞鶩梁
峩峩梧桐枝日夕凌風霜吾德苟未衰安用接輿傷

又

南國有佳人獨立好顏色十三習圖史十五工文織
寂寞守空閨秋風聞太息草木旣已落羅綺爲誰飾
良夜鳴孤琴音響何惻惻朝見池中禽倦彼雙棲翼

登九成臺

我來韶石上不復見彈琴帝世何能再荒臺獨至今

嶺南五朝詩選

卷七

國朝
程可則

四

雜花開古陌一鳥下寒林歲晚人烟少歌風懷古今

韶陽逢張萬青

經年不相見見爾湘江東別緒一時在羈愁千里同
開懷鑒明月酌酒臨秋風無限河梁意蕭蕭落葉中

出湖口書所見

客路今楊子江光異見聞水兼彭蠡濶山與郢黃分
風起魚吹沫天空鴈赴羣人家烟渚外漁網白紛紛

送家直菴學士冊封安南

自昔南交地蠻烟萬里餘地經義叔宅人習素王書

拒壘藩封舊莖茅錫命初須令知漢大不必問金車

舟晚

迴舟轉清澳落日照前岑水闊一帆清雲歸衆壑陰
蟲聲喧別浦人語靜空林寂寞河干客悠悠行路心

送朱舜音子臯還錫山

四月暑還輕南船正好行惠風隨雨過江芷帶潮生
送爾鵝鴒去共如雲樹情夕陽聞折柳淒切不成聲

凌江雨中朱漣生朱竹菴同過

故山猶在目去路幾時休看竹雲藏寺携琴客到樓

嶺南五朝詩選

卷七

國朝
程可則

五

微涼高館夕長嘯大江秋不疑張平子蒼莽詠四愁

舟次同張玉叔作

愧我獨何事隨君亦遠行褰衣向劍水扶藥去秋城
草木霜初落關河漲未清不因朋侶在何以慰宵征

寄賈季遠

自我還珠浦花飛又見新山川記行役風雨隔伊人
只作離歌慣何曾遠夢頻虔南有香草采采爲誰春

送談蓮懷學博之海南

知己已長星離歌此復聽當杯見楊柳立馬在津亭

髮入天隅白鵝歸海角青風濤春正穩珍重到南溟

七星巖宿暢公禪房

已是幽人宅還兼山水靈霽湖澄野綠絕壁削空青
猿鳥隨高下烟花各杳冥夜深還說法應有鬼神聽
都陽湖望廬山因懷天然老宿須識行人

水繞匡廬面面峯晚烟遙漾玉芙蓉林間瀑布三千
丈谷口明霞一萬重雪嶺夜深誰控鶴石堂舟遠忽
聞鐘白蓮舊社勞相憶寒月蕭蕭不可從

七夕同王震生梁藥亭朱竹菴陶苦子作

嶺南五朝詩選

卷七

國朝
程可則

六

不信佳期事宛然天邊消息許誰傳黃姑一去無來
日烏鵲重飛又隔年人世別離宵夢裏客心零落早
秋前何當滿酌如澆酒共對南樓夜不眠

寒

西風吹雨下江潯夜半寒驚旅客心白石祠前灘更
急黃塘驛口月初沉陰蟲切切聞殘葉烏鵲飛飛繞
故林北日漸多南日少敝裘愁見雪花侵

送汪茗文使白門王貽上使青江

紛紛車騎出神州二仲連關不可留路似札橋齊命

駕人疑李郭又同舟吳都父老瞻新節淮海烟波感
舊遊兩地重開朱雀桁還題詩句滿津樓

長安春望

東風何事只徘徊望遠當春自可哀倚樹多愁花落
盡登樓不見燕歸來鏡中鬢逐京塵改夢裏舟從粵
客回昨夜青郊有離別故人無那獨銜杯

寄棲賢石鑑大師

六年不見廬山面却向廬山憶我師萬壑樹聲鳴磬
後四圍山色捲簾時放參定許溪雲入下食頻教谷

嶺南五朝詩選

卷七

國朝
程可則

蘇興祥

鳥窠更愛玉淵潭上水獨看清影少人知

蘇興祥

字國光番
禺人明經

靈洲寺

海上維舟日鰲峯夕照陰虛亭魚鱉上古殿雨花深
境寂高僧定江空孤客吟何當芳艸色空憶在長林
又

蒼茫離野岸幽磬散江風雲樹重重合關河面面通
人非天地裏世在有無中徙倚層崖上遙天鶴唳空

方國驊

字楚卿番禺人乙酉
有學守堂集行世

夢還濠弦艸堂

艸堂昨夜夢了了見茅屋盡壁存龍蛇去向月痕讀
破瓦盈蛛絲短簷巢小鵲直指當年題日色照離陸
側戶履花寮蘭芷香若復厨烟凌高霄庶婦饑聲蔽
出還理艸架恍惚昔萬軸細雨濕庭堦父老相過逐
予亦冠蓋迎罇罍走童僕山雞覺遽然往事千行哭

賦得燈火新涼催夜織

嶺南五朝詩選

卷七

國朝
方國驊

八

炎熱使人畏饑寒使人憂王孫六月發飲冰烈火赤
汗無與謀王孫重煥樵收寒上天不分青白眸鄰家
秦女夜歌舞飲酒高樓擊鼗鼓天姬學唱竹枝辭鐵
板老優翻鸚鵡老夫茅堂燈一輝小兒書罷妻率機
粗布大帛願不失夜深相對有牛衣

和陶歸鳥詩六十八首

錄四

予子孤鳥遠弋于林周回顧影寧擇佳岑緘舌捲羽
鬱陶中心眷彼谷風喬木陰陰

又

予子孤鳥疇與同飛前者振羽後者莫依彩澤卑乘
獨影宵歸悵望天末雲路阻違

又

予子孤鳥渴飲徘徊養棄何人深叢棲鴟鴞疾聲
微息難諧幽梁卑枝結茲永懷

又

予子孤鳥昔鳴高條鳳凰十友桐柯特標燁燁其麗
產彼南交佇以修翮弗惜憂勞

俠客行

嶺南五朝詩選

卷七

國朝
方國驊

九

少年重意氣昂首向長揚射虎眼中刺摧鷹臂上霜
肩輿謁帳里竹笠訪田光坐憶王孫老蕭蕭淚數行

又

貧賤甘濁世恥爲鄉里卑無家秦劍許有母嚴金辭
燕薊弔孤竹葡萄酒醉月支封侯千載事兒女未應知

又

諸侯每長跪北面莫須呼大澤一竿釣深山三尺屠
談兵觸狼食怒酒折虬鬚百歲纍纍塚懔懔香不枯

又

繡帳長薰鴨招鄰日鬪雞主依黃歇楚賓擬孟嘗齊
遊去五湖盡歌殘北斗低生憎說頭白長劍任東西

獨飲

隱几意不愜把杯聊自醺野人誰命駕倦鳥獨堪羣
日暮柴門雨秋寒水面雲暮歌與巫覡鄰舍漫紛紛

泥魚

暮酒愁蔬藪僊童憶釣竿河魚子夜潑秋雨五更寒
歲稔江湖晏村幽藪網安香蓴分得好珍重報加餐

赤花

嶺南五朝詩選

卷七

國朝方國驊

十

遠羅出草浦扁舟泛赤花山山涵曉日岸岸抱圓沙
穗井寧如舊西川未有涯十車空此載愁絕是張華

詠梅

漢宮顏色十年癯白首春心夢有無幽谷渺然徒自
託水壺較爾意誰孤更防戎馬猶含碧不語黃昏獨

握珠東閣杜陵若相憶美人原住遠山隅

又

每到嚴冬眼自驕嵯峨一樹倚山腰偏憐塞上將軍
箇不負高樓玉女簫霜色欲銷逋客髮雪花全染逐

臣貂曾聞處士慚封禪猶向江臯共寂寥

赴市入首

錄四

賈舶漁航雪裏來冷烟殘店竹簷開難逢公子重迎
亥欲訪吳門舊姓梅兒酒已聞狂士哭犢裙翻見美
人哀逋臣漫向魚鹽逐一曲長歌日暮回

又

鼓刀擊筑更誰堪敢向清時說盍簪頻歲避人如旅
雁終年糊口似春蠶挾龜問卜疑僞叟遠磬焚香辨
野菴七寶十車渾是夢莫誇鄰女早提籃

嶺南五朝詩選

卷七

國朝方國驊

十一

又

釣簪結罟小橋西花雨沾衣細作泥過野不存廉吏
犬繞籬猶縛杜陵雞千尋春水深成窟百尺潛魚大
似犀回首萬殘如市後夕陽人散鷓鴣啼

又

桑麻無術故山求歸興聊從物外游萬里詞臣懷海
市千家鮫室雜蜃樓丈人屢覓開元曆長者常披五
月裘怪底獵心猶未槁逐看蠻女打春毬

木棉花

不材容得老天年寒食丹砂木末燃漢主堠亭情獨
遠隋宮春樹色同鮮殘紅似照崆峒火野血疑啼建
業鷗惟有刺桐共開落城南上巳句誰傳

龐建楫

字仙達南海人領鄉薦有緣香堂詩集

夏日集六息寮

暖風吹欲動鷗落半亭光數月始今夕相將水一方
墨香歸上客杯影瀉橫塘頗怪炎陽候林明不易涼

秋海棠

嶺南五朝詩選

卷七

國朝

龐建楫王鳴雷

十三

香光偏越夏名記獨宜秋待月何先後經霜任去留
仙情恩外重睡力倦中柔泣笑誰曾會窓開事事幽

喜曹素臣至

握別經年夢屢狂江山仍在感滄桑官情澹潔人如
鶴客路支離髮似霜萬里獨行爲許國千金雖盡不
垂堂三城舊屬楊州地何必西湖是故鄉

王鳴雷

字震生番禺人領鄉薦有緣香堂詩集

夜尋容道士

一聲山磬靜洞口白雲深偶見鶴飛出天壇忽在林
水流通磻藥風度隔窓琴到此亮明月當空持鑑心

春日江村

柳氣堤邊厚東風吹入窓年衰從歲轉道困任時降
蝴蝶晴來巷鷓鴣雨入江故人書札少春鴈阻何邦

廣陵留別友人

衰顏顧盼卽平生况復悠悠行客情瓜步晚雲愁獨
雁邗溝寒雨暗雙旌深秋讀易聞流水落日看碑對
古城惆悵一尊向誰盡故人相別易沾纓

嶺南五朝詩選

卷七

國朝

王鳴雷

十三

過彭蠡湖

挂帆彭蠡卽湖東回首經過四望空萬頃寒光飛鳥
外千溪月色釣魚中長江倒映天河水遠浪橫吹夜
嶽風聞說洞庭還浩浩赤沙青草不能同

沛中懷古

花傍高樓日傍楊帝家居處本無方一州亦屬君臣
地大統寧分父母鄉黑夜吼龍蛇草濕碧天低鴈馬
臺荒今朝沛里浮雲外古驛鳥歌歸路長

峴山懷古

斷橋斜日出雲津訪古登臨感慨頻鸚鵡不吟梁浦
月關鞦空唱峴山春雍臺樹色西連楚樊口桃花北
向秦下馬便尋羊叔子看碑幾度欲沾巾

趙焯夫

字裕子番禺人
有草亭葉未刻

九江野宿

野宿就孤烟蘆花斷岸邊清秋看好月多病苦衰年
露濕鶉衣薄霜飄鶴髮懸中宵見形影回首益淒然

中洲草堂

嶺南五朝詩選

卷七

國朝
趙焯夫

古

張顥亦有宅乃在水雲間雪意自千古蘆花第幾灣
焦桐冰在御新笋玉成班欵徑問奇者江天時往還

螢火

一莖秋際草羽化出芳洲笑殺燃臍照懽同秉燭遊
爭光星點點弄月夜悠悠自有冰心在平生豈暗投

東家梅

梅園何意日相親破臘疎花遠俗塵幾樹出牆臨古
道一枝當戶報先春香飄半榻隨風至凍合孤村鬪
雪新我亦蕭條寒徹骨白頭搖落得芳鄰

訪黃元吉醫士

隔溪村口盡烟霞隱似壺公自一家靈藥搗成丹字
犬玄雷鍊就白飛鴉橘垂井上香吹遠菊泛籬東望
轉遐拔宅仙人誰識得滿身雲氣繞衣紗

燈夕王曰都招集跨龍山齋

紫翠臺臨宛削成春筵遲我此宵情熬燈海上連三
島漁篷波間弄一聲暖人玉壺冰漸解香生蘭渚酒
初傾倚闌恍挾飛仙輩暢飲中天對月明

集許雪橋清來堂

嶺南五朝詩選

卷七

國朝
趙焯夫蘇士許

五

紫水來游興自豪如雲何幸洽仙曹綠苔正掃青鸞
尾華燭初燒白鳳膏花氣送歌翻舞袖酒痕和露濕
宮袍嗟予白髮猶爲客吟向瑤箋憶薛濤

春望

寒食蕭條野望陰一枝筇竹日行吟出塵笑我烟霞
骨逝水還誰日月心薇蕨長時知雨足鷓鴣啼處怨
山深連年烽火何嘗息殘燒而今尚滿林

蘇士許

字未人順
德人茂才

城南感懷

相逢素馨市買醉荔枝磯人並紫騮去月隨青雀歸
歌聲空夜幌花氣艷朝衣惆悵當年事今來故故非
人日梁敦儒過訪

一春纔七日輒已半晴陰冰雪仍餘臘鶯花却早春
盤蔬此日話江水詰朝津且醉杯中酒看君南北人

曉望

歸懷不及寐出戶望前溪樹樹落殘月村村聞曙雞
霜花拂劍白雪岫映帆齊莫以前途涉江津尚未迷

嶺南五朝詩選

卷七

國朝
蘇士計夢郊

六

麥廷賢

字盛際南海人明經
有澹菊齋稿行世

洪比部惠冰紗蒲履賦謝

草履宜藜杖冰紗稱葛衣雲霄無暑氣林壑有光輝
長日過郎署清風出省闌南交千萬里携載與同歸

次高郵

東風吹雨過高郵春水桃花古渡頭百里甓湖連大
澤一區城郭在中流新堤似織通漕纜遠浦如萍泊
釣舟何事石尤苦相滯片帆無計逐輕鷗

丹陽道中

紅寺橫橋鎖篆烟別從南瀟過前川垂楊影裏下魚
符啼鳥聲中渡客船陂接練湖光濯濯雨餘春艸綠
芊芊居人祇爲耕農急盡灌江泥上稻田

長干寺塔

雕輪曾此駐宸遊楚塞吳門一望收萬朶金蓮開佛
國十層珠樹照神州龍盤絕巘連天闕鳳去高臺成
古丘一自南朝王氣盡秦淮空見水東流

京口

嶺南五朝詩選

卷七

國朝
麥廷賢何鞏道

七

南徐開鎮廠雄關吳越漕渠襟帶間王氣已銷秦祚
改霸圖初建魏軍還甓城莫問藏春塢石几猶存招
隱山海上只今誰國土成樓吹笛節旄間

何鞏道

字皇圖吾騶子茂
才有越巢稿未刻

過澹園憶歐子建父執

斯人不可作懷古向殘園末路獨相念高風誰與言
壁蟲乾有字籬竹老無孫莫問三千客年年燕在門

江中別李祈年

谷飲未終日復爲江海人愁知芳草遠閒覺白鷗親
獨往聽流水餘生惜暮春明朝衣上淚同似別時新

寄呈匡山石西堂

武夷廻短棹廬嶽住高秋舊路皆紅葉孤僧想白頭
嶺遙鄉夢入江逼道心流三十浮家客無因學水鷗

將歸夜宿江樓

未得理歸棹還棲江上樓鐘疎遙隔水寒淺尚疑秋
月色從今滿江聲自古流夜鳥啼不住知是隔城頭

過武侯祠

廣南五朝詩選

卷七

國朝

何鞏道

七

天涯爭奉武侯祠千古精靈想在茲魚水亦知能遇
主江山終恨不逢時南陽大勢言曾早西蜀偏安計
已遲徒使老臣頻拜表出師心事至今悲

春夕

黃蝶飛飛又夕陰數重簾幙隔平林水邊對月難尋
影樓上看花盡見心漸老忽驚潘岳鬢多愁空抱馬
卿琴青春只道時時在不謂柔桑已有樵

井

雨過銀牀草色深照人秋水夜沉沉風吹不到水難

合日影無多晝易陰石蘚積成魚出穴高梧凋盡月
當心世間空谷爲陵日惟有寒泉自古今

寄梁言公

幾欲披緇念有親閉門依舊水邊人菖蒲作劍難消
恨荷芰爲衣易洗塵月色此時看皎皎車聲何處聽
鱗鱗爲誰紅蕊參差落吟斷空園一片春

日日

日日悲笳海上來蕭條風景暗相催怒潮打鶴猶閒
立深雨迷花尚關開曉出不知心所往夜吟惟有影

廣南五朝詩選

卷七

國朝

何鞏道

七

相陪天涯縱得投閑地庾信江南未免哀

沛中懷古

離離草樹夕陽紅立馬徘徊識沛中不見帝圖皆赤
子但聞王氣在高空路邊雞犬知新市地下韓彭泣
大風今日江山寥落盡酒徒猶自論英雄

歸至鐵岡

舟路蒼茫數里烟風吹秋思晚淒然十年故國人空
老一夜他鄉月可憐下瀨船從波底起臨厓燈向樹
頭懸孤蘆自古客鷗鷺怪得閒身到水邊

懷李東苑

樹裏陰濃晝寂然
濕雲蒸作一溪烟
愁中生計沈杯底
夢裏功名到枕邊
野水流來初落蕊
江風吹起欲吟蟬
蓬門若肯停車從
經授侯芭或敢傳

曉發蘿城

人烟臨水樹層層
波影分爲兩岸燈
百戰江山如昨日
獨行踪跡似孤僧
鴉驚落月翻衰葉
馬怯寒嘶立斷冰
欲謝紅塵就林壑
投閒曾有幾人能

寄虞山嚴伯玉

嶺南五朝詩選

卷七

國朝何鞏道

二十

零落蒼梧老一村
鄉心空倚夕陽門
路遙盡怨王孫草地
古能淹帝子魂
新藥店中多病債
舊朝衣上有啼痕
憑君莫問平原石
共化寒灰總負恩

登平湖閣

人烟亂後半窮荒
湖上登樓見一方
路合燒痕溪草黑
窓分斜照縣山黃
葉當秋落心先覺
水自天來夢更長
四海茫茫身未老
勝遊多感在他鄉

宿準提閣寄陳元孝

深秋高閣靜中登
一榻山光宿上層
別夢暗迷紅葉

寺病身閒對白頭
僧流螢入雨能爲
火凍瀑臨風不化
冰莫怨離憂隔江
水此時吟盡佛前
燈

張穆

字穆之東莞人有
東溪草堂集行世

擬卜居石塘

鬱鬱市上塵殷殷
大道轍曾見朝榮
人夕與浮雲滅漸
老消安綠樂貧存
微節安能久蒙緇
縞衣使之涅有山
羅浮陽有水如滄
浪朱霞燦奇木古
壁呈帆檣問俗得
葛天其里惟耕桑
白屋架崖岫澄淵
涵石塘

嶺南五朝詩選

卷七

國朝張穆

三

題倦圃

楊柳千尋翠低軒
隔水眠墨花親試
硯綠綺自臨泉竹
暗斜聽雨溪光遠
入烟何時登覽日
并上五湖船

晉江

空江豁遐矚四照
青芙蓉臯木傷殊
代村墟剩戰烽山
光忽隔雨地轉屢
呈峰無限滄洲意
憑欄羨鶴踪

惠城逢曹子介

昔曾爲客大梁門
老去懷恩向夢言
門下苦憐存趙

武天涯今忍見王孫共逢落葉當秋路莫擬荒臺是
故園欲叩存亡不能語兩江烟水咽黃昏

哭鄺湛若中秘

三城零落昔人稀欲弔英魂歸未歸散帙每從僧壁
探碧梧空悵鳳巢非雨侵殘燭徒增夢寒入幽花尚
有馥從古濁流沈雅道乾坤空老獨何依

送姚菊里

獨卧江林轍跡稀清颺離正願多違正聞啼鳥迎賓
至不忍鳴榔送客歸黃葉拂波秋作態墨花盈榻日

嶺南五朝詩選

卷七

國朝

張穆譚峻

三

相依橋東更許尋誰過此別懸懸在釣磯

譚峻

字峻極
南海人

巫山高

巫山高突兀巫峽氣蕭森雲雨空爲夢神仙不可尋
猿啼添別淚鴈度愴愁心極目還家路斜陽落晚林

胥江晚發

扁舟衝浪發四面撼悲風客路寒雲外人家烟樹中
捕魚依水曲歸鳥入林叢不盡荒涼思東南起斷虹

晚泊

晚風何處泊橋外繫孤舟逝水消仍長行心去復留
暮雲低遠岫寒火暗前洲却怪團圓月高懸照客愁

送陳常甫游兌州

津亭攜手思依依柳色離杯映落暉蓮社暫爲今日
別雞壇專待隔年歸劍橫泗水驪龍躍馬度梁山苜
蓿肥萬里莫忘頻寄贈秋來應有鴈南飛

旅夜

寒燈容易落殘花急雨隨風入帳紗客夢醒時愁失

嶺南五朝詩選

卷七

國朝

譚峻屈士煌

三

路旅魂中夜憶還家海棠似睡粧初罷桂魄旋低影
半斜神女不知何處去亂雲空被九疑遮

屈士煌

字泰士希
揭人茂才

贈洪水部

卻馬巖居老省郎舊遊曾憶共明光十年鷺羽差池
別一代鴻篇鄭重藏往事龍蛇歌轉咽故人雲水興
偏長青樽祗合頻頻對短鬢相逢漸有霜

歸自滇中呈故園同社

乾坤誰遣又生存禹鼎消沉日月昏烏鳥豈知還故
苑芳蘭今始避當門浮生孟浪終慚道未死顛連恐
負恩亂後故人相念否高歌誰爲作招魂

送鐵菴北上

絳侯能武陸公文嶺外才名孰與君四海今看鴻鵠
羽廿年曾共鹿麋羣劍花拂向關門雪囊草題將日
下雲此際歌驪何所贈楚臣芳杜滿江濱

李文燦

字興翰順德人明經有
天山草堂文集傳世

嶺南五朝詩選

卷七

國朝

屈士煌李文燦

三

臨滄海

黃河東翻海爲之歸不有洪流安擇細微千山若失
百派爭飛以茲廣大惟天庶幾鯢蛟騰螭螺蚌韞璣
滔滔者逝白日何依幸甚至哉歌以詠思

代古讀曲

本是一盤水居上遂爲冰爲水性自軟爲冰有鋒稜
又

小郎讀書歸直自娘索果妾子又入門徘徊始視我
詠水心劍

湛盧夜去吳行秦復過楚如何水中人捧向秦王詔
秦王刀鋸遍天下豈煩尺鐵制西夏羽觴流水流幾
時獨見血流盈城野直須拔向斬蛇翁手扶浮雲歌
大風

古仕洞訪玉如昆玉

別經十載後見在萬山中心跡未云遠鬚眉覺不同
看雲憐聚散說劍憶雌雄坐對霜林晚清秋崖葉紅
答伍鐵山副使

竹窓吹雨暗蓼岸染秋紅一逕受微月層軒來好風

嶺南五朝詩選

卷七

國朝

李文燦

三

高談携客入大笑睨天空我欲投竿去相從滄海東

哭歐舍人

知交遍四海投老亦荒村月照展書席風開修竹園
跡真鄰靖節才肯近虞翻遺草應無恙名山千古論

送蘇未人游浙

五陵遊不易寶馬任經過舊俗爭詞賦新知薄綺羅
春歸蘇小柳恨滿越人歌爲問岳墳樹南枝近若何

秋社和杜

粉榆諸老在伏臘歲時同况值社公酒來當秋好風

操豚心易侈灌鼠術羞窮坐念杜陵叟飄零賦轉工

懷羅浮

撒手高峰迹太奇赤輪撐浪夜遲遲更無下界塵埃
氣只有天風浩蕩吹乳鹿飲光瞳變紫定猿吸露髮
如絲梅花相對層層雪最愛穹岩倒半枝

重過仙湖

文采風流跡已陳朱門無復舊朱輪牆頭旅穀空如
蓋檻外巢鳥不避人曲水尚通題葉榭畫船休記賞
花長令威千歲歸來否日暮荒城起劫塵

嶺南五朝詩選

卷七

國朝
李文燦

三

歎詩和趙太常

信似要離但一埃俠如慶忌始憐才世人重爲相知
死烈士翻令妒者哀絲袂定應隨蝶化玉簪依舊作
花開不堪夢草堂前過窈窕文窓鳥啄苔

岳王祠

薦蘋一酌愍忠碑坐念黃龍痛飲時萬里雲沈迷朔
漠千年樹老見南枝書生易料中朝事青史難平詔
獄詞寒食攢陵風雨共主臣會否悔班師

羅司理石湖別業

愛展晴窓眺遠山嵐光曾不費躋攀天風欲挾高樓
去野鶴時銜夕照還隱映橋欄低木末蒼茫帆影落
簷間有人着屐來田畔拾蕙行歌意自閒

茶蘼棚

茶蘼棚下露盈盈小語無人欲二更識得寶衣皆風
世認將金釧記來生臨風翠管疑三弄落葉紅蘭誤
一聲最是鏡中樓閣好碧池澄徹對蓬瀛

集飲松風閣

低控湘簾月一鉤微光浮檻草堂幽松聲似雨風過

嶺南五朝詩選

卷七

國朝
李文燦李致

三

樹客夢如春花滿樓跡負風塵違笑語心期水石尚
夷猶他宵莫憶相逢處綠酒紅燈已白頭

李致

字遠仲番
禺人茂才

小寒日同諸子登坡山玉皇閣

千門柳色變殘年與客狂歌入洞天紫閣迴臨滄海
外孤峯遙上白雲端聽來鐵笛潮初落拾得瑤芝石
已遷幾欲憑虛探信息夢魂空惹十洲烟

中和節書懷

中和節日何森沉人在雲山不可尋骨立窮途天共
老氣蒸南浦海同深烟篆頓冷遊人夢石磬閒消倦
客心歲序養花憐此際春光無限只晴陰

祝黃俊升

園林初夏發新蟬斗酒香深玉井蓮高卧鶴書閒有
信晤言鴻寶韻皆玄看花每過羅浮逕聽月時臨姑
射巖近得尚平天外趣一庭佳士日翩翩

侯登

字岸堂番
禺人廣文

嶺南五朝詩選

卷七

國朝
李致侯登

天

同梁翰長諸子遊報國寺因憶南山舊遊

由來閒不易僧院得同過細草迷幽砌寒泉隔薜蘿
路磴園地濶樓眺遠天多感念曾還往流雲今若何
懷鄭九

逆旅誰爲伴一冬霜雪深艱危依館舍晨夕足知心
扶醉防歸馬忘疲候夜吟只今潯上水離恨逐江陰

譚庸

字非庸新會人
茂才亂後棄去

送翁山之江南

遷鶯知求侶巢鳥知反哺暴雨陷前途狂瀾崩島嶼
遊子佩龍泉去去疾如驚我有白羊裘無將遠寄語
仲由歌陟屺負粟百里外

送余立人歸觀

靈鳥翔霄漢垂翼此炎州炎州各異縣山川爲相畱
淵蛟時出沒翻騰海市樓三月黃梅雨千里白雲浮
陟岵知親心歸來以解憂

曉遊東園

謝公着山屐晨月東園遊蘭蕙發旦氣蘋藻依清流

嶺南五朝詩選

卷七

國朝
譚庸

无

清芬世所薄誰爲結綢繆丹榮綴列樹終朝采不休
詠懷

肅霜寒六月歸種南山陽鬱鬱陵陂樹溪流夾滄浪
動作疲我力委畚溪岸旁倚樹而高吟淒淒發清商

又

甕牖無丹漆穴處無雕梁被褐何所懷懷此蘭蕙芳
拊缶悲南山擊鼓傷漁陽貧賤全性命垂竿釣滄浪

又

巢父牽黃犢老聃騎青牛天高豈局促軒舉莫與儔

太上尚無爲中智貴權謀焉知繁華子蒙繡青翰舟

又

黃冠一道士豐頰美朱唇乘風游五岳萬里謁真人
別離方三旬悠悠若九春芙蓉出源澤獨舉此清芬
日夕陟高岡遙瞻岳山雲

又

幼安有遐心終身爲誰容子房懷孤憤竭來用沛公
丈夫無巧拙區區抱心胸日月有盈虧人命有窮通
大匏不爲瓢物化與時同盛榮取春夏旨蓄在秋冬

嶺南五朝詩選

卷七

國朝
譚庸譚漢

三

又

老至悲秋風風烈草墮零獨有寒松樹年年松葉青
上有冬時花下有千歲苓仙人采之服服之可長生
堪嗤蜉蝣子楚楚耀朝榮

又

蟋蟀鳴牀下螻蛄亦相因毛褐已蒙戎我心獨憂殷
白駒不可留青陽欲改新終窶難爲禮何以祀先人
先人識祖臘季女湘其芹

譚漢

李天
水番
禹人

自胥門至蕭山

爲客無居止潮生便放船愛山維野澗沽酒入村廬
漁罟吳江雨鶯啼越樹烟不知春又暮惟見草芊芊
將之吳門留別諸同學

非時巖壑亦危途短褐蕭蕭問五湖離菊正開人別
遠江風初拂客帆孤家貧有母非干祿世亂無才敢
棄繻他日登臨多悵望誰同對月醉吳歛

南安同劉唐石林孔昂登東山寺

嶺南五朝詩選

卷七

國朝
譚漢蔡隆

三

幾度經過始共尋竹林泉石靜人心城通貢水河流
急地接雄關花氣深繞逕雲霞隨聚散倚山樓閣半
升沉萬家烟起斜陽外風動長松鶴在陰

蔡隆

字良若順德人幼以奇童稱逸像廣庠亂
後棄諸生同陳元孝築室西樵年三十卒
所著杜若居稿

有老蒼頭來問訊元孝消息

誰訪衡門裏更闌語更親經年千里夢多難舊家人
出卜憂生死懷歸知苦辛問予近音信疎雨不堪論

送會二遷黃圃

吾鄉不久住此去更何如折我故園菊隨君新卜居
別懷寒易入世事老將踈昨有還山夢閒時不寄書

夜歸獨立貞女橋上

猶存不嫁地太息此黃昏野店望中火春蟲聲裏村
花香分岸歇水暗近橋喧欲續歌長夜終慚自古寬

周 聃

字李猶南海人孤貧力學少有俊才擬王建張藉爲詩年未三十而卒時論惜之所著養閑堂稿

嶺南五朝詩選

卷七

國朝 蔡隆周聃

圭

陰雨齋中愁坐示弟元

陰雨茅齋靜愁心共爾論痛猶無藥物耕豈有田園
道氣扶寒士書聲振弱門相依爲命日休厭齒牙繁

峽中

估客爭先卧推蓬只病身船隨高下水猿數往來人
石壁夾山磬藤花隔野神可憐平日樹無葉報江春

秋夜呈王輔唐

滿庭秋葉露垂垂茉莉餘香尚在枝談笑不過貧後
事錄呈多是病中詩竹聲細碎風生夜松影交加月

上時賒取一壺新熟酒與君重擬住山期

李 恕

字相如一字十渾四會人少爲諸生慷慨任俠宦遊燕齊吳楚間以病卒於斷水著有鶴歸堂

感懷詩答六安黃秋涵

咄咄吾何事乾坤此敝裘一從經汨水深悔別羅浮
桂樹催高隱瓜田笑故侯行藏無藉在雙淚百端憂

又

莫問行何處南冠坐夕曛可憐秦逐客羞見漢徵君

嶺南五朝詩選

卷七

國朝 周聃李恕

圭

往事心如醉新詩手自焚登埤時顧望四野動黃雲

大悲菴訪靈遠和尚

遠道人
雲花初問訊榆柳尚藏煙鳥道行遲日鷄山話昔年
百錢中聖法一飯上方禪莫向長橋外臨流嘆逝川

東林雜咏

幾年懷白社三月憇東林門閉經旬雨溪流不住心
龍泉荒洗鉢鳥語亂彈琴惟有庭前柏無言對苦吟

燕臺

易水寒依舊荒臺我獨尋高原時白骨何處是黃金

兒女重然諾悲歌無古今夜闌聞擊筑悽惻有遺音

楚江

神女爲雲日懷王已入秦可憐長逝水愁殺獨醒人
野竹生新淚幽蘭指暮春寄言楚漁父余亦在江濱

秋懷

歸路何因見野蒿流泉空逝日空高當年謾結王生
轅此日偏寒范叔袍道士不來應化鶴酒徒辭去定
持螯可憐古渡無人處長嘯西風首重搔

丁巳江寧生日

嶺南五朝詩選

卷七

國朝
李恕

三

獨立斜暉鬢有霜蒯緱嗟爾負蓬桑龍蛇歲序浮生
在吳楚風煙旅食長夢繞戰塵迷五嶺淚同秋雨落
重陽憑誰爲唱南飛曲好送焦桐出建康

戊午江州海天寺對琴有懷往昔

歲歲朱絃伴遠遊蔣山愁撥一聲秋登臺不見花如
雨戴笠相逢雪滿頭醉裏獨巡阿育塔貧來重上廣
陵舟菱荷風落衣裳冷惟有新瓜識故侯

江州阻風因泊鎖江樓傳是琵琶亭故址

桂棹蘭橈柰若何東風才住北風過未能沽酒尋彭

澤好與裁詩寄汨羅人在夢中聞社燕漁偏浪裏唱
蠻歌可憐飄泊江樓下不爲琵琶淚更多

何其美

字二游南海人著有天
杜草緒山堂集未刻

喜長男惟灤北都書回

問業時非易求官此亦難片帆天漸遠匹馬路衝寒
歲月浮生夢米蔬倦客餐平安歸有信一日幾回看

山居

盟幽非一日結舍自今年壁破易留月山高豈礙天

嶺南五朝詩選

卷七

國朝
何其美

三

慣從方外友不着域中緣架帙無多許丹經有異傳

何惟灤

字雪神其美子領順治丁酉鄉薦第三
任溧陽令著有爭笑軒集平陵草行世

課耕

時雨連朝昏高低慶霑足放棹出溪西柳色侵杯綠
引眺岳侯村進泊唐家曲農夫各努力非關田畯督
共道長官賢舉酒更相屬

題友人園亭

徑曲潛通市亭開接遠天隱然楊子宅更似米家船

海月每侵座山雲時共眠新詩吟未穩撞破竹溪烟

夜泊浣花溪有懷杜工部

沿路看花到錦川杜鵑聲落木蘭船思尋百代吟詩
客愁挂三更明月村綠水有情環舊宅黃金無處買
新篇相逢我亦多零落一讀詞章夜不眠

雪夜宿寒山寺

十年飛夢寄姑蘇此日尋梅直到吳城北有山還作
寺路旁無樹不棲鳥風飄柳絮吳娃館月照銀沙范
蠡湖夜永短牀眠不得玉壺提向酒家胡

嶺南五朝詩選

卷七

國朝
何惟深盧上銘

盧上銘

字爾新一字寄園瑛子廬國學典籍選左
府參軍擢工部虞衡司主事督造洪威廠
爲楷瑞所陷謫戍南寧逾年
釋歸著有勿遊艸西征艸

初夏送陳水部權荆關

君王宵旰重籌邊漢使乘驄下楚天薊北未銷金鎖
甲荆南應貢水衡錢玉河堤柳堪持贈祖道離觴且
暫傳別後尺書無雁足懷君魂夢隔山川

夏日送沈蒼輿給諫冊封大原定安藩

周室千年慶祚長天潢繁衍有輝光桐圭新錫勞星

使畫閣初筵貢玉觴風柳滿堤分錦袂火雲馳道繞
龍驤他時宴罷梁園月應羨相如作賦郎

盧 澐

字叔遠上銘子領康熙已酉鄉薦第
母至孝善楷書爲海內所重詳東莞邑誌

途中立春

慈烏猶待哺念我愧春禽客路千山外高堂午夜心
日晴沙草細天迴白雲深時節難爲客思親更不禁

望匡廬山

何年開削碧山岑迴出重霄直至今未接烟霞知日

嶺南五朝詩選

卷七

國朝
盧澐盧蘂

毛

近幾從風雨聽龍吟清波舟轉千峰合翠嶂雲橫半
壁陰縹緲匡廬人去後往來負杖幾相尋

盧 蘂

字升卿東莞人領順治辛卯鄉薦兩中乙
榜著有鄰山堂詩集文集二十卷未刻

還山

孤雲渺無際竟日暗江村碧水自春色長歌歸島門
竹鄰開白社花信在芳樽野老方乘興何人不共言

鄴中

舊都經處認來真河北漳南雪夾旬歌舞戀生還作

伎奸雄垂死亦欺人五傳國祚徒稱魏兩代文章幸
遠秦最是西園詞賦客不堪重弔二喬春

謝重華

字嘉有一字恬齋東莞人乙榜貢士鼎華
後隱居著書足不入城市者四十年行詳
邑誌著有雲窩詩集文集
字鈔化原韻語藏于家

遊白雲古寺

探奇閒縱步不惜路途遙古寺依青嶂雲門掛碧霄
水流忘晝夜僧苦半耕樵貪看遊魚出持杯坐石橋

靜夜

嶺南五朝詩選

卷七

國朝

謝重華

七

松影依堦冷荷香拂檻清半籌渾未展多難幾時平
慷慨揮長劍悲歌對短檠有懷偏不寐愁聽蟋蟀鳴

晨起

山城風露曉淒淒屋角流鶯聲亂啼抱甕自澆叢桂
樹開籠還放竹絲鷄樓頭客夢誰先覺帳底晨光尚
欲迷再繞園林行幾匝簾籠遙見侍兒齋

庚寅秋興

羅浮東望揖羣仙獨坐高樓興洒然兩袖清風來樹
杪半簾山色落樽前却侯只合長衣白楊子何妨自

草玄珍重鶴書休赴隴秋來幽夢滿林泉

清明謁先考墓

春山一望草芊芊腸斷音容隔九泉漠漠川原含宿
雨森森松柏鎖寒烟鶴歸華表知何日燕去堂前已
兩年縱列青尊知鑒否幾回瞻掃淚潸然

晝睡

學圃歸來倦倚牀抽書纔看兩三行脩然一覺邯鄲
夢豈向華山乞睡方

治圃

嶺南五朝詩選

卷七

國朝

謝重華

溫槐應

美

青畦紫陌燦如霞傲殺河陽滿縣花若使力田堪應
舉玄纁先到野人家

溫槐應

字聲友東莞人領
康熙甲子鄉薦

雜憶

瓊樓謫去別仙家虛向人間惜歲華舊曲彈來絃欲
咽洞簫吹徹月空斜春愁冉冉章臺柳碧血年年帝
子花話到青衫知盡濕不須惆悵聽琵琶

又

風雪蕭蕭馬去遲海棠花謝負歸期漫捐絢扇歌桃
葉會上芳樓聽竹枝雲髮未梳爭撲蝶練裙纔試倩
題詩無因夢說當年事揉碎春愁比亂絲

梁啓運

字文震番禺人茂才
著有澄江樓集未刻

園居

爲園思學圃倚樹結孤亭艸色沿池綠山容入座青
荷鋤憐弱僕對客惜浮萍自得中林趣無徒嘆獨醒

渡彭蠡

嶺南五朝詩選

卷七

國朝
梁啓運

堯

輕波搖蕩海茫茫柔櫓高歌汎大荒路出吳城天共
遠人從彭蠡興偏長山容縹緲峯烟紫日色冥濛水
氣光遙望匡廬思結社肯將書劍老邊場

龔章

字合五歸善人領順治庚子鄉薦第
康熙丁卯成進士初授庶吉士轉檢討纂修
會典丁卯上試江南著有昭代詩存分編
行世公儀度謙光文章華瞻潔廉端靜忠
孝模誠解組歸惟杜門侍養不聞外事康
熙乙亥春奉札送諸集訂選越數日即聞計
音筆硯之問咫尺
靈爽因亟爲編定

由宣城至涇縣宿琴溪

偶作涇川遊道出宣州路朝望敬亭雲暮宿琴溪渡
我行困炎蒸溪邊時縱步穿林入石門洞壑饒奇趣
仄徑薦蘿垂空谷莓苔護灌木蔽斜暉微光雲隙度
颼颼清風來泠泠玉泉注寺僧三五人客至忽相聚
開房既幽寂茗椀亦罷具因言漢琴高赤鯉乘輕霧
釣臺絕壁間百丈飛瀑布仙井有餘丹游魚任吞吐
至今上巳時穴出紛無數抗懷塵外踪鐘聲發清悟
斯人邈千載寂寞空山暮

次韻答任崧翰臬僉

嶺南五朝詩選

卷七

國朝
龔章

罕

年少侍承明含香常起草才超漢苑英名滿長安道
意氣追昔賢流輩盡傾倒左廣資旬宣南服歸懷保
本期而化行輿情殷頌禱一朝謫篋陳牛驥悲同皂
梁庭跡未明楚澤形同槁憔悴著離騷清辭灑蘭藻
廿載涉宦途初服仍綦綰既符泉石心垂竿甘終老
仙鶴脫樊籠豈復謀梁稻荏苒忽秋光候雁橫蒼昊
雲中一紙書珍重披鴻寶

送別蔡上符

是否真成別當筵可奈何但頻斟濁酒不忍聽驪歌

明月辭京國秋風下潞河相期春色裏闕下聽鳴珂

陵陽柬姚六康明府

一別合江水思君隔歲華偶來茂宰地常住老僧家
厨火分官粟盤蔬薦野瓜故山相似處繞郭一溪斜

侵曉過鄱陽湖

五夜驚聞笑語狂相招風便促鳴榔荒鷄咿喔曙月
白舟子欸乃高帆揚過去不須愁逆浪到來終自歎
望洋可憐湖水年年綠誰問當時古戰場

遊茅山

嶺南五朝詩選

卷七

國朝
龔章

望

福地華陽舊有名春遊今喜到層城峰頭鸞雀神仙
跡殿裏香燈世俗情玉洞水流石髓芝田雲暖長
山精年來升訣何人得我擬齋心叩李明

又

月度松門映石苔仙居長傍翠微開真人鵠向青城
去玉女書從碧落來夜靜星文垂斗閣春深雲氣結
香臺分明耳畔鸞笙過疑是三君謁帝回

雨後登陽臺山

陽臺山上報新晴佳節追隨出郭行今日登臨霽後

色當年雲雨夢中情長疑宋玉真多事遂使襄王淚
得名十二碧峰何處是飛來空想步虛聲

者

玉峰葛梯民招飲見山樓次馬殿聞韻贈妓
銀燭高烧照錦茵屏前笑出艷妝人霓裳細按雲中
調羅襪輕翻掌上身有酒莫辭長夜醉無花已覺十
分春魏家公子當時見肯費微詞賦洛神

春日閨怨

半垂雲鬢半凝眸春色牽人盡帶愁暗卜歸期何日

嶺南五朝詩選

卷七

國朝
龔章陳珏

望

足無端敲斷玉搔頭

陵陽感舊

風景依稀十載餘重來舊夢總成虛啼紅怨綠知何
似腸斷蕭娘一紙書

陳珏

字北之澄海人國學
著有硯痕堂集行世

過廢圃有感

世事紛如夢人生寄似萍樹留雲影白苔襯草鬚青
暮雨誰家笛春風舊日亭繁華應不再薤露那堪聽

旅懷

自出雲山外悠悠不計程一春鄉夢杳深夜客愁生
野艸青吞路江流白遶城浪遊淹歲月何事慰生平
尹源進

字彌柱東莞人順治乙未成進士授兵部
職方轉吏部文選司掌察大計康熙庚子
典試陝西晉太常寺卿卒
於官奉 旨馳驛歸葬

粟米泉留別

一鏡涵天地清冷自古今流成幾曲澗別去數年心
齒漱肝腸冷路岐魂夢深何當勸濁酒相對起長吟

嶺南五朝詩選

卷七

國朝

陳珪尹源進

聖

秋日奉

假南還舟泊魚珠有作

畫舫依稀過穗城江湖已歷八千程白雲瞻望羅浮
近碧水空明玉宇平坐冷海濤飛鴈陣聽沉霄漢過
鸞聲天顏一望恩如海不盡葵心向日傾

過飛來舊址

梁代叢林歷幾朝山光水色共寥寥遠尋寶殿空雲
霧一望經臺盡黍苗猿去玉環無信息犀沈金鎖已
逍遙何時更得重輪奐自是人天萬劫消

陳賓王

字牧並南海人順
治壬午鄉薦

休寧寒食郊行

春林千樹綠春陌百花陰偃草迴騎騎垂楊噪乳鷺
人情隨冷暖客路在陰晴日暮河梁側溪流款款聲

庾嶺梅花

千巖花萼萬年松香澗迴流匝數重烟散酒樓天上
笛月明樵徑嶺頭鐘此時行路多愁別隔歲還家合
再逢自去羅浮無好夢故山搖落水雲中

蘇楫汝

嶺南五朝詩選

卷七

國朝

陳賓王

聖

字用濟新會人順治丁丑進士初授太康
令轉內府中書舍人著有梅岡集行世

癸酉除夕

小酌屠蘇酒團欒白一家斗杓當夜轉燭影半簾斜
草草年虛度星星髮已華無才酬聖世只合卧烟霞

梁園懷古

十里縈蕪野色開不知何處古平臺非關嘉會能留
客難得賢王解愛才百代風流空悵望一時文藻重
徘徊飄零書劍今誰問滿目寒烟策蹇來

夷門懷古

風起黃河倒濁流長堤沙卷古城秋計成符自宮中
出機險軍從錐下收上將風煙餘舊壘王孫賓館只
荒丘關門不見麻衣老落落風塵起客愁

寄呈八閩姚制臺

原香山令

威名十載策勳多不遜征南漢伏波仗節臨邊開幕
府揮毫草檄倚琚戈地連閩海邀餘澤德遍桐鄉憶
舊過一望庾樓高讌夜滿天清影意如何

寒亭

一片茅茨古洞邊鵝冠危坐意蕭然飛來黃葉兼紅

嶺南五朝詩選

卷七

國朝蘇輯汝

罢

葉吹盡朝烟又暮烟瘦鶴傍堦閒似客病蟲息影定
如禪子雲近日偏思酒寂寞何人問草玄

吳馨明自龍川歸

江門秋老白雲飛悵望孤鴻度翠微永夜寒燈知己
夢經年荒榻故人歸懷中長缺曾彈舌篋裏新詩定
和稀五柳近來蕭索甚閒吟空自掩柴扉

朱協運

字子勳南海人讀孫茂才著有園居詩草未刻

過綏城伯兄學署

宦署清如水爲官只種園一尊風雨共長枕弟兄存
問字來貧士停雲暗短垣憑將清白意真可付兒孫

小除東譚氏兄弟

爆竹聲中又小除年來檢點只圖書竈惟呂氏清泉
祀樓憶王生百尺居陰雨斷連愁暗結壯懷零落願
全虛相逢正是交遊日自笑酬詩每不如

麗上標

字藝長一字鶴川南海人明經著有冰蘭堂稿俟刻

臘月度嶺見梅花

嶺南五朝詩選

卷七

國朝朱協運麗上標

罢

萬里南歸日言尋嶺上梅白疑寒雪綴香被暖風催
古驛憑誰寄孤亭只獨開明年春色好應得看花回
泮城懷古

關門曾鎖虎牢空一代豪華底事中博浪沙邊寒食
雨青陵臺上白楊風荒丘遠見軒轅跡殘碣猶鐫大
禹功匹馬蕭蕭春欲暮露花烟草柳湖東

道經鄒縣擬謁亞聖廟不果

邾城南下草凄凄古廟雲深入望迷泗水淵源看隱
躍嶧山形勝憶招攜崇王道在惟尊孔去國心遲飲

王齊匹馬春風寒日暮辨香翹首悵留題

馮迪瓚

字佩瑜號舜長子明經授高涼教諭歷莆田丞著有奚囊初集行世

樵山

興到理舟楫還來覓勝遊白雲高士洞丹嶂老僧樓
花艷教春駐珠明湧瀑流奇峯七十二隨處殿芳洲

宿玄真觀

高閣玲瓏湧渚汀時間羽客誦真經一天雲氣來如
織萬古江流去未平城市高歌長日暮池塘芳草四

嶺南五朝詩選

卷七

國朝馮迪瓚

罌

時青關心獨見南枝鳥翔向風前繞樹鳴

楊昌文

字獻卿新會人明經聲華最藉多所應酬著有各稿失散未刻

望匡廬

遙望絕壁中危石殊齒齒有時風雨至聲色生不已
奇哉香爐峯日照虹霓似何如石埭山珠簾捲不起

花溪感興

春光欲老日初晴觀裏紅霞片片明一自種花人去
後至今芳樹尚含情

豐湖漁唱

湖光淡蕩拍長天水落烟橫思渺然何處漁歌聲隱
隱西風流響夕陽邊

龐之允

字東侶上標長子領康熙辛酉鄉薦著有雪香堂詩稿未刻

汨羅江懷古

片片飛帆散白蘋江聲長似泣孤臣誰云親舊堪離
國只合波濤老此身杜若有香疑結佩汀蘭無主作
芳鄰秋光渺渺嗟零落一讀離騷每愴神

嶺南五朝詩選

卷七

國朝楊昌文龐之允

罌

過板子磯

望晴峯撼怒流白雲過盡只松楸懸河石壁巢飛
鳥絕巘茆菴露小樓竹裏僧歸天欲暮林中楓落樹
成秋野航不少孤高客愁向寒江擁敝裘

曾君棐

字鶴卿南海人著有灌玉園稿未刻

白鴨

銀沼看鳬浴霜毛自少成物情何太潔天性愛和鳴
穿港魚知避棲荷鷺不驚衰冠今見汝相對一霜纓

贈道人

一劍凌空白日寒青驪騎下五仙壇腹虛自可食龍
脯羽化誰言食馬肝戲擲丹砂從海變摩挲銅狄任
人看圯橋尚憶君家事曾散千金爲報韓

伍邵

字德高一字次爽新會人康熙丁卯
鄉試副車授明經有獨樹堂稿未刻

同樊崑來劉省菴兩大座師尋梅和韻

玉質冰爲骨逍遙水一方暗香何澹宕寒月正微茫
榦老知何代枝疎出彼蒼西臺千萬樹寫入駑駘囊

嶺南五朝詩選

卷七

國朝
會君裴伍邵

芻

同諸子遊太液池得邊字

迢迢秋水帝城邊此日臨池興渺然雙闕樓臺雲際
出千山花木鏡中懸芙蕖有露先擎蓋楊柳無情只
作烟却擬再來頻載酒大家同泛木蘭船

胡天寵

字爾陵順德人順治辛卯鄉薦再上公車
卽脫屣名場雲遊齊魯晉楚諸邦足跡擬
遍天下爲樂所爲詩文自成山嶽卿大夫
慕其聲氣折節而交著有香眉堂集約草
旅草寄草方外吟紀
遊漫言諸書行世

紫駟馬

拳毛騶獅子花奚羨天家與郭家空羣別有種向北
喜長嘶沫楮能染燕支霞電光可掣盧龍蹊歛然聲
價高品題馬紫駟行不畱驅人背上覓封侯安惜黃
金絡爾頭

長至

五更拜聖人黃堂喧列炬近署起求衣寺繞聲鐘處
候氣旋飛葦由來不差黍南至在虛空魯觀何處所
同歡玉燭調解舍喁喁語雕熊自支離迎陽且延佇
畧供梔子盤莫辭兕觥醕履襪競獻新刺繡從添紵

嶺南五朝詩選

卷七

國朝
胡天寵

辛

燕喜宜一家雲物記三楚牧之江外吟與會殊標舉
義和並繼阿翁忽生懷緒任通聽飛潛隨他評虎鼠
雜詩

天道張弓然小人巧避矢鬱鬱叢檉梧矯矯孤桐梓
物植紛以雜擇地甄此彼但守蘭蕙本芳蕤潔清泚
奠石驗江河學山算層累樂道永貞者無多古姓氏
五千有玄言誰向續李耳淮南戲紫房神丹未必是

嶽麓書院

院與嵩陽應天白鹿爲四大書院朱張諸
學其地修復于明今則蕩爲狐兔窟窟

瓦鉤垣僅貞氏列叢莽中留數千萬言
悉有宋道學先生語錄低回不能去云

投策輕崎嶇侍子掖廻屢相與披蓁蓬不辨暗蹊路
日薄晴螺粧烟淨盤鱗樹裏起長嘆趙趙紆短步
大儒宿云徂遐哉勿復作當年諸舍人講集已非故
紫陽與南軒詮諦孰流布明興右文代歸然堂廡具
今也鞠芊眠其如幽鳥嗟恰恰送啼悵悵惜惜毛羽
箴銘豈我欺苔斑尚碑互理學須尋窩印版非泥塑
盈抱殊蕭瑟惘然悔章句城南泊湘西惜陰又何處
星沙舊有城南湘
西惜陰三書院

嶺南五朝詩選

卷七

國朝
胡天寵

圭

未陽懷古

侯計山頭紛送迎墟烟草織金州城豐碑沒滅諸葛
字赫蹏空傳蔡子名蔡倫善造紙牧兒莎堤學調馬春婦
家雞屈平野斧餘楷拙失繁林社樹不材婆娑下循
省藉甚姓羅人湘中琳瑯謂羅合也撒揚塵天寶有客少
陵老坎壈漂蓬寄其身楚弗列詩顯詩國離騷稱經
猶耳食何如力敵三百篇魯中叟刪刪未得

苦雨

春已暮矣溼花團青天宿被重雲瞞建瓴之勢下急

湍逗渠尋尺微波瀾莠錢生生砌暗滑瀟湘汨汨水
應發木末灌耳奔風雷熅次寒灰煨榾柮在昔巴山
說甚誰彼時嘆咏漲秋池教童蒙注貯斗斛淪有茶
槍陸季疵好事聊與先民伍悠悠如晦無情雨鴉飛
鶴舞翼未乾其如淋漓十萬戶

喬口鎮

迢迢發青眺落落少人烟本是津梁地長通估客船
懋遷非復舊郵驛尚依然愴歎風波事追吟杜甫篇

湘鄉餉蘭花

嶺南五朝詩選

卷七

國朝
胡天寵

圭

玉香香自如花史載於書葉倚青萍劍佩當君子珥
露含心厭迥霜肅氣吹噓晚傷韶山麓仙風來帶裾

登大別

漢陽城郭近青壁倚天開支策矜憑眺鳴榔漫溯洄
罡風離下界磴道敞香臺應有鬼神會曾經四載來
謂禹所乘也

衡州舟中七夕

月薄西巖水靜流鄧湖湛綠一天秋人間好事傳河
漢游國相緣望女牛蘭楫不驚龍夜睡玉簫遙吹露

初浮幾回銀屋經濤浪何處拈鍼向絲樓

抵長沙署

言尋熊繹舊雄風到處將無畏壘同省觀會聞威是
子承顏今見質爲公殲知早拔肝如鐵詩就閒題句
滿筒戎馬十年前此地只應人照水晶籠

長沙秋興

相門檠戟動鳴鈴閣上聲高肅使星問俗且爲三楚
客問官不羨五侯鯖芳蘭紉佩寧論晚仙鳳銜書何
處亭玉露金風都掃暈關河洗甲不聞兵

時經署公鎮潭

嶺南五朝詩選

卷七

國朝胡天寵

雲

又

霜高啼鳥下空壕帝子魂消化羽毛嶽麓近緇蚪蚪
躋洞庭遙聽蚌珠濤侵階葉響羣衣帶繞膝人懽護
佩刀珍重踰癭休擬古不反且讀是離騷

星沙曉發

星沙之水洞庭舟五月乘風將溯游烟樹漸微熊郭
外晴雲相送麓山頭波連咫尺白鷗近影汎空青碧
岸收不爲南來涼籟起何緣衣帶早生秋

鄺奕蘭

字漢五南海人髮年都雅若述如流上蒲衣先生云未及長吉之年即赴玉樓之召遠近惜之著有芬廬子選未刻

朝漢臺

山帶城猶在朝臺久已荒老夫何處所春草食牛羊
半嶺寒雲護高原落日忙俗人思陸賈偏爲說功長

匡門

汨汨波濤逆面來蒲空桴鼓響如雷海門正說黃龍
現御舫終憐白鳥哀血逼兩厓雲氣濕壘沉千古浪
聲迴六飛渺渺歸何處山捲寒昏花自開

嶺南五朝詩選

卷七

國朝鄺奕蘭

雲

寄碧山處士

蒲樹鴉聲日又昏危欄時倚惜離羣碧山綠水知愁
我白髮青衫獨老君夢到好時無幾夜月當明處隔
重雲堪嗟世事皆如此惆悵西風落葉紛

陳衍虞

字國公海陽人崇禎壬午鄉薦授兵部職方司主事國朝改番馬學正轉廣西平樂令奉旨歸養著有北征山山西音連山還山寄愁客閩諸草行世

發西濠

垂老磨一命捧檄愧幽獨折腰古所羞今乃學諧歌

所治久凋殘何計令民淑疎才兼寡援獨輪車恐覆
半通類投荒蠻方況凋樸我家素有譜或免一路哭

督僕夫種秋菜署中隙地皆遍

署况寒於僧疎花循環堵貧廚不濟饑努力學老圃
所畏羣雞饒籬破將茅補尺寸必經營畦成無滯土
清蔬非一名甲析便嫵嫵尊羹思張翰苦苣惡杜甫
我不作二觀甘辛兼有取幸免桔槔煩汲井當秋雨

署中茅齋落成

數月令樂州無處安紙筆誅茅成數椽環堵陰蓬草

嶺南五朝詩選

卷七

國朝
陳衍虞

畫

古樹自婆娑高岡何嶺峯山風吹雨來茅牕自瑟瑟
圖籍頗盈架簿書居其一誰云長吏署居然野人室

又

荒署既西向赤日酷如焚吾愛茲廬好颯颯生南薰
青山峙廬左日夕過閒雲公餘遂高卧亦復觀奇文
賦性本疎曠羈紲非所聞坐此雲樹間豁焉心目欣

江行卽事

揚舲已日日客思正紛紛白浪千層雪寒山萬壑雲
挑燈觀短劍滴露點三墳仍作家鄉夢猶隨衆鴈羣

病中作

笑口開能幾吾生信有涯雞魚逢晉國鵬鴛等齊諧
學道功差晚抽簪願尙垂關情桑梓地何日把憂埋

遊桂林劉仙巖

三山不可卽憇此卽蓬瀛岫外千峯醉巖巔一掌平
絳雲扶閣起青鳥隔爐鳴恍惚蒼崕上猶聞舒嘯聲

采藥

山烟山雨草離離一笠一簑信所之老態真同鷄股
瘦病餘還與藥鐺宜短鋤落响驚禽夢絕壁逢開迸

嶺南五朝詩選

卷七

國朝
陳衍虞

畫

石脂底事徐生誇泛海閒風吹棹隔瀟湘

金公約邀同汪曾城汪漢冲陳履吉祁蘭上
及諸同人登拱北樓

振衣百尺眼荒荒平楚風來送午涼天外何人看倚
劍閣中有客賦長楊濃雲欲蔽將軍柱巨浪難沉刺
史香此際牢騷銷不盡神州北望總蒼茫

金陵

雨花臺畔舊亭鑣隔世烟嵐入夢遙四鎮沙蟲風裏
絮六朝金粉屋邊潮盈盈淮水空桃葉啞啞鳥巢暗

柳條閱盡苑枯王謝燕呢喃似有恨難消

劉振國

字勤君順德人康熙丁丑進士雲漢父領順治辛卯鄉薦初授真定司理改補西和令著有隴吟旅吟諸集

都中七夕

綠槐驚候變白鴈報秋先兩度鵲橋月一身易水邊
悲歌思俠骨慷慨惜餘年且酌葡萄酒長吟山桂篇
拜將臺在漢中府城南

嶺南五朝詩選

卷七

國朝

七

士軍中誰復識奇才十傳基業言曾定一統山河手
盡開磨滅自成千古事九原何用更悲哀

梁與時

字臣行一字姑射順德人茂才

寄懷車兆熊

停雲時極目對月故長吟遙憶同懷子空懸兩地心
乾坤雙白眼山水幾知音徒有伊人詠兼葭秋露深
逍遙臺

秦鞭忽到此臺石枕江清磊落多幽致逍遙絕世情

屏虛雲氣合天淵海潮平我亦垂綸者時來聽濯纓

客石岐小除前一夕

三年岐水逢殘臘明日行看過小除湖海飄零猶汗
漫歲時遲暮且居諸江梅轉律花初放岸柳回春色
漸舒風景物華繁別緒暮雲搔首獨踟躕

歲暮遊迎陽石兼憶董公猷

公猷昔遊此有詩

迎陽石勢各嶙峋野興探奇命駕頻客裏酒杯當落
日巖前草色暗催春不須風物悲遊子祇有登臨憶
故人到此留題自今古磨崖細讀字猶真

嶺南五朝詩選

卷七

國朝

七

鄭茂蕙

字沙石一字百崖潮州饒平人領崇禎壬午鄉薦國朝授開建教諭著有雪淨齋詩文集十卷

覽鏡

覽鏡見白髮顧影自嗟咄勞瘁徒半生事業成悠忽
亦知時宜乖愛此稜稜骨舉世如逝波不甘與汨沒
安得侶羊求雲山採薇蕨踞石漫浩歌松下待皓月
野步

晨瞰明野色步屨一逍遙坐愁垂蘿徑行經夾柳橋

涼風吹短鬢細雨浥良苗漫有高陽興前村帘影飄

春懷

羣葩透發柳絲濃貧況依然似舊冬祇見按圖空索
駿何曾離畫別求龍朝餐野圃饒三韭晝臥荒齋對
七松自笑一生長拓落更誰起舞挾芙蓉

陳藝衡

字博之一字寄亭潮州海陽人著有愛園草行世

丙辰秋別友人

亭上一樽酒相看各問年夕陽低在樹衰草遠連天

嶺南五朝詩選

卷七

國朝

鄭茂蕙陳藝衡

堯

吾已無家別子今何處還尚期他日會歸夢蓼花邊

秋日寄葉白也

戈甲年來更若何聊憑書卷老巖阿地同烟月歡仍
少人各溪山夢孰多愁眼幾翻驚落葉壯心半已逐
流波青樽酒盡人何處遙對西風一放歌

陳周禮

字心之一字癡山潮州海陽人國學著有自怡草行世男王敬康熙辛酉鄉薦喬梓以詩鳴世

登端州閱江樓

高閣連天際烟雲四面垂江帆千頃落塔影一峯移
石壁新鏤字松陰古斷碑登臨當異地蒞目故山思

隨家大人解任東歸

辭榮又上木蘭舟不盡人民兩岸愁十里灘聲情易
遠一江秋色興難酬無勞惹茨盤津吏祇好篇章伴
邑侯猶有閒鷗遠相戀親心已在白蘋洲

東鄰月下吹笛

誰爲吹笛甚分明隔院風清此夜情最是憑闌人盡
望不堪愁聽月中聲

嶺南五朝詩選

卷七

國朝

陳周禮

六

嶺南五朝詩選卷八

國朝

任濟漣 五首

郭勳 八首

羅正國 五首

鄧神駿 四首

謝楸 十三首

鄺日晉 六首

薛始亨 十首

嶺南五朝詩選 卷八 目錄

麥應和 一首

陳中和 一首

歐正式 六首

王佳賓 一首

黃士龍 九首

曾公亮 二首

英上 九首

吳筵 十首

高儼 五首

謝長文 三首

黎彭祖 一首

林上達 二首

羅亨履 四首

黃修永 五首

歐陽兆龍 四首

廖梅 三首

黎淳先 二首

黎彭齡 八首

嶺南五朝詩選 卷八 目錄

趙鳴玉 二首

潘樸元 三首

許城 三首

黃古記 二首

賴鏡 五首

馮珧 四首

羅寧默 一首

衛廷昌 二首

陳麗 四首

陶 璜 六首

黃學錦 六首

何伋樓 二首

黃德濤 二首

顏養氣 二首

關彥祥 二首

梁先聲 二首

孔聞聖 二首

許壯圖 二首

嶺南五朝詩選 卷八 目錄

梁 都 三首

關毓穗 二首

歐 白 五首

江接荷 二首

梁簡芳 二首

蘇子英 三首

黃學元 八首

三

嶺南五朝詩選卷八

番禺黃 登俊升氏訂定

國朝任清漣

字秋浦新會人
康熙癸丑進士

送翰卿廣文之任儋州

之官滄海外相送出長林莫訝荒涼地正諸清淨心

荷花多臘發椰樹少秋陰要使巢居俗從容聽鐸音

同高望公王蒲衣留題蘇用濟梅岡書院

主人臺榭枕山隈亂石嵯峨不剗裁覓路大都穿竹

嶺南五朝詩選 卷八 國朝 任清漣

樹開樽半是坐莓苔風生古洞疑秋至雲起遙峰送

雨來得句沉吟敲未穩隔林啼鳥欲相催

題葉虎竹瘦吟臺

長廊大厦付椰榆獨向山城結草廬一鑑石池新月

冷幾竿庭竹晚風疎珠成詩句惟存骨思入玄關總

是虛我亦年來鬚斷盡主人丰采近何如

南還度梅嶺

嶺頭奇石鬱嵯峨夢想三年此日過歷盡客途霜雪

苦方知鄉土歲時和巖花見我如相笑山鳥迎人亦

解歌歸到江門春水滿扁舟重整舊漁簑

九日登鎮海樓

共逐良辰作勝遊黃花釀熟好登樓插天峻嶺當窓小繞郭長江入海流眼底風雲多變態檻前松菊耐深秋投懷隨處皆吾樂何用憑高起暮愁

郭勳

字季庸順德人茂才

訪四無師

築室傍園林幽棲一逕深門前生百草壁上挂孤琴

嶺南五朝詩選

卷八

國朝

任清連郭勳

二

靜有香雲人閒無俗事侵遠公能結社漸少出山心

秋日同四無上人舟中作

花底木蘭舟垂楊夾去流偶尋蓮社約得及海門秋漾水城樓出叅天島樹浮徘徊殊不覺吹笛向前洲

登馬鞍山有感

北郭新秋色招携及此長江流終古在松逕逐時新細草千家墓寒城兩代人越王朝漢處欲覓但荆榛

越王臺

白雲紅樹雨悠悠越國雄風沒古丘移檄早輕秦二

世上書終比漢諸侯臺邊細草花仍發郭外寒江水自流不特傷心千載事野人還有杞人憂

又

眼底烟霞鎖舊臺五層樓傍郡城開東溪水向西疇八南郭山從北地來萬里知非劉氏敵重遊終屈陸生才不堪懷古更回首日暮天寒秋鴈哀

望海門

扁舟乘興渡春濤極目滄溟思不禁五嶺南來諸郡淺九疑東接一門深天邊風撼濤聲壯地角帆歸雨

嶺南五朝詩選

卷八

國朝

郭勳

三

色沉蹈海未成疇昔願半生惟有魯連心

松岡劉氏莊

荒山縣小戶猶貧薄地爲農更苦辛數畝積田頻有役幾家茅屋靜無人穿籬竹笋還爭發映水桃花只自春欲問武陵何處是願逃人世不知秦

秋懷

海國風高馬正肥新人歌舞舊人悲松楸古墓麒麟冷禾黍空城燕雀飛暮日暗愁聞畫角秋郊黃落見斜暉嶺南自古繁華地回首烟花事已違

羅正國

字磐石順
德人茂才

西疇早春

春氣入西疇，原凍漸休柔。柔宜織婦土，輭快耕牛。
簪笠新添市，蒲荷晚下洲。欲知農事好，晴暖在春頭。

寄靜安家兄

百畝臨江水，聞君日往還。興來乘一葉，倦即卧三山。
晚雨滋鋤力，春醪醉鶴顏。風流當老大，歲月遠相關。

祝黃俊升

嶺南五朝詩選

卷八

國朝
羅正國

四

認取青槐樹，幽齋淺淺成。梧桐生古韻，風雅發新聲。
匣鳴雙龍出，軒迴獨鶴輕。尚平今未老，五嶽信初程。

題大理石屏

竟是山經第幾支，巨靈手跡尚新時。雲侵石骨寒猶
淺，水透泉根滴欲垂。雲母但來供夜宴，洞庭應自愧
春詞。坐中一片寒山石，堪作溫郎十日程。

贈妓美玉

二月隋堤黛色彎，十千須買海螺還。館娃宮內牀頭
月，銅雀臺前鏡裏顏。神女應留飛燕子，世人難見玉

獅鬚同來，但聽霓裳曲，疑是相逢非俗間。

鄧神駿

字報超，從化人。茂才。
著有且一堂稿行世。

郵亭暮雨

片雲荒圃遠疎雨，過青林地迴烟光。合山陰亭翠深
遙，看春草長不覺晚鐘沉。愛此鷺塵盡無人，空自吟

舟中七夕

向晚孤舟泊風疎，雨漸晴起看天轉。淨遙見月微明
織女他年意，遊人此夕情。終傷離亂後，刁斗動江聲。

嶺南五朝詩選

卷八

國朝
鄧神駿

五

春州崆峒嶽

十年遊屐阻崆峒，此日扶藜上雪峰。洞鎖寒雲秋寂
寂，天開彤勝境重重。人來石室山光映，溜滴瓊漿露
氣濃。飛鳥自來還自去，教人何處覓仙蹤。

晉安懷古

古樹依微傍海濱，釣臺誰復更垂綸。越王舊殿成荒
土，閩國春宮暗暮塵。白水難逢天漢女，紅榴休問洞
中人。惟餘一片江邊石，雲霧濛濛認未真。

謝楸

字郭門番馬人茂才
著有螺室詩集未刻

送方蒙章進士謁銓

捧檄出林泉秋容淡曙烟山楓吟過馬江月卧遊船
四十始承命九重方待賢他時看列宿遙映五雲邊

喜梁藥亭陳元孝兩先生見過

當今詞賦客海內數梁陳短棹尋寒渚孤筇起病身
地經戎馬後徑闢草茅新相對忘朝夕高吟每及晨

南亭道中

雲樹遙相引橫山石路斜魯連應蹈海張儉已無家

嶺南五朝詩選

卷八

國朝

六

遶水鳴孤鶴歸林噪亂鴉雷峰回首處不敢戀烟霞

壯士吟

慷慨酌卮酒酒酣擊筑歌人生重意氣何事老藤蘿
射虎窮山谷斬鯨凌碧波莫邪藏不得一日幾回磨

生朝書懷

霜毛不可鑷明鏡自堪憐以此無聊日頻過有限年
菊殘猶傲雪溪落不停泉細想勞生事何時是了緣

暮春同彭大千宿法鏡寺呈生白超漢院主

萍蹤何所定憶別菊花新一病經殘歲重遊又此春

落梅浮碧水清磬出紅塵贏得菩提月深宵對故人

濠上偶晤屈翁山

扶胥歌舞夕春水共維船作客依山簡當尊識萬年
驂騑千里道灘鵜一溪泉別去烟波隔微霜生鬢邊

大田重謁祖墓呈諸弟姪

去年羸馬度城濠此日楓邊繫小舸黃菊不殊阮氏
酒西風依舊范生袍千家霜竹鳴機杼萬井寒泉亂
桔槔賴有先塋松檜在夕陽秋色起重濤

亂後歸入雷峰禮都寺旋公新龕而歎之

嶺南五朝詩選

卷八

國朝

七

支持爲衆無閒日住靜他山念已虛食少形消心未
已事煩身老病難除秋堵衰草鳴蜩蛭散帙輕塵走
蠹魚有淚并將今日下亂餘多感故人疎

清安橋感懷

長江渺渺集羣鷗門巷蕭蕭感昔遊掛劍已無尋葬
地行吟不覺過西州笳鳴古堞驚棲鳥鼓動春衢戲
沐猴車馬叢中誰舊識只應回首問荒丘

先嚴誕日

纖細遺影儼清神一別音容春復春寶劍幾曾歸季

札麥舟何處遇純仁冠裳易滴浮生淚菽水難留暮
景人記憶去時猶有恨白頭哀子念孤貧

春思

皇天閨水森茫消息難通別路長酒可禁愁慚負
債藥能扶病惜無方中懷未敢忘知已未契誰歡託
老行芳草正深行處寂杖頭柱破落花香

花甲重開承記汝大師投贈步韻奉答

長歌曳履豈沽名茅屋攤書有百城江漢未逢騎赤
鯉羅浮空想掘黃精僻耽佳句身嗟老乍捧瑤篇眼

嶺南五朝詩選

卷八

國朝

人

卽明雙樹若教容白叟定依拂子坐班荆

鄺日晉

字無傲南海人官副使暮年削髮爲九菴
尊宿著有菴閣集携入北爲風波失於水
不能刻

金山寺

數峰波底起古寺遠紅塵鐘磬沈孤嶼魚龍是四鄰
夜燈分釣艇朝鉢乞鮫人玉帶遺何日迢迢江上春
集黃俊升亦非亭同羅仲牧諸子分賦得飛

字

老來多積感久別語翻稀亭竹棲烟薄江風吹浪飛
閒情同落落衰影自依依應念吾生拙中宵慰息機

王東村梁藥亭唐樸非過集時北道方歸

屋盡梅花夢亦寒徘徊猶自倚闌干天涯老友雲中
至驢背新詩樹底看半世易過閒日少兩年忽別會
時難笑談不盡風如剪惆悵長天月又殘

孫園

餘燈深夜不成輝片片寒風透紙帷三徑菊松新月
照五湖書信故人遺病多語拙交應少老去年殘夢

嶺南五朝詩選

卷八

國朝

九

已稀自是倦吟無一事柴門不掩有雲歸

蜀中

天分井野限峨岷帝子城邊錦作鄰棧口抱鷺過鳥
道船頭擊鼓止牽人穴通殊域終歸漢劍貫長虹不
阻秦休說卽當風雨夜永安宮草久成塵

鄴中

魏武臺高瞰大河西陵四望只悲歌三分地割終炎
漢四十年餘屬永和詞賦一家憐獨切英雄千古感
偏多行人尚覓宮前瓦風雨何心長綠蘿

薛始亨

字劍公順德人明經著有南
枝堂稿十一草諸書行世

送屈子

開歲靚青陽廣陌春風靡之子不寧居挾策適萬里
同心忽異域送遠情何已執手臨江邊天涯從此始
濁世紛讒人行高來盛毀鴟鵂嚇鳳凰蕭艾蔽蘭芷
曠古無鍾期絃張不如弛君爲孤生松我作幽澗水
願言勉令德酌子盈觴旨

懷公羽山人

嶺南五朝詩選

卷八

國朝
薛始亨

十

秋風鳴舊林萬里故人心感此蕭條色何如關塞陰
木杙珠樹鶴久廢石牀琴古道無時賞松局待爾尋

山中卽事

石逕無泥滓雨過石渠清返照遙庭宇寒烟起檻楹
廢書人安坐得食鳥徐行借問經秋事蕭蕭竹籜鳴

晚出尋梁海曲

江上初有月獨行尋故人蟲聲出露草漁火隔烟津
門有歸農過家爲廢圃鄰夫君顏色好長嘯倚叢筠

秋日閒居

秋入琴書爽山齋耳目清井邊雙柚實牆外萬松聲
野服修黃老微詞託墨卿從來人事拙原不爲逃名

湖上

草色連湖水悠悠白日低烟波不可度春鳥幾朝啼
相思遵北渚騁望踏長堤夜夢佳期處雲生去路迷
登羅浮朱明洞天

緣蘿大崖趾重繭赴楹閣阻積出杳冥巖巖獻閭闔
檐溜蟲層巒几席生蕭颯春陰隱曖結晝永氤氲溼
傾耳風中琴顧影響成會猿飲絕攀躋鳥羽煌紛雜

嶺南五朝詩選

卷八

國朝
薛始亨

十一

烟銷空藥竈形解遺冠屨錫泉縣古盈象逕終宵踏
盼睐扶桑邇呼翕神淵合調刁萬竅鳴湮揜百靈集
曦御重輪閔駟玉埃風濫塵表抗遐踪何用徒於邑

古意

寒郊落日映雕戈獵騎吹笳盡渡河故里葵生金井
幹空城雀啄玉山禾閨中夢逐啼鶯斷塞上書憑旅
鴈過歸到酒泉頭已白從軍偏是少年多

送梁生東歸

倦客東關賦五噫輕裝數事故時衣野棠花外春歸

棹山鳥聲中晝掩扉寄養鶴應朱見頂手栽桐定綠
成國人問行路難如此十畝江苗莫歎饑

送陳生遊吳

明到金焦泛淼茫廣陵濤氣切帆檣參差白日視京
縣留滯浮雲非我鄉三月烟花迷杜渚六朝鐘鼓冷
斜陽將軍何處聞高詠楓葉紛紛客路長

麥應和

字崇節新會人
有厓隱集未刻

水月菴訪秋山上人

嶺南五朝詩選

卷八

國朝 麥應和 陳中和 十三

境靜心逾豁禪堂駐杖藜人瞻獅子座香散木中犀
澗滿新潮入聲清一鳥啼坐來忘日暮幽興綠楊堤

陳中和

字南洲
南海人

贈友人

年少名家子高風得似難奇同楊氏草香並謝庭蘭
異鳥曾爲夢離鸞不可彈何時携綠綺一過舊詩壇

歐正式

字奏字順德人明
經有竹園集未刻

王仲宣樓

湖湘遺勝槩遙問洞庭船多難悲公子登樓獨爾傳
浮雲遮楚澤歸夢應秦川今古行游處相看思渺然

山居

百年嗟萍梗強半掩柴扉多難逢人拙安貧覺事稀
澗花憑檻發海燕傍簷飛便自足幽趣何山不可依

贈雁山

曾是依劉客子身十年踪跡粵江濱夢懸湖海三秋
月日斷關河萬里塵薛邑已辭彈鋏舍聊城休作射

嶺南五朝詩選

卷八

國朝 歐正式 十三

書人與君痛飲羅浮酒醉看飛雲夜半輪

得友人都中書

紫陌槐階過雨痕花洲誰謂泣窮猿閒居故傍劉王
苑隱跡疑同用里村百折潮聲通戶牖千尋山色下
平原勞勞萬里京華夢幽壑殊慚國士恩

秋夜溪邊獨步

生計悠悠潭水清殘秋夢起月中行潮平江岸見魚
戲葉落山窓聞犬聲竹逕半添湘女淚路松何有大
夫名杜陵詩思劉伶酒林外何人稱隱情

中秋東羅仲牧黃俊升諸子

良夜如何不共遊
各天閒對倍生愁
城頭望斷三層月
海角平分一夜秋
碧落遠看霜葉墜
青絨遙寄夜光浮
年來知已多離別
愁倚蘆花一釣舟

王佳賓

字用禰番畧人康熙癸卯武進士

咸陽懷古

鎬京楊柳爲誰春
花萼樓前歲歲新
萬里河源通大夏
七盤山勢控強秦
按歌杜曲花催酒
會飲新豐月

嶺南五朝詩選

卷八

國朝王佳賓黃士龍

照人堪笑項王麤
莽甚阿房一炬盡
成塵

黃士龍

字非潛番禺人領康熙壬子鄉薦初授蒼溪令卒於官有北山堂集未刻

山居春日

結屋南山下山靜
日遲遲氣至草木
覺好鳥鳴高枝展
書酌春醪醉詠杜
陵詩野人扣我門
東作方及時呼童
事耨鋤驅犢下東
菑既耕亦已種式
穀念貽遺陶然坐
一室天地而襟期
聊以遂予拙毋令
塵俗嗤

秋夜望月懷遠

月白林葉稀徘徊
見孤影四壁寒蟬
鳴使人不能靜殷
憂復幾許露重天
氣冷徙倚望星河
無言空耿耿

獨坐

獨坐一窓幽蕭蕭
風送秋天空頻過
鴈客久欲更裘痛
飲不辭醉高吟那
得愁閉門惟自賞
山色滿江樓

晚眺

曠野少塵事行歌
望六虛密林藏宿
鳥流水遶荒廬山
似仙源近人同太
古初閒情在芻牧
安用笑長沮

學圃

嶺南五朝詩選

卷八

國朝黃士龍

五

園林春事足一望
盡扶疎綠樹皆啼
鳥青山半入廬地
饒思學圃性拙懶
歌魚向夕西風急
無勞更卜居

歸次西南與同人玩月

水國維舟晚高天
月又新關山同靜
夜湖海有歸人野
氣侵衣冷清光隔
浦勻明朝各岐路
對爾惜風塵

經漢張良神道

逐鹿中原付水流
碑遺神道自春秋
報韓一喪強秦魄
輔漢終辭萬戶侯
圯上有書謀獨老
人間辟穀事全休
功成自古多豪傑
未許如君黃石遊

渡江

細艸黃沙馬足勞又從南國見風濤
烟籠遠岸人家小水泛重城鴈嶺高
萬里浪懸宗子興一舫歌發祖生豪
而今不用嗟南北空把吟心對水曹

經宋丞相文山公家里

一木難將大厦支東南王業土崩時
忘身不愧三仁志許國真堪百世師
正氣歌殘天地老忠魂飄泊鬼神知
分明用武無憑處愁絕英雄淚暗垂

曾公亮

嶺南五朝詩選

卷八

國朝

六

字明輔番禺人茂才
有刺葉木刻

鎮海樓作

廣州舊城北李
大中丞重建

春花猶似昔時紅世事興亡在眼中
樹杪暗驚前放鶴雲間重認舊來鴻
素馨落盡銅駝棘畫角吹殘鐵笛風
一白年光歸去後至今遙憶蕊珠宮

又

重來風景意留連把酒長歌感事遷
說劍化為龍入水吹簫騎得鳳歸天
劉琨嘯處誰能聽王粲登時自可憐
細柳青蒲無限恨杜鵑啼血自年年

英上

字卓今新會人茂才

春日郊行同諸子分得輕字

最喜是新晴山花處處明
泥知雙屐重風畏一筇輕
野蔓生空井春流入古城
更逢寒食近無限北邙情

宿陳元孝空雨樓

白雲憐老病招我雲端居
策此潭間竹枕君樓上書
夜分人籟寂靜去水聲虛
不寐懷明發樵歌忽起予

溪上作

嶺南五朝詩選

卷八

國朝

七

清溪一來往石上自潺湲
鷺立芰荷際蟬鳴本集
柳間微風常近水殘雨不歸山
停棹待漁父相隨沽酒還

紙帳

石牀冰簟水雲隈
矚楮肝藤靜裏裁
貧士骨寒深臥雪
美人魂淡半依梅
梁塵暗度秋紋亂
隙月閒窺素練開
夢入羅浮看蛺蝶
梨花飛盡不知回

東袁特丘總憲

滿目江山今已非
諫章焚却願多違
身隨患難寧知

老家在湘沅不忍歸對酒每吟騷些調避人常着比
丘衣門前雪滿呼狂簡共醉南山學採薇

登樓

漢隴秦雲樹色深高樓獨上淚盈襟十年不遂從軍
願一望難爲故國心東海波寒思駐節西山日暮畏
行吟亂離何處堪巢鳥嘆息東南玉氣沉

送友人入西粵

萬里寒山下桂林長途貂敝淚盈襟十年悲斷馮驩
缺四海秋歸梁父吟瘦馬江邊嘶日暮寒梅關外落

嶺南五朝詩選

卷八

國朝
英上

太

存深此行莫嘆流光盡益壯寧知白首心

殘梅

村南村北雪霜晴
馬廐關空復情白
玉香殘歌席
斷青樓夢盡舞衣輕
孤山亭外徒烟鎖
淺水橋邊尚
月明何處酒樓人
未散笛聲一夜滿江城

贈王太守

誰登儒雅從南征
海嶠多傳太守名
京國久勞千里
夢廣陵今憶十年情
一簾春雨任飄零
五馬風流陸
賈城公府畫開人吏散
期君虞苑話無生

吳筵

字希獎番禺人領康熙乙卯鄉薦有解繆軒稿未刻

冬至

適看重九過又是一陽回綠草還相待黃花尚自開
歲華針上線人事管中灰此日無知己愁心懶折梅
市橋春望

閒步看春色微醺到市橋
霏霏花點听漠漠草平潮
栗里思歸近金門獻賦遙
漁舟隨望眼江上不停桡

夜登樓

嶺南五朝詩選

卷八

國朝
吳筵

尤

落魄江湖意登樓暮夜情
雲垂平鳥暗月上太虛清
魏闕徒心事高陽獨酒名
仲宣亂離後歸思滿江城

歲暮答邵伯遊

儲書忽十載又欲見江春
映水慚雙鬢看雲笑一身
酒疎方覺病歲暮始憐貧
此日艱難意深知累故人

寄余廣文

會後傷蓬轉誰先解芟衣
心嗟前日別事與故人違
砌月聞蟲唧庭秋見葉飛
無聊才子意應莫笑官微

灌園

無價空還趙何書更向秦秋風瑤草碧旭日槿花新
白眼淚中淚青衫塵上塵自今溪兩岼盡識灌園人

出五仙門

西出羊門恨髮毛珠江潮上鴈飛高曉風驛路嘶征
馬春雨城隈濕敝袍二仲舊遊人寂寞五噫新感獨
劬勞扁舟竟作浮滄海終日相思滿漢臯

鄴中

并蜀平吳百戰功二喬東去恨何窮鼎分漢祚千秋
業客散梁園一晝風漳水夜流霜滿地銅臺春老草

嶺南五朝詩選

卷八

國朝
吳筵

辛

連空如花宮女今何在惟有西陵入望中

蜀中

天關彭門帶劍峰蠶叢西折險重重五丁道便秦司
馬八陣圖存漢臥龍王業偏安終有恨綸巾歸去始
無蹤陰平失守應難料共作啼鵲染血濃

咸陽

函關四塞險從天鹿走猴冠事果然清渭獨留秦地
月終南空湧漢陵烟匹夫斬木殊堪笑一炬成灰亦
可憐何川洛陽年少者上書還向未央前

高儼

字望公新會人有
獨善堂稿未刻

秋日雨中登樓

涼風吹驟雨高坐稱閒心草閣水聲裏山城秋色深
滄洲何處是白日一時沉向夕衡門掩烟霞遶玉琴

秋晴

村逕秋初晚晴林木葉稀落霞無近遠棲鳥正翻飛
杖履行皆暢人情靜轉微石橋聞野水深夜未曾歸

客中春暮客陳拾遺鄺金吾王中書卽次拾

嶺南五朝詩選

卷八

國朝
高儼

壬

遺韻

離家一日卽生愁况復長年在路頭鄉夢不通三月
雨客心如感二毛秋途窮舊國看芳艸日落清江送
急流感念密遊多舊好新詩頻惠莫能酬

宿鄺無傲池亭同羅仲牧許二孩諸子分賦

得情字

總無樂事破常情一過林塘眼便青雲色懶移溪畔
石月華嘗到水心亭遠天鴈過秋如畫近榻蟲吟酒
易醒十載故交零落盡艱難惟有舊居停

送張穆之度嶺

白頭爲客昔人悲，況復行當此亂離。
江國昔年曾失路，才名今日恐非時。
隻身旅食仍依友，萬里家書欲寄誰。
莫向天涯重留滯，青山還有白雲期。

謝長文

字伯子，番禺人，明經授潯陽縣。有乙巳詩稿及雪航稿未刻。

寄周還梅中秘

聞作鳳池客，拜官殊少年。
看花帝城月，珥筆御爐烟。
道誼襟期在，文心錦繡傳。
思君望北斗，杳杳紫微天。

嶺南五朝詩選

卷八

國朝高儼謝長文

三

村橋夕望

縹緲危橋外，遙遙四望通。
去帆春色裏，歸鳥暮烟中。
戀景遲孤客，扶筇老一翁。
村坊見林火，掩映夕霞紅。

答王人士喜予過訪

離亂相逢只汗顏，又悲零落舊家山。
餐餐不斷依朋好，江海無聊任往還。
遠夢有時聆笑語，高吟何日對幽閒。
看君意氣如冰雪，聊伴秋風一欸關。

黎彭祖

字務光，番禺人，明經。著有醉醒堂集未刻。

哭鐵書記

一辭文字入僧祇，道是宗工學是師。
多病已憐新雪後，就吟仍與故人期。
鐘殘竹院雲千疊，花落瑤階月滿池。
惆悵幾年成永訣，淚看盈匣寄來詩。

林上達

字益金，番禺人，茂才。著有北窓集未刻。

舟中秋夜聞鐘

疎鐘古寺遠泠泠，況復扁舟入夜聽。
孤枕寒江潮已滿，一簾明月夢初醒。
漁歸浪靜蘼葭渚，鴈過聲沉杜

嶺南五朝詩選

卷八

國朝黎彭祖林上達

三

若汀惆悵此時聊，一望不知誰在碧羅局。

立春旅中作

幾度移居感慨中，荒村猶有古人風。
寒梅謝臘鄉心見，辛菜迎春淑氣同。
黃木早潮天慙紫，白雲殘燒夜山紅。
偏宜此日多晴暖，一望桃源似路通。

羅亨履

字基和，南海人，茂才。著有癯仙藥草行世。

短歌行

彈劍歌短歌，歌聲一何促。
歌聲振寒林，調苦不能續。

勸君勿復歌短歌勸君日使朱顏酡

長歌行

擊筑歌長歌歌聲一何長歌喉將欲斷不復鳴清商
今年長歌任夷猶明年長歌恐白頭

元日

淑氣陽和轉椒花滿盞香龍飛初改曆鳳輦正垂裳
雪盡梅逾白春晴柳欲黃小臣雖草莽亦得挾恩光

偶歸示文長弟

窮途早拂衣長嘯世情非八口憑何贍三秋空復歸

嶺南五朝詩選

卷八

國朝
羅亨復

五

撫孤憐弟幼生計愧兄微敝笈遺書在悠然共掩扉

黃修永

字春公南海人領康熙癸卯
鄉薦著有念昔堂稿未刻

仙城寄友

城西疎雨過散步自沉吟忽見初生月頻驚遠別心
清輝應共惜孤影若相尋極目川原路寒烟野外深

寄俊升弟

春曉逢難弟秋深念老兄無書經累月有夢到三城
舞榭昔年事流鶯此日聲韶光如水去相對不勝情

筠城立秋潘他山見招

旅食曾同寓帝鄉金河堤柳又初黃一從萬里人歸
後此日相逢喜欲狂郭外園林秋似畫水邊臺榭夜
生涼當筵不惜爲君醉回首風塵意倍長

訪友人道中作

寒梅初放憶招携十里山程信杖藜獨客路迷殘雪
裏故人家住亂峰西青煙縹緲茅簷遠白草蕭條返
照低乘興不知筋力倦擬將清話到鳴雞

歸舟感興

嶺南五朝詩選

卷八

國朝
黃修永

五

一葉蕭條傍短垣烟嵐飛盡見寒原夕陽波映江邊

盡晚渡人歸岸口喧燕子已傷辭故壘柳絲仍舊戀

朱門新愁往恨休相問應有春歸入小園

歐陽兆龍

字韻雲番禺人茂才
有樂素齋稿未刻

寄王崔山

不見王生久相思隔惠陽欲尋文酒會多在水雲鄉
好月正終夜寒花欲放香那堪孤寂處蟲響應虛堂

寒夜

西郭同秋夜鄰家藥罷春有人吟白石終歲對青松
崔嵬空江水霜沉遠寺鐘旅懷長不寐寒月出高峰

鎮海樓

層層畫棟霧烟浮長鎮天南第一州背郭雲山從北
至抱城珠海向東流綠蒲滿沼仙何在黃屋當年事
已休自是乘除自今古不須惆悵在高樓

小雪日偶成

獨坐閒堂過此辰可堪時序感懷新階前種竹成高
樹壁上題詩半古人歲月暗隨流水去雪花愁見逐

嶺南五朝詩選

卷八

國朝 歐陽兆龍 廖梅

風頻從今便作春來計休負浮生易老身

廖梅

字仲調番禺人國
學有息吹集行世

七夕

頻年過苒夢此夜更誰期天上渡河夕人間乞巧時
涼風生薄袂新月起秋思一曲沉魚笛愁聞隔浦吹

登贛州望江樓

選勝同登江上樓坡仙此地昔停舟因雨過啼山
翠窓逐風開見塔浮三月猶寒江北氣兩溪不盡水

東流多閒最是沙鷗子竟日忘機芳草洲

楚中懷古

江籬漠漠暗湘濱澤畔行吟怨逐臣覆復到今成底
事秦吳爭罷屬何人幽蘭欲采秋霜冷瑤瑟長彈夜
月新見說南樓興不淺洞庭烟雨自生春

黎淳先

字含儒番禺人茂
才著有韓言未刻

秋夜檢笥中往來詩札不無存亡之感焉

老去親知見面稀百年投贈意多違赫蹏漫漶編經

嶺南五朝詩選

卷八

國朝 廖梅 黎淳先

蠶銀燭熈微字欲飛最憶園林仍白社嘗言子弟有
烏衣幾回讀罷秋風起兩鬢蕭條淚暗揮

謝介生過予兩兒墓有作答此

秋風蕭瑟白楊陰二子泉臺何處尋荒草要離三尺
土束芻徐孺幾年心青松翠柏詩中景流水高山匣
裏琴恍惚遺音猶在耳幾回惆悵恨沉沉

黎彭齡

字顯孫番禺人茂才
著有美航集行世

送虞六季修時乘美周北上

騎羊地數武玄髮早結知浮雲非所歆隙駒以爲期
稽首鞭弭盟遣日及天池蜩螗隨候鳴借子天籟吹
鳴騶向燕市青橐日相隨緬懷郭生臺啞彼邯鄲兒

艷詞和美周

白日向西馳白波向東委青春旅儂顏飄萍共根蒂
前日縣家來不聞愁堪稅忙剪嫁時衣二月新絲貴
寧負催逋人莫負催婚壻

紅樓

開鏡樓頭玉兔缺辛夷半倦鸚鵡舌淺淺草色過雨

嶺南五朝詩選

卷八

國朝
黎彭齡

夫

腥新花落地委成血齒痕夜點玉臂寒枕畔春濃寶
鴨熟曉起出門處處愁傷春畏逐桃花節

山居

青山焚筆硯靜簡法華經卷幔一峰小入林初露零

芋田青山沼荷葉白遙汀夢到遊仙處曉風吹復醒

寄梁非馨邊上

從前蠶室淚虛報任卿書舊業劉中壘閒情夏太初
羈魂驚雁塞行跡笑蝸廬但莫歌長缺臨淵豈羨魚

三月溪上

春懷欣獨往多戀杖藜前滯燕棠梨雨忙人榆柳烟
蛙喧讀書舍笛吹釣魚船一路白楊樹酸風寒食天

青樓曲

東風楊柳漫垂絲獨掩朱樓二月時入夢黃鶯驚起
早開簾鸚鵡出聲遲丁寧陌上遊春侶護惜林間連
理枝砌草庭花容易換朝來桐葉寫相思

傷春

寂寂花圻日起遲妒風淫雨亂楊絲清猿啼苦他城
暮碧玉歌殘越水湄覓勝竹筇隨步武乘春荷服映

嶺南五朝詩選

卷八

國朝
黎彭齡
趙鳴玉

連漪十年賄墅風流在一局東山未了基

趙鳴玉

字鴻君順德人順治辛丑成
進士官至明府達致仕歸隱

送蔣曠生同年還姑蘇

暮年誰料見芝眉同拜宮花憶舊時一第喜君出仕
早十年愧我去官遲重携濁酒增惆悵獨上孤舟惜
別離此後相逢何處所佇看青瑣侍彤墀

送李升麓同年典粵試復命

河干相送半門徒題柱先聲遍海隅
薊北久聞推哲

匠嶺南今復見真儒千江春色隨仙舸一路文光接
帝都慚愧曲江同宴客扁舟垂釣在江湖

潘棣元

字浣先番禺人明
經任廣州司鐸

送李滌公還樵李

公特入粵賞荔
同人詩以美之

夫子富道術蕭然無所求青鞵辭范蠡丹荔訪浮丘
高隱半生事行歌五月裘明年還悵望應放嶺南舟

南園懷古

曲欄秋浦彩虹橋臺殿荒涼一望遙俎豆遠傳三節

嶺南五朝詩選

卷八

國朝
潘棣元

三

烈詩歌曾人九韶簫氣回花嶼春長似愁盡江湖夜
未消閒道賢侯修祀典吟壇重建欲干霄

又

南園秋盡輯遺編弭筆低徊感慨先衰艸獨存風雅
地浩歌人對沈寥天池開尚湧乘潮月樹古偏多挹
露蟬忠孝文章同一轍抗風重集憶當年

許城

字清漳番禺人茂才著
有箕山草堂稿未刻

贈小妓

薄髮垂澹粧輕粧歛深香本是青溪女能歌白石郎
聲中知歲小語下寄情長何日秦樓上將身託鳳凰

春望

高臺獨上思依依滿目江山隱夕暉刀筆未除秦吏
在風流遙望晉人稀微雲出岫飛當水零雨沾花落
滿衣寂寂此心頻向遠呢喃雙燕傍誰歸

春起

新髮慵梳不著巾窺園愁立病餘身萍根盡散池塘
水稻葉難成隴畝春離亂日中難計命寂寥窓下易

嶺南五朝詩選

卷八

國朝
許城黃古記

三

漢人隔江消息誰相達遠望那堪見戰塵

黃古記

字當菊番禺人
有松溪稿未刻

玉崑公書院

萬峰藏一閣秋盡氣蕭森夜雨不知處曉風猶在林
藤緣偷栗鼠溪噪引雛禽緬想前賢樂茶甌共此心

宿雨足師故房

黃花殘後寒鴻哀此夕匡山遠信回五老峰前圓澤
逝百蠻江上李源來烟沉野浦愁應滿月引螢光戶

半開石上三生那可問唯餘行處盡莓苔

賴鏡

字孟容南海人有
素菴詩鈔未刻

江行

蒼茫雲樹晚一舸荻花秋切切蟲鳴岫蕭蕭月滿舟
孤懷逾浩渺病骨却遲留是處山如畫聊爲解旅愁

潯州道中

悠悠千里道江上復斜曛不恨長爲客空悲老未聞
山迷羅葉水路逐柳城雲異景從茲得鄉心早已分

嶺南五朝詩選

卷八

賴鏡

三

村居

野老獨藜杖溪邊看水流好花開眼底何事到心頭
月落柴門曉露深松徑秋東鄰有漁父梨黍每相留

又

山晚雲棲本集屋林深月滿籬數聲寒鳥靜一片夜

蟲悲多病逢人少長貧愧母慈年侵不可覺祗有髮

毛知

送陳牧止遊吳

片席蕭蕭帶晚烟暫離親舍客吳天閒雲細護談經

處遠水平浮訪戴船白岳泉聽春雨後寒山詩就夜

鐘前君行到處人爭識肯戀江湖滯歲年

馮珧

字望若南海人領壬午鄉薦著有
借山草學海吟燕遊草諸集行世

西山訪慧道人不遇

宿雲連古寺清磬度西岑石髮憐人老松髯帶雪深
通幽餘一徑買隱或千金何處采薇者聞歌不可尋

兩阻連州江口

不是經行處維戩豈偶然登臨元有分山水若爲緣

嶺南五朝詩選

卷八

馮珧

三

斷岸多依石攢峯小見天兩因司馬法雷滯一江船

贈黃叔晃同寅掌教臨高

官舍不嫌冷同衣近二年相看神電水又過潯菴泉
焚香屑擲珍入玳筵瑜姬風韻好閒理帳中絃

粵中看牡丹

記得初從翠羽招捻痕粉膩未全消此時恰好春三
月與子曾逢廿四橋酒半臨風看贈珮花深移月聽

吹簫故園今日猶親近解識當年魏與姚

羅寧默

字仲出順
德人明經

南村探梅

江鄉遙望玉玲瓏扶杖過橋東復東白屋有人穿樹
出清溪無路爲花通犬聲冷吠三更月牛背寒吹一
笛風昨暮磁瓶香落盡芳心常在水雲中

衛廷昌

字睿侯番禺人明經考選
通判著有拜石堂稿未刻

祝元冶家叔

小小才名迥出羣十年雲水傲閒身衡文依舊雙眸

嶺南五朝詩選

卷八

國朝
羅寧默

五

在閨世俄驚兩鬢新抱壁自憐難問俗著書今幸有
傳人慈幃九十還康健笑著萊衣春復春

閨情

滄蕩風光二月時酒杯簾箔映花枝緋桃欲結花香
盡紫燕初來日色遲簾裏關山空有夢鏡中鸞鳳杳
難期尋芳漫拾忘憂草春思無端到兩眉

陳 澂

字夔石增城人茂才
著有西洲草未刻

春燈

日月雙輪息光芒一氣存物情還共照春色與誰言
巧極呈花體青長接草痕深宵有吟客不復閉柴門

雲半閣

倚天近明月結意寄層空薄霧留衣上晴霞貢海中
更無人跡過真與鳥飛同莫問雲泥隔高談待遠公

采蓮女

紅稱宮衣白稱肌此心惟許野塘知風吹水面聞歌
處人立溪邊見影時半斛明珠生暗淚一枝寒玉托
輕絲蘭橈何事頻回首爲愛鴛鴦欲去遲

嶺南五朝詩選

卷八

國朝
陳澂

五

秋村

稻花著葉又西風恰稱閒身望望空一點野鷗寒渚
外幾家茅屋夕陽中牛羊就草霜根白烟火侵門燒
影紅長笑故人歸未得勞勞車馬隔城東

陶 璜

字苦子一字樞山三廣公陶魯之裔少爲
文學遭亂棄去東西遷徙輒輟而卒爲人
言諱不苟周人之急拯人之厄常若不及
而不以爲名當事仰其才欲一見而不可
得世目爲高士著有慨獨齋遺稿樞山堂集行世

送孟端士宮坊歸觀

城戢戒徂雨肅肅理晨裝傾城遠迨送軒蓋盈道傍
結從金門客來去多輝光著書垂竹帛千載聲名揚
榮祿豈不貴白華養難忘乞身太湖畔采藥浮山陽
菖蒲寸九節丹砂生石牀長揖滿懷袖言歸奉高堂

送徐子卿

嘉樹蔭崇阿亭亭千歲幹紛披紫玉枝參差接銀漢
君少奉庭趨苦節遭時難暫也浴清沂舍瑟偕童冠
子輿貧好遊浩歌冠放誕入市不干齊單衣長至胔
扣角夜深行漫漫思達旦歸去策肥牛南山白石爛

嶺南五朝詩選

卷八

國朝
陶璜

美

和華林集詩

統樹匝羣鴉危樓隱暮笳可憐深殿酒還醉後庭花
舞席虛寒月宮衣散曉霞雕梁新燕子飛出落誰家

春岸

野岸尋常見春來興倍舒深花驕立馬淺水逆行魚
到老投無地同誰擬卜居客心知有寄多謝澤邊漁

春燈

小雨歇橫塘疎燈聚一堂寸心勞汝竭孤影愧吾長
繼日能畱照看花或借光故人春信斷歸夢寄何鄉

次答黃積菴時峽中奉寄

寺裏逢君別新詩惠早春蹉跎驚落葉風雨黯離人
遺襍捐秋浦陳辭降峽神永懷長不寐歸夢寄何因
酬高望公惠書

藹卷頻勞寄竹扉艸堂籬壁見光輝已無踪跡容人
問空有烟雲隔座飛園笋也思供客饌瀑泉閒浣住
山衣秋深最愛高亭上坐待君來願每違

舟發香山感鄭禹九諸子追送因懷去秋握

別石旗兩承繼繼感而有賦

嶺南五朝詩選

卷八

國朝
陶璜

三

芳尊連日醉邊霞鮫室龍樓共一家半月驚濤浸旅
夢片帆歸語各天涯官橋遠飲殘虹雨嶺樹晴飛落
洲花兩度追歡勞餞送年年相訪托秋槎

山中答契如上人

經年采藥謝浮名竹徑松關絕送迎谷靜但聞流水
韻鹿閒偏狎野人情清溪過影知無染細艸含根悟
有生欲證真如何所得繩牀空對佛燈明

交州

錄一首

白鷺盤空走戍旌君臣航海豈無成還驅勾踐三千

旅歸逐燕王八萬兵廢國未須書越絕孤軍從此復
齊城厓山鼎沒方輿盡猶有天南不帝羸元祖定雲南使人召
安南國王陳日煚入覲不行加兵不屈孤軍接戰十
七敗棄城入海區區尺土獨與全盛之元抗衡角力
率乘懈擊歸光復舊宇陳氏危而復安終日煚之世
元人不敗南牧洪武初率先歸誠仍世爵土向背之
義論者
偉焉

黃學錦

字美公登冢子國學侯
選著有琴書堂艸未刻

藍關謁韓文公先生廟步家大人韻

遂有瞻韓願藍關放馬閒臣綱存史筆道氣溢人間

嶺南五朝詩選

卷八

國朝

陶璜黃學錦

美

廟古斜陽冷臺荒野薛班只今千載後不使鯉魚還

訶林同一株師賦

坐久心逾暢禪堂樹影移一塵不到處萬慮自空時

出世知公早爲僧愧我遲每來竟終日幽興許誰知

放舟送吳山帶孝廉入都家大人命作

最苦惟離別無如此別歡江干同御李天下共瞻韓

杯酒何辭醉山川正許看明年知此會衣錦出長安

峽中七夕

獨對天涯問雨晴雙星遙映一舟橫佳期肯信橋邊

有別思無端意裏生寒月偶逢秋倍白疎鐘忽聽夢
難成犀沉不鎖長江水流盡征人一夜情

花朝步家大人韻

一簇鶯聲遠近來小樓高枕夢初回風光照我空窓
入花色撩人滿院開撲蝶自憐春已半散衣誰覺曉
相催逢時莫負尋芳約今古閒思轉自哀

送兩粵吳大司馬還朝

真人開府記端城歷歷清風細柳營兩粵閭閻歸衽
席八年湖海見昇平乾坤好景多吟詠今古名書重

嶺南五朝詩選

卷八

國朝

黃學錦何何樓

美

品評此日卧轅同送別扁舟流水不勝情

何何樓

字繪閣香山吾驕孫
明經授電白教諭

春日郊行卽事

閒從西郭外物候轉陽和山靜逢人少溪長流水多
野花如抱恨烟柳自成波愛此新晴好行行柰若何

題霧岡李弘濟叅戎種槐堂兼呈其令子東

園昆玉

三十登壇擁節旄歸來行止在蓬蒿三槐植後成書

舍六鳳飛時見羽毛人對草亭思愈遠海連鈴閣望
偏高交遊我亦通家子不盡長吟寄水曹

黃德濤

字文激應秀子茂才
著有樵雲稿未刻

登西樵大科峯

髣髴與天齊偶然蠟屐躋翠微回首處七十一峯低
山鳥踈林寂村烟薄暮迷還期今夜宿日出未鳴雞

遊四峯書院

山樓寂寂重徘徊曾有文章映上台半沼波搖垂釣

嶺南五朝詩選

卷八

國朝
黃德濤顏養氣

石四山嵐繞讀書臺鶴歸隔嶺知仙聚鳥噪芳林識
客來盡日登臨忘世累一尊聊對夕陽開

顏養氣

字尚集一字直菴南海人領
帳關西以易學著名著有鶴音堂詩集文

集未刻

客舍早春

旅舍逢春日蓬門非故鄉鳥聲多在夜野色漸辭霜
舊恨消新酒清音記古琴牀頭餘一劍磨處不成吟

壬辰除夕立春

烽火餘年孤客心蓬廬杯酒亦長吟三冬雨雪同飄
泊十載風波幾淺深清夢且隨殘臘過旅愁多在五
更侵起看庭樹垂垂發新試晴春綠滿林

關彥祥

字士龍一字摩化南海
處士有倦遊軒未刻

山庄雜詠

絕壁挂藤蘿飛泉響玉珂山幽塵事迴地僻野情多
香稻鋤雲種靈砂滴露磨軒居何處達樵牧日相過

中秋夕偕譚抱躍泛舟龍江

嶺南五朝詩選

卷八

國朝
關彥祥

聖

萍雲收盡魄初懸沽酒龍城上小船地迴故鄉人共
醉潮通珠海月同圓帆移鏡裏江吞岸棹發雲窩水

接天何處忽來忘世曲數聲漁笛隔前川

梁先聲

字金城一字慎菴新會人任廣
海尉著有寒玉山堂集未刻

朝漢臺

爽籟蕭蕭隴樹秋朝臺獨上思悠悠詔傳漢室天威
遠碑沒荒臺霸業休牧馬嘶寒芳草地鷓鴣啼徹夕
陽樓遊人莫感興亡事一夜西風易白頭

俠士

少小投書別四鄰
長城走馬劍花新
千金與客不通
姓杯酒成言遂許
身燕市獨尋庸保
筑爨門偏善狗
屠人壯懷幾度歌
還泣欲報天涯何處恩

孔聞聖

字公時
番禺人

秋曉道中卽事

長途思早發
曉鼓未曾收
雲度青山暝
雨餘碧澗流
野花開待曉
殘月白成秋
岐路相逢處
誰人是勝遊

嶺南五朝詩選

卷八

國朝
梁先聲孔聞聖 望

社集分賦

結勝郊原遠俗塵
羣花開落四無鄰
半樓雲鎖青山
暮四野風寒黃葉
新湖海幾年成浪迹
天涯何處是
通津桂山正好同招隱
不盡閒心對故人

中秋坐月有懷

銀河萬里淨無烟
不盡歌聲在管絃
落葉夜殘風漸
冷登樓秋好月孤圓
蟲吟靜入愁中耳
鴈字虛傳別
後箋今夕有懷誰復爾
露華蕭瑟思淒然

許壯圖

字受天新會人茂才長子雲次鳳毛同類
康熙庚子鄉薦著有澄溪亭詩稿歸院文
集卽刻

秋荷

凌波獨立爾應難
綠袖紅綃冉冉單
玉井峯頭秋氣
蚤若耶溪畔晚粧殘
房空祗有餘絲繞
心苦誰憐泣
露乾慚媿吳兒兼
越女棹歌歸去若爲歡

秋菰

昆明池水起秋風
憐爾彫胡傍廢宮
弱帶枯莖斜照
外沈雲宿霧亂流中
清波寒落魚龍夜
餘粒漂殘鴈

嶺南五朝詩選

卷八

國朝
許壯圖梁都 望

驚空最是秋來襟
枕冷好將溫席問
漁翁廣志曰菰可爲席溫

梁都

字學下新會人著
有國城艸未刻

八日上南海王明府

仙吏乘春曉
清江畫舫來
東風未旬日
一縣已花開
墨綬諸侯選
青箱太史才
肯容狂簡士
載酒上琴堂

贈胥山孫明府

縣庭無事似山齋
曲徑幽深長綠苔
閒撫素琴曹吏

散自烹新茗海僧來買將病鶴勞心養移得閒花着
意栽幾度訪君留我醉畫簾牕外盡情開

送傅二尹之任彭城

柳色蕭蕭拂岸垂送君惜別在臨岐新遷內秩雙鳧
起近束輕裝一鶴隨香署晴連朝爽合邊城秋冷月
光過應知此地吟懷好遙聽西風白苧詞

關毓穗

字甫田捷先子乙酉
副榜著有醉翁集

贈鄭珠江太史

嶺南五朝詩選

卷八

國朝
梁都關毓穗

畧

古處如君少維桑情倍親輕車尋逸士虛榻下詞人
檢史燃藜早調琴待漏頻梁園相咫尺一望出風塵
與曹子翼張如升話舊

燕山閩水路茫茫相見翻驚別恨長萬里風塵雙鬢
老八年離亂一身嘗江鴻漸集殘蘆裏邊騎閒嘶古
寺傍知爾南還多爲母酌來春酒上高堂

歐白

字滄生順德人著有蘆汀小草
多人吳江徐松之先生所選

訪黃野人廬

神仙不可問雞犬亦雲中人去丹何在薪遺火尚紅
野花垂月露古木嘯天風莫漫桃源去重來路不通

三閭廟

楚天雲盡處汨水寄情深遺廟由來古斯人不可尋
悲風山鬼嘯孤月冷猿吟只有懷沙怨幽悽動楚音

送奏孚之京

漢家宮闕舊山河送汝長征感慨多劍劃雙虹開碣
石馬馳匹練渡滹沱爭將別思歌楊柳未許牽情戀
薜蘿萬里心期無可託爲持杯酒醉荆軻

嶺南五朝詩選

卷八

國朝
歐白

畧

錦石山懷古

翠袖臨江影欲浮南來漢使憶曾遊山連百粵通秦
微水接三湘帶楚流形勝獨餘天地外登臨堪寄古
今愁畫旗黃屋終何似開落岩花幾度秋

江門謁陳白沙先生祠

黃雲遙接楚雲臺前哲流風紫水隈身荷斯文當此
日道傳先聖覺將來樓高碧玉連天迥牕冷梅花照
雪開巾舄依然人未遠江離差薦客中杯

江接荷

吳江徐松之先生所選雲山酬倡集云字
天碧海陽人僑居吳門補長洲諸生觀光
太學文章聲氣稱盛一時選詩
六首予錄二首以補嶺南之闕

有憶

南望秦淮路迢迢在水湄花魂依粉蝶柳浪拂黃鸝
鴛枕空留夢濤箋懶賦詩頻彈司馬淚無處寄相思

冬日送友北上

楓林露冷正冬時分袂何因在水湄遊子每憐紅日
落離人常望白雲悲隄邊衰柳寧堪折嶺上寒梅自
有期古道如君今少見江南冀北各相思

嶺南五朝詩選

卷八

國朝

江接荷梁簡芳

哭

梁簡芳

字蓮玉順德人著有冷香
草人吳江雲山酬倡集

夏日荷花蕩賦

輕盈來畫舫不近五湖邊荷葉牽羅袖蘅香入綺筵
鷗閒芳渚曲歌斷白雲連最是憐同調中流去杳然

中秋夜寓樓醉月

天高月湛彩雲開桑梓同傾酒一杯閭闔萬家歌疊
起關山何處笛吹來興當此夕難成賦望到家鄉欲
上臺荏苒又將重九至不堪重聽馬聲哀

蘇子英

字騰子羅定人
著有簡練堂集

客舍書懷

往事水東流羈棲盡日愁年華空荏苒世態自沉浮
阮子難青目潘郎易白頭故人不相見惆悵一登樓

送張蘧度北遊

陌頭烟暖雪消初裘馬翩翩信所如湖海共傳平子
賦國門爭賞伯英書三春碧草依行袂萬里青雲壯
客車前路識君殊不少未應長缺重歌魚

嶺南五朝詩選

卷八

國朝

蘇子英

哭

弔劉王殘塚

賸室千年白日光珠塵玉土憶劉王群雄割據聊稱
帝半壁偏安豈事梁五嶺關河烟慘淡四朝官闕草
荒涼可憐俯仰成今古樵子高歌又夕陽

黃學元

字翰公登第五子為人學弟方學耽吟設
帳三年黨塾稱善惜年將念五遂作賦王
樓著有散帙諸稿僅錄
數首以志其初學之興

病中七夕有懷諸友

去歲逢茲夕同人互唱酬今年逢此夕多病懶登樓
原

子改蹟爲登樓欹枕過星月嚴更促女牛如何仙子
淚亦向別離流

舟中偶作

一望波濤白扁舟任去留山河千古在世事逐時休
岸柳疎還密寒潮斷復流何時解俗絆聊與海鷗儔

望月懷遠

一輪孤月照虛庭色散寒光總似冰千里共歡今夜
酒寸心惟憶昔年朋長空灼灼雲衣薄野况蕭蕭露
氣凝遠望天涯情不盡山川重疊暮愁增

嶺南五朝詩選

卷八

國朝
黃學元

哭

秋日有懷

薄暮高天秋氣流金風如剪露華浮靜看梧葉垂金
井遠聽砧聲過畫樓對景每驚時節異論交徒惜別
離愁低徊自覺多無賴坐對寒窓又一秋

九日隨家大人飲玉堂岡

松濤聲響似彈琴九日風光正可尋四望青山皆勝
跡一時仙客盡高吟雲離遠岫心何渺身近喬松影
獨陰醉憶孟嘉重酌酒黃花斜插日西沉

送妻舅鍾澤子之燕京

澤子歸旗今秋
來粵仍復還京

珠河揮手淚潸潸翹首幽燕近 帝閑鴻雁多情惟
錦字雲天何日對芝顏那堪見面仍相別豈有離鄉
不復還最惜去時九十月程途霜雪馬行艱

影

相隨無一語因甚太無情堪惜予兼爾閑遊過此生

侍家大人選席作

家嚴多著述室似子雲居堪笑趙奢子徒能讀父書

嶺南五朝詩選

卷八

國朝
黃學元

哭

嶺南五朝詩選卷九

國朝

梁佩蘭 一百十四首

屈騶 五首

薛起蛟 十三首

衛淇 八首

劉世重 十三首

羅謙 九首

劉祖啓 十四首

嶺南五朝詩選卷九 目錄

歐陽雋 五首

廖燕 五首

趙球 六首

衛文英 八首

莫高 四首

麥三白 四首

衛孕光 二首

黎紹芳 三首

黎綸芳 三首

衛儒升 二首

梁若仁 一首

黎玟 三首

郭畝 六首

梁閻雪 一首

歐茂 二首

招朝佐 一首

翟蒙孔 一首

黎聖濟 一首

嶺南五朝詩選卷九 目錄

黎延祖 三首

鄧運生 十首

尹之遠 二首

梁節臨 三首

衛王圖 二首

崔文術 四首

方顥臨 三首

黃璉 二首

廖焯 六首

屈修	七首
顏建勳	六首
顏錫祥	二首
陳用行	二首
衛金章	六首
陳璵	二首
葉元龍	四首
葉光龍	二首
楊瑞徵	二首
嶺南五朝詩選 卷九 目錄	
陳寧	二首
徐佩芷	二首
歐兆中	一首
庾戾	一首
林雲章	二首
許綬	三首
林德顯	二首
黎洪衍	二首
關應弼	三首
三	

關上遷	二首
黃榮	六首
黃榆	九首
馬仁右	四首
傅名賢	四首
吳斐	二首
關士炳	二首
高錦孫	四首
馮珪	二首
嶺南五朝詩選 卷九 目錄	
馮鉅	二首
馮湫	二首
馮鏘	二首
馮輔臣	二首
馮錄	二首
黃河激	十一首
嚴遠	二首
梁坊	二首
盧有遇	二首
四	

陳宗德 五首

陳王猷 八首

龔以時 三首

楊天眉 三首

梁昶源 二首

陳法乾 六首

毛定周 四首

趙德 四首

湛上錫 二首

嶺南五朝詩選 卷九 目錄

五

嶺南五朝詩選卷九

番禺黃 登俊升氏訂定

國朝梁佩蘭

字藥亭一字紫翁號鬱洲南海人領順治丁酉鄉薦第一康熙戊辰成進士初授翰林庶吉士著有六堂堂集及隱定諸書行世

帝臨

帝臨中央四宇祇肅日月通行星辰在握黃龍神雀貞符表錄禮修樂明小大齊弼誠和兆民暘茂草木休氣翔洽皇用壽穀

嶺南五朝詩選

卷九 國朝 梁佩蘭

日出入

日出入天若無日聖人道不立驟駕六龍東上西下安窮排閭闔昭鴻濛於何象象君德千秋萬歲仰無極

齋房

齋房產芝雲霧襲韃連蜷九莖鳳文鶴蓋繁惟玄精圖牒所載以應聖人祥瑞無對

朱鷺

朱鷺鷺在鼓舂以鼓易爾茄彼茄香華馨其食濡其

翼軒而翻而誰誅而

艾如張

艾而張羅張在何共伐鼓大田習武黃雀知之飛飛
高哉高哉飛山頭鴟于羅罟

有所思

有所思乃在大海東無物用遺君白玉蛺蝶金芙蓉
芙蓉有雙頭蛺蝶無單飛繡之絲書俱之間君開書
斷絲斷絲月有缺時頭上釵是君所置今棄之折爲
兩股一股委井水一股委井泥

嶺南五朝詩選

卷九

國朝
梁佩蘭

二

上邪

上邪我欲與君上壽日月少貌陰陽老醜蒼天高黃
地厚何者與君刑夏無雷冬無米

玄雲

玄雲湛空天闕昭緯四氣兆和萬物出滯主聖臣賢
秉權司契用臨下民克協上帝弓矢旣棄禮樂爰制
東逾蟠木西洽沙汭南極珠厓北窹月竄莫不王享
永作賓裔

釣竿

駕言觀海渾沌儵忽上下四旁天地盡失洪濤吐吞
日入月出斟酌元氣如腹有物南而望洋靜者自得

公無渡河

公無渡河噫公渡河公渡河何之河流漸漸噫

燕歌行

霜露既降草木黃四時氣候成金商雖離鴻鴈相翔
翔良人遠遊畱他鄉賤妾懷思守空房夢寐不得飛
在旁蟋蟀中夜鳴妾牀豈無膏沐心慘傷皎皎明月
臨東窓衆星上天繁成行牽牛迢迢路微茫織女隔

嶺南五朝詩選

卷九

國朝
梁佩蘭

三

絕徙相望欲涉無川渡無梁援琴調絃抒衷腸小絃
何促大何長一爲鳳音一爲鳳梧桐花發朝夕香誓
願啄宿同雙雙

前有一樽酒行

前有一樽酒賓客滿堂主人上壽皇帝陛下萬歲天
下無事我人民享康樂俱得讌會飲酒自卯至酉牛
羊壯大有金有玉不足言但願今日相對天長地久

白紵舞歌

輕風徐起雙袖揚齊容窈窕昭儀光白紵皎潔凝繁

霜天翟黼繡爲文章遷延意態無恒常龍舒鶴轉不可當俛之不下仰不昂赴絃度曲神徬徨流逸變化誠無方颯沓爲君陳玉觴

車遙遙

車遙遙馬驕驕大河橋橋下屋龍所築水之族車且舟人騎牛沙路頭車載馳喜鵲飛行人歸

青溪小姑娘曲

青溪飄風曲折水深小姑娘獨立月出當心

白石郎曲

嶺南五朝詩選

卷九

國朝
梁佩蘭

四

白石郎近小姑娘東摘蓮子西拔蒲

行路難

人言堯舜時天下寧大禹時治水洪水平湯武不肯爲臣稱兵周公殺兄魯國用孔子三月政成大人之言小子願學坐我東屋徧雞聲角角

又

父母兄弟妻子滿堂樂未央大婦上蠶箔中婦採桑小婦辦飯辦酒漿小姑娘膝下弄明璫今日樂莫相忘莫相忘

又

東家殺牛西家打鼓下山牧羊上山射虎天穿漏星宿地裂出海水

捉搦歌

寶刀在鞘常欲試黃金在手常欲使男兒七尺負志氣女子得嫁添嫵媚

雀勞利歌辭

啄地啄地雀勞利紅嘴鼓翼黑嘴避

雜詩

嶺南五朝詩選

卷九

國朝
梁佩蘭

五

美人如高雲亭亭當中天牽牛處河東織女望相連遊戲於紫房姿態何嫵媚弱水迴龍車閭闔驂孔鸞變化無端倪出入長自然安能降容顏歌舞爲世憐

寄懷屈翁山客雁門

乘螭遊不周垠墀騁八荒在昔爲靈均君也今頽頽入秦紀山川蔥鬱懷帝王想見登太華天風吹衣裳三峰墮黃河日月背後行瞻禮白帝宮賦詩一百章英聲流琴笙古色當琥璜引手接天河衆星隨低昂遙望赫連臺雲氣如牛羊矯首至再三枉矢飛天狼

感慨亦何爲宇宙原粃糠

贈邵戒三太史

列宿豁天宇尊者惟文昌帝座升紫微左右何焜煌
鼎雲出其間五色同昭彰海隅域東甌牛女亦在旁
掩映扶桑霞日月遙相望日精吐鷄火月魄流珠光
奎壁諒不遺躔次託後行

送胡韶先歸豫章

十七出鄉里五十始得歸黑髮無半全親戚當記誰
問君何以然往事請述追維明在崇禎天步方艱危

嶺南五朝詩選

卷九

國朝
梁佩蘭

六

皇考中大義伯父隨六飛忠臣盡社稷國破家焉爲
義當無完巢兄弟成東西我初來粵中姓氏人不知
踪跡混甘婪歐駱同因依夜宿桂花瘴朝聞鷓鴣啼
後來佐藩府出入籌軍機軍中日草檄宴息無一時
俛仰失故吾淚流弓箭衣澤雉不就樊野馬不受羈
今日還舊山從前始展睂先人二頃田種豆南山陂
丘隴沿高岡松栢蔭四圍春秋備灑掃子孫相提攜
民生樂天倫此外何用之少年歷辛苦老大當娛嬉

進帆石門懷古作

曉霽安遠流高崖劃雙扇迴瞻郡城邈百雉紛蜿蜒
雲幽蘊巖阿水碧結石面粼粼淺瀨魚織織圓波燕
人帆定形影風日換聞見條爾陽岫開掩焉陰谷眩
青疇曠稠疊紅泉互飛濺循覽景屢週觸物念多變
好役誠賈勞耽安亦沈晏達人鑒知止君子崇令善
抗言追往昔榜歌自爲亂

謁南海神廟

粵服分四瀆典禮崇百王卦位乘南離鶉鳥翔朱方
吐納秘日月氣化生玄黃地絕太始垠天啓鴻濛光

嶺南五朝詩選

卷九

國朝
梁佩蘭

七

肅雝臨宮庭瞻拜空彷徨

贈魏和公

夷齊非好餓采薇必首陽子陵非好貧釣魚必桐江
君看廉節士出處關綱常仁義爲華簪詩書當餽糧
松栢有直心車輪無轉腸藏名以爲寶榮名以爲殃
彌縫笑孔丘慷慨卑田光

耕田歌

三月穀雨春鳩呼地脉井水占有無此而不耕田胡
爲乎此而不耕田胡爲乎壺中有酒盤中有魚水中

有蒲此而不耕田胡爲乎此而不耕田胡爲乎堯舜
大聖在上治天下容我巢許在下安其愚此而不耕
田胡爲乎此而不耕田胡爲乎后羿彎弓射九日徒
使萬世大笑空爾勞此而不耕田胡爲乎此而不耕
田胡爲乎

南海神廟銅鼓歌

鼓有二一
飛入海

龍宮一夜蛟鼉舞南海廟巫扣銅鼓南海廟神廣利
王割據四海南海方銅鼓置在王廟左莊嚴鼓縣四
小鎖大巫一扣潮水平小巫一扣江水清二月望日

嶺南五朝詩選

卷九

國朝
梁佩蘭

八

王生日鼓聲掌人拜出入相傳鼓是漢伏波平蠻得
白蠻犀獸至今鼓身滿龜鈕龜形剝爛似蒼狗銅氣
蝕盡不覺腥鼓皮凹凸生古青周圍五尺背與面年
月製造字不見更傳此鼓原雌雄男律女呂音和同
鬼神痛哭洩造化哀訴雷公撤河下獨留一鼓歆廟
前撞破世代千餘年當今○皇帝新卽位遣官祀王
用王禮王靈震疊搖靈幡彤雲赤日生祀壇銅鼓無
人忽聲起鼓沉鼓響塞天地須臾祀畢官欲回動着
銅鼓驚龍媒四時海激吼風雨重恐銅鼓又飛去

日本刀歌

市中寶刀五尺許市中賈人向予語紅毛鬼子來大
洋此刀得自日本主王使紅毛預齋戒三日授刀向
刀拜龍形虎氣生氣驕抽出天上星搖搖黃蛇之珠
嵌刀首百寶刀環未曾有有時黑夜白照人殺人血
漬紫繡新陰晴不定刀氣色風雷閃怪吼墻壁相傳
國王初鑄時金生火尅合日期鑄成魑魅魍魎伏通
國髑髏作人哭人頭落地飛紙輕水光在水鋪欲平
國王恃刀好戰伐把刀一指震一國紅毛得刀來廣
嶺南五朝詩選

卷九

國朝
梁佩蘭

九

海市歌

幕空無人忽成市上不在天下不在地月煙黃黃日
烟紫日之升氣之凝璫玕蓋珊瑚釘大吹龍笙細擊
鼙鼓海童緩歌海女急舞海水開龍王來龍王來龍
母並駕車如雷龍女後至何遲哉市人市中設龍座
聚寶換寶市在左蕃奴來市騎水犀上寶負在大尾

岸老蛟人身目魚目手執大禹治水玉魚兒無寶羅
市中笑指海上天虹紅市東買人好走馬寶光射馬
馬不下龍王厭寶空掉頭身擁五色龍鱗裘龍母見
寶不開口定海魚鬚尺持手龍女戲擲紅珍珠盛飾
雉尾新羅襦世人眼睛不識寶海中有寶偏不顧海
市寶多世人奈何扶桑花落東北角海水成冰要人
鑿海水吹風吹動龍王宮水生一片海市不見

聽唐山人彈琴

文王已歿孔子死禮樂中和散天地嗟予生晚思古

嶺南五朝詩選

卷九

國朝
梁佩蘭

十

人有志大雅無人陳是何高山響林木海中遊魚出
波浴十年躁氣此盡平今夕始聞君子聲周南關雎
本自起魯國龜山亦如此

金臺吟

燕昭王安在哉千年郭隗人又來駿馬欲踏黃金臺
黃金臺不可見角一聲風四面打人雪花大如拳射
人雪花密如箭驚馬馳駿馬悲駿骨朽驚馬肥人才
難得而易失人主不可不知之

易水行

易水悲歌動天地荆卿入秦爲燕使秦王尊禮設九
賓殿見顧笑旁無人於期之頭奉上殿血光直射秦
王而取持督亢色倉皇咄哉年少秦舞陽圖窮不覺
見匕首秦王睨之環柱走荆卿不得刺秦王無且在
殿提藥囊爲謀不成實天意祖龍膽落荆卿死一死
可以報太子君不見沙丘之椎亦如此

寄酬孟端士春坊

美人遺書白玉堂謂我家住南海旁手弄白日攀扶

桑十年不一上帝鄉北斗天上司文章銀河緯繡成

嶺南五朝詩選

卷九

國朝
梁佩蘭

十一

七襄蛟人織綃貢衣裳天女豈得無流黃我思美人
騎鳳凰和鳴十二諸宮商直排閭闔升文昌羽衣金
節明月璫會集羣帝驂龍翔三十六天朝玉皇欲往
從之空茫茫蓬萊宮闕天中央何以置我青瑤房何
以佩我虎璽囊何以飲我沆瀣漿衡岳朱鳥雲低昂
誓振羽翼凌穹蒼

秋夜

聽蟲冥百念終不斷高吟孤嶼潮方起南溪月已深
寺鐘過水廟霜葉覆沙禽亦是人間夜能闌靜者心

訪陳夔石西洲留宿石岡書屋

高館分燈焰微風隔葉涼
泉飛百鳥聽橘熟一山香
歡會那能久勞生亦太忙
歸心不可極昨夜夢魚梁

同有百鳥泉

蒼梧雜詠

明霞冠高嶺閃出金銀峯
鳥道日邊掛瀑泉雲外春
儼然對都嶠卽欲騎茅龍
仙踪定可遇茯苓生古松

又

虞帝遺祠廟衡山秩祀年
翠華乘日馭朱鳥翼星躔

嶺南五朝詩選

卷九

國朝梁佩蘭

十二

韶石音何去蒼梧路渺然
無由撫靈瑟迢遞隔湘煙

寄離上人

離公老耆宿道骨如孤松
一別逾半載悠悠將孟冬
言尋白嶽瀑夢阻朱明鐘
今日涉江水襍褊鴈影重

舟發閭水至饒陽道中作

聞說潯陽口將軍近渡河
射潮排赤矢圍岸擁瑯戈
十萬皆蠻女眞珠載橐駝
何時江上客行路滿漁歌

祁陽山菴贈靜上人

住山受清氣道體得精強
敝屣行深蘚枯禪坐斷香

簇人崖蜜大粘竹石螢涼
誰與談峯頂寥寥空夕陽

除夜宿華林寺呈宗公

浮生真可惜又是一年終
草草風塵內沉沉夢寐中
凍雲飛不起殘月照全空
何意投方丈香爐火正紅

輓王說作

未哭歌先短窮交二十年
幾人泉下路似汝世間賢
讀易常思過求知只在天
那堪回首處流影入蒼煙

野望

晚曖夕陽岑稀疎櫛樹林
白雲迎遠日黃葉降秋心

嶺南五朝詩選

卷九

國朝梁佩蘭

十三

水氣漁人渡山烟鳥道沉
城南多戍婦入夜更聞砧

人日王蒲衣過訪

草堂人日好堵下木蘭開
酒熟邀鄰飲詩成喜客來
安貧元在道守拙爲無才
請看前溪水新流曲曲回

寄吳山帶

秋色佳在遠美人思共深
西軒坐中夜脉脉無知心
古鏡抱照水青鸞飛入琴
簾霞空一片相望阻來音

次京口

遙郭盡江水長虹跨不來
地形山勢截天塹海門開

白晝鼉鼉出中宵鼓角哀往時征戰處臨洮重徘徊

虎丘

闔閭無國土吳越有春秋霸業魚腸盡空山虎氣留
人來胥口岸雲匝寺前舟入夜聞僧磬梅花凍一樓

次揚州

一路淮南葉高低傍客飛蕪城新月上瓜步晚潮歸
江氣空如鏡秋心感在衣誰知連棹發歌吹竹西微

渡臨淮

江南將路盡江北此長征地入鍾離國山連下蔡城

嶺南五朝詩選

卷九

國朝
梁佩蘭

古

小舟先馬渡寒驛後人行漸覺無芳草春愁黯黯生

鳳陽

萬古塗山國淮淝此合流天成龍虎地人識帝王州
飛鴈虛銀海遺民記玉旒忍看陵墓上風雨折松楸

黃河

汨汨黃河水天來壯禹門混茫惟一線橫逆乃中原
撼日時聞響流雲不見根幸承升利涉會拜水神恩

韓庄早行

土店燈在壁出門心轉孤星光連馬眼水氣上人鬚

沙路紛難辨天河澹欲無直行三十里始覺樹飛鳥

嶧山

嶧山鄆縣裏半日落車中衆石鱗鱗影平疇習習風
人惟稱孔孟天盡入龜蒙一笑秦皇碣羣臣侈頌功

聊城

向夕聊城下沙雲捲日黃驛樓聞畫角野火見枯桑
風掣神鷹過鞭鳴匹馬忙有懷高士節東海竟茫茫

景州

青齊千里外直北更添衣風雪交河壯沙雲大陸飛

嶺南五朝詩選

卷九

國朝
梁佩蘭

古

路長防馬倦草淺念鷹饑進我黃羊炙居人射獵歸

雄縣

帶朔風多勁春來始漸柔雪消平野見冰破滿湖流
雉雥車聲簇魚鱗屋影浮隔城堤畔柳景色似南州

涿州

磧日蒼黃色烽烟古涿州八旗回大將萬馬出諸侯
禹服環中土堯京控上游抱書當未獻翻欲倚吳鉤

江行雜詠

長風天上起倏忽到青蘋萬里隨雙槳孤吟剩一身

江聲喧日夜秋色上衣巾蕩入蘆花去漁翁莫笑人

又

江水翻東暗城隅障北寒六朝人不識垂釣客空看
天氣占銅渾鐘聲得瓦官猶憐陰殿草衰颯到長干

寄羅山人仲牧

皤皤龍溪老結屋梅花林香雪一春事青山淳古心
琴停深竹露詩振靈泉音江夜芙蓉舸高天勞寄吟

送李蒼水北上

久入幽州客還家復送君不堪連夜雨相隔半城雲

對南五朝詩選

卷九 國朝 梁佩蘭

七

點案燈花見融江野雪聞知從天路去鸞鶴自爲羣

又

霜菊散金翹山梅蔽石橋罽裝馬首書卷束牛腰
近塞黃雲古侵沙白草驕不曾行路慣珍重佩瓊瑤

秋夜同諸公宿離公禪房

疎鐘初落殿高葉半飛林語默存中夜蕭條見此心
石池團竹露弦月抱秋衿靜者復何有一燈方丈深

冬日陳元孝諸子過宿六瑩堂分賦

此心非一夜客至得同堂水氣浮陰井梅花落破牀

凍吟聞雨歇孤燭影人長莫便遲清曉西城角滿霜

野寺

野寺蕭蕭立無鄰木四圍浮陽下平遠孤磬出因依
白鳥盤空過青蕪隔影微不知煙火路何事得僧歸

板橋

渺然流水遠影出住鄉心葭莢霜初下柴門跡共深
何人向喬木獨往立溪陰復去尋孤賞寒花白滿林

秋潭

古潭天上鏡嶽色漫相侵蒼雪空成水孤雲寂照心

對南五朝詩選

卷九 國朝 梁佩蘭

七

微來無可說碧極不知深記得窺圓月前秋直至今

釣艇

秋色落芙蓉蓴絲卷釣筒煙開星滿後湖長月明中
大地何其廣江湖正不空白鷗浮上下一意與人同

夕陽

高低禾黍路掩映漾微黃鳥影一邊見蟬聲衆葉藏
平蕪黯寒色野火明山岡羣動勞相息乾坤落大荒

古鏡

只如天上月今昔本同時秋水一何渺佳人方在茲

無言通物象觀化得吾師肯信鴻濛裏茫茫不可期

古劍

以我常時佩神光尚不開帝王乘運去天地贈人來
正極愁魍魅貧交薄貨財誰從共生死一日拭千迴

琴囊

離離蜀江錦裁作古琴囊大化歸無朕元音會至忘
儼然見虞舜恭已深垂裳不鼓南風曲人間已樂康

彈琴

瀑布一千丈前山流最深幽人坐高館正理山中琴

嶺南五朝詩選

卷九

國朝
梁佩蘭

大

春木發青葉妙香傳化心悠然思太古元氣結于今

寒燈

虛堂自有星疎壁裊孤青與雪垂堦地離人上紙屏
萬形歸寂照一氣迫深冥待了南華卷梅花白滿局

湘管

可憐千淚竹滴出二妃心當日南巡事湘山幾度陰
寸雲流不極野水自相深莫入黃陵廟題詩學楚吟

端硯

蒼然太古色高峽氣長留寶匣垂星彩山齋見水流

十年磨在手此意卽千秋送我文章老相攜賦遠遊

墨池

一碧涵天地波濤立欲飛幾翻靈雨濕何處黑雲歸
蜂抱花鬚過人窺鏡影微詩心墮空水脉脉寫江妃

葛帷

葛帷新似水越女剪春宵獨坐持刀尺華燈照小喬
蓋雲真有霧通月豈無潮欲借龍宮石爲卿夢裏消

春山

天地森無體青冥運此中太空交氣象古色疊鴻濛

嶺南五朝詩選

卷九

國朝
梁佩蘭

九

深翠流非一連雲渺不窮試從高處立衣帶滿和風

春帆

天遠乘流到雲高架日通滿江前夜水千里一朝風
鳥翼飛俱後蛟綃卷欲空浮湘今有作真與楚人同

閣夜

百尋孤閣郡城東簾捲前山一角風哀壑有光星在
底明河無影月臨空羣生靜息鴻濛裏秋氣森歸耳
目中不是夜深能獨醒海門誰見日初紅

自芙蓉移居三山復入平洲感賦

亂離無計存妻子一月移家住兩鄉歸燕亦知尋舊
壘飛蓬終欲轉何方身常善病憐春老心爲憂時識
夜長但得水邊茅屋穩此生甘作捕魚郎

早鴈

關河過盡少霜侵知爾高飛載好音一度別離猶昨
日四山紅白未成林人情大抵因時節客路如斯免
滯滯休說近來邊外事北軍俱有向南心

又

草堂初報遠人歸深夜欣欣起攬衣已笑燈花開磊
嶺南五朝詩選

卷九

國朝
梁佩蘭

三

落更憐老眼望依稀乾坤何處非行役霜雪分明有
殺機避地古來賢者事及時應得願無違

答王蒲衣匡廬見寄

石房終日自開扉太乙峯高客到稀山果熟時猿摘
巖雪鐘沉後鶴停飛閒窺石鏡心俱冷靜對梅花月
上微欲識故人滄海畔年年吟傍釣魚磯

燈

不知長夜爲誰孤猶向山中伴老夫幾樹雨聲千葉
落十年心跡一時無星臨野水涵秋鏡壁寫茅齋上

畫圖但得對君雙眼醒不妨寒色照來枯

春園夜集遲陶握山不至

林間相約不會違試盡東風白袷衣滄海樹低潮暗
上夕陽烟亂鳥斜歸酒當良會謀千盞月滿閒園迫
四圍知己豈能忘此夜年來心事對花稀

春日登粵王臺

獨尋春色上高臺宿霧重重黯不開草木尚遲風雨
後江山曾閱霸王來百年心跡人如此萬里陽和氣
欲回海水自飛雲自立世間寧少陸生才

嶺南五朝詩選

卷九

國朝
梁佩蘭

三

觀遲羅使者入貢

能於化外識尊親不憚波濤濺着身膝水魚龍忘颺
母指天南北託針神中朝禮自通甥舅外國稱原列
子臣方物只將金葉表聖王從不貴奇珍

銅石巖訪劉仙遺跡用壁間韻

仙山無故得相求國有芙蓉水有洲石扇閉來天沒
影洞雲飛出樹移秋人從蝙蝠尋遺代帝遣崑崙墜
此丘想戴三花騎鳳去不時長入玉霄遊

閒鴈

寄書曾不到重城翹首中天但一聲銀海路遙行斷
續玉樓人靜影分明當風月黑沉幽怨對壁燈紅感
旅情莫向長空亂嘹唳水田千頃荻花生

金陵

遶城江水白粼粼入殿青山出郭新龍虎地形還聚
氣帝王天命每關人當空落葉分恍影逆面秋風送
馬塵苦憶舊時詞賦客欲來題遍六朝春

姑蘇

八卦週城按地輿已辰門逗入風疎繁華未歇吳趨

嶺南五朝詩選

卷九

國朝
梁佩蘭

三

里反覆終歸越絕書早露樹開占屋烏夜燈船汝上
潮魚舊時王霸無人講狶巷雞陂不似初

又

此地誰知舊館宮吳王當日醉春風三千死士散江
上一箇美人同鏡中秋寺竹聲通晚磬斷橋山色隔
長虹到來感慨事何限縹緲夕陽湖水東

楚中

黃陵廟口歌竹枝歌者女兒能楚詞似負細腰誇絕
代不知長恨寄將誰湘江半夜通三峽巫雨崇朝對

九疑欲記高唐夢中事碧城無語但相思

咸陽

中條西盡九邊分一面關雄百萬軍寶劍竝人磨黑
水角弓終日射黃雲山空鳥鼠飛無次川亂魚龍出
城羣信是帝王州壯麗秦皇墳對漢皇墳

燕中

易水擬歌歌不成荆軻去後少人聽身捐太子心全
腐手劫秦王血尚腥朔雪布來河路黑邊沙飛入馬
毛青平生白草黃雲意學插雕弓倚鴈翎

嶺南五朝詩選

卷九

國朝
梁佩蘭

三

沛中

黃河西出南徐路馬首經過識沛中一代帝王還故
里幾家雞犬入新豐天垂芒碭雲疑在山擁彭城氣
已空湯沐昔時諸父老相逢誰爲述歌風

雒陽

東都遺蹟與誰尋雒下詞人自古今中嶽氣生朝日
濕黃河聲應夜鐘深平時玉几升龍卷幾度瑤笙降
鶴音無限興亡無可說一春閒對牡丹吟

蜀中

每到春來看海棠隔春猶憶過瞿塘眼新始見巴江水身舊仍衣楚澤裳陰洞毒雲龍蛻骨遠山生草蘚行香東風吹醒今朝夢大禹祠南是漢王

鄮中

漳河流水漫無聲銅雀空留昔日名幾片瓦尋文士蹟一邊鴉點夕陽城英雄不護生前短歌舞難忘死後情試望西陵松柏裏夜來孤月爲誰明

隋宮

四邊歌吹古揚州萬樹垂楊不繫愁寂寞河山遺玉

嶺南五朝詩選

卷九

國朝梁佩蘭

五

壘繁華天地在迷樓清江鏡洗長年水廢苑螢乾昨夜秋無數女郎能結束昔時天子甚風流

吳中雜詠

引河新水入湖遙菱葉菰童一尺湖樹裏見人藏酒幔鏡中移屋上鮫綃香風暗度黃鸝巷畫櫂輕過白馬橋試倚半塘聞一曲城樓霜落冷笳簫

留別余大司農陸翼生王水修魏禹平諸同

學次司農送行韻

雕盤綺食炙銀羊縱飲都忘滿地雷官燭坐銷宮漏

永尚書情爲野人長江南江北連天路黃葉黃花送客裝他日府中賓從過芙蓉溪上有漁郎

粵曲

春風試上越王臺錦繡山河四面開今古興亡猶在眼大江潮去復潮來

出京口號寄程周量

珂馬丁當入禁廬出京人駕小牛車不因痛哭空陳策那得窮愁更著書

送人

嶺南五朝詩選

卷九

國朝梁佩蘭

五

山青去鳥頻晚烟朝雨卻愁人舊時南武宮前樹開作棠梨別樣春

偶題

芙蓉溪內水三丫揀棘編籬自一家富貴眼前人不識滿園開遍佛桑花

吳中雜詠

如此江山足霸圖闔閭何事竟亡吳太湖三萬六千頃輸與謀臣范大夫

又

白紵冰衫試舞新吳宮猶憶苧蘿春從今莫拜要離塚當日功成屬美人

屈騶

字友石番禺人領鄉薦授國子監學錄有耕雲堂集行世

月夜觀潮

雨過潮初長雲開月正新
灞橋詩思遠漁舸笛聲頻
沙氣消新暑波光盪素旻
海天遙一望銀漢若爲鄰

落花

櫻櫻紅夾岸瞥眼化塵灰
劉阮空歸去漁郎不再來

嶺南五朝詩選

卷九

國朝

屈騶

廣平寧有賦東閣待誰開
愁聽柯亭笛聲怨落梅

秋興

越王臺上暮雲空雁翅城邊度塞鴻
到處樓臺歌散後幾家砧杵月明中
浮生幾擬同焦鹿底事還應付塞翁
猶有柴桑陶處士年年詩酒對花叢

遊仙

乘風捲霧集瑤池十二樓臺燕會時
太一從中登玉籍羣仙環擁上金卮
香厨獻饌皆雲母紫府行歌盡雪兒
朝罷龍龜散瑞烟繚繞拂瓊枝

又

盈盈弱水接青霞問渡因乘貫月槎
園苑有鸞皆五色女牆無樹不三花
鳴雞帶月棲紅樹吠犬和雲卧碧紗
桃實滿山纔要采前溪流出是胡麻

薛起蛟

字炎洲劍公弟明經與重建鎮海樓改建新貢院及開河題名諸記序著有木木山房諸書行世

感懷

落葉下空堦嚴霜淒淒不已朔風復多厲繁枝餘有幾

嶺南五朝詩選

卷九

國朝

薛起蛟

憂心欲行國不策亦以起臨谷有苦心荒途懷高趾
歲晏知松柏道窮見君子時至百物遷願言護蘭芷

又

大海衆星爛仰視天漢高夜深披涼風蕭蕭生波濤
日月有明晦逝者何滔滔人壽會幾何百年若鴻毛
一朝委黃土但見蓬與蒿蓬蒿蔽白日猿狖哀且號
金仙不早遇觀化等螻蟻傷哉古時人石槨終徒勞

江上七夕

星影浮初月長林報早秋江干逢七夕蓬底望牽牛

鐘斷夜潮落星迴河漢流停針有思婦離恨結芳洲

村居秋日漫興書事 庚申

杖疏不覺飽散步過前山古木自蕭颯荒途獨往還
眺霞窺遠想披爽濯秋顏更聽樵童說逾溪看白鵲
冬至前三夕集潘廣文亞目齋中夜酌分賦
燭影照寒色虛堂集旅情故人共樽酒意氣爲君傾
月暗浮雲重風淒短褐輕陽回應計日流盼待春明

送客還四明

少微見三萼之子動歸騶春事方無賴離心自不堪

嶺南五朝詩選 國朝 薛起蛟

天

草萋千里綠樹繞幾重藍間說明山晚繁花似嶺南

送陳匪山游瀧西訪張明府

離菊似黃金西行嗣好音才人當茂宰高詠和鳴琴
瀧淺鷺晴浴霞窺城畫陰送君秋色裏楓葉滿前林

寄示朋蒲兩兒及諸姪

閉戶違初志僂驅感客心登樓曾屢賦擇木託空吟
雨雪蒙戎久風塵歲月深讀書期汝輩乘暇競分陰

暮春羊城社集得回字 甲午

晴江盡裏鬱洲臺白社招尋澹望回香入花田春結

襖烟橫珠浦晚銜杯東南盡美新賓主吳越長謠舊
草萊千里春心時極目詞臣未賦已堪哀

將歸道祈間止重興精舍贈慈航上人

倦游吳會三年客借讀禪房七日書投足自疑身是
鳥隨堂不記食無魚松聲夜入頻聽雨山氣朝來乍
染裾漸老愛閒謀隱地感師連爲說匡廬

閩越歸途

輕裝短策寄行踪千水千山照旅客草並羈愁隨雨
長酒和歸興入春濃黑潭螭戲楊朝浪青嶂嵐生失

嶺南五朝詩選 國朝 薛起蛟

元

暮峰悵惱長途笑離索山桃處處着枝紅

送眉最舍姪落第歸大良

久拋青桂與心違南阮多才又罷歸五色已迷荆國
玉六銖不換彩雲衣草萋別岸迴舟駛槐綠書庭到
客稀大器晚成行勉矣霧濃玄豹在巖扉

贈瞿國士 一別念年相遇兩載
撫今追昔慨然興懷

倦遊客似馬卿貧湖上逢君是故人霜鬢驚心知別
久旅途握手見情親洞簫吹月臨秋夜短燭看花隔
歲春離亂數經誰健在共論身世倍酸辛

九日登鎮海樓

樓因山勢極層空海嶽全收一覽中落帽易矜狂士
態披襟聊御大王風衣冠氣盛開南國禾黍秋深掩
越宮呼吸此間通帝座欲將興廢問蒼穹

衛淇

字萊園東莞人官僉
事有自携稿未刻

金繩菴訪遠上人不值

水鑑銜金剎青蓮擁法臺一亭蒼樹合四面綺窓開
倦鳥巢將定高僧乞未回欲歸行且止明月滿江隈

嶺南五朝詩選

卷九

國朝
衛淇

三

同吳康侯廖磨之劉月子汎舟東湖兼訪契

如破浪用微三長老

沿流多妙賞有約復相尋小艇菴前泊疎欄月下凭
白分湖一片翠積樹千層話轉蓮花漏涼生興倍增

同西寧明府李翥九遊龍華菴

此寺何年建尋幽並轡來三春時雨足一路野花開
山果猗童獻詩箋侍者裁覽遊方紀勝啼鳥漫相催

登古崧臺

十二雕欄赤石梯層樓一望似虹霓蘆花半覆垂綸

艇楊柳輕籠近水堤峽轉羚羊趨海澗山通石燕匪
雲低女牆日暮旌旗色白露風高老馬嘶

同銓邵尹瀾柱中秘王東村孝廉梁藥亭遊

蒲澗濂泉寺分得泉字

竹杖藍輿過野田白雲秋色滿城邊峰開一壑藏孤
寺石帶寒苔出冷泉晚稻花齊低壓路古松枝密淡
籠烟佳山不是攢眉處敢道能參惠遠禪

濂泉寺得蒲字

古寺摧隤作一區石橋流水一僧孤殘燈帶燼時明

嶺南五朝詩選

卷九

國朝
衛淇

三

滅細路穿林乍有無竹隔短牆遙透笋鳥巢空殿近
將雛日斜山僻緣誰到擬覓安期九節蒲

重遊水月禪院

巖邊梵宇曾遊處十載相違白髮生花鳥已非前度
約山溪猶是故人情逢幽欲寫烟霞景得句重書草
野名疎磬出林千嶂夕一天明月滿端城

西竺菴尋朽木上人不遇

流水橫橋入竹林試泉亭上日陰陰老僧乞食去何
處孤客扶筇來自吟石磴綠肥春蘚合香臺紅濕暮

雲深抱琴獨坐增惆悵此度無人能解音

劉世重

字仰山香山人領康熙甲子鄉薦有振綺堂詩集行世

寓懷

龍門百尺桐上有鸞至止豫章合抱木實充樑棟
黃金臺焉存延英閣已矣范睢竄秦庭伍員乞吳市
古來識時傑懷寶良有以千金求舞姬五斗縻君子
此意分厚薄何由激賢士去去摩霄鵬扶搖九萬里

又

嶺南五朝詩選

卷九

國朝劉世重

圭

嬌鶯鳴柳條鮮花百樹芳少年游俠子結客上河梁
金鞭掣紫駟玉劍抽素霜高引瑤池液倒持明月觴
醉携劇孟歸暮與侯嬴將千金不一顧意氣凌八荒
嗤彼鄒魯儒白首事文章抱膝窮廬下老死名不揚
不見揚執戟投閣良可傷

嘯廬春思

市橋通白石望不斷青洲瘴海間歸鴈邊田見放牛
驅龍終抱窟鴻鵠會橫秋杖畫燈明裏寒生雨一樓

送毛漢翼入楚

南楚干戈地壯哉君此遊弓形彎漢月舟勢破湘流

屈子今何在賈生不可求遙知懷古日憑弔起鄉愁

過梁愚圃齋頭誦吳山帶新詩有作

故人有詩興短榻下吟翁得友金荊子新裁出畫筒
雪花爭遶幕天馬會行空碎却胡琴響鏗然太古桐
南還與陳謬子話舊有感

翻笑天南客依依共北征薊門君八上燕市我重行
江舸燈殘夜春泥馬首情何當還鍛羽歸思總如水

陪馬將軍遊香林寺

嶺南五朝詩選

卷九

國朝劉世重

圭

將軍連騎出高牙野服行秋犯日華十里寒原通古
寺四圍山色抱人家吟移竹簾橫深樹坐愛松風送
晚花不是羊公能緩帶勝遊多恐負烟霞

舟入羊城擬訪梁藥亭太史

海角陰垂欲雪天敝裘還放五羊船櫓聲驚出柴門
犬帆影斜侵島樹烟南浦待尋嚴叟釣東山猶遣謝
公眠停橈便問清華侶吟斷奚囊白玉篇

上巳日余殿綸何也晏自博野至都門客舍

作

遊客頻年滯北河他鄉相遇喜同過才華不數唐書
記觴詠還追晉永和屋角古松吟細雨墻頭纖月挂
新羅故人把酒談歸計盡醉燈前幾嘯歌

鄴中懷古

征鞭遙指鄴城初太息中原百戰餘詞賦空成曹父
子山河終裂漢車書生前疑塚機偏巧死後高臺望
竟虛一自水邊浮石馬奸雄心事枉躊躇

蜀中懷古

萬里橋西客思闌海棠花發麝香殘天留八陣歸夔
嶺南五朝詩選卷九國朝劉世重 三

府地盡三巴入永安出峽野廩如市聚窺岷係獨似
人看劔南自古葭萌道愁坐吟餘倚錦官

咸陽懷古

太華城臨渭水淡黃雲寶鼎散汾陰昆池明月無魚
夢熊館長楊有鳥吟人去馬陂猶白粉柳還灞岸尚
黃金峭函謾道重關險幾許興亡直至今

金陵懷古

長江風起浪彌天南北中分嘆往年幕府才名餘曉
霧鍾山王氣有春烟梅花盡落簷頭雨桃葉還招渡

口船六代繁華何處問絳蠟明月浦西蓮

羅謙

字仲牧番禺人善琴爲龍溪高士有蔗餘稿未刻

中秋後一夕同諸子登梁覺菴邀月臺分賦
皓月當秋滿涼風次第來好宵成去夕幽興復登臺
兔影山河合蟾光宇宙開流連同不寐詩思在餘杯
清明同黃俊升北山省先人墓

清明多雨色出郭半晴陰芳草停朝露青烟出遠林

明踪憐此日祖墓喜同岑野興忘歸路悠然空谷音

嶺南五朝詩選卷九國朝羅謙 三

次答郝瑗卿

別久勞相慰書來亦甚勤衰殘多愧我強健少如君
一水盈衣帶千峰隔霧雲淇園高詠處風雨惜離羣

十五夜月坐有懷

坐久寒難敵中天月正圓蟾蜍光有影海國靜無烟
良會思今夕高吟憶去年徘徊何處望撫景獨潸然

送春

九十春光事已違今朝贏得送春歸芳情未遣空搔
首陰雨難晴靜掩扉寥落蝶魂歸客夢依稀花影在

人衣紅愁綠怨鶯啼切惆悵臨風上翠微

送方水李廣文之任臨高

把杯惆悵別江津去路迢迢過鴈頻千里波濤雲影斷一船詩卷月華新香沉水土多奇產官冷衙齋少故人莫訝海濱形勝別滿溪桃李可娛君

秋蟲

寒砧聲斷露華清砌草蕭蕭汝獨鳴無那青燈搖悵冷可堪翠羽對參橫錦箋欲寫悲秋賦霜葉猶憐怨女情莫向離懷啼更切西風如剪易愁生

嶺南五朝詩選

卷九

國朝

美

秋日禪山訪堞菴和尚

野舸乘潮一問津秋山秋水更宜人閒來重約三千日閑去浮生八十春支遁定中鐘磬寂維摩行處雨花新相憐往事難追憶正好優悠了此身

重陽前三日集怡園

招携不用柬相催况復園林向市開怪石堆山成岑嶽疎窓傍水接樓臺黃花欲刺淵明眼白社偏多子建才爲憶觀魚濠上日至今吾意重徘徊

劉祖啓

字顯之東莞人明經設帳義學及門數百人著有留樸堂集四書存侯行世

斫棘謠

斫棘斫棘却被棘刺拔刺拔刺仍用爾棘君子及經小人得力

課耕

早出星載塗遲歸月當戶終年課耕耨不復見勞苦昨夜聽啼鳩今朝逢穀雨春風爭一時莫倚田間語

偶然作

孟秋日餘暑三五治畦還息肩大樹下高枕白石眠

嶺南五朝詩選

卷九

國朝

美

于于夢方醒矯首視蒼天雨雷生草昧變怪有雲烟玄黃日已雜誰尋萬象先我有太古意近在隴畝邊欲飲自鑿井欲食自耕田非臯亦非許含哺以窮年

讀史

延旒體乾遂衷服法坤黃聖人御六合千古垂衣裳周穆喜遠狩八駿窮遐荒沉璧與射蛟相顧爭皇皇豈意舜二妃鼓瑟洞庭旁鼓罷三歎息蒼梧雲正長

又

選超以待飛選角以待觸策驥千里途胡乃縛其足

中堂繫鴈鳩挾藩思盜粟亡羊無是非豢羊有反覆
悲哉孔距心而暇求芻牧

又

上治不貴營穆穆以爲神有虞執玄德達聰千古聞
非無庶頑讒總入南風薰帝自彈絲絃八伯奏卿雲
羣工胥拜手阜成擊壤民嗚呼中天後此樂誰具陳

又

秦末患土崩周末患瓦解恩義一乖離四海不足大
所以萬乘君衣袂有必戒種草貴護荻種花貴護蒂

嶺南五朝詩選

卷九

國朝
劉祖啓

美

郁郁芳與鮮洵美皆其外何以萃人羣大牲吉乃在

置酒呈柱崙二兄

置酒臨高閣抗懷當何如身居三代後而遠談黃虞
古道豈不貴毋乃違其時深言雖由衷淳樸恐已非
不見子太叔見幾常苦遲

江上雜詠

江上人家半漁父夜夜打魚出江浦天明網得魚來
歸大小紅鱗十萬數小魚旣死頭如針大魚垂首負
傷深怪底倔強有雙鯉奮鬚尚欲凌江潯勸君揮刀

且莫急恐使美人中夜泣

同憲生月子夜泛

相賞在良宵相過不待招水邊斜出月雲外遠吹簫
小舫移江樹輕風引暮潮浩歌酬此夕携手詠逍遙
入嘉禾

橋李城何處江行繞郭邊今朝傳越酒幾日汎吳船
秋水平於鏡溪雲淡似烟采菱聽唱罷客興亦飄然

吳江道中

朝辭虎丘去道出太湖傍比屋皆臨水平田半種桑

嶺南五朝詩選

卷九

國朝
劉祖啓

美

秋聲生落木雨色隱斜陽向晚吳歌起中流意渺茫

齊尚書祠

不削燕亦起公無辭失謀四年慚寄命一死又安酬
祠廟孤兒在星霜衆鬼愁門前川水咽疑是血俱流

寄李金城

蘭州萬里駐仙旌地入西羌古塞城清渭源頭霜月
白黃河磧上暮雲平十年邊郡安鴻少九月關山寒
杆鳴天子按圖思隴吏定因春雨課農耕

望匡山

清秋斜日望南溟極目厓山一點青
漠北久無元社稷海中猶記宋朝
廷烟雲不辨行宮樹風雨還沉午夜
星元帥鐫功聞有石行人曾否讀碑
銘

村居寫懷

方塘門掩碧琅玕返照斜侵細雨寒
地僻只聞啼鳥到晝長何處借書看
盤盛新果緣耕圃饌出鮮鱗賴釣竿
亂後生涯須一醉秋風依舊足盤桓

京口

金陵左輔重朱方萬歲樓前引望長
風起海門潮似

嶺南五朝詩選

卷九

國朝劉祖啓歐陽雋

聖

馬秋生城闕月如霜參軍北府人何
在作鎮南徐蹟已荒浪說江淮天險
濶古今曾不限維揚

歐陽雋

字偉人番禺人布
梅花亭集未刻

秋園

地僻閉重門身閒覺自尊野雲垂屋
角幽況在秋園果熟來饑鳥山深聞
老猿美人一何渺西望隔烟村

過友人山居偶成

山居逢此夜幽况每怡情野徑人行
少高松鶴夢清

窓虛留月影竹密聚風聲自得豪吟
興題詩直到明

送某人覲便道省母

金臺珠海路漫漫皇事馳驅在馬鞍
桐葉正飛梅嶺度桃花將放禁城看
還家綵服偏宜舞入覲天顏必定歡
此後聲名知更藉莫辭春酒醉長安

無題

寂寥長日倚高樓四望蕭蕭易愴愁
出水亂荷將卸綠隔橋衰柳盡成秋
虹垂海角朝難散笳吹城頭夜不休
西望美人何處所幾回先理木蘭舟

嶺南五朝詩選

卷九

國朝歐陽雋廖燕

聖

又

關河隔絕路西東入夜閒堂思不窮
雙眼淚存惟濯劍十年音斷未歸鴻
芭蕉滴雨來心上蟋蟀吟霜起砌中
當此寂寥愁不寐預知蓬髮白秋風

廖燕

字柴舟曲江人茂才著有
一十七松堂詩集文集行世

觀音巖

絕壑橫流處巒穿古剎懸片帆連鶴
影孤磬墜江烟日月分斜照魚龍繞
夜禪平生幽壑癖來此泊漁船

韻軒落成喜賦

不敢厭勞瘁經營始庶幾圖書猶潦草琴鶴已光輝
遠景看多變幽芳逼四圍新栽竹缺處留待啓柴扉

鴛鴦

結侶秋江上終能相傍飛宿花香夢遠逐浪錦衣肥
思積年年鳥情深夜夜磯初心永不負生死肯同歸

春日集丹霞古寺同諸子送天然和尚歸廬

山

丹霞久住露玄機又背蒲團下翠微一榻坐穿塵外

嶺南五朝詩選

卷九

國朝

廖燕趙球

聖

去千峰行盡雪中歸路經橫浦同鷗宿身入廬山看

瀑飛此去春風吹正好勝蘇新長蕨芽肥

秋杪江上同諸子送李湖長還會稽分得宜

字

連天衰草隔江湄立馬西風酒一卮破麓幾年藏稿

穩輕裝千里載雲宜家先雁到秋爲路花待人開月

滿籬知近阮王杯硯地畫圖深處好裁詩

趙球

字襄侯順
德人明經

泊小孤山

薄暮孤舟泊名山是小孤當流只一點浩氣壓平湖
浪白羣魚戲江沉片影無空中見樓閣筆墨不能圖

金山寺

凡物畏孤立惟山不厭奇中流成浩淼四壁映漣漪
樹色去人遠鐘聲隔浦遲紅塵飛不到宸翰灑山嵎

門有御書江
天一覽四大字

晚舟

客程歸已暝纖月上長空人坐湖聲裏舟行寒露中

嶺南五朝詩選

卷九

國朝

趙球

聖

衣光波冉冉山影夜重重何以酬茲夕高吟與數公

金陵晚泊

陸沉猶是古神州風雨淒其亦壯遊一代君臣如傳

舍百年臺殿似墟丘艸翻鍾嶺雲同暗雨過長江水

併流行客不知春已暮獨澆杯酒醉城頭

宿友人池館

山堂今又得高眠屈指交游越廿年松樹問來堪作

棟竹雛看去已凌烟魚吹夜沫塘千頃鶴唳高枝月

一天自是愛君行樂好會心何止在林泉

荷錢

曲沼新栽數葉蓮綠圓如鏡小如錢制非園府三官
法鑄似陽春二月天入世豈能充國計可人曾不上
腰纏會須採作碧筒飲十丈花開醉客邊

衛文英

字傑元番禹人中書
有青紫山房集行世

山井和西寧張明府

羣峯高不極尺井自涵空樹色青泉底天光碧鏡中
栽花潘岳共酌水隱之同笑對松亭下襟懷受好風

嶺南五朝詩選

卷九

國朝
衛文英

五

過潯陽江聞隔舟美人彈琵琶

湓江一葦渡隔舫四絃鳴誰抱明妃恨重彈出塞聲
青衫豈無淚紅粉最多情往事傷淪落千秋空月明

燕臺

一望風塵想勝遊居庸關外薊門秋金捐碣石成陳
事輦駐金臺只故丘督亢圖窮亭尚在悲歌人去水
空流西山歷歷千巖霽雲物蕭條動客愁

咸陽

一面關門控夕陽峭函自可固金湯政除苛法三章

在火化圖書二世亡明月至今過渭水野花仍舊發
阿房灞陵芳草騎羸馬傍柳垂鞭情自傷

穗城觀紅牡丹

天上初傳第一花錦幃高捲是誰家鄂君繡被蒙朝
露姑射荷衣帶晚霞珠海漸看新富貴洛陽誰羨昔
繁華他年期爾功成後綠野堂階護絳紗

飛來寺

何年梵宇駐高峰玳瑁簷開紫翠重寺別舒州靈境
在猿啼古洞亂雲封高僧靜洗空山鉢過客遙聞異

嶺南五朝詩選

卷九

國朝
衛文英

五

代鐘正好駐帆同縱步低徊中宿漫持筇

秋晴寄梁眉夏

芭蕉葉底雨初晴喚侶閒鳩屋上鳴隔水青山呈遠
黛繞籬朱槿弄疎英蟬吟露日來蕭寺鴈度寒雲過
郢城正擬登臨共遊覽臥聞滄海已消兵

山居

一椽茅屋枕山阿南圃香風送芰荷竹密漸看行客
少窓虛留得夕陽多花間棋響頻驚鶴葉底書成不
換鶯翠掩柴門無俗事閒雲野衲日來過

莫高

字母下南
海人茂才

秋晨

寂寂聽更盡蕭森嘆夜長庭梧留月影籬菊送風香
蚤息知天曙鳥飛悅早涼高歌當北牖爽氣滿繩牀

秋夜

四聽長寂寂遇物獨生悲月去山窓靜蛩吟竹逕移
難成孤客夢偏起故鄉思一室千憂滿幽人只自知

泊小塘

嶺南五朝詩選

卷九

國朝

莫高麥三白

哭

水漲苔磯繞樹流輕舸重泊小塘洲板橋路去通沙
市茅屋烟生接蜃樓舟久暗思尋野步花深猶記出
江頭篙師伐鼓催行急惜有閒情未盡遊

詠鏡

囊開蜀錦色離離形影臨軒不自持數字傳來疑漢
物百花鏤就似秦時心同冰雪誰能識髮老風霜爾
漸知自昔照人還記否每從相對不勝思

麥三白

字仲素
新會人

菊社

叢菊開三徑詞人共一堂花間能永日籬下不知霜
影帶詩情瘦寒通酒味香更誰將彩筆傳出此秋光

登梁覺菴邀月臺

何知人境內幽賞足茲臺萬戶寒烟匝層城秋色開
有懷時遠望相對却遲迴夜月無窮意清輝照舉杯

靈洲寺同黃俊升釋敏言分賦

人在靈洲夜山孤得景寬潮從四面聽月足一宵看
密樹留風久虛堂逼水寒雞鳴遍下界猶共倚欄干

嶺南五朝詩選

卷九

國朝

麥三白衛孕光

哭

登花縣百丈山頂

百丈名山路漸通看花載酒共扶筇捫蘿覓向翠微
磴選石眠依偃蓋松野樹漸寒秋色近邑人新聚晚
烟濃幸逢四海爲家日到處容登最上峰

衛孕光

字暉仲番
禹人明經

寄立組姪孫惠州署中

動作經年別高齋近若何春風吹不盡衰髮白逾多
每憶無書寄相期有夢過敝裘子典盡前路竟蹉跎

虞美人

曾向深宮鬪麗華楚歌一唱便無家香魂不逐烏江去每到春來便作花

黎紹芳

字傳人歸善人領康熙庚子鄉薦

舟夜寄懷王東村

好友悔將容易別孤懷惆悵到而今月明高閣不同醉潮落空江只獨吟碧漢望窮雲氣入葛衫坐冷露華侵人間去住原無定隔岸棲鳥起暮林

嶺南五朝詩選

卷九

國朝黎紹芳黎綸芳 哭

梅花

日向閒庭遠俗塵繁香滿樹玉璘璘倒橫枝去將侵水斜入簷來欲語人聲色不留渾太古見聞俱靜占芳春對君冰雪盈懷抱翻笑羅浮夢未真

黎綸芳

字西齋歸善人羅定司鐸

禪山雜詠

三月禪山住幽棲頗稱情俗醇容樸畧地僻少逢迎閉戶常過日逢人懶說名此身原似葉飄泊自縱橫

旅中偶成

滿徑黃花想故園可堪閒坐又黃昏案頭野史從消日天上寒風又到門薄酒引愁辭短夢密雲遮雁過孤村浮生我亦長爲客不待秋來已斷魂

弔淮陰侯

王業曾爲定假真登壇一笑已亡身窮追項羽原非義依附蕭何早失人呂后豈能專國柄漢高寧肯殺功臣淮陰近有誰憑弔木落西風轉愴神

衛雋升

嶺南五朝詩選

卷九

國朝衛雋升梁居仁 哭

重過胥江有懷

好花迎遠客之子去何之楚女雲爲佩潘郎鬢欲絲月懸江淼淼湍急棹遲遲千載曹王賦飄然寄所思

冬日喜友人過訪

六花飛舞遍山河喜得詞人踏雪過疎懶久揀同木石笑談忽喜對烟蘿青細世業姻盟舊白首交情感慨多羨爾庭槐今正茂占星行見樂如何

梁居仁

字元賓新
會人茂才

閱丹霞圖有懷澹歸禪師

丹霞久矣傳幽勝今日圖中得偶逢雙足未登鐵索
磴此心先到海螺峰依稀空谷啼晴鳥恍惚疎林過
暮鐘遙憶拈花人去後空留白石與青松丹霞在韶
州峰頂澹
歸大師繪圖以傳於世上有海螺峰高出雲表由鐵
索磴百尋而上下瞰長老歸雲諸峰極丹霞勝景也

黎 玫

字玫仲番禺人茂
才有榕村草未刻

初夏村居

嶺南五朝詩選

卷九 國朝
黎玫

辛

山色當窓翠溪雲滿壁陰黃過梅子雨紅入荔枝林
旅況存孤劍幽懷託素琴晚涼成短詠不及早蟬吟

送塵大師入羅浮

却擬棲心四百峰名山開法繼南宗一枝筇竹雲中
路半嶺梅花月下鐘勝跡好尋瑤石艸高吟應倚鐵
橋松他時我欲尋師去深入朱明洞幾重

午日遊東浦有感

昔年烟浦共維舟人已乘雲赴玉樓綵縷虛傳能續
命錦帆重挂獨生愁綠荷香裏聽新曲紅樹尊前感

舊遊日落琵琶洲上望渚禽啼遍水東流

郭 畝

字南耕南海人茂才
著有棲霞山艸行世

病柳

深自愧臨流容顏正及秋魂從攀折斷情逐遠離愁
有影悲羌笛無心上翠樓可憐隋苑月猶自照梢頭

紙屏

門開當一面直立見廉隅秋月照成片天風吹到無
閒從仙鶴倚倦借美人扶珍重永清意邊鸞不忍圖

嶺南五朝詩選

卷九 國朝
郭畝

壬

古瓶花

煉石成佳質商彝共一朝花經陶令手波注伍胥潮
邀蝶歸深屋凝香度淺宵一番浮俗意多半向君消

白雲古寺

知在華陽第幾重泰霞西去水濂東低排密樹全堆
錦高架危橋待飲虹寺前
橋名泉透九龍飛似箭磴盤千
仞曲如弓行行薄暮高峰下山寺層層紫霧籠

寄陳明鏡先生

時任
白雲

野情常自隱蓬蒿數住深山豈厭勞陡覺眼同浮俗

別不知身與白雲高星沉岡側光成火風到松梢響
作濤遙憶人居水曲幾時一杖入林臯

王宋臣外甥招同姚遜躬西湖舫中分賦

樓船日日鬪笙歌短櫂微風動綠荷人坐鏡中憐客
久山從天半惹烟多鶯啼變盡平隄柳魚戲吹殘曲
沼波幾度乘槎看未了短筇還欲扣雲蘿

梁園雪

字月友順德人肇慶廣文

秋日同陳小廬孝廉登端峽

嶺南五朝詩選卷九國朝梁園雪歐茂 三

藤嶮竹杖訪仙蹤共上雲間第幾重曲磴數層穿怪
石層巖千丈挂疎松秋光倒浸澄湖水夜氣寒飄古
寺鐘正擬揮毫題絕壁一聲孤鶴唳前峰

歐茂

字芳上順德人

中秋後二夜宿黃俊升見堂次韻

過君高隱處幽況卽山林每醉花間酒長懷世外心
月寒前夜色蟲響半秋音相對無窮興清風和細吟

答鄧璵客

歸逢殘臘重徘徊猶憶青山去復來醉策短筇尋故
友吟隨寒月上高臺黃垂池畔經霜橘白到溪邊帶
雪梅一望西城應有路數行鴻雁渡江隈

招朝佐

字蒲洲南海人國學

送友入青蘿

還將明月夜送子入青蘿勝地曾遊處美人今又過
明霞生曉色黃葉落秋波想到中峰頂憑誰共笑歌

翟蒙孔

嶺南五朝詩選卷九國朝招朝佐翟蒙孔 三

字五吉東莞人領庚子鄉薦授廣文轉縣尹

登天門山

不履天門道誰知北地分往來湖上月聚散嶺頭雲
花木吳江氣風塵燕路人山春何處所隨步問蒼旻

黎聖濟

字仲山順德人

登梁覺菴邀月臺同羅仲牧黃俊升諸子賦

散誕高樓上寒烟四面開人家秋色裏砧杵夜聲催
望氣知星聚瞻光識月來關山何處盡幽賞正徘徊

黎延祖

字方回遂球子明經番
出人著有承圖草未刻

南園故址并序

南園爲國初趙御史介孫典籍黃王給事
佐李長史德黃待制哲五先生結社地後
爲崇奉宋丞相文天祥陸秀夫越國公張
世修三大忠祠崇禎戊寅御史介龜葛公
重修先忠愍與陳文忠暨諸名人逸士倡
和於此繼五先生風雅焉變遷而後祀典
仍存撫今追昔不禁有感乎五先生之流
風餘韻三大忠之日月光輝陳文忠與先
忠愍之文章節烈皆不愧乎天地其庶
幾有起而繼之者乎因賦之以誌其慨

古祠仍舊在東隅一讀殘碑却起予五典舊聞從舜

嶺南五朝詩選

卷九

國朝
黎延祖

蕭

代三仁終古見殷墟魚鬚學士悲埋骨馬革忠魂痛
絕裾空有行人知往事暮雲芳艸共踟躕

鎮海樓

東南遙望霸圖休獨上危樓見九州仙樹影斜啼鳥
散漢臺人去落花秋半簾日月依天轉萬里波濤繞
郭流酒後有誰乘興至浮雲高湧出城頭

尋春詞

日日尋春不覺春初來江燕自親人舊巢何處不飛
去莫是空梁已落塵

鄧運生

字容菴南海人茂
才有邑遊草未刻

相思洲晚泊

日暮滄洲上停橈傍淺沙鳥聲過碧落螢照亂葭葭
島暗疑藏雨雲蒸欲變霞相思今夕夢應不到天涯

德慶夜泊

江月澄如練推窓散旅愁輕風來遠樹逆浪湧孤舟
漂泊非吾土經過記壯遊鄉關今在目何用悵淹留

望月懷遠

嶺南五朝詩選

卷九

國朝
鄧運生

蕭

夜色淒如此蟲聲亦可憐池平初睡鴨風細欲吹蓮
醉飲爲今夕幽懷憶去年一從林外別孤月幾回圓
冬日待試穗城

流滯江城已再旬深冬猶是未歸人才疎敢擬相如
賦金盡誰憐季子貧律轉陰霾知漸解陽回泰道喜
方新佗城不盡梅花放似向東皇報早春

丁巳除夕遣懷

逝水年光不暫停漸看雙鬢欲星星生涯自顧無長
策世業遙傳尚一經困跡此時同鮒涸翻飛何日羨

鴻冥酒酣驀記兒童事愁盡寒燈徹夜明

謁伏波將軍祠

誰鑿蠻灘粵道開將軍功業勝雲臺濤聲似聽千軍
動山勢遙看萬壑迴地僻歲時留俎豆春深庭院繡
梅苔經過偶謁遺祠下不盡松風日暮來

望興陵

桂王葬此

荒山寂寞掩玄宮行客空存想像中不見石麟蟠隧
道惟聞啼鳥下龍從興亡未解天人意忠孝憑誰俎
豆供遙憶薊門陵寢處年年寒食泣春風

嶺南五朝詩選

卷九

國朝
鄧運生

奕

尹之遠

字爾任東莞人領順治丁酉鄉薦
初授崖州學正著有

次深溪

朱崖多險道一望倍傷神地僻猿多侶天長雁不賓
瘴烟寒白日驟雨暗迷津莫訝艱危極曾聞叱御人

和李州守春遊

二月鶯聲好風光更覺新山明添野色雲靜露天眞
翦薙僧畱客忘機鳥近人此時幽意洽花雨不勝春

梁節臨

字磐重順德人茂才
著有兼澤近草俟刻

梅花

冒雪來書幌孤踪亦太奇擬冰殊不冷比玉却多姿
高閣烟消處空山夢覺時憑欄一回首幽况許誰知

送卽上人入住東林

一派疎枝蘸綠塘傍城鄰市闢禪房高僧閣裡偏能
靜狂士閒中亦覺忙爐篆遠侵松頂月磬聲寒動橘
林霜重來欲索山門芋不盡閒情在上方

送余正中還浙

嶺南五朝詩選

卷九

國朝
梁節臨衛王圖

老

一路薰風促馬蹄萬山相送艸萋萋思尊君自歸蘭
渚日雪予將入刻溪古渡烟晴人獨遠高林雲覆鳥
空啼若耶秋水休垂釣此日天涯尚鼓鼙

衛王圖

字昭有番
禺人國學

江中七夕

涼風吹海浪一葉在前灣明月關山外鵲橋宵漢間
疎林鐘隱隱曲澗水潺潺前路知何所經秋尚未還

獨坐

無才終是老風塵綺閣閒看夢裏身池上藕花將結
子簾前乳燕解迎人春來共見青山好亂後人多白
髮新坐久不須憐往事夜深明月自爲鄰

崔文衡

字行重番禺人國學
著有涵虛亭集行世

題楊氏山莊

春城三里外亦自有山家傍竹成籬巷耕田種豆麻
圃深新燕語徑轉夕陽斜一種羲皇事柴門閉落花
再訪不公不值

嶺南五朝詩選

卷九

國朝
崔文衡

五

精廬冬日過頻爲憶高風飛錫原無定看山不與同
凍雲虛閣白疎樹晚江紅正好和佳什叢蘭待遠公
叢蘭爲海
幢別名

過崇聖寺訪聖公不值

櫛葉分村逕柴門對岸林未還春港權難罷雁堂吟
泥壁供書草香臺下啄禽徘徊暮雲起相訪亦何心
過宿公精舍漫題

葉添深巷綠高竹引蓬門住靜來何月乘閒亦種園
鶴呈冰影潔人得道名尊近有春明約頻過不負言

方顯臨

字定磨國驛子茂才
著有道樞詩集行世

中秋客夜

寒江秋始半蕭索氣偏深獨坐對明月終宵成苦吟
松風連野浦銀漢逗疎林遙憶故園夜千山一片心
浮丘

海國名山近有緣荔枝洲畔木蘭舡藥成不見浮丘
伯仙去還尋葛稚川漢苑跡荒猿嘯月石壇香散鳥
街烟憑誰采得靈芝草卜築珊瑚舊井前

嶺南五朝詩選

卷九

國朝
方顯臨黃璉

五

九日登先孝廉墓感賦

登高愁上最高峰攀柏孤兒思不窮一代衣冠興廢
裏百年詞賦古今中經傳藜閣光長在詔草花磚夢
已空荒塚此時頻悵望五雲還繞白雲東

黃璉

字伯瓚順德人官至州
同有西園集稿未刻

春日過友人齋中分賦

共過草堂上高人戶半扃高空雲盡白曲澗水全青
古樹添新葉春花護小鈴此生閒亦得瀟洒在幽亭

登鎮海樓

危樓新起故時踪此日還思陸賈功千里版圖烟瘴外九州形勝笑談中衣冠氣接靈山近牛女星纏上界通最是夕陽歸路晚閒心不盡月朦朧

廖 惇

字南瞻一字雪臞南海西樵山人著有自娛堂集北遊艸俟刻

潮陽洞與陳枝吉話舊

酌酒潮陽洞言談竟日深共歡當席景猶惜舊時心倚石看流水移尊就夕陰休驚榆景暮月已到長林

嶺南五朝詩選

卷九

國朝黃連廖惇

李

鎮海樓

絕步疑天半置身猶翠微簾開通鳥路風引曳雲衣市井青煙合山河碧落輝呼鸞何處道空見采樵歸

重過花田

問渡素馨田沿畔小玉璇枝低疑欲語香吐似邀憐芳塚啼山鳥白楊咽露蟬杖藜重到此惆悵舊山川

次和陳元孝辛未閏秋承韶州陳毅菴惠州

王子千兩太守招同梁藥亭太史屈翁山

世兄集廣州行署議爲先正張文獻余襄

公重梓文集誌喜之作

莫道明河跡已空斗牛重見鴈城東閒情不盡青尊裏逸思還歸大雅中開卷共思名相業格君猶憶大臣風曲江二老垂千古梨棗同看不朽功

鹿邑署中除夕

一年好景今宵盡萬里韶華明日新書劍自憐多病客風塵幸遇解頤人寒梅透雪翻添色衰髮凌霜復耐春獨憶天涯兒女夜白雲邗水望歸輪

次荅程德基

嶺南五朝詩選

卷九

國朝廖惇屈修

空

相逢共認舊鬚眉猶憶都門笑語時秋水尚盈攻玉地春風還過浴珠池杏林鶯早來聲遠澗底花寒媚客遲此日重携情不淺灑將瓊露滿霜枝

屈 修

字本菴一字鶴潭古番山人著有鶴潭集自得堂諸集俟刻

西溪

寂寞歸村舍長吟溪水東感恩離亂後懷舊死生中松實圓含露荷衣軟颭風自然成野趣真與隱心同

寄鄭劇孟

清秋卧南礪秋色愛寒松感我此時節懷君何處峰
天高鴈行小林寂葉聲重別有星辰氣閒看到曉鐘

朱樓

百尺朱樓月已沈昔時歡會可勝心絃張古曲無人
尚髻學新粧不自任花鳥入簾勞笑語鉛華開鏡負
光陰微茫夢裏追行樂暮雨朝雲何處尋

山居

數笏茅茨隱亂峯往來不礙白雲蹤一時有雨瀑橫
屋長晝無人風滿松鳥識倦情歸亦早鹿知遊興出

嶺南五朝詩選

卷九

國朝
屈修

空

能從石牀獨與跏趺坐花落寒溪遠寺鐘

宿珠江

海水平空夜不流偶同漁父醉江頭三山雨過千溪
川兩岬人閒一葉舟鶴影參差停古樹笛聲繚繞出
城樓浮沉世事誰爲念卧向滄浪看斗牛

端州

峽山流水可勝春孤客停舟淚獨頻行殿尚存迴輦
路黃池空憶弄兵人寒巖綠引城邊艸古驛黃吹市
上塵日暮漁樵誰借問寂寥燈火對江蘋

次荅黃俊升

隄稔難選出官途誰識風流偉丈夫俠骨未全歸劍
佩閒情多半在江湖數宵剪燭酬詩債一月關門看
畫圖好結平原舊賓客莫令肝膽向人無

顏建勳

字尚仁一字紫巖南海人領康
熙辛酉鄉薦著有自怡艸俟刻

徐州道中

當日彭城地雄圖屬楚天我生慙漸老經過又三年
路遠黃河側詩吟白雪邊揚鞭從此去何日到幽燕

嶺南五朝詩選

卷九

國朝
屈修顏建勳

空

遊古歷亭

亭在東魯下
臨大明湖

秋砧

歷下多名勝斯亭快獨遊地因北海重詩爲少陵留
曲檻環花柳明湖襟鷺鷥登臨不覺暮明月滿孤舟
西風吹永夜流響不勝情雙杵寒無力千山月共明
衣從閨閣寄夢向塞垣生最是將停處淒其更有聲

謁鄂王父子墓

風波亭上竟何因十二金牌恨未伸千載孤忠推父
子萬年大義重君臣魂依南渡山河渺墓枕西湖廟

貌新更有松枝無北向令人瞻拜淚沾巾

湖心亭

湖心亭上望西湖西子粧臺澹欲無三竺峰巒雲外倚六橋烟雨畫中圖賣花聲處浮鸚鵡采菱溪頭唱鷓鴣雀舫去時簫管歇月明深夜照林逋

過穆陵關口占

穆陵關上鷓鴣啼四面青山高復低射策客過雲影動放鷹人去馬羣嘶松風蕭瑟寒初冽石勢崔巍路轉迷信是畫圖描不得雄邦自古說青齊

嶺南五朝詩選

卷九

國朝顏建勳顏錫祥 奎

顏錫祥

字尚五南海人茂才著有讀史堂評可軒集俟刻

春日登閱江樓

崧臺臺畔最高樓坐擁星河曙色浮東望靈山沿峽出西來瀧水繞城流布帆高下隨飛鳥茅屋參差間綠疇此地由來曾駐節依然形勝在炎州

隋中

不歸西苑動經年楊柳那堪意渺然難乞一官同叔寶竟將大事誤隋堅春風冷暖江都夢夜雨飄零薩

水船二十四橋歌舞歇美人知在阿誰邊

陳用行

字卜騰一字鳳軒順德人領康熙辛酉鄉薦任福建歸化令著有都行小紀行世

清明日偕葉戴山祁邇岱黎二爲郊行次家

大雲韻

嚶嚶春鳥喚良儔柳色青青逐伴游美女香車紅粉黛少年連騎黑貂裘何人清韻誇開府幾處新聲唱莫愁笑把索郎酬令節凭欄遙望仲宣樓

僊霞嶺

嶺南五朝詩選

卷九

國朝陳用行衛金章 奎

翠微蒼聳勢凌空曲逕層巒萬象中暗水潺湲鳴澗石新蟬鳴咽雜松風碑荒烟暝花初合日暮雲深樹正濛欲訪仙蹤何處是紅霞縹緲擁青楓

衛金章

字立組一字茶源東莞人領康熙戊午副榜任惠州府訓導有傷蘇樓稿未刻

雜詠

亭亭拂雲木葛藟累其枝君子抱貞德好爵惟爾縻好爵雖爾縻今時不療饑崇山原有麓廣海亦有湄行歌槁顏色能免庸俗嗤

又

春來桃李花勿詫東風惡天地同一仁萬物有脆薄
如彼青松枝乃宿千歲鶴美玉存其真愛此不雕璞
朝市未足榮巖阿非寂莫種秫釀爲酒且與吾徒樂

山溪

一道奔流急青山遶數重鳥屯沙上石人住水邊峰
落日青衫冷新秋野靄濃前灣更空濶迢遞到疎鐘

晚泊龍川

水宿依沙岼晴川帶郭長山形餘霸氣物色散秋光

嶺南五朝詩選

卷九

國朝
衛金章

癸

薄露侵衣濕流螢度夜涼明朝言早發星下理帆檣

秋曉登鎮海樓懷古

樓據高城接大荒萬家雲樹靄蒼蒼潮生東海流殘
月雁叫孤城怯早霜秦政竟傳南海尉漢書終下趙
佗王霸圖一去成今古惟記當時陸賈裝

送塵異大師歸華首

往來江上見羅浮五十餘年未一遊萬事蹉跎無奈
老幾回追憶又成秋天開絕頂遙知曠寺入中峰想
更幽他日扶筇有地主別師何用更深愁

陳璵

字崑之澄海人茂才
著有屏山草行世

賜山卽事

漸遠風塵境到來花木深溪光凝曉霧日色逗疎林
怪石客爭坐奇花香可尋有懷何所托天際起長吟

華嚴菴少憇

十笏成初地萬緣到此空鳥聲來古樹寒氣起秋風
夢逐清香渺心隨覺路通回頭看夕照却在遠山中

葉元龍

嶺南五朝詩選

卷九

國朝
陳璵葉元龍

癸

字御六東莞人明經任連山教諭
轉惠州教授有榴實堂草未刻

春晴

霏霏連月雨今日喜初晴翠長湖邊艸聲傳柳底鶯
千山新黛出一路野雲平正好乘春興尋芳無限情

登飛來寺

萬壑千巖望不齊登臨真似步天梯半空冉冉行雲
起下界迢迢落日低峽裏犀行人不見洞中猿去路
應迷何時更到安喻榻遙聽花宮仙鳥啼

登準提閣送行次韻

嶙峋磴道謾追扳一望湖光繞衆山活水魚龍飛錦浪夕陽鐘磬滿塵寰杯傾畫閣紅霞裏僧坐蒲團碧漢間正好探奇同作賦何當買棹竟言還

輓麥又元

翩翩阜鶴出風塵遙望衡門不見人二豎來時曾幾日七絃囊後竟成旬牀頭點易硃猶濕架上遺詩稿尚新一望昆湖閒白晝滿庭芳草爲誰春

葉光龍

字戴山元龍弟領康熙戊午鄉薦現任北京順天府香河令

續南五朝詩選

卷九

國朝葉元龍葉光龍 交

望湖亭有感

望湖亭上見歸鴻霄漢微茫淡宕中山遠匡廬青隱約日斜彭蠡碧朦朧風塵海國人空老雲樹間關路已窮對此恰當二三月扁舟來往好誰同

送尹廣文之任崖州

文酒家居喜接連書聲常過竹樓邊指南我久推先輩而北人應仰大賢水長珊瑚春雨後雲生玳瑁午風前文莊土俗原多美況得公來又佈瓊

楊瑞徵

字邦衡一字山玉番禺人茂才年九十八尚留心制義庭訓子孫著有怡德堂諸稿

鎮海樓

何處堪憑眺閒登粵秀山樓觀百蠻外人在九霄間郡郭烟常合星辰手可攀廿年重到此不覺髮毛斑九十一初度次答諸子

一笑鬚眉歲月流豈期形勝百年遊扶筇每憶名山月倚棹閒同滄海鷗暖入花林春色艷風搖池水曉光浮相逢勝事知如許深愧窮經到白頭

續南五朝詩選

卷九

國朝楊瑞徵陳憲 交

陳憲

字石侯順德人著有修此堂集俟刻

同阮作時屈本菴半塘泛舟

海國涼生六月秋西園回首在中流臨淵柳色惟青眼入席詩人半白頭急浪帶風催畫舫斷雲邀雨過滄洲荔枝且擬同人賦漫采芙蓉興未休

舟泛半塘遲馮爾公劉仰山二孝廉不至

片片烟雲似剪裁遲君閒趁藕花開舟橫珠海潮初上人望龍門客未來鐘近似過黃葉寺尊開猶憶綠

荷杯推篷不覺東風急迢遞歌聲擊楫回

春遊

東皇初日照神州乍暖郊城景物幽出水池魚爭戲
躍入雲仙翮自優游花當鬧市春無價歌嘯名園夜
不休却笑腐儒羅綺裏暗塵微逐過龍樓

宿東林寺寄懷西園阮作時廣文

無端萬里逐遊塵轉盼長安又早春兩載風霜閒走
馬半山涼月夜懷人西園不減東林樂南國何慚北
阮貧遙憶藕塘吟咏好花時清賞任天真

嶺南五朝詩選

卷九

國朝
陳憲

羹

出都

晴烟初散廣寧東橋畔垂楊帶曉風祖席難爲知己
別征車猶幸故人同天連野濶千山出雨後花開一
路紅此去玉城雲水隔相思多在月明中

六朝松

楚楚虬枝逼九霄餘陰常覆虎溪橋滄桑幾過閒人
眼羨爾風霜越六朝

將出玉城奉別劉仰山明府

往來行李獨蕭蕭不憚關山萬里遙誰道浪遊無處

着高枝曾許借鷓鴣

徐佩芷

字沅麓一字槐菴
歸善人候選州同

夜坐有懷

待月難成寐搖搖只此心香銷錦上字月照壁間琴
寂寞秋容淡徘徊夜氣深桃源無路入何處更相尋

寄別許右倫

每憐魂夢却中迷遙見文光滿杖藜風雨幾回傳錦
字江山何處寄詩題月沉野浦過征鴈花落蓬門隔

嶺南五朝詩選

卷九

國朝
徐佩芷歐兆中

小谿投轄未遑歌別曲滿園芳艸鳥空啼

歐兆中

字元庸
順德人

七夕微雨因憶去秋亦雨感而有作書寄黃

積菴諸子

鵲橋今夕望星月暗欄干忽聽簫聲起誰人駕彩鸞
微雲心共遠疎雨夜將殘以此思牛女年年會別難

庾 熒

字辰六庾樓
子已巳歲薦

賦贈姚揆仁姚坑書本

竹箔茅籬樹影藏四圍青翠謔文房
琴書盡帶烟霞氣
几杖長饒花草香
坐到風來心活潑
吟當月上興飛揚
獨憐長翮摩霄日
臺名蓬壺鎖夕陽

林雲章

字處夏新會人茂才
著有浪西樓詩俟刻

木芙蓉

花開何蕩漾
况復近高樓
艷色寒侵水
芳情遠及秋
自宜高士對
不異錦城遊
折采爲誰贈
美人不可求

嶺南五朝詩選

卷九

國朝
庚辰林雲章許後主

泊舟偶感

半畝殘荷思悄然
西風蕩漾野塘前
此時歷亂聞疎雨
幾處清泠繫小船
鷺浴波中常近客
魚吹葉底忽浮烟
不堪榮落思君子
白髮行吟又一年

許綬

字舜望新會人著有
何洲草堂詩行世

粵王臺

海氣憑陵畫不開
千秋霸業此空臺
雲從陸賈城邊起
雨自嬰齊塚上來
遠賜璽書真大度
不乘黃屋亦

通才江山回首誰憑弔
衰草寒烟鳥雀哀

厓門

一望蒼茫殺氣凝
兩厓對峙海雲蒸
鳥啼深樹迷荒殿
鬼嘯寒風出破陵
墜葉有聲秋色晚
驚波無定客愁增
江山到處傷搖落
忍向樽前話廢興

漂母祠

滔滔淮水欲黃昏
俎豆猶存一飯恩
千古英雄堪灑淚
幾人詞賦爲招魂
風吹古樹閒花墜
雨暗空庭暮雀喧
好向江湖念流落
年來猶有餓王孫

嶺南五朝詩選

卷九

國朝
許綬林德順主

林德順

字隆卜林
阜子國學

壁間畫梅

獨倚河橋認未真
看來還似曉天春
幾回冷艷如停雪
一種幽香暗與人
笛吹有聲傳落蕊
月明無影過西鄰
相逢自笑孤山客
欲向東牆作隱淪

陳善全招讌南湖同諸子賦

南湖招讌畫圖中
此會人間不易同
縹緲樓臺迷遠岫
參差雲樹入高空
寒塘倒影諸天見
涼月生潮小

港通我亦停橈忘夜永狂吟偏愛野情濃

黎洪衍

字用周東莞人著有
嗜雪堂近州侯刻

蘆烟

漠漠遶長空雲霞迴不同江風吹歷亂溪樹影微濛
杳日連秋浦相思間暮鴻垂綸人已去江水有無中

朝雲墓

山光水色遠連空幾點歸鴉遶落虹雲氣乍含春艸
綠蝶魂猶戀野花紅千秋艷質成荒塚一片香塵散

嶺南五朝詩選

卷九

國朝
黎洪衍

圭

夕風惟見芳名碑碣上錢塘鄉夢有無中

湖上送春

子規聲裏怨春歸悵望湖西景物稀睡去海棠魂已
冷夢殘蝴蝶願多違雲霞縹緲籠堤樹烟水微茫泛
夕暉幾許幽懷空復爾酒闌人自倚山扉

關應弼

字君簡一字待庵南海人領順治庚子鄉
薦第六兩上公車不第遂杜門著述足不
到城郭著有雙桂園大小題行世所著四
書五經講義雙桂園文集詩集四十餘卷
刻即

鎮海樓

層樓高壓粵山巔丹雘玲瓏敞碧天五嶺平臨如繡
畫三城俯控自豪延雕甍縹緲雲霞護曲檻參差日
月懸莫道炎方多蜃氣瑤臺猶在瘴江邊

送祇菴蔣文宗秩滿還朝

玉尺冰壺處處聞海邦零落重披雲驛驢獨識行千
里豚犬同叨冠一軍鑑握藝林知大匠裝趨馳道挾
奇文他年會見開東閣長此憐才答聖君

戊辰冬月客龍西有懷李明府

嶺南五朝詩選

卷九

國朝
關應弼關上遷

圭

二十年來憶舊遊小春重整木蘭舟晴川烟斂龍波
靜大壑雲開野色浮夾岸林泉棠樹渺荒亭蝌蚪石
碑留文章知己今安在旅思寥寥江水流

關上遷

字于喬應弼仲子茂才與胞兄上進著
有歷試第一稿行世南軒詩草侯刻

壽黃穀城先輩

先公會作傅巖霖薇省鳴珂有嗣音一自新朝辭帝
里幾年舊笏挂山林伏生抱卷朱輪待尚父投竿白
髮侵池上鳳毛爭舞綵霞觴同醉聽狂吟

大答麥仲素

姓名久識在雞壇意氣文章世所難玉屑飛來天籟
發金聲擲去劍光寒花田乍繫三春權穗石常薰九
畹蘭最是梅梢明月下廣陵一曲聽君彈

黃 濬

字無竟應秀嫡姪絮已無營懷才不試賣
文字以贍母不冷煖以媚人座擁經書從
無足到城市貯無擔石依然樂在簞瓢吾
宗才美白眉里黨同稱高士古人謂不至
蓋棺難定品行若公則由一日便可以卜
生平兄身膺遲暮之年日侍慈幃膝下功
名富貴難動其心泉石烟霞足寄其志因
亟爲述之不但僅以稱公尤思藉以風世
知我者諒不以爲私也
公著有深柳堂草未刻

嶺南五朝詩選

卷九

國朝

黃濬

奎

秋居

茆屋無塵事閉門欲白頭采薇供早爨聞鴈值深秋
雲散日方出風高烟自流此心何所托尊酒慰窮愁

邊月

紫塞月華淨高秋夜氣涼榆關分片影瀚海湧圓光
戍外情何限樓頭思正長一輪相對處頓使鬢成霜

邊草

三邊多曠野極目草茸茸鋒鏑迷何限輪蹄沒幾重

秋霜凋渤海岐路暗盧龍偏惹征人妬萋萋到處逢

癸丑初春將歸九江書仙溪客舍壁

荷芟爲衣當綵衣他鄉兒女笑依依遙知歸計今春
得莫訝生涯入夢非隔浦鸞花頻對酒故園燕語待
開扉雖然亂後無遺產還守榕陰舊釣磯

將入西樵道經桐村宿程活泉水閣次早值

雨

每逢樵麓駐遊踪夢想空懸七十峯閤靜風傳雲谷
瀑牕開月照錦巖松論詩擁雪貂裘薄愛客張燈桂

嶺南五朝詩選

卷九

國朝

黃榮

美

酒濃惆悵雞聲人醒後滿塘烟雨鎖芙蓉

寄霍山客吳中

閨闔城畔客羈棲懷古孤吟信杖藜草長姑蘇麋鹿
至月明吳苑鷓鴣啼遊踪尚憶寒山寺鄉夢還驚旅
店雞南國只今文物歇王孫何處紫駟嘶

黃 榆

字綸簡應秀孫德壽
子著有東溪集俟刻

江村春詠

旭日臨烟岸春江遶敞廬捲簾梅雪盡拂檻柳風疎

適志惟聽鳥觀心少讀書林塘芳景洽謾擬賦閒居

春情

旭日珠簾影芳辰挈伴同曲池楊柳外深院杏花中
帶綰同心結衣翻紫萼風嬉遊渾不極還過小橋東

七夕

碧落半輪孤雙星事有無填河空望鵲乞巧謾尋蛛
玉露沾庭草金風報井梧應知天上別不與世人殊

元夜觀燈

蠟炬明如晝池臺放豔春參差花下吹窈窕月中人

嶺南五朝詩選

卷九 國朝黃榆

走

淑氣迴中夜烟光逐四鄰醉遊不覺曉芳樹鳥聲新

梅花

曉起獨臨樓芳心冷欲投金尊方索笑玉笛莫教愁
春色歸湖上香風遍隴頭從來吟咏者誰更似楊州

姑蘇

娃宮響牒杳無聲詞客登臨百感生日落寒湖吳相
廟烟迷芳草闔閭城荒臺過鹿千年恨空苑啼鳥昨
夜情一笑苧蘿人已去不禁湖月向人明

咸陽

周京畱滯不知還屈指秦原蒼莽間長歎變更新法
令低徊百二舊河山蒹葭落日伊人遠禾黍秋風旅
鬢斑渭水東流流不住空餘明月照函關

楚中

荒臺雲雨暗銷沉荊國山川不可尋蘭芷遠生公子
思滄洲長隔美人心百年哀郢淒涼盡萬里悲秋感
慨深回首豈宜漁父問江中還有樵歌音

隋宮

迴風急雨過刊溝見說君王日夜遊綠樹燦煌難問

嶺南五朝詩選

卷九 國朝黃榆

笑

夜迷樓歌舞不知秋昏鴉幾向垂楊噪螢火曾經內
苑流獨有長淮至今日滔滔何處覓龍舟

馬仁右

字天開一字半樓南海人康熙乙卯歲貢
考授訓導設帳聽城及門數百著有半樓
草草北行草俟刻

清溪曉發

晴色今朝好風高浪未平纔經曹主廟復過五婆城
淺水金沙見懸江怪石橫莫言途路險九折有人行

舟泊芙蓉驛

發棹纔過十日程物情風土已殊形山經雪後多成
碧草入春來未盡青石燕掠崖知雨至鷓鴣出水覺
魚腥灘聲歷歷消間晝斜倚蓬牕不厭聽

題畫

藤蘿疊疊鎖柴門幽僻寧知市井喧曉日到江紅射
岸晴烟連樹綠封村前橋石狹疑難度遠島天低豈
可捫莫訝逃秦人跡杳入雲深處卽桃源

無題

吳山越水兩悠悠路隔天涯思不休十斛明珠難買

嶺南五朝詩選

卷九

國朝
馬仁右

无

笑一奩螺黛易生愁蓮心未破先知苦燭淚方垂已
任流莫學君平歌折柳好將消息問青樓

又

天南天北各飛蓬雲濶峯高處處同洛浦客歸誰解
珮瓊樓春艷獨臨風幾年幽夢隨莊蝶一段新愁付
酒龍悵望西園無信息野棠青草占芳叢

傅名賢

字譽公新會人茂才著
有藥庸堂吟稿俟刻

山居

自入中峯住朝昏事事幽吟猿窺果落飲鹿聽溪流
地靜雲侵戶山空月滿樓坐來忘歲月苔蘚石壇秋

橋東卽事

郊行不覺晚歸路石橋東落日映峯際溪光一片紅
雲迷栖樹鳥葉卷下山風遠見蘆汀客長歌入浦中
過石門謁處默先生祠

刺史芳祠粵海濱扁舟乘興一追尋石門烟火長如
此晉代衣冠直至今香浦獨留廉吏跡貪泉難易大
賢心我來庭際空惆悵日落漁歌雲水深

嶺南五朝詩選

卷九

國朝
傅名賢吳斐

全

過龍津無盡上人精舍

遙鄰荒島托高蹤似隔烟霞幾萬重遠浦一溪流水
冷人簾千樹綠陰濃經持貝葉心中偈月落寒潭夜
半鐘卽此便爲真隱地不須還買白雲峯

吳斐

字光翰
新會人

秋日訪侯開雪山居同友人賦和冬日看梅
之作

偶向深山識隱居荒園種木倚雲鋤重重水石風塵

外落落柴門世事疎廿載交淡梅骨老一時吟苦雪
花初知君亦是逃名者養得靈根樂自如

九秋訪友園亭

望去園林盡綠筠我來剛遇菊開旬紅飄樹底經霜
葉白看籬邊送酒人滿目青山饒木石繞門流水隔
風塵相逢莫訝非浚隱一卧南軒足養真

關士炳

字任卿南海人明經

遊坡亭

嶺南五朝詩選

卷九

國朝關士炳

全

萬木蒼烟裏孤亭半草萊鴈雲連海氣樵雨暗莓苔
石動清波起舟橫白鷺來敲詩題壁上難借長公才
過曾實茲山園

偶來多異賞策杖共徘徊細路過松竹欹巖隔蘚莓
林深棲鳥穩地靜異花開閒裏偏幽趣清風斷續來

高錦孫

字獻夫番禺人明經著有危石堂稿俟刻

白鴈

伏盡隨霜至霓裳映太清月中難辨影天上祇聞聲

去住知何處奔馳過此生相逢最相念不盡歲寒情

送洞上人還匡廬

堤草如烟柳似絲匡廬歸去暮春時啼鶯恰愛藏深
樹老鶴還看往故枝一片江山堪極目幾回雲物起
相思東林勝跡依然在社事重開正可期

靈洲夜泊

薄霧疎星傍小船遠尋勝地泊前川月明燕雀飛難
定水落黿鼉靜欲眠望氣有心懷郭璞枕流無夢覺
蘇仙迢迢清夜渾忘寢不覺晨鐘又曉天

嶺南五朝詩選

卷九

國朝高錦孫馮珪

全

咏園梅

一樹誰從雪裏栽幽芳常對几筵開十年只逐羅浮
夢百咏空慚水部才瘦影每如明月出淡粧疑點壽
陽來亭亭古幹非凡種珍重香風過石臺

馮珪

字璧若一字石菴南海人茂才著有溪山集浪遊草漳江吟交南社咏各集俟刻

十六夜泛舟

一棹蒼茫裏蟾輝滿碧川共憐今夕好不減昨宵圓
薄霧遙臨水微雲不駐天清光何處盡恰好重流連

溪居

覆水迴磯古木攢蕭蕭誰可共盤桓青苔巷小常妨
展白瓦簷低半碍冠林下飯牛天欲暝籬根採菊露
初乾野人只合山間住不盡飛雲倚杖看

喜外翰望兄歸里

拂衣贏得一身輕肯向清時更論名地似橋門新處
士人如栗里古先生石牀醒酒雲同卧竹徑吟詩鶴
伴行幽事重重歸便得忍將辛苦爲浮榮

馮鉅

嶺南五朝詩選

卷九 國朝 馮鉅

全

字鍊公南
海人國學

送廖藹臣之端州

把酒臨江岸扁舟促去程帆連秋氣遠潮帶暮雲平
風雅爭新體文章識舊名掄才歸檢府聲價滿江城

登粵王臺

漢室江山獨此臺蕭蕭殘葉客初來趙佗黃屋人何
處陸賈金裝事已灰狐兔却從荒苑出菊棠多傍故
園開城頭日暮聞吹角吟向西風不肯回

馮湫

字秋能南海人國學著
有萬松堂諸集未刻

遊峽山寺

何日寺飛來扁舟共溯洄半空孤磬度雙峽斷雲迴
躡屐尋猿洞攜僧上釣臺山花畱客意紅紫滿山開
寄梁嚴仲楨仲昆玉

馮鉞

嶺南五朝詩選

卷九 國朝 馮鉞 馮鉞

全

字自公南海人著
有覺堂近草侯刻

廢寺

久不到禪堂苔紋生石牀已無人解帶空有燕窺梁
占木弄寒色頽門掩夕陽舊時聽經鶴形影記東廊
借山寺懷閩南上人

偶爲策杖古招提堂上凄然憶開黎春草有情隨雨
長山花無主向人低風生紺殿雲初散柳帶疎烟路
轉迷殘磬一聲何處覓夕陽枝上杜鵑啼

馮輔臣

字肇公南海人著有
半閒堂詩稿俟刻

夏杪集醉吟堂

近水尊開暑不侵蕭蕭風雨半簾陰功名獨羨虞卿
僊談笑誰誇季子金三徑竹分塵世路五絃琴想古
人心自慚最有青山癖瘦鶴孤松伴醉吟

越臺野步

秋雨初殘夕照懸江山閒望意凄然平田半沒西原
草往事空憐南漢年戰馬戀槽屯廢苑牧人吹笛卧
寒烟宮砂零落無尋處錯辦名花買笑錢

嶺南五朝詩選

卷九

國朝

馮輔臣馮錄

金

馮錄

字御公班子領康熙己酉武鄉
薦著有隨詠篇四書辯音俟刻

新月

眺望捲湘簾南天見早蟾一鈎斜有影半鏡乍開奩
圓缺情何限蒼茫魄易淹畫眉京兆筆曾否似纖纖

秋歸經楚雲臺舊趾

五湖恰好問歸程路繞間關雨正晴碧水澹烟天上
下白沙寒蓼鴈飛鳴人過古渡江舟暮雲去孤臺山
水明千古道風猶在望倚闌翹首不勝情

黃河激

字葵之南海人茂才
著有葵之詩集行世

感懷

每睡必成夢客謂我心多吾生只大夢百年時幾何
聊將夜繼日真幻亦同科若逢千日酒三載乃虛過
昧昧何時旦寧知叩角歌太平殊可惜亂世免風波

又

方寸爭躁靜華構亦空山終南資捷徑崆峒爲市塵
奈何世間人真偽恒罔然心苟失權衡賢姦時倒顛

嶺南五朝詩選

卷九

國朝

黃河激

金

深夜覽明鏡知誰媿與妍

送張桐君歸山陰

一門三五客半載忽西東以我踟躕意知君感慨同
書堂仍皓月馬首已秋風歸日傳家政青囊受葛洪

邊塵

大漠高秋迫嚴飈四望驚秦川黃霧合漢月彩輪生
飛騎千蹄亂邊烽一燭明勞臣滿襟袖不使到咸京

邊鴈

萬里南飛鴈金河出每羣哀鳴徹清夜疎影落重雲

葦離離下驚絃處處聞龍庭無漢使書札不勞君

入江門時已展界

細雨江門道行迴一水長當年成絕徼此日復名鄉
葵樹寒還綠柑園雪後黃白沙祠墓在今古挹餘芳

送陶記室還楚

送子還鄉國聞予亦楚人家曾辭夏口喬不定春申
土物離騷賦靈祠帝女神沙棠行更遠蘭茝寄交親
歸省後却寄何暢君兼呈曾宗孔梁海民

歸舟珠海駐帆檣檐外高花有拒霜鐵騎北屯嚴夜

嶺南五朝詩選

卷九

國朝黃河激

全

戊水軍東下急河防三城曉角催殘月萬戶寒砧送
夕陽却憶江樓高卧好依稀猶在讀書牀

瀧州作

輕舟如鷺轉葭蘆梅雨嵐烟金客途茆店早喧商到
市酒旗晴挂女當壚橋收向晚防豺虎關稅逢春及
鷓鴣曾見白頭諸父說新添官吏舊時無

雨夜有懷岑隱君盧學士

虛幌疎燈裏吹頻銜杯無伴憶交親華堂開卷青衫
客寒雨歸舟白髮人清讌未曾荒好夜後期還擬赴

芳辰梨花欲盡棟花發寒食東風入暮春

仲春江館

芳郊風物自葳蕤高館輕陰接海圻亂燕掠池飛竟
日斷鴻衝雨去多時連朝竹吐麻姑爪薄暮雲開玉
女眉隄外少年三五隊併肩翹首看妖姬

嚴遠

字守一曲江人茂才
著有西爽園集卽刻

長沙旅懷

挑鐙西院興偏長五色蕭條過短牆不盡鳴蟲偏近

嶺南五朝詩選

卷九

國朝嚴遠梁坊

全

楊幾番佳夢在還鄉人前籬菊過秋暮眼下梅花又
雪霜南鴈數聲淒絕處天涯羈客在衡陽

留別長沙諸友

幾月談心共薜蘿浮生萍聚竟如何爲憐翌日成分
別却訂何時共笑歌楚嶺啼猿傷客思曲江歸夢繞
庭柯行裝此日多零落愁見長江起白波

梁坊

字人表
南海人

九日登鎮海樓

危樓雄百粵覽勝共登臨天外微雲遠海門秋氣深
塵襟開野笛楓葉落寒林極目情何限茱萸笑自簪

晚泊惠州

去國將千里離家已半年坐殘遙海月愁鎖綠楊天
世事看危葉雄心付曉烟明朝征馬上回首更茫然
盧有遇

字拜典一字峨村南海人
茂才著有半山堂草俟刻

宿峽山寺

雙峽高千仞金庭欲二更正憐孤月影却聽暮鐘鳴
嶺南五朝詩選卷九國朝梁坊盧有遇 允

帝子今何在瑤琴空復情玉環何日解不見夜猿聲

村居

竹屋長林野水邊風塵飛不到堂前草軒紆道常嫌
僻舊燕尋巢不厭先獨酌漫沽原上酒臨流時放月
中船年來守拙甘牢落欲種南陽二頃田

陳宗德

字問孝一字松涯寶王千茂才著有古
猷堂鉢草及評定席珍堂詩集行世

寄酬黎博菴先生

家中洲伯之清原禮樂地和尚便道訪先
生於十二人海鶴山中語舊之餘問出

拙稿蒙樵大序
此寄謝并致所懷

馬祖冷水遇香爐蠹蟲峰洪崖丹籙秘清水紫蘭龕
玉簡投梅尉秋屏見艾封不教徐穉境山谷獨追蹤

贈真公

真公真古宿羅漢貌生成相對了無物於人最有情
汲泉蟲可濾爲圃草從生昨夜匡廬夢題詩寄臘兄

粵臺春興

趙尉臺邊杜宇飛潮吞萬櫓見斜暉素馨花落虞郎
老錦石功高陸賈歸沙角煖風眠翠雉戍樓寒甲隱

嶺南五朝詩選

卷九

國朝陳宗德

允

青蟻飄香十里雲旗動白馬琵琶又打圍

中秋奉懷深澤大令黃璧仲太夫子

家大人
受業於

太夫子以壬午同雋賢
書予童年亦曾受課業

八月潮聲拍海樓月輪東北想蕪蕪琴鳴東鹿涑城
暮酒熟高陽督亢秋清苑至今無過客白溝何日有
歸舟陸郎祠外黃灣水空歎淵源極北流

村居寄題羊城旅舍

暫息塵機傍水涯舊遊疎濶冶情乖藝蘭修禊當三
月抱瑟調箏盡六街官舍花聲如汴宋酒樓歌扇似

秦淮十年行樂留胸臆永晝蟬風水石齋

陳王猷

字良可一字視村海陽人康熙辛酉鄉薦著有偶存諸集行世

雜咏用曹子建韻

日月忽不淹逝者如飄風芳時既相失淒淒霜雪中
寒冬行代序變易無終窮志士圖疆場仗劍思卽戎
挫折在中路猛力寧未充困蹟何足道流光顏色老
寄懷太倉王虹友先生

韓水孤蘆人稱名晦里閉嘒嘒寒蟬聲何堪承顧盼

嶺南五朝詩選

卷九

陳王猷

空

徘徊勞賞音淒切起長嘆秋意莽蕭條思心渺漫漶
獨夜不成眠悲歌恒至旦相去天一涯會當托羽翰
午日韓江舟中

天中之節天氣清紙龍撾鼓夾道鳴避喧晨出向東
郭東去長江江水平坦步石虹四百丈舟子招邀迅
兩槳波心翻落數峯橫眼底倒看一鳥上蒲酒日復
持一觴及時歡樂良獨長澡浴江州憶舊約古人興
致殊難常故事相傳不足數消災禳毒紛如許東隣
早貼辟兵符西舍還添續命縷我駕飛鳬哀靈均植

龜枯米投江漬離騷讀罷忽狂叫高空晴碧生片雲
久憐俛仰在塵俗一日不遊十日惡擬從幽谷采芳
蘭更欲荒園栽短竹剖竹有水甘如飴冰蘭雖香徒
爾爲臨流不覺啞然笑對影未知語阿誰

白門寓舍漫書

僕僕秦淮路悠悠一紀中山川窮腐馬湖海通元龍
舊雨江頭樹閒情水面風異鄉如故國望與白雲通
甲戌之春抱病南還因憶家君乙丑送猷公
車詩有但得三春信休辭萬里寒之句書此

嶺南五朝詩選

卷九

陳王猷

空

志感

白門高閣上春到客先歸善病餘寒入多愁素願違
十年憐菽水幾度負征衣極目江東望孤雲晚獨飛

正月十六夜舟中見月

自元日至元夜皆雨雪

始得今宵月高看玉宇清不嫌佳節過還及昨宵明
萬里何人共孤舟獨客情病餘真負此惆悵泊江城
咏蟬次采飲韻

潛心觀物化時至自微鳴托跡既高處全身依太清
風回葉靜流月露華輕俯仰烟塵外能吟此一生

重度均門嶺

歲暮嚴霜獨客歸重來嶺路轉依依平生太瘦身難健少小長驅力易微寒樹週遮迷北望凍雲孤起向南飛三年此地還相過絕頂尖風舊布衣

龔以時

字君聘一字鳳洲海陽人恩貢授和平訓導轉侯官教諭著有柳亭詩集行世

杓閣榕陰

傑閣依青嶂雙榕覆短牆倒條侵石徑欹蓋偃龍岡日酷難垂地風清常滿堂時從二三子巖壑有輝光

嶺南五朝詩選

卷九 國朝龔以時

奎

謁韓文公先生祠

正好瞻韓陟石欽樓臺倒影樹陰陰文興八代推名手疏抗九重見赤心已慶鱣溪魚不返空傳藍嶺雪尤深登臨髣髴公仍在山斗儀型萬古欽

上謙菴魯巡憲

玉節花驄下紫霄聲華久矣見歌謠品從西掖推良翰望重銀臺出聖朝兩郡關河車雨潤一時風月瘴烟消君家伯父甘棠地公伯父青海公明進士以詞林分憲惠潮多善政崇祀名

先後仁恩滿惠潮

揚天眉

字眉夫涇海人茂才著有霖湖集庸訓度歲草行世

雜感

思鄉長太息相藉有離騷微祿羞升斗壯懷改髮毛茸天誰煮石續地我屠鰲離亂無妨拙飄零任所遭

五羊清明

自悔浮生老此身茫茫馬跡一城闌纔逢玉洞梅花白忽過金城柳眼新酬唱夷猶同旅客呼盧顛倒異鄉人遙聞長笛偏多感何日蹇裳鰓渚津

嶺南五朝詩選

卷九 國朝揚天眉

雋

秋夜舟次

輕舟夜靜泊江濱此日逢秋節已分客老易過清浦月情深空盼故山雲鳴秋孤鴈心偏遠帶別餘杯意自紛坐待晴光開曙色簫簫長笛逐風聞

梁昶源

字幹爰一字懷洲順德人茂才

飛來寺

縱步丹梯上巍巍逼梵天險崖松竹雜曲徑蕙羅纏猿去還尋洞屣沉不記年徘徊二禺景花滿釣臺邊

九日遊五仙觀

登高懶上白雲巔共向坡山謁五仙自昔騎羊歸洞裏而今化石在人前菊花欲醉玄關酒桐葉曾飄拇迹泉擬陟瓊樓同縱目客心如夢各天懸

陳法乾

字六一番禺人明經初授封川學博轉潮州郡學著有仙石堂詩畧行世

詠懷

鷺啄先偃絲鷹捕未弭角志士多苦辛戢影藏鋒鏑遠馭先徐行大勇色必弱牧馬寒抱冰聞雷驚箸落

嶺南五朝詩選

卷九

陳法乾

奎

養晦道宜然古人有深托

送廖南煒歸五羊

高尚惟君最浮名付劫灰偶來韓水上送別鳳凰臺一楫去難駐三山望不開離心正愁絕何以慰重來

潮州鳳凰臺

雪後移舟江上來憑高重憶鳳飛回遠山似畫千層出近水當簾一鏡開把酒自堪吟永日吹簫誰復上高臺臨流無限殊風致向暮嚴城畫角催

感懷

柳彈花慵已暮春空庭如水見流塵香銷鳳幄簾垂地門鎖獅鐙月待人金盃未應成往事玉簫何處認前身分明一枕殘宵夢似有餘言未肯陳

送友人

二月江風拂岸陰一舸書畫下江潯好將到處煙霞夢銷盡平生山水心

竹徑

竹徑蕭條過艸堂當門空處補垂楊經營未了園林趣亦是閒中一段忙

嶺南五朝詩選

卷九

毛定周

集

毛定周

字中菴香山順治丁酉鄉薦第二著有諸集爲海盜失去

感遇

灼灼庭中樹榮艷一何早傷彼蕙蘭花隕落委衰草采采當乘時繁華詎能保歡愛何時諸憂傷令人老

又

相如題柱時終軍棄繻日當其未成名妻子無顏色一朝獲所遇道路俱辟易變化無常期泰從否中得不見漢京兆牛衣相對泣

又

東南有節林西北有不周日月週天行晦明不相投
此盛彼必衰春花難為秋鼎鼎百年內逾分安所求

趙德

字幼聞順德人宋商王裔孫領康熙丙午
鄉薦初授荷氏令遷鄧州刺史潔已愛人
流民歸業年甫六十以
老乞休有集六卷行世

元夕送林次韓歸沙灣

結交得君子相忘爾汝年人同新歲至情在上皇先
火樹喧天鼓青山繞客船何時能握手還醉綠荷邊

嶺南五朝詩選

卷九 趙德

七

樓城署中初秋寄左其晉

氣肅涼風至天高白露飛路遙家信杳祿薄故人稀
掩鏡漸霜髮披裘美釣磯傷心惟對月十載與君違

九日登武當山金殿謁玄帝

巍巍金闕領華嵩天矯長虹帝座通仙樂奏時鸞鳥
合彩雲朝處暮烟空瑤臺未覺三天渺精意來皈萬
國同我插黃花傷霄漢御香迢遞五雲中

又寄故園寄菴穆先諸兄弟

銀燈共踏帝城西紫陌香風望處迷玉管和歌人盡

醉金吾弛禁月初低參差彩縷迴車道颯遯烟花亂
馬蹄遙念故園兄弟好庭前春酒正相携

湛上錫

字衣卿一字亦山河源人順治辛丑進士
經長子鄉闈兩中副車以明經授順德司
訓子浩康熙丁卯
鄉薦喬梓以詩聞

冲虛觀

古殿依雲闢重門一望開轟碑猶漢篆畫棟自唐來
仙去餘殘簡丹成剩劫灰寥寥千載後芝木更誰栽

雨後晚眺

時在辰州署中

嶺南五朝詩選

卷九 湛上錫

八

連綿穀雨喜新晴獨立高峯眼更明幾樹春陰藏鳥
語一川晚照入人情烟銷碧落重重去水溢青原漠
漠平惟有故園東望處江山迢遞暮愁生

嶺南五朝詩選卷十

國朝

陳恭尹 一百七首

梁廷佐 二首

胡國柱 二首

黃從英 四首

鄧元暘 二首

李象豐 五首

譚朝璣 二首

嶺南五朝詩選卷十 目錄

李長毓 二首

潘德輝 三首

李長鼎 一首

郝瑗 二首

李長倩 二首

陸俊元 二首

馮璿 二首

葉世祺 一首

郭爲憲 二首

李洪芳 二首

林旋 十首

衛銘 二首

黎履吉 六首

何拭 九首

王隼 三十一首

余象斗 八首

余映斗 五首

余雲祚 十二首

嶺南五朝詩選卷十 目錄

余錫祚 五首

余錫純 四首

羅之璜 五首

衛鏗 二首

傅夔 二首

高嘉學 一首

高自西 一首

高遇 一首

黃帝爵 二首

李德林	十首
陳贛	七首
陳勵	八首
馮能謙	二首
何琮璜	二首
李仁	九首
黎翼之	二首
何洙	三首
何逢	五首
嶺南五朝詩選	卷十 目錄
衛德先	二首
梁白適	二首
孔貞衛	一首
梁善長	三首
張維楨	二首
李芬	四首
謝周錫	四首
陳飛濤	四首
李嗣鈺	八首

許昌俊	六首
彭年	二首
徐章文	三首
陳文裕	九首
梁元弼	四首
劉雲漢	十五首
葉本峻	五首
關孫謀	八首
嶺南五朝詩選	卷十 目錄
四	

嶺南五朝詩選卷十

番禺黃 登俊升氏訂定

國朝陳恭尹

字元孝一字獨漉邦彥子先世襲金吾隱居不仕著有獨漉堂稿及鑒定諸書行世尚有文集諸草俟刻

春白紵歌

新林生葉花交飛珠簾初日流素暉洞房夜燭光力微起舞君前歌露晞宛如游龍翩如鴻骨柔態變不可終高舉長袖雲迴風鳳文雙履金縷衣長跪爲君

嶺南五朝詩選

卷十

國朝 陳恭尹

一

擎玉卮芳年逝者已若斯

夏白紵歌

草螢木質昔已枯化身今比明月珠飛君華堂綴交疏何況賤妾不肖軀能歌巧笑工步趨長眉的皪承清醺不敢自許衆道殊幸離下土升階除雲房別館如天居奉君顏色今夕初秣君駟馬豆以芻醉君吏士人石醺願因微風達區區晝長夜促樂斯須

秋白紵歌

素衣輕舉襪桂紅朱唇不動音微通如驕似怨不自

容翩若芙蓉秋被風輕絃細語傳纖手寄心贈君君不有白雲東下鴈南飛令顏一去不復歸

冬白紵歌

遷毬匝地朱復殷鳴環顧步何姍姍文犀約臂辟重寒含聲未吐氣若蘭左顧右盼生光瀾堂上清歌林外轉積雪遙光凝玉面雙心一意俱迴旋百媚邀君流一眄千秋萬歲非所羨

夜白紵歌

天階璧月霜始凝玉繩西倚銀漢橫杯疲客醉不自勝佳人含笑燭下興垂輝振彩四座驚軒軒忽若朝霞升人生快意不在他高賢嘉會酒且多秦箏激越齊瑟和日月逝矣如流波永夜如年君弗歌百年如夜當奈何

隴頭流水歌辭

隴頭流水流離四注念我勞人終身霜露
一解
弱水可途堅冰在鬚時無英雄咄哉丈夫
二解
上阪下阪秦川在眼左手把鞭足不能前
三解

鉅鹿公主歌辭

官家出游乘駟鐵毳殿連房象宮闕

又

殿前女子持絳節手彈琵琶顏照雪

又

中宮西宮同羽獵何以知之雙鬟結

瑯琊王歌辭

人言瑯琊賢我獨未曾說長揖交戟中左右驚吐舌

又

劍室雙金龍夜夜鳴中篋不能青天飛枉用張鱗鬣

讀南五朝詩選

卷十

國朝
陳恭尹

三

又

寶馬鳴春風馬上人如龍下馬道姓名言是廣平公

雀勞利歌

蒼鷹飛飛雀勞利高者逢之下得計

折楊柳歌

白羽照秋月麗服明春風朝來試馬蹄躑躅垂楊東

又

家居楊柳下直路西北馳望郎不可見折盡門前枝

捉搦歌

好月在天常患缺硬弓在囊常患折男兒窮居苦無
骨老女不嫁忌嫁畢

博浪謠

前椎晉鄙後椎秦始

地並大梁

不信海西馳久飲東

京水

夷山謠

夷山侯羸所居

古夷山今平地車馬東西馳屠兒倚刀醉梁園枯草

鷹嘯風公子翩翩持角弓

日重光

讀南五朝詩選

卷十

國朝
陳恭尹

四

日重光奈何難方鳴日重光昨日之日固當舍我而

行日重光懷乎若淵上之春冰日重光過中則晁西

傾日重光年在壯盛難恒日重光譬如大將背水陣

兵日重光照是下土下氓日重光追羶逐臭如蠅日

重光唯有達者成名

月重輪

月重輪照天下使天若無明月萬古當爲長夜何夜

無月月有虛盈誰爲匪民達者成名

行路難

君不見天上之星墜爲石又不聞地中有雷生霹靂
星有光芒猶可避雷無定所誰能測殺人豈必干與
戈尺地寸天皆局踣重城高寢自謂安中夜思之眠
豈得何能變化爲蟪蛄飛入睫中人不識

又

翩翩之鴈來天隅中有一者飛而孤自喪其雄不並
宿江中警夜甘爲奴江濱之人少慈惠一網高張百
禽殪不虞永斷匹偶恩食肉賣毛爲得計

又

嶺南五朝詩選

卷十

國朝
陳恭尹

五

君不聞蜀山多陰稀見日羣犬吠之盈萬室又不聞
野人有婦一目偏出見舉世皆不妍是非好惡何有
定昨者高岸今爲淵勸君且自酣盃酒勸君不用狂
開口正言自古有戈矛上士聞之皆却走

又

君不見五陵年少插兩弓左射右射皆能工金丸如
星羽如月驕馬蹴踏鳴秋風林中走獸獵已盡仰面
四顧蒼天空千年老鶴青田產昨日瑤池銜玉簡未
迴勁翮排天門莫使霜毛刺人眼

感懷

纖纖西林月待日生輝光幸假羽翼資與君同頡頏
左提而右挈萬夫莫能當況我爲仁義相輔唯文章
斲桐爲兩琴異形同宮商中心一相知異身同肺腸
智慧如丹華華盛無再揚勗哉二三子久要期勿忘

又

密雲自西郊良苗望膏澤長虹久不散小雨滋蟲賊
日月煎本根青黃變生色結髮爲老農終年不一穫
高門縱杯酒大笑糟糠客感念愚公言子孫世其力

嶺南五朝詩選

卷十

國朝
陳恭尹

六

努力飾鎡基春明候南陌

又

往者不可追來者不可期俛首爲今人舉體無一宜
有目厭兵革有耳聞號啼有腹飽糠覈有足履禍樞
赤舌有如火更以焚其軀

又

荷絲織爲衣禦寒終不溫章句小儒生安識經與綸
高冠帶金玉端坐如鬼神輕車從肥馬游宴無冬春
志上沉下僚能智豈獲伸大盜從西來擊鐘召羣臣

空復見異類何以張吾軍大者爲雞狗鳴吠從他人
小者如蝓蠶祗自營其身

又

番禺古都會佳哉鬱嵯峨三江交洪流海水揚清波
劉項爭帝業閉關自秦佗黃屋因左蠡老夫聊自娛
山川足霸氣往往開雄圖中原鼎沸日肝腦塗干戈
光岳氣雖分生齒存亦多海國誠富強金鐵兼鹽麩
百貨走天下五兵雄諸華盛朝爲外府亂政求金車
使者道相望下民方薦瘥北臨漢臺上悵望傷如何

嶺南五朝詩選

卷十

國朝
陳恭尹

七

又

夢登首陽山鬱哉何巍巍上有二子墳下有蕨與薇
寧從白鶴巢不從鳳鳥飛白鶴巢有常鳳鳥來無時
子胥耕吳野少伯困會稽一旦先埃塵千秋有餘悲

又

覽鏡在中夜莫辨影與形人苦不自知所賴友與朋
圭璧貴攻瑕龍阿期發硌如何末世士懷利忘平生
責望疑似間譏間忽然興陳張交里門白刃生侯王
富貴尚相負貧賤寧相能結交始以義全交終以明

安得兼黃金以鑄鮑子靈

又

豫章下山時顧與山靈語不爲棟與楹慎勿爲木偶
木偶盛容姿曳裾復拱手大匠持斧斤視之若無有
叔孫名大儒綿蕞何草草蕭何刀筆吏無功獨居首

謁南嶽廟

秩禮咸百王茲山奠南服如何奕奕廟樸樸今有屋
鏞鐘仰東序高瓦墜平陸谷風飄崇基枯草下更綠
上帝當板板百神亦傾覆週檐眄曾阿出涕立空谷

嶺南五朝詩選

卷十

國朝
陳恭尹

八

宿高臺寺

山高勢盤鬱開豁獨斯宇中天置茅屋上與祝融伍
階下俯衆峰牕間括南土夜冥江火近日出寒檐雨
托宿此最高終身未更數

海中吟

海中何所有有樹名三珠上有同巢鳥分飛從鵝雛
西飛黑水頭北飛越黃河遠者啄玉門憂憂鳴天都
路長羽翼短力盡歸其居上天天有弧入地地無塗
口饑不謀食終日銜枯蘆人情有獨嗜此鳥寧謂愚

解紛不以拳弔歟不以烏鳳凰其不來吾衰已矣夫

雨夜旅江閣述懷

同王大雁高望公
屈翁山陶苦子賦

驚風落歸雁渺然天一方如何江海士並集珠丘旁
霖雨從東來玄雲覆山岡積旬憂旱魃良苗今得望
高樓恣歡賞濁酒三五行哀彼海濱人無家托人鄉
珠丘雖吾土箝鼓如巖疆民生日以促後會安可常
蜉蝣迷旦暮神龍有飛藏明朝脫長劍濯足歸滄浪

雜詩

雁度葭莢黃月懸江漢秋離人喟清夜挾瑟臨高樓

嶺南五朝詩選

卷十

國朝
陳恭尹

九

西瞻赤壁涯東思滄海流朱絃感英聲磊砢不可收
下階重太息古調今誰酬哀彼促織蟲有生亦何求
衣裳非所溫唧唧懷殷憂

又

霜至草木寒關河淒以風扁舟越湘水遲暮予何心
美人彩雲端欲往聞遺音雲端不可卽離別銷顏色
三朝掩明鏡對面不相識

又

蕭蕭君馬鳴夜夜聞歌聲馬悲慕儔侶獨歌誰和汝

結束下空階仰瞻霜與露缺月銜東隅旄頭沒何處
思爲伺晨鳥舉舌催天曙

又

家臨青山側前望白楊道遙遙孤墳下有士懷其寶
存思澤萬物一身乃先槁駕言采杜蘅涉野多秋草
同心復幾人相看日趨老

游七星巖

立馬眺平蕪蕭蕭見蒼壁不知何處雲飛作茲山石
嵯峨各異勢紛詭非一色旁通類戶牖中虛成室宅

嶺南五朝詩選

卷十

國朝
陳恭尹

十

藤根上鬱盤石乳下涓滴時聞鐘磬鳴宛若仙源隔
靈峰互虧蔽微徑緣空隙頗疑混沌初有此機巧迹
遨遊茲已屢歲月真如擲川原無古今世事空疇昔
徘徊倚層巔北風感行客

登羅浮

八桂秘南經雙山雄粵望偉哉昔所聞於今觀其狀
彌天列青靄絕地聯層嶂掩苒草木平陂陀谿谷壯
誰言盛積阻極目何超曠雲巒時絕續泉聲日奔放
飛樓候朝暾倒影排溟漲相傳蓬島來復矣陶唐尚

事往誠莫稽跡湮理無妄擣禽應曰杵暗虎懷仁讓
蟲書篆符竹蝶化遺衣桁繫維羽人宅信此餘風暢
陰崖饒異產神藥滋蓋藏名遺炎帝書類絕嵇含訪
伊肯休明會位與王侯抗時勤玉璽封未昧高山嚮
望秩禮久虛旱魃人猶仰我來仲夏月溽暑陽方亢
卧聞夜來雨飛出龍池上何因霈九州蒼生企靈貺

宿寶積寺

躋險力未疲白日停西峰將酌石上泉迤邐投雲松
幽寺肅古苔絕壁懸高牕列席就清陰開襟面涼風

嶺南五朝詩選

卷十

國朝 陳恭尹

十一

石林倚林標遠眺千里江原野漸微沒井邑方空濛
今古一朝暮宇宙何終窮茫茫大夢內往哲畱其蹤
聊爲命觴壺冥寄開心胸

游黃龍洞

春草夏更長洞門藹餘綠興長理孤策衣露時霑渥
緬邈睇衆峰逶紆赴長谷鄰鄰涉溪影蕭蕭翳巖竹
風磴炫雜花雲潭亂雙瀑沫雨晴驟飛游鱗清可掬
荒宮久榛莽石岸多隈曲方齊昔人蹤茲焉遂幽築

冲虛觀

浮生無百年脆質今二毛言尋仙人居焉憚登陟勞
褰衣遵澗曲輟棹逾平臯輕風澹餘雲仰見巖岫高
其宮敞峻宇飛陛臨層霄羣峰列垣墉衆壑深溪橋
石池曜紅蕖乳竇凝金膏猿鳥分夜鳴林泉聲相遭
緬懷著書人丹砂樂南交幽洞俯日月天路流雲璈
慮釋神必凝理得形自超安知後來者澹蕩非吾曹

進帆石門懷古

春至景漸暄舟行日堪翫矧抱昔人心而懷斯世歎
平陂互倚伏今古如宵旦石門雖夙遊風物亦殊觀

嶺南五朝詩選

卷十

國朝 陳恭尹

十二

積峽啓奔流平沙衍高岸帆迴斷颿急棹去餘萍散
融融出渚雲役役將歸鴈卷舒寧自期寒暑爲誰換
浮生貴不朽金石有銷爛仰羨樓船人英聲烜西漢

木棉花歌

粵江二月三月來千樹萬樹朱華開有如堯時十日
出滄海又似魏宮萬炬環高臺覆之如鈴仰如爵赤
瓣熊熊星有角濃鬚大面好英雄壯氣高冠何落落
後出棠榴枉有名同時桃杏慙輕薄祝融炎帝司南
土此花無乃羣芳主巢鳥須生丹鳳雛落英擬化珊瑚

砌樹歲歲年年五嶺間北人無路望朱顏願爲飛絮
衣天下不道邊風朔雪寒

耕田歌

耕田樂耕田苦樂哉樂有年苦哉不可言春未至先
扶犁霜華重土氣肥春已至農事始難未鳴耕耜起
泥汨汨水光光二月稻芽三月打秧五月收花六月
垂垂黃再熟之田始有望三月打秧六月蠲草一熟
之田九月始得穫稻近路畏馬馬食猶寡近水畏兵
兵刈何名上官不待熟不熟昨日取錢今取穀西鄰

嶺南五朝詩選

卷十

國朝
陳恭尹

十三

典衣束賣犢黃犢用力且勿苦屠家明日懸爾股

日本刀歌

白日所出金鐵流鐵之性剛金性柔鑄爲寶刀能屈
伸屈以防身伸殺人星流電激光離合日華四射瞳
瞳溼陰風夜半刮面來百萬啼魂鞘中泣中原歲歲
飛白羽世人見刀皆不顧爲恩爲怨知是誰寶刀何
罪逢君怒爲君畫盛威與儀爲君夜伏魍與魍水中
有蛟貫其頤山中有虎挾其皮以殺止殺天下仁寶
刀所願從聖人

赤壁舟中歌

曹家老瞞狡而武百萬戈矛下荊土贅閹小醜夷羣
雄當時意氣無江東江東少年劍斫案驅風走火鳥
林岸北船烟燼西蜀都吳王宮殿飛赤烏誰爲此謀
葛與周兩郎年幾二十頭雄圖已矣勿復道赤壁舟
中人已老

送屈翁山之金陵

地何必生山川天何必有日月一升一沉使我老南
北東西令人別洪河之水孤蓬根不知似我還似君

嶺南五朝詩選

卷十

國朝
陳恭尹

十四

神州蕭條寰宇黑英雄失路歸何門文章亦是千秋
事興則爲雲降爲雨雄劍高飛雌劍留夜上金陵望
牛女

端州閱江樓

牂牁之江千里來羚羊峽口一線開長波鼓盪氣不
洩沙邊吼怒成風雷五月六月西潦至端州古城晝
常閉卽今水落洲渚高急流尚作奔揚勢誰飛傑構
臨江隈下有孤石名崧臺崇基崢嶸山岳立古榕詰
屈蛟螭迴百道文牕浮木末四樓角立何軒豁曲閣

周流複道長高廊四注空階闊猶憶登樓髮尚髫樓
前親見海龍朝萬乘旌旂屯北郭千官車馬聚寒潮
二十年來重繫舸淚滴闌干獨愁我白雲飛盡蒼梧
深滿日寒山日西墮

發舟中湘將登南岳

芳草綠未已孤舟發南湘還當上巳日遠適衡山陽
石積水光碎竹多風響長客途春有酒波蕩感浮觴

雨夜懷屈翁山

風雨懷人坐無燈亦到明流螢分夜色疎竹聚秋聲

嶺南五朝詩選

卷十

國朝
陳恭尹

五

別酒尚餘醉春花今不榮終知吾與子白髮路傷生

秋夕梁素子載酒過宿

悠悠成老大處處閉柴關秋水鷺鷥外江村禾黍間
何期良夜月得照故人顏把酒因成笑勞生不易閒

江上

青山此川上終古見如新可歎浮生者蹉跎卽老人
暮雲高不動白鳥立無鄰獨往秋光裏雙橈與病身

游尹瀾柱銓部園林

屢有名園約初尋洞口來長橋行曠莽積水接樓臺

入座諸峰見憑高遠郭開怪君辭鳳闕家自有蓬萊

又

向暖蕉全圻新晴柳自低聞棋知閣近尋路到花迷
玉馬搖風數朱橨射日齊樓頭人出迓一似隔虹蜺

又

蕭瑟北林聲雲如萬馬行坐中高閣雨天外幾峰晴
向浦帆光溼依人燕羽輕羅浮開一面悽切未歸情

西樵送王說作

相送已惆悵清溪更亂鳴未窮生死理難了別離情

嶺南五朝詩選

卷十

國朝
陳恭尹

六

細草秋無路長林曉有聲不須今夜月還似昨宵明

次鳳陽逢中秋

未到問沽酒早投城北闌莫令亡國月得照渡江人
世薄功名士秋銷戰伐塵餘生付樽酒畱醉上車輪

所見

禁裏曾通籍人前不下牀未離阿保手已綰大夫章
一飯中人產千金匹馬裝白頭蓬室者只自愛糟糠

秋園

盤池供版築杯水在堂坳有室如懸磬爲生且繫匏

近秋桐影薄深夜藥苗交自喜忘機久窓前鳥亦巢

又

隔城聞款乃舟子理帆幘夜氣消羣動江聲到小堂
遠心秋外炯孤燭夢邊長卧起歌殘月滄浪興未忘

又

屹岵瞻何及干戈遂至今生無一日樂老負百年心
息影依林淺尋源鑿井深猶存種瓜地鋤笠尚堪任

又

小雨纔收點高林漸透光風攤書滿案水載月搖牆

嶺南五朝詩選

卷十

國朝
陳恭尹

七

清簟涼消酒深爐夜貯香貧居多所累筆硯爲人忙

又

萬壽炎方果朝來葉漸添搖風重夏扇遮日却湘簾
虛質抽莖直蒼皮着子黏書齋終藉汝地窄不傷檐

又

以管窺能幾深疑甘石經日中開疊暈天午見孤星
赤地兼秦晉流人盡梗萍海隅今得雨稽首謝蒼冥

又

近郭非吾意爲園亦有初本無錐可立差免穴而居

就架扶叢菊分泉育小魚今年鹽價長不必蒔瓜蔬

秋夜王東村梁藥亭劉漢水王蒲衣梁王顧

家夔石過宿獨漉堂讀先司馬遺集枉贈

名篇賦答二首

九原不可作古道更誰陳夜燭開遺草寒齋共故人
星橫騎尾氣霜老枕戈身一讀投湘賦泉扉自此春

宿鳥

日暮將何適歸飛尚有林側銜千里翼獨立五更心
山月橫枝淺寒池顧影深幸無彈射患安夢得于今

嶺南五朝詩選

卷十

國朝
陳恭尹

六

春草

春色來何處南州得最先萌芽依宿燒鮮潔近幽泉
力弱猶穿土光遙不隔天自今歸馬後隨地醉須眠

紙屏

自上孤屏紙輕隨獨坐身止防風及我不使事遮人
汗損關情好高方是德鄰朝來煩好手畫出武陵春

湘管

湘竹生湘水當年事可傷結根逢帝子餘淚亦文章
採作千竿筆隨歸五岳裝書成無可寫天地異陶唐

玉冠

白玉爲冠好輕輕稱敝袍淚曾和氏下形爲屈生高
韞匱常憂玷隨身勿用勞衰年尤愛爾相映鬢邊毛

螺杯

汝出世所棄因之成巨觴縱逢千日酒不忘九迴腸
江海歸何益朋儔興每長誰能賦鸚鵡名字恐相妨

畫義

不謂高難及終知力有窮任人吾自逸致遠汝爲工
枝指傳蒙吏循牆學孔公豈如燕七首只在地圖中

嶺南五朝詩選

卷十

國朝
陳恭尹

元

墨池

石墨汝相得翩翩文采多雖居白黑外將奈濁清何
滿至先知損羣中不受磨毋言一勺小從古有風波

筆山

似得卧游圖峰峰落座隅併將文格古恰與性靈孤
意内存真隱生來伴老儒高溪長在目聚米復何須

棋枰

終古紛爭地當年克讓風畫如分易象度亦合天工
疎密羣星似縱橫末俗同無窮機與巧不出數行中

懷羅浮

琪樹西風粵國秋十年前記住羅浮山光一半來蓬
島海色三更上石樓雲護藥苗侵臘長寺分泉響入
房流葛洪丹井分明在一下人間漸白頭

宿羅浮飛雲峰候日出

仙山終古少行蹤絕頂良宵不易逢暗積落花歸上
界倒懸明月照西峰江湖應瀑聲千里海氣成霞色
萬重一綫日輪天已曉遠雞才報下方鐘

雨後登樓遲梁器圃不至

嶺南五朝詩選

卷十

國朝
陳恭尹

三

江樓頻約落花間亂世幽期豈待閑幾度鶯聲逢舊
國二年春色各柴關新虹映日收殘雨積水浮天出
斷山口極故人居可見布帆無恙夕空還

送梁藥亭北上

南梅枝暖北梅寒君去穠花次第看風雪一帆辭海
國天人三策上春官世情莫借嘗雞肋詩句多吟在
馬鞍得意定知歸計早此心先許釣魚竿

同何不偕梁器圃魏和公梁藥亭陶苦子宿

靈洲山寺柬王說作王大鴈

靈洲秋色淨無煙水匝山隅浪匝天落日客尋江上
寺出林僧放月中船漁依別港燈侵閣鶴宿高巢影
在泉欲與故人同夢到夜來吟咏不曾眠

姑蘇

細烟疎雨闌閣城潮水千年恨未平寶劍賜來吳命
短美人恩重父仇輕宮梧葉落隨流出臺鹿春歸引
子行何處扁舟人去後鑄金猶得似平生

燕臺

燕南燕北戰爭餘白草漫漫雪色初河渡堅冰通下

嶺南五朝詩選

卷十

國朝 陳恭尹

王

博關門沙路走居胥求馬骨言終驗生堪秦曾討
已疎猶有興亡數行淚夜來彈與樂君書

楚中

衡雲巫雨暗江津江上孤吟過一春二女廟邊逢淚
竹大王風急到青蘋虛無玉駟朝天關慘淡雲旗降
楚神終古靈均詞賦在湘南山水倍關人

咸陽

關門一夜柳條春今古茫茫草色新龍虎片雲終王
漢詩書餘火竟燒秦瑤池西望猶通鳥渭水東流不

待人最是五陵游俠客年年磨劍候風塵

沛中

漢皇生長難忘處尺土猶書故宅名四海自飛鴻鵠
羽中宵人哭白蛇聲輕沙淺草堪調馬習俗羣兒敢
說兵千載英雄同一轍徐州南是鳳陽城

洛陽

敝車駑馬雒城邊盛事空憑故老傳嵩室有聲君萬
歲土主無影日中天禮亡已驗伊川髮涕下徒傷賈
傅年莫問漢家圖畫處丹青磨滅化苔錢

嶺南五朝詩選

卷十

國朝 陳恭尹

王

蜀中

子規啼罷客天涯蜀道如天古所嗟諸葛威靈存八
陣漢朝終始在三巴通牛峽路連雲棧如馬瞿塘走
浪花擬酌昔賢魚水地海棠開徧酒人家

鄴中

山河百戰鼎終分歎息漳南日暮雲亂世姦雄空復
爾一家辭賦最憐君銅臺未散吹笙伎石馬先傳出
水文七十二墳秋草徧更無人表漢將軍

金陵

山飛樓閣水飛霞冷落春城宿乳鴉天闕雙峰銘似
戟海門高浪白如花空勞御輦銷王氣曾畫長江作
帝家五馬渡邊龍化後南方文物掩中華

隋宮

穀洛通淮日夜流渚荷宮樹不曾秋十年士女河邊
骨一笑君王鏡裏頭月下虹蜺生水殿天中絲管在
迷樓繁華往事邛溝外風起楊花無那愁

虎丘題壁

虎跡蒼茫霸業沉古時山色尚陰陰半樓月影千家

嶺南五朝詩選

卷十

國朝
陳恭尹

三

笛萬里天涯一夜砧南國干戈征士淚西風刀剪美
人心市中亦有吹簫客乞食吳門秋又深

厓門謁三忠祠

山木蕭蕭風更吹雨厓波浪至今悲一聲望帝啼荒
殿十載愁人拜古祠海水有門分上下江山無地限
華夷停舟我亦艱難日畏向蒼苔讀舊碑

送姜山上人游南岳

送師西去重低徊曾上衡山絕頂來夏帝碑蕪蟲篆
徧楚天峰斷鴈行迴燈前鬼芋穿沙出霽後僧門鑿

雪開正是到時二三月上方明月下方雷

送何不偕

離杯悵惜粵天春遠色青青稻葉新江海漸無高臥
地鶯花如笑未行人多年攻玉同山石萬里薜根學
水蘋南北路岐難定計許身須念白頭親

錢

因成形自洪爐裏冷處來希熱處過貧士橐中千日
計五侯筵上一時歌寫將妙質傳圓月別出新裁付
小荷只用上邊三四字從來深愧讀書多

嶺南五朝詩選

卷十

國朝
陳恭尹

三

將發漢口毛子霞在武昌不得更別舟中夜

坐作詩寄之

滄波芳草暮生烟東望離心倍黯然短棹擬過黃鵠
渡輕裝催上白門船遙從江漢分流地坐到星河欲
曉天明日五更應已遠故人殘月正高眠

送鴈

數聲嘹唳起汀沙亂點晴空暮影斜六翮欲衝遼海
雪一行先別嶺南花但令處處無飛嫩莫恨年年不
到家荇葉蘆芽春漸遍無窮煙水在天涯

梁廷佐

字彥石順德人明經定安教諭著有鍾惠迂言定陽訓則行世

神泉道中

開當時以神童得名

山風吹不盡四望海雲連百蝶戲低岸羣鷗飛遠天
城荒巖戍卒屋破少人烟却見神泉水千秋林木邊

初至葵城甘壽臣同寅以詩見贈卽次元韻

奉荅

驅車千里入葵陽傾蓋逢君興倍長幾處欄干過首
藉數堤桃李壯宮墻經談鹿洞推先覺學講鵞湖憶

嶺南五朝詩選

卷十

國朝梁廷佐胡國柱

故鄉不盡珠璣頗見贈却教酬和愧春陽

胡國柱

字元子順德人國學著有梅雪堂詩草行世

擬讀山歌

園座讌諸姬倩歡爲酒政歡莫生陷阱

又

乘醉學投壺歡方中壺耳儂亦躍三矢

黃從英

字少屏番禺人茂才有觀古堂詩集行世從英原籍無錫洪武初其始祖思泉公任

漳州通判解任入粵附籍番禺會鳳作庚公從番禺諸生領嘉靖甲子鄉薦初授江西信豐令卽賦志泉石遂致仕與諸名人結社浮丘著有詩集文集傳于世

上元夕雨

細雨逢佳節江風散暮烟歌聲雖寂寂春色自年年
燈憶星橋艷杯從玉漏傳最憐今夜月空在暗中圓

同吳方來季偉公集石和尚繪空軒喜黃位

北歸自端州

偶動尋春興禪扉靜不關方從幽逕入却喜故人還
相對情如昨相憐髮欲斑此時花正好且與戀青山

嶺南五朝詩選

卷十

國朝黃從英

三

贈弘載禪人

草笠芒屨渡海東粵城從此見高風一天花雨談禪
後長夜團樂出定中每憶雲山曾結社幾從離亂任

飄蓬何人早去塵中累得似淵明對遠公

送龐野直之端州

獨倚津亭意自傷征帆一片挂斜陽行當別路山千
疊醉向離筵酒百觴入夜西風生錦浪滿天明月見

垂楊到時莫上江樓望一隔羚羊非故鄉

鄧元暘

字曉人 翻開人
有長林集未刻

長橋秋月

雲淨青天迴長橋月正明
心同流水遠色並廣寒平
夜氣霏衣袂秋風冷客情
忽聽何處笛愁盡落梅聲

白鴈

北風連夜起嘹唳遍南洲
一望蘆花裏悠然冰雪流
影沉孤月上聲切異鄉愁
莫更遲書札聞人正倚樓

李象豐

字煥生 待問姪 領
著有仲堂詩鈔未刻

嶺南五朝詩選

卷十

國朝 鄧元賜 李象豐 三

春日郊居

結茅依竹塢曲徑繞長堤
水漾園花落風迴岬柳低
閒吟隨鶴步獨酌對鶯啼
一任柴門外春深芳艸迷

七夕立秋

年年過七夕今夕迸逢秋
勝節知難會孤懷未易酬
竹風清几簾桐月淡山樓
一片銀河裏何時渡女牛

柴門

一林喬木好采采得相依
借汝霜中幹爲予隱者扉
光隨溪月入靜隔俗塵飛
况與前峰近長歌懷采薇

冬夜拾遠閣

萬井風烟向夕開一身閒處獨登臺
疎櫺漫啓雲常過短榻高懸客每來
松老但巢千歲鶴徑深重積百年苔
四時不盡花如錦此日寒香又着梅

羚羊峽

路入羚羊冷夕曛秋來鴻鴈影繽紛
風高半嶺翻黃葉寺峭孤僧出白雲
不盡啼猿愁裏聽幾回吹笛靜中聞
雨餘又見烟嵐起猶憶禺山有二君

譚朝璉

嶺南五朝詩選

卷十

國朝 李象豐 譚朝璉 三

字瑜臣 番禺人 茂才
有滄如堂稿未刻

中秋友人見招玩月分賦得光字

觸景難成寐銀蟾徹夜光
自憐佳節序一笑舊冠裳
有客臨秋浦拉予過艸堂
且乘庾亮興倚月更飛觴

月夜舟中聞笛

明月滿江城蘭舟四望平
落梅何處所孤客不勝情
風起寒潮疾星飛遠岬明
踟躕還悵望江上有餘聲

七夕感懷

銀河寂寂海天秋乞巧人家盡倚樓
花舸廿年風雨

夢鵲橋幾度亂離愁滿溪明月光仍在一望浮雲暗
欲流遙憶素懷無覓處擬將心事問牽牛

李長毓

字渭公長華弟茂
才有馬山草未刻

客中感懷

幾年行止盡風塵窮海迢迢尚旅人就食已無長劍
客倚門還有白頭親投窮卞壁終懷楚凋盡狐裘未
去秦自笑此身危似葉不知何地再逢春

春夜同諸子步月分賦得身字

嶺南五朝詩選

卷十

國朝

李長毓潘德輝

三

百花齊放此時春高會何期共故人杯酒重當江上
月亂離同情客中身野潮接岬遙通海閣影涵光不
染塵行罷一溪殘析盡數聲疎磬出雲津

潘德輝

字龍巖番禺人茂才
有朱溪詩艸未刻

過友人齋頭分賦

一徑蕭條滄海東高齋閒對俗塵空石牀花影留明
月竹竈茶烟度好風養久鶴忘雲水外偶來人訝畫
圖中瑤臺何用尋仙境欲解儒衣待赤松

送郭堂尊西征

歷歷征帆遠郡城雙旌遙指海波平汾陽自昔堪推
敵終子空慚未請纓席上莫辭重進酒陣前好築受
降城殷勤岐路瞻行色從此西南息甲兵

上連山梁夫子

一望書厨信可尋幾谿桃李自陰陰我辭絳帳春猶
暖人立程門雪已深花放鳳城思對酒月明湓水想
高吟韶華十載須臾過猶負相逢一片心

李長鼎

嶺南五朝詩選

卷十

國朝

李長鼎郝瑗

三

字元公長華弟有
雙柳堂草未刻

送方子兼廣文之任韶州

山林高卧慰相思親老今爲一鐸辭曉棹晴明浮海
濶春雲濃澹出山遲前賢風雅多增重今日文章待
起衰若到官衙書柿日知君不忘老萊衣

郝瑗

字瑗卿番禺人龍溪逸
史有世園詩草未刻

小圃梅開有懷羅仲牧

美人何處所相望杳難通路憶三山外心懸一水中

暗香沉几席古韻寄絲桐獨自披襟對迢迢江上風

寄懷邏坑寺真上人

孤峰遙隔路茫茫鴻雁空勞付八行別後詩情思舊
日望來雲物惜他鄉蟬聽竹底聲微響鶴卧松林意
倍長自是遠公堪想慕塵談曾否記疎狂

李長倩

字紫村南海人明
經授興寧教諭

荷杯

翠蓋時當夏黃流注在心空中無所着香處靜宜尋

嶺南五朝詩選

卷十

國朝
郝駿李長倩

三

吞吐幾成醉圓欵莫浪吟濂溪閒一酌珍重過南金

除日同東園弟讀昌黎送窮文

年華新舊此殘宵偶讀遺編轉寂寥一去韶光傷往
事幾回詩思負春朝燭明照雪穿泥壁雨暗寒花濕
板橋不盡綺羅何處望五湖烟水路迢迢

陸俊元

字誕登南海人
有浪吟草未刻

永慶菴步月

獨步禪門路林間月倍明遠燈秋樹薄斷岸暮潮平

港靜聞魚吹樓高起笛聲徘徊人不見蕭索草蟲鳴

送梁疊石任定安司鐸

廿年交誼重千里別情深易醉離亭酒難忘此日心
遐天飛遠夢窮海聽高吟莫訝炎荒地翻成桃李林

馮璿

字虞衡番禺人
有春園集行世

咸陽懷古

驅車復過咸陽道西望驪山欲愴神長劍尚傳赤帝
子一聲如哭白蛇人大風沛里曾歌漢餘火阿房又

嶺南五朝詩選

卷十

國朝
陸俊元馮璿

三

燬秦遙望北邙荒草裏鷓鴣啼處寢陵春

送燕

曉來不見繞梁聲玄鳥翔風上玉京哀尾剪寒辭海
國輕身隨月出江城香泥冷落家何處故壘荒涼夢
不成今夜有懷誰共語竹簾高捲一秋清

葉世祺

字介如南海人有
浣霞堂詩草未刻

鎮海樓秋眺

層欄漠漠總飛烟此日憑空思渺然北枕雲山青不

斷南沉蛟室白無邊一樽笑傲秋風裏滿眼繁華夕
照前自是登臨元不盡幾人題遍粵山川

郭爲憲

字式觀番禺人
有是堂集未刻

漁燈

點點沙汀出蘆花夾岸秋焰沉驚水族風定上山樓
倚棹人何在空江火欲流淡烟與疎雨掩映未曾收

雪夜

朔雪漫天布蕭蕭散遠林微裴稀不敵短燭冷偏沉

嶺南五朝詩選

卷十

國朝
郭爲憲李洪芳

瘦共梅花影寒分高士心擁爐當此夜淒絕不成吟

李洪芳

字美君番禺人
有蓮居集未刻

對月偶成

高潔受人憐臨秋色更妍微雲不復掩清影自年年
夜靜頻來照思深懶去眠幾回皆獨見辜負好團圓

閉門

近得閉門趣悠然遠世情多時無客到幾日有詩成
坐久衣綃薄吟狂鳥不驚更憐當徑草忽忽雨中生

林璇

字本茅番禺人國
學著有松坡堂稿

新月

一線初生月光輝漸有期團圓餘後夜虧缺惜今時
映水分魚釣當人別柳斜江山正溟漠憐爾照參差

擣衣

佳人何處所一夜搗秋砧庭月寒饒夢邊風遠及心
線綿燈下淚木石手中音莫共更籌永終宵勞越吟

秋塞

嶺南五朝詩選

卷十

國朝
林璇

詩

玉關千里外寒迴晚風幽上將陳三畧征鴻度九州
殘陽衰草道微月遠天秋漢使南歸後何人上戍樓

宿峽山寺

家園何處是生事水雲隈日暮三湘舸天寒五嶺梅
我身成野老形勝半餘灰今夜忽來此心從古殿開

秋航

澄江淡無際碧水滿平湖野岸維衰柳晴煙出淺蘆
鷗隨輕浪渺人共片雲孤一葉長江外秋心靜到無

秋村

幽居村舍靜秋色野人心衰艸牛羊地閒園橘柚林
谿春朝露暗社火夜燈深日夕黃花飲相招出近岑

昌華苑懷古

地盡南溟霸業空苑臨洲岍水全通樓臺勢接三城
下山海形分五代中雲壓翠翹芳艸綠花薰華譙荔
枝紅一州舊屬興王府回首深宮起白龍

山影

晦明千載任升沉隱耀長緣曉暮心頓跡引雲歸午
夜倚空移日出疎林牛羊待牧休尋路杖笠登途好

嶺南五朝詩選

卷十

國朝
林瓌

圭

欹吟越絕遠天屏障下東風乘爾趁春陰

秋村

黃菊花開墮井梧寒塘清影接平湖蠶桑挹露晴宵
爽鷄黍勞人曉月孤蟬帶葉聲園外脆門連溪州社
前枯不須更上山樓去笑掩茆齋臥酒壺

登鎮海樓

巍樓重建亦餘焚雄鎮城頭插白雲層勢踴乘天地
數簷牙高煥女牛文萬家烟火當窓見五嶺山河隔
日分春色不殊王業改笳聲猶憶鹿譙聞

衛 鎔

字元治番
禺人茂才

西園晚眺

晚步西園上川原望不窮樹低歸宿鳥山暮下樵童
月色隨愁滿漁燈射水紅浮丘山外客徙倚碧雲中

秋夕寄懷林耆勵

徘徊明月上闌干落葉蕭蕭秋未殘不見故人魂易
斷每添離思淚難乾鄴中散帙隨愁亂壁上焦桐借
興彈我欲覓鱗問消息幾回流水夢中看

嶺南五朝詩選

卷十

國朝
衛鎔

美

黎履吉

字鴻堂南海人茂才纂修會典
誌書及選刻歷科程墨行世

羅浮玩月

誰見羅浮月光沉四百巒石樓分大小仙子共團樂
有戶通滄海依橋接廣寒徘徊當此夜詩思在雲端

鎮海樓

百尺層樓控太清烟嵐面面入虛檻南連珠海環如
帶北擁雲山翠作屏萬里風濤終自息三秋林木羨
長青霸圖一去誰重賦獨倚危欄看杳冥

臘月由惠陽歸自東官留宿陳來吉別業別後寄懷

惠陽歸路逼冬殘煙雨霏霏旅客看邂逅何期逢止宿淹留頻得勸加餐幾年一水勞新夢半榻三更憶舊歡遙識別來詩思好欲憑飛鴈寄雲端

春日喜羅浮山黃積菴李東園諸子過訪因策杖秀山分賦

池亭花事惜春徂孤館蕭條意自如掃徑忽逢高士至入林同造老僧廬石牀坐卧歡無極芳草行吟興

嶺南五朝詩選

卷十

國朝黎履吉

羹

有餘良會正饒歸路晚柳絲如欲繫人車

丁丑端陽同李東園諸子舟中分賦

蒲節同君泛小槎笙歌繚繞過丹霞臨流羨有風人駕鼓棹還尋處士家海國暗思情漸遠江城回首日偏斜逢時感慨情非淺一片閒心在水涯

祝南海金慎齋明府

海屋筵開據上游天南百里頌賢侯政從清淨民無擾仕在衝繁學最優廉官聲名今古重真人功業後先留內陞宋後多循令不盡高吟春復秋

何 枋

字太詹吾縣家孫明經著有鵲寫堂集俟刻

五日泛虎涌晚出石岐作

仲夏溪潮滿沿泂野興偏鳥聲煙際樹山色雨中船哀些酬芳節菰蒲近晚筵大江還鼓枻沙渚夕陽邊

與吳山帶陳獻孟徐鐸愚家孟門宿臣範堂卽宋三忠祠明南園五先生結社地

叢祠空日暮吾黨一登堂芳草不生夢高風尚可望明河當戶牖清露滿衣裳中夜發遙思秋深殊未央

嶺南五朝詩選

卷十

國朝何枋

毫

黃葉

舉目山陽葉泠泠秋氣深高風吹古道殘日帶遙林影薄眠溪鹿柯寒立雪禽遲回衰草上誰共此時心送楊二山歸里卽有南洲之行

暮潮初上散離筵相送橋南一黯然竹里日寒芳艸路柳溪煙蔽故人船詩留蘇壁鳬鷗地夢繞蘭旌吳越天惆悵杜門成老大聽雞頻起惜流年

晚飲蓮華峰絕頂同李采木劉塞甫賦

行樂同爲絕頂身天風飄拂羽裳新千林鳥盡低吟

席六縣山皆對酒人眼底好花非昨日雲端芳信又
殘春臨高且縱青冥目況有仙才并絕倫

八月十三夜集湖中孤嶼同諸子分賦

芳洲清讌沈寥天座外清波四渺然綠酒莫辭長夜
飲彩輪猶隔一宵圓高歌直欲招劉阮濡首誰還別
聖賢不信湖風吹便醒遠聞魚板出蘆煙

東林呈卽公

一入東林喜地偏此心非昨冷如泉卧看列岫皆成
畫行愛真僧不語禪朱橘亂垂青澗草翠禽閒立東

嶺南五朝詩選

卷十

國朝
何斌

三

梅煙自嗟幾日蘭舟別海上幽期又隔年

與王東村宿他鄉舊居

入門便覺思無窮數踏經行落月中樓影欲斜天地
暝竹聲蕭散性情空繁花近石凝光露一葉投堦下
細風惆悵秋山不歸去飄搖又與故人同

秋懷

遠懷日日喜登臨極海遙天繫寸心風雨未成雷隱
隱魚龍欲動日沉沉百年鬚髮人如此萬里蒹葭秋
又深拂袖長歌暫歸去東籬無恙待高吟

王隼

字蒲衣邦畿子懷才高隱少擅操觚著有
大樗堂詩集外集無題百詠及撰訂詩經
正訛唐詩五律英華嶺南三大
家詩選嶺南詩紀諸書行世

筌篴引

公無渡河河水急鸕鷀不食銜沙立公竟渡河悔何
及悔何及今可奈何短歌一曲投滄波

筌篴謠

滄海深深深可汲泰山高高高可及二雀飛飛不可
測朝同營巢暮不相入一向巢中鳴一向巢外泣

嶺南五朝詩選

卷十

國朝
王隼

三

艾而張

艾而張羅山之側東向西南向北田有禾穞有麥乳
雀低飛傍母泣

秋風辭

秋風瑟瑟兮鴈影寒芙蓉泣露兮百艸乾明月皎皎
兮照銅盤蒹葭接岸兮白漫漫盼歸雲兮獨倚闌望
美人兮楚水端佩長劍兮岌岌冠餐菊英兮飲木蘭
傷靈修兮起長歎從彭咸兮去不還招魂邈邈兮曉
星殘對孤燈兮思舊顏

李夫人歌

燭閃閃兮風飄飄
帳寂寂兮雨蕭蕭
魂遲遲兮步搖搖

折楊柳枝歌

上馬折柳不折桑
剝葉染衣不染裳
老禾不割飽饑鼠
老女不嫁飽空牀

夏人歌

鳥之集松與竹魚之遊川與澤
駕我車兮歸我毫兮

耕田歌

嶺南五朝詩選

卷十

國朝王集

四

耕田苦耕田苦去草根兮根入土
耕田樂耕田樂待得秋來秋有穫

麥秀歌

山日落兮木葉黃
雉低飛兮麥隴涼
老馬徘徊兮嘶路傍

上留田行

啼兒啼向天啼兒真可憐
安得父母生目前
啼兒啼向天啼兒不可憐
不隨父母死黃泉

艷歌行

長安流蕩子中夜起長歎
借問歎何爲故國夢中見
梧桐棲彩鸞瑤瑁巢玄燕
簾垂孔雀屏香暖鴛鴦薦
青樓倚佳人低頭弄團扇
向月抱琵琶聲淚雜紅線
意欲將黃金買賦申哀怨
持此感人懷恨殺春歸鴈

長安有狹斜行

馳驅狹斜道香風熏繡轂
鏘鏘啞路傍共歌楊柳曲
家居臨御溝堂懸九華燭
鴛鴦列成行孔雀屏邊宿
朱履侍龍樓丹青畫麟閣
翠羽映綠沉珊瑚照綈幕
朝聽趙女箏暮奏龜茲樂
春花芍藥開秋葉梧桐落

嶺南五朝詩選

卷十

國朝王集

四

瑤顏進縹觴方娛千秋酌

送孔樵嵐參軍還毘陵

皎皎明月光團圓豈能久與君
非一身安得長聚首
弱水阻舟航石林阻車軸
出處崇明德纏綿期永好

金銅仙人辭漢歌

茂陵石馬眠寒霧臺上曉雲空
泣露磨劍猶驚天子
魂渭城夜別劉郎去咸陽路
暗踏衰蘭淚凍長雞啼
不曙携盤遠逐秋風折夢入宮門望漢月

西山晚望懷陳獨漉先生

倦鳥飛杉影行吟艸澤間夕陽多在水殘燒不歸山
暮雪暗移髮寒花待掩關何時吾與子同賦采薇還

山中

寂寂秋山裏荒齋破廟鄰溪聲長到枕雲氣不離身
藥圃携同鶴權門讓與人因思車馬客頭白世間塵

初秋郊行

冷葉啼楓影吟魂并艸凋星河辭昨夜秋色占今朝
殘燒稻根接微陽鴈背消不堪愁望裏賒酒慰無聊

夜坐遲梁王顧不至

嶺南五朝詩選

卷十 國朝 王集

三

竟夕醒雙眼微吟祗自呈心棲孤燭影身坐百蟲聲
避火魚頻擲移枝鳥暗驚佳人期未至涼月向誰明

秋蟲

不知何事苦唧唧遍苔牆況是悲秋客相思坐艸堂
殘更晴弔雨明月冷吟霜更遣愁人聽應同怨夜長

初歸省母夜侍大樗堂命賦燈字

侍立頻垂淚悲歡此夜燈六年千里客八口一池水
乳燕巢新壘饑鳥啄古藤飄零慙仲子偕隱入於陵

青苔

杖履不到處幽人一片心平生依水石多是伴蟲吟
雨細連堦積秋空覆葉深柴門無客掩寂寞到而今

村居

酒醒繁憂滿年來百事垂憶山添懶態入世減狂懷
蟲語當秋苦詩情向月佳相思將旅鴈一夕繞天涯

杜門

杜門離亂日麋鹿是吾徒身賤慙人識顏衰賴酒扶
寒雲飛眼澗秋葉落心孤何處尋知己狂吟向野蕪

憶山

嶺南五朝詩選

卷十 國朝 王集

三

三載還家客行吟古渡頭共看新葉落獨憶故山秋
有鶴雲依樹無人月占樓一從辭杖笠辜負蓼花洲
同梁藥亭先生暨社中諸子集具茨山堂遲

陳元孝金吾不至

虛堂亭樹一層層踏蘚吳鞵想共登傍水鶴連看竹
客遠峰雲伴住山僧芙蓉畫破池邊月蟋蟀吟枯映
草燈知爾小樓閒臥足八分書寫鵠文綾

夢更涉

丁未溺於龍江

昔年共約匡廬隱今日相逢夢寐間空歎有魂歸白

水可憐無骨葬青山數篇遺草畱孤韻一樹寒梅想
瘦顏石上三生人不見等閒風月幾時還

對水

耿耿縹緲月搖搖漁父相携坐石橋冷影更從何處
見熱心頻向此中消雲圍孤雁拖回影星漾寒魚擲
落潮欲弔靈均徒有賦洞庭秋倚木蘭橈

漢臺

漢臺遙隔海門東豆蔻香消信不通碧砌春殘薰芍
藥銀瓶秋曉冷梧桐鶴聲久已歸雲外鸞影何處入

嶺南五朝詩選

卷十

王集

墨

鏡中篋內繡書燒却盡莫教惆悵怨飛鴻

無題

當年曾醉酒家胡珠勒金堤踏綠蕪鸚鵡簾前呼小
玉琵琶舟上倚檀奴欲攀明月爲珠珮擬剪朝霞作
繡襦料得別時顏色在玉壺紅淚不曾枯

又

書寄濠梁又一年偶逢好夢轉淒然碧螢自弔真娘
墓銀甲誰彈素女絃東海珊瑚沈夜月西陵松柏鎖
秋煙燈前共聽王郎曲風雨蕭蕭啼杜鵑

余象斗

字公輔順德人順治辛丑成進士
即歸隱不仕著有嘯園詩稿俟刻

憂旱

梧桐一葉墜大火已西流農人終歲勤稼穡望有秋
昊天不降雨中谷曠其修高原成失潤下隰罕成疇
九州定貢賦結程何以謀焚巫與焚尪魯公德不周
成湯六事責宣王側席憂豈是玉食計直爲蒼生愁

宿黃沙坑

晚向荒村宿遶門皆草萊傍山無海物近市有春醅

嶺南五朝詩選

卷十

國朝

余象斗

墨

舊路殘碑碣古祠生蘚苔兒童能愛客相視共徘徊

題何晉臣墨梅

羞同濃艷質淡素有餘粧古幹自生蕚衝寒豈畏霜
名山羨爾早高士愛其芳幾許羅浮夢無如翰墨香

立秋

梧桐飄一葉高空散旅愁問字多携酒耽吟憶汎舟
異鄉忘日月古樹逼城樓夜與幽人坐臨風最喜秋

七夕

搔首踟躕欲問天如何相晤又經年河橋有鵲終能

度世路無媒祗自憐華殿張燈迎碧玉銀州深夜見
神仙關心最是此良夕客裏瞻雲一惘然

鎮海樓

高閣巍巍氣象雄層巒擁翠入簾櫳萬家烟火疎林
裏四海梯航倚檻中今古霸圖成故壘往來遊客醉
秋風何堪白首重登眺草色鴉聲思不窮

喜陳元生年兄賁顧草堂卽送之都門謁選

長兒曾共賦芩華一別羊城節屢更勞枉軒車來問
訊多慚藿食漫相迎秋凋楓葉過梅嶺雪覆征鞍上

嶺南五朝詩選

卷十

國朝
余象斗

吳

帝城若向國門逢大老爲言林下日開枰

初秋送鄭珠江太史還朝

湛露初零粵海濱桂林誰許作閒身十年將母成全
孝萬里還朝見藎臣月色漸沉金殿曉寒威將散玉
堂春遙知北闕瞻天後定有新詩寄所親

余映斗

字劍君象斗弟著
有山隱初集俟刻

清明日旅中感懷

清明五載不能歸欲渡圻埃無羽翼故土荒墳斷海

濱水源木本摧胸臆聖朝恩重撤邊防遊子春深仍
旅食塚上相逢酌酒人心中自覺覩顏色登臺遙睇
隴頭雲淚染他鄉芳艸碧

謁陳白沙先生祠

一代儒冠身後傳遊人向晚入孤村因尋舊址岡城
下再拜先祠古道前碧玉樓空飛野雉楚雲臺廢隱
啼鴉江門烟月誰堪繼讀罷殘碑自黯然

荅林莒有年兄

烏衣門巷盡輕裘十畝園亭水漫流酌酒花前憐阮

嶺南五朝詩選

卷十

國朝
余映斗

墨

藉論文林下識何休雲歸古寺鐘初寂雨過垂楊烟
自留醉與春鶯新睡足詩篇敲月落城頭

圭峰春望

圭峰烟雨鎖橋西踏遍東風芳艸萋雲遶厓門隨意
去鳥歸壇畔傍人啼舊鄉一路天連水荒徑三春燕
掠泥且盡吟邊數杯酒夕陽斜照晚山低

望厓門

厓山一望草芊芊故壘孤陵共可憐百戰山河依海
國一朝王氣散樓船夕陽華表無歸鶴荒殿春深有

杜鵑回首不堪傷往事至今波浪撼長天

余雲祚

字善將象斗姪康熙庚戌成進士初授湖廣藍山縣印歸隱著有杜史閣初集行世

雲杖

壬子春予遊三洲岩洞中得觀八寶或稱雲杖丹竈或名石象金貓或號游魚素鶴地鼓石鐘各各相具本來面目天然之妙倍勝人工因繫之銘

一竿直上插地凌虛用作柱石以壓蓬蔭其剛者心其堅者幹磨而不磷勁直侃侃捧日擎天撐雲頂漢

丹竈

嶺南五朝詩選

卷十

國朝
余雲祚

哭

豈是葛洪求爲勾漏豈是羅浮異人來授炎劫灰於何能收績忝報成丹用報就不知春秋云誰夭壽

石象

石肖虎形不寒而慄迺作象身普賢是率爰啓午朝資爾良弼胡不金門而藏石室自愛其鼎以全吾質一鳴驚人誰與爲匹

金貓

何來蕭淑得現金身幽蘭與伍大士爲鄰豈無碩鼠不啄青蘋惟爾守雌無騰頰舌伏在岩前以自修潔

遊魚

混跡江湖疇知鑒賞一躍龍門爲鱗族長魚遊于淵稜稜欲上濟川爲霖奚事執掌相彼丰骨其質骯髒

素鶴

有鶴在陰時存素心岩壑森森不伍凡禽飛鳥遺音髣髴唳吟我來爰止鄴侯之身水落石出空山無人

地鼓

震雷出地聲聞于天瞻彼石土扣之填然曾鳴天鼓羽化登仙亦有地柱日擊不穿款坎鞀鞀於斯萬年

嶺南五朝詩選

卷十

國朝
余雲祚

哭

石鐘

石鐘山下異人稅駕其聲噌吰如聞大夏於論鼓鐘三洲堪亞君子聽之流連尊竿髣髴一聲寒山月夜

東堂書聲

雁門峰獨迥秀鬱棗堂祠白簡聲猶昔青細業在茲金山鄒魯地扶海謝王時姒氏風流遠先猷許共知

蔡崑陽先生曰棗堂爲余氏之祠余氏實出禹王之裔未句稱述婉詳極得風人之旨

燕臺

君庸關外草芊芊
北風橫萬里烟
易水西隨巴蜀
去冀州南與豫徐連
千金市骨誰甘後
一七環秦爾
獨先聞道幽燕多俠客
風流曾否似當年

咸陽

葉滿官池草滿墳
當年不識漢家軍
函關未破全廢
沒坑火方燃二世焚
塞外野猿哀白骨
沙丘走鹿傍
黃雲老人圯上三更授
應笑秦王尚好文

沛中

幾家烟火舊池塘
野老爭誇說帝鄉
馬上功成書故

嶺南五朝詩選

卷十

國朝

余雲祚 余錫祚

辛

里澤中亭長是高皇
白蛇當道誰能擊
紫氣浮空若有光
泗上莫忘生長地
新豐禾黍正蒼蒼

舟中晚眺

夕陽芳草綠離離
古廟維舟讀斷碑
鷗鳥自浮碧水
上鷗鵠初唱茂林時
蘆邊新月更初響
野外清風睡
獨遲遙望鉢峰何處是
淡烟濃樹好相期

余錫祚

字允賢 象斗長子 領康熙己酉鄉薦 癸丑
棟選知縣 改授德慶學正 有紀亭集 俟刻

秋晚雜興

秋入芙蓉鏡
羞看近老夫
雄心消宦裏
衰鬢與年俱
曲檻諸峰見
高歌片月孤
嵇康懶筆硯
遲答故人書

寄舍弟際五

江關無恙一潮通
曾記芸窗誦讀中
今日別離鄉國
異昔年辛苦弟兄同
夢歸山下驚離犬
書斷天涯怨
塞鴻愁逐片帆更回首
澹烟疎樹故園東

哭梁浣思

歎息才人不久留
淒淒楊柳結春愁
生前屢獻凌雲賦
死後應歸白玉樓
暗長薜蘿懸屋角
新添嫩草上

嶺南五朝詩選

卷十

國朝

余錫祚

壬

墳頭少年身後多餘事
腸斷西風恨不休

秋日候兼五舍弟不至

擬遊錦石約初春
今到秋來未問津
客舍烹魚頻見
字池塘入夢已經旬
故園會聚知良友
異地思維只
老親正爾趨庭應不暇
深慚微祿久羈人

丁卯夏開建姚令以病乞休予時奉中丞委

驗因感其悲涼之狀賦此以慰

路入山庄榴火繁
封陽日午下征驂
雲嵐擁斷千家
樹堆堞橫開一縣門
萬里爲官仍卧病
百年無後不

堪論亦知令尹歡心處不盡甘棠撫字恩

余錫純

字兼五茂才象斗次
子著有涯西集俟刻

送沈子敬入都

漸老知遊苦思鄉每越吟一年南北路萬里弟兄心
柳帶朝烟重江波夜雨深前途堪寄詠何處可追尋

送陳士皆還五羊

幽棲長隔郡城居笠杖閒游到海隅江上酒醒山雨
重亭邊吟罷夜燈孤他宵愁思同明月盡日波聲在

嶺南五朝詩選

卷十

國朝
余錫純

奎

去途回首五峰無百里春風歸鶴待林逋

送宋東來歸吳興

舊遊相憶野塘邊春雨陰陰萬壑烟歸去西湖纔幾
口重來東粵又三年江楓夜落漁爭港蘆雁寒喧水
上田北嶺蒼蒼空遠望中流帆影入長天

讌集雨花洞予曾寄居於此

廿年相對意逡巡臺榭依然氣色新旅雁豈忘棲宿
地秋花曾笑亂離身微霜覆石寒侵袂老樹依山影
過鄰旬日杯盤三醉此高歌還似舊時春

羅之璜

字毓瑞南海人
明經授司鐸

鹿院與陳道人話別

天涯何處去折柳不勝悲握手傷遲暮長歌惜別離
白雲隨綠水黃菊滿東籬此後玄都裏何時共賦詩

早春寄懷

栽就雲箋隔渭津舊遊何處不風塵三年樂事同朝
露一日幽懷又早春幾處流鶯徒入耳數行歸鴈倍
愁人會須把晤西樓下花滿長安眼色新

嶺南五朝詩選

卷十

國朝
羅之璜

奎

送友

蝶舞荷花驚旅魂孤舟催促度黃昏行看陌上無楊
柳極目雲山只送君

客中野步

暖日融華紫氣光浩歌移步出東鄉灞橋楊柳年年
綠何處春風不斷腸

蝴蝶花次韻

一雙蝴蝶出芳林錦翅如忘去住心風動幾回還自
舞踟躕堪作夢中吟

衛鏜

字異水番
畀人茂才

梅花

林臯一片露餘光寂寞春懷共草堂幽氣欲隨溪上
雨遠香微帶月中霜無言已許同高士有夢難尋在
醉鄉太古自矜還自得獨持孤影照寒塘

贈滙菴叔祖追繪慈幃像

慈幃久已去人寰欲吟音容縹緲間寫照自尋昔夜
夢披圖忽見舊時顏衣牽膝下情無限食供堂前淚

嶺南五朝詩選

卷十

國朝

衛鏜傅夔

畫

暗潛誰道今人多遜古此心原不異丁蘭

傅夔

字長甫
有輕尼堂稿行世

不遇

長言虛十上慚愧又促裝野木藏山色閒花挹露香
巢空聞鶯語春老見鶯忙賸得籬邊菊秋來傲雪霜

新柳

嫩綠未成絲春風習習吹始懸天下眼漸展世間眉
影小臨池靜枝低到月遲一從離別意折贈却因誰

高嘉學

字斯啟
番畀人

放雉

一入深籠損羽翼柴門終日得相依久離汀渚鳴嘗
咽縱足菰梁體不肥舊侶正堪尋影去故山應可計
程歸秋來倘逐隨陽隊繪繳休爲再墮機

高自西

字對京
番畀人

綠珠井

嶺南五朝詩選

卷十

國朝

高嘉學

自西

畫

荒烟淒斷懊農村雙角山頭日又昏姓字尚能畱故
井珍珠難復買芳魂千尋斷縷空遺恨百尺危樓早
報恩回首可憐生長處不堪風雨夜啼猿

高遇

字際斯
番畀人

重過友人山庄

亂離曾向此中遊撫景相違已十秋菊逕蘭臯重作
客柳橋楓岼又維舟新知爭見殊青眼舊識陪歡半
白頭醉後更論前度興壁間吟詠至今畱

黃帝爵

字修自南
海人茂才

喜諸昆弟過訪禪山書舍

五月禪山住琴書自一林何期愁病裏偏喜弟兄尋
當酒籌家計聯牀見客心會離無限意珍重此宵吟
舟過蒼梧有懷舜帝次關超紫韻

孤城客過草萋萋不盡薰風送杖藜虞帝舊臨蒼野
外寢陵今在粵天西江分湘水猶餘淚鵲老蠻山不
住啼幾欲臨風一憑吊白雲翹首夕陽低

嶺南五朝詩選

卷十

國朝
黃帝爵

美

登爛柯山

高峰遙望水漣漣此日登臨思惘然古洞但傳觀弈
事石碑誰紀爛柯年仙蹤縹緲猿啼月山色蒼茫樹
刺天欲把清吟問樵者夕陽西望隔蒼烟

李德林

字宗博順德人茂才
著有偶存詩稿俟刻

村居雜詠

板橋通委巷白日過人稀危石坐當午長松陰一圍
蕭蛸銜露立雛鵲曳魚飛徙步澆原圃參差綠笋肥

又

小溪迴百折溪盡海門通孤棹依漁浦中流下釣筒
山光侵岸紫水氣上天紅落日青蘋動涼颼滿短篷

定山

空碧插芙蓉微茫度曉鐘遙從孤郭外高揖百神蹤
松影迴飛鳳泉聲冷伏龍前蹊忽不見斜壁白雲重
又

百折出林際江風林下來巖巒疑欲墮宮殿豁然開
雙峽高相倚羣峰勢盡迴蒼茫發孤嘯鳴鶴起空臺

嶺南五朝詩選

卷十

國朝
李德林

老

秋夜登縣西山

步月出林杪霜容瘦一峰振衣發孤嘯栖鶴鳴高松
望遠嫌三面攀危更幾重秋思清已絕吟罷古壇鐘

五日

楚城三戶更何存此日江津空復喧已分寸心長對
水豈應杯酒便招魂共矜旆影翻雲日爭駕潮頭入
海門一箇腐儒成浩歎獨歌殘些立黃昏

田家即事

暖風拂面日初長竹裏花間戶戶忙牧豎去吹牛背

遂儲妻歸養馬頭娘一坡螻蟻爭芳草幾點蜻蜓趁
夕陽共道明朝雷雨好隔離相慰酒瓶香

詠馬呈蔣少參

桃花紫艷未分明翻羨香羅覆綵纓金埒豈堪垂汗
入玉山虛擬踏烟行蒼茫峻板晴沙亂寂歷空槽莫
雨生偏有孫陽看瘦骨不應牢落向江城

秋夜集聖治上人精舍

涼生塔院一聲風白社經過此夕同舍露疎花明檻
外出雲晴月上天中心歸淡泊詩偏細道證虛無酒

嶺南五朝詩選

卷十

國朝

李德林陳贛

五

亦通祇恐與師談未足簷邊馴鴿又開籠

送麗西牟北上

露下蘋洲烟水明紅螺千觥醉江城一聲畫角收殘
月萬片寒花傍曉程河路日遲冰未斷宮門春暖雪
初晴吟鞭此去風光好駟馬相如最盛名

陳贛

字端本恭尹子茂才
著有
稿俟刻

秋園次家大人韻

池水常清淺秋來過雨添新涼歸短袷疎月微重簾

哀鴈因風亂飛花着露黏誰為握粟卜餬口待窮檐

又

吾家無舊物傳世有遺經日月期將旦奎婁仰聚星
宋雲祖代周五星聚奎寶儼
謂陽遜口自此景運始開乎
白虹侵赤暈紫土拭青
泮化碧于霄氣高飛入窅冥

又

陶令懷三逕孫公賦遂初多慚孤竹宅猶稱野人居
近市偏知屢臨淵豈羨魚秋哇霑雨潤負鉅采嘉蔬

次韻答家引眉

嶺南五朝詩選

卷十

國朝

五

氣誼推吾子才名孰與同詩成惟法謝文似素稱雄
把筆驚三絕開窓起八風幾回樓上月相望白雲峰

九日登鎮海樓

萬里蒼蒼景物清登高人與白雲平秋風直捲扶胥
浪霸氣空餘陸賈城樓下谿山橫北郭望中禾黍屆
西成開懷且就黃花地共倒尊罍泛落英

元旦侍家嚴偕士皆弟登鎮海樓

異莢初開一葉榮九天風雨散三城飛樓矗矗白雲
淨春日遲遲珠海清西下胙江通碣石東來仙嶠自

蓬瀛趨庭此日多嘉慶絲服相從弟與兄

中秋後一夕侍家嚴同丈人吳虎泉先輩羅

仲牧集黃積菴見堂雨中分賦

將車竊幸得從遊一會南園盡儒流明鏡飛天如昨夜碧梧過雨送中秋井邊水滿堪投轄坐上風生好戲鈎不是主人能好客興酣那上謝公樓

陳勵

字士皆恭尹子茂才
著有東軒稿侯刻

進帆峽口

嶺南五朝詩選

卷十

國朝
陳績陳勵

辛

山嶽草更青霜颺起江樹層雲東北飄漸漸日光露西流如激箭行舟逸難度夢裏掛輕帆忽及峽中路削壁入蒼穹洪濤怒奔注遠近非一形巖嵌似無附山川自終古一葉倏以去倚棹作長吟領此萬古趣

登玉皇殿

紅亭衆欲畱漫整登山屐我馬未及秣心急數加策品宇在虛空窈窕神仙宅清溪畫山足三峰海上隔周覽方問津石橋引阡陌入林步未半已覺搖魂魄仰聽鐘磬鳴百折在山脊欹徑枯葉齊似亦有人迹

夾石一里餘上蔽足容隻險盡忽豁然天下在襟腋峰前落日明峰後滄江白神工役鬼物苦矣非朝夕

閏七夕

佳期洵不易良會一秋偏時序增茲夕悲歡并二年橋勞前月鵲霜近晚涼天淺立微波外羅衣倍自憐

古畫

一幅吳中絹南金貴不如山川雖半壁天地自吾廬曉月鳴紅燕新流育錦魚素書晨看罷相與荷春鋤

鶴柴

嶺南五朝詩選

卷十

國朝
陳勵

壬

孤潔真無匹因人亦一枝江湖猶昨日廬岳去何時秘錄誰能識高軒爾豈思未殊林藪意栖息莫教疑人日初晴王礎塵洪藥倩劉顯之先輩過集得一山房時初落成分得春字

積陰初散及佳晨淑氣綢繆滿四鄰七日青陽猶自凍一時鶯谷便成春山林結構無新境天地飄零有故人車轍過從勞長者陳平家巷木來貧

九日登鎮海樓

飛樓重得壯南藩下瞰羣峰控北門江海遶闌天勢

盡繁山如掌，霸國存休嗟。絳葉飄黃瓦，且采籬花佐綠尊。千古功名餘片石，爲誰搔首問乾坤。

中秋後一夕侍家嚴同吳虎泉羅仲收諸先

生集黃積菴見堂雨中分賦

桐葉蕭蕭滴未休，深杯還爲桂枝秋。滄洲水長盈珠蚌，垂柳風多掩石樓。雲氣不飛寒漸結，桑榆相望影初收。江城獨夜如仍照，簾外閒身杖每投。

馮能謙

字牧長，番禺人，著有景義堂詩草，侯刻。

嶺南五朝詩選

卷十

國朝

陳勵馮能謙

奎

靈洲寺

古寺扶筇上，維舟杜若汀。樹分江上綠，山送晚來青。對景淡心目，憑虛識性靈。石門何處望，霄露轉冥冥。

黃鼎曉發

鼓棹空江趁曉晴，微波搖蕩送行旌。山當疊嶂雲猶掩，月落高林鳥盡鳴。笑指酒帘村市近，遠聽漁笛海風清。徘徊偶向天涯望，岐路蕭蕭異地情。

何琮璜

字崑璞，順德人，著有逸遊草，行世。

遊半山分賦

簪冠籠短髮，鶴氅坐高岑。雞黍中廚具，松杉滿廡陰。景宜千日對，交以念年深。一入幽閒地，家園不繫心。

宿海雲寺

扁舟一繫板橋東，策杖行行訪遠公。方丈坐沈山月上，晴牕閒遍海雲籠。天花演說知無相，貝葉翻來只解空。今夜去來人境外，幾回吟對影堂中。

李仁

字孝先，如子國學著，有借堂偶編，侯刻。

嶺南五朝詩選

卷十

國朝

何琮璜李仁

奎

聽冷泉子彈琴

素冠三載後，不復理元音。感子一爲奏，因之淚滿襟。草堂春雪冷，秋思洞庭深。曲罷更相對，泠泠月在林。

上巳日讌集西山草堂分賦得簫字

時余就婚，豫廬。

即西山草堂之別館也。

燕罷還惆悵，風簾燭未消。一棺鄉土隔，有弟楚天遙。禁籥殊慚近，東堂勞見招。徘徊依水檻，春思滿蘭苕。

又七夕

又喜看牛女，今年兩渡河。歡娛知不久，離恨較前多。

莫鵲沉銀漢秋風老菱荷誰家乞巧婦玉露濕凌波

月夜

每逢爲客夜卽見月圓時百感此中集孤懷誰與知
緒風初落葉丹桂發秋枝咫尺嚴城下佳人何處期

宿明鏡山房

殘燈明滅裏悽惻客中情夜雨海棠發秋風鴻鴈鳴
所思在何處幽夢隔江城野水蒹葭白孤蓬又遠征

凌江夜雨懷吳琴張

客坐每深夜夜深風雨頻一燈寒照閣千里遠懷人

嶺南五朝詩選

卷十 國朝 李仁

奎

北去鴈行斷南來燕壘新相逢雖有日已過故園春

橫江早發

未曙掛帆席乘風上急灘煙橫兩岬尖波漾衆星寒
那省謀生事深知行路難東籬有殘菊昨夜夢中看

秋園和陳元孝世叔原韻

擁被獨危坐漸寒蟲語添吹燈步林月隨手捲風簾
叢篠流螢出蛛絲墜葉黏見聞生百感遙夜立茆檐

又

更憶貞峰下先人存故墟何當復歸去緝草結吾廬

多難已無計傳家尚有書餘生倘可托江上且爲漁

黎翼之

字鵬客新會人順治辛丑成進士卽
歸隱不仕著有翠竹山堂集俟刻

水

澹影千川合寒流萬壑通風迴紋浪起月照碧潭空
映物晴陰異涵天遠近同朝宗原有意遙注海門東

坡山觀仙人履跡感賦

仙子何年下碧潯芳踪長得寄孤岑江雲有意隨來
往山月無心自古今覽勝幾人同浪跡興懷此地漫

嶺南五朝詩選

卷十 國朝 李仁

奎

狂吟坡公亭畔殘碑在薛傾苔封烟霧深

何洙

字天水惟澤子茂才
著有竹樓詩草俟刻

晚渡

落照酒生香津頭問野航渚煙搖石壁江影動垂楊
巖窟蒼龍宅蘆花白鳥庄頓忘身在客猶欲聽滄浪

度嶺謁張丞相廟

不斷行人駐馬吟曲江遺像帆千尋塔前鶴憩松枝
古山外煙黃石徑陰風度自教明主重忠貞遙見老

臣心月明莫倚梅花樹翹首巴山思不禁

端陽舟中

綠楊堤畔碧雲隈細看菖蒲緩棹來聲溢半天鼙鼓
動香吹千頃藕花開玉搔沈水因逢笑桂樹移文懶
爲裁漫放醉懷生往事蘭橈停處且銜杯

何逢

字瞿又惟深子茂才
著有餘耽集俟刻

長千秋步同陳西賢關公鼙釋閭堂諸子賦

古寺南城近逍遙逸興同青山閒歲月紅葉亂秋風

嶺南五朝詩選

卷十 何逢

葉

苦羨花臺下詩吟竹院東相看情不盡翹首五雲中

送陳西賢還粵便道東林

公子遨遊吳越間春風離粵秋風還畫船夜醉西湖
妓寶劍寒衝北固山盡買好書藏鄴架遍題新句在
禪關匡廬縱好如留滯負却羅浮月一彎

秋初雨中同諸子遊觀山寺

秋山石徑濕雲飛雙屐乘風上翠微共有高人尋野
興何妨疎雨灑輕衣繞城三水曲千轉偃蓋孤松大
十圍閒道雲中有仙井探奇還欲上崔巍

涪州夜泊

輕風遙送出湖關古岸帆依夕照閒環繞數峯彭澤
縣中流一寺小孤山利名世外人偏遠雲石花邊鳥
自閒明月夜深江上滿輕舟橫處水潺潺

春日同關遐社梁式之遊長蕩湖

曉村放棹出江津滿目湖光一旅身波浪拍天彭蠡
水煙花迷岫洞庭春涪山有寺難尋路鷗鳥無機易
買鄰怪得子皮終有志早拋書劍作閒人

衛德先

嶺南五朝詩選

卷十 衛德先

奎

字元夫番禺人著
有寶翰堂詩稿

漁父

半竿風月好相繼老烟霞笑謝人間事閒乘海上槎
得魚沽美酒高枕臥蘆花一望滄江裏陶然日又斜

項羽

山河百戰竟無成惆悵烏江恨未平已別美人三尺
劍猶誇子弟八千兵英雄自古皆爭士壯士何人肯
讓名一自漢家功定後更誰腸斷楚歌聲

梁自適

字性然番禺人茂才
著有北亭稿俟刻

雨後登水雲菴望鄭仙巖

每到名藍亦宿緣川原遙望海波連
迢迢草木初迎日叠叠崢嶸遠刺天
自昔空中聞跨鶴誰曾山上更逢仙
徘徊我亦雲遊者踏遍名峰不記年

春日郊行

每逢寒食惜年華一望蒼茫海壖沙
江燕掠坭尋舊壘山櫻成子落殘花
重雲漸散青峯出短杖閒拖綠徑斜
最是村原情不盡矮籬疎箔野人家

嶺南五朝詩選

卷十

國朝

梁自適

孔貞衛

奕

孔貞衛

字之屏番禺人

珠江月夜

到來天已暮恰好繫漁船回首見孤月
嚴城夜悄然聲沉江上笛花落水中天
一曲滄浪裏知音何處邊

暮春重登蘇氏園樓

清江無恙意悠悠又向東園訪舊遊
一望烟霞能對客幾回文酒重登樓
春深淑氣當牕入日暖嵐光傍水流
幽興正逢玄賞處披襟閒坐故淹留

梁善長

字元叔番禺人領康熙乙卯武鄉薦著有倚桂堂集俟刻

鷹

雲中思迅發賦志在秋旻閒展擊鵬翼
不隨逐兔人摩空星作眼立臂錦爲身
逸况誰深賞支公曾取神

姑蘇懷古

闔閭形勝別經年却喜楓橋又繫船
千頃波濤西子去九重宮殿遠公禪
春明苑裏花徒艷雪盡湖中月正圓
太息當時歌舞地霸圖零落爲誅員

嶺南五朝詩選

卷十

國朝

梁善長

張維楨

奕

送玉泉上人還匡廬

廿年慣住匡廬頂一杖何期返故林
滄海不留孤鶴影閒雲偏逐遠山心
半帆細雨江風冷萬里離懷春水深
我亦蠡湖將取道高峰能否許相尋

張維楨

字靜山番禺人著有悅雲堂集俟刻

感興

竹屋薜蘿陰書窓細雨侵好花開野徑
數鳥鳴高林交寡相過少身閒得趣深
故人有佳什時得獨行吟

寒月

烟歛郊原靜清輝處處幽光凝潮水合冷帶斷水流
形影潛通塞人家漫倚樓悠然不成寐惆悵在深秋

李芬

字莖九番禺人著有
二守堂稿俟刻

放艇

沿洄堪竟日湖海百年心流水自來去青山空古今
遠煙雙鷺白疎柳數家陰幽賞忘歸晚前村燈火深

雨後登畢文猷平山閣

嶺南五朝詩選

卷十

國朝
李芬

七

林端步春閣過雨望中閒積水高空外歸禽落照間
柳煙弄溪色峰影下松關一醉未足賞晚鐘何處山

登羅浮華首臺途中先呈塵大師

紆迴溪壑一重重華首臺高若個峰絕勝有人成獨
往亂烟無路出深松林間雨歇初歸鳥谷口雲開欲
度鐘日暮上方如可到敢因疲倦懶支筇

春日訪陳西賢華海園

幽竹叢叢古逕陰維摩一榻此棲心分泉得水春塘
滿移石爲山衆壑深獨坐行人衆絕學多情空自托

微吟雲遊匡嶽歸來後長掩衡門直到今

謝周錫

字聘璋博羅人領康熙乙卯鄉薦
任順德教諭著有尚志齋稿俟刻

雨中喜晴

雲氣陰還白浮山出岱宗鶴泉消積水馬谷挂殘虹
日暖烟嵐起村深草樹封披衣殊覺爽長笑倚蒼松

嶧山曉望

岱色分朝靄巖巖別一支孤桐標禹貢大篆沒秦碑
風勁飄塵疾霜寒見日遲匡衡詩在棗猶足解人頤

嶺南五朝詩選

卷十

國朝
謝周錫陳飛濤

圭

東阿舊縣

何年境碑變東瀛舉目齊丘大半傾仲父臺荒難問
趾晏嬰宮廢只留名流泉依舊通坎水野蔓從新遍
穀城南北驛塵經過此搖搖孤客自關情

臨清待權

十年獻策浪蹉跎放棹南還感慨多萬里不辭燕邸
路半繡那阻會通河敢因若水牽絲渡遂憶田文冒
夜過惆悵倚舷頻借問清淵權制定如何

陳飛濤

字浣若一字禹門南海人茂
才著有二檢山房集副刻

秋夜與薛炎州梁顒若諸子集鄺白厓半舫

話舊

草堂離亂後今夜復相看樹響風聲入花深蝶夢安
踟躕感前別慷慨惜餘歡久坐重雲暗衣輕未解寒

集端州草堂

自笑爲遊客來投甫里賢
牕虛邀夜月堂迴人春烟
畫角城南起踈鐘寺北傳
星崖有吟地那忍賦歸篇

宿玉屏山寺遲盧鴈林不至

嶺南五朝詩選

卷十

陳飛濤

圭

玉屏蕭寺擁高山背指林臯下翠環
羊角飄來香欲斷馬肝題遍烏初還
獨眠醉石泉聲繞徙倚長松日影斑
良會如何可常得漫隨罨畫掩柴關

登鎮海樓望素馨田

凌霄高閣晚登臨漠漠平田草樹陰
一片香魂秋露滿千年芳塚野烟沉
貌同西子知誰勝色比虞姬香倍深
斗酒不辭今日醉夕陽回首發長吟

李嗣鈺

字礪侯博羅人明經連州司鐸歷化州掌
教有桂陽課士錄一敬亭全稿行世

湟水寄友

湟水在連州漢伏波討南越屯兵
地州有桂陽山漢作桂陽縣湖廣
桂陽州亦有湟水漢武使路博德下
湟水以伐越閼結句并釋之後升箋

一路風兼雨扁舟過古湟此中原瘴癘何處問家鄉
獨雁書千里寒蘆水一方夜來愁不那飛夢到三湘
重過飛來寺

紺殿玲瓏瞰碧流年來贏得此中遊
重海氣侵蓬鬢歷歷鐘聲過客舟
野渡幾曾逢素女寒潭無計覓
青牛憑君莫問和光洞零落空山非故秋

桂陽懷古

嶺南五朝詩選

卷十

李嗣鈺

圭

翠壁丹崖萬仞間鶴山仙去幾時還
楞伽古峽秋無際丞相虛堂夜不關
海燕掠風飛轉下野猿啼月泪難潛
等閒共駕扁舟去擬入盧溪第幾灣

壽雲淙家大師

吾家老子舊能文早向真如了見聞
瓶水漫添榕渚月衲衣閒染象山雲
記來香積曾同飯別後天涯倍憶君
報道年華增甲子臺前花雨正紛紛

度庾嶺謁張曲江先生祠有懷先祖都元帥

仁翁公鎮粵舊績

瘦馬西來獨自吟暮寒猶怯薄衣衿雲封古寺月初
上風度高祠秋正深金鑑尚存當日錄周行獨見一
生心功勳更憶先公澤字蝕殘碑烟草侵

登滕王閣

滕王樓閣倚江東曲檻危欄處處通不盡烟霞生指
顧渺無塵土上虛空牕迎遠近青山色簾捲高低綠
樹風莫漫登臨重懷古長洲踪跡已空濛

又

曾是長洲帝子家渚中樓閣盡烟霞可誰舊得仙人

嶺南五朝詩選

卷十

國朝
李嗣鈺

七

館自我今乘博望槎半壁雨聲喧蒨荔一江秋色老

蒨葭蘆前王後何人是且凭闌干看物華

署中一敬亭丹桂子結纍纍大如蓮實賦此

志異

曾是嫦娥舊種將釀成元寶醉秋霜風前細結珍珠
顆雪裏輕搖碧玉瑤自信此中饒寶樹更於何處覓
天香憐伊不是尋常品應與南琛獻廟廊

許昌後

字亮剪新會人
著有白雲吟稿

秋日過友人山庄

石路分斜照山光一面開犬驚籬外屐人上日邊臺
秋色在林木霜痕暗草萊醉回江月吐冰影海門來

江烟

天水澹相連波濤寒不動鴻蒙一氣流未醒長江夢

江月

水月流不盡淡淡翻虛光十里蘆花影寒成一片霜

江鷗

白髮同漁父飛飛烟水秋心閒人不識來去蓼花洲

嶺南五朝詩選

卷十

國朝
許昌俊

七

宮詞

高閣風傳午漏清宮門斜掩夢初成惱人最是痴鸚

鵲故作君王喚妾聲

野叟

野叟無營亦白頭柴門深掩蓼花洲不知世上王侯
貴只把閒心伴水鷗

彭年

字祺長
歸善人

送黃瞿艷學博之任海康

驛路梅開雪未殘
驪歌頻唱促征鞍
分攜且盡離亭酒
捧檄休嫌冷署官
嶺海帆樯看過鷁
雷陽枳棘暫棲鸞
石渠應待如椽筆
遙向青氍展羽翰

湖上送春

縹緲仙舟望不窮
桃源喜有落花通
溯洄宛在瀟湘水
狼藉如吹花柳風
顏色尚留形影外
馨香徒入夢魂中
路岐何處尋知己
不盡繁華轉盼空

徐章文

字煥卿佩芷子茂才

嶺南五朝詩選

卷十

國朝

彭年徐章文

七

月夜遲李雪菴不至

月色光初滿
美人殊未來
可憐深夜望
不覺漏聲催
潦倒一宵盡
思維百念灰
知君當此夕
能不重徘徊

早梅

梅花原許占春魁
况復陽和十月開
羣卉凋零霜雪至
一枝搖動水雲來
幽香漸散留人意
嫩蕊輕飄逐水隈
詩興每逢花興發
幾番沉醉下瑤臺

贈別張千齡

聞海間關路幾程
偶尋名勝過鷺城
聞君已重青錢

選笑我猶攜綠綺行
花放異香湖嶼近
月沉碧水漢水
天明未能投轄歌
南浦時倚長江空
復情

陳文裕

字昆垂南海人著有遠堂集卽刻

厓門

今古厓門浪鳴鳴
兩岸愁精魂何處託
正氣幾人留
碑斷依殘日
祠空向冷秋
幾回憑吊處
淚與水東流

客中除夕

又是一年去勞生
竟未安舊吟添病
裏新恨上眉端

嶺南五朝詩選

卷十

國朝

七

柏酒依人醉
松風入枕寒
明朝春色至
淚眼不堪看

破寺

寺僻遊人斷
栖栖麋鹿羣
危墻欲弱柳
折檻覆寒雲
鳥跡青苔現
禪房白晝昏
山僧何處去
鐘鼓寂無聞

秋夜詠愁

不覺桐凋露又零
二毛乍見促衰形
要津無計投雙足
塵案何因滯一經
簾拂冷風吟未斷
窓移殘月酒初醒
徘徊獨向虫聲立
銷盡閒情入窈冥

寒夜感懷

嚴城月落角聲高風咽疎櫺夢不牢抱璞只零和氏
淚臨橋空染長卿毫莫言狗監非知己卻許荆王是
俊豪漂薄天涯裘已敝覺寒誰爲賦同袍

贈固山門公

灑上嘶風盡紫駟南人誰不羨輕裘家傳黃石書能
讀勲在青萍志已酬每向雅歌思博士偏將辟穀笑
留侯由來矍鑠雄名重何必王公定黑頭

留侯

故國飄零安所逃可憐壯氣爲君豪副車若不生秦

嶺南五朝詩選

卷十

國朝
陳文裕

老

帝挾策何心事漢高

武侯

聞達何曾繫在胸草廬抱膝寄高踪若非元直殷勤
薦三顧無由起臥龍

文君

蕭蕭四壁不知貧已向琴書託此身何事白頭猶有
恨當前誰是一心人

梁元弼

字翼甫一字東崖順德人茂才南
宮元弼弟著有初蘭山房集行世

春興

春到無多日園亭自不同草連平野綠花隔一簾紅
獨坐情偏遠幽懷樂正融踏青何處始山色畫圖中

送春

獨坐意蕭然春歸似去年一番新興了幾許舊情牽
剩有長楊月空餘秋水篇相思人不見漠漠亂啼鵑

新燕

年年故壘定來尋春到烏衣意轉深錦繡已成今日

羽呢喃猶帶舊時音香泥輕啄巢重葺細雨斜飛柳

嶺南五朝詩選

卷十

國朝
梁元弼

老

正陰莫笑主人貧更甚堂前一樣訴春心

春日羊城喜晤諸子

日暖花飛水滿塘宜人深處讀書堂燕鶯弄語超凡
舌桃李迎風異衆芳筆硯有情隨去住琴書無友久
珍藏仙城燈火故人共不負連春夢想長

春日寄友

獨坐幽齋底事刪柴門終日不曾關一溪流水塵心
靜半榻清風午夢閒斗酒漫思湖海外竹筇堪笑草
茅間胸中冷落知誰似時望高山自倚欄

劉雲漢

字倬之一字五峯順德人康熙丁丑進士著有北遊草清白堂諸集行世

房山觀泉

房山一名雲濠泉一名孔水一名水簾一名龍泉

昔曾聞房山今親見孔水水簾著嘉名龍泉復揚美
龍泉與水簾畢竟那相似噴薄勢轉急一瀉欲千里
色淨碧以澄聲清商與徵照我頰上毫滌我胸中滓
誰爲洗耳人漱石還礪齒投玉紀開元開山大曆始
秋深柿葉紅古塔巍然峙朝市幾蒼桑空山長若此
荒艸屹殘碑讀罷還徙倚千古有知音高招鬼谷子

嶺南五朝詩選

卷十

國朝劉雲漢

堯

燕臺早秋將歸南海酬別張退菴先輩

少小側聞黃金臺有時北望心悠哉今春二月策駕
爲敝衣短缺艱辛來來時親到金臺畔不見黃金見
草萊吁嗟燕昭一去卽千載郭隗遺骨今安在縱有
騅騶騏驎可空羣不過王良伯樂終成憊昨見西風
吹草露蕭蕭蟬噪朝還暮十千沽酒雪與冰執筆自
擬登樓賦唾壺擊缺歌呼中何期逆旅逢張公張公
原是烏衣子早宴曲江花茸茸裘馬豪華固本色風
流大雅何春容萬斛珠璣腕下湧騰蛟起鳳真詞宗

傾蓋定交意氣雄以膠投漆誰能同慷慨嗟予不得
志作詩送余歸故里近體古風絡繹投頃覺烟霞薰
蒲紙其中鬱抑肝膽披又如荆卿漸離歌筑起燕市
男兒眼大天地小野鶴高竊何天矯明日君騎八駿
先歸趙余亦一鞭還嶺嶠

丁丑立春日長新店題壁

三年曾兩度萬里獨蕭然古壁尋題處新春過客邊
剪花懷往事市骨憶前賢掉臂燕關去悲歌誰爲傳
再抵都門呈鄭太史

嶺南五朝詩選

卷十

國朝劉雲漢

仝

窮巷誰相假天朝侍從臣一身憐旅食兩度托清
塵鞭馬常嗟暮聽鷄每及晨牢騷看若此無語對高
人

重到都下呈學士史耕巖夫子

碧海獻書人朱門謁近臣二年無片羽萬里有單身
柳映長安色花含上苑新寒柯吹律變端的待陽春

遊石塘寺

住山不記旬尋寺得由身曲徑纔通馬疎籬少見人
茶供來客話花勝去年春多謝林僧意題詩向綠筠

獻 雪齋四殿下

北極神明裔南溟艸芥臣豈期降軒冕竟獲托清塵
酌醴通詞客耽書邁古人楚元有高躅千載未曾湮

紅蘭三殿下賜詩集惠教却獻四韻

一代文章在千秋禮樂存自知非廣衲詎敢擬王門
向日今如此披雲古所言桂山詞大小吟誦廢朝昏
從 莊親王清溪讌遊應教次玉田尤長史

韻

四山圍積翠一水接明河靜夜風波息涵虛星斗多

嶺南五朝詩選

卷十

國朝 劉雲漢

全

野花供几案漁唱雜笙歌時聽鈞天曲幽懷更若何

秋日同黎明經端旭出都依韻酬和

萬里關山共壯遊醉吟曾與鷓鴣裘花開上苑彈冠
日葉落長安拂袂秋塵路悠悠驅瘦馬晴川渺渺憶
孤舟白鷗漁子應相待依舊蒼烟伴荻洲

次酬仰山族弟行堂署中見寄

鉄城遙接錦溪村長憶隨潮夜到門觀海共登蓮頂
石探泉頻倒菊花樽悠悠往事都成夢落落孤踪易
愴神定擬扳權過十日縱橫聯句向平原

西山清溪秋日 莊親王舟中卽事應教

千巖萬壑擁清溪愛汎蘭橈木末齊仙液賜來容盡
醉錦箋擎出許閒題鄴園翰墨懸千古梁國文章別
一畦今日賢王還下士却慚公幹隔雲泥

登恒陽天寧寺閣

星分昴畢輔神州高閣初攀最上頭襟郭恒雲平地
擁帶城濤水入天流金容迥出三千界玉座遙連十
二樓落日憑欄心萬里斷鴻何處是滄洲

登虎丘塔絕頂同徐南漪文崧顧

嶺南五朝詩選

卷十

國朝 劉雲漢

全

虎背浮圖百尺巔三吳形勝只當前包山西控寬圍
郭大海東臨渺浸天表裡雉城猶往日古今人事變
流年五湖歸路饒烟水范蠡遺踪一惘然

三月晦日南枝草堂留別尚櫟山主人

陳榻耽眠不記旋柳濃鶯老促離筵韶光眼底匆匆
去情緒樽前故故牽萬里雲山嗟獨返半生風義許
誰憐不辭入夜醒還醉重此尋春定隔年

葉本峻

字鄰坡海豐人明經明太常大木
先生嗣孫著有葆真堂諸集行世

遊俠詞

右手執長刀長與青天對若得國士知殘軀豈能愛

又

自出門去便存十載思只嫌易水客空自負於期

寄于襄平使君

時非漁往署訊病

夜得連陽信離憂此際深倚風難及寐聞雁獨長吟

清響生羣木遙情動素琴相煩孤往客寄我欲傳心

十五夜泊西江同洪用貞作

江雲渺渺水蒼蒼匝地籬花看漸黃久客頓忘秋已

南五朝詩選

卷十

國朝葉本故

全

半露深方覺夜初長寒蟾易照行邊影叢桂難留枕

上香喜得故人能共醉幾回扣榜咏滄浪

項王

烏江流水誰爲渡正是天亡項羽時大節縱難存義

帝深情猶得結虞姬多年苦戰雖秦敵片刻悲詞卽

楚辭絆約沛公何足道鴻門舊劍至今悲

關係謀

字若垂一字阮溪高明籍南海人吏部文選捷先嫡孫乙酉副車毓德季子領康熙己卯鄉薦著有古文抄阮溪草此金陳二先生全稿行世

集蘇式英寒山書院

朱火甫離氣朗天清百物蕃殖光於八紘鬱鬱岡州

蒲縣花明神宰顧之感物怡情尋芳摘翠拉集羣英

稅駕園林地主歡迎東臺西榭參差縱橫柳簾鶯嬌

如彼絲笙曲澗通池如彼秋泓仰止象山磊磊崢嶸

喬木陰陰氣結亭成徙步優悠循欄倚楹緣崖陟巔

四望茅衡棟宇鱗次烟火環城熙熙攘攘不競不驚

白日西馳帶月而耕物忻所托極樂難名行行擲躅

載歌載賡僉曰觀止時行物生

南五朝詩選

卷十

國朝關孫謀

全

送吳渭川

飄飄雲中鶴鬱鬱澗底松相去無終極因風意萬重

迴颺翔後集眷言懷采葑好音鳴翠樹流影美修容

奮翅冲霄漢揚輝散碧峯

望圭峯

高峯如畫裏青翠似瑯玕水度曲泉紫雲依古寺丹

踈鐘迴遠岫佳氣暗飛湍何日層巒上披懷縱大觀

喜晤陳占士并柬從倩七兄

臘殘春暖草芊芊旅舍逢君欲暮天風入畫簾連夕

霽花迎文從滿溪妍敲詩做古追三百買醉從今擬
十千何日同舟歸去後竹林亭畔意翩翩

岡州春日

淒風颯沓雨霏霏笙管迎春事轉違遊子又逢新歲
改登樓益覺故人稀且看翠色饒歌席却望晴光照
客衣親舍欲歸歸未得白雲回首自依依

秋日喜黃錦宗過訪

柴門深鎖動經旬寂寂窮居笑此身風送故人來几
席日移清影入花茵論交自昔能殊俗道故而今不

嶺南五朝詩選

卷十

國朝
關孫謀

金

易貧世上紛紛何足問狂瀾東障在斯人

題友人新築

忽看天上鳥旋見沼中魚大化呈飛躍閒雲自卷舒

歸舟

已卯關後作

南海歸貧士東風送小舟江山頻過目一葉報新秋

木末亭拜方正學先生像

宗臣遺像在對越孝陵雲周禮難為國姬公竟負君
龍蛇迷曠野日月在孤墳莫問三楊事忠良道各分

昌平道中

落日昌平道愁從關塞歸九門吹畫角萬戶擣寒衣
伏草黃狐嘯銜蘆白鴈飛朝宗橋下水鳴咽出金微

邯鄲道中

嘆息叢臺下英雄日寂寥戰場無白日曠野一秋鵬
艸沒廉頗宅雲迷豫讓橋悲歌誰與和歸思晚蕭蕭

嶺南五朝詩選

卷十一

國朝
屈大均

上六

邊詞

邊郡今無事風吹殺氣過鼓鼙沉上谷烽火斷交河
子女穹廬入金珠大馬馱蒙恬城下骨夜夜聽笙歌

歷千尺峽百尺峽諸嶮至嶽頂

臨崖垂半足飛上嶽蓮端玉井窺天小蒲池弄月寒
白雲吞萬象瀑水瀉千盤左右石樓敞吾將寄羽翰

又

飛梯何裊裊千仞翠微邊路滑愁春雪身輕墮紫煙
峽中稀見日花裏屢逢泉早晚攜妻子同餐玉井蓮

渭川

渭源從鳥鼠東走向黃河勢到潼關大膏流沃野多
雙橋象牛女七水滙風波往日皇威震呼韓緩轡過

初至鴈門贈陳祺公使君

鴈門雄九塞句注壯三雲開拓靈王業驅除李牧勲
漢兵天上戍羌笛月中聞鎖鑰今公賴威名迴冠軍

繁峙道中贈趙侯蒼篆

三泉從太戲西下作滹沱白日秋來少黃雲戰後多
彎弓隨大獵扣劍和清歌回首人烟裏城樓接二峨

嶺南五朝詩選

卷上

國朝
屈大均

上七

大同旅次

獨宿天難曙孤征日易曛夢魂青塚月涕淚白登雲
書斷隨陽鴈笳連守凍軍代王宮咫尺砧杵更愁聞

邊夜

萬古明妃月光含漢苑愁無邊羌笛怨散作鴈門秋
白露沾衣濕天河接淚流南飛鴻鴈盡何處寄離憂

武靈王墓

威靈傳主父四戰霸山東六國朱旗却三胡紫塞空
沙丘畱大塚夏屋失離宮長技開中國誰思騎射功

張文獻公祠

南人初作相始自曲江公風度朝廷肅文章嶺海雄
開元多事業大庾有祠宮一自陳金鑒君王念不窮

任巖城

龍口高城在將軍舊啓疆觀星知越霸絕道待秦亡
虎豹三關踞旌旗五嶺揚保民功不小祠廟遍炎方

神宗

我后生南嶽神兵掃北畿威靈羣帝接光耀八龍飛
紫蓋畱金殿朱陵望玉旂幾時從大隗還駕五雲歸

嶺南五朝詩選

卷上

國朝
屈大均

上八

濠州作

赤龍飛作漢玄鳥降生商帝統還中夏皇靈戀故鄉
光華金鏡在精爽玉衣揚終古枌榆社人祠太上皇

登觀象臺

欽天山峻極西接獨龍岡樹色迷長樂鐘聲似景陽
帝王空有廟星宿不成行此日觀乾象愁心黯未央

于忠肅墓

一代勲猷在千秋涕淚多玉門歸日月金券賜山河
暮雨靈旗捲陰風突騎過墓前頻拜手願借魯陽戈

謁謝臯羽墓

墓在穀子陵
釣臺南岸

君事文丞相曾蒙國士知
漆身追豫讓埋骨傷要離
露夕鶴巢冷風秋猿嘯悲
墓門誰拜手淚滴白楊枝

馬陵

俯挹中州盡河山表裏來
天懸句注險水劃孟門開
一笑雄圖失長歌故國回
遙從狐突廟直下馬陵臺

白髮

白髮羞明鏡青春老異鄉
醉過邊艸綠夢怯海天長
音信乖鴻雁庭闈傷戰場
寒衣誰與授淒絕玉門霜

嶺南五朝詩選

卷十一 國朝
屈大均

上九

過夷門

侯嬴年七十方報信陵恩
意氣繇來重功名非所論
驅車過梁苑醢酒弔夷門
今日屠沽客誰爲公子言

魯連臺

一笑無秦帝飄然向澣東
誰能排大難不屑計奇功
古戍三秋鴈高臺萬木風
從來天下士只在布衣中

通州望海

狼山秋草蒲魚海暮雲黃
日月相吞吐乾坤自混茫
乘槎無漢使鞭石有秦皇
萬里扶桑客何時返故鄉

耒陽觀諸葛武侯碑

武侯擒孟獲刻石耒陽川
威震華旦日心勞將相年
三分留正統二表格皇天
終古英雄客看碑淚泣然

長沙

熊繹開南楚長沙應小星
城臨湘水碧苑接嶽山青
帝子留笙鶴娥皇隔洞庭
徘徊秋月夜玉殿見流螢

漢口

漢口清秋夜雲霞寒亦稀
新潮隨月滿落葉帶螢飛
白首難孤往青山欲早歸
憑誰報慈母遊子有寒衣

嶺南五朝詩選

卷十一 國朝
屈大均

上十

遙題七盤嶺

樓閣連千里褒斜上七盤
白雲通子午紅日近長安
策馬凌天險悲秋倚將壇
何時諸葛出吾見漢旌竿

經韓侯釣臺

漢王將將術早有蒯通知
自是英雄德難忘衣食私
功高應不賞器滿實難持
繇繇長淮水當年把釣絲

次魚洞

豺虎應相識年年此路行
猶生慈母望不灰故人驚
水漲春多毒林深晝一晴
雨中白雲起隱隱數峯明

銅馬門

銅馬門前望風沙
慘不開昭王無舊墓
郭隗有荒臺
斷鴈衝雲去
妖狐渡水來
淒涼蒿里上
多少霸王才

步出虎山橋作

二溷太湖通橋橫
玉鏡中雲光晴
在水雪氣冷含風
鷺下多盤石
烏啼只故宮
花開先柳葉
斟酌白還紅

夷齊廟作

商亡誰發憤
夷叔未蹉跎
國恨三仁少
人嫌十亂多
采苓存志節
叩馬止干戈
白首辭東海
鷹揚奈爾何

嶺南五朝詩選

卷十一 國朝
屈大均

上十二

梧宮

范蠡未霸越
五湖安可浮
故人盡西子
終古一扁舟
雪氣含烟白
山光逐水流
梧宮何處是
蕭瑟近長洲

梅鋗

庾嶺惟秦塞
臺侯是越人
重瞳封萬戶
句踐有孤臣
滇水鄉閭舊
鄱陽俎豆新
千秋交廣客
欲繼入關塵

春日過黃俊升社先生作於南軒

一室城南小
幽人已餘花
乘三月食葉
待一秋書
詩句先年老
禪心入夜虛
我來分嘯傲
每至暮鐘初

弔寧武周將軍

三關保障推寧武
苦憶當年禦賊才
百戰不緣飛將
失九門何至內臣
開夫妻力共山河
盡士馬魂隨風
雨來北望長城空
洒淚不堪斜日蒲旗臺

晴川閣

峨峨川上兩飛樓
樓下煙波一片愁
大別中分江漢
水金沙東接鳳凰洲
騷人一去無芳草
帝子重來有古丘
可惜湖南空轉戰
三年不見漢時秋

九星巖

嶺南五朝詩選

卷十一 國朝
屈大均

上十三

星巖勝槩甲瀧東
玉乳泠泠下碧空
萬壑芙蓉生洞
穴千林薜荔隱房
櫳雲根氣作朝朝
雨石角聲含夜
夜風石竅吹如琴鶴相隨宜此地振衣時
上玉虛宮
寧都魏叔子季子隱金精山詩以寄之

螺川南上更登艫
灘盡高臺見鬱孤
秋氣驚來江上
早雪花吹到嶺頭
無天畱一劍知何
意人在三門尚
有徒不嫁長沙仙
女好金精高臥亦
良圖

荆門詠古

荆門一戰建奇功
王氣蒼茫起渚宮
歸楚諸侯尊義

帝亡秦三戶記南公出尤兵勢雷霆似牧野仁聲篋
篋同自古帝王那有種寄言閭左盡稱雄

壬戌清明作

朝作輕寒暮作陰愁中不覺已春深落花有淚因風
雨啼鳥無情自古今故國江山徒夢寐中華人物又
銷沉龍蛇四海歸無所寒食年年愴客心

聞張將軍爲僧賦寄

將軍一旦著緇衣狐死頻令兔見幾江左近辭高帝
寢武陵遙叩故人扉半生春夢何曾足垂老雲游尚
嶺南五朝詩選卷十一國朝屈大均上十三

荆南歸興

牢落風塵一剎緱荆南空上仲宣樓家貧豈是無長
策親老那堪更遠遊巫峽啼猿驚旅夢洞庭飛雁引
鄉愁英雄不是爲人子處處沙場作首丘

寄從兄賁士員外

萬里黃雲接楚天愁君匹馬戰場邊將歸故國無喬
木欲住春山有杜鵑絕袂空傷慈母意采薇誰和寡
兒篇金沙江水知難渡未得從亡入瘴煙

恭謁三大忠祠

宋代江山今已非海門陰雨見龍旂中華此度君臣
盡萬國何年玉帛歸地有三公爲嶽瀆天餘一客在
芝薇南園俎豆淒涼甚欲識忠魂是落暉

范蠡

浮海鳴尸一棹多飄然應自老煙波身全豈合爲齊
相貨累將無媿越娥子死千金當市井師遺一策是
嚴阿會稽山下餘湯沐士女猶傳采葛歌

墨台

嶺南五朝詩選卷十一國朝屈大均上十四
九世商侯是墨台盟津肯爲武王來千秋書帙堪爲
法一代無臣正可哀灤水風悲孤竹里首陽雲掩采
薇臺黃農虞夏歸無處多事天生十亂才

豫讓

豫子元非刺客人青笄亦復識天倫襄君未肯誅塗
廁國士繇來重漆身三躍自應教出血三心端欲愧
爲臣悲風亂激汾橋水長使行人淚滿巾

信陵君

函關西逐虎狼驚反間頻教事不成六國安危公子

在三年荒宴大梁傾難忘晉鄙猶多客未斬蒙驚更
進兵合從自能存社稷不須賢佐得阿衡

虞卿

躡屩邯鄲路未迷頻捐萬戶去栖栖知人未得逢無
忌急士終難救魏齊窮有春秋猶可見愁因公子不
須啼艱難空使侯嬴惜白首無歸肯向西

魯仲連

先生玉貌豈求人一笑全周四十春飛兔只應向東
海貪狼那肯帝西秦三公不易惟貧賤百世堪師是

嶺南五朝詩選

卷十一

國朝

屈大均

上

五

隱淪此日鮑焦方抱木非時難保白雲身

伍子胥

簫聲淒苦入吳來隱忍能成報怨才睨目鯨門觀寇
入爲濤江上蓋城開越人白馬何勞祭范子鵝尸亦
可哀入郢使應頻解印姑胥那忍更遲廻

燕昭王

燕昭信是霸王才得士望諸自魏來故鼎遂能歸磨
室黃金不枉築寧臺七雄獨爾爲宗國一戰還堪振
有卻誰肯千金克駿骨功名真自郭生開

趙武靈王

四戰功高屢致兵河西攘地出長城招來騎射三胡
長馳入咸關六國驚上帝若能憐簡子美人何得與
娃羸英雄自作沙丘禍霸業傷心竟不成

藺相如

鼓瑟邯鄲最有名秦王亦爲秦秦聲九賓未禮陰懷
璧五步何勞盛設兵御史直書真勇氣將軍多讓豈
私情雌雄不滯誰能似心折風流是長卿

宋武帝

嶺南五朝詩選

卷十一

國朝

屈大均

上

六

司馬本爲神漢賊寄奴真是楚元孫中興自可爲昭
烈薄伐曾經至太原九世深讐雖已復千年正統未
能存劉何倘識春秋義應向君王拜手言

呂不韋

休言仲父更何親自是西皇太上身陽翟千金方返
楚邯鄲一女已亡秦春秋有作歸商賈賓客相將益
聖人風俗至今倡樂盛史公何忍記桐輪

詠荆阿

荆卿西去不勝悲岐路蒼茫欲待誰匕首豈堪將豎

子地圖何不與漸離淒涼易水驅車日倉卒秦王遠
殿時劒術可憐疎未講精誠空有白虹知

和人謁昭烈惠陵

永安宮裏悔征吳國賊絲來是赤烏三國新書尊季
漢千秋正朔在成都園陵寂寞珠丘似弓劒淒涼玉
壘孤自古重華多野死錦江流恨亦蒼梧

和友人朝天宮之作

治城宮殿舊朝天劒佩千官肅几筵自舉王衣當九
廟人疑銀海在三泉踟躕臥處邊雲滿首舊開時戰
嶺南五朝詩選卷十一國朝上七
血鮮雷雨不容酥酪奠神靈咫尺寢園邊

過石霜園林作

棠梨溪接遠人村園有額曰遠人村四面煙波是鏡園舊是
參雲霄鏡園一代沉冥惟綠酒中年寂寞且青門花知白
髮爭相笑鳥識清機獨不言移得參差多怪石峯巒
盡讓太湖尊

瀝湖舟泛

峯勢盤迴北斗同瀝湖應與絳河通蘭橈曲曲穿巖
口石乳泠泠滴鏡中鴈影尚留炎海雪鶯聲不待落

梅風芙蓉只解窺漁父蒼翠沾衣影似空

啼鳥曲

烏鳥爾並棲辛苦爲儂啼啼到儂頭白郎歸自隴西

黃山寒夜作

三十六峯東蕭蕭枕簟風夢寒飛不遠只在亂雲中

酌酒與徐撫辰

白髮慚春色愁心似落紅葡萄君不醉何以受東風

詠古

六國無人起誅秦始皇子房功爲天下首不獨佐高皇

嶺南五朝詩選卷十一國朝上六

對梅

不須過隔浦香自逐人來多謝春風好枝枝吹得開

又

未開香已出靜者以心聞日夕幽窓裏忘情賴有君

又

香自梅花始春從子夜回坐深烟影下心與藥爭開

統扇詞

統扇先秋棄徒懷明月新自憐妾命薄不敢妒他人

邊上曲

驚馬吹悲策邊風助苦聲城南有思婦夢裏聽分明

秣陵春望

香車白馬簇城隅烟雨春光乍有無多少酒旗歌板處遊人偏向莫愁湖

綠珠

越女能詩始綠珠懊儂一曲艷吳歛身輕好似飛花墮化作明霞入太無

第五泉

紅橋東望絳仙臺雨過江南翠色開地脉最憐邗上

嶺南五朝詩選

卷十

國朝
屈大均

上
充

好大明泉自蜀中來

泉為陸羽所品居天下第五名曰大明泉亦曰蜀井

西湖曲

君似南高妾北高兩峯相望夢魂勞蘭橈欲渡風吹轉身在蓮中立不牢

吳江曲

吳江風味勝姑蘇玉鱸金齏世所無橋北三腮休道美橋南更有四腮鱸

又

鴨嘴船輕去不遲吳兒十歲作舟師舵樓有女歌相

接唱罷楊枝又竹枝

霍州道中

太岳青蒼接太行河汾襟帶勢何長白雲冉冉隨行客春草茫茫入戰場

景陽宮

一江春水只流東六代繁華似夢中多謝垂楊與垂柳依依猶向景陽宮

獵詞

日落沙場鐵騎飛人人意氣射生歸美人渴飲黃塵

嶺南五朝詩選

卷十

國朝
屈大均

上
三

血更使君王殺一圍

垓下

戰鼓無聲落日黃英雄自古是天亡烏騅不失陰陵道豈有山東與漢王

青溪觀虞美人作

天生意氣逐重瞳虞姬歌大王意氣盡賤妾何聊生血作名花萬古紅開遍青溪與罌粟枝枝爭舞美人風罌粟芍藥多與虞美人雜植

嶺南五朝詩選卷十一

國朝

吳文煒 七十四首

馮 鍾 八首

馮 溥 十一首

楊錫震 十三首

徐 琮 十二首

劉士課 二首

李長喜 二首

嶺南五朝詩選 卷十一 目錄

歐日瑜 二首

羅書丹 五首

崔 濤 五首

莫若忠 四首

陳嘉穀 五首

羅子瓊 二首

李長華 十四首

蒙金章 二首

陳帝璋 一首

梁 園 九首

梁 雲 二首

盧 邁 五首

王聖隆 六首

關上進 五首

陳 石 六首

陳士諤 二首

盧 挺 三首

戈 旦 七首

嶺南五朝詩選 卷十一 目錄

植王綱 三首

林 垣 三首

黎必升 三首

衛祖邵 二首

施邦基 四首

胡禹祁 五首

龐翹菁 五首

龐 文 四首

麥吉臨 二首

韓嘉謀 二首

簡于言 四首

劉連輝 五首

李文高 八首

陳阿平 十首

許雲 四首

曾貫 三首

莫章隆 二首

胡景曾 十三首

嶺南五朝詩選 卷十一 目錄

黃錦 七首

李天瑞 四首

陳泰 四首

劉與可 四首

陳子偉 六首

梁宗周 三首

黃登 一百十三首

三

嶺南五朝詩選卷十一

番禺黃 登俊升氏訂定

國朝吳文煒

一名韋字山帶一字虎泉南海人領康國
癸酉鄉薦第三著有金茅山堂集及際定
諸書行世

萃林雜詩

道心何處着門向市塵深艸木忽已晚風塵猶至今
一秋過定裏無念使緣侵左右神情曠新開種竹林
又

嶺南五朝詩選 卷十一 國朝

一

十仞卿雲石千花更倒垂羅浮差似得風雨二樓欲
此地啓靈跡昔賢能幾時何當拂危磴相待折松枝

師欲住卿雲卿雲大小二
石有羅浮二樓之目自箋

湘管

趙毫雖最貴飾不用南金持此員文竹言從夢澤陰
豈珍難致物所感昔人心脫入王生匣誰能賞綠沉

王羲之筆經云近有人遺我綠沉管殊
可愛又何必雕金鏤玉爲貴哉

銅甌

碧井寒蕪廢銅甌素腕將美人事朝汲清鏡落春生

百尺若無底一絲能計長相牽意徒結垂手立銀牀

琴囊

去矣重華子朱絲結綺囊離鸞却不御太息掩清商
相望所思久徘徊秋夜長微衷何以託白水滿瀟湘

藤簾

非葉出新筒銀絲隱欲空苔痕纔一角花落卽當中
好月新成水微涼不待風桃笙擅吳下高價可誰同

桃笙以桃竹爲簾也吳人呼簾爲笙
吳都賦桃笙象簾置於筒中自篋

贈馬鱗長固山

嶺南五朝詩選

卷十一

國朝
吳韋

二

街西新買宅不異野人居園草暗依蝶池花暖散魚
看山鈴閣晚中酒射堂初榮戟自來往將軍閒有餘

宿峽山寺

金庭縣萬壑飛翠落繽紛蘿薜微開月衣裳冷濕雲
獨來雙峽暮高揖二禺君羽蓋虛無極哀猿竟夕聞

熏籠

綺疏交碧玉輕暖到新霜明月嬋娟影驚鷺七十行
越君堆繡被荷令蘊餘香日夕烟霏散氤氲橫洞房

雜詩

翠羽隱交花流蘇結綺霞小姑原獨處宋玉自鄰家

高髻隨時好纖眉却月斜門前卽溪水猶得浣春沙

又

青春坐欲移聞閨起來遲卽事聊成歎爲心那得知
珊瑚朝鏡挂翡翠晝幰垂未拾紅蘭色孤芳結在茲

青苔

人間無此地塵不省能侵山雨幾回過誰知春又深
鶴閒遺片羽竹冷蓋重陰白日臥初起空堦時倚吟

古劍

嶺南五朝詩選

卷十一

國朝
吳韋

三

古劍不三尺天陰聞血腥銘文看漸沒土色照來青
裂石奔晴電揮空熠野星陽厓冰腹裏還臥幾龍形

秋夜會梁藥亭

孤懷誰共語感感抱空岑相見故人少不知秋序深
鶴過霜樹外螢散竹牆陰獨自離燈立中宵乍一吟

秋航

烟嶼淡夷猶西風鳴鶴舟葦乾聞遠岸槎靜見中流
天際多空水人間幾素秋興來忘處所沿月駕牽牛

次韻畚菰園主人

花田南岸水臨水仲長居沙嶼輕鷗外林園小雪初
聽鐘隨野寺分食到江魚此地無端別勞勞下澤車

與金引侯諸子過珠寺遲不公

漠漠鳬鷺水蒼蒼葭菼烟遙情結孤寺共汎臨江船
荒嶼潮光白中流樹影圓湯師期更晚清磬散寒天

酌瞿石蒼舍後屏風嶺新泉

新晴滿芳意列坐玉浮沙細出屏風嶺清依處士家
激流當淨石回影覆疎花一酌琉璃水身應化彩霞

蘆荀樓雨夜

嶺南五朝詩選 卷十 國朝 吳韋

四

不共悲搖落彌歡物外情桂叢遲暮發中舄早涼輕
孤磬依林出迴燈注閣明遠公茅宇下秋事一時并

送李孝先之蕪黃奉其先大夫旅櫬還粵

風塵悲昨日行止竟天涯近逐湖南雁初逢嶺上花
故鄉猶似客親殯未還家送汝伶俜際來期或恐賒

又

此志成千古孤兒定不忘先公天下士終老楚人鄉
舊業綏陽廢新詩屈些長離筵數行淚爲寄哭清湘

過鹿巖禪師精舍

行腳隨緣後禪林寂幾重近衝吳地雪歸憩鹿巖松
曉日明雙瀑秋雲變一峰此中知不着相示亦無從

金茅山堂雨夜

愁雨晚仍急松枝當礪楹山空哀易集酒薄力難爭
萬事徂清夜一燈寒到明却看雙鬢影所得是無成

從陽旅中宿謝氏池上

晴境那能得蒼蒼宿暝蘿人將清夜永秋似故山多
月榭烏離樹風池露散荷已令忘物役幽思詠中阿

裁衣曲

嶺南五朝詩選 卷十 國朝 吳韋

五

愁至授衣天明鐙晝尺邊已縫雙縷褶更絮八纒綿
香爲長途歇啼兼刺幅連金河風早落書札莫應先

寄靈洲定公

久依臨水寺一衲了諸緣靜者不可見秋懷何杳然
近鐘迴浦樹虛閣動江烟惟有滄浪曲時過浩淼前

寄余齊樞先輩

道心忘世事暫喜脫華簪晚閣雲情遠寒泉石味甘
右丞開竹里司馬滯周南秋入西山好將從曳杖深

送曠師還龍山

萬法澄無象虛師舊法筵袈裟餘片地日月夾中天
地有日月 紺殿秋陰落金庭大壑懸宗風非此日誰
池白箋 道識先賢

集蘇與之池上各賦一物得新荷

葉短半分水風輕多向塘文魚戲南北神蔡上中央
稍欲聞吳曲將無製楚裳拍波連杜若冉冉近微芳
送許仲翔授徒交州

徘徊不可道春滿粵江邊花覆將離席潮生未放船
此心隨綠水何路向朱鷺異域傳經後誰知叔重賢

嶺南五朝詩選

卷士

國朝
吳韋

六

交趾十二城一爲朱鷺許春字叔重通經
術時人語云正經無雙許叔重自箋

登珠貝山三忠廢祠額浩然沛乎滄溟六

字爲先簡討手蹟

破廟春山裏斜陽立未回興亡今古似天輦幾南來
丹嶂懸江燕畫衣生雨苔先臣銀榜字零落總堪哀

塞上曲

旌旆晚悠悠風吹古戍頭城南猶轉戰塞北正防秋
什辟仍秦地三川入漢流長鳴向歸路代馬亦邊愁
庚午小除與周大樽陳王屋敏言上人宿梁

藥亭庶常湖嶼話舊得四豪

結髮論交日蹉跎更二毛空嗟聞道晚那喜得名高
兩載懷京洛餘寒共緼袍臨除對湖嶼花發小紅桃

和黃葵村望西陌遊春女

一一柳枝妍翬翬燕羽偏東方紫遊騎西陌繡行纏
關艷青陽月含情大道邊不知流盼意何者是僂僂
燈夕呈西園諸子

柳色及芳年西園樂事偏城烏啼子夜郊月墮初筵
春卷吟常後山杯醉獨先白頭傾倒少茲會更羣賢

嶺南五朝詩選

卷士

國朝
吳韋

七

板橋

要津非此地獨木少人過細路通禾黍迴流映薜蘿
溪頭成久立山雨滿前坡復直林僧語烟波奈暝何

宿阜岡田舍

山家愁屢醒村酒力全微隙月依人入驚泉間樹飛
當門防虎落中夜戀牛衣頗怪鄰春急荒畝火未稀

虎落籬落
也自箋

泊木棉渡

一舸中流月淒清弄夕輝蘋風衣領薄葦露髮光微

夜久寒潮上江空獨鶴歸平沙軍壘後漁唱至今稀

新月

愁思纖纖月微光獨夜春雙蛾臨遠水半暈掩空塵
北牖未盈手西園初照人願承歌扇影一爲奏重輪

黃犢

犢子正堪抱田家春及時倉庚鳴旭日將作在東菑
細草連坡長斜陽下坂遲便逢堯舜世捨汝欲何之
與劉倬之李宗博陳士皆沽酒小港橋下

落日駐輕橈沙村正晚潮人烟通小市鷺跡滿平橋

嶺南五朝詩選

卷十

國朝
吳韋

八

酒半消江渚風多近柳條誰能閒到此長與傍魚標

晚出城西宿舊樓

高閣江雲遠荒涼人事稀迴看出郭路漠漠素塵飛
暮磬吟風葉寒窓共衲衣一秋秋月好茲夕更清輝

畚心公

一枝青竹杖無處着行蹤不遠郊西寺頻來意未慵
清燈畱樾館微月遍霜鐘每憶宵分語秋山對幾重

畚任建阿餉峽山紅藤杖

石上霜根直紅藤七尺勻感君真盛意矜此早衰人

行藥竹村晚看花水寺春久要須白首爲報平生親

玉泉觀

神仙碧落字森在翠微宮欲得淮南秘言過河上公
玉泉飛磧戶珠樹接巖櫳芝蓋薺去時人不可逢

宿豫公蘭若

西山得微徑絕頂青蓮宮瑤草無人識雲松百折通
誰知襟襟際曾是杏冥中信宿迷方客深宵問遠公

孤嶼

石阨橫流勢傾濤未肯休天風吹欲動江氣沒還浮

嶺南五朝詩選

卷十

國朝
吳韋

九

半壁危花落長空疾鳥投那逢謝康樂高詠向中流

過梁二柵頭江居

幾折尋溪路到門溪月新綠齊春巷艸歸晚水堂人
江遠澄雲木鷗輕近釣綸離騷應著就漁父是南鄰

銅陵寺

銅陵寺憶經焚後勝地今來值暮春寒食尚憐行李
日白頭重作亂離人濃陰轉遶成山雨細草和花挹
路塵登望愁多也乘興風光休道逐年新

白園對山

始信人間此處偏
閒人長日一溪邊
三春離落祇從
破滿地山光還到前
平楚遠晴消宿雨
橫林中斷續
朝烟右丞佳手摹
難得淡墨依微是
輞川

早秋登鎮海樓

郡閣岩巖遠思勞
闌干一一落曾臯
烟消絳樹三城
小晴入青天五嶺
高秦令霸圖非此
日粵臺秋色自
吾曹酒闌舞袖向
空擲暮捲西風飛
海濤

贈五山徐明府

五峯良牧今來少
百里清風冠九州
城下江光闌戶

嶺南五朝詩選

卷十一

國朝
吳章

十

曉縣西松色訟庭
幽高岡有鳳頻興
詠大澤如雲欲
迸流須托新堤一
塵地擔簦還就魯
中牟

與林閒道鏡道諸子汎黃尋溪時鏡道歸自

都門

江天幽事總難忘
暑氣成秋雨氣涼
近渚數開桑落
酒故人新返荔枝
鄉雞頭細疊輕波
綠鷺羽平飛夕
照黃生計久嗟同
逝水花源深裏問
魚郎

贈韶州陳太守

新綰銀章韶石鄉
薰風絃更舜祠張
朱輪出郡隨雙

鹿青旆乘春入五羊
東國桑麻沾宿潤
南園詩賦起
輞陽追陪公燕清
塵後授簡那堪季
重狂

阻雨石門先柬靈洲諸子

水際高臺沒遠烟
故人應望涉江船
青春鼓櫂來何
晚白社裁書滯隔
年落日客愁依鷺
渚乍晴川色變
魚天石門一夕驚
風浪未遂丘遲宿
浦篇

已未仲春與家采臣觀察園次太守載酒珠

江時平南方除國徽藩鎮
兵內城還集民居自箋

一道澄江如滿月
青春猶見好風光
三城草樹芳烟

嶺南五朝詩選

卷十一

國朝
吳章

十一

合遲日汀沙乳燕
忙橫海下來烽候
息呂嘉亡後霸
圖荒漁人那省升
沉事大笑鳴榔入
夕陽

寒齋

梅花覆屋層層白
花下長關白板扉
滿榻亂書雙眼
醒四牕無物一燈
微苔依淺水魚牀
暖林落高風鹿
跡稀却憶鄰翁下
山路自支桃杖雪
中歸

積雨集嚴藕漁端州客舍仍用前韻

三城城下把征衣
良會何期尚未稀
高峽不辭隔曉
發清燈頻命羽觴
飛龍西夜長黃魚
水舍北朝看白

驚磯猶有貧交會相逐莫驚今雨舊遊非

和嚴中允藕漁與假南還元韻

自得鳴珂拂絳衣數承天語眷應稀
屬陪南館文全麗清燕西園蓋欲飛
馬蹟舊山芳桂樹藕溪新水碧苔磯
相思偶作遺榮賦不道金門索米非

又

束縵東道儼相催信宿徵書下草萊
白虎正邀諸彥入緇車誰許兩疏回
彩毫長見鸞鳳集金鑑高縣日月來
一代史成堪拜手已看殊業在蘭臺

嶺南五朝詩選

卷十一

國朝
吳韋

十二

又

秋風歸興及秋旻白舫今過赤岸津
溫詔慰留猶便殿長筵修餞盡詩人
三年芝苑稱元則一鏡澄湖待季真
是處沿廻看罨畫桃花猶似往時春

早春郡邸寄鄰家田父

又是倥傯過此春出門車馬滿街塵
時行郭外逢田舍甕別山中念老人
蜂昵落花尋地遍雀爭殘粒散堦頻
世情豈合淹閒跡歸卧雙峰一病身

妙高臺

妙高臺畔草生烟江上東風立悄然
新水漸移孤鷺岸晚山齊出斷虹天
千秋盛氣猶南海白髮重來有昔賢
薦罷寒芳下朱檻春明還就總公禪

寒雨宿余兼五山樓

五峰離思數經秋高館重來戀舊遊
香近晚花侵卧具暖添南酒送藏鈎
連宵雨過吟孤燭三面山沈閉一樓
稍待霽探松路去始知閒事屬羊求

中秋後一夕黃積菴招同羅仲牧陳元孝集

見堂雨中卽事

嶺南五朝詩選

卷十一

國朝
吳韋

十三

沈郎高詠本難酬昨夜清光滿北樓
飛鏡更邀前浦月涼風翻起夾城秋
不知榮落從朱槿且喜琴尊對白頭
塵土街西無人處一回花下一淹留

贈循州王子千太守

此邦爲政知無事桑麥來歌獨至今
卧郡自成黃相治尋山差遣謝公心
石樓秋見三更月庭樹朝樓五色禽
擬向登高誦新賦朱幡時從出青林

雨後代汎亭望湖

一鏡遠涵波灩灩紅泥亭子霽初回
輕陰不爲遊人

散勝地還因太守來內外湖分堤樹出東西山夾郡城開更須鼓柂窮冥杳簫鼓中流夕燕催

西山歸後却寄李孝先

萬里人歸七澤東述婚初賦荏園風青霄彩鳳文相逐芳谷崇蘭氣本同

一路銀笙與翠簫月中迢遞望叢霄枝枝連理當門

樹曾拂雲車度絳橋深處為西山別館諸溪環之中

理也

九日白雲寺

在城北山平南入粵時

嶺南五朝詩選

卷十 國朝 吳韋

十四

人歸野寺猶殘照席汎初蘭祗近岑欲擬凌鷺不成

賦一林霜葉九秋心

顏側九日宴北湖詩云酒汎初蘭九日凌霜館賦宋傅亮作敏

言

秋宿羅源郭岳臨山閣曉望小冉峯

羅源曙色臨秋閣卷幔溪南送曉鐘山雨霽來雲不

散冉峯纔見兩三松

過靈洲不直敏公題壁

經冬不過西園寺春半還登望氣樓檻外自流雲際

水石門江樹幾歸舟

送燕

比來孤壘未完圯此去雙維翼漸齊許汝柴門無恙在花時深掩綠楊溪

又

不知於汝定何心難罷西風竟夕吟迢遞豫愁銀海路驚濤飛雪濺紅襟

又

一寸芳心漾漾絲頰頰何處繫相思溪西月黑歸來晚曾憶橫塘獨立時

嶺南五朝詩選

卷十 國朝 吳韋

十五

甘竹灘詞

半壁陰陰蓼葉汀倒看金碧到蒼冥飛花盡日無人見青雀春航隱繡屏

離後石壁峭立如城墉者里許上多雜英海棠欄若錦繡艤舟

其下石乳時滴水涼逼人自箋

春雨登石湖湖閣傷羅司李澹峰羅秀才仲

冉

湖南千樹早梅發每憶花時共醉吟今日獨登湖上

閣春山春雨綠沈沈

題敏公靈峰精舍

樹裏晴湖到石陰近攜金策事幽尋不緣舊寺人知
着自愛雲峰隔水深

馮 鑣

字爾公珖子領康熙戊午
鄉薦著有鶴夢堂集行世

秋日與霍吹山梁鶴洲陳鴈峰登鎮海樓

角聲落黃葉短褐秋風生高樓一登眺悠悠今古情
下視粵王臺遠見昌華苑昔時競歌舞珠簾倚空捲
霸業何蕭然野鳥聲可憐獨餘珠江水寂寞生寒煙
寒煙暗千里繞郭哀砧起憑欄向碧空滄洲思蘭芷

嶺南五朝詩選

卷十一

馮鑣

六

梅關阻雪宿曲江祠

張公鑿梅嶺千載留豐功公去古祠在我來寒雪中
披裘謁遺像灑酒懷高風一宿野堂靜蕭條山色空

寄懷渠我上人

別來五十日一日一長吟寂寞故山遠蕭條黃葉深
偶懷東林社一鼓石牀琴薄暮高城上西風誰好音

寄施瑤子

與君同抱百年心久別翻憐節序侵荷葉似錢難貰
酒石榴如火欲燒琴安身貧賤爲長策過眼風波寄

短吟勞動殘書慰岑寂故園高卧到于今

姑蘇懷古

霸氣銷沉但古坵姑蘇歌舞可憐秋漫言西子能亡
國終是夫差不念仇娃館夕陽吟螳蟀胥山殘露冷
松楸獨憐湖上無情水容得閒人泛月遊

燕臺懷古

黃沙漠漠幽州地盡日淒涼不見春易水草侵騎馬
路燕山雲暗度關人高臺有恨空招郭七首無情不
中秦誰把孤吟弔荒碣滿天風雪寂寥身

嶺南五朝詩選

卷十一

馮鑣馮溥

七七

秋日陪神電郭周車明府登望海樓

江閣凌空倚夕陰西風黃葉送寒砧十年虛想登樓
賦萬頃纔分學海吟鴈下島門秋色遠潮平天際暮
雲深憑高况有神明宰一醉尊前聽玉琴

登粵王臺望白雲擬遊蒲淵

陸賈銜書趙尉臣登臺猶記漢宮春憑高真似悲銅
雀悵望空憐卧石麟雲起青山橫北郭鶴飛丹嶂憶
西秦徘徊欲訪飛仙跡一簇蒲香洲水濱

馮 溥

字天能錄于布
醉雲樓稿未刻

獨夜

獨夜見孤月遙遙玉杵鳴
斷雲沉塞鴈老樹起秋聲
夢覺銀鐙寂壁光池水平
誰爲鼓瑤瑟風露一簾清

中秋後一夕與梁鶴洲集陳鴈峰寫堂

不寐遲今夜尊開石徑幽
還携謝莊賦重上庾公樓
一座人皆醉千門月尚留
莫辭風露冷看遍碧梧秋

燕昭臺

不與河山嘆劫灰傳來今古此高臺
未知郭隗成何

嶺南五朝詩選

卷士

國朝
馮溥

七

事且信燕昭解愛才駿骨尚尋千里遠
黃金能買幾人來漫看芳草思遺跡宿霧寒雲障不開

粵臺懷古

遙遙霸業空衰草獨上高臺秋思清
出郭孤峰臨百粵接天流水撼三城
人尋舊苑清歌歇馬獵殘陽戍角鳴
一自金裝歸去後安邊休笑用書生

姑蘇懷古

笙歌吹散柳條風吳苑繁華事不同
麋鹿上臺春欲盡野鳥啼樹夢全空
殘雲暗結胥山白斜日迴侵響

歷紅范蠡無因泛西子五湖歸去月明中

蜀中懷古

棧雲開處見金牛杜宇啼時到益州
故老尚傳丞相陣行人空上錦官樓
銅梁日暮猿吟雪巴水春寒草似秋
惆悵東風却無語海棠花落不知愁

白雲山

尋遍安期神舉處白雲飛盡一峰開
人間未必無丹訣天上誰曾控鶴迴
露洗菖蒲春又綠水流鐘磬夜相催
山光閱盡繁華事歌舞年年對粵臺

嶺南五朝詩選

卷士

國朝
馮溥

九

寄霍寶山

飄泊經年類轉蓬客心涼月併淒風
故人書劍遙天外殘夢關山短筵中
酒債未須憐阮藉賦才應擬薦楊雄
汾江曉鴈崧臺雪漠漠汀沙樹影空

送梁甫山

蕭蕭殘葉暗江津江色寒添酒色新
白社舊爲分簡客青山今見出關人
極天波浪泰淮月大地繁華薊北春
此去定知苦吟劇雪衣風帽寂寥身

又

榜人洲畔報潮平聞道蘭橈事遠征今日河橋一杯
酒半帆風雪八千程路逢白眼腸應熱臺有黃金價
莫輕早晚鄉書慰岑寂故園還有病長卿

鸚鵡洲

魏武巧知黃祖拙禰衡遭此亦何尤可憐千古文章
士畱得虛名鸚鵡洲白鳥影沉春樹晚碧波寒帶楚
江流臨風誰話當年事芳草青青向客舟

楊錫震

字寶生香山人晉子領康熙癸酉鄉薦著有露香閣摘稿行世

嶺南五朝詩選

卷十

國朝楊錫震

辛

詠史

朝築黃金臺暮已師郭隗樂毅感意氣強齊無堅壘
河北歸濟上珠玉填山海雪恥得賢士英風流千載
功成反見疑去國辭菹醢吾慕魯仲連組珪視若泥
解紛不受賞淵識詎能逮三歎悼斯人白日墮崑崙

又

我懷漢二疏高嘯反故廬華軒相祖餞隕涕感長衢
吾愛陶淵明抽簪歸海隅相見道桑麻稼穡甘貧居
達人貴知足遺榮古所譽鄉閭飲美酒詠歌樂軒虞

人生旦暮間毋爲識者吁

春日同梁磐重郭南耕過橫上人西山精舍

次壁間杜工部詩韻

春雨新晴後林花競出羣招邀發幽興吟咏到斜曛
樹老垂青蔓山光映絳雲遠公樂朋好清磬許相聞

早發珠江

鳴榔催曉起舟傍綠雲輕日暖花迎笑風和浪漸平
獻書馳魏闕作賦擬蓬瀛獨有懷明發勞勞夢不成

雨舟

嶺南五朝詩選

卷十

國朝楊錫震

壬

宿雨苦連宵寒舟倍寂寥攤書窓送曙潑墨氣生潮
鳥逐孤雲急帆乘巨浪遙因憐滯行李雙鬟早蕭蕭

寄懷郭南耕

風雪蕭蕭擁敝裘故人相送及江洲朗吟佳句梅花
夜細數歸程錦水頭忽忽離愁時復夏勞勞憂夢鬢
先秋遲君笑傲南溪畔漫理游絲共釣舟

遊海幢酬贈王公子

禾犀深院好秋光得晤伊人秋水旁笥疊瑤篇來上
邵坐迎蘭佩醉三湘臨雍已見文章重市駿還教逸

足強今日花前看劍彩龍文影動碧天長

惠陽道中喜晤家驄龍有贈

十年傾慕武陵東今日逢君感慨同
閱世有心人易老于時無術路多窮
遺編纂輯思先烈往事滄桑歎轉蓬
一讀新詩一惆悵相期努力待春風

華亭懷古

輕舟遙望柳葦微回憶當年鶴唳非休歎
二龍傷野戰却憐雙鳳逐鴉飛江光浸月人空老
草長橫隄露亦稀徒使多才增惋惜夜沉何處覓珠璣

嶺南五朝詩選

卷上

國朝楊錫震

五

仲春日彭馨甫招同王夢洲學博馬千見馬
公實二國學雅集園亭卽席分賦得十一

尤

名園開傍百花洲修竹森森翠欲流怪石峭通雲棧
險奇峰曲轉水亭幽參橫絳帳霞千朵繚繞瓊姿雪
一樓滿酌金罍留客醉驚人高韻更難酬

首冬同記汝禪師郭南耕楊維北陳郁仍

家大人舍弟修五大兒光秉遊九曲林分

賦

數點微茫畫裏山尋幽曲曲入煙鬟已知谷口雲封
去肯信桃源客浪還百尺青藤垂古木一聲黃鳥過
前灣棲遲未易言深隱聊得清歡半日閒

酬蘇二省新秋雨夜見寄

度却梅花嶺上關南遊聲價重如山筆鋒好截文犀
去蘭佩疑從澧浦還客裏雙龍鳴寶匣營中孤月照
刀環新涼夜雨勞相憶玉樹臨風何處攀

暮春客夜送梁木從還五峰

亂離無地不相思此日江城感舊知月色墮堦燈影

嶺南五朝詩選

卷上

國朝楊錫震徐璿

五

薄角聲驚枕夜吟遲廿年貧賤仍存我兩世文章更
羨誰萍聚幾何今又別可堪悵望柳風吹

徐璿

字鐸愚番禺人布衣
著有扶胥集俟刻

寄吳虎泉

門迎蘆荻岸日日對沙鷗雲影偶然至清陰誰爲留
佳人抱瑤瑟幽思結芳洲寂寞魚梁下星光空在留

早菊

未得重陽雨寒芳見一枝西風頻着力三逕自乘時

色淺終能傲香清靜始知柴門深掩後秋意在東籬

秋巢

秋枝寒欲折疎處一巢孤月照少鄰並霜深入畫圖
長於山寺見因感路傍無同是幽棲意安危亦自殊

黃葉

暮蟬吟不斷黃葉故蕭蕭古渡寒煙薄前山夕照遙
人情非昨日秋色又今朝歲歲逢搖落秋心隔板橋

題蘿峰寺

香閣稜稜背玉屏半崖飛翠四窓青松杉白晝能風

嶺南五朝詩選

卷十一 國朝 徐璿

奎

雨麋鹿空山有性靈鼠引弱條霜果落石樓寒影凍

雲停洞門不隔烟村遠怪得幽人舊掩扃

宿安期生跨鶴巖

路從天際陟丹丘一夕閒身寄上頭暝色漸深浮岳
氣暮寒初上覺山秋鶴迴孤影燈邊落磬出清商樹
杪流誰道仙凡杳相隔白雲深處好淹留

題劉漢水山居

路入煙霞轉轉深阮生居占一孤岑身從亂後思耕
鑿家爲遷多贖劒琴蕨笋嫩抽春雨足茗香清放古

松陰東山北海依然在肯信人間有陸沉

波羅浴日亭懷吳虎泉兼柬梁鬱洲先輩

萬山齊赴虎門東百尺孤亭弱蔦籠嶺外青嵐常帶
雨海中靈鶴慣乘風懷人酒冷春遊獨待日心勤帝
里同還喜郡齋湖嶼近夜吟多半就文翁

三老峰聽泉

十里寒郊列翠螺仙風流響玉泉多立當清澈同孤
鶴行覓餘音隔綠蘿雲氣白時衣帶潤烟光開處鹿
麋過山鐘不去雷峰遠清思泠泠韻若何

嶺南五朝詩選

卷十一 國朝 徐璿

奎

五色鸚鵡

灼灼春衫弱線新啄餘紅豆語佳人自知顏色堪遺
世不意聰明又絕倫七寶月移孤立影六宮花暗遠
來身尋常鶯燕何多事饒舌東風似效顰

九日白雲菴

石橋金勒照寒流九日王孫出郡樓白馬飲殘山寺
井滿天黃葉不知秋

青島

瑤池西望竟何音玄圃秋花玉霧深一自彩雲飛散

後世間無樹宿仙禽

劉士課

字漢生新會人明經授陽春訓導著有海山子詩集行世

同黃千子諸公宿樵山寒瀑洞

海上孤峰翠欲浮
水蘭閒繫入林丘
清齋暑盡一宵雨
寒谷風多五月裘
機息可同麋鹿伴
山深惟見瀑泉流
何由爲闢深茅處
更結橡菴到上頭

九月二日登雲水菴

露寒平野氣蕭森
逸興高飛泊翠岑
手擘藤蘿幽澗

嶺南五朝詩選

卷十

國朝

劉士課李長喜

詩

入逕通巖麓
白雲深山僧
蛻去石牀冷
古佛光搖煙
水沉坐起詠
歸隨所適但
聞松籟送清音

李長喜

字起公長華弟有古梅堂草未刻

瀧灘泊舟

薄暮寒川上
相看夕照斜
山沉雲似墨
石咽浪成花
野棹維楓岸
漁舟隔荻沙
前村吟望渺
隱隱有仙家
除日陸川署
中賞梅同韓
明府賦

官閣多吟興
梅花况復開
臘殘惜歲去
裘薄喜春來

傲骨隨冰雪
寒香入酒杯
氣條應不盡
知爲使君催

歐日瑜

字斐度順德人著有畱餘詩稿俟刻

題友人石枰臺

隱居殊曠達
孤棹繫莓苔
一幅紋楸裏
悠然綠水隈
局殘花更落
柯爛鳥空來
最惜賈玄後
無言對此臺

聞俊翁黃岳丈選刻嶺南五朝詩成賦此呈

贈

遺編散艸野輯選正相宜
刪述一人人事垂傳五代詩

嶺南五朝詩選

卷十

國朝

歐日瑜羅書丹

詩

閣中思筆墨
花裏想芝眉
莫道昭明去
聲華終古知

羅書丹

字麟仙南海人茂才著有穀胎堂稿未刻

端州舟中作

共下端江峽
行踪正及秋
劍搖銀漢月
歌逐木蘭舟
沽酒依村市
分吟戀海鷗
十年飄泊意
一笑在中流

大科峯

未到翳門域
心已駕茲峯
鳥語林泉古
雲生遠近濃
登高懷謝傅
煮茗憶曹松
嘯指荒臺上
朝陽羨可從

靈洲山一名小金山

四望波濤上綠苔峰巒如湧洞天開不從泮水孤漂
去疑與浮山並駕來瑞氣每叢南海畔春風多入妙
高臺德雲去後無消息時有魚龍自往廻

粵王臺

曾是呼鸞踏翠來粵王歌舞尚留臺千年霸業人何
在二月鶯啼花又開

又

劉家宮闕趙家城千古繁華共此情惟有危樓隱孤

嶺南五朝詩選

卷十一

國朝
崔濤

五

月夜深猶自照疎櫺

崔濤

字文波番禺人
有暢吟集未刻

贈雷峰上人

遠公年最少容貌已昂昂身厭知隨長鉢懸彌勒堂
翻經多在月漱齒不離楊獨有龐居士無成隱故鄉

典琴

典書復典琴典盡惜光陰山水已無我鳳凰猶在心
美人別滄海明月共寒林對此渾無語淒清何處音

冬日同謝鄴門諸子郊行遲陳天民不至

重重林木正飄零乘興川原杖不停幾樹野梅初發
蕊衆山寒草尚留青詩情縹緲隨空濶雁影參差入
杳冥轉憶故人猶未至不勝行止半山亭

長至日作

乍逢長至欲年殘往事閒思轉未安紅葉帶霜飄不
定青山期我住終難留聲入夜偏宜聽月色逢冬正
好看自是無成常若客幾回惆悵倚闌干

除夜與竹洲煨芋有作

嶺南五朝詩選

卷十一

國朝
莫若忠

五

山窓擁火芋頻煨却喜維摩踏雪來身外只耽惟水
石世間何處有塵埃莫愁臘去老青髭正喜春歸上
古梅更願年年將此夜與君閒對把詩裁

莫若忠

字始貞南海人
有乃工集未刻

送人歸粵

送汝歸珠浦搖搖海上旌經年同旅夢一日異鄉情
去住分吳粵東南阻甲兵望窮人不見還上石頭城

越臺懷古

越臺春縱目西去是秦中路隔八千里關連百二雄
尺書文帝德寸舌使臣功俄頃成今古登臨思不窮
遣懷

久客吳門尚越吟花開花落負晴陰牛衣猶下當年
淚馬齒徒傷此日心正好醪醑澆塊礪縱饒山水倦
登臨五噫歌罷人何處咫尺皐橋不可尋橋時即皐
伯通舊居

同方長斯吉祥寺探梅卽席次韻贈卓上人
禪扉靜掩隔紅塵古寺深深萬木春共道拜梅爲孝

嶺南五朝詩選 卷十 陳嘉穀 天

子誰知烹雪有高人風傳孤磬聲初下苔破遺碑字
未湮拜梅亭及碑
爲鮑孝子建幽艷冷香能幾日看花遊屐不妨

頻 陳嘉穀

字長茂南海人有
南薰軒小草未刻

次答談君維

韶華過半百廿載得交遊軒冕心如水鬚眉色欲秋
笑看三徑菊閒對一沙鷗匣裏雙龍在空憐射斗牛
言大李文學客中過集

別來壇坫九逢秋此日多君訪舊遊風雨久懸徐稚
榻江湖嘗憶李膺舟鴈過碧落生鄉思花傷青尊破
旅愁握手莫虛投轄意酒旗高挂水西頭

春日謁白沙陳文恭先生祠因訪楚雲臺舊址

雪散江門獨繫船先生遺廟尚依然心懸慈母輕簪
笏道接文宣老海天灘響忽驚垂釣日花深猶記著
書年莫爲別思嗟搖落日斷荆南草樹烟

感懷

嶺南五朝詩選 卷十 陳嘉穀 羅子瓊 禿

幾年踪跡記燕秦憔悴風塵又小春裘敝但憑慈母
惜舌存羞與老妻陳芳心暗逐梅花早野况遙隨月
色新莫訝酒壚常買醉古人曾有未長貧

重陽前一夕同亮臣月坐分賦

目極疎林廠暮烟數聲新鴈思怱然樽開彭澤知明
日帽落龍山憶往年雲淨碧空寒悄悄月含瓊島夜
娟娟憑君且對茱萸醉南北車書共一天

羅子瓊

字煜之南海人
有秋輝集未刻

秋中同陳職方霍叅戎諸子楚中夜酌

異地相逢又半秋金樽同醉尚生愁月明塞鴈三湘水風起檣烏一葉舟桂玉時艱誰享士烽烟夕照各登樓諸君報國心殊切不似新亭淚暗流

汀州道中早行

莫歎人生行路難數聲曉角動江干月痕尚在秋林薄劍氣遙冲北斗寒正馬遠來思故國六龍東幸卽長安吹竽鼓瑟成何事有客區區欲報韓

李長華

嶺南五朝詩選

卷十

國朝羅子瓊李長華

辛

辛東園南海人茂才著有十松堂集行世左傳註解嶺南尺牘增補四書徵卽刻

洞口

洞口雙溪出微風引木槎斷山如有路爲客似無家野渚浮霜葉遊魚戲浪花前灘盡漁父相望隔烟霞

山居

微雲當草戶巒壑共參差采藥爲山酒依巖結石籬晴林花氣滿空谷鳥聲遲有此烟霞趣吾生何所爲

陸川署中同韓明府賦

白

畫簾虛一角春色滿華堂細艸籠烟濕閒雲卧石長

青尊開倦客白雪入吟腸幾點疎林雨梅花落隔牆

楊柳沙

歲暮猶爲客孤舟傍夕陽寒蘆吹落絮殘葉墜飛霜渚澗銀沙靜山空石澗長青蕪花更好披拂送餘香

鬱林道中

象郡連東塞西南是鬱州危橋平野岸深樹隱朱樓馬怯崎嶇路人被雨雪裘只今灘上水猶憶陸郎舟舟發清遠寄譚澄最馮齊漢盧熙同諸子鄉園別後見時稀每惜閒身負釣磯兩月飄零行客

嶺南五朝詩選

卷十

國朝李長華

辛

久一書迢遞故人違雲涵野岸江如斷風引蘭舟浪欲飛爲憶昨秋論劍夜幾人還共掩荆扉

春夜同羅本淵宿韓明府書舍

勞勞世事惜浮生春思迎人花滿城久卧朱門仍一客每吟良夜到三更入簾好月纖纖白渡海微風片片清最是倚欄無盡望一天歸鴈倍關情

燕中懷古

金臺西眺夕陽曛往事空從故老聞刺劍未成誅太子函頭虛負殺將軍聊城冷落棲烏鵲易水寒生暗

霧雲市上只今誰擊筑悲歌猶憶望諸君

蜀中懷古

聞說金牛事已欺五丁能鑿亦堪悲錦官樓畔愁芳草白帝城邊聽子規後主已忘思蜀國皇孫徒自哭宮祠陰平峻險依然在却笑無人拒魏師

洛陽懷古

黯雲宿雨正颼颼幾樹殘楊繫馬遊洛水尚傳周社稷上陽難問漢春秋銅駝預發憂時歎禾黍徒增故國愁風景不殊山海異諸公流涕望神州

嶺南五朝詩選

卷十一

國朝

李長華

全

隋宮懷古

沉醉迷樓亦可嗟夢醒誰復問繁華千條錦纜傷流水萬片垂楊落晚鴉此日山螢猶照夜昔時宮樹已無花蕪城縱是風流地不念長安舊帝家

春日江上送妹丈羅國甫歸羊城時予留滯

中宿謹修寸札託報慈幃醉後惜別賦此

贈之

殘陽衰草共依依海國相逢事已非尊酒暫爲江上別鵲鳩猶是雪中飛雲行碧浪催仙舫渚拂蘆花點

客衣我亦鄉園歸未得一書曾已報慈幃

秋思

何從高調寄知音夢裏無端托苦吟一笑未酬磨劍力十年空抱住山心溟濛露色秋先到迢遞鴻聲信尚沉最是故園歸思起西風吹斷夜來砧

夜發二禺峽

一棹寒江夜不停二禺誰向絕峰登石泉洞裏長飛瀑蘆荻沙前早凍冰月上平湖生海鏡野舍殘燒亂山燈疎鐘幾點憑欄聽雲水蕭蕭意不勝

嶺南五朝詩選

卷十一

國朝

李長華

全

蒙金章

字佩文番禺人及才

中秋夜與諸子登海樓望素馨田

圓月當中照招携陌上游言尋妃子墓共上庾公樓荒地已非漢名花終姓劉誰從香色裏一想舊時秋

舟居

扁舟何處不飄然且向滄江謝俗緣兩岬似沉千頃浪一簑如坐五湖船尋源洞口香凝路垂釣波心月滿天從此海門成迹跡可無重乞買山錢

陳帝璋

字雁峯南海人國學
著有雁堂詩草未刻

秋夜與馮天能梁鶴洲諸子宿郭澹人滄洲

半壁樓

林下清風折角巾不嫌蕭散得天真頻開高閣畱佳
士滿種名花遠俗塵霜月夜當彭澤酒棹歌聲隔武
陵津石林徙近水壺裏仙浦銀河並作鄰

梁園

字愚圃南海人
有竹居稿未刻

嶺南五朝詩選

卷十一

國朝
梁園陳帝璋

畫

村行

到處逢搖落當空日漸高平原觀氣象大道隔蓬蒿
未謝三冬雪依然一布袍行行重幽意極目又亭皋

又

日晏朔風寒休歌行路難蹊山隨所歷去住總無端
短鋪農夫荷枯棋野老彈相逢不相識笑指暮雲看
獨坐空庭月

極目空秋色機閒地自深一堂今夜月萬古野人心
宿鴈分更噪寒蟲善夜吟撫琴想流水何處問知音

沛中

鑾輿南下正紛紛大澤龍歸只片雲雞犬不忘豐市
地兒童猶識漢時君功興泗水亭光現夢入碭山日
色隴衣錦夜遊終未許高歌留得至今聞

雒中

蕭條客路伊川水此日人誰卧首陽河洛有書分八
卦土圭無影側中央紅顏易老銅駝棘白首難禁鐵
嶺霜今古升沈何限恨旅懷空賦牡丹黃

蜀中

嶺南五朝詩選

卷十一

國朝
梁園

畫

六一堂前客過稀錦官城裏雨霏霏一聲杜宇終留
恨三月征人未解衣巴水浪高春艸濕陣圖風急暮
烟飛鷺叢野老無忘化還自逢人說漢基

鄴中

魏國山河漳水邊壯心灰盡見流泉斜陽隆慮艱征
馬荒艸宜溝泣杜鵑一代笙歌埋古徑千年疑塚鎖
寒烟不知俠骨歸何處徒有文章劫後傳

夜宿郭澹人半壁樓

年來行止率天真又向西樓寄此身一座清風嘗醉

客半溪明月正宜人情當永夜輕霜露交到忘懷畧
主賓莫厭棹歌枕邊起與君元是海鷗鄰

石雲山春况

寸心雖老未嘗灰却爲尋芳偶到來怪石有情因我
瘦晚山如畫待誰開春回南嶺青生艸香滿前溪白
放梅閒殺野人塵境外只愁歸路夕陽催

梁 漢

字鶴洲南海人著
有天籟堂稿未刻

初冬與馮慈樵劉仰山諸子集曹虞工寧靜

嶺南五朝詩選

卷十一

國朝
梁園梁漢

畫

堂賦

偶憐幽事到西園簾隔紅塵靜不喧僮婦雲堦收落
葉雪停梅榦凍香魂移尊擬坐花邊石愛月還開竹
裏軒不是陳思重風雅詩心長抱向誰論

秋夜與家愚圃馮天能宿郭淡人滄洲半壁

樓

半壁窓臨海月高露庭深坐一蕭騷燈藏水艇聞秋
笛雁叫沙汀起夜濤棋局敲殘蕉鹿夢江風吹冷茭
荷袍竹枝何處傳清怨吟遍欄杆首重搔

盧 邁

字雁林南海人著
有不去堂艸行世

望羅浮

揚帆剛數日日見羅浮翠色凝殘雨晴空似素秋
仙人丹作井古屋石爲樓卻憶飛雲路那能汗漫遊
白鶴峰謁東坡祠

接長江水雲開白鶴峰荒山無別業學士有遺踪

木葉飛空徑林烟出暝鐘不堪更回首猶見朱時松

山中病起作

嶺南五朝詩選

卷十一

國朝
盧邁

畫

便喜無塵事秋深病漸稀牀前黃葉落鐙下白雲飛
江客來新札鄉人寄舊衣明朝理藜杖試采北山薇
衛立組學博署中

惠陽官舍綠陰陰楊柳門前曲徑深笑我十年成遠

別懷君一日忽相尋江流煮茗香生座山色當簾冷

到心詩罷倚闌看苜蓿數聲歸鳥響前林

七夕集李照生拾遠閣

老至何難漸白頭一尊桐馬集山樓客邊又見黃姑
夜天上初回白帝秋柳葉光分微月吐梧枝響入緒

風愁去年記得爲歡夜沉醉他鄉對女牛

王聖隆

字也夔番禺人茂才
著有持寶堂稿俟刻

庭雁

異地那堪托猶憐出網羅幾回葭莢意恍在小庭阿
養翮秋先起歸心夢後多天涯有孤客於汝更如何

新荷

藻鏡迴春暖纖荷幽渚期含香微到座卷露不傾池
掩映行魚動參差上蔡遲對人無限意早得慰相思

嶺南五朝詩選

卷十

國朝
王聖隆

三

送劉生入都謁選

年少知名早馳驅古涿州高風千古意岐路萬山秋
霜葉衣邊滿新詩橋上畱金臺春色好須記海山樓

晚登靈山寺

萬里牂牁水蒼茫門外流江山無歲月雲木自春秋
竹影心常在歌聲誰復酬漁燈三五點遙傍海中洲

閔江樓

層臺登眺肯遲遲飛宇凌空想往時芳艸祇今逢鹿
子滄江曾見駐龍旗峽開逝水聲歸海日落寒山影

在籬遙望注流滇桂遠幾回吟詠起相思

花朝招同陳獨漉黃積菴霍贊遠陳端木陳

士皆梁止山遊蒲澗卽席分賦

牧樵何處不高歌一望奇峰興倍多絕壁飛濤迷洞
壑叅天古木出烟蘿浮生不負青山約佳節渾如逝
水過欲采紫茸思九節漫隨仙侶入中阿

關上進

字凌雲南海人茂才著有歷試草小題
稿詩經稿及木蘭軒諸集十六卷行世

送蔣文孫還晉山

嶺南五朝詩選

卷十

國朝
關上進

三

之子征帆動驪歌海上聞荔枝紅似淚荷葉綠如雲
南浦銷魂易涼州入夢紛河東從此去何處再逢君
秋夜獨坐

碧月上長空疎林動晚風窓虛花氣入座冷竹聲通
新雁鳴雲際寒蟲泣露中悲秋情一段真與謫仙同
讀朱四古廣文遺稿

年來有淚爲誰枯不見先生三載餘墳樹祇今堪挂
劍州門曾此動迴車廣陵久絕嵇生曲玄草猶存漢
代書却喜名山藏慧業雄文不薦似相如

遊曾爾璞山庄

夢到珠山却有年杖藜乘興躡山巔亭橫竹樹臨無地洞鎖烟霞別有天低瞰海門帆影亂遠吞屏嶂水光連杜門著述多佳趣此樂先生誰與傳

冬日荅鐵關上人

少年學道早辭家風雅禪宗世所誇雲水豈期飛錫杖雷峰曾得見袈裟松陰共對棋聲細竹裏追尋日影斜自愧郢吟非白雪重勞高和贈瑤華

陳石

嶺南五朝詩選

卷十一

國朝

關上進陳石

堯

原名運亨字荆琅一字石藏南海人明經任神電司鐸著有家課存藝石堂詩集行世於

姑蘇

歌舞歸何處吳宮鎖白雲山荒金虎跡波冷水犀軍別館閒花發橫塘野色分扁舟人不見秋笛月中聞

蜀中

歷盡蠶叢路驅車到益州春殘啼杜宇山險限金牛八陣圖何在三巴水自流徘徊望白帝愁絕漢宮秋

七夕寄譚孟文

夢裏相尋意若何悠悠歲月易經過交游最惜馮唐

老吟咏偏懷阮藉多客舍幾同看短燭秋宵空自對明河離情好倩西風寄一爲思君兩鬢皤

辛卯仲春同長兄藻琅弟雍琅之官高雷道

中偶作

陌塵遮袖柳垂鞭鑑水雷陽落照邊千里各爲司鐸客一官同是養親年荒山啼鳥過殘雨古驛征車悵遠天回首故園春樹裏白雲東望益淒然

送屈翁山

嶺南五朝詩選

卷十一

國朝

陳石陳士諤

罕

輅車遙向武陵津相送天涯又暮春聚散每憐多病客悲歡同是一時人詩題絕塞清笳響賦別寒江短鬢新莫向風塵重回首槎溪還有白鷗鄰

寄黃積菴

不盡相思但倚樓著書人憶石羊秋五朝風雅歸青眼一代文章屬白頭愛客每懸花下榻買閒多放月明舟獨慚老大吟空苦何日還同叔度遊

陳士諤

字嘉言南海人茂才著有買閒集集錄

山居春日

山上條風昨夜來，輕寒暗暖一陽回。
席門歲事歸經史，黍谷春光遍艸萊。
習懶頗饒中散趣，著書殊慕子雲才。
幽棲恰好同猿雀，隨意庭階步綠苔。

石燕

海雲高擁暗山溪，一望零陵楚澤西。
頡頏乍騰芳艸麓，低徊不上落花泥。
心原匪石誰人辨，名在烏衣野雀嘶。
早晚爲霖能濟世，不妨歸向洞門棲。

盧挺

嶺南五朝詩選

卷十一

國朝

聖

字松士，東莞人。領康熙戊午鄉薦。著有樸園詩集，俟刻。

過飛來寺

聞說舒州寺，飛來粵水濱。
名山無定主，勝地屬閒人。
水暗如三峽，峯高當四鄰。
釣臺遙一望，吾欲坐垂綸。

沛中

却疑雲氣走芒碭，波捲淮河日色黃。
異代尚悲秦父老，三章猶說漢君王。
龍蛇中澤爭岐路，鷄犬新豐認故鄉。
何處歌風臺不見，空餘幽響在松篁。

蜀中

君臣誰與同，至今祠廟想遺風。
祚移鼎足三巴裏，天定棋盤八陣中。
山月影歸綿竹白，海棠花逐錦江紅。
杜鵑啼遍天涯路，千古忠魂恨不窮。

戈旦

字東谷，番禺人。著有寄堂詩稿，俟刻。

感秋

心中豈一事，暗漏枕邊長。
山月深簾幙，秋雲凍艸堂。
衣單知晏歲，酒醒惜他鄉。
莫更看雙鬢，蕭條易著霜。

歸舟

嶺南五朝詩選

卷十一

國朝

聖

戈旦，植王綱。

草草成何事，蕭蕭又一年。
寒江孤夢覺，明月片帆懸。
沙淺秋殘路，梅深雪裏天。
漸來鄉國近，曉色散晴烟。

除夕

蓬蓽相依久，羈危此病身。
未能千日計，又老一年人。
計歲收殘曆，中宵入早春。
隔園有桃李，花放待清晨。

春日陳在臯招同洪尹玉飲珠江樓

策杖三城路，江樓意渺然。
酒宜人共醉，天與水相連。
獨鶴明霞外，春風綠柳邊。
興酣猶未散，同上泛湖船。
同黃扶初道人過唐孟爲城西書舍

一間茅屋背西城花下人來鳥不驚竹窻火添春茗
熟細簾雲擁晚郊晴杜門自愛如陶令獻策閒思笑
買生扶病過君嘉遯處山光濃淡海波平

小除同李烟洲暨小兒真白宿余兼五水樓
懶作窮文且賦詩高樓良會共追隨燈邊看曆無多
日海上分吟有稚兒南郭漏聲催短景西山雲影動
寒池年來勝事多無分贏得身閒與髮絲

秋夜寄潘允大

亂離居止異鄉多久與風萍逐海波午夜漏聲愁裏
嶺南五朝詩選卷十一國朝植王綱壘
聽一年人事醉中過身當遲暮漸親友心爲窮忙負
薛蘿不是白頭潘處士兩句孤棹竟如何

植王綱

字允持番禺人茂才著有古今史評澹堂文集行世石堂詩舛俟刻

園居

結屋偏臨水潮生每到門老松遮曲岸小犬吠孤村
地靜人稀至花深鳥盡言幽懷時有托吟苦自開軒

暑夜納涼

水滿方池樹影冥湘簾半捲度流螢玉荷香艷風侵

坐鐵笛聲高月滿庭歸鳥倦依林寂寂晚風寒吹髮
星星儼居正喜禪房近時倚闌干聽誦經

林垣

字紫君潮州平遠人明經任新安司鐸著有文漪園集金臺隨筆行世

山中曉發

鄉夢何曾到征夫已戒行鴉寒驚早起馬瘦怯霜鳴
殘月依孤影輕風送遠程驅車村舍外更鼓尚聞聲

秋夕送王天程遊珠江

月明西望水東流滿座清風送客舟共惜佳期逢巧
嶺南五朝詩選卷十一國朝林垣黎必升壘
夕那堪離恨賦南樓星河影亂江天暮鴻鴈聲高江
樹秋把酒徘徊何處別城頭吹笛思悠悠

塞上曲同張樞侯御史分賦

白草連天雲復黃居延城上早飛霜關山聞笛催梅
落代馬嘶風入夜長一劍從軍悲塞漠十年征戍苦
遼陽傷心秦漢兵戈地沙磧河邊古戰場

黎必升

字昭文順德人茂才著有寄亭稿行世

送友人還漢陽

南園今送別酌酒復歌驪客路三千里芳春九十時
雲山銜旭日烟柳折江潛從此漢陽去何時慰所思

仲春潯城野步

野曠風微草色芊關津還見酒帘懸好春每醉荒城
下宿雨長流大路邊滿眼山川過歲月幾年湖海尚
烽烟扁舟野岸人何處逐逐征途已着鞭

蒼梧生朝

看花又老一年身三十行藏只是貧短楫舊遊湖北
月名山今對粵西春天懸星斗杯中落地接風雲檻
嶺南五朝詩選卷十一國朝
蔡必升衛祖邵 醫
外新此日空齋何所有滿園鶯燕語聲頻

衛祖邵

字肇許番禺人茂才
著有得月堂稿俟刻

龍井爲西寧張明府賦

只此龍泓水搖搖今古中微波難見底一鏡隱涵空
仙浦香疑合海門潮欲通尋源知有自甘旨萬家同

曉發新塘

伐鼓魚臺下晨光散板篷霧消村樹綠日起大江紅
浩蕩三春浪悠揚片席風淇泉分派處岐路此西東

施邦基

字瑞子廣州衛人
著有舫齋稿俟刻

暮春集海幢同雪木諸師分賦時有燕臺之

役

不到山中久春華遍綠堤言尋舊耆宿坐對古招提
地靜沉魚析花香盡木樨明朝南浦上回首路應迷
哭徐可亭

客路茫茫不可期斷雲芳草意凄其黃金纔盡歸難
定白玉樓成去不辭千里夢驚寒雨夜孤懷愁對小

嶺南五朝詩選

卷十一

國朝

施邦基

望

春時思君偶憶豪吟處一望垂楊綠似絲

波羅曉發

乘潮相逐放輕舸一望長江意自豪秋水淺深分極
浦故人零落在東臯未沉玉漏漁烟起纔聽鷄鳴曉
日高却憶十年前到此木棉花下讀離騷

燕臺感興有懷梁甫山

關塞風高遠帝都敝衣羸馬獨長驅秦庭莫訝申胥
哭楚些應憐正則無曾記月明辭越水更愁楓落滯
姑蘇路岐不盡思親淚慙愧天涯對赤烏

胡禹祁

字子九順治乙未進士景曾子

著有燕香亭諸稿

懷古

帝子何年返攀轅失故都江山空日月宮殿鎖蘼蕪
太息思遺劍低徊泣舊圖不堪回首處烟水在蒼梧

又

指點邗溝外寒聲一樣流牙櫓空殿脚錦纜憶龍舟
野水聞江笛殘陽見古樓只今堤畔柳憔悴不勝秋

望泰岱

嶺南五朝詩選

卷十一

國朝

胡禹祁

哭

極目巍峩上太空鬱葱佳氣護羣峯日光掩映浮丹
闕風氣迢遙散暮鐘螭首碑存崇漢祀龍鱗松在紀
秦封卽今聖代隆柴望功德由來仰岱宗

春日吳將軍招飲鎮海樓時重修落成卽席

分賦

層樓重建倚高空座上逍遙面面通今古雲山思趙
尉東南賓主憶閭公窓開雉堞收殘照松奏笙簧散
遠風此日重來有吳起登臨長得歲時同

度梅嶺時南還

石壁巍峩步不前粵雲章水暗相連巖樓古寺猶存
角路夾喬松欲插天丞相功勳思此日臺侯封拜是
何年去來我亦驅馳客惆悵雄關綠水邊

龐翹菁

字西牟南海人領康熙甲子
鄉薦著有太尊堂詩稿俟刻

固關古井陘地

行出固關西風吹日漸低石圖天作棧山豁陘成梯
野艸逢春嫩邊沙動地迷舊時爭伐處征馬向人嘶

寄贈蘓承州許使君

嶺南五朝詩選

卷十一

國朝

龐翹菁

哭

萬成古郡青山裏漢代諸侯自少年紫綬朱輪天子
寵牙簪朝笏祖宗傳射堂草遍歸殘雨藥圃人看隔
遠天卧對官衙無一事郊人爭道大夫賢

過西山草堂與梁虛齋翁夜話

寒燈挑盡不成眠三十年來幾播遷舊業半歸流水
外青山相對草堂前說經定是推匡鼎作賦從教屬
孟堅十畝野塘閒也得趨庭今有子孫賢

龐文

字鴻侶上標次子明經
有流珠堂詩稿俟刻

送家兩兄入都

寒夜坐淡月中宵語不休家園知有託遠道莫生愁
挾策承先業鳴鞭識舊遊西溪閒憶處春色爲淹留

跡師歸自丹霞

高隱遂微尚水雲何處蹤手持青竹杖歸自丹霞峯
石路落天塹崖崖綴古松塵緣從此斷言返山南鐘

沛中懷古

醉來起舞試魚腸沛上聞歌興獨狂裘馬五陵遊子
地山河一統帝王鄉至今故里愁秦法到處人家誦

嶺南五朝詩選

卷十

國朝

麗文麥吉臨

堯

漢皇極目客途行不盡暮雲忽起暗河陽

江上

晴江沙落水夷猶楓葉蘆花孤客舟萬里弟兄頻敘
別十年書劍獨淹留阮生入俗誰青眼季子還家未
白頭遮莫小陽花信好幾回仙夢到羅浮

麥吉臨

字懿質一字長人順德人領順治甲午鄉薦現任河源縣司鐸著有龍渚草堂集

山行

昔年曾策杖今日復躋攀緩步非因倦閒情多在山

談高巖應響澗曲水成灣不負來時興春風任往還

鳳城九日同家姪景先遊碧華洞

旅邸論文日未遑驚看節序又重陽韶華於我終多
感興致隨人每自狂步上月臺光尚在醉扶秋帽意
偏長桓溫一去成今古遙望龍山倍可傷

韓嘉謀

字旅菴番禺人著有復初詩草俟刻

看劍

一劍贈來久纔看又復藏匣中常隱躍塵衷暗輝光

嶺南五朝詩選

卷十

國朝

韓嘉謀

卒

憶過三湘水曾經百戰場徘徊羨今日真得引杯長

梁几公半山書院分賦

林泉遙望似崆峒引水爲池石幾叢坐聽書聲高館
近行隨香氣百花濃樓臺日靜雲偏滿島嶼人來路
暗通醉倚闌干還席地野人真得遂疎慵

簡干言

字時可新興人茂才著有荔香堂稿俟刻

五日書懷

小睡不成寐西牕乍起時偶看長命縷忽又有新詩

令節須臾過佳人不可期招舟日已暮悵望水之湄

呈屈翁山

時翁山未還俗

瓣香懷袖却蹉跎旅向招提得重過曾見名編知脫俗及聞高論識懸河身行絕塞辭塵久家有離騷抱恨多留得深情千頃在汪汪猶肯納微波

素馨田

芳阡遙寄隔滄洲花滿原田水自流瘞玉已成騷客恨化珠還上美人頭山河昔日曾歸宋姓字千秋尚說劉一笑馬嵬葬妃子空餘荆棘滿山丘

嶺南五朝詩選

卷十一

國朝簡于言

空

楚中

鄢京如畫獨凝眸神女靈妃事已休文士變騷追兩雅美人歌些謫風流西江水濶沉幽佩潯渚波橫阻去舟黃鶴不飛鴛浦靜白蘋風起樹聲秋

劉連輝

字月子東官人順治庚子鄉薦現任湖廣新寧令著有圃沙草堂詩稿行世

村居

星淡竹牕白繩牀野夢回堂幽人晏起樹密鳥頻來市酒經宵醉荷花傍晚開芳林新雨後春色滿江隈

舟中曉發

江白四山曙踟躕舟待開薄雲留曉電疎雨送殘雷夢向水邊斷愁從天際來鄉心煙樹裏歸思共徘徊

入潼關

路入秦川此咽喉停鞭一望野雲秋山連華嶽兼天起河出蒲州入渭流鳥道空中開萬堞羊腸高處聳危樓崎嶇歷盡關前險爭得逢人說勝遊

燕臺

禁院鐘停萬戶開新花細柳夾城栽悲歌客向當年

嶺南五朝詩選

卷十一

國朝劉連輝

空

去獻策人從此地來一路春光爭並轡九衢日暖快登臺共傳買駿千金骨只有殘碑冷翠苔

姑蘇

館娃春暮草離離霸業全銷賜劍時茂苑有花迎越旅孤城無險拒吳師藤蘿月冷西施石松栢風高伍相祠溪女至今憐往事傷心不忍學顰眉

李文高

字三何一字次白康熙甲戌進士歸里卽設帳嶺南書院及門數百人不以仕祿爲念有隱君子風焉著有伴鹿堂小集

秋澗

前溪明月淡白微兩厓霜紅淺叢苔淨山深一水長
泠泠人跡少默默芷蘭香獨有鳴皋鶴沿涯浣羽裳

秋閣

不是空中結晴窓四望遙前山宿霧淨曲澗晚虹消
徙倚聞長笛高談接碧霄曠觀無不可佇立看橫鵬

戊辰出都

敝裘羸馬任風塵遙指南山揖故人客况正當梧雨
候良晨猶是杏花春味嘗雞肋寧終嚼路遠羊腸已

嶺南五朝詩選

卷十一

國朝
李文高

奎

數巡莫謂煙霞能蔽日帝城迴首在雲根

鎮海樓

昔日塗丹已盡湮一朝輪奐接星辰漢皇殿下銅駝
老趙尉城頭鐵馬新薄海風帆通錦貝當潮斥鹵靜
煙塵憑高一望長如此願與遊人挹白雲

砧聲

月明將皓腕高下任風清試問憑誰遣美人自有情

蟲聲

幽栖情易愜中夜起長吟自信非哀怨誰知草野心

蟬聲

朝吸木蘭露徐吟細柳陰予心自可見詎以逐風沉

棋聲

達人神悟速高士每沉吟於此能潛聽仙踪自可尋

陳阿平

字獻孟東莞人茂才
著有鉢山詩集行世

天馬

天馬來自西域越崑崙來賓服天馬狹渥洼出背虎
文脊龍骨天馬來向東足躡景耳生風天馬來流

嶺南五朝詩選

卷十一

國朝
李文高陳阿平

奎

沙至龍之孫驥之子天馬來驂雲翔養天廐朝玉皇

白紵曲

雲綃霧縠裁羽衣文巾繡帶香風飛花顏蟬髮白雪
肌含嬌弄態媚春暉冷冷皓齒發清歌盈盈妙舞揚
青蛾光如明月夾丹霞嬌若游龍戲流波

懷菊

寂寂過重陽谿邊菊未黃以余抱幽志憶汝在秋霜
香遠不輕發節高寧入藏天南寒氣少應見後時芳

弔袁督師自如先生

召對平臺日登壇策畫長未曾敗房琯早已訟陳湯
自使長城喪應先社稷亡從知天意在豈必論忠良

送羅子北上

南岳初歸日東江復送行幽并萬里道風雨十年情
去雁同征路春花點客旌悲歌彈短缺獨向薊州城

鎮海樓爲李中丞作

粵秀雄巒落朝臺控海波樓開三島近簾捲五雲多
牛女星雙合演黔水共過中丞重建後碑碣總難磨

讀陳巖野先生遺草

嶺南五朝詩選

卷十一

國朝
陳阿平

奎

往日陳司馬監軍贛水東孤臣非失守丞相妒成功
國破身先殞巢傾卵欲空可憐存趙武攀栢泣蒼穹

朝雲墓

芳艸青青遶墓田風流猶見落花煙六如自送佳人
老五蘊元空居士禪鸞鏡獨懸秋水上蛾眉長在遠
峯前自從香冷湖西後犀帶橋頭幾月圓

和嚴藕漁宮允予假南還

羅浮桂樹且淹留寒色青青花未休明月放歌桑柘
酒春江乘興木蘭舟謝公正有東山賞陸賈曾從南

粵遊早晚獨愁還北闕相思遙望鳳池頭

秋夕同李駿詒羊石歸舟

櫓葉楓林兩岬分夕帆川路帶斜曛謾歌蘭芷思公
子得附仙舟對鄂君明日逐潮生遠浦朔風將雁響
寒雲歸時別館黃花約乘興還來細論文

許雲

字飛黃一字伏嵐壯圖家子領康熙庚午
鄉薦陳選知縣著有四書稿北遊艸行世

出都別二弟

去住曾無定渾如逐鳥飛風塵同作客湖海各言歸

嶺南五朝詩選

卷十一

國朝
陳阿平

突

萬里故人少半生心事違津亭春欲暮鄉思在斜暉

贛江早發

已作倦遊客孤舟逐曉行江烟濃不斷山月暗還明
擊楫平生志歸帆萬里程悠悠章貢水往復數年情

徐州夜宿

搖落寒霜夜色幽黃河曲曲日長流馬嘶荒草征蹄
倦月挂空臺客夢悠古渡仙槎憑弔望荒坵烟樹想
沉浮爭雄當日人何在相對無聊天又秋

行經石門謁先賢子路祠

笑指石門匹馬遲停鞭瞻拜昔賢祠轍環不減窮途
恨日落空懷信宿時滿路風塵迷往跡幾人憑弔有
餘思晨門當日曾相識千載還留一舊碑

曾貫

字豫良都堂道唯家孫茂才
著有楚遊草寄園集行世

鳳城與寬孩內兄夜話

一別忽三年幽懷尚宛然談深遷徙後愁盡路途邊
海色分斜月詩情宕晚烟萍逢幸今夕形影正相憐
返家留別平洲諸友

嶺南五朝詩選

卷士

國朝
許雲曾貫

奎

歸思無端去復留鄉心離緒正悠悠一年未罄溪邊
話此日空維江上舟津水潮來乘夜月平洲客散又
殘秋浮雲去住應無定知有天涯意未酬

賦謝廖崑湖先生

古道猶存喜友生雞壇何處不知名詩從蘭譜分餘
響琴向華堂識正聲懷刺每憐今日晚授餐益重古
人情近來縫掖多非舊倒屣時煩下榻迎

莫章隆

字休莊一字峯泉新會
人著有沁溪稿俟刻

雛鶴

背人窺影自依依如雪新翎啄夕暉試步洲前行正
穩學飛林外力猶微羽衣未化清江夢華表何年丹
頂歸溪月渚烟初相識閒情鎮日在漁磯

仲夏與友人訪區德繩村居賦贈

竹溪深處一茅廬却羨高人此卜居煙水已能閒歲
月姓名恰好混樵漁雨餘倚閣能窮日夜靜臨池便
著書香稻又黃新釀熟逢君如在羲皇初

胡景曾

嶺南五朝詩選

卷士

國朝
莫章隆

奎

字端孩一字沂麓孝廉天龍子順治乙未
進士官至湖廣武昌知府未幾告致歸隱
林泉著有率草北征如黔衡
嶽各稿行世尚詩文俟刻

禹碑亭

翳昔發河洛天地衍大文回溯一畫初混沌從此分
昏墊苦未除方割憂正殷高山大川間荒度八載勤
錫圭迄告成績勒南衡君科斗七十七亭虛翕氛氲
自是疏鑿理篆法流水紋糾蟠掣蛟螭剥落老煙雲
靈奇斯可怪劈闢電雷礮旁泐留詮譯豎義如所云
胡然紫霄峯六字僅有聞

廬山紫霄石室亭禹刻百
餘字僅鴻臚議余乃得可

辨

甲午冬阻兵韶石

薄暮韶石下平楚空寒烟大旗相蔽虧飛騎時控絃
部伍郊垌散將軍按錦鸛毛錐鋒且藏安用與周旋
謁吏頻請關纜急水濺濺雙足躡蒼翠兩耳鳴潺湲
古廟滅沒間緣崖斷荒芊忽忽數晨夕悵懷與綿連
九成臺前月琴聲虛夜天

題孔庭檜

厥木惟喬獨孳壽根深蟄龍得知否闕里當年倚一

嶺南五朝詩選

卷士

國朝
胡景曾

堯

株斑剝蚪蟠霜紋紐天道左旋若象之榮謝或云數
推移悠也久也私亭葦環與明堂蒿相期水精之子
產蕤蕤配地配天貫終始周秦垂閱歲三千來耳雲
初代枝蘂在茲未喪儼斯文凌空直上千漢雲手澤
存焉巧曆算栽者培之化雨分吁嗟乎松柏栗耶奄
成穉六經梓材而丹雘不可知之之謂神天挺此木
爲木鐸

盧溪道中寓目

不川買山山作室綠壁行空窮翠峴繩梯扳援鳥道

紆洞深穴小蔽風日竹木參錯撐虛空兀出茅茨或
容膝曲突時吹嶺半烟遠澗過門水聲疾俯瞰江流
碧於苔輓轡迢遞垂垂緇君不見木食穴居古有云
羣猿夜嘯不可聞避人避此計寧得贏他早暮一谿
雲

辰谿夕行

已知秋事好那惜倦津梁澗月隨流白松風生夜涼
山窮尋路出馬怒爲誰忙此去沅陵道何如旅思長

次武陵

嶺南五朝詩選

卷士

國朝
胡景曾

辛

云是武陵舊尚餘古木斜桃花自開落往事空咨嗟
猶憶徵士記遲回漁父家蒼茫何所跡茅店晚烟賒
望棲霞山寺

空門依絕巘巖長碧桐風石骨層層駁筇踪宛宛通
樵歌荒徑晚鳥語翠微空苔滑昨宵雨無緣訪遠公

別陳元瞻司李還石阡

衆壑含烟暝風驕驛馬嘶念予衡嶽路將子夜郎西
往跡應傳李邕同勿效嵇謫仙留翰在早晚待緘題

衡山途次志感

石林發清籟深樹隱鳴蜩馬辨高低陌人從宛轉橋
觀風感零雨讀史恨青苗何事因蒿目勞歌亦采謠

沅水九日

危坐江頭獨擁襟泠泠山水與清音茱萸待引他年
笑黃菊猶懸異地心幸女船邊崖自倚武夷笛裏水
空深爐頭烟冷渾無着醒眼悠然作楚吟

望日亭

露下危岑萬籟生罡風入坐自將迎西崖奔瀑響深
淵陽谷扶輪出五更沐浴滄溟光漸直熹微參斗影

嶺南五朝詩選

卷十

國朝
胡景曾

圭

猶橫何當若木高高拂時聽天鷄第幾聲

鴈門

猶是雄關指鴈門砦墩無復舊雲屯風驅旌旆千山
動水落滹沱衆壑奔僕射威名終古盡衛公符畧至
今存書生縱解穰苴策已事茫茫難具論

又

嶒嶸今昔侈雄風天險迤邐仄徑通鼓角不驚虛石
壘烽烟長靜倚雕弓燕秦雲物高樓上韓魏勳名荒
草中矯首武安增感邇空留香火影曠隴

黃錦

字伯榮博羅人著有
樂善堂詩草行世

漁燈

燈光波復平蘆花掩映清狂風吹欲滅細雨濕還明
影落江魚擲光搖塞鴈驚漁翁知未睡不盡水雲情
梅關迎江御史偶賦

疊疊青山入遠眸驛程曉夜度荒丘人情冷暖今何
日世事蕭條又暮秋重峽嶂欹炎雨熱層巒霧鎖白
雲浮落花流水尋常見一笑行人在嶺頭

嶺南五朝詩選

卷十

國朝
黃錦

圭

遊蒲澗懷古

白雲峯峻翠摩天猶憶當年駕鶴仙翹首斷崖遊子
路傍巖精舍老僧禪風傳幽谷鳴寒篠日落疎林響
暮蟬太息登臨自今古相逢無復問桑田

學圃吟

東園來去總尋常暑氣炎炎日正長腹餓摘葵老妻
煮年來只覺菜根香

又

牀前寶劒若爲聲光湧柴扉照几楹此日灌園人作

伴能無辜負汝平生

又

十年機會夢徒勞一枕松風日色高昨夜月明猿犬過最傷殘處是葡萄

又

百蟲土裏樂生機莫道種園無是非靜坐每爲閒檢點幾回惆悵荷鋤歸

李天瑞

字仁仲歸善人茂才
著有豐湖集卽刻

嶺南五朝詩選

卷十

國朝
李天瑞

七

宿避世樓寄友人

百尺危樓爽氣生憑欄四望不勝情月明夜半雲無影風落疎林樹有聲亂後怕聽憐犬吠夢餘不見曉雞鳴昇平屈指知何日徒向長天憶馬卿

越王臺

陸賈書傳漢道通雄圖事業一時空草連孤塚三城外月照荒臺一望中亂樹遠侵山徑綠殘霞低映野花紅年來世事悲零落滿眼干戈恨不同

登白鶴峯謁東坡祠

古木蕭蕭學士祠登臨瞻拜見威儀青苗觸恨思當日白鶴高飛念此時樓上有光憐晦魄湖堤無路返蛾眉金蓮玉局渾閒事重讀亭前幾石碑

梅花村

飛來峯下梅花村茅屋疎籬靜掩門一路空山停白雪半溪流水正黃昏枝頭翠羽應還在夢裏芳尊可尚存風景不殊今昔異獨吟歸去欲銷魂

陳泰

字未古東官人茂才著
有竹亭集八卷卽刻

嶺南五朝詩選

卷十

國朝

七

舟上望桃源

舟行遵海渚路過桃花津好景隨流水幽光已絕塵居人不識漢空自記逃秦一笑劉郎去仍然太古春

江上聞笛

幾點誰家笛悠然音節催一聽江月上四望水雲開有韻沉蛟室隨風遇釣臺使人腸斷處只在數聲來

遊豐湖

萬頃蒼波繞市城只緣學士故多情堤含柳色侵殘綠花引湖光入鏡明幾處笙歌秋水曲數尋臺閣暮

烟平朝雲墓裏偶回首衰草斜陽杜宇聲

偶見

爲誰學得最風流舟泊前灣古渡頭欲譜雲和翻寄
恨戲裁紅葉半含羞畫眉未解憐張敞對鏡偏如笑
莫愁今夜漫勞尋舊夢青衫長濕擬江洲

劉與可

字弘客一字蕪友新會人領康熙庚午鄉薦著有又同堂初集副刻

都門晚春寄懷譚薇菴

空歷河山幾萬重生涯難寫寄猶龍誤調錦瑟齊門

嶺南五朝詩選

卷十一

國朝劉與可

圭

上敢碎胡琴燕市中楊柳潤回春雨綠杏花飄盡朔
塵紅韶光易去人歸晚一夜愁吟向遠風

宿連城驛和董大司馬題壁韻

黃塵如霧日濛濛旅店斜陽晚繫驄題壁有詞皆苦
雨度關無客不悲風三更續夢征鞍上五月披裘驛
路中牢落天涯誰復問白雲遙望惜途窮

易水

蕭蕭易水起寒風長有悲歌雪浪中燕士不回秦亦
死可憐壯膽不成功

贈歌童

春色春聲兩不禁隔簾聽破美人心名花滿院香無
語輸與延年一席音

陳子偉

字紫峯南海人著有紫雲堂集行世

秋琴

一抱金徽奏蕭蕭萬壑松時雖當白帝神似對黃農
盛世遊無際清飈渺若同不知天地裏寒露濕重重
放鶴

嶺南五朝詩選

卷十一

國朝陳子偉

美

不留千里翼豈爲養無糧顧此層霄迴真堪六翮長
世無妨潔白天不限昂藏好向蓬萊去神鸞應共翔

登小華山望羅浮

高高誰見鐵橋松一望羅浮色萬重碧落影中分洞
府翠微光處現仙踪看化正喜二三月策杖容尋四
百峯我欲乘風過絕頂未知幽興許誰從

登鎮海樓

巍樓重建駐高軒屹立江城勢自尊遠望步從天際
上相逢人共日邊言千年事跡存羊石萬派波濤隔

虎門王屋不須思往事山川如此正堪論

厓門

長江一夜殞星辰已兆南來宋鼎湮離亂中原無社
稷蒼茫島嶼有君臣軍中自惜曾聞樂海上誰爲更
望塵昔日精魂如在目臨流空自倍傷神

花田

十里花開一望平舊時還是美人塋千年霸業全無
地三尺孤墳尚有名艷骨已隨朝露盡香魂猶逐晚
風輕樓臺苑囿皆新主莫向珠江認故城

嶺南五朝詩選

卷十

國朝
梁宗周

梁宗周

字几公順德人明經著
有半山小院詩集行世

丙辰吟

中原方鼎沸無地可躬耕西將下南越東師近北城
縱橫爭挾策慷慨請長纓目斷天涯路空悲風鶴驚
初春桓長趙姻家偕歐章臣諸子見訪

獨坐林間避俗塵柴扉寂寂掩松筠豈知陶令攜佳
客共逐嵇康訪懶人寒鳥戀巢驚不散新苔納履綠
初勻荝齋春事還堪賦竟日高吟動四鄰

黃登

字俊升一字積菴番禺人著有見堂集及
選訂歷代嘉言唐詩合璧註嶺南五朝詩
選智囊刪補
諸書行世

白紵辭

佳人半露梨花香佳人一出明月光白紵齊歌來鳳
凰翟繡雜還映霓裳左顧右盼神飛揚催絃度曲媚
情長微風忽起吹明璫舞袖遷延夜未央儀容散艷
吐芬芳默默爲君醉羽觴

楊柳辭

嶺南五朝詩選

卷十

國朝
黃登

吳

東風起柳絮飛黃鶯兒金作衣不解年年織柳絲

結客行

寶劍射霄漢華騶逼風塵英氣薄今古報讎輒許人
所重非黃金所惜非此身結交在道義嘗恨不平事
然諾重一時安復問難易只此七尺軀不知爲誰棄

君子行

朝風北林鳴暮雨東海飛憂患從中來忽忽生隱微
君子別渭涇嫌疑慎未形君子在寢興夢魂慎未醒
非理不視聽非地不居停感此君子心中夜起長吟

吟多諱悲憤恐非君子音

子夜歌

垂簾刺鴛鴦鴛鴦善不離恨錯刺伊一針一絲

薄命妾

儂憐歡百端歡憐儂顏色顏色宜新不宜故非關容顏老不老自恨婦人無所長恃色感歡歡易忘

行路難

近山不採樵近海不捕魚採樵山高高捕魚浪滔滔只着守蓬蒿

嶺南五朝詩選

卷十

國朝黃登

七

釣竿

君子遠尤靜者達機萬頃波濤一竿釣絲雲深水長去去何之爲我所思

婉轉歌

婉轉歌夜何長月沈西方恰好照郎郎雖好風光郎亦失家鄉

捉搦歌

好花正開常恐謝良弓未藏常苦射男兒自下居人下老女不嫁笑人嫁

春歌

癸亥春暮獨坐花前葛煥裘更蜂來蝶去撫時光之花苒惜日月之驅馳偶有

思緒遂成四序之感

愛花因愛春百花春之賓春盡花容萎卻憐無故人

夏歌

長日理容粧妾心轉自說顏色媚良人不如勤家計

秋歌

不願郎如虎不願郎如龍願郎似秋月光輝常照儂

冬歌

一年自春起忽忽一年始一年自冬止忽忽一年已

嶺南五朝詩選

卷十

國朝黃登

珠江感興

澄川夜何迴况復月當秋碧天受影淨溪水聽聲浮片帆天際來疑是王子猷蘭橈動龍氣笙歌上玉樓相思江上人誰爲長傲遊

理琴

花開正當戶野鳥鳴高林盡日客不來焚香開素琴大雅淡中得微風吹素襟堅貞發幽性清冷見餘音本無物外牽相感意何深念彼一絲桐吾亦金石心

石門

在南海卽貪泉處

一線中流急雙峰展作門波濤明落日幾時靜
我來見會泉因思古人言一飲懷千金千金何足論
太息從古來無人爲守關

感懷

好月嘗下弦爲能缺復圓江流嘗不息爲能潮復汐
人生何所能憂患無已時日月去如流少年奚以爲

又

寶劍若不試安知其鋒銳寶鏡若不照安知其埋光
出處信其時誰復司行藏地勢雖靈解水溪長巨鱗

嶺南五朝詩選

卷十一 國朝 黃登

天下當太平所用皆賢人

浴日亭觀日出

搖搖天上日安知海底出紅光散波濤清風生襟抱
穆然此殘宵所觀理非一莫言御不停陰氣已行壘

讀史

漢有賢廷尉斷獄民不冤德一何深子孫大其門
商君性刻逆論國衛水赤隄遠關擁楚名爲肉鼓吹
天道終好還善人奚不爲

冬

操筆者誰子其害安可計操兵者誰子其害益可畏
斬截無遺子以此稱威勢吾愛宋曹彬不嗜殺一人
拙哉秦孟起坑降伏劍死

拜年行

和風蒲春脚行行此城郭同是賀年人綺羅光灼灼
到門皆不迎彼此互推託豈無新舊交束刺紛錯落
人生既爲儒無馬當有車徒步復何尤無乃成庸夫
所貴在達人不在爲踐危途

看劍歌

嶺南五朝詩選

卷十一 國朝 黃登

寶劍不須磨高高臥柴門生風金鐵性射天練水痕
今古誰知已茫茫安可論但願天下長太平不妨辜
負鑄者恩

送廣州黎天錫太守歸皖城

開園寂寂隔芝君起水吳山夢不覺秋風重送隱之
來笑口纔開復言別驪歌遙聽短長亭濁酒頻斟
若汀閣閣感德淡如海路上口碑猶不改扁舟欲行
人盡愁使君看之空淚流安能復得治東粵使此百
姓無度憂

海市歌

海市開市人來市人持寶易寶回不羨黃金與貨財
市人之寶有龍駒龍駒出海能負圖市人之寶有驪
珠驪珠照乘光九衢市人之寶般般好世間不見人
又老世間之寶不在寶所羨賢人治邦土

三水蘇明府署中看靈芝

昆都山近秋風寒一曲琴聲花縣彈堂簾半捲日初
出輝艸全青露未乾我來但見門如市碧井朱欄信
可觀清幽真是仙令宅庭前綽約生金蘭雙枝燦爛

嶺南五朝詩選

卷七

國朝
黃登

明霞起三秀輝煌紫筍盤忽然見之大快意珊瑚雲
母安足比根莖不共艸木同形容豈與鳳凰異芬芳
散作五雲香長公道似雞蘇味人得餐之便欲仙人
間生之豈容易祥和地脈接銅池玲瓏寶葉呈天瑞
近代傳聞見亦稀長者聚言應至治年來海國尚觀
兵畎畝室廬半捐棄民貧終歲賦難輸何處縣門不
迴避安得撫字似使君白叟黃童看花至

日

羲和生十日堯命射九鳥君象知無二離明孰與俱

月

羣蒙瞻作息萬里去須臾天下勞相照還如太古無
一片青銅鏡高天夜獨行山河光欲化霄漢走無聲
異地看偏苦懷人見愈明卻憐今古意不盡照臨情

風

颯踏來何處悠然天地生扶雲出海旬送雨過江城
靚面行無影凌虛冷有聲自慚裘葛做多負去來情

雲

一點山川氣孤高自不羣峰巒生動靜光彩變朝暉

嶺南五朝詩選

卷七

國朝
黃登

度海重重冷因風片片分從龍何處雨阡陌望塵驚

露

寶露呈天瑞曾聞降未央珠停松柏葉色散水雲
莫慮宵零盡還期澤沛長不妨蟬日飲終得獻君王

雷

萬物乘陽氣雷從地上生垂龍何處蟄玉虎一時鳴
畏響思忠孝移時易性情莫言人不古猶是太平聲

電

一線天邊耀全無開闢痕引雷出地軸激雨散天門

勢疾重雲出光停何處存莫言只炫目衾影正堪論

霜

霜落團團玉人情感在茲禦寒衣不力正是折綿時
五月憐鄒衍七絃憶伯奇只今多雨露天意自能移

霞

天邊一片錦仙子幾時裁五色扶搖上千重爛熳開
金光停海屋紫氣上樓臺不敢頻求飽高餐愧不才

菱

本草有
雞頭菱

背日成花鏡浮生結子齊綠紅流水上幽隱斷橋西

嶺南五朝詩選

卷十一

國朝
黃登

菱

懷抱空如璧升沈半似雞自憐頭上角不肯向人低

燭

正直無偏照高空一點明靜中光競上吟處夢難成
有汝能遊夜無人更絕纓含愁復何事相對淚頻傾

芒屨

豈是尋常履織成綠水紋印遺千嶂跡身染百花芬
影瘦拖明月聲清落白雲平生自高尚不見孟嘗君

竹杖

百年根在地今日轉朝天勁節凌松栢虛心引聖賢

蕭條爲客後頽頽在人前一自離淇水行藏亦自然

古錢

久辭爲世用知不尚聲聞曾掛何人杖難呼此日羣
方圓千古式楷草歷朝文愛汝心中赤從無事二君

螢火

誰向山前放相逢又落暉數羣疑野燒幾點學星飛
風裏偏增焰更殘每解歸夜遊人秉燭不似汝光輝

潮痕

經畫誰曾定積成自有年淺深差可擬曲折遞相連

嶺南五朝詩選

卷十一

國朝
黃登

潮

水勢何難溢潮平又復然便成消長理終古不更遷

新苗

耕稼亦云畢起看殊渺然短苗初出水嫩綠已平田
灌溉雖人力生成總上天歉豐農并苦何處不堪憐

蕉鼓

點點高樓響况逢靜夜中星辰忽顯晦天地入鴻蒙
遠近聲相合歡愁聽不同我心正無愧不覺五更終

蘆烟

蘆裏人何在叢長轉似煙遠迷湖海岸高映水雲邊

日落半成紫天陰總入玄年來何所事曾此泊漁船

雨帆

片帆人不見吞吐在波瀾大海雲爭起高天雨未殘
風狂行處易身重轉時難誰得如舟子危中只自安

江星

衆輝如激火不異上天躔受影隨溪淺流光欲斷連
海明銀浪合風靜蚌珠懸好憶星河路張騫曾泛船

宿飛來寺

數宵郵驛歇今夕宿禪扉路過忘長短心閒見是非

嶺南五朝詩選

卷十一

國朝
黃登

對山情更重回首事多違明發孤舟遠又從何日歸

登圭峰玉臺寺

策杖行還止登臨力不如衆峰忽高下一寺成清虛
石動鐘聲起山高日色徐厓門一片浪遙望起鯨魚

雨中漫成

開窓樹木動物理見行藏獨坐性情足蕭然一艸堂
微風吹正久細雨落能長欲問來朝事陰晴未可量

元旦後二日同李蒼水飲歐方上鶴洞

池塘寒氣解溪洞總花茵潦倒過元日徘徊共早春

酒逢高士醉家與野田鄰莫怪盤桓久桃花自始人

春況

春色滿天地行行愛薜蘿身輕冬服換力倦少年過
晴極天還暗寒銷風轉多十年不作客湖海近如何

觀濤

江水本無意乘風天外號以乘驚濤因動見波濤
前看浮沈理閒思跋涉勞回瀾誰濟易幽興在滄洲

讀馬伏波將軍傳

偶爾輕松勃一說一解紛殊途三子報失路暮年聞

嶺南五朝詩選

卷十一

國朝
黃登

銅柱功難贖文犀載未分不圖書朔姬何以堊將軍

綠珠

死亦知無益香心自蕭然明珠綠珠淚幾點月爲誰圓
二貌固深惜一家殊可憐不難重作怨書與後人傳

讀淮陰侯傳

掩卷思韓信英雄誰復論能酬漂母飯不聽蒯生言
易逝長淮水難終大漢恩只今芳草遍猶自惜王孫

廣州道中望界外

人望殊無際江山自未休故園曾戰軍海嶺近爲邊

駐馬思林木流民念井田古來重土地子奪亦經權

曹谿方丈原直和尚命彈琴

曹谿一片月方丈靜彈琴珍重吾師意追維太古音
曲終山更寂秋近夜偏沈轉憶人聽後此聲何處尋

閣夜

曠然高閣上猶得夜登臨對月看雙髮長天寄一心
窓虛通海氣霧重變園林下界殘燈影誰人醒至今

理圃示學錦

老至日無事呼童學種園緩鋤憐蟻穴量土布蔬根

嶺南五朝詩選

卷十一

國朝
黃登

完

水近煙苗壯花香松菊存若爲征戰息藿食復何言

宿故宅

兩年離故宅一到一傷神網密羣蛛老聲長百鳥春
綠苔深見月黃犬瘦依人對此情無盡殘燈非故鄰

上弦月

新月飄然去相看自改容似懷和氏璧如展莫邪鋒
屋角畱寒意天涯過暮鐘圓時何處望思與故人同

下弦月

破鏡空相似盈虧豈自天道原辭自滿意不受人憐

海暗銀鈎起雲深玉漏傳鴻蒙初照夜未解缺圓先

十六夜對月

愛月重邀侶晴光興倍饒水雲初弄色江海已生潮
去惡因天遠吟長倚夜遙莫言遲一夕猶是半秋宵

珠江春泛

尉佗城下海蒼茫珠湧澄波過野航談笑獨逢天下
士敲推人盡水曹郎楊花一望新城岸薜荔千門舊
有鄉我亦慣遊心尚爾又隨王謝賦滄浪

鄱陽湖有所思

嶺南五朝詩選

卷十一

國朝
黃登

淺深難測水悠悠半接吳江半楚流山影千重波上

倒煙光無際鏡中浮尋思遠島空凝目得見明沙更

繫舟問道五湖有神女今宵還肯弄珠遊

靈洲次梁藥亭太史韻

青山如湧出滄洲共繫蘭橈訪惠休地似頭陀今復
到人如學士昔曾遊話殘世事空流水看盡江雲漫
倚樓深夜履聲遙入海蛟人長聽石門秋

金陵

風落秋殘霸業非秣陵何處問烏衣六朝宮裏草仍

綠五馬渡頭龍已飛聽去江聲生逝水看來雲影在
斜暉只今海國無高士陌上誰人吹笛歸

沛中

歌風人去述歌稀一想高皇御輦歸父老醉懽虞舜
日山川色映鳳龍衣雲沈故宅銷王氣路入新豐識
帝畿猶有殘碑數行字年來糾糾認全非

楚中

衡陽如霧色陰陰游客蹉跎感慨深斑竹尚存湘女
淚細腰終處楚王心漫看故苑爲今古誰擬雄圖竟

嶺南五朝詩選

卷十一

國朝
黃登

陸沈千載岷碑猶在望不堪惆悵復登臨

咸陽

纔到雍門便愴神長平燐火昔時人三章法律終歸
漢千古詩書尚怨秦渭水自流靈氣滅關門遙望柳
條新旅懷何處堪消遣立馬章臺又暮春

匡門

明良此日惜遭逢航海梯山路已窮臣分當年惟一
死輿情千載頌三忠烟沈古廟青天外人拜荒臺白
浪中莫恨安危成底事此心長見在鴻蒙

越臺

百尺高臺背郭門繁華昔日復何言尉佗北面強秦
滅陸賈南來大漢恩蒲目白楊蝴蝶粉隔溪紅樹杜
鵑魂識時莫道非豪傑霸業誰門未可論

姑蘇

太息征南又寢兵謀臣安得遂平生東門待越言終
驗西子和吳計已成置膽盡酬家國恨立庭虛應父
讎聲莫言此夜尋常月曾是當年歌舞情

燕臺

嶺南五朝詩選

卷十一

國朝
黃登

一片遊心萬里來都城如帶重徘徊秦橫豈獨荆軻
恨燕疊全爲太子開夢裏歌聲沈易水人前草色上
金臺興懷不覺重沽酒醉倚雲間見雁回

隋中

爲歡如朕在迷樓鑿地成河帝子遊二百里餘宸從
遠三千日短霸圖休蕭條柳絮隨風去寂寞歌聲怨
水流誰向荒淫思後日似隋先照鏡中頭

鄴中

霸業銷沈草色新鄴城如畫隔江津三分天下徒多

智一統山河屬後人翰墨共傳曹氏古煙雲猶憶漢
家春當年亦是爭衡日名在奸雄倍惜君

九日鎮海樓作

一層形影一層幽策杖還登最上頭百粵山河天共
遠千年人事水空流雲如塞草秋全白心與籬花老
未休今日重陽惟有醉相逢何用更生愁

清明

昨日那知此日晴東風吹送杖藜輕坐沈綠草三春
色聽盡啼鵲二月聲橋斷碑橫原野路水流花謝古

嶺南五朝詩選

卷十 國朝 黃登

五

今情呼童更酌杯中酒莫使芳時醉不成

燈花

繁英簇簇吐晴虹開放無端恍異同色似葛爐丹未
起光如杏苑日初紅寸心不負栽培力一盞能邀造
化功未許黃金能換得名根不落賣花翁

又

何事暢懷勞汝報寒窓今夕又花開珊瑚枕上春光
滿雲母屏前夜氣催看盡燦輝雙眼熱聽殘更漏一
心灰美人相對多珍重輕放琵琶下石臺

又

油似香泥盡似盤劍光搖動暮風寒纔爲種處癡童
睡却得開時逐客懽鐵馬月沈憐夜短銅龍水盡惜
春闌相逢莫訝梁園好消息誰爲夢裏看

又

不敢頻挑恐落英霜沈雁去總無聲人前冷燄爲今
古眼下繁華幾變更張藻筆靈夢未得薛娘針巧繡
難成相逢別有春消息知向人間不浪生

又

嶺南五朝詩選

卷十一 國朝 黃登

五

貪看燈花睡不成遲眠終是惜花情幾重蓓蕾開先
後一夕根莖了死生已向幻中仍笑幻每從明處更
難明窓前半露朱顏色欲與詩人子細評

又

二尺寒燈野色侵芳枝如錦白爲林懶裁雲葉傾紅
日欲托光明寫素心叫破竹雞容易曉醒來蝴蝶杏
難尋相看更有來宵約坐對芸窓夜轉沉

又

飛鵝欲采終傷猛黃犬無聲轉寂寥一室琴書分彩

色半簾烟霧占春饒芳枝未許人間折香氣還從火裏消偶爲行吟開竹戶滿牕形影被風搖

又

身寄煙霞第幾重盤根如在最高峯團團紫氣圍金粟顆顆明珠吐玉龍竹几坐沉情更遠紗牕掩盡艷逾濃年來古木多零落徒有青燈爛熳同

又

看到光沉蕊正肥可憐花下故人稀枝頭化作胎仙頂紅暈裁成鸚鵡衣度水絳雲停不去戀人春色夜

嶺南五朝詩選

卷十一

國朝

黃登

仍歸書牕着意深藏護偶落明珠滿席輝

又

午夜爲春開更繁芳菲如受雨賜恩看沉上苑皆無種坐對明缸別有根孤枕暗思江謝夢紅雲隔斷蝶蜂魂傳來好事知多少珍重寒牕靜掩門

百花洲同家伯臣兄分賦

曲折危橋度短筇豈知人已在花叢溪流百轉一身外鳥語千林二月中片片水雲來復去沈沈花徑斷還通蒨笑已許南翁住亂後何曾有異同

當塗寄友人

木蘭擬向此宵畱幾度思維不自由夢裏獨尋知己路溪邊誰上夕陽樓蘆花爲岬孤城遠柿葉隨風綠水流何日乘閒向南預便從雲外訪浮丘

東郊秋望

郊原蕭瑟又秋時草色依稀變水涯江上遠村難盡望樹中黃葉易先垂平田待雨終愁旱竟日看山豈厭疑歸路漸忘行未得斷橋重讀漢唐碑

秋夜有懷非潛家弟國開家姪二孝舉

嶺南五朝詩選

卷十一

國朝

黃登

孤館微雲共寂寥寒光無際水迢迢一年月色思今夕百歲人生樂幾宵玉笛易沈砧杵急魚書難寄海天遙自憐昔亦江淮客笑倚牀頭一敝貂

九日

高山仍舊亂登臨策杖難忘節序心水落隴雲羣馬飲風吹松樹老龍吟古墳不及新墳豔秋草難如春草淡莫笑茱萸簪未得半年衰髮在升沈

村居七夕

三度水村逢七夕移家復擬向羊城亂來行止真無

賴老到饑寒太不情
牛女淚長終歲積
鵲橋星并半宵
明年來乞巧人皆拙
空憶秦樓簫笛聲

秋日自陳村移家湛涌

荻殘花落盡柴門避亂還
尋小小村四面破牆寒月
入滿堦淡草衆蟲喧窮途自見妻兒賤短髮相看性命存
若許秫田茅屋穩願從耕稼教兒孫

秋杪同圓草家叔集平洲侯言一姻家半軒

竹嶼書窓海上洲
芳心得與美人投
共憐此夕皆如夢
最惜明朝不是秋
短燭漫燒雲氣入
小橋閒步履

嶺南五朝詩選

卷十一

國朝黃登

七

聲幽相逢况有陳思在
拄杖何妨十日留

雨中同李如其分賦

虛齋寂寂雨沈沈
半掩窓櫺意共淡
落蕊礙渠停宿水
破牆成洞聚春禽
蝶迷芳樹飛無力
家近長河色倍陰
幸喜故人同此日
年來只有短長吟

集草屨菴

菴後菴前浪不停
一春花草滿禪局
江雲乍到窓間白
風氣驟來水面青
漸遠鐘聲過隔海
將沈樹影暗寒汀
人間好景皆曾住
白髮羞慚聽講經

移居出城

種得三槐近紫薇
鳥來相對共忘機
閒堂別後誰爲主
只恐他年事亦非

又

身逐征人十載餘
馬嘶芳草夢魂虛
煙霞有願終歸我
何處蘆花好釣魚

又

誰向風塵道姓名
夢魂猶憶故園情
休將去住憑天問
海國年來尚用兵

嶺南五朝詩選

卷十一

國朝黃登

七

謁憨大師

婆心未歇目猶瞋
堪羨南來兩度津
誰謂法容歸涅槃
我我端坐是何人

天王嶺

袈裟無影在虛空
遺跡猶存四境中
誰見天王真面目
孔至今高露出羣峰

鉢盂山

誰將一鉢覆山阿
古色斑斑上翠蘿
花雨滿盛無盡供
不須提掇向檀那

雜詠

七首千秦計不成幾回思憶恨難平身亡國破於期
死千載人猶惜慶卿

又

一望迢迢紫塞雲和戎歷代亦虛文只今朔漠餘青
塚千古明妃別有墳

又

銀河秋盡影沈沈一派歌聲不可尋金屋縱能藏美
女是誰得似綠珠心

續南五朝詩選

卷十

國朝
黃登

蓬

又

蟾光如水出烟雲一曲琴聲何處聞詞賦縱令司馬
重更無人學卓文君

又

生長何須將相身功成終是作何人堪思漂母尋常
飯廟食年年秋復春

又

傾城傾國兩相宜南越佳人孰可期莫訝破吳歸范
蠡至今人尚憶西施

又

漢臺秋盡漫登臨草色蟲聲意共深一自橐金酬陸
賈遂令人羨劉如今

續南五朝詩選

卷十一
國朝

嶺南五朝詩選卷十二

明

釋通岸

十九首

釋通炯

五首

嶺南五朝詩選

卷十二

目錄

嶺南五朝詩選卷十二

番禺黃登俊升氏訂定

明釋通岸

字智海慈大師書記後
住訶林有棲雲集行世

采石謁李祠題峨嵋亭

江南雨過羣峰青沙邊蘭漿時一停青蓮居士不可
見千秋空有峨嵋亭峨嵋山月還依舊昔年曾照樽
中酒爲問騎鯨飛上天不知更落人間否

詠史

嶺南五朝詩選

卷十二

釋通岸

一

楚國有和璧秦王欲得之償以十五城君臣徒自欺
壯哉蘭相如奉使無游移一介西入秦怒髮且裂眦
完璧竟先歸嬴政空爾爲屈身避廉頗狀若非男兒
智勇何其全英風千載垂

輓湛然社兄

憶爾同遊日清風動給園應機皆有作離幻竟無言
雙樹啼寒鳥空山聞夜猿寥寥千古意此際不堪論

曹溪雜詠

頗適莊生樂逍遙自不同獨醒諸夢遠多病萬緣空

戲舞沙邊鶴徐來水面風何人將紫竹吹弄月明中

又

石逕久延佇還期逋客過林深秋氣早山靜月明多
勝事渺難說幽懷其奈何所思不可見孤磬出烟蘿

又

急雨漲溪流晚晴山更幽渚清喧飲鹿風過起眠鷗
響入千巖應波騰衆壑浮月明烟水外深夜有漁舟

又

所嗟龍藏苦擾擾幾時休未識邯鄲夢徒懷杞國憂

嶺南五朝詩選

卷主

明
釋通岸

二

齊奴終齒劍飛將不封侯輸却寒山子孤峯枕石頭

西南驛候潮

旅客聽潮發依微野望中霞明山吐月江靜水連空

遠岫嘶寒馬晴山叫斷鴻莫揮楊子淚岐路任西東

遊月巖

百折蒼崖道迢迢望不分巖扉遙隔水石罅半生雲

龍井潭相映靈宮日易曉仙源知不遠雞犬靜中聞

雨後泊桃花塢

溪雨晚初歇水亭春氣流數峰出蘆岬新月照花洲

海鶴窺魚躍沙鷗傍母遊桃源人借問家在木蘭舟

晚渡增江

亂山上嵐氣孤棹向東征溪樹臨村口江雲侵縣城
沙寒水鶴叫月出海潮平幸有南征鴈相隨到永清

訪友不遇

隔苑聞犬吠童子啓柴扉上客來何處主人出未歸
暝烟籠竹樹涼露濕苔磯臨發題門去重來願不違

夜宿峽口

客途逢日暮維舸傍巖西隔岸燈初起前灣漁正歸

嶺南五朝詩選

卷主

明
釋通岸

三

亂帆驚鳥宿疎柳間螢飛遠岫推雲出波涵天四圍

西湖舟中同諸子分賦

扁舟疑入畫圖中波面樓臺柳外風眼底韶華三月

盡天涯朋舊一樽同鶯聲隔岸邀歌扇花影連湖卧

釣翁幽賞未停烟樹暝玉輪飛出海門東

白鷺潭望大通寺

微茫烟浪接平沙棹入幽深處處花天濶恍疑非世

界岸廻方覺有人家帆前細雨春將盡雲外疎鐘日

已斜征客此時還悵望離離芳艸遍天涯

贈覺菴居士

塵蹤擾擾世途間何以先生日掩關一逕野雲車馬
絕滿林華雨枯樺閒惟將白業冥真性不學丹經駐
玉顏揮塵倘容方外侶論心長傍月中還

登飛來寺與熊楚伯梁井卿分賦

靈嶽何年帝子遊遺蹤閒得共冥搜千尋怪石看疑
墮萬壑長松聽欲流寺記齊梁餘斷碣人思李郭有
虛舟憑高久坐烟霞晚一笑真成汗漫遊

山中偶懷梁丙孺

嶺南五朝詩選

卷三

明

釋通岸通炯

四

混迹人間三十年故林歸去且隨緣誰知曲枕流雲
外却落虛名濁劫前經罷有琴彈夜月禪餘無事笑
秋烟傷心偶憶龍華侶零落荒池舊種蓮

永泰寺輓宥上人

年來幾度得招尋擬結茆茨共息心雨過密林憐舊
約月明脩竹想閒吟鶴歸似響雲中錫人去空留壁
上琴石火電光非久燄祗應遺恨暮雲深

釋通炯

字若星慈大師首座開創
光孝禪堂有寄菴集未刻

贈虛公還匡廬

戀此東林社應懷出世才剎那諸漏盡初地一花開
飛鳥迎歸錫游龍識渡杯未須憐去住知爲衆生來

浮光亭夜集

觀心原是妄論舊莫生愁麋鹿烟霞晚魚龍澤國秋
海月不可拾銀河空自流夜涼猶露頂趺坐竹林幽

送鄧太素還豫章

寒巖不出動經年回首南州意渺然夜月正聯高士
榻秋風又上孝廉船珠江縹緲孤帆遠彭蠡蒼茫一

嶺南五朝詩選

卷三

明

釋通炯

五

鏡懸歸去匡山遇宗炳爲尋蓮社舊因緣

小金山和陳公子

談禪誰道鏡非臺月在中天水自迴詞客已看留帶
去神鰲重見聽經來秋高鴻雁經寒起霜落芙蓉向
晚開陶謝風流知不遠相逢原是濟川才

閒行偶興

潮迴兩岸水爲天散步長堤思渺然幽渚自留孤鶴
跡短簑嘗戀白鷗眠山中共喜能逃病世上誰爲未
了緣幾度踏殘雙不借任教人笑懶殘禪

暮春喜晴

艸青沙白竹林幽
杖錫行歌縱遠遊
荒徑濕雲迷臘屐
小溪新水漲魚舟
花枝嫋嫋驚蝴蝶
葉團團起鷺鷥
回首杳然塵世外
坐忘天地一蜉蝣

嶺南五朝詩選

卷士 明通判

六

嶺南五朝詩選卷士

國朝

釋道忞

六首

釋函昱

二十首

釋今音

一首

釋今回

五首

釋元覺

六首

釋今無

十三首

釋行印

四首

嶺南五朝詩選

卷士 目錄

釋今睨

十五首

釋函可

十首

釋今壁

五首

釋今龍

三首

釋今沼

九首

釋今嚴

四首

釋今愔

二首

釋智力

一首

釋古泥

一首

釋古理 一首

釋深度 八首

釋超常 三首

釋大年 三首

釋明相 二首

釋達可 三首

釋法先 二首

釋大韶 六首

釋石艸 一首

嶺南五朝詩選 卷五 目錄

釋古毫 一首

釋光驚 二首

釋可相 二首

釋元裝 二首

嶺南五朝詩選卷五

番禺黃 登俊升氏訂定

國朝釋道忞

法號木陳潮州人天童密雲和尚繼席順治庚子

世祖章皇帝遣內臣延入萬善賜敕印封弘覺禪師詳在北遊集中師著有諸方語錄及布水雲僑諸集皆奉旨入藏

春葵風

乙酉之役處士孫開遠舉義嘉禾戰沒孤城詩以誄之

藹藹春葵向日而傾曾我誓御誰則匪臣

交交桑扈晨去其枝青青子佩悠悠我思

嶺南五朝詩選 卷五 釋道忞 一

南風不競北馬蹕蹕孤城絕援聲淒夜刁

鼓兵以出白日為黃結纓戰沒豈曰國殤

癸巳三月十九日作

蒼梧望斷翠輿塵愁聽子規十度頻草木爭承新雨

露園陵誰弔故君臣曾因血詔傳三月每蹋芳郊怯

又春欲得悠懷消息盡東風休遣到平津

閭浮天子電中觀今古興亡半局殘會見銅駝埋晉

代早驚玉闕殿長安金甌欲破羣毛泣泰嶽將崩一

柱難稽首大行皇帝舄不須誤國罪千官

釋函是

法號天然番陽人領崇禎癸酉鄉薦公車
一上便參空隱和尚出家爲雷峯主法

春歸

塵居日易落不覺報春歸鴈影空潭盡蟬聲遠樹微
江山三月裏人事十旬違積雨留寒色焚香但掩扉
戊子夏日卽事

荒山無一物當戶數松疎夜短眠不足日長饑有餘
風聲撼林谷雨氣侵庭除對此莫須惜曠懷空自如
過藍田尋岑梵則

嶺南五朝詩選

卷五

國朝
釋函是

二

何期至今日復見老成人未亂先歸隱爲園及早春
荒唐將播種茅屋近無鄰借問生涯事年來欲慕真
開北逕

古者知何似吾今獨杖節白雲常入戶青霞數當峰
薄照明秋鴈疎林散暮鐘不堪人事改誰與覓高蹤

山籟

山景早不照晴嵐午尚遮地僻惟僧到縣貧無藥賒
峴頭看瀑布石上曬袈裟只此自知處須憐日易斜
又

祖意在山邊水牛眠野田深知黃葉意不坐白雲禪
鳩呼栽稻雨風送過湖船共住鸞溪裏何曾有別傳

曉湘惠詩及粟却贈

風雨蕭蕭春正深落花流水共誰吟青山不到人間
眼白首偏憐世外心飽讀新詞能永日饑殮脫粟卧
長林懶殘未必無知己怪石蒼松豈自今

送某領衆棲賢

憶別匡君又七年湖光山月待人圓栽松未了何生
願插竹遙看後日緣拄杖已傳庾嶺信深山知有石

嶺南五朝詩選

卷五

國朝
釋函是

三

頭禪烟霞到老真成癖爲寄遐心峽澗邊

九日悼梁同菴

吳山越水共茫茫會盡因緣亦自傷半榻寒燈風雨
舊一簾秋色夢魂長故鄉望斷空千里折柬開殘但
八行曠劫不忘師弟子只今無奈菊花香

侯若孩奉田太夫人柩還中州贈別

侯封商
丘伯

旅櫬相依向故岑十年逋客幾沾襟河山併作終天
恨禾黍能生薄世心淇水疎鐘隨曉騎桐門斜日待
秋林雲峯尚有安瓢處不學田橫入海深

喜陳小安入雷峰訂遊丹霞

丹霞有長老峰天然岩諸勝

異代何人許共尋秋風回首幾沾襟維摩且喜不曾
病患遠終慚未入林黃花莫問當年酒白髮難爲後
日心更欲訂君同長老天然覲面海雲深

還匡山懷剌弟

歸臥廬峰憶舊因夜深誰共侍瓶中千株松栢前朝
樹萬里關河羈旅人明月未殘竹影寺黃雲長閉鴈
門津艱難閱盡頭先白兄弟遙看淚欲頻

寄雷峰足雨侍者

嶺南五朝詩選

卷三

國朝釋函是

四

舊院何人潮汐中十年立雪恨西東頻行方丈莓苔
破久病牀頭藥確空門對孤松分鶴影牕臨墊竹惱
春風老僧時亦多愁疾獨掩高峰聞夜鐘

金陵懷古

建業樓臺烟樹微蒼茫天輻雁斜飛大江南北誰能
限西浦神仙願已違昔日顧榮輕白羽當時王導重
烏衣方山日夜長如此淮上千年古帝畿

寒食

年來底事覺荒唐無數春懷掩上方萬竈寒烟逢禁

火千條弱柳送殘陽峰高臨海蒼波遠日永看雲紫
陌長處處古堦封白紙陰森松栢去人忙

退院

一山深又一山深郢客無端未許尋嘗因衰世近名
事益見前賢遠害心俯仰白雲空萬里周遭黃葉只
長林日來漸得眠中趣不信靈山直到今

又

曾托谿雲留半間十年樵拂未嘗閒已隨梁燕辭秋
社又逐霜鴻入楚山淺草尚多戎馬跡高原休笑鹿

嶺南五朝詩選

卷三

國朝釋函是

五

慶頑朝看湖水連天白擬傍西風共設關

梅花

覓花花不見雨雪空蕭蕭認得枝頭穩何須待雪消

又

一枝三五朶疎處月明多舉頭見明月不覺暗香過

又

花香花不覺都付賞花人人去香同歲冷然太古春

釋今音

字梵音俗姓曾番禺人茂才少
參天然和尚出家即俗兄也

將入匡廬留別社中諸子

十年浪跡遠柴扉
會向烟霞洞壑歸
瓢笠不辭行路澁
琴書長與故人違
鹿門妻子皈空盡
陽羨田廬轉盼非
此去東林勝猶在
種蓮池上賞音稀

釋今回

字更涉應華
子雷峰高宿

乞食新興道中

兩日舟行半日程
萬峰谷裏一溪明
淺流力盡篙工嘆
長路心孤旅夢生
簷燕語當爲客日
塞鴻飛動故

嶺南五朝詩選

卷三

國朝

釋今音今回

六

山情何堪蓬轉慙
生計猶笑逢人識
姓名

還里示玄之弟

山中別汝今差長
及我歸時事事新
草字愛工先子業
律詩初學盛唐人
齋心漸向青蓮社
避世難辭漉酒巾
竹策簑衣吾黨事
幾時婚嫁了餘因

廣慧菴喜諸族人見過

蕭寺經時誰更尋
獨行荒徑獨長吟
鳴鴉數點夕陽下
寒磬一聲秋院深
身世幻中當日夢
溪山塵外此時心
故園猶有諸兄弟
言笑還來過北林

紫玉臺

高臺矗矗到無塵
下界風烟淨不聞
松氣鮮新前夜雨
竹光深淺下方雲
西看江水兩杯瀉
北望林巒幾鴈羣
金錫獨搖天外影
更無人處自朝曛

晚步松嶺

虬枝百尺自干霄
傍石蟠空屬後凋
孤榦欲欺天畔雪
倚風先起海門潮
雲垂寶蓋陰層疊
月滿龍鱗影動搖
物外山中堪賞處
孤筇無伴意蕭蕭

釋元覺

嶺南五朝詩選

卷三

國朝

釋元覺

七

字離幻西來宗和尚法
嗣著有石洞神行世

郊居

生年當五十行樂敢蹉跎
白髮數莖落青山幾度過
寒雲沉藥圃晴日出江波
偶聽鄰翁語秋田欲剪禾
歸鼎湖留別諸子

世事多難問山心誰與期
行當衰老日况值亂離時

定水呈空色閒雲寄所思
故交惟有念前路正遲遲

古鏡

匣中藏已久一見一回新
有象知誰識無言止自親

空秋潭底月深夜定中身莫訝風塵掩從來會照人

送陳喬生之青原訪藥地禪師

黃門才子久知歸古寺尋僧願不違世事已將雲影滅道心先向瀑泉飛舟鋪卧簟灘聲滿葉盡寒山野燒微從此石房休自掩夜禪深雪到人稀

寄懷陶握山

數椽茅屋面江洲江水滔滔背郭流病骨幾年隨野鶴閒情終日在孤舟一溪清響殘荷雨萬樹新黃落葉秋遙憶故人何處所片雲高挂碧山頭

嶺南五朝詩選

卷三

國朝

釋元覺今無

八

黃俊升大士招同雪樵和尚放舟海珠寺分

賦

剖出神珠縱泳遊水天空濶勝南洲光搖碧渚連雲漢氣漾春波撼海樓未渡五仙疑石化曾拈一葦共鷗浮臺前雅集三生話風起潮聲見九秋

釋今無

字阿字番禺人俗姓萬童年出家便得悟雷峯天印尚法于少奉使諸方凡名山大川無不徧覽中年返粵道行彌高王公貴人歡心敬禮大創海幢重光法席著有光宣乞惠諸集行世

中秋泊濟寧

世上中秋節征人萬里情可憐一夜月盡向客途明橋入山東影江流遶海聲蓬頭深默坐不暇問前程

宿南塔

南城宿野寺北極望雲林星月還清夜風塵奈客心春光依樹淺沙氣繞門深多病窮愁集蕭然無好吟

塞下逢江東陳十一桂江

士有不可識因人一見君馬驅邊地月劍拂薊門雲市飲終何事燕歌已蚤聞蒼茫逢日暮握手暫相分

嶺南五朝詩選

卷三

國朝

釋今無

九

燕臺秋日

忽聞匡嶽信并起玉關愁華表方迷鶴鄱陽已泛舟關山無近夢江漢有新秋一望西山色蕭條映御溝

送韓子入秦

之子當行役秦關萬里秋驛雲沉古戍山月照吳鉤客久心還壯年深志未酬莫將淒別淚時對漢宮流

將出長安作

湖海氣蒼蒼并州擁大荒斷雲歸弱水鄉思望扶桑月影官橋白鐘聲禁樹黃年年理征鐸辛苦向羊腸

邯鄲道中

驅雲投日觀帶霧攬星光
榭葉飛無已寒郊望自長
風霜燕草木城郭赴封疆
敢動興亡思笳聲起驛墻

遼陽懷頓修

憶別姑蘇寺分吟尚暮秋
所經無限雪頻起故山愁
白草隨人短寒烟帶月流
西南回首處疑是武昌樓

過豐潤縣

未出盧龍塞先過豐潤城
日沉千堞黑月出四山明
覓寺愁無路聞砧淚有聲
明朝一百里晨起又兼程

嶺南五朝詩選

卷三

國朝
釋今無

十

厓門感賦

孤舟又向海門過舊事厓山感慨多
壯歲自憐添白髮千秋誰與泣銅駝
雲埋斷碣迂黃土樹掩離宮長綠蘿
自古興亡終若此不須彈淚落滄波

枯吟慈修兩公從丹霞奉老人命至海幢強

予開法却贈

丹霞禪客卽雙星微雨春帆岸草青
推轂可知恩似海捫心無那冷成冰
晴鳩喚樹雲俱起寒月驚弦魄未盈
向說此宗無語句不教鐘鼓動長汀

羅浮道中

石樓大小洞雲鋪亂後仍尋興
倍孤彩鳳出巖光突兀眠犀當澗
艸模糊鐵橋空際全無路琪樹天邊別
有壺愧對仙山人易老黃芽何處覓丹爐

春日奉陪 天使謁南海神廟擬上羅浮

映廟波光色陸離列朝崇祀有遺碑
乘槎人到潮偏滿行雨龍歸氣更奇
青瑣望高雙屐遠紫芝秋老五雲垂
維舟不盡登臨意四百峰頭已早期

釋行印

嶺南五朝詩選

卷三

國朝
釋今無

十一

字月千西竺尊宿著有蒲團來諸稿行世

扶胥浴日

夜氣沉沉天未動人間尚在華胥夢
一輪浴出海門紅萬頃光芒湛空洞
我來雲半倚虛亭身心寂寂還惺惺
惜陰繼晷先賢志因汝東西不暫停

石門返照

懸鼓西沉翻石壁山川草木幻如赤
西北江流牛馬犇兩石爲門橫截立
入林訪僧閒未閒酌泉驗心易不易
興闌一葉歸隨潮滿載松風與山月

村居

殘書老懶讀閑戶恰相宜兀坐或終日孤吟嘗數詩
久無塵市夢只有白雲期捲幔看新霽山山春暮時

秋閣

水際因坪構小樓一年好景不如秋地非去郭何堪
隱人以無名得自由貪卷有時忘午食退身終日笑
狂流白雲亦解高樓意相伴時時在上頭

釋今覓

法號石鑑新會人俗姓楊茂才參天然和尚付法住廬山棲賢寺有諸方語錄傳世

嶺南五朝詩選

卷三

國朝釋行印釋今覓 十三

粵江卽事

庾闕望迢迢峽江去何極以此爲新遊悠然歡所歷
東水下建翎風帆若馳翼沿流出怪峰列樹隱危石
撫景欲知名耳目費應接頻指問舟人厭予還緘默
語笑成獨情微吟見天則

訪亦菴中千上人

維舟西昌城秋色淨閑閑去城未里餘一閣搖霄漢
悠然水竹居清況亦云罕閣中虛且閒回轉恣登覽
低拊紫袍峰前趨若下坂俯影入橫塘浮光上朱檻

復道迂小樓夾花明幽棧危橋栢徑深曲渚秋雲綻
蒼茫不可窮囑空眞如幻中公此坐卧亦旣適以衍
相逢更揚眉放懷共疎散長嘯夜月孤策杖江天晚
應嗟華亭翁覆船未成懶三峽余隱淪亦自笑擔板
且勿復多言饑索香厨飯

贈謝振萬

土室白雲封尋僧一短筇高懷寒浦月清論夜堂鐘
世事已如此浮生未易逢匡廬飛瀑處還有六朝松

白棲賢谷尋如是上人禪院

嶺南五朝詩選

卷三

國朝釋今覓

十三

秋蟬

尋幽不出谷沿路踏溪陰忽入泉源處蒼然一徑深
石橋通藥圃竹塢接禪林自可忘人世如君高隱心
絕壑遙憐爾蕭條碧樹陰危冠如有意薄翼自成吟
身與秋枝淺聲連烟月深臨風斷續聽誰識倚欄心

賦得河上逢落花

飛花吹不盡蕩漾空江湄落處無人見沿流獨去遲
芳情縈弱艸香氣結寒澌正有尋春者茫茫河上期

棲賢除夕

雪淨高樓迴燈明梵宇空中猶記臘世外亦成翁
自惜壯心暮徒嗟吾道窮敢云丘壑卧足紹古人風

小孤山題二妃祠

危石江心出疎林見畫堂雲烟媚帝子風雨怒彭郎
水落山容淨天空鶴影翔粧臺封碧蘚無復擁霓裳

仁化江口寄丹霞澹公

高住丹霞去名山自昔傳江邊開洞壑天半見林泉
竹塢清霄夢梅花石屋禪我來尚行役空自望雲烟

歸雷峰與同學諸子

嶺南五朝詩選

卷五

國朝
釋今觀

十四

村寺空江樂事兼今來重訪野情添新成樓閣能臨
水舊種松枝已過簷秋入平林猶有葉塔迷烟雨尚
留尖舊遊真有鄉園戀一枕寒潮夢亦甜

順昌旅泊

沙汀寒月泊孤舟漁笛蠻歌動旅愁兩岸山光趨石
瀨千家燈火出城頭自憐去住同春夢真愧浮沈狎
海鷗想到匡廬深雪裏火爐吟咏有同遊

入姑蘇

秋風放棹闔閭城水國雲帆一月程岸葉欲飛黃日

落棲鴉寒噪早潮生地過建業連山少江入閶門渚
水清風景不堪今古恨北門猶是伍胥名

寄別何石人

十年離亂昔同憂此日成僧憶舊遊每值好秋憐獨
坐何人明月共登樓舊村到處空青艸故老只今誰
白頭閒寺相期不相過鄱陽余又棹孤舟

山中看桃花

獨樹垂垂雲外栽赤霞晴映興悠哉經年林下開偏
早一日門前看幾回無事不妨移榻坐有誰還肯踏

嶺南五朝詩選

卷五

國朝
釋今觀釋函可

十五

花來武陵好事曾知否洞口空疑鎖綠苔

建封灘尋靈樹禪師舊址

噴岬千疊枕長河土室蕭條帶綠蘿龍象不來行徑
沒牛羊歸去野烟多終憐勝地埋芳艸誰道遺風逐
逝波無限樵歌催落木高天翹首意如何

釋函可

法號刺人博羅人宗伯韓日續子華首空
和尚法子主法遼東山陽寺有諸方語錄

晚步

鐘聲隨我去隱隱度前灣遙望深松頂應多野鶴還
客心在秋水微月出空山任意緩歸步柴門不用關

秋夢

荒原寂寞落花鈿錦瑟閒拋五十絃蟬咽未離芳樹
裏馬嘶偏繫畫堂前甄山道士傳兵解陽羨書生合
醉眠盡向湖船載西子城頭空見艸芊芊

秋噀

喬松千尺野烟迷別苑蕭條日已西十世勳名歸夢
蝶五更風雨聽潮雞曲池涼浸桐華影復閣塵封御

嶺南五朝詩選

卷七

國朝
釋函可

七

墨題燕子重來王謝去堂前青艸馬空嘶

聞黃石齋至

驚傳一騎到江干繞徧梅花淚未乾鄧禹幾能扶漢
室鍾儀終不改南冠空餘短劍龍文暗好付殘軀馬
革寒豈爲綈袍今哭汝渚天風雨正漫漫

次韻答別邢孟貞

高樓春盡恨難刪每見君來一破顏客夢荒烟迷去
道平生知己重名山却憐遠別逢梅雨蚤願餘年人
上關幾處茅菴燒不盡秋來猶得掃苔斑

麴築新齋成

天邊仍舊一經傳南郭新看結數椽剩有白雲來席
上隨他綠艸到窓前詩篇不數開元後茶碗還書嘉
靖年但使主人能愛客何妨終日共流連

寄耳叔弟

抱病多年苦未瘳那堪笑獨一身留黃沙萬里休予
念白骨全家賴爾收舊閣遺編魚腹飽空天落月雁
聲愁相逢恐是他生事極目鵲原淚自流

送高含章還里

嶺南五朝詩選

卷七

國朝
釋函可

七

故人一見即回程萬里風沙兩屐輕袖裡新詩堪獨
咏匣中長劍莫教鳴自憐病鶴無高舉誰信冥鴻有
至情歸去不須重見憶天山積雪夢猶驚

買得老馬

歷盡崎嶇意不驕峻嶒瘦骨自前朝悲嘶曉月隨孤
磬漫踏春花過短橋齒長更無煩玉勒鬚長真可挂
詩瓢誰言志在仍千里伏櫪還堪伴寂寥

懷羅浮

鐵橋西畔即吾家回首黃雲萬疊遮四百峯峯皆有

夢空從箇裏見梅花

釋今壁

字仍千雷
峰高宿

秋夜有懷

落盡秋林葉千峰掩一關暗泉聞斷壁寒燒見空山
可待頭垂白方知身是閒獨憐漁浦月照我幾時還

芳艸

年年二月便芳菲極浦斜陂望欲逃曉露垂青官道
濕暮烟籠翠野塘低誰家好句生春夢何處多情礙

嶺南五朝詩選

卷上

國朝
釋今壁

六

馬蹄莫向東風怨離別王孫歸後更萋萋

寒食

野寺寒山天一涯深春遲日柳烟斜每逢禁火憐佳
節却對狂風惜落花蝴蝶夢中誰作客杜鵑聲盡不
還家因人吟望成惆悵浪得閒名負歲華

竹坡

半里扶疎蔭石屏青葱休訝歲寒情欺霜不與松爭
老拂霧偏宜月共明紫籊暗搖丹嶂暮翠烟斜映碧
川晴臨流似憶孤舟客時倚江風作雨聲

登海螺巖

截斷雲根路欲窮層巒步步入寒空百年蹤跡登臨
外萬里關河指顧中陽雁叫霜過北浦曉梅含蕊候
春風杖頭到處誰今古雲月谿山各異同

釋今龍

字祐吟木
和尚法屬

初入丹霞

崢嶸象駕跨千峰舉首彌天花雨濃世外幾年馳遠
夢關前此日聽疎鐘雲中疊閣分多處眼下青山知

嶺南五朝詩選

卷上

國朝
釋今龍

九

幾重頓釋百城烟水恨而今高卧罷行蹤

晚步松嶺

懶慢山翁無定禪放情幽處一盤旋晚鐘始度疎林
外霜月微升碧嶂邊歸鳥避人過遠樹侍童收火汲
新泉扶筇獨倚松屏望石屋柴門鎖暮烟

龍王閣

一閣凌空下有泉高盤長卧足忘年大中現小時歸
鉢屈處旋伸或在天春夏不營新窟宅飛潛只愛舊
山川卽今若問龍何去白晝焚香僧默然

釋今沼

字鐵機俗姓曾名曉番禺人茂才雷峰天
然和尚法屬有更見集毛詩說大易擬史
五宗異同
諸書行世

宿西樵與麥之六徐聖甫夜尋陳元孝山樓

尋幽曾不遠松石數經行不記下山路空聞流水聲
林叢疑月暗漏轉覺天明俱是樵蘇者誰能辨姓名
欖溪舟發阻雨留別諸子

離情分兩岸密雨阻孤舟雲海愁終涉春山憶舊遊

溪潮喧定夜蟬蛤映居樓念此一相別迢遙芳杜洲

嶺南五朝詩選

卷五

國朝

釋今沼

辛

雙桐生空井

傍井雙桐樹茗茗拂故宮清涼生夜月颯沓起秋風
作瑟材徒具棲鸞事已空蔡郎無近信惆悵碧雲中

秋日萃首臺院

山銜古寺秋石路晚幽幽谷掩雲移樹鐘殘月在樓
烟蘿和露滴風葉亂泉流禪暇閒來往東西溪上頭
閑閑懷朱子

清秋雲物趣暮適閑園心獨見池邊樹同棲山上禽
露光微上葉霜氣暗疎林遠念羈遊子離居直至今

贈江村馬巡使

越國才名髯未華身為微吏滯天涯重門石壁春流
水獨樹寒江晚閉衙金馬幾年頻獻策棘林何處更
開花嶺雲潭月深相憶農伴歡鉏今萬家

秋憶山中

青門楊柳漸稀疏醉倚江樓月上初南浦秋殘多墜
露衡陽鴈盡不飛書千家寂靜砧逾響四壁蕭條貧
自如遙念山中松桂滿探玄空負子雲居

感舊

二詩未
莊髮作

嶺南五朝詩選

卷五

國朝

釋今沼

釋今嚴

壬

秋水潺湲月亦圓阮郎曾醉落花前隔年感嘆千端
事今夕殷勤一紙箋密語朦朧終強記暫時顏色亦
愁牽月明薄霧侵荷子誰見池中舊種蓮

無題

越客相思楚水涯江離如箭柳如絲雲迷巫峽神娥
去水綠湘潭帝子悲漢晚蘭生人已寂洞庭木落鴈
先知佩蘅誰向芳洲遠寥落靈均一帙詞

釋今嚴

字足兩俗姓
羅雷峰高宿

祁春曉望

鐘曉低殘月春光滿板橋水流溪夢斷風入鳥聲消
短艸未成色長楊始著條微茫村陌迴客影去迢迢

夜坐

脉脉情何似月光殊皎然夏雲高嶺沒秋氣艸堂先
鶴怨初殘夢雞鳴欲曙天年來多病肺徹夜不成眠

癸巳長至芥菴作

年來師友散物序一傷懷况復逢寒臘棲遲在海涯
同人過午食與鶴立閒堦料得從今去生緣有石崖

嶺南五朝詩選

卷三

國朝

釋今嚴今楷

三

夏日養病芥菴作

有身長作客無地不言家舊寺辭芳艸閒菴過落花
忘機爲好友省事是生涯借得毘陵集長吟到日斜

釋今楷

字記汝俗姓潘原名楷
清字水因新會人茂才

壽李潛夫

九山雲外儼蓬瀛中有仙人煉鶴形問字滿携延命
酒援毫多著養生經身閒高臥松陰翠年老長看桂
樹青向日伯陽今再見騎羊東漸卽滄溟

答人

詩篇多謝遠來詢讀罷翻教愧此身緣薄久虧叢席
望才疎偏稱住山貧白雲谷裏初無我黃葉溪邊定
有人勝事到來消息盡寒巖枯木不知春

釋智力

字不退
住詞林

次答黃允持茂才

扁舟循水國疑爲戴逵來社亦柴桑約茶因石火燬
杯光山影落花發鳥聲催共指田家樂斜陽未擬回

嶺南五朝詩選

卷三

國朝

釋智力釋古泯

三

釋古泯

字一拍雷峰
天和尚法屬

長老峰

在丹霞高
出雲表

長老峰尊削不成憑高一望勢亭亭芙蓉幾瓣藏衣
袂螺髻長青入窈冥半頂有香難着脚比肩無伴亦
忘形閒來坐待中天月下界沉沉夢未醒

釋古理

字秉清天
和尚法屬

入丹霞山

一望巍峩逼梵天奇峰怪石水雲連
倒垂古木風聲壯獨叫寒花鳥語圓
側徑每難憑杖履細泉時復應山川
不因師到誰能到回首塵中一悄然

釋深度

字白水童年出家詩畫兼絕

閒居

索居無一像復此遠相尋地隱滄溟濶
天藏島嶼深江山開笑口燈火戀同心
莫動桑榆意恐驚年髮侵

嶺南五朝詩選

卷十三

國朝釋古理釋深度

感述

病思休歇處老戀故山薇列鼎所非取
一丘寧復違黃梁殊未熟塵世已全非
尚覺身爲患深慚道力微

烏洲雷別黃杯湖

歸去復何事溪邊看水流好花開眼底
何物到心頭雲幻重重壑烟成漠漠樓
欲知勞夢想明月滿烏洲

村居

山帶朝暉靜林收宿雨寒溪雲不一色
鳥語各千般野樹穿苔井遊魚透石盤
農書二三卷時得倚簷看

憶惠陽舊遊寄懷王殿美

旅窓閒聽曉鶯餘携興還尋縹緲居
文酒每成良夜話練裙留得醉時書
山知愛客青盈案月解留人光滿裾
悞向仙源動歸思桃花應笑再來漁

題畫

野人爲戲出于閒萬里秋光尺幅間
碧澗有泉皆遶寺酒樓無榻不當山
雲容到海還成雨石勢蟠空別作關
何處亂烟迷鳥語夕陽一老自知還

對菊

嶺南五朝詩選

卷十三

國朝釋深度釋超常

滿天霜露浸孤蒲顚顚行吟楚大夫
老圃寒香真不乏夕英能復飽人無

又

偶續閒情對此花人言白璧有微瑕
六朝格韻知何許五柳先生自一家

釋超常

字目山宛和尚付佛住靜六榕寺

送友人

恰好論心日閒堂近水清何當深雪裏
偏此動離羣

林薄餘寒暝簷虛宿凍雲尋常聽過鴈不及此時聞

春日山行

乍試探春屐憑高縱目時霜筠仍舊節嶺樹欲新枝
花艷蜂情劇天空鶴性宜孤懷誰可語應是水雲知
春日黃俊升招同羅仲牧諸公遊蒲澗寺得

山字

頻年幽夢繞青山此日因君得共攀古道尚然修竹
裏流泉仍自翠微間風前捉麈心逾逸雲外聽鐘意
倍閒十載遊踪何處問綠蒲深處水潺潺

嶺南五朝詩選

卷三

國朝
釋大年

美

釋大年

字孺範住六榕寺
有棄病詩州未刻

秋居

微霜下秋艸竹戶掩秋風身寄紅塵外人行黃葉中
雲明三逕曉月冷一江空癯骨餘生在年年與鶴同
過庾網畱題塵外禪師精舍

左右閭巷靜禪居此地偏簷低陶令柳池泛遠公蓮
賤子舊相得經過非偶然因君問前事却憶聚沙年
答黃純則月夜泛舟龍津相憶見寄

白露蒹葭江上秋美人中夜泛扁舟遙知對月開尊
處自解題詩憶舊遊風裏暗香聞杜若海邊清夢識
滄洲郊西十里烟光好一夕相思獨倚樓

吟成

鐘梵銷聲玉漏頻竹房燈燼自生春瓶花影落圖書
冷雪案吟成翰墨新筆向靜中通氣候心從寒處見
精神門前葉落知多少兀坐渾如蝶化人

釋明相

字若水有翠
微雜咏未刻

嶺南五朝詩選

卷三

國朝
釋明相釋達可

宿靈洲雪公故居

徑竹上通幽閒堂憶舊遊故人不可見過客復淹留
樹隱前溪月風悲此夜秋欲知懷抱處鬱水自悠悠
送從悟師還匡山

釋達可

字以默戒
院高宿

贈別

白首逢搖落東西逐轉蓬身存兵甲後人老亂離中
別路當殘照征帆挂夕風雄才知有合何用嘆途窮

題崔孟涵書齋

踏遍名山返故園結廬携幼住南村窓臨野寺時聞
磬門對長林夜聽猿碧草自添幽獨趣白雲寧識市
城喧嗟余訪道還飄泊何日同君靜掩門

傷郭季庸業師

笠杖相隨未幾年存亡迴首共淒然可憐遺草空傳
世太息雄才莫問天舊宅已逃三徑雪短墳空鎖萬
嶺南五朝詩選卷三國朝釋法先天

山烟傳聞化鶴猶難見華表遙看涕淚連

釋法先

字聖也住濂泉寺

宿黃俊升居士南軒

信宿南軒夜高天入望斜照人燈冷燄帶雨月光華
影少花枝正情閒詩興加年來何所事幽况在天涯

冬日山樓眺望有懷松溪舊隱

一別雲林二十秋每因寒暑却生愁年來老大千般
懶日去清貧百事休賴有山居聊寄足愧無詩句漫

登樓而今爲問經行處松自蒼蒼溪自流

釋大韶

字範成郭集孫少智慧遂出家禮淨業
若禪師祝髮即參方受覺和尚付拂喜居
山因永住蒲澗古寺著
有蒲澗隨記稿未刻

舟至陳村望李方水昆仲水居偶成

未有浮杯術臨河但買舟自因尋二陸偶得狎羣鷗
雲水寒光動桑麻翠色流遠看蒼靄裏應近讀書樓
月坐示諸子

一彎新月色素影挂巖端古木寒光滿高天暑氣閑

嶺南五朝詩選卷三國朝釋法先釋大韶无

禪心誰皎潔客思各悲歡識得盈虛理佳期漸漸看

清明日渠眉俗叔札邀掃曾大父墓因懷先

子漫賦庚寅屠城其先
子殉節終難

節近清明只自哀先人無骨葬山隈遠承叔父追思
約惹得阿咸痛恨來風雨滿天揮血淚杳冥何處問
泉臺踟躕行止真無賴華表空傳有鶴回

歸龍坑

數百僧房共一峰先朝遺跡水雲中鄰菴烟起參差
見古澗泉流上下通亂後幾同看斷碣行邊徒自抱

清風高山有待英賢出畱得幽花歲歲紅

月溪寺故址

一衲堅持苦行心甘年難構此叢林文星尚憶烽烟
暮寶塔虛懸路逕深養樹未成憐剪伐築堤防護屢
侵淫有懷太尉山前月空照青岩落晚陰

象坑

象坑坑水深深昔日繁華不可尋臺榭傾頽芳艸
合鼓鐘消歇暮雲沉人間事業千年夢嶺上松濤一
片音銅雀翠華終已矣子山詞賦漫哀吟

嶺南五朝詩選

卷三

國朝
釋大韶

手

釋石艸

以字行明茂才著
有中山集未刻

過霧岡題李弘濟參戎園亭有感

歷歷狂風春色陰偶來園圃憶東林人間往事難重
問眼下浮雲不可尋十載住山猶恨淺幾回入世轉
愁深茂林芳艸誰畱意不盡花情助短吟

釋古毫

字月旋海
幢名宿

送光半上人遊方

世路渺無際登臨何處山林巒今日別杯渡幾時還
春色五湖上風光兩足間雲遊予已倦早自掩柴關

秋日山中有懷

寂寂柴門外行行傍壑陰不聞城市事深得水雲心
木葉向風落山蟬依樹吟永懷去國友何日返高林

釋光鷺

字跡刪方國華子茂
才著有羅浮艸未刻

喜毛明府歸自丹徒

河陽花艸芳菲誰擬擬投閒在釣磯官似秋江清見

嶺南五朝詩選

卷三

國朝
釋古毫釋光鷺

三

底心同高鶴倦思歸裁將荷芰成初服脫却簪纓伴
衲衣自是倚欄同眺望青山迢遞對玄暉

九日江中曉發

龍山何處水茫茫正好登高又別鄉南地授衣逢九
日西風移棹憶端陽遠書入夏愁無鴈衰髮經秋漸
有霜一望羅浮歸未得年年空負菊花黃

釋可相

字敬止涇州人少爲曹溪監院綜理
浩繁道力備至著有南華草未刻

平藩入山重興祖庭志喜

王公纔入粵悲願在祇林偶枉曹溪駕遂成布地金
雲凝新殿靄鐘度萬松陰旦夕經行處長懷長者心

寄黃積菴

曹溪曾共月別後又經年秋色今如此詩聲殊泐然
思君當選閣笑我坐枯禪何日重攜手迢迢寄一箋

釋元裝

法字三僊番禺伍氏子弱冠出家天童山
曉和尚法嗣歸粵以微疾即自題小影并
述參學行錄謂其徒白吾今夜行矣遂安
詳而逝著有諸錄與澹園詩草皆未刻

送碧虛上人

嶺南五朝詩選

卷五

國朝
釋可相釋元裝

三

卧病久無緒扶筇強送君舟從南浦去袂向柳橋分
別路愁荒草歸程望白雲離情不可極風雨暗斜曛

伏波橋

江流浩渺接雲霄春到閒花滿石橋幾處村庄頻載
酒誰家池館獨吹簫城頭雨歇餘殘照河畔風生起
暮潮漢代凌烟今莫問將軍名姓托漁樵

嶺南五朝詩選卷五

國朝

釋今辯

四首

釋今承

十二首

釋元印

一首

釋今樹

十一首

釋今照

四首

釋古雲

十八首

釋達津

九首

嶺南五朝詩選

卷五

目錄

釋願光

十五首

釋古昱

五首

釋古鍵

四首

釋古易

二首

釋真默

七首

釋洪鑄

二首

釋元海

五首

釋元旻

七首

釋古止

一首

釋本我 二首

釋本傳 三首

釋古檜 二首

釋古義 四首

釋宗覺 一首

釋興省 六首

釋元膚 九首

釋成已 五首

釋照廣 三首

嶺南五朝詩選

卷古 目錄

釋今龍 六首

二

嶺南五朝詩選卷古

番禺黃 登俊升氏訂定

國朝釋今辯

字樂說番禺人雷峰天和尚付拂主法海幢諸寺著有辨釋諸經及永寧諸錄傳世

夏杪平樂永寧道中漫述

山居願已足菱棹擬棲遲此日舟中趣多年心所期沙鷗閒似我江月靜同誰相對水雲侶團圞樂在茲

乘涼鳳凰山

古觀新菴咫尺間清風何處意相關東林白業原無

嶺南五朝詩選

卷古

國朝釋今辯

一

累北郭黃冠亦自閒一派松山青突兀半邊烟水碧潯溪物情變幻誰長短臺榭依然鳳不還

訓望公文學兼懷天峯大師

儒冠野服集名林石上閒來話古今疎散偏逢青眼客敲推高見白雲心籬花應節香風遠紙被蒙頭蝶夢深悵望故人山海外昭江何日共登臨

次太平壁間韻贈如釋上人

小小茅菴結水邊不離人境解安禪屋環古木雲長捲檻倚欹崖花倒懸過客門迎朝謁後生臺鳥下午

鐘先烹葵煮茗留歡笑多汝情深寂寞緣

釋今承

字祖印眉
菴老宿

聽泉

寒流吞巨嶽迢遞落千尋靜夜發幽響令人生遠心
無風過斷壁有意助閒吟想見淵源底還歸一念深

又

臨風聽不盡此夕更分明壁掛松間月巖藏雨後聲
暫時清冷意深得老僧情早晚歸湖海江流幾度清

嶺南五朝詩選

卷古

國朝
釋今承

二

越秀山晚眺

仙城依岸遠海色淨秋旻人在上方立峰從下界分
遠烟浮碧渚霜葉墮紅雲何處一聲笛淒清不可聞

早秋

郊原時苦熱葉落早知秋溽暑無藏處清風來滿樓
衣從今日薄山憶廿年遊記得匡廬上寒泉月下流

歸宗寺

晉王羲之所居之宅遙見耶舍尊者持佛
舍利從空而來遂捨宅作寺至唐赤眼禪
師住持有田百畝常苦山獸蹂躪師見三
嘆曰安得人人力築牆禦之遂感鬼神初作

一夜而成又明末時假寺爲舍達觀禪師
微時適至跌坐松下心傍祖庭零落夜夢
樹神曰禪師當爲此道場興復師次早囑
曰若果緣合松應復生後三日果符此驗
復生松至
今存焉

晉代名臣宅金輪作梵宮塔光含寶月墨跡戲秋鴻

絕巘無行路中峰起卧龍斷垣與神樹呵護自無窮

開先寺

宋佛印禪師嘗與東坡先生論道於此

萬木開屏翠千峰入座中昔賢聞道處今日想遺風
斷碣文猶在經臺花已空相逢倍惆悵此意與誰同

嶺南五朝詩選

卷古

國朝
釋今承

三

過悄然新築

斷岸疑無路沿涯一徑通池寒當戶月松響入簾風
野鶴巢雲外秋花落定中何人知此意幽趣自無窮

懷棲賢

曾向匡廬寄一峰幾宵頻憶舊行踪鐘沉澗底泉初
落月到湖南露正濃已度玉淵開定力又從珠海見

慈容他年若了編蒲願巖下相隨學種松

過默上人新築

既嚴城又遠村水邊曲徑似桃源遊人欲問不知

處野鶴自來閒立門花放隔橋香入座潮生前浦月
當軒迴看此景可常有欲寫幽懷未易言

水仙

仙葩何日到仙城市上相售仙子名不語欲醒塵世
夢破顏爭有衲僧情香分梅嶺迷蝴蝶影隔花田儺
素馨相對共盟泉石意座中誰與論枯榮

黃村探梅

橘綠橙黃滿路傍莫教疑是探花郎看來欲贈人何
處吟去長懷水一方顧爾不忻春富貴起予贏得雪

嶺南五朝詩選

卷古

國朝
釋今承釋元印 四

肝腸年年喜對稜稜骨每見繁華轉自傷

又

美人何獨作佳期雪質芳心若自持四海正當搖落
後千秋恒見歲寒時名標庾嶺曾無樹劍倚長天欲
待誰却笑我來閒取次木瓢高掛向南枝

釋元印

字識此化
城尊宿

除夕次心月師韻

淑氣轉洪鈞閒雲寄此身盤空觀鶴勢走筆見詩神

草木已成暮江山又有春欲知新歲事老却一年人

釋今樹

字一株詞林老宿
有可賦亭稿未刻

過溪上草堂贈尹如度居士

溪上草堂靜衡門到客稀野棠沿地長江燕繞梁飛
世亂輕軒冕身閒老翠微每因桐上月良夜得相依

歸詞林

走遍人間路空餘一鉢歸炎涼隨地異名分到今非
落葉聊供爨流雲足染衣存亡何處問長笑倚柴扉

嶺南五朝詩選

卷古

國朝
釋今樹

五

又

去住元知幻歸來只自傷地曾經戰伐人有半逃亡
寒到憐衣薄冬深見日長庭前花尚在不似舊時香
舟泊江門有感

帆落江門海市通路逢疑處問漁翁推蓬坐看前山
雨就枕閒聽遠寺鐘香篆薰殘衣尚冷燈花開盡夢
成空可憐行樂今非昔徒有山川歲歲同

中秋後喜彭公吹至追憶何子皇圖

久從蓮社共推賢相識雖新有舊緣髮白暗傷當世

事身閒嘗到上方眠論詩未易分中晚對月何須問
缺圓却憶何郎好詞賦朗吟不覺五更天

秋夜寄懷葉眉山居士

鐵馬簷前響未休樹紅雲白暗經秋隔江烟霧沉漁
火兩岸星河挂戍樓短夢乍醒徒有恨寸緘封就苦
無郵年來客久無餘事好向田園守故丘

見堂贈黃俊升居士

依依楊柳綠當門花滿閒庭石滿軒老去共深文酒
興坐來忘却市城喧談禪每欲翻前案積學真能式

嶺南五朝詩選

卷五

國朝
釋今樹

六

後昆寺近城隅方咫尺寸心嘗與衲僧論

集葉金吾猶龍園亭

湖樹扶疎帶曙烟小亭高峙衆峰前芙蓉照水開樽
竿楊柳垂堤盡管絃銀燭易消歌舞夜宮袍還憶太
平年舍舟遵路歸來晚驚起林鴉棲復遷

冬夜同友人集小蘭若分賦

劫外誰人共化城坐沉鼓角夜涼生燈花不長閒枝
葉蝶夢偏深野性情欲引短歌翻部曲更將幽興付
棊枰何期此夕成嘉會世事無煩問廢興

梅花詩爲葉許山居士賦

名園幽勝獨稱奇玉樹全憑雨露滋纔見一枝初傲
雪忽驚雙幹暗臨池孤標只合閒僧對貞白猶慚俗
士知林下月明常獨訪何郎佳句起相思

湖上書懷

荷葉青青荷瓣紅退身林下且雍容心閒始薄王侯
貴身健誰知藥石功破屋豈能巢乳燕晴雲何事滯
歸鴻衡門瘦竹無倫次隔斷前溪幾樹松

釋今照

嶺南五朝詩選

卷五

國朝

釋今樹今照

七

字光平海
幢老宿

小除同王說作諸子夜坐

一年驚欲盡此夕更相催洗鉢逢人懶寒雲向我來
江山新夢寐燈火舊樓臺良友閒相聚深宵卧草萊
登靈洲閣望故人嵬而傷之

高樓能縱望野思共依依松塔故人墓禪房六代衣
江聲寒竹簾月色冷柴扉何事西遊後松枝東暖稀
已巳初春喜羅仲牧梁覺菴黃俊升諸大士

見過

重憶當年笑語時百年人事豈堪思朱明洞口磐陀石幾度臨風憶子期

又

此日談空野寺中不扶筇竹幾人同何時重上飛雲頂笑倚寒巖聽暮鐘

釋古雲

字不注增城周氏子俗名瑞驕茂才中年出家得法海幢禪定之暇更善詩文益磅礴著有金剛經鈔義圖覽經叶義及月鷲諸集行世

過曾進康園林

嶺南五朝詩選

卷古

國朝釋古雲

八

前林興不淺主人美且賢茂樹清可數沃土良足傳舟子招江潯共憩白茅簷嘉果隨所啖芳叢隨所眠泉溫沃我腸浩笑挾仙鸞浮生貴行樂瑣瑣安能言土屋倘就架從此老天年

勉子興家弟

鴻鴈在天末蕭條各一方吾弟遠從戎一別數炎涼往事置勿問故園隔參商支日以凋所貴當自強豈不憶本源其如有更張寡材難應世仗義命必昌不伎與不求詩言慎勿忘世亂多此儔保爾壽而康

予亦老緇流歲月無所長但願常見面游戲於客場

別何達公余國疇

涼風疎雨紛紛起乞食僧還問江水流向人間知幾許岡州近來多法喜文物山川皆可紀滋恭堂上東侯美帳底馬卿亦無比

遊古榕寺

數里尋泉竹精廬萬壑中雙林依夕照一澗落疎鐘松老深遮像雲閒淺露峰人歌兼鳥語久坐愛清風珠江隨師行乞

嶺南五朝詩選

卷古

國朝釋古雲

九

曉日涵珠水征帆乞暮秋雲心平野去錫影大江浮霜葉淡漁浦人煙見荻洲不知閒立雪過盡幾江樓送正容上人之匡廬

初晴好放船柳岸聽鳴蟬要欲辭塵域相將涉大川九江通去楫三峽枕流泉不到獅峰頂安知嶽勢尊

用韻酬別峰定上人見寄

松花趣不羣食罷坐寒雲一澗蘿還遶千峰月乍分離城閒似我入谷靜懷君寂歷門方掩新書向鴈開茅亭

茅亭涵日影一半落溪陰風竹蕭蕭韻雲山寂寂心
鳥飛空上下杖策偶登臨恰和閒僧坐穩移伴素琴

登陳夔石岸樓

高柳寒蟬響疎櫺碧樹秋捲簾山到席望海鶴歸樓
帆影連天沒村煙極浦浮何時見之子芳翠但淹留

讀鐵機足兩二公詩

遺編讀深夜感歎一何長靜氣含幽響閒吟見雪腸
斯人杳不再于我念難忘况是同門者蘭摧心自傷

石涓堂

嶺南五朝詩選

卷古

國朝
釋古雲

十

憲府賢聲在鳴蜩奏樹遙藥欄滋雨露書幌遠塵
柳影連雙戶荷花夾小橋欲知喬木意試認紫薇梢

春日同友訪非公

選友春林好尋幽野寺宜淺沙窺白鷺高樹聽黃鸝
柳徑初携入香筵每坐遲爲憐逢舊侶還許一相依

經猛海口

凌風一葉逐沙鷗山色如螺拂曙流礙日亂帆遮浦
口出雲深樹見城頭人拋山閣吟初响鶴下秋田影
盡浮正是蕭蕭行客路滿江歸思對蘆洲

湘靈鼓瑟

洞庭葉下楚天遙錦柱離魂不可招七澤蘭生香佩
減九疑雲暗玉龍銷音來碧樹全縹緲指落青山更
寂寥千古黃陵畱一曲蒼梧何處月蕭蕭

春日訪友

澹宕春光四望同幾家煙景竹溪東青山人出桃園
外紅日鶯啼柳路中衰髮漸零花莫笑孤筇欲到烏
先通相尋只有閒雲意不學題詩戀落紅

酬何坡公招遊玉臺寺

嶺南五朝詩選

卷古

國朝
釋古雲

十一

玉臺高擁翠屏莎坐領松風挹大河山黛雨來容更
艷澗鐘晴後響偏多吟消白晝千峰寂歸逐寒烟一
牧歌城市搖鈴虛歲月感君林壑共蹉跎

贈何澤原新齋

別構新齋花遷移如屏山出而瓊枝小牕深坐來明
月高閣閒窺得淺池十架異書曾咏祖一園佳橘可
調兒芬芳自逐遊人去誰伴何郎晚賦詩

贈廬山香上人

林間高步似君稀碧玉流輝溢翠微見說散金饒井

里還聞乞米出山扉。龍降鉢水嘗隨咒。天散空花不著衣。廬岳幾文曾唱得。遙知穿破鐵牛機。

釋達津

字達布希。楊氏子。少出家。住法性禪院。雅澹靜養。好客。善文辭。俊彥名紳相慕來往者有蔭。蘭樓高後刻。

期友人不至

林園疎雨後。荒院日初曛。花落無人處。鶯聲只自聞。微風搖砌竹。纖月暗春雲。坐久還相望。閒吟至夜分。

對鏡

嶺南五朝詩選

卷古

國朝釋達津

七

偶起對明鏡。羸軀鶴骨同。可憐方壯歲。多病已如翁。短髮何難白。秋楓又復紅。年光容易邁。學道未成功。

次答黃俊升居士

野外勞相訪。况兼年更尊。清秋逢海雨。竟日話荊軒。俗事知全解。道心聞久存。籬花將欲放。重待到林園。

何不偕吳山帶二居士過宿

荒寺枕平田。輕烟散暮天。當窓葉初落。照榻月蕭然。片石坐終夜。棲心不記年。偶逢二玄度。清論總皆禪。

送聖上人住西樵

當年有蘭若。高挂在樵峰。杖錫而今去。梅花開正濃。瀑寒清夜月。濤響碧窓松。幽徑雲深處。人尋不易逢。

送陳少菴之楚

杳杳路無際。况逢木葉稀。人從珠海別。帆向洞庭飛。皓月當黃鵠。明星近紫微。南樓風景好。更擬幾時歸。

送四無師山隱

楊柳陰陰鶯亂鳴。河橋雨後送君行。暫辭香院尋茅屋。爲愛林泉遠郡城。山靜日長羣鳥語。水流烟淡百花明。閒翻貝葉焚香坐。幽獨能無別思生。

嶺南五朝詩選

卷古

國朝釋達津釋願光

七

寄月公

一別訶林歸寶陀。又將瓶錫挂藤蘿。高吟虛閣雲常到。流水當門客少過。下界漁燈分岸口。長空秋月徹岩阿。人生百歲都容易。那似山中樂事多。

釋願光

字心月。法性禪院高宿。著有蘭湖諸稿。未刻。

江行

浩渺湖初滿。揚舠盪素流。佳山遙在目。芳嶼且停舟。鷗佇青蘋際。人過綠水頭。逶迤忘物役。何處更夷猶。

閒居

籬落人烟外神明澹薄中閒雲情有在芳草意無窮
讀易通羣象觀心渾太空夜來還自得片月海門東

秋杙

歷歷霜飛夜抱關人太勞交鳴連斥候互響繞城壕
瘴海風初落沙場秋正高夷門千載後何處有麻曹

留別靈洲諸子

潮光盪虛壁初日明春林花鳥知時序雲山忘古今
櫂歸珠海遠路向石門深相與分携後誰能道此心

嶺南五朝詩選

卷五

國朝
釋願光

古

送梁藥亭先生北上

夫子暫閒暇西郊定一過細論天下勝多寫江南歌
棋罷山銜日軒回燈牒難忽爲萬里別天路仰鳴珂

吳虎泉諸子至留宿

秋色搖平楚涼風從此吹露華棲暗草蟲語遍疎籬
中野寂寥久良宵邂逅期未能成信宿餘興待來茲

寄吳虎泉

楊柳日堪把倉庚殊好音故人從久別風景益離心
遠水朝烟沒閒門春草深遲迴倚高閣西望發長吟

送陳條方游羅浮

羅陽仙窟宅復是水雲身獨送夫君去空令幽思頻
秋鐘華首月霜葉石樓長何處無吟咏應先寄野人

寄懷梁綏山

琵琶洲上鷺來往信春潮漠漠桃花水佳人何處招
暮雲翻不極芳草思難消憶共苦吟夕東風漫寂寥

送陳少菴之楚謁所知

楚國千山外言揚楚水吟攬衣望江口黃葉滿離亭
樹色寒雲夢秋聲匝洞庭故人一相見吟對九疑青

嶺南五朝詩選

卷五

國朝
釋願光

古

還訶林作

雨過虞園日影斜歸來不復舊烟霞高巢去盡幽栖
鶴古木唯多晚噪鴉楊柳風迴空落葉芙蓉霜冷未
殘花千年勝槩良如此精舍林間餘幾家

答故山鄰僧

菊花初罷早梅天草閣無人思悄然一榻攏雲來雨
後滿林霜月度窓前常慚舊隱荒幽徑更憶芳鄰別
有年莫笑郊原聊託跡籬籬終復接蘿烟

石門

秦時遍地總干戈，漢代樓船始此過。
東望虎門通渤澥，上游鬱水接牂牁。
甲兵幸免任羈尉，父老猶談路伏波。
自古三城稱要害，兩崖如削正嵯峨。

端州

六龍飛向極南方，誰料威儀見瘴鄉。
共道乾坤開草昧，豈知日月不重光。
崧臺北望山蒼遠，峽水東流客思長。
鳥去鳥來雲影外，依然形勝滿殘陽。

和嚴藕漁宮允予假南還

聊將雙眼寄高旻，豈有閒情更問津。
醉去倚松吟皓

嶺南五朝詩選

卷古

國朝

釋古昱

六

月興來乘雪訪幽人，從容應物元非強。
出處隨時總任真，莫道園林歸已晚。
江南風景正當春。

寄友人

東籬花滿憶離羣，遊子行踪竟不聞。
孤錫未吟嵩嶽月，扁舟應汎太湖雲。
秋鴻影杳音書斷，寒角聲殘落葉紛。
一片閒雲無處所，擬于何地再逢君。

釋古昱

字融虛海
幢高宿

留別海幢諸公

明日豐湖去，蕭然獨問舟。
只因尋舊隱，不覺動離愁。
遠別非吾願，閒心羨汝投。
十年棲息意，一夕話難休。

送日舒師還粵西

送送蒼梧道，帆飛杳靄間。
計程知幾日，一望過千山。
易逐秋風去，難隨陽雁還。
徘徊珠海上，不覺別離艱。

小雪後二日同不挂鐵關遠布見端諸師集黃俊升居士見堂與黎方回諸大士賦

猶記相逢小雪前，又從雪後對高賢。
爐香裊處翻吟詠，籬菊開時近几筵。
芸閣藏書看此日，石渠新帙著

嶺南五朝詩選

卷古

國朝

釋古昱

古健

七

何年行行最愛石池下，携手因依又暮天。

宿景泰寺

峰頂荷花香滿池，長吟獨坐四更時。
月移幽壑開僧對，鐘響靈山下界知。
片片曙雲飛不盡，溪溪流水聽如斯。
莫言歸去紅塵隔，留得孤懷在翠微。

北畹與澹菴師夜坐

輕舟破浪獨尋君，咫尺東湖一片雲。
石榻夜沉花蕊積，禪堂定後篆香焚。
疎籬傍竹搖空月，密樹沿池暗水紋。
笑語不知春夕曉，五更鐘磬許誰聞。

釋古鍵

字鐵開海
幢高宿

送融虛師迎和尚西還

分携不當別，繾綣思何頻。此去非千里，臨流念一身。
江長師弟意，帆遠水雲春。明日一回首，南天有故人。

遊小嶺值雨

千山藏一壑，鳥道盡喬松。樹匝寒溪水，雲沉隔嶺鐘。
溯流聽遠瀑，倚石看高峯。却怪林間雨，留人駐短筇。

小雪後二日同不挂諸師集黃俊升居士見

嶺南五朝詩選

卷五

國朝

釋古鍵

古易 六

堂分賦

共入城南不見塵，東林幸自挹芳鄰。籬花已傲初冬雪，
詩史新編歷代人。盡日清風瞻叔度，幾年白業重天親。
棋殘正好言歸路，不盡閒情綠草茵。

秋日過鐵城同楊次飛西山晚眺

緩步西山正九秋，一林古木隱城樓。邨烟遠見茅簷出，
海浪斜翻塔影浮。磴道暮臨羣犢返，杖藜閒戀野人遊。
蕭然世外無窮望，笑看寒雲不斷流。

釋古易

字別行雷峯
游雲寺老宿

放鯉

解網清江上，憐予行役歸。好從春浪暖，一共桃花飛。
舉世事皆幻，逢人善亦稀。自今潛與躍，知爾慎相依。

歲暮聞大車携家還石橋却寄

曾爲避地遠柴關，不覺離懷五載間。正惜暮年爲客苦，
忽聞春曉挈家還。重開花徑知臨水，別構書齋喜面山。
從此訪君原不遠，石橋烟艇水潺潺。

釋真默

嶺南五朝詩選

卷五

國朝

釋真默

九

字敏言雲
峰山高僧

答懷公晚春見寄

長江淡終歲，瑟瑟坐孤林。沙草人烟迴，春庭鷺跡深。
芳菲當此日，風雨獨愁心。何事西郊夜，高空勞寄吟。

又

遠興誰相愜，幽期已暮春。芳林朝獨對，孤嶼夜無鄰。
烟動漁趨市，沙虛風起蘋。向來偏絕地，鷗鳥自相親。

秋航

長江淡無極，向夕更清秋。煙沒月初滿，夜寒潮不流。

故人黃葉寺幽夢白蘋洲誰共滄浪興高歌越水頭

靈洲秋暝寄懷吳山帶先生

蒼蒼白綿嶺高卧竟何心孤嶼幾迴待秋潮空自深
烟開寒浦色葉落暮鐘音遙遙此清夜流泉入素琴

靈洲送倫文水

握手再相送江干難少留何因招隱地還起別離愁
山遠稀來雁川長獨去舟須知他夜月爲爾更登樓

秋夕同吳山帶諸公過小港別院

落日樵風便輕舸遠寺過葦聲烟港冷鷺跡野橋多

嶺南五朝詩選

卷古

釋真默

三

卽事偶相對一秋能幾何中宵意寥廓涼月下滄波

三月三日雨夜喜梁藥亭太史過宿分賦

江上寒多雨蕭蕭仍至今何言青翰舫乘夜入芳林
前浦電長激中庭樹暗沉清燈共吟和無乃異山陰

島上偶題柬倫文水

閒雲隨所適孤嶼落花邊采采青蘋晚依依白鷺天
片湖澄碧霽初月澹芳烟何事文溪子幽期竟渺然

早秋吳山帶諸子見過郊寺因遲何孟門陶

握山不至

由來林下賞茲夕復矜秋白社思何似荒郊興暫留

孤燈重閣掩高枕遠江流二謝那還往佳期已屢過

喜周大樽歸自香山過宿

故人歸海浹似我紫山歌烟靄無窮憶秋風更若何
離心同歲晏他事感庭柯暫喜成茅宇新吟此屢過

冬夜梁藥亭先生過宿島居分賦

何期孤嶼寂夫子駕方舟漁火明江樹潮光倒石樓
苦吟宜夜永殘月下庭秋那得芳溪上梅花十日留

釋洪鑄

嶺南五朝詩選

卷古

釋真默釋聖治

三

字聖治西樵
崇聖寺高宿

岑聖眉布卜侶李宗博過宿分賦

虛堂人跡絕石路草烟深何處尋幽客扶筇到竹林
疎鐘催日落古木引風吟寂寞香臺上相逢共此心

信宿人和寺

相遇兩度信因緣物色幽虛亦復然路轉蹊田一逕
入竹圍煙火數家連飛飛野雀同投夜落落閒心不

記年最是杖藜何日駐山川如畫夢魂邊

釋元海

字鐵船新寧人宗和尚法嗣羅席華
林開揚宗古細素成往有各錄行世

鼎湖旃檀林

金相隨年古瑤臺散夕陰水流雙樹淺紗暗一燈深
羣壑低懸牖諸天起梵音時來攜素友坐石靜披襟

登仙巖

巖在彭城峻嶺之上有靜者居焉予
少休人尚在也則與秋山達圓諸
公賦以紀興時
予最道系徑山

曲徑繞蒼松相攜入碧峰水流丹竈冷人坐白雲封
異鳥銜花至幽巖瑞草茸寧知人世上猶有少林風

元旦

嶺南五朝詩選

卷古

國朝
釋元海

三

曉鐘隨臘盡淑氣結香臺簾捲東風至隱明好鳥來
新聲聽爆竹傲骨笑寒梅信是豐年兆卿雲遍九垓

華林喜諸護法放生

支公標指從初地流水還來結勝因便爾開籠存古
道不須解網讓先人楊枝淨灑香雲濕玉磬寒敲貝
葉春翹首靈峰知不遠依稀憶劫前身

清明山行

荒郊古木啼黃鳥此日思親倍黯然遍剔蒼藤尋古
謁川除芳草見新泉雲容遠近過山雨樹影參差散

墓田借問烟花何意緒隴頭招客自年年

釋元旻

字天藏番禺李氏子宗符和尚法嗣
住河林雙佳洞著有松嶺集俟刻

酬識兄大師見寄

孤寂久自守郊居秋又深寒花開晚日舊葉辭高林
獨立成何事長歌適此心天邊見來雁慰我有新音

午日過大通寺贈鐵兄和尚

纔過鵝潭便聽鐘木蘭閒繫謁支公笙歌縹緲珠江
上烟雨微茫畫中聽法魚龍常繞戶乘潮殿閣忽

嶺南五朝詩選

卷古

國朝
釋元海

三

浮空相逢喜對新禪主又見曹源一脈通

寄贈陶苦子居士新居綠洞

聞君避地入山中一別塵寰又隔冬溪路欲從樵子
問洞門應有嶺雲封須知道骨終成隱却笑時人未
易逢我亦掩關何所達月明想見綠圍松

送湛上人遊羅浮

羅浮山色望中深美爾孤筇此日尋雲頂晴時堪縱
目洞門幽處好觀心天雞彩鰓飛還集丹竈仙符古
復今四百名峯隨意到知君無景不長吟

送秋長老歸隱石澗舊居

同叅雪頂老禪翁此際分携各一峯予時亦歸松嶺金策獨

鳴塵外聽石溪誰向月中逢當年茅屋重支起今日
芒鞋且斲封一定便知忘歲月高齋雲樹自重重

辛亥春侍華林本師和尚赴平藩請開法雲
門兼喜竇劉二叅戎衛送之作

名藩重道禮耆年親撥都戎衛法筵旌旆威臨韶石
路袈裟光覆百蠻天雨花散處圍禪衲鏡吹鳴時泊
畫船劉漢昔曾叅偃祖吾師此日宛前賢

嶺南五朝詩選

卷西

國朝
釋元旻

聖

酬林肯千文學見寄兼訂明春出關同遊厓

門圭峯諸勝

一從林下識君顏兩度花開夢想間海月幾回生艸
閣瑤篇重疊寄柴關才侔康樂猶探勝道媿汾陽只
欲閒期以明春千日滿定携杖笠訪名山

釋古止

字善孝海
幢高宿

龍江道中賦時訪六如禪師

迢遞煙村路行行愛薛蘿化城雲裏見真氣望中多

息影依龍樹忘機對鳥窠莫將遊子意山水任蹉跎

歸舍弟寓中

鉢托天涯久還家春又初弟兄緇素別草木雪霜餘
一夕殘燈話十年征雁書相逢復何事翻笑此生虛

釋本我

字公木
初地菴

登鎮海樓

樓中何所見迢遞輿山河嶺樹經秋少江雲作雨多
城高餘晚照地盡接洪波莫問前朝事西風幾度過

嶺南五朝詩選

卷西

國朝
釋古止釋本我

古

早鴈

汀洲雁已集蘆葦未經霜絕塞來何早平沙下數行
爲誰音信遠羨爾羽毛長南國多繒繳飛鳴更可傷

釋本傳

字中戒天童木陳和尚法子住
西寧雲高菴著雲窩集未刻

詠竹

花落禪階子細看眼前紫竹一竿竿天生勁節蒼巖

不怕年來霜雪寒

觀瀑

百尺崩濤湧碧岑高風吹入野人心可憐萬派聲歸海未許尋常說賞音

溪上偶成

亭臺峰島似排衙古寺曾聞有作家誰入源頭深底處得隨流水看桃花

釋古檜

字會太雷峰名宿有雪堂詩畧未刻

答海幢不公

曾同孤嶼上簾影向江垂別後憐雲水迢遙空所思

嶺南五朝詩選卷古國朝釋本傳釋古檜 圭

林鶯啼暖日荷葉漾清漪未解酬高詠蹉跎到此時

秋夜對月寄懷崔文波

山閣初晴夜自遲碧空雲盡月華移寒光對我澄如練

幽思憑誰譜入詩北郭聽鐘思遠寺南園歸鳥憶高枝

苔階寂寂渾忘寢秋色誰當共此時

釋古義

字自破丹霞老宿著有雲水吟俟刻

過昭平峽

水長灘聲急舟行不計程千峰懸素練雙峽抱孤城

青靄林中出白雲嶺上平笑予長作客未遂住山情

新溪蘭若尋無念上座

幽蘭香不斷野客興偏長愛此新溪月來君舊艸堂有詩堪賦咏無語可商量坐到三更後雲容滿院光

將之高涼畱別禪山諸友

鑑湖好景數年別何事驅馳又問津雲水有情常作客江山無語暗迎人頭多白髮非關老鉢托朱門祇爲貧莫笑諸方仍浪迹俗緣猶自滯風塵

夜坐偶成

嶺南五朝詩選卷古國朝釋古義釋宗覺 圭

破衲孤峯豈偶然一瓢曾結住山緣商量不化盆頭米收拾勤耕谷口田

野鳥懶啼千樹寂幽林遙對百花妍閒來撥火通宵坐擬棹剡溪雪夜船

釋宗覺

字住南華

月夜泛舟聞笛

蘭棹輕搖晚烟波一望空自隨明月去流入笛聲中秋水連天白漁燈隔浦紅此心無住處搔首聽西風

釋興省

字日三住蒲澗古寺
著有紫茸軒稿俟刻

葺茅

選地棲靈性編茅屋數椽依微青霽裏高抗白雲巔
入世知無分居山若有緣最憐猿雀意相伴老巖邊

丙子二月初七日同黃積菴郭南耕羅本淵

李東園諸大士雨中分賦時積菴建大雄
地藏山門諸聯門額仍何象岡相國古蹟
也因喜而并誌之

此日山門上光輝自不同彩聯新琢句扁額舊遺風

嶺南五朝詩選

卷古

國朝高僧
釋興省

五

冒雨辭蔥嶺寒雲引牧童羣公何所似一幅畫圖中

山中雜詠

誰著玄言截衆流一壺風月自甘休木雞養就期全
德野象調馴已放鉤賓楊獨賢徐孺子瓜園頗富邵
平侯林中有水雖鳴咽不使人間怨隴頭

又

洞門深掩少逢人煮茗烹葵度夕曛百鳥常來非寂
寞四方多難正紛紜蠹魚飽腹終無賴飛隼當秋自
出羣莫向江淹思彩筆西來原不重虛文

又

開書理向古人求老去胸中散百憂映水寒梅香氣
遠近簷修竹綠陰稠空塔靜看尋腥蟻晴樹遙聞喚
婦鳩多少見山忘道者祇將情識作閒遊

又

盡把高風美首陽幾人清淨對空王蠶絲就繭爲誰
縛蛾翼投燈只自亡北塞草凋霜雪早西陵烟起戰
爭長塵中別有安閒地八德池邊晝夜涼

釋元膚

嶺南五朝詩選

卷古

國朝高僧
釋興省

五

字純覺和尙法子天目玉林和尚嫡孫
住佛山仁壽禪院著有諸錄禪草行世

郊居

借得閒房任幽居也自佳綠疇連小徑黃葉滿空齋
人境何須奪身名豈待埋山林與城市處處見吾儕

又

城上吹寒角郊西處處聞誰知鐘磬外何地不逢君
出郭三更月橫空一片雲去來無定所喧寂一時分
故人千里外寄我山中書恍惚見顏色殷勤問起居

艸堂經雨後野老閉門初寂寞無生理空函報鯉魚

又

寸絲曾不挂一鉢足生涯野鳥分中食山蜂鬧午衙
物情方自喜吾道信堪誇此意誰知者城西老作家

又

閉門雙白板荒圃半青莎自喜無征稅深居長薜蘿
百年同瞬息一日又蹉跎莫笑磨碑拙青銅不較多

又

蒼茫西野外亦有水雲村野竹斜侵徑幽花靜掩門

嶺南五朝詩選

卷四

國朝
釋元鼎

无

歲月人將老漁樵我獨尊自從來此住不復念桃源

西湖瑞開大車兄

西湖風景近何如多謝同叅遠寄書雲外見飛金翅

鳥池頭聞躍赤梢魚現成公案憑誰舉珍重閒田待

汝鋤一自鹿豐人去後不堪衰病悵離居

寄大雄主人竹鳴法弟

大雄深處彩雲層萬仞孤峯一个僧舊社振興憑鋤

斧本師遺命屬傳燈黃梅衣鉢慚先授天目門庭憶

共登廿載同叅吾獨老報恩多恐負良朋

寄石可法弟

久仰山居石老師曾從舊社想威儀尚留後會三生
話先寄同叅八句詩日落利竿看倒影年來慧命類
懸絲憑君領取黃金骨歸壙中峯好護持

釋成已

字四無江南人髫年入粵住訶林順治間
興建夢覺禪院後住靜曹溪重建慈師塔
院樓殿亭榭尤映溪漢
著有雲遊諸草印刻

舟泊清遠塔洲

塔危不可上一望倚長空昔日留題處今朝草莽中

嶺南五朝詩選

卷四

國朝
釋元鼎
釋成已

三

山晴雲半掩岸斷水能通興廢尋常事人間處處同

重登閱江樓

崧臺高與白雲齊皓首重登見舊題繞郭水流一峽

鎖倚欄天盡七星低昔年載酒人何處此日尋源路

已迷感慨頓忘歸去晚數羣飛鳥渡江啼

飛來寺訪澄公不遇

一望芙蓉迥出羣重來花雨正紛紛兩山雲氣中流

合百道泉聲下界聞石徑蕭條唯落葉洞門岑寂不

逢君扁舟欲去江河靜回首猿聲日已曛

登吳城湖亭

木蘭幾日泊吳城，獨上孤亭正晚晴。
隔水斷雲生几薄，迎人殘葉點衣輕。
古今過客唯吟咏，南北飛帆盡利名。
笑我登臨何所有，匡廬遙聽暮鐘聲。

喜得其居士入山

曹源此日喜登臨，足慰青山想慕心。
去臘已聞攜短杖，今春猶喜話長林。
天中半壑唯君我，石上清流自古今。
莫負相逢一片意，當機應許盡情吟。

釋照廣

嶺南五朝詩選

卷五

釋照廣

圭

字一門，一字濟航。南海劉氏子，入歲禮蓮池。千歲師刺染康熙壬申受本山弘顯和尚戒。癸酉若和尚繼席，命職監院。調攝四衆，年少願堅，龍象仰重。若有離忙草，嗣刻。

潮汐池

一沼涵天盡汪洋，萬派通去來千古。
意消長片時踪，暗響疑新笛寒光入古桐。
無人歌款乃，扶杖想漁翁。

月色

萬里寒光永夜明，長空淡蕩碧天晴。
看來玉兔渾無影，飛去冰輪覺有聲。
斜壁尚懸梅借白，纖塵難混水同清。
多情莫照詞壇客，對此行吟最苦情。

中秋侍方丈若和尚翫月命賦

一輪皎潔出中天，拱立羣星次第躔。
光瀉銀河當十五，香分桂子遍三千。
無窮夜色成今古，不盡時光在缺圓。
今夕倚欄人共望，清輝如獻法王前。

釋今龍

字角子，新會黃氏子。雷峯天然是和尙法嗣。先開法於江西廬山棲賢寺，後住嶺南丹霞禪院。諸利著有語錄詩文行世。

江行

去住真無着，扁舟任往還。
不驚波浪險，安識道途艱。

嶺南五朝詩選

卷五

釋今龍

圭

月色憐岐路，秋聲憶故山。
望窮何處是，蘿蔓擬重攀。

仁化江口與諸子望丹霞山

想見千峯裏，烟霞足隱淪。
林深無剝啄，谷靜少風塵。
種樹思前輩，談禪賴後人。
有求終是幻，歸去願安貧。

寄別雷峯諸子

明發卽長邁，扁舟住柳陰。
故人猶未見，倚棹獨沉吟。
舉世尚交誼，吾儕重此心。
丹山曾有約，何日慰知音。

已卯初夏予自丹霞歸雷峯承社中諸公均

有賦贈次韻奉酬

微茫烟樹接仙城一棹南歸訪弟兄白社又添新法
侶東林不減舊家聲吟成好句驚巢鶴畱下喬枝待
谷鶯世事去來何足道雲山早晚學無生

歸黃浦省墓

一自成僧遂入山鄉園纔別鬢毛斑蒲團未了多生
願塵路難辭此日艱紫水每思鄉國外白雲猶在墓
門間相逢正喜重瞻拜不覺傷懷淚暗潛

江門謁白沙先生祠

停棹樞衣謁古祠廊廡遺跡草離離世傳俎豆千秋

嶺南五朝詩選

卷古

國朝
釋今龍

三

祀人仰文章百代師幾處早鶯啼暖谷數株紅杏醉
疎籬莫言景物全非昔猶有青山似舊時

嶺南五朝詩選卷五

唐

何仙姑 五首

明

郭氏真順 一首

葛高行文 一首

劉氏苑華 四首

謝五娘 八首

劉祖滿 二十一首

嶺南五朝詩選

卷五

目錄

余氏 六首

嶺南五朝詩選卷五

番出黃登俊升氏訂定

唐何仙姑

增城何泰女生而紫雲繞室所居雲母溪一夕夢神教食雲母粉可得輕身誓不嫁往來山嶺其行如飛唐天后遣使召見中路不知所之後飛昇相傳爲八仙之一

鳳凰臺

鳳凰雲母似天花鍊作芙蓉白雪芽笑殺狂遊勾漏令更從何處覓丹砂

又

嶺南五朝詩選卷五

唐何仙姑

一

麻姑怪我戀塵囂一隔仙凡路遠遙去去滄洲弄明月倒騎黃鶴聽吹簫

又

鐵橋風景勝天台千樹萬樹桃花開玉笙吹過黃巖洞勾引長庚跨鶴來

又

寄語童童與阿瓊休將塵事惱閒情蓬瀛弱水今清淺滿地花陰護月明

又

已趁羣仙入紫微故鄉回首尚遲遲千年留取井邊履說與草堂仙子知

郭氏真順

真順潮陽周伯玉妻也天兵下嶺南捕押俞良輔征諸寨之未服者真順從伯玉居溪頭寨作此詩遮道上之良輔覽詩大喜一寨得全

俞將軍引

將軍開國之勳臣早附鳳翼攀龍鱗烟雲慘淡蔽九野半夜捧出扶桑輪前年領兵下南粵眼底羣雄盡流血馬蹄帶得淮河水洒向江南作晴雪潮陽僻在

嶺南五朝詩選卷五

明郭真順

二

南海濱十載不斷干戈塵客星移處萬里外天子亦念遐方民將軍高名邁千古五千健兒猛如虎輕裘緩轡踏地來不減襄陽晉羊祜此時特奉明主恩金印斗大龜龍紋大開藩衛制方面期以忠義酬明君宣威布德民大悅把菜一筮誰敢奪黃犢春耕萬隴雲龍夜卧千秋月去歲壺陽戍守時下車愛民如愛兒壺山蒼蒼壺水碧父老至今歌咏之欲爲將軍紀勳績天家自有麒麟筆願屬壺民歌太平磨崖勒盡韓山石

葛高行文氏

葛節婦文氏三水人少自先生之女光祿天瑞之姊也有君子亭詩賦三百餘首手鈔書六十卷少寡自誓作九騷九篇以見志

悼懷篇

青青山上松年華不可考灼灼園中花顏色不常好五月鳴蜩至八月蝴蝶老感物有盛衰豈忍歸腐艸

劉氏苑華

香山人戶部郎何藻之妻有詩一卷題曰落霞山下女子劉苑華陰

辭姊妹

嶺南五朝詩選

卷五

明

文氏劉苑華

三

同作花根葉復作葉前花花中七姊妹並蒂復連丫盈盈二八月引蔓如蓬麻春風時見而秋月明朱華一旦離長蔓裊裊天之涯北柯戀南條風飄素雲遮柔莖與綠葉望望長風沙

舟發羅水問侍女

門前瞬息是天涯剛是辭家便憶家試問羅江幾丫水送人雲裏拾春花

聽諸船梢婦打歌用吳歌體

諸船女兒打吳歌縹緲風烟接綠莎却與槳聲相應

節到來只是喚哥哥

理妝

舟中長是不梳頭今日臨妝上小樓借得烏雲撩綠髮好將時樣學蘇州

謝五娘

萬曆中潮州女子有讀月居詩一卷卷中有一詩外赴試詩而懷人寄友之詩不一而足皆被逮繫不知所坐何事又有詩贈父受二聘云卓犖黎生先有聘風流鍾子後相親桃花已入劉郎手不許漁人再問津則其風懷放誕固可知也

柳枝詞

嶺南五朝詩選

卷五

明

五娘

四

近水千條拂畫橈六橋風雨正瀟瀟枝枝葉葉皆離思添得啼鶯更寂寥

春暮

杜鵑啼血訴春歸驚落殘花滿地飛惟有簾前雙燕子惜花銜起帶香泥

初夏

庭院薰風枕簟清海榴初發雨初晴香銷夢斷人無那聽得新蟬第一聲

又

啼鳥聲中午夢回篆香重撥已成灰東風似恨春歸去吹送楊花入戶來

春日偶成

乳燕銜泥春晝長倚闌無語立斜陽桃花紅雨梨花雪相逐東風過粉牆

小園卽事

翠竹蒼梧手自栽芙蓉未秀菊先開小軒睡起日將午黃葉滿庭山雨來

感懷

嶺南五朝詩選

卷五

明

五娘劉祖滿

五

四面簾垂碧玉鈎重重深院鎖春愁天涯行客無歸信花落東風懶下樓

春夜

銀燭燒殘夜漏聲畫屏香案影孤清一庭春色無人管分付梨花伴月明

劉祖滿

一名劉蘭字蘭雪又字曉卿裔出臨陵劉虞部後其祖人粵附籍番禺生祖滿素慧而孝幼嗜古書喜作韻語每意到卽成皆得性情之正年十四月患口疾祖滿悲指供佛願以身代及火發昏絕母哭不止遂得去雙目復明孝所感也長適新會何

年廿四而逝有梅花秋閣叢桂軒諸集行世

待旦

不寐懷明發沿階掃落紅曉風斜燕子殘月語雞翁鎖冷銜金獸燈寒綴玉蟲捲簾來曙色臺鏡若爲容

聽文三娘鼓琴

一葉向秋飛文姬塞外歸冰絃調玉指銀燭靄金徽候雁隨聲度吟龍叶韻微未央今夜月擣盡受降衣

午日陳太夫人招同何李二年奴遊珠江限韻

韻

嶺南五朝詩選

卷五

明

劉祖滿

六

雀舫乘潮似渡瀘釵頭輕挂辟兵符珠遺漢浦誰家女印解湘潭楚大夫城撼怒濤搖粉堞江吞斜日浸浮屠低頭細把諸姬問適聽蓮歌記得無

春日翠圻漫成

不敢窺園兩月餘石頑當戶未經鋤風搖竹粉拖人面畫永花泥落燕廬渚芷乘春隨意綠鶴翎因雨任情梳虛堂寂歷心逾靜坐聽寒岩溜決渠

謝林孺人惠扇

雪關圖開剪月容清風如與故人逢周庭鵲翅來三

伏漢殿鮫綃下九重獻賦未能酬白羽摘文何有愧
金龍炎涼不作班姬想珍重寧辭玉匣封

聞外不遇賦此致慰

細簡魚書見淚痕子虛消息轉浮沉悲來獨抱陵陽
石散去誰憐季子金蕉鹿共知今日夢尊鱸休起故
園心承家翰墨香如許期步南宮曳履音

題望夫石

陟彼崔嵬望藁砧愁容無古復無今一峯屹立如人
影萬劫難移匪石心螺髻蓬飛青草亂蛾眉煤畫綠

嶺南五朝詩選

卷五

明劉祖滿

七

苔侵歸帆數遍窮消息時聽清猿兩岸吟

寫竹扇頭送別侯夫人并題

郵亭尊酒惜離羣墨戲簪簪酒已醺渭葉擬眠三月
雨湘枝思發九霄雲虛心蔣詡緣招客折節王猷獨
羨君對此莫輕參玉版大家留待拭啼痕

歸燕

纔得春來秋又歸思移掌上掩朱屏昭陽殿裏銷黃
口王謝堂前散黑衣坐棟呢喃愁自語穿簾頗頗爲
誰飛花泥舊壘渾無恙莫學遼東去令威

過杜美人故居

杜維陽人
解飲善書

金屋瑤階玳瑁梁當年曾貯杜韋娘傳言酒國常稱
帝更道臨池不羨王松上月留歌扇影桃根日襲繡
衣香青虬石鹿知何處莫逐巫陽返雒陽

贈錄事李小瓊

幾度傳卿眉似柳及瞻顏色勝於眉玉臉未醺常帶
酒蘭膏不沐自凝脂鶯聲婉轉歌桃葉蝶拍踟躕舞
柘枝莫向浣紗溪上過吳王曾此覓西施

訣外與鸞兒

嶺南五朝詩選

卷五

明劉祖滿

八

飛瓊曾報玉樓成將駕青虬上紫京三載未償夫婦
債一年難盡母兒情鵲辭蜀國仍稱帝鶴到遼城亦
姓丁去去不須傷往事等閒檢點白雲程

繡觀音

纓絡幢幡關巧工繡成非色亦非空慈容普向金針
現不盡婆心萬縷中

題宮人拈筆圖

倦倚西風十二樓苦吟強半爲悲秋幾回擲管題紅
葉怕逐春泉出御溝

戒弟耽奕

昔日賢臣誇運甕當朝天子貴通經而今不賭宣城
守何事朝朝向墅枰

捉蠹

有序

予性癖弄柔翰仇事女紅姻黨多舉無才
是德之語同舌錯礪直是當空一棒立度
金針因取十五國風碩人邦媛之什裂付
祖龍而牙籤初展獲一蠹魚彼亦哲生死
於文字間者也與
予同病遂感而賦

寄跡詞林歲月深一朝文字不容身早知帝虎招人
如莫附蠶書說避秦

嶺南五朝詩選

卷五

明劉祖滿

九

外命題紅葉鑰匙囊

鮮丹一夜染霜顏深鎖龍門去亦難

史生拾一紅葉化為龍去云

但向御溝沾帝澤莫隨流水出人間

再營蟾影諸娣姊以改作為言賦此貽之

宅比楊雄懶解嘲村邊紅杏蔭衡茅前身恐是烏衣

客一度春來一結巢

梅花

戲和林姑母

雪壓疎林香滿枝夜深微露濯冰肌巡簷未許塵心
賞惟有孤山處士知

玉簪花

瓊枝雕琢化工深曾伴魚釵綠鬟簪一自刈著人墮
後遂遺薌澤在瑤林

清明

萬戶千門柳色新北邨荒草沒麒麟深閨未識先賢
墓曾向書中拜古人

余氏

字玉馨給諫余經女孝廉
許烟女著有篋中集行世

從先君赴任舟過清遠峽

嶺南五朝詩選

卷五

明余氏

十

彩鷁凌晨發蒲帆直向東燒痕經雨綠敗葉帶霜紅
望寺知程近看山到水窮仙家在何處時送隔林鐘

聞夫君下第

堪笑蘓秦婦相逢不下機榮華雖可羨貧賤未全非

蓋世才何忝求人事易違但存龍劍在有日解重圍

九日

炎天霜晚雁來遲纔見黃花放幾枝乍雨乍晴重九
節輕寒輕暖暮秋時錦機有字憑誰寄落帽無人轉
白思欲步崔巍何處望雲影正參差

詠燕

二月園林桃杏開重來還識舊樓臺應知冬向山中
蟄浪說春從海上回衝雨柳塘粘綠絮掠泥花徑帶
蒼苔烏衣舊宅何人住滄海桑田幾劫灰

海棠花

海棠經雨更精神獨占園林第一春裊裊嬌紅初睡
足盈盈淡粉曉粧新祇應有艷能來蝶便是無香亦
可人只恐明朝易零落莫教惆悵怨芳辰

暮春感懷

嶺南五朝詩選

卷五

明余氏

七

九十春光似轉蓬半晴天氣霧濛濛一池新水今朝
雨蒲地殘花昨夜風畫閣簾開雙入燕碧霄雲淨斷
歸鴻韶華過眼真堪惜何日王孫馬首東

嶺南五朝詩選卷六

國朝

谷氏 二首

熊氏 二首

王瑤湘 十二首

林氏 三首

嶺南五朝詩選

卷六

目錄

嶺南五朝詩選卷六

番禺黃登俊升氏訂定

國朝谷氏

南海人蕭志崇繼室
著有鳳凰集未刻

過花田偶賦

美人重憶粵江前
草色蟲聲思黯然
玉匣已凋宮井冷
土墻仍在野狐眠
一尊濁酒愁中醉
幾曲清歌夢裏傳
最惜芳魂千載後
姓名依舊在花田

夢聽司馬長卿鼓琴

嶺南五朝詩選

卷六

國朝
谷氏熊氏

一

夢中形影自沉沉
恍到臨邛秋已深
不見文君仍賣酒
但看司馬獨彈琴
千金尚憶當年賦
一曲猶傳此日心
醒後徘徊何處是
教人無路可追尋

熊氏

名叶飛字鳳鳴一
字瑞月東莞人

閨情爲瑞雪作

歡愁不定意遲遲
別有幽情綠水湄
玉手折來堤上柳
結成如意寄相思

春情

行樂芳春日正長
人情宜暖又宜涼
幽窓綠樹鶯啼處
要是情人解斷腸

王瑞湘

字瑞湘李仁妻
歷應諸書更工吟咏
著有逍遙樓詩行

詠茉莉

美人倚西園
馨香皎如雪
清風吹翠袖
微動映疎月
粉蝶雙雙飛
似結同心結
含笑可堪憐
嬌羞伴雲髮

深廬雜詠

滅燭罷瑤琴
倚闌看月落
白露霑羅裳
徘徊聽殘角

嶺南五朝詩選

卷六

國朝
熊氏王瑞湘

二

流雲盪幽艸
松風驚野鶴
陣陣蕙蘭香
藥圃煙漠漠
寂寂伴蟲吟
幽懷誰可託

送蒂廬子歸東溪

和家大人韻

孤雁飛殘雪
梅花帶雨時
寒雲何處斷
流水結淅淅
南浦迴蘭橈
西山繞夢思
那堪湖上柳
折盡別離枝

春日閒居

空山微月色
煙樹雪初晴
寒齋屏慣掩
春鳥到樓聲

送別

落日孤鴈飛
秋深野艸稀
小樓人去後
夢憶寄寒衣

雜詩

青天一孤鴈行客腸寸斷雙蝶穿野花離別何時見

秋日

落木蕭蕭下微風動客衣獨吟殘野色秋盡晚煙

板橋黎雪娘見貽玉簪紅白各一酬以沉水

香墜并綴短章

我綰麻姑髻君貽雙玉簪自慚君子珮珍重美人

又

忽枉瓊瑤贈何當報木桃雕奩無一物點檢寸心

嶺南五朝詩選

卷六

王瑤湘

三

又

匣中沉水香刻作兩鴛鴦平生不輕贈重裹紫絲囊

閨思

煙樹寒雲籠野色晴溪疎柳隱潮聲相逢此日人何

在夢倚闌干繞月明

遙夜

讀罷殘書欲下樓霏霏凍雨不禁愁綺窓寂靜無人

到遙夜孤燈夢裏秋

林氏

原缺

嶺南五朝詩選三十五卷

浙江汪敬

國朝黃登編登字俊升號積菴番禺人是編分爲二

帙第一帙二十卷皆載詩之爲粵東作者第二帙

凡十五卷則皆粵東人詩也第一帙謂之名宦頗

爲無理無論其人不仕於粵東卽開卷之杜審言

宋之問沈佺期唐書具載其事何可以名宦稱歟



ZW 21181888575271

[G e n e r a l I n f o r m a t i o n]

书名 = 四库全书存目丛书 集部 第四 九册

作者 = 四库全书存目丛书编纂委员会编

页数 = 7 7 2

S S 号 = 1 0 4 8 7 0 9 2

出版日期 = 齐鲁书社 1 9 9 7 年 7 月第 1 版